

Deuxu Rybe Tyyriti

Karajá New Testament

This Bible is copyrighted by Wycliffe Bible Translators (Wycliffe.org) and is printed with permission by the Digital Bible Society (dbs.org) for non-commercial use.

This Bible is available for free download in a variety of digital formats at dbs.org/bibles.

MATEU	4
MARKU	32
LUKA	47
JOAÕ	72
AÕHEBO ROTÿÿNYRE	91
ROMA-Ò	118
1 ORITXI-Ò	130
2 ORITXI-Ò	140
ALATXIA-Ò	148
EFESU-Ò	152
FILIPÍ-Ò	156
ÒLÒSÒ-Ò	159
1 TESALONIA-Ò	162
2 TESALONIA-Ò	165
1 TXIMÒTXI-Ò	167
2 TXIMÒTXI-Ò	170
TXITU-Ò	173
FILEMO-Ò	175
HEBREU-Ò	176
Txiau	184
1 PEDRO	187
2 PEDRO	190
1 JUAÕ	192
2 JUAÕ	195
3 JUAÕ	196
JUDAS.....	197
APOCALIPSE.....	199

MATEU

1 Kaheka Jesuisi Kristu labiehekỹ rare. Juhuu tahe Abraõ heka Davi labiehekỹ rare. Iribi tahe Davi heka Jesuisi Kristu labiehekỹ rare.

²Ibutumy ilabiebohonimy arelyykre. Juhuu tybynimy arelyykre idi iriõrenimy: Abraõ, Ijai, Ijaò, ³Juda, Peresi, (Peresi seriõre tahe Zera inire. Isereny tahe Tamara inire.) Esraõ, ⁴Araõ, Aminadabe, Nasaõ, Salmaõ, ⁵Boasi, (Raabe, Boasise rare.) Obede, Rute, Ijese, Kie.

⁶Davi hãwyy heka Uria hãwyy juhUU raremyhỹ. Iribi Davi-wana roire. Salomaõ iriõre rare. Tii heka Roaboaõ tyby rare. ⁷Idi Abia reare. ⁸Idi Asa, Josafa, Joraõ, ⁹Uzia, Jõtaõ, Aka, Ezekia, ¹⁰Ezekia, Manase, Amo, ¹¹Josia, Jekonia, taseriõre-wana.

¹²Babilonia-ribi rohonyreu tahe tiiboho reare, Jekonia riõre wahe: Salatieli (Tii Babilonia-ki reare.) Zorobabe, ¹³Abiude, Eliaki, Azo, ¹⁴Sadõki, Aki, Eliude, ¹⁵Eli-aza, Matỹ, Ijaò, ¹⁶Ijaò tahe Jyje tyby rare, Jyje tahe Marie hãbu. Jesuisi tahe Kristu Deuxu deõdỹyna rare.

¹⁷Kia labiehekỹ sõwe tahe 14my rare, Abraõ-ribi Davi-õ wahe. Tule labieboho 14my rasõwerenyre Davi-ribi Babilonia hãwã-õ ridyreny ixideewimy aõkõ rõte-õ. Ixyby 14my rasõwerenyre. Iribi tahe Jesuisi reare.

¹⁸Kawese heka Jesuisi Kristu reare. Juhuu Marie Jy-je-wana roikremy rare. Tii ijadõmaule tahe Deuxu Tyytybytyhy ribõtõnyre. ¹⁹Jyje hãbu õbiti rare. Tai tahe ri-ixãwididỹnykemy rõhõtinyre. Kia õmo-õ rarybeõlere tuu. ²⁰Kiau ýju tamy rarybere tarasina-ki: —Jyje, Davi riõre riõre. Ahãwyy, Marie, biteõnyõke. Tuu bexihãwyyenyre. Iriõre dori Deuxu Tyytybytyhy riõre rare. ²¹Jesuisimy raninykre. Kiani tahe irybereny rare: tarasadu. Ibutumy iny dori iõraruna-ribi ritakre.

²²Iwese Deuxu rybe ihetxiu rarybere wese tahe tii wi-ji riwinyre. Kia wese ihetxiu rybe rare:

²³—Ijadõma rabõtõnykre. Iriõreni heka Emanueli rarekre.

Kiani tahe irybe-ki kia rare:

Deuxu iny-wana ratxireri.

²⁴Iribi tahe Jyje dexixade tarasina-ribi. Iwese Inynyrỹreny tuu tamy rarybere wesemy heka tii riwinyre. Tii-wana ratxiõre. Tii aõhe risỹnyõre. ²⁵Uladu reare xiery tii aõhe rira. Tamy niõ riwahinyre, Jesuisi wahe.

2 Belẽ hãwã-ki Jesuisi reare, Judeia bedeki wahe. Iõlõ Herodi iõlõmy raremyhỹ. Iu reareu, Hãbu Erytyhy mahãdu taina tỹmyramy robirenyre. Tai tahe iõlõ mahãduõ doidenyde biura-ribi Jerusalẽ hãwã-õ. ²Tii-boho rỹraxyreny: —Iule judeu mahãdu iõlõ aõbo ka-ki reare. Jiarỹboho itainamy rabirenyre tahe

nadoidenyde riwowydinyrenyky. Kaiboho teery-tenyte aõbo titxibo ratxireri?

³Tahe inyõ Herodiko relyyreny. Herodi kia rohol-areu sõwemy riõtiinyre. Tule ibutumy Jerusalẽ hãwã mahãdu riõtiinyreny. ⁴Tahe Herodi ibutumy dinodu mahãdu ributumy: Xiwena wahidỹydu dinodu, bede ywina tyyriti erydu mahãdu tule. Tahe tamyreny rỹraxyre: —Titxibo Kristu reakemy timybo tyyriti-ki rõritidỹmy roire? ⁵Tiiboho tamy rarybere: —Judeia bedeki, Belẽ hãwã-ki wahe. Kia tahe ihetxiu rybedu riritinyre.

⁶—Kai Belẽ hãwã mahãdu. Judeia bede hãwãõ. Kai hãwã yja iny rõhõtinyre. Tahe inatyhy aõkõ rare. Kai hãwã nihikỹre. Aribi dori dinoduõ rõhõnykre. Wamahãdu iõlõmy ronykre. Idinodumy rarekre, judeu mahãdu dinodu wahe.

⁷Tahe Herodi heka biura mahãdu ributumy ibutumy iny-ribi wasimy. Tamy rỹraxyre: —Tiutxubo taina rõhõnyre? Tahe rirawyõnyre. ⁸Tamyreny rarybere: —Kaiboho boibenyke Belẽ hãwã-õ. Idi tahe uladu-ki mahabenykre. Iu wadee manarybebedenykre. Jiarỹ tule tamy arakre ariwowydinykemy. ⁹Biura Hãbu Erytyhy mahãdu roholareny. Tahe roirenyre. Ryki ixityre tainamy robirenyre. Uladu tyrehekỹle ritoosõnyre. ¹⁰Iu tahe sõwemy reysareny. ¹¹Heto-õ rehemyny. Tahe ralorenny. Uladu rare Marie-wana. Tahe tatiowotimy resereny riwowydinykemy. Isarenny rirayny tamy riwahinykemy: womati tỹrỹrỹhỹkỹ, hee aderõna, aderõnatyhy wana. ¹²Idi tahe Biura Hãbu Erytyhy mahãdu rarasinny. Deuxu tamy rarybere: —Kaiboho Herodi-õ bõõsebenyõke. Tai tahe rywixira-di tasubedereny-õ rõõserenyre.

¹³Biura mahãdu tahe rõireny rahudi tahe Inynyrỹ ýju nade Jyje-õ rybemy, irasina-ki tamy rarybere: —Ariõre, ise-wana bidyke Egito bede-õ. Herodi dori uladu rubudỹmy ratxireri. Adeẽ tiu ararybekreule kaõ bõdõõseke. ¹⁴Tai Jyjeboho rummy rahenyreny Egito bede-õ. ¹⁵Herodi rubusỹtybimy tahe dõõsedenyde. Tii riwinyre iwese ihetxiu tyyriti rarybere wese, Deuxu rybedu rybe wahe:

—Wariõre Egito bede-ribi nadidyde.

¹⁶Herodi reburere. Biura Hãbu Erytyhy mahãdu dori tii riitxenanyre. Tai ibutumy uladu rirubunyre Belẽ hãwã-ki, tule ijõ iõhõ hãwã-ki. Ibutumy howýtõdu rirubunyre inataõ beõra ijõdikeki tahe rirubunyõre. Tai Jesuisi rirubunyky risỹnyre, iwese tii rareu Biura Hãbu Erytyhy mahãdu tamy rarybere. ¹⁷Kiamy ta rỹire iwese Deuxu rybedu rarybere wese, Jeremia wahe:

¹⁸ —Rama hāwā-ribi ibru-ò iny roholamyhÿre. Rakeli rare. Tii robumyhyre. Ibutumy iriòre ituere. Tai robumyhyre. Inyò riteysanyòtyhy iriòre rurureki.

¹⁹ Herodi tahe rurureu, Inynyrÿ ýju heka Jyje rasina-ki tamy nade. ²⁰ Tamy rarybere: —Bòðsebenyke judeu bede-ò. Uladu ise-wana bidyke. Kia rirubunykyky risÿnymyhyré tahe, rurure.

²¹ Tahe Jyjoboho ròirenyre judeu bede-ò. ²² Akelau tahe Herodi ròire ronyre iòlòm, tyby deròwomy. Tai kowa-ò Jyje ròirenyòre sÿmy. Rasina-ki rybeò reryre Kalileia-ò ròirenykemy. Tai tahe ròirenyre kowa-ò.

²³ Nazare hāwā-ki rasÿnyrenyrene. Kia tahe riwinyre iwese Inynyrÿ rybedu ihetxiu rarybere wese: —Nazare ludu tii rarekre.

3 Kiau Judeia bederahy-ki Joaò Sebedÿÿdu heka iny-ò rarybemyhyre: ² —Deuxu Iòlòna bededÿÿnana iòhòm, ratxireri. Aòraruna-ribi biixāwibenyke, bexirāhīke! ³ Joaòmy heka Isaia ihetxiu riritinyre kawese:

Inyò bederahy-ki ryreri: —Inynyrÿ dee ryòbiti biwinyke. Biwinyke ryò tamy kanakemy. ⁴ Joaò kamelo radetyy ityy rare. Iròdutyw iwereysanare. SeihiKÿle bi-di-wana irÿsÿna rare. ⁵ Ibutumy iny tamy ròirenyre irybe-ò roholakemy iòhò hāwā-ribi, Jerusalē, Judeia, Jordaò bero-ribi wahe. ⁶ Tamy òraranamy relyrenyrene rabadewomy tamy relyrenyrene. Tai tahe Joaò heka bero Jordaò-ki tii riratysebenyrene. ⁷ Fariseu mahādu, saduseu mahādu doide tamy riratysebenyrene. Kiau Joaò tamyreny rarybere: —Hemylala mahādu! Deuxu aòhòkÿmydÿÿnana-ribi mahenybenyòtyhy. Aòhe inatyhy? ⁸ Juhuu aòwihikÿ widÿÿna biwinybeny. Tai tahe iny rerykre kaiboho aòraruna-ribi inatyhymy texihuteny. ⁹ Fariseu mahādu, kaiboho tahòtintyteny: Abraò heka inylabiehekÿreny rare. Rikirāhīòtyhy. Deuxu-ò kia aò aòkò rare. Tamy wikeki mana-ribi Deuxu heka Abraò riòkòreò riwinykre. ¹⁰ Woma tahe òwòru-ribi iòhòm rÿira. Òwòru bederaty wiwihikÿ ihoòkeki, kedeseke. Rasòkre. Woma heka Deuxu aòhòkÿmydÿÿnana wese rare. ¹¹ Jiarÿ bedi ararisebedÿÿnyra aòraruna-ribi texirāhīteki. Jesuisi tahe Deuxu Tyytybytyhy-di ròratisebedÿÿkre heòty-wana riratysebenykre. Tii waratyre awityhymy ratxireri. Jiarÿ riwaixÿrunymy watxireri iwa ariwykeki. ¹² Tii maixòmo risykre. Maixòmo ributunyre tahyna-ò. Irÿnysi heòty-di riworonykre. Heòty itueòna heka rare.

¹³ Idi tahe Kalileia bede-ribi Jesuisi nade bero Jordaò-ò. Tii Joaò-ò nade riratysebenykre. ¹⁴ Joaò aòkòmy rarybere: —Jiarÿ tahe aò aòkò rare. Kai waratysebenyke. ¹⁵ Jesuisi tahe tamy rarybere: —Deuxu deewina heka kia rare. Rikiwinykre. Tahe Joaò riratisebedÿÿre. ¹⁶ Ròratisebenymy rahudi tahe Jesuisi ròtuòra. Biuwetyy rarayre Jesuisi tahe bòtòenimy robire, itxi dobehede, Deuxu Tyytybytyhy wahe. Rybeò biu-ribi narybede: ¹⁷ —Kia heka Wariòre rare. Jiarÿ heka sòwemy tukure. Idi wadeysareri.

4 Idi tahe Deuxu Tyytybytyhy heka Jesuisi ridyre bederahy-ò. Tai Satanasi riurihikemy tamy rehemynyrene. ² Jesuisi heka 40 txumy, 40 rummy heka aò

rirÿsÿòhy heka idi rÿire. Sòwemy heka rama risamy tai raremyhÿ. ³ Taile Satanasi tamy nade. Tahe iurihikemy tamy rarybere:

—Kai inatyhy Deuxu Riòre ahāte wana heka mana-di orotxumy biwixiranymy biwinyke ahinamy.

⁴ Tahe Jesuisi dirawyònyde: Deuxu Ritidÿÿna-ki kiamy roire: —Iny heka orotxudile aòkò irumy rÿirakre. Ibutumy Deuxu rybedile iny irumy rÿirakre. ⁵ Idi Satanasi heka Jesuisi ridyre Jerusalē hāwā-ò. Templo heto ratyre tahe ritidire.

⁶ Tahe tamy rarybere:

—Kai inatyhy Deuxu Riòre ahāte wana heka katyre-ribi ixi-di behukre bede-ò. Buruòtyhy heka be-sekeki. Deuxu taÿju kiditeònykre aramykemy. Bede-ò aòkò beseke.

Ijò tyriti rarybere:

—Deuxu araywinykre taÿju-di. Tii ýju kiditeònykre tebò-di ariijekemy. Awa ritòmonyòtyhy manatyre-ki.

⁷ Jesuisi rirawyònyre: —Tyriti tule rarybere:

—Deuxu uritere biurihioke.

⁸ Iribi Diabo heka Jesuisi ridyre hāwā-ò. Tamy ibutumy bede iòlòna riteòsinyrene. ⁹ Tahe tamy Satanasi rarybere: —Beseke atiwotimy tahe biwawowydynykeki, adee kia ibutumy iòlòna wiwihikÿ ariwahinykre.

¹⁰ —Make Satanasi, Jesuisi rarybere: —Tyriti rarybere:

—Deuxu-ò sohojile deàlana, wowodyna biwahinyke. Tiile bityhinykre. Deòdu tamy sohojile mabeke.

¹¹ Satanasi tahe Jesuisi-ribi rexitare. Ýju mahādu rehemynyrene iyubudÿÿmy.

¹² Joaò òludu heka ròtenawo-ki ritidira. Kia Jesuisi roholareu, Kalileia bede-ò ròðsere. ¹³ Nazare-ribi rare Kafanaò hāwā-ki rasÿnykre rare. Tii aho-ki iòhòre, Kalileia aho wahe. Zebulò bede, Natali bede tahe inatxi hāwā ibiòwa rare. ¹⁴ Kia tahe Isaia Tyriti rarybere wese:

¹⁵ —Zebulò bede, Natali bede, Jordaò bero kowawe-ribi ijā-ò. Ahohokÿry-ki. Kai judeukòdu mahādu bede rare, Kalileia wahe.

¹⁶ Iny kowasÿ mahādu bede luru-ki rasÿnymyhyre. Tahe tiiboho loosònahakÿmy robirenyrene. Bede lurusÿ mahādu-ki tahe Deuxu loosòna ritoosònyrene.

¹⁷ Iribi tahe Jesuisi ritelenyrene Deuxu rybe ritÿnynykemy. Tii rarybere: —Aòraruna-ribi bexirāhīke. Deuxu Iòlòna bededÿÿnana dori iòhòm, ratxireri.

¹⁸ Kalileia aho ijāti-ki Jesuisi rariamy ratximyhyre. Tahe inatxi waxidu seriòremy robire, Simaò Pedro, tule Andre ijòre. Riā-di utura rimymyhyreny. ¹⁹ Jesuisi tamyreny rarybere: —Bodoike wahemy. Iny wadee bimykere. Iwese araerynanykemy bimykere. ²⁰ Aòwesele tahe tariā ririrenyrene. Jesuisi-wana roirenyrene. ²¹ Roirenyrene tahe inatxi ijò seriòre-ki Jesuisi robire. Txiau ijòni rare. Joaò ijòre. Tiiboho Zebedeu ròire roire. Tiiboho talawo-ki ronyrenyrene riā riywinyrenymy. Jesuisi tamyreny rarybere: —Wahemy bòðoike. ²² Tai tahe tybyreny ririrenyrene. Jesuisi hemy ròirenyrene.

²³ Ibutumy Kalileia bedey-ki Jesuisi rariamyhyre. Tii judeu dohodÿÿna heto-ki rarybemyhyre. Deuxu Iòlònamy ritÿnymyhyre, Rybe Wihikÿ Tÿmyra wahe.

Sōwemy webinadu mahādu riteytenyre. ²⁴ Jesusimiy iny relyyre ibutumy hāwā hāwā-ki Siria bede ibutumy. Tai tahe sōwemy webinadu mahādu didydenyde tamy, iny tyytybybina-di, iny iumy imyremyrehēkỹ wahe. Jesusi ibutumy iny riteytenyre. ²⁵ Iny sōwehekỹ rihe-ludunyre, Kalileia bede-ribi, Debōwiò hāwā-ribi, Jerusalē-ribi, Judeia bede-ribi, tule Jordaō bero kowa-ribi.

5 Jesuisi inumy sōwemy robireu, raòwònnyre hāwālò ratya-ò, Ierydỹyna mahādu tamy doidenyde. Taile rierynadỹynumy ronumyhyre. ³ Deuxuko-ki iny ibinamyrỹimyhỹre. Kia iny tuu rexieryumyhyre, teysatyhy rare. Tii deysana sōwemy tai ratximyhỹre, Deuxu Iòlòna heka ihòròrenumy rarekre.

⁴ Robumy rỹirakeki teysamy heka rỹirakre. Ibede-wona wiòhedỹyna rybe-di heka tamy kanakre.

⁵ Kia inythy-di widee ratxireri, tii heka teysahyymyratximyhỹre. Ibutumy heka iny ihòròlehekỹle rỹirakre. Bede bede heka ihòròmy rarekre teysamy rarekre.

⁶ Inyò-ò òbitinamyr lobiximyrurukeki tahe teysamyrarekre. Deuxu tamy òbitina riwahinykre.

⁷ Inyò ruxetòena-di ratxireri. Deuxu heka tamy ruxetòena-di rarekre.

⁸ Inyò irayky òbitimyratxikeki tii heka teysamyrarekre. Tii dori Deuxumyr robikre.

⁹ Inyò ywina-di wiwana rỹirake teysamyrarekre. Ywinaò-di rarekré, teysamyrarekre. Tii dori rarinikre: Deuxu riòremy.

¹⁰ Inyò aòhòkỹmy dỹynana reuròkeki, tii dori òbitimyrurukeki, tii tulesỹ teysamyrarekre. Deuxu Iòlòna dori ihòròmy rarekre. ¹¹ Inyò umyreny relyykeki uritere hekỹle. Ruirybe-di umyreny relyykeki, aòhòkỹmydỹynana adee riwahinykre wana, tai tahe beysakre. Awimyr mohòtinykre. Kai dori biu-ò mahenykre. Tai tahe beysakre kai awimyr nohòtykre. Uritere nohòti rosarenyòmmy. Kia wese tule Deuxu rybemy rybedu aòhòkỹmy rotỹnyre. ¹³ Kaiboho heka saawesemy atximahātenyde, jyyra wesemy wahe bede mahādu iny-ò, kai dori kiamy bede mahādu tewiòhenanyte. Auri tahe urihimyo biònonykeki tahe aurihixina heka urihimyo-lemy releke. Kaa jyyra urile idi adehu rỹikre iny ityre rariakremy. Awìòhedỹyna biònonykeki tahe aòma aòkò beleke. ¹⁴ Kai loosòna wesemy atximahāte kabede mahādu iny-ò. Hāwāò hāwālò raty-ki roiikeki, tiu heka rexiwòòtyhy itỹnyhy roimyhỹke. Loosònaò iny ri-toosònykeki, tule heka tiu heka hyna rawoò-ki roiòtyhy roosòmmy. Aòma roosònanumyhyre ibutu heto jurajuramy heka ibutu ritxuxanumyhyre. Aòma tamana-ki rỹimyhỹreki wahe. ¹⁶ Kaiboho tule amahādureny awi-wihikỹmy robikeki tahe Deuxu-ò wowydina ri-wahinykre.

¹⁷ Jiarỹ heka anaòde bede ywina tuededỹymy. Anade aò Deuxu dee rybedu tuededỹymy aòkò heka anade. Anade ibutumy aòmybo rarybere widỹymy. Timybo rarybere wese heka ibutumy tuu rotỹynumy rarekre.

¹⁸ Inatyhymy adeereny ararybekre bede ywina tyyritiy-ribi tiu ijò iòòtyhy ijò sohoji ritiwedena yreò reseòhykre. Ibutumy roikre aòhebo rotỹynumyhyreò

bede konanako-txi. ¹⁹ Inyò tòhòti urihimyo bede ywina rosakeki rexidelenumyhyre iny ribedeerynyòkemy iny ritohonyòmmyhỹkemy. Hābu tahe iyjamy Deuxuko-ò rarekre, Deuxuko-txi. Inyò rityhynumyhyre irybe iny rybedeerynumyhyre. Tii tahe Deuxu Iòlòna-ò nihikỹmy rarekre. ²⁰ Kaiboho aòma fariseu mahādu-ribi awityhymy ixi-di mohòtinybenykeki. Tiu heka Deuxu Iòlòna-ò aròterenyòmmy. Kaiboho heka awi toite aòma fariseu mahādu judeu mahādu wedu ratyre heka awi boibeke. Kia aòkòkeki tahe malòbenyòtyhy.

²¹ Ihetxiu bede ywina Tyyriti kawesemy rare:

—Kai inyò birubunykeki heka iòwynamyr iny akanarubunyke. Kia heka bede ywina heka rare.

²² Tahe warybe urihimyo iwitxira bede ywina-ribi. Kai inyò-ò maraykynykeki. Tai tahe brebunahakỹ-ki tate.

Abiòwa-ò bininikeki itxỹtemy. Tamy kai marybekeki:

—Kai aòki awiòre. Tai tahe akỹnadykre heka aòma ywisidỹduko-ò araòwynykre. Inyò-ò kai mak-

yananykeki kai brebuna-ki texilòromy tate. Kai inyò deramyr mabekeki uriteremyr nodu tamy marybekeki,

tai brebuna-ki tate. Inyò òsỹny aradykre wisidỹdu mahādu-ò. Inydee ratyhymyr mabeke wana aòkò

raremy marybekeki, heòty kònana bede-ò make lau brebuna-ki tate. Iòhārure kai heòty bede-ò makemy.

²³ Kaki aòma nieru xiwena wahidỹyna-ò behemynykeki inyò-wana aòhe widee botỹnykeki òhòti rosaòlemy ahāte wana. ²⁴ Deuxu heka axiwenatewahinyòhyymyhỹte aòma xiwena bire-ki heka birike. Tahe biijeke aseriòre juhū. Aòma wana biòbitinybenyke widee

marybebenyke. Iribi tahe tamy bedehemynyke xiwena wahidỹyna-ò wahe tadevenumy atximahāte wana

hābu-ò. ²⁵ Aòma tai tahe iòraru-ki aòludumyr relera wana. Tamy behemynyke aòma timybo tii-wana widi

biywinykemy timybo adeve biòwynykemy tamy heka bitobiny òrale heka aòma rieryke urenana. Aradyhemy

aòma ywisidỹyna ube-ò, idi ywisidỹyna mahādu, idi soldado. Tai tahe bitobinyke bede rierykemy. ²⁶ Inatyhy heka adee ararybekre ròtenawo-ki malòkeki. Tiu heka

aòlòkòmmy aòma iòwy mahumyr adi ròhòtinykre. Idi mohòtinyke xiery heka bòhònyke.

²⁷ Juhū ihetxiu heka kaweselemy Tyyriti-ki rarybere: —Òtaòmmy!

(Bede ywina tyyriti-ki wahe.) Kawesemy heka jiarỹ rebedeerynywāhāre. ²⁸ Òtamyr ròhòtinykeki hāwyy-ò retehekeki òtamyr rexinohòtinykeki. Tai heka tii òta

òraru riwinumyhyre. Iwese iwitxira hāwyy-wana roireri yrubule taheka òta òraru riwinumyhyre. ²⁹ Arueò òraruna-txi araatykeki, bitake. Awityhymyr biu-ki

malòke kawesekile heka awire, Deuxusỹ-ò malòke wahe. Arue wiòmmy tahe awiòmmy biu-txi arue yremy heòty

bede-ò make tahe ibinatyhyre. ³⁰ Tule eraò bitake iurelemy era-di make biu-txi. Aumyr ibutuhukỹlemy heòty

bede-ò rakehārele tahe awiòre. ³¹ Bede ywina heka kawesemy ròhònyre iny-ò juhū wahe:

—Inyò tahāwyy ixi-ribi riteònykeki rixāwididỹnyra tamy tyyritiò riritinymyhyre. ³² Iwitxira rybe-di jiarỹ

arukile tahe hābu tahāwyy riartyra. Inyò uritere òta òtana òraru-ki ixi-ribi tahāwyy riteònymyhyre. Tai tahe

hāwyy roimyhÿre hābu wixira hābuō-wana. Tai tahe òta òtadumy kia hāwyy rininire. Adÿÿwe òraru-ò riteònyre tahāwyy riteònyre uritere òhyynaòle. Tai tahe tii adÿÿwe òrarunaòle heka riteònyre. Taile heka hāwyy hābu wixiramy heka roimyhÿre ahābuō tahāwyy uritere hyynaòle riteònymyhÿre mahādu hābu heka. Tii heka tule òtadumy relemyhÿre hāwyy òta òtaduō heka roireki wahe.

³³ Juhuu heka ihetxiu kia wesemy Deuxu tamyreny kia rarybere:

—Taholatenyete kiamy Deuxu heka uritere ruiōmy atx-imahābenyke Deuxu-ò biwinybenykemy marybemy bimykēki biwinybenyke.

³⁴ Tahe jiarÿ heka kiamy adeereny ararybekre.

Aōwidÿÿmy ixi-di nohōtirenōmy ryberenyōmy iwidÿÿmy. Ixinohōtidÿÿmy ryberenyōmy ariwinykre bi-wawiòhenanyke wana biu-ribi wawiòhenanyke wana. Uritere heka tuu ryberenyōmykre kia wesemy bi-ubrò-ki aōkō biu dori Deuxu rynana rare. ³⁵ Kiamy uritere rybeōmy bedebrò-ki aōkō aō biwinykemy aōmy mabekemy. Bede dori Deuxu idi ratximyhÿre rare. Deuxu waa elehyna dori bede rare. Jerusalē hāwābrò-ki tule aōkō, tii dori Iòlòtyhy hāwā rare.

³⁶ Tule arade-di widÿÿmy uritere dori rybeōmy kai dori awitxiranyōtyhy arade iura-ò ilyby-ò urile araykywydynakile tuu ratxike. ³⁷ Aōma araykywydynakile heka tuu riwixiranykemy idi tahōtinymyhÿte. Kiamy heka tarybemahāte iwidÿÿnamy teuremy tarybemyhÿte: —Kohe, kiale ariwinykremy marybeke ada aōkōre, ariwinyōtyhymy aōbo. Kiamy marybekeki iratylemy kohe, aōkōre myÿ aōbo. Sōwemy marybekeki tahe aōbina bi-nahakÿle heka ròhònykre.

³⁸ Ihetxiu bede ywina ròhònyre.

Inyō wixira rueō ribinadÿÿnykeki, iny wixira tule iwe-sele riwinyke. Kia widÿÿdu rue heka ribinadÿÿnyke. Rue heka wilemy raòwynyru rueōwilemy. Juhu tasÿ ÿjuòlemy raòwynyru. Jiarÿ tahe rebedeerynyre kawesemy.

³⁹ Inyō aōbinamy adee riwinykeki, aō aōkō tamy bi-winyke. Inyō aōsÿny rihetenykeki, tule iwyo-di beake rehetenykemy. ⁴⁰ Uritere aòludu-ò ixiòwdÿÿōmy. Aōma ijō aty ritakeki heka tule tamy arahana bi-wahinyke. Inyō sohoji urixinamy adee ixidinymy reake wana. Inatximy heka tii-wana beake. ⁴¹ Inyō ix-itòedÿÿmy aō aribi riwykeki tamy biwahinyke tule inyō aribi aō huòtemy riwyke wana. ⁴² Abròrò itue-di tamy òkeseōmyke iwòde-ki ihuòtemy biwahinyke.

⁴³ Ihetxiu heka taholatenyete kawesemy:

—Kai heka aō hāwā ludu mahādu luomy heka madònymyhÿke.

Aòludumy aki ratxike wana tukumy atxike teramy atx-imahāke. ⁴⁴ Tahe iwixiramy ararybekre. Aòludu heka arabedeerynyke. Tukumy mabekemy inyō aōhōkÿmy-dÿÿnana rotÿÿnyreri wana tamy rexitòenyke. Kia wese-ki heka inytyby riòremy mabeke, Deuxu riòremy wahe. Tii dori juu riòlòdÿÿnymyhÿre inybina tyre-ki wahe. Tule iny wiwihikÿ tule-ki aōma biu heka tule riteònymyhÿre. Aōma iny òbitikōdu mahādu tule-ò.

Tule òbiti mahādu tule riteònymyhÿre. Aōma tukumy ahāte sohoji ratximyhÿre sohojile kai itukukeki. Kia heka awi aōkō rare ibutumy òraru mahādu heka tule riwinyremyhÿre kia wese. Aōma urile rybedÿÿ azry mahādu, Aseriòre mahādu. ⁴⁷ Tulesÿ kia aōma aōkō rare aōma tule heka judeukōdu mahādu dori tule riwinyke, tii Deuxu rierykōre. ⁴⁸ Òbitityhymy kaiboho boibeke. Aōma jiarÿ heka arabedeerynyrenyneri biu-ki inytybyreny ratximyhÿre dori òbitityhy rare.

6 Wahisidÿÿna wiwihikÿ kai hāburu-ki iwahisidÿÿōmy iny-ò. Kai itxerenamya bi-wahinymyhÿ. Aōkōkeki tiu inytybyreny-ribi bitaòtyhy aōwy awahisidÿÿna.

² Kai biwahinykeu iny adee aōmybo rurumyhÿreó. Uritere ibutumy iny itxerenamy iwahidÿÿōmyhÿ. Inyō-ò òbiti mahādumy riwisÿnymyhÿre mahādu, kia wesemy heka tii riwinymyhÿre heka. Dohodÿÿmy heto-ki tuu riwinyremyhÿre kia wesemy tule ibutumy hāwāhākÿ ruetyawetyamy tuu riwinyrerimy ihÿre. Inatyhy dori adee rarybereri: —Aōma wahisidÿÿnatyhymy heka adee rarybereri: —Wahisidÿÿnaò ixidee ritamyhÿre. Aōbo Deuxu wahisidÿÿnaò heka adee riwahinyōtyhy. Tai heka Deuxu wahisidÿÿnatyhy riwahinyōtyhy tamyreny. Iny-ò aō biwahinykeki, abiòatyhy-ò be-lyyōke. Wasilemy tamyreny awiòhedÿÿna biwahinyke. Iny tybyreny dori ibutumy aōna aōna ròtena rieryre aōwahisidÿÿna adee kidiwahinykre.

⁵ Iwese budu mahādu riwinymyhÿre wese uritere iwidÿÿōmyke. Kia wesemy aōkō heka bexitòenyke. Ibuturu-ò rexitòenymyhÿre dohodÿÿna hetowo-ki heka lamamy rexitòenymyhÿre. Hāwāy-ki dori rexitòenymyhÿre ibutu itxerenakemy. Inatyhymy heka adee rarybere: —Atarasana ibutumy ritare. ⁶ Inatyhy dori ritare.

—Bexitòenykeu malòke aheto jurawo-ò. Ixi-di bi-ijòtòbònyke. Ierykōnamy boo ratximyhÿreò heka bexitòenymy myike. Ibutumy heka boo aōbo wasimy iny riwinyriwinymyhÿremy robimyhÿre. Tai-ki tahe bede ywina wihikÿ heka adee kidiwahinykre. ⁷ Tule rexitòenymyhÿre uritere irehemy idi lamaōmy uritere ixityre ixityremy tamy ixitòedÿÿōmy wiwesewesehyyle. Judeukōdu mahādu dori kawesemy riwinymyhÿre. Kiamy heka raraykywydynanymyhÿre aōma rexitòenyre ehehekÿkeki heka roholatyhykemy rohōtinymyhÿrenyre uritere widÿÿōmy iwese tii riwinymyhÿre wesemy. ⁸ Inytybyreny dori rierymyhÿre aōmybo iny raraykynymyhÿré. Inyboho heka rexitòenymyhÿre rierymyhÿre aōmybo inyboho rurumyhÿrenyre. Iny sōwemy rarybemyhÿrele aōkō heka tii roholamyhÿre. Aōmybo iny rurumyhÿrenyre, heka bexitòenybenyke. Kia wese:

⁹ Wahareny, biu-ki atximahāte. Anityhy iny ibutumy ri-tyhynkemy idi rierykemy watxireri.

¹⁰ Aiòlòna heka wymy kanake. Iny adeewile riwinykemy iwese biu-ki relemyhÿre wese.

¹¹ Wadeereny txuō txuō rÿsÿna bidiwahinyke.

¹² Waòrarunareny òhōti-ribi bitosadÿÿnyke. Iwese jiarÿ inyō òraruna wanohōti iribi aritosadÿÿnymyhÿre wese.

¹³ Isiratyhy urihixina-ribi heka biwayrubunye, òraruna-txi reseke lau. Aõna aõna bina-ò bidiwai-jebenyeke. Iòlòna, ruru, loosòna heka ahòròhy rare. Kie.

¹⁴ —Inyõ ariixāwidinyekei iaõbina-ribi. Tule inytybyreny riwaiixāwididỹnyeke. Deuxu iòraruna-ribi riixāwididỹnyeke. Beinareheke wana.

¹⁶ Uritere aõsỹny bedeòtiidỹỹõmy iwese budu mahādu rỹira wesemy. Tai heka byreõmy iny-di txuu rỹimy-hỹremy widi retehemyhỹre. Wiji òhõtireny reake. Heka raõwynyra inarehena irareny. ¹⁷ Tai narehereheu tainarehenyete. Atarina-di ahātemy beake aõsỹny bisuhòke. ¹⁸ Inywitzira heka anaeryõtyhy kai tenarehemy atxiteri. Inytybyreny sohojile heka rierymyhỹre. Inyõ tuu robiõtyhy. Tii tahe ibutummy aõna aõnamy robimy wasimy rỹiramy. Iribi tahe tii araõwynyrenyke.

¹⁹ Aõna aõna butudỹỹõmy tyy, nieru, aõna aõna wiwihikỹ butudỹỹõmy kabede-ki. Txuddera dori ibutummy kabede-ki tuu riroxike aõna aõnamy. Aõma rararỹnyke iaõmydỹỹna ibutummy rararỹnyke rahuke. Wasidu tamy ralòke. Iaõmydỹỹna-ò sòweò wyremy rasinyke iaõmydỹỹna-di. ²⁰ Kaki ibutudỹỹlemy heka biu-ò bibutunyeke. Tai heka txuddera aõ riròõtyhy tule rararyõtyhy. Tule wasidu aõkõ rare. ²¹ Titxibo aõmydỹỹnana ratxireri iwesele taheka arayky ratximyhỹre. Biu-ki aõbo ada bede-ki aõbo. Aõma bede-ki araykywydyna ratxireri wana heka kakile taraykywydynante. Biu-ki araykywydyna ratxireri wana heka biu-ki heka arayky aõmydỹỹna butuna raykywydyna ratximyhỹre. ²² Arue heka loosòna wesemy rare. Aumy dee itỹnyekei heka aumy ibutummy loosòna-di tỹximy rarekre.

²³ Aumy ibinakeki tahe bede loro-ki matxike. Aumy bede lorohokỹ-ki ratxikeki ibinatyhymy matxike aõma butunale-di iny ròhõtinyekei heka tiu Deuxu iny riwìhenyõtyhy. Deòdumy heka releõtyhy. ²⁴ Inatxi wedu-ki dori inyõ rityynyõtyhy. Tule heka tii roholamyhỹre ijò-ribi tahe tòhòti rosamyhỹre. Inyõ Deuxu deòdumy releõtyhy tii aõna aõna butunadile ròhõtinyemyhỹreki. ²⁵ Tai heka tuu rarybereri adeeremy. Uritere nohõtiryreõmy arỹsỹnamy tule atyymy, idi matykynkemy. Aumy dori rỹsỹna ratyre aõnityhymy ratximyhỹre. Tule aumy tyky ratyre aõnimy ratximyhỹre. ²⁶ Nawii-di inihe betehebonyke. Tiiboho heka aõðworummy aõkõ ròbròmyhỹreny. Aramyre heka aõma tarỹsỹna wydymy bederahymy tarỹsỹna riyrubunyõhyymyhỹre heto nihikỹ-ò. Deuxu biu-ki ratximyhỹré heka nawii riyrubunymyhỹre irỹsỹna tamy riwahinyemyhỹre. Kaiboho tahe iratyretyhy toite, Deuxu-ki wahe. ²⁷ Sòwetyhymy maraykywydynanyekei aõbohe, arummy aõbo ari rarehemy mariake. Aõkõre. ²⁸ Uritere nohõtiryreõmy atyymy. Betehemyhỹ inihe noijasa-di. Aõma tiiboho heka raaõmysỹdỹỹõhykymyhỹre. Tai tyky wihikỹ-di rexytynyke. Tyy ixidee riwinyõtyhy. Ihāre tahe Deuxu ritynywihikỹre heka tyy wihikỹ tamy riwahinyreri. ²⁹ Salomaõ heka itykynihikỹra. Ihāre tahe ityky heka awityhy aõkõ rare. Noijasa heka iratyre ityky wityhyre.

³⁰ Deuxu heka noijasa ritykynymyhỹre aõma noijasa heka wijilemy idi ihỹre. Biurasòmomy tahe ixāwilemy

reamyhỹre, risòra. Tii heka tyky adee kidiwahinykre. Nohõtiryreõmy tahe. Tii dori adee kidiwahinykre tykyõ. Aityhyna dori ibutetyhyre heka. ³¹ Tahe raykyõmy nohõtìõmy titxiribibo arỹsỹna bidiwyré, atyky amona. ³² Tyhydỹỹdukòdu mahādu heka kiaòle heka ritòhòtidỹỹnymyhỹre. Inytybyreny heka rierymyhỹre aõmybo tarumahāte. Ibutummy heka araerymyhỹre aõmybo taruterimahāte. ³³ Tii Deuxu aõma dỹỹnana sohojidile. Manaykynykeki heka tii ibutummy adee riwahinykre. ³⁴ Uritere nohõtiryreõmy aõbo biurasò kia aõmydỹỹnana-ò. Rỹire dori sòwemy wiji biaõmysỹdỹnanykremy biwinykré. Iwitziramy bidiwinykre iwitzira aõmydỹỹnanaõ.

7 Iny witzira witzira-di ywisidỹỹõkeki. Aywisidỹỹna wesemy heka Deuxu ruxetòena-di ywisidỹỹmy araywinykre. ² Iny teywinymahāte wesemy heka Deuxu araywinykre. ³ Kai heka òwòru nihikỹreò arue-ki ijòdikeki, aõherekibo bederarsi sòmo-di inywitzira rue-ribi bitakemy atxiteri. ⁴ Tai heka kai bobiõtyhy itarasa-ki wahe. Arue-ki dori òwòruere ijòdireki heka bobiõtyhy. Òwòru ere dori aòraruna sòwemy rỹire wesemy heka atximahāte. ⁵ Kai texibònyteri. Aòraruna-ribi juhūu bexiòbitinykre. Idi tahe aseriòre òraruna-ki biwiòhenanykre. Aòraruny-di rierymy idi òbitimy betehekere iòraruna-ribi iixitarasadỹỹmy biwìhenanykemy.

⁶ Inyõ heka utura rati mana wiwihikỹ-di rehuõtyhy aõma ixñi herina-txi. Ixñi dori ityre rariake tahe riònonyke adee heka kanakemy wahe. Iwese tule heka ijòròsa-ò biwahinydỹỹõmyke. Rybewiwihikỹ hābu òrarudutyhy-ò iwahisidỹỹõmyke.

⁷ Rexitòenykeki tahe bitake kia. Biekeki tahe tai mahake. Bihetenykeki heka iny adee riraynyke ijòtòbòna. Inyõ heka Tyby-ò rỹsỹnaõmy rexitòenykeki, mana heka tyby tamy riwahinyõtyhy. ¹⁰ Uturaõmy rexitòenykeki tahe hemylala binahakỹ tamy tiu riwahinyõtyhy. ¹¹ Kai aõna aõna wiwihikỹ biwahinyke heka teerymyhỹte auladu-ò wahe, hābu òrarudu hārele wahe. Aõbo heka tule Deuxu inytybyreny inydeeremy riwahinyke aõna aõnaõ wihikỹõ. Rexitòenykeki tahe tamy ariwahinyke. Inytybyreny heka tamy riwahinyke. Iwese iny witzira teyrubunymahāte wesele heka iny araywiny ixi-di tahõtinyamahāte wese. ¹² Tule kai aõwiwi inyõ ixidee aõhebo rotỹỹnymyhỹkemy taruteri, kiaweselemy tamy botỹỹnymahāke. Kia heka Moisesi bede ywina tyriti-ki roire. Kiale Deuxumy rybedu mahādu ribedeerynyre.

¹³ Biu bede wiwihikỹ kia ryjijòhỹtỹdile malokre. Heòty ijò bederyjò heka nihikỹ rare. Iny kia ryhykỹ irumy rakre heka isirare iny ibute kowa ralore. ¹⁴ Irumy nonona ijò tahe ihỹtỹre. Ryy heka ihỹtỹre heka ibutere iny ryhỹtỹ-di ròtedu timy bede erydỹỹkòdu-ò.

¹⁵ Bexiijebeonyke kia mahādu lau Deuxu rybe rybedu mahādu tyhymy aõkõ lau wahe. Budoeni wese ratximyhỹre inytyhy wesemy. Tawo-ki tahe inatyhy rare ahola debore wesemy heka ratximyhỹre. ¹⁶ Teeryte wesemy ibederaty-ò betehekereki. Hede-ò heka uvamy figomy tule tiu iratyõna. Iaõmydỹỹna-ò bierybenyke tiibo roiré. ¹⁷ Tii heka bierybenyke aõhebo rotỹỹnyre

wana teerytenyete. Tii heka riitxenanyōtyhy kia aōma matyty matynimy heka tiu biitxenanyōtyhy. Tule bete-hekeki, bierybenyke aōwesele heka òwòruō bierybenyke. Aōma bederatyō birỹsỹkeki tiu heka bederaty wihikỹō arỹsỹōna òwòru ratyy-ò, bederatybinahakỹ tule rierykre. ¹⁹ Òwòruō bederaty wihikỹmy raratynyōkeki heka hemy raòròròke rokoke. ²⁰ Kia weselemy heka iny teerytenyete. Aōhebo iny rotỹnyke wahe. Tai tahe terytenyete heka, tetehetenyterikile wahe. Òbiti mahādu wesemy rarybemyhỹre. Tahe òbitimy aōkōre ihỹre. Sōwemy heka iny tawedumy riwaninire. Ihārele tahe biu-ò ralòōtyhy. Deuxu tyhydỹydule tahe ralokre. Ywisidỹnatxu heka kawesemy wadee rarybekre. ²² Sōwemy iny wahe: —Wanyrỹ, Wanyrỹ, jiarỹ hewa iny iwitxira sōwemy aijyy rarybemy rare wahe. Tule heka tyytybybina reteōny my rarewāhā. Tule deytana wiwihikỹ heka ani-di rewinyhỹre. ²³ Tai tahe jiarỹ tamy ararybekre heka: —Kōrehe, kaiboho aō wamahādumy aōkō atximahāte. Umy reerykōre. Waribi bexitake. Aòraruna dori sōwere.

²⁴ Kawesemy heka iny bede eryna ratximyhỹre. Warybe-ò roholamyhỹre heka aōwesele riywiny my rityhynymyhỹre. Kia hābu hetowidỹydu wesemy heka rare. Iheto heka manatyre-ki riwinyre. Tii heka ibedeery sōwemy ihỹre. ²⁵ Biu heka beòra heka rariamyhỹre. Iu tahe biu rejuxunymyhỹre, yhy rebonyre. Tahe tiu reseōtyhy manatyre-ki dori riwinyre.

²⁶ Warybe ijohonadu tahe iwitxiramy ihỹre. Hābu itxỹte tahe warybe-ribi aōwesele tōhōtirenny rosamy reamyhỹre. Kaiboho aōbedeeryhykỹ aōkōre roire. Tii heka iwese hābu ŷnarakile heto riwinyhỹ wese rare.

²⁷ Biu risebenykeu, beòra rareareu, yhy rebonyre tahe iheto reseke, ibutumy iōre, rahura.

²⁸ Ibutumy heka Jesuisi rybe ersydỹyña-ò bede riòtiinyre. Tii heka hābu ersydỹydu wesemy tii ribedeerymyhỹre. Aō judeu wedu wesemy aōkō ribedeerynyre.

8 Tiu hāwālò-ribi dobehedeu, sōwemy heka iny ihe-my doidemide webinadu, tybina heka tamy nade.

² Wowodyna rybe-di heka tamy rarybere: —Adee wikeki heka kai biwateytenyke. Jesuisi dirawyònyde:

³ —Wadee awire, arateytenyke. Tahe tamy tebò ritytere tamy reerimy. Ityybinana riteytenyete. ⁴ Tahe Jesuisi tamy rarybere: —Boholakre, iny-ò uritere rybeōmy.

Kai tahe makre xiwena wahidỹydu-ò xiwenaō biwahinykre. Idi tahe Moisesi bede ywina raryberewesemy xiwenaō biwahinykre. Kai tahe iny rierykemy heka yteny ratximyhỹre.

⁵ Jesuisi Kafanaō hāwā-ò rehemynyre heka hābu soldado weduō tamy rehemynyre. Tii tahe Jesuisi-ò rexitōenyre: ⁶ —Wadeòdu biteytenyke raterenymy ratxireri waheto-ki. Sōwemy aōhōkōmy rotỹnyreri. Ibinatyhymy roireri rexisiranymy raratykōhykylemy. ⁷ Tai tahe Jesuisi tamy rarybere: —Rakakre, tai ariteytenyke. ⁸ Idi soldado wedu rariwyònyre: —Aōkōre, Kai hābu wiwihikỹ tate. Jiarỹ tahe hābu aō aōkōmy jiarỹ watxiwāhāre. Waheto-ò manalòōtyhy.

Karibile marybekre tamy taile taile tahe wadeòdu reytekre. ⁹ Jiarỹ dori reyryre. Jiarỹ heka tule hābu weduōmy watxiwāhāre. Soldado heka sōwemy riwatyhynymyhỹre. Iny sohoji-ò aōma rakremy rarybemyhỹre heka, ramymyhỹre. Tule ijō dee rarybemyhỹre: —Manake, tai tahe namyhỹde. Ijō dee rarybemyhỹre wana: —Kai biwinyke, idi riwinyhỹre. ¹⁰ Tai tahe Jesuisi ribedeòtiidỹnyre irybe-ki wahe. Tahe rarybere erydỹyña mahādu-ò: —Judeu mahāduy-ki tai rahaōre ijō-ki kahābu wesemy inatyhynana sōwereki. Sōwemy heka judeukōdu mahādu ritynykre kia weselemy. Ijō txu aō wiji aōkō heka riroxirenyke: Abraō, Ijai, Ijaō-wana biu-ki heka riroxirenyke bede ludu iny mahādu-wana. ¹² Judeu mahāduō ròirenyōkre tamy. Tule kaibohoō tahe aōhetykre. Ijō mahādu dori bede lorohokỹ-txi resekre. Taiki tahe irynamy rurykre aōkōmydỹyñana-ò. ¹³ Taita Jesuisi soldado dinodu-ò rarybere: —Makre, timybo wiji tahōtinymy tetyhynnyte wesemy heka rarekre. Iurele teòdu reytete.

¹⁴ Iribi tahe Jesuisi Pedro heto-ò ralòre. Iriòre lahi heka aōma rubuna nihikỹ roimyhỹ. ¹⁵ Tahe Jesuisi rimyre tebò-di tamy rerire. Idi tahe irubuna iribi ròhònyre. Tai tahe tii ronyre. Ronymy tahe rỹsỹña riwinyhỹ tamyreny. ¹⁶ Txiorotyhy my inyō didyde aōma tyytybybina nihikỹ-di ratximyhỹō. Iu Jesuisi sohoji rybeōmy rarybere tahe aōwesele iribi ròhònyre. Kia webinadu didyde, tule reytete. ¹⁷ Iwese ihetxiu Isaia ryberiti rarybere wesemy heka tule riwinyre:

Jesuisi riwinyre. Kiamy wahe. Wabinanarenny waribireny riwyre. Inatyhyre.

¹⁸ Iny sōwemy ributunyre. Tai tahe taerydỹyña mahādu-ò tii rarybere: —Rokoirenyhe kanawe-ribi ijā-ò. ¹⁹ Tai judeu mahādu, bede ywina bederydỹyduō tamy rarybere: —Awana arakre titxibo makre heka ahekile anakre. ²⁰ Tahe Jesuisi dirawyònyde tamy heka rarybereri: —Ijòrò heka ihāloo dire, ibỹtỹ dire, nawii bỹtỹ isỹ dire. Tahe jiarỹ, Deuxu Riòre Hābutyhyhykỹ wahe, wahetoōre, waherinaōre. ²¹ Ka ijō iheludu mahāduō tamy rarybere: —Wanyrỹ, waha heka rurura. Tai heka juhūu arituunyke. ²² Tamy rarybere: —Manake, wijile biwaheludunyke. Rubuōmy rỹira, rubu mahādu heka rituunykeny idi ratxireri.

²³ Jesuisi hāworo-ki ronyre tahe reurore. Ieryredỹyña mahādu riheludunyrenyre kia lawokile. ²⁴ Ahobetya-ki tahe yhy debore nihikỹ tamyreny rehemynyre. Tahe òbò nihikỹmy resemyhỹre. Uritereribile yhyhykỹ bee riòbònyra hāwò rilỹmynyke iòhòtyhyre. Jesuisi tahe rōrōmy roimyhỹ iu. ²⁵ Tai tahe ierydỹyña mahādu heka riixixadỹnyre. Tamy raryberenyre: —Biwayrubunyke, Wanyrỹ. Aōkōkeki, rukururennyke. ²⁶ Jesuisi tamyreny rarybere: —Aōherekibo kaiboho taberutenyteri? Aityhyna sōwe aōkō atxitenyteri. Jesuisi tahe rỹimy reare. Yhy debure-ò, òbò-ò rarybere: —Biyryke, bede binahakỹ. Tahe aōwesele ibutumy riyrira. ²⁷ Ierydỹyña mahādu urile ribedeòtiinyre. Tiiboho raryberenyre: —Aōhābubo tii ihỹre. Òbò, tahe yhy-wana tamy roholare. Iwese tii rarybere wese rityhynyre. Irybemynale riwinyre.

²⁸ Kalileia aho ijō weribi ijana-ò ritehemynyre. Kowa bede heka Kadara inire. Tule hābu inatxi heka tyytybybina-di tai rasŷnyrenyre wabedewo-ki. Kiary-ki tahe ibutomy iny ruberure. Iribi tahe rōhōnomy reare.

²⁹ Aōwesele heka ryrymy roirenyre Jesuisi-ò rarybekremy: —Aōwe wadireny tate, Deuxu Riòre? Kai aōbina binahakŷmy wahōrōdŷŷōmykre. ³⁰ Tahe kowa-ki ixŷni juramy riroximy rŷimyhŷ. ³¹ Tyytybybina tahe Jesuisi-ò rexitōenyre: —Biwatōenybenykeki, ixŷni jurawomy aralorenkyemy biwateōnyke. ³² Tahe Jesuisi rarybere: —Bōibenyeke hābuwo-ribi. Tahe rōirenyre ixŷniwo-ò. Ixŷni jura tahe ibutomy rejuxunyre ijōtira-ribi. Bera-wo-txi tahe rabōrōrōre. ³³ Ixŷni-di itxeredu mahādu tahe hāwā-ò roirenyre ijyymy. ³⁴ Kia hāwā ludu mahādu tahe roirenyre Jesuisi-ò itxeremy. Tai tahe tamy rarybere ibede-ribi rōhōnykemy.

⁹ Ribererenyre aōma hāwō nihikŷro-ò reurō-erenykremy kanawe-ribi ijā-ò. Tai tahe Jesuisi tahāwā-ò rehemynyre. ² Tai tahe didydenyde weryrybōō byre-di idi betyky-di ramyremynymy roimyhŷre. Tahe hābu mahādu inatyhyna Jesuisi rieryreu heka hābu dee rarybere: —Waexi, beysake, aōraruna dori reixāwididŷŷnyra. ³ Tai tahe ritidŷŷna bederydŷŷdu mahādu retehereri. Ixideele heka rarybemahā: —Kia heka ibinamy Deuxumy rarybereri. ⁴ Iyky Jesuisi rieryre tahe tamyreny rarybere: —Kai aōbo ibinamy waki tahateri arayky-ki. ⁵ Timybo heka kaiboho tahōtinyteri. Aōma iōraruna ariixāwidinyke aōbo ada iumy ariteytenyke aōbo? Aōbohe isiratyhyre wadee tahōtinyte wahe. ⁶ Deuxu-ribi waruru dire. Kabede-ki heka òraruna ariixāwididŷŷnyke jiarŷ heka Deuxu Riòre Hābu tyhyhykŷ rareki wahe. Tamy rarybekre: —Myike, abyre bimykre ta mariakre asŷ-ò. ⁷ Tai tahe hābu aōwesele rŷimy reare. Tahe taheto-ò rare. ⁸ Tahe bede inysōwetyhy heka ribedeōtidŷŷnyre. Deuxu heka wowydyna riwahinyre. Tii iny-ò ruru riwahinyreki wahe.

⁹ Jesuisi iribi rariamy rare. Tai tahe tii Mateu-wana heka witxi reare ryki: —Jiarŷ heka nieru butudŷŷna heto-ki ranymahā. Jiarŷ rebutunymahā aōma inyōwydŷŷna heka rebutunymyhŷre. Iu Jesuisi wadee rarybere: —Manake waerydŷŷnaōmy heka beleke. Tai tahe jiarŷ tii-wana heka rare aōwesele heka ihemy rare.

¹⁰ Tai jiarŷ retobinyre kanakemy waheto-ò. Waheto-ki riroxikemy taerydŷŷna mahādu-wana. Tai tahe sōwemy heka iny waery mahādu dōidenyde, òrarudu nihikŷ mahādu wahe. ¹¹ Tule heka fariseu mahāduō tai ratximyhŷ. Tahe Jesuisi erydŷŷna mahāduō kia-ò heka rarybere: —Aōherekibo Jesuisi òrarudu nihikŷ mahādu-wana riroxireri? ¹² Tai Jesuisi roholarehe tamy rarybere: —Aōma òhotibedu heka, webinadu mahādulemy aōnityhymy rarumahāre. Òhotibedu-ò kanakemy. Binadu mahādu-ò tahe tiu ararariōwyōtyhy aōma òbiti widŷŷdu mahāduōle heka anade. Warurumy rurumyhŷle mahādu ariwiōhenanykemy anade. Aō awihikŷmy ixi-di rōhōtinyreriò aōkō wahe. Deuxu Ryberiti-ki tahe kaweselemy roire:

Ixiwe heka wadee awiōre aruxetōena wadee awire. Kaiboho bierybenyke aōbo katyyriti rare.

¹⁴ Tahe Jesuisi-ò rarybere Joaō eryna mahādu: —Aōherekibo Joaō Sebedeŷŷdu kia erydŷŷna mahādu renarehemyhŷre rexitōenykre. Fariseu mahādu erydŷŷna heka tule heka renarehemyhŷre. Ihārele taheka aōherekibo abedeerydŷŷna mahādu heka tiu iwesemy riwinymyhŷre. Aōherekibo ka. ¹⁵ Taita Jesuisi dirawyōnyde: —Iu iny inyhāwyymy roimyhŷre heka iny reysamyhŷre. Aōma kia weryrybō hāwyy kialina heka teysamy ratxirerimy ihŷre. Tiu rirubunyōhymyhŷre teti-ò. Tahe aōtxumy tahe weryrybō hāwyymy heridu heka inyō ritakremy ratximyhŷre. Iu tahe renarehekre heka. ¹⁶ Uritere inyō deratyby ritōbōnyōtyhy tyytŷmyra-di. Inyō itōbōna tŷmyra-di ritōbōnykeki, raykake heka iura ranihikŷke. Aōma iwesele rare aōma vīi tŷmyra irōdutyy tŷmyrahakŷle ritidikreu. Aōma itŷmyra-ò heka irōdutyy itŷmyrahakŷle raykake.

¹⁷ Aōhe tiu vīi tŷmyra irōdutyy tyby-ò rihynyōtyhy. Inyō kia wesemy riwinykeki taheka raykake heka rejuxunykre irube. Ihyna heka rabinake. Vīi wihikŷ taheka aōma irōdutyy tŷmyra hyynawo-ki ka awimy rŷike.

¹⁸ Iu dohodŷŷdu hetoō bede erydŷŷduō heka Jesuisi-ò nade tariōre rurureki wahe. Tai ta Jesuisimy reālāre tamy heka rarybere: —Aōma wariōre rarurura wahirari wahe. Kai waheto-ò manake wariōre ruru-ribi biixixanykremy. ¹⁹ Tahe Jesuisi taerydŷŷna mahādu-wana roirenyre tii wana wahe. ²⁰ Tahe hāwyy rōhōtinyre heka: —Jikarŷ heka ityky reroti-kō karirikrekule karekytekre.

Tii dori ihālubu rihyōhy raremyhŷre waō inatxi reurō beōramy. Iòhōmy iribi reare. Ieroti wereysanakile rimymy resere. ²² Taita Jesuisi rōdōsemy reare. Tui robire tamy rŷraxire: —Lerŷ, awi heka rare. Aityhyna heka arateytenyre. Inatyhymy teyteta. Tai tahe hāwyy aōwesele reytemy reare. ²³ Idi tahe aōwesele rehemynymy reare. Judeu wiuna bedeerydŷŷdu heto-ò rehemynyre. Tai heka hāwyy sōwemy robumy rŷimyhŷ rubura-ki rawiunymy rŷimyhŷ. ²⁴ Tai tahe Jesuisi tamyreny rarybereri: —Bōibenyeke hewahe. Hirarihikŷ heka ruruōhyky roireri. Urile heka rōrōmy roireri. Tahe iny rutxuenyre. ²⁵ Tai iny sōwemy rōhōnyre iribi. Tahe Jesuisi ralōre titxibo hirarihikŷ roireriò. Deb-ò-ki rimyre tahe riteytenyre. Rexixare ixyby. ²⁶ Ibutu bede bedemyhe inina-ò roholare. Kia deytana riwinyraō.

²⁷ Tahe hābu ruetā inatxi Jesuisi riheludunyre heka. Kia hetoy-ribi wahe. Tamy heka raryberenyre: —Kai heka iòlò Davi riokore tate. Tai tahe ruxetōena-di biwawotōenyke. ²⁸ Idi tahe Jesuisi taheto-ò ralore tai rasŷnymy ratximyhŷò. Iny mahādu ihewomy rare tahe ralōre. Tamy rarybere: —Inatyhymy aōbo tetyhynytenyte, ixyby arāitxeredŷŷnykeò. Tiiboho raryberenyre: —Kohe Wanyrŷ, retyhynyre. ²⁹ Jesuisi rarybere: —Ainytyhynadireki arue tabita. Aōwesele robirenyre. ³⁰ Jesuisi heka rarybere tarurumy tamyreny uritere ijyōmykremy. Tai tahe aōma rōirenyre ibutuko relyrenyre.

³² Idita tako-ò rexidoronumy reareki tasý kia hãbuõ-txi reare tyytybybina-di ratximyhýõ. ³³ Tahe Jesuisi-ò didydenyde hãbu irybeõna kia tyytybybina òraru-ki wahe. Jesuisi tuu òlòdýnyre iribi. Tule tahe hãbu aõwesele heka rarybere iroo-ki. Kia iny ibutumy ribedeòtiidýnyre. Timy heka rarybeõhyre iko-ki juhuu raremyhýu. Tuu rabiõhe iwesedýnadumy. ³⁴ Idi tahe fariseu mahãdu rarybere: —Tyytybybina-di ratximyhýre. Tai heka tyytybybinahaký reteònymyhýre iny-ribi. Ihãrele heka Satanasi-di ihýre. Tyytybybinatyhy wedu heka ratximyhýre.

³⁵ Idi tahe ibutumy hãwã hãwã-di Jesuisi rariamy rare ròbedeerydýnyre. Judeu mahãdu dohodýna heto-ki relymyhýre, Rybewihikýmy. Tai Iòlòna kia ritýnynumy tuu relymy. Ibutumy iny bina bina kia heka riteyteny. Iny nade ihewo-ribi. Sõwemy heka iny aõna aõna bina binahaký riwinymyhýre idi rýimyhý. Titxi-bo rakre heka rieryõhykymyhýre ta aõna aõna òraru-ki idinoduõreki wahe. Tai tahe Jesuisi riwotòenymyhýre ibutumy tiiboho dori budoeni wese ratximyhýre, itxeredu ihoõreki. ³⁷ Tai tahe taerydýnana mahãdu-ò Jesuisi rarybereri: —Iny heka maixõmo sõweheký rýira wese heka iny ratximyhýre. Aõma ibutelemy heka arixidu rýira. ³⁸ Bexitòenyke Deuxu-ò. Tii heka bederomy maixõmo rýira wedu rare. Bexitòenyke tamy aõbo maixõmo arixidu-ò kiditeònykemy. Irybe-di heka raaõmysýdýnykre ibedero-ki. Ibutu bedero-ki heka idi raaõmysýdýnykre.

10 Ributunyre Jesuisi aõma tawa-ò inatxi reurò kia bede erydýny mahãdu. Tamy heka ruru riwahinyre. Aõma tyytybybina riteònykemy. Tule tamy riwahinyre ibutu binana deytana heka riwahinyre tamy.

² Kia heka tadeòdýmahãdurenynimy ararybekre. Juhuu heka Simaõ Pedro. Juhuu heka Simaõ inire, ihewomy tahe Pedromy naninide. Andre ijõ. Tii heka Pedro seriòre rare. Txiau, Joaõ-wana heka Zebedeu riòre rare: ³ Filipi tasý ijõ rare. Idi tahe Bartolomeu ijõre. Tome ijõre. Mateu ijõre, jiarý wahe. Jiarý nieru tarasaduõ rare, imposto tarasadu wahe. Ijõ Txiau tasý Afeu riòre rare. Tadeu ijõre. ⁴ Simaõ ijõre. Tii Kana bedeluduõ rare. Judasi Isariò ijõre. Tii heka Jesuisi tyhedýnydu rare.

⁵ Jesuisi taerydýny mahãdu waòinatxi reruòmý riteònyre. Tamyreny rarybere: —Judeukõdu mahãdu-ò aõkõkre reteònyre. Aõma Samaria mahãdu hãwã heka ralòõhyemyhýre. ⁶ Kaiboho heka bòibenyke judeu mahãdu-ò sohojile. Tiiboho Israeli riokore mahãduõ ihýre. Aõma budoeni reòsamyhýre mahadu wesemy tiiboho ratximyhýreny. ⁷ Aõma tamy marybebemy: —Deuxu Iòlòna biu-ki heka aõwesele kedehemykemy ihýre. ⁸ Webinadu mahãdu heka biteytenyke. Aõma iny rubu-wana witxi beakeki, biixixadýnyke rubu-ribi. Tykybina yjy yjyhyký-ribi iny biteytenyke. Tyytybybina inywo-ribi biteònyke. Iwese aõ tetate wese iòwykõ heka ijõ-ò biwahinymahãke, iòwykõ wahe. ⁹ Uritere nieru wydyõmy, womati týrýrýhýký nieru aõkõ, prata womati nieru aõkõ, cobre womati nieru aõkõ wahe.

¹⁰ Aõma anieru hyna nihiký wydyõmy, awa ijõ wydyõmy, ijõ dera wydyõmy. Aõma òwòru arirana wiòhedýny wydyõmy. Aõmysýdýnydu taòwy riwykre. Kia òbitire. ¹¹ Hetoõ malòke. Kia heka arayrubunykre. Adee riwahinykre ibutumy aõmybo rarumyhýkre. Iu hãwã-ò malokreu, hãbu ityhydýnydu mahãduõ bi-ijekre. Taihy bonykrehy tahe iwitxira hãwã-ò iribihyemy makre. ¹² Iu hetoõ-ò malòke Deuxu ywina tamy marybekre, Deuxu deysanamy wahe. ¹³ Kai awimy ityhydýnydu hetomy rýike wana, biwahinyke aalàna tamyreny. Kai òbitimy aõkõ atxiteri wana tahe uritere tamy Deuxu deysanamy tamy wahidýnyre. ¹⁴ Aõma tii arybe-ò roholaõkeki, kai hãwã-ribi bexitake taheto-ribi wahe. Tahe iribi bòhònyke tahe awabrybyxi biubýtýnyre bòhònyke. Tii tahe tamyreny rioimyhýre. Aõma tamyreny ibinatyhykre. ¹⁵ Inatyhymy heka adee ararybekre. Sodoma hãwã mahãdu, Komora hãwã mahãdu inatyhymy heka ibinare tamyreny tahe isir-aõkre aõhòkýmy dýnana wahe. Aõma kia hãwã arybe-ò raholara heka kia ratyre heka tamy isiraõkre. Kia hãwã tahe aõnityhymy aõhòkýmy rotýnykre. Ywisidýny txy heka rýekreu wahe.

¹⁶ Iwese budoeni ijòrò aholay-ki rýikre wese heka kai-boho boibekre. Hemylala erydýny wesemy heka maraykynykre. Idi tahe sõwemy aõma ywina-di maraykynybenykre bòtòewesena-di. ¹⁷ Uritere inatyhy heka aramykre araròtenykre dohodýny hetowo-ò adiralokre. Waòraru-ki heka bede dinodu mahãdu heka araywisidýnyknakre. Judeukõdu mahãduko Rybewihiký Týmyra rarybekre. Tiiboho arahãtenykre. ¹⁹ Aõ heka belyke ikoreny ibutumy roholakemy. Aramykeu heka uritere nohòtiòmýke aõmybo marybekremy ywisidýny-na-ki wahe. Bede heka ariwahinykre rybe ibededýny-nanau. Rybeõmyke, urile rybeõmyke. ²⁰ Kai ixiwanale aõkõ marybeke. Aõma Deuxu Tyytybytyhy arãwiòhenanymyhýreny. ²¹ Inyõ heka taseriòre rityhenykre. Tybyõ tule tariòre rityhenykre. Aõma iriòre tasý tyby-ò iky reakre idi rirubunykre. ²² Ihyy ibyrymy heka aluu aõkõkre waòraru-ki. Ibutumy iny deramy rarehyke waòraru-ki: Inyõ tule òbitimy rarekreki, ikonatanxu-u, Deuxu Iòlòna-ò ralokre. ²³ Tahe anatakre. Aõma hãwãhãkýõ-ki atxikeki mahenykre ijõ hãwã-ò. Ihewoludu ikonana hãwã hãwãhãký-ribi behemyky-ribi tahe adòòsekre. Judeu hãwãhãkýõ-ò behemykykrekõule tahe adòòsekre, jiarý Hãbutyhyhyký wahe.

²⁴ Aõma bedeerydýnydu mahãdu tahe aõma ierydýny mahãdu ratyre rare. Tule iwedu deòdu ratyre heka ihýre. Iwesereny tahe boibebenykre. Tahe awedu tate. Inyõ tahe riwarinimyhýre Satanasi, Belisibu wahe raremy. Tahe iwesele heka iny aranikykre waweselemy, ibinatyhyre wahe. ²⁶ Jiarý adee wiji relyreri. Biurasòmý heka tuu bedelyykre ibutu ijohonanamy adeereny relyreri. Wasimy wijirumy adeereny relyre. Biurasòmý tahe ibutu ijohonanamy tuu belyybenykre. Uritere ilau brebuòmý. Aõbo wasimy rýire heka ibutumy ratýnykre. Uritere ilau brebuòmýke. Adeekre rirubunykre aty-tyby ta rirubunyõtyhy. Iruruõre dori atytyby rirubun-

yké. Deuxule tahe bityhynke. Tii dorihe iruru-di heka rare. Tii bede luru-txi heka atytyby bede luru heòty-txi heka adi rehuke. Bityhynke idile maraykynke. Hābu lau brebuõmy hābu aõbina bina riwinymyhÿre lau brebuõmy. ²⁹ Nawiiõ iny riwymyhÿre womati nieru iyja-di, iòwy riòre iny heka riwymyhÿre. Ibutumy heka Deuxu nawii rieryre sohoji sohojimy. Tiu heka Deuxu rieryõhyymyhÿre nawii sõmo rurumyhÿreu heka tiu rieryrykõmy idi reteheòtyhy. Kiawese aõbo tahõtynmahāte. Aõkõre, inatyhymy idi retehemyhÿre. Ijõ rurumyhÿreu heka tuu robimyhÿre. Aõma Deuxu heka anaerymyhÿre nawii sõmo ratyre heka aumy rierymyhÿ. ³⁰ Ara erymy heka aõma arati-ki tiwesebo radeti rÿimyhÿre heka rierymyhÿre. ³¹ Breburenkõmykre, kaiboho dori nawii ratyre Deuxu-ò toite. ³² Kai marybeke: —Jiarÿ retyhynke dori tahe umy arelyyke. Jiarÿ heka umy ararybeke inynyrÿ dee biu-ki wahe. Iny sõwehekÿy-ki riwatxiõnykeki tule aratxiõnyke jiarÿ Wahako-ò. Jiarÿ heka suò anade.

³⁴ Aõ ywina wydymy aõkõre heka anade. Jiarÿ heka ywina aõkõre diwyde. Bedejeiejidÿÿmy anade iribi wadee wou rÿikremy. Hābu heka tybe òludumy rarekre.

³⁵ Tule hāwyy tadi òludumy arisynkre. Tule iriokorese tariòrelahi òludumy arisynkre. Aõma inyõ òludu heka tasÿ mahādu òludumy rarekre.

³⁶ Boluu adireny boreny heka boibekre. Kia luumy heka boibekre. Tai tahe iratyremy boibekre aõkõkeki tahe waluuõkeki tahe wahõrõ mahādumy aõkõ boibeke.

³⁷ Kaweselemy boibeõkeki. Tai tahe kai wahõrõ mahādumy aõkõhe mabekre. Aõma biyrurubunutyhykeki tahe kai ihārele aõkre. Aõma kai waòraru-ki aõhõkÿmy botÿÿnykeki wadee waaõmsÿdÿÿ òraru-ki inyõ anarubunyekeki aõhe adee rutÿÿnykeki. Tai tahe aumy ròhònykre inyõ tasÿ-ò aradykeki iwese tii tasÿ-ò riwadyra wesele heka aradykre.

⁴⁰ Tii riwadyra wana Deuxu heka ridymyhÿre riwateònyreki wahe. ⁴¹ Deuxu rybeduõ bidybenyekeki. Tii Deuxu-ò arāwahinykre. Deuxu adee uriiõno kadiwahinykre. Adeereny kidiwahinykre. Wahisidÿÿna ritakre wese heka tule kai bitakre. Adeereny ararybekre. Deuxu hõrõ mahādu heka bimymahābenyeke. Aheto-ò bidybenyeke hābuwi ihÿreny. Tiiboho dori wese uriõno ritarenykre wesele kaiboho bitabenyke. ⁴² Kai uladu-ò bemonāõ biwahinykeki bedi imonamy. Tai tahe kanakre inatyhymy adee aõ kidiwahinykre. Kai waòraru-ki ityhydÿÿdu-ò bee biwahinykeki, inatyhymy heka aõwy adee kanakre.

11 Jesuisi heka rexihure aõma taerydÿÿna mahādu waòinatxi bedeerydÿÿna-ribi. Kia bede ywina tamyreny riwahinyre. Rexihureu tahe rare ròhònyre iribi hāwā-di. Aõma rybe ritÿnydÿÿmy rakremy hāwā hāwā-ò.

² Idi tahe ròtenywokile heka iu Joaõ roimyhÿ. Aõbo Jesuisi tahe iu aõna aõna wiwihikÿ ritxienymyhÿreu heka Joaõ tamy roholare. Ròtenywo-ki roimyhÿ-ribi. Idi tahe Joaõ taerydÿÿna mahādu riteònyre Jesuisi-ò dÿÿraximy: ³ —Kohe, anaraòdenyde tate. Aõma Deuxu

deòdÿÿna wahe kanakre aõbo ihewo-ribi. Ari-raòrenykre aõbo urihimyo. ⁴ Tai Jesuisi rirawònyre: —Aõma bòòsebenyeke ixybyle Joaõ-ò. Belyybenykre ikò aõna aõna wiwihikÿ rewinyre arureny-ki tule tabite wamyreny. ⁵ Aõma iruetàhàkÿ heka. Reruedÿÿnymy rare wahe. Itiere tasÿ retinywāhāre dinoduhukÿ ityy reytemyhÿre. Aõma ijõ Rybewihikÿ Tÿmyra roholaõhyymyhÿre tasÿ tule reijohonadÿÿnyre. Aõma rubu tule rubu-ribi reixixadÿÿnyre. Rybewihikÿ Tÿmyramy heka retÿnydÿÿnyre ibutu iny-ò wahe, iny aõkõ mahādu-ò wahe. Tule Joaõ-ò marybebenyeke kaweselemy wahe. ⁶ Maratyhybenykeki, beysabenyke.

⁷ Iribi ròhònyreu tahe Jesuisi heka rarybere Joaõ bededÿÿnanamy. Aõmybo wahe Joaõ-di ròhòtinyreny aõmy tuu bedi nohòtinyreny tamy itxereny bederahy ròirenyreki wahe. Otxirade wese yhy-ki tahòtinyteri.

⁸ Ada aõma hābu urimynodutyhymy aõbo idi ròhòtinyreny. Aõma butòre wesemy idi ròhòtinyreny. Ada iwixiramy aõbo idi tahòtinyteny hābu tywihikÿdiremy idi rahòtinyteny. Iòlò taheto wihikÿ-ki ratximyhÿre. Aõkõre, kia iny heka aõ Deuxu rybeduõmybo tahòtinyteny. Inatyhy tii kia rare.

¹⁰ Iratyre heka tii rare. Aõma dori Tyyrity-ki rarybemyhÿre:

—Tii heka wako-ki kadehemynkremy ratximyhÿre, wamy relykemy, wary riywinymyhÿre.

¹¹ Inatyhy heka rare. Tii heka ibutu hābu ratyre ratximyhÿre. Ihārele tahe heka Deuxu Iòlòna-ki heka ijõ iny iratyre ratximyhÿre. Hābu binahakÿ heka Deuxu Iòlòna-ò raaõbinanymyhÿre. Joaõ rexideleny rybe itÿnydÿÿmy rexidelenyreuhyyle heka ritelemy ralore. Tule wiji nalòmhyde sõwemy. Iu Joaõ rehemynkõle heka tuu rarybemyhÿre ibutu Deuxu rybedu mahādu heka tuu rarybemy raremyhÿ. Tule Moisesi bede ywina kia rarybere. Tii Eliasi wesele ihÿre. Tetyhynyteny aõbo. Iwese Deuxu rarybereri wesemy heka tii nade.

¹⁵ Inyõ ierysomy rurukeki, roholake wiji. Aõmybo ararybekre kainymy tiwesebo rÿimyhÿremy. ¹⁶ Tiiboho heka iwese weryry uladu risinymyhÿre wesemy ihÿreny. Kiamy heka tiinamahādu-ò rarybemyhÿre: ¹⁷ —Jiarÿboho heka aõma wiunawihikÿ-di rawinymyhÿreny. Idi tahe teysatenyõhyymāhāteny. Tahe wiuna bederarysyna-di heka rawinymyhÿreny. Ta bede woõhyymahātenyteri. ¹⁸ Joaõ Sebedÿÿdu heka riroxiõre. Vÿimy riõõre. Inywesereny tai tarybeteny: —Tii raitxÿtemy ihÿre. Tytybybina-di ihÿre. ¹⁹ —Jiarÿ Deuxu Riòre heka rehemyny Hābutyhyhykÿ wahe. Jiarÿ reroximyhÿre. Reõmyhÿre tahe kiaboho heka waluu aõkõ heka toite. Urile heka wamy tarybemyhÿteny wabyre nihikÿremy wabemomohõkÿremy. Aõma òrarudu kia liinatyhy heka jiarÿ rare. Aõ ikõkõlemy heka taraykynymyhÿteny ihārele taheka òbitilemy ixi-di tanohòtimyhÿteny.

²⁰ Jesuisi heka sõwemy aõwiwihikÿmy riwinymy raremy. Ihārele heka imahādu rityhynyõhyymyhÿre heka. Kia Jesuisi heka rarybere kia hāwā mahādumy.

²¹ Orasi hāwā aõ heka adee binatyhymy kanakre amahādu-ò wahe. Besaida hāwā mahādu, kaiboho aõ-

na aõna wiwihikÿmy tabitenyete ahãwãreny-ki. Tiu heka ixi-txi õhõtireny reaõhykymyhÿre. Jiarÿ aõma Tiro hãwã-ki Sidõ hãwã-ki aõna aõna wiwihikÿ ariwinyre wana inihe heka ixi-txi tõhõtireny reare iniheka saumy tyky rexytyynyre tule brybysi ixityrereny heka rexi-humy. Sidõ hãwã Tiro hãwã heka urihimyò adeereny isirakre. ²³ Kafanaõ hãwã mahãdu! Kaiboho heka tule ixitxireny õhõtireny reaõhykyre. Aõma kaiboho heka awireny ixidireny tahoõtynmahãtenyete, awityhyremy. Kaiboho heka õhõtename bekoabenykre bedebina heõtthykÿ-ò dori besebenykre. Sõwemy dori aõwiwihikÿmy kaiboho tabitenyete. Deysana wiwihikÿ-di wahe. Tiu heka ixi-txi õhõtireny reaõhykymy aõrarureny-txi. Aõ wiwihikÿ Sodoma hãwã-ki rewinyre wana wahe. Tiu heka rabinaõhyre inihe heka wiji-ò. Aõkõ botÿÿbenykre aõma Sodoma hãwã ratyre heka aõhõkÿmy botÿÿnybenykre, Deuxu ywisidÿÿnatxu.

²⁵ Tahe Jesuisi rexitõenyre Deuxu-ò: —Waha, biu be-de-wana iwedu atximahãte. Kai uladu-ò aõna aõna tetÿnynyete. Tewõmahãte heka kia ibedeeryhykÿ lau heka tewõmahãte. Kai ixi-di bedeeeryhykÿmy rõhõtiny-myhÿre lau wahe. ²⁶ Tii heka adeewinare. ²⁷ Ibutumy heka Waha wadee riwahinyre tii heka riwaeryre. Jiarÿ tule tii reeryre. Aõma ixidee wikeki inydee aritedõsinyke. Timybo Waha rare. ²⁸ Elehydÿÿmy buruke aõbo? Manake wadee. Jiarÿ heka araelehyntykre. ²⁹ Walõtityreherina ixidee bitidibenyke. Tai tahe wawana maaõmysÿdÿÿbenyke. Arabederyntykre heka ywina-di. Aritidiõtyhy heka aõ utxiehekÿ atyrereny. Elehyna adeereny ariwahinykre awo araykyreny-ò.

³⁰ Aaõmysÿdÿÿna adeereny rewahinyomyhÿre isiraõre heka. Iutxiemy aõkõ rare.

12 Sabado txuu, judeu elehynatxu Jesuisi rariamy ròirenyre maixõmoni oworuro-ki. Tahe rekoareny aõma maixõmoni oworuro-di heka irenyre. Kia heka tahe Jesuisi taerydÿÿna mahãdu heka riarimyhÿre aõma riyrenykremy rama rahuraki. ² Iu-ki tahe fariseu mahãduõ retehemy ratximyhÿre. Tiiboho tahe rarybere kia Jesuisi-ò rarybere: —Kia hewa rebuna rare aõma sabadotxu riwinymyhÿré: —Aõhereki-bo aerydÿÿna mahãdu iu riwinyrereri. ³ Tahe Jesuisi tamy rÿÿraxire aõma ijyymy ikoreny relyyre iwese Davi riwinyre wesemy heka riwinyrereri ramy rahureu. ⁴ Davi riki heka ralõre Deuxu dohodÿÿna hetowo-ò heka ralõre. Tai tahe rirÿsÿmyhÿ kia aõma xiwena-ki heka riymy. Kia orotxu heka aõma xiwena-ò hidÿÿna mahãduòle rÿimy. Tahe ihãrele heka riyrenyre heka. Taijoi mahãdu-ò riwahinyre. ⁵ Kia wesemy aõma tariakõte bede ywina tyriti-ki wahe. Aõma xiwena wahidÿÿdu heka rityynyõhyomyhÿre. Aõma sabadotxu kia wahisidÿÿna. Xiwena bede ywina wahe. Iu dohodÿÿna hetowo-ki ratximyhÿu. Tii heka sabadotxu bede ywina rityhynyõhyomyhÿre. Tahe heka aõbina bina riwinyrenyõhyomyhÿre. Kia tahe heka tule heka bede ywina tyriti heka ritidÿÿna roire. Idi tariatenyõte.

⁶ Inatyhymy heka adee ararybekre. Inyõ kaki ratxikeki jiarÿ heka kaki heka inyõ ratximyhÿre aõma dohodÿÿnahakÿ heto-ki wahe. Dohodÿÿdu mahãdu ratyre heka

watximahãre jiarÿ wahe. ⁷ Kiamy heka ritidÿÿna rÿimy-hÿre. Jiarÿ heka xiwena luure ihãre tahe sõwemy heka iratyre ruxetõena luure. Jiarÿ aõma xiwena luure ihãre tahe iratyre heka aõma ruxetõena luure sÿ. Kaiboho terytenyete wana. Aõma heka ibinamy tarybehyynyhÿte inyõ teõsamy ratxikeò. Aõma aõ riwinyrenyõhyre. Kiamy wahe. ⁸ Jiarÿ dori Deuxu Riõre Hãbu watximyhÿre. Jiarÿ tule aõma sabadotxu wedu wãhãre.

⁹ Tai tahe Jesuisi nade heka ixiby aõma tohodÿÿnareny heto-ò. Ralõre heka sabadotxu. ¹⁰ Hãbuõ ratximyhÿre debò binare. Debò rayjayja ihÿmyhÿre. Tahe fariseu mahãdu heka Jesuisi-di mynamy ratximyhÿre. Aõ rybebinamy rarybeke õraru-ki rimykyre. Tai tahe rÿÿraxire Jesuisi-ò: —Timyrebohe rebuna aõbo sabadotxu deytetÿÿ ada aõkõre aõbo. ¹¹ Tai ta Jesuisi rirariwõnyre: —Kaweselemy rõkõhõtinyrenyke. Kai heka aõmy abudoeni sohojilere. Sabadotxu heka reseke hãlooro-txi aribi. Timybo mohõtinyke aõma bitake hãlooro-ribi. Inatyhyre aõbo. Sabadotxu hãrele bitake. Kohe, inatyhyra. ¹² Hãbu heka budoeni ratyre heka iõwy rare. Aõma sabadotxu aõwaxinyre heka reyteke. ¹³ Tai hãbu-ò rarybere Jesuisi: —Ebò biditytyke. Debò ritytyra ta wiwesele debò relere awimy. ¹⁴ Fariseu mahãdu heka wii ributunyre, iribi rõhõrenyreu wahe. Widee raryberenyre: —Aõma timybo rikisÿnyrenykre rikimynyrenykre rikirubunyrenykre.

¹⁵ Tahe Jesuisi rierymyhÿ kiamy rarybermyhÿreny heka roholamyhÿ. Tahe Jesuisi rierymy heka. Iribi irehemy ratximyhÿreny hãrele, rierymy heka. Iribi tahe rexitare heka hãwã-ribi wahe. Idi heka ihemy heka rare riheludunyre. Sõwemy heka webinadu ihemy rare. Ibutumy riteytenyre. ¹⁶ Teyteydÿÿna mahãdu-ò rarybere: —Uritere itÿnydÿÿõmykremy tuu ijyõmykremy inyko-ò. ¹⁷ Ihexiu Isaia tyriti-ki heka kawesemy rÿimy-hÿre. Tii heka Deuxu rybeduõ rare.

¹⁸ —Kaheka Wadeòdu rare. Tuure heka jiarÿ, tii heka retare. Rehixinyre. Tii heka deysana wadee riwahinyomyhÿre Tatytybytyhy tamy ariwahinykre. Ywisidÿÿna txuu heka ibutuko-ò relyyke.

¹⁹ Tii heka rryõtyhy rebureõtyhy heka inyõ-wana widee. Tiu heka inyõ roholaõtyhy irybe dee. Ryki heka inyõ irybe-ò roholaõtyhy.

²⁰ Aõma bõtõreõ irybõhõmy roikeki. Tii raòrõõtyhy. Txuheõtjurà loosõna urihimyòekeki heka tiu ruriõtyhy eleti-di. Tii ritakre iaõbinana, inatyhynaõ binana wahe.

²¹ Ibutumy heka irarõsõna iribi ritakre.

²² Hãbu rybeõ ruetãõ heka iny didydenyde Jesuisi-ò wahe ralõmyhÿreki wahe. Tii tytybybina iwo-ò ralõmyhÿreki wahe. Jesuisi tytybybina riteõnyre. Tai irue heka awimy relere rarybere. ²³ Ibutu iny sõwe heka heka ribedeõtidiõnyre. Widee tahe raryberenyre: —Ka heka Davi riore riõre õsana rare, Deuxu deòdÿÿna wahe.

²⁴ Tahe fariseu mahãdu-ò roholare. Tahe rarybere Jesuisimy: —Tii inatyhymy tytybybina riteõnymyhÿre inywo-ribi. Aõma tytybybina wedu ruru-di heka riteõnymyhÿre. Belisibu ruru-di wahe. ²⁵ Jesuisi heka rieryre iraykyreny. Tai tahe tamy rarybere: —Ijyymy heka tamy rarybere. Iòlõna mahãdu wiribi ibutumy rexi-

hitxinykeki tahe rexihukre ibutumy wiribireny. Tahe hāwā mahādu taijoiy-ribi rexihitxinykeki, awi aōkō rare tai wahe. ²⁶ Wiribi rexihitxinyke wana. Tule awi aōkō rare tai wahe. Aōma Satanasi rexideōnykeki tahe tayreny-ribi rexitake. ²⁷ Belisibu ruru-di tytybybina ariteōnyke wana aōdibohe aheludu mahādu riteōnykemy ratximyhýre. Tiiboho heka aywisidýý-durenymy ratximyhýre. ²⁸ Jiarý Tytybytyhy ruru-di ariteōnykeki heka kaiboho arurunareny Deuxu-ribi nade. Iòlòna adeereny rehemynyreri. ²⁹ Inyō heka hābu rurutere hetowo-txi ralòōtyhy wasimy wahe. Tai rawasinymy ratximyhýkeki tahe urile juhū hābu ri-taataake. Idi tahe iheto-ribi aōdibo rawasinymy. ³⁰ Inyō wabiōwamy aōkō ihýre wana heka, waōludu rare. Inyō wawana ibutumy ratxiōmyhýre wana tahe raybātāmyhýre. ³¹ Inatyhymy jiarý adee anarybekre. Ibutu òraruna kanaixāwididýýke. Hābu aōtxile aōbina bina rarybemyhýre. Sohojile taruxāwidýýōtyhy. Aōtxile inyō aōbina binamy Deuxu Tytybytyhy rarybekeki. Tii aōraru rataōtyhy. Kia heka òraruna tiiehyymy rarekemy ihýre. ³² Hābutyhyhýký heka Deuxu riōremy aōbina binamy iny rarybekeki, wamy wahe, tii tahe ixāwidina dire. Deuxu Tytybytyhyhymy rarybekeki, tii tahe iixāwidinyōhyre. Tiehyy kia òraruna-di rareke. ³³ Jesuisi rawesenanyre iny òwòru wese rare. Òwòru awimyrýike wana, tai heka iratywihikýō-ki iny rahake. Ruru rasunymyhýre raruburerimyr ihýre. Kia tasý iratywimyr aōkō rýike ibinamy. Aōma òwòru iny rierymyhýre aōbo iribi iraty dejuxunymyhýde òraru-ki iny rierymyhýre, awire. ³⁴ Kaiboho heka hemylala mahādu wesemy atximyhýtenyete. Kaiboho heka abinatyhymy ahātenyete. Timybo heka kaiboho aōwihikýmy marybebenyke. Arayky aōbina bina hakýlemy tōhōtynyeri wana. Tai taheka ary tuu rōhōnyke ary tuu rarybeke. Aōma hābu wihikýō ratxiremyhýre wana aōnana wiwihikýle tarayky-ki riyubunymyhýre. Tii heka rarybemyhýre. Hābu bina tahe tarayky-ribi ibinalemymy rarybemyhýre. ³⁶ Ibutumy aōmybo iny rarybemyhýre heka ywisidýýna txu tuu rarybemyhýre rierymy timykibo tuu rarybere wahe. ³⁷ Òrarukibo rarybere: —Arybe òraru-ki heka ywisidýýna-ki atxiteri. Bitakemy aōbo ada aōkōre aōbo.

³⁸ Bedeerydýýdu mahādumy heka fariseu mahāduō tamy rarybereri: —Erydýýdu, wadeereny biteōsinyke awiwihikýō. ³⁹ Jesuisi dirawyōnyde: —Iny kamahādu heka ibinatyhy rare aō awiwihiký rexitōenymyhýre. Abina binale wahe. Aō wihikýle bobiōtyhy. Tahe sohoji aōwihikýōmy heka mohōtynyke. Jonasi widýýna wahe. ⁴⁰ Jonasi Deuxu rybeduō widýýna wahe. Tii inataō txu inataō rummy uturahaký wona-ki ihýmyhýwesemy. Iwese Deuxu Riōre Hābutyhyhýký bede-ki rarekremyhý wesemy inataō txumy inataō rummy. ⁴¹ Ninive hāwā mahādu heka roholarenymy tōhōtirenymy reare. Iu Jonasi rybe ritýnydýýre wahe. Tahe inyō kaiboho tamy taholatenyete. Sōwemy heka iny Jonasi ratyremy ihýre. Ihýrele kaiboho ixitxirenymy òhōtirenymy reare. Ninive tamahādu tahe ibinany adeereny rarybekre. Ywisidýýnatxu wahe. ⁴² Iòlò Hāwyō heka ibòò irehe-ribi nade.

Aōma Salomaō bede erydýýna-ò roholakemy. Kaiboho heka inyō-ò taholatenyete. Salomaō ratyre heka sōwe inihiký ihýre. Ihārele ta ixitxi nohōtirenymy reare. Ywisidýýnatxu heka Iòlò hāwyō ibinanamy kýnarybekre umyreny wahe. Ywisidýýnatxu. ⁴³ Aōma tytybybina hābu-ribi rōhōnykre tahe elehydýýna riijekre. Aōma bedebinana tōteeheký tahe tuu reare. Ihýre tahe tai rahaōhykre elehyena-ki wahe. ⁴⁴ Tai tahe ixidee rybekre: —Aròōsekre kýhe. Iribi ranywýhýre ò anakre. Tai tahe kia hābu-ki rahara. Tyrahakýmy iwo-ki iruxeramy. ⁴⁵ Tai tahe ijō-txi reare. Debò inatxi reurò tytybybina-txi iratyre tyhy wahe ibinare. Tai tahe ridyke tahābu-ki rasýnyrenymy. Kia hābu heka iwese juhu raremyhýre ratyre ibinamy ratximyhýre. Kaiboho heka kia tytybybina wese atximyhýtenyete.

⁴⁶ Jesuisi tahe ijō-ò rarybere ijō ijoi-ò, tai tahe ise rehemynyre, iseriōreboho-wana. Sōwemy iny mahādu-ò heka rarybere. ⁴⁷ Inyō tamy rarybere: —Inyō heka arāijereri adi ahelýýna. Kie heka rehemynyreri adee rarybekemy adi ratxireri. ⁴⁸ Jesuisi dirawyōnyde: —Mota heka nadireri, mota heka waseriōrereri? ⁴⁹ Tai tahe tebòhe riteōsiriteōsinyre taerydýýna mahādu-ò. Ka heka nadi rare. Ka heka waseriōre. Ka ijō heka waseriōre. ⁵⁰ Wahadeewi riwinymyhýreki tahe, tii heka nadi rare. Waseriōre rare. Waha dori biu-ki ratximyhýre.

13 Itxu taheka Jesuisi rare heto-ribi Kalileia aho ijā-ò. Tahe tai ronnyre. Tahe rexiterenymy Jesuisi iny ribedeerenymy. ² Tai ibututyhymy heka iny wirotyre. Tai tahe Jesuisi rexitarenymy urihimyo hāwororonymy rexitarenymy. Iny sōweheký mahādu tahe aho ijākile heka roholamymy rýimyhýre. ³ Tii heka relyymyhýre aōma ijyyō relyyre: —Aōna aōna wese ijyy rawesenanyre. Hābu alòbòròmy rara. Tii heka alòbòròna dehudu rare. ⁴ Ijō heka idi rehumyhý heka ijō ryro-txi resere. Nawii heka riròmyhýre riore heka. ⁵ Ijō tahe rejuxunymy aōma manarutysu-txi. Tii tahe raumynymy aōwesele. Iraruxiōlemy heka rýimyhý suu ibutureki. Idi bedetòtee rimòedýýnyre. Idi tahe rurure. ⁷ Òwòrudýý resere edey-txi. Idi ta ruhunymy edewanale. Idi tahe ede riòdesedýýnymyhýre. Tai heka raratynyōlemyhýre. ⁸ Ijō tahe resere suwitxirawihiký-txi. Tai tahe sōwemy raratynyre. Sohoji òwòruty-ribi tahe 30my raratynyre iraty wahe. Ijō 60my raratynyre iribi. Ijō ta 100my raratynyre. ⁹ Tahe Jesuisi heka rarybere: —Kia bohōlatyhymy bonyke. Òhōtirenymy dikeki bohōlabenyke.

¹⁰ Tai tahe ierydýýna mahādu Jesuisi ritýýraxinyre: —Aōherekibo kai ijyy-di bierynanykemy atxiteri, rawesenanyrereri wahe. ¹¹ Tai tahe dirawyōnyde: —Kaiboho aōmybo Deuxu reerynanyre kaiboho bierybenyke. Ijō mahādu tiu ijyy rieryōtyhy. Kaiboho dori Deuxu Òlòna teerytenyete. ¹² Hābuō iaōdikeki ijō heka iratyre tamy ariwahinyke. Tai tahe sōwemy tamy rauhenyke. Tahe hābu ihoōkeki ibutelemy ijōdikeki heka kiale iribi ibutumy aritakre. ¹³ Retehemy ihāre tahe robiōhyymyhýrenymy tahe ririōhyymyhýre. Tai heka ijyy-di reerynanyry watureri. ¹⁴ Iwese Isaia tyriti-ki roire wese heka tiiboho ihýrenymy:

—Roholamyhÿre, roholamyhÿre ihãre tahe rieryõhÿmyhÿre. Retehe my ihãre tahe tiu robiõhÿkÿmyhÿre.

¹⁵ —Irayky tererenyreki wahe rieryõre heka. Õhõtirenÿ heka ritõbõnÿmyhÿre ta ijohonana-ribi. Tarue ri-brenÿmyhÿre robike lau. Tahe wadee ròðseõthy. Aõkõre heka ariteytenÿkemy idi watximÿhÿre. Tibo heka terarenÿ aõkõre.

¹⁶ Jesuisi ijõ relyÿmyhÿre tamÿrenÿ: —Kaiboho heka eysamy atxitenÿteri. Kaiboho heka bobibenÿke tahe bierybenÿke. Aõmybo kaiboho tabitenÿteri heka, taholatenÿteri wahe. ¹⁷ Ihetxiu mahãdu, hÿÿna mahãdu wahe, tuu lobiximÿ riwisÿnÿmyhÿre. Aõma aõwobo kaiboho taholamyhÿtenÿteõ heka roholakemy riwisÿnÿmyhÿre tahe roholaõhÿmyhÿre. ¹⁸ Tahe bohohake heka adee aritÿnÿnyke aõbo ijÿy rare. ¹⁹ Õwõrutÿ ryro-txi resemÿhÿre heka iny ijoirenÿ wesemy ihÿre. Ijohona tuuwesemy wahe. Tibo roholamyrenÿ ihÿre tahe rieryõhÿmyrenÿre. Aõma Satanasi heka nade tai tahe warybe heka iribirenÿ ritamyhÿre. ²⁰ Ijõ manarutÿsu-txi resemÿhÿre mahãdu tahe ijõ ijohonadu wesemy heka roire. Tiiboho heka deysana-di roholamyhÿrenÿre.

²¹ Tai tahe urihimÿõle rityhÿnÿmyhÿrenÿre aõhõkÿmÿ dÿÿnana kanakeu tahe aõwesele riatÿke ririmÿ reake. Kia edey-txi resera tasÿ aõma ijõ ijohonadu mahãdu wesemy heka rare. Tiiboho heka aõma 1000 nierule aõnityhÿmy idi rõhõtÿnÿmyhÿrenÿre nierudile. Tai tahe rexibedewonÿmyhÿrenÿre. Tiu heka Deuxu aõmydÿÿna riwinyõhÿmyhÿre, Deuxu Rybe riwiðhenanyrenÿre. ²³ Kia suwitxira wihikÿ-txi resera wana tahe iwitxira ijohonadu mahãdu wesemy heka rare. Tiiboho heka roholamyhÿrenÿre rityhÿnÿmyhÿre sõwemy Deuxu dee roholamyhÿrenÿre heka. Ijõ 100my wesemy raratÿnyre. Ijõ 60my raratÿnyre ijõ 30my raratÿnyre. Iny sohoji sohojiõ heka Deuxu-ò aõ riwinyrerimÿ ihÿre.

²⁴ Idi tahe iwitxira ijÿyÿmy relyÿre Jesuisi tamÿrenÿ: —Deuxu Iòlõna heka kia wesemy ihÿre. Oworudu heka aõma alõbõrõna wihikÿõ ritõbrõnÿmyhÿre taoworuro-ò. ²⁵ Tahe iòluduõ rummy heka tamÿ nade. Tahe iu ibutumÿ iny rõrõmyhÿreu, asibinatÿ-di tamÿ rehure. Tai tahe alõbõrõna asibina-wana ruhunÿre kia aõma ede wana wimÿ urilemy. Taiki tahe kia aõma oworudu kia aõmysÿdÿÿdu mahãdu. Tuu heka ijÿy-di nade tuu ijÿyÿmy. Idinodu rarybere: —Aõma waòludu heka kia riwinyre wadee. Idi oworudu narybede: —Aõhebohe arotÿÿnyrenÿre? Ta idile aõbohe arisiherenÿre araxirenÿre. Tai tahe rirawyõnyre:

²⁹ —Aõkõre wahe, kia ibutumÿ alõbõrõna rirarutxinykre. Ixinamy heka ratÿbienÿkre tii-wana wiurilemy kia maixõmo arixina bededÿÿnamÿ bede relerekeu tahe iribi raarike. Ararybekre heka tamÿ kia aõma oworu-di raaõmysÿdÿÿkreò. Juhu delemÿ asi arisykre. Tahe ritoonykre. Idi tahe maixõmo heka riarikre kia maixõmo hetowo-ò riyrubunÿkre.

³¹ Tahe Jesuisi ijõ ijÿy witxiramy relyÿmyhÿre: —Aõma Deuxu Iòlõna heka aõma alõbõrõna sõmo sõmo wesemy ratximÿhÿre. ³² Aõma raumÿnyrerÿ heka aõma

õwõru iyjatÿhÿmy ibutumÿ õwõrutÿ-ribi rariwesele relemyhÿre.

Taiki tahe kia nawiile tuu rÿtÿnÿmyhÿre kia õwõru-ò.

³³ Uri paõ uri ixiòlõdÿÿna heka Deuxu Iòlõna wesemy heka kia ihÿre. Hãwÿy heka paõ riwinÿmyhÿreu, riurinyÿmyhÿreu tahe ibutumÿ raubÿtÿmyhÿre kia ibemy.

³⁴ Tai tahe rexiòlõnÿmyhÿre Jesuisi heka sõwemy tuu relyÿmy raremyhÿ. Iu iny ribedeernÿmy raremyhÿ. Tiiemy heka Jesuisi relyÿhÿy raremyhÿ iu ròbedeerydÿÿmy raremyhÿ. ³⁵ Deuxu rybedu dori ihetxiu rarybere:

—Jiarÿ ijÿy-di rebedeernÿmyhÿre. Aõma tuu relyÿmyhÿre heka ierykõna rare. Tiuhe rieryõhÿmyhÿre. Iu bede rexideelenÿrauhÿyle.

³⁶ Idi tahe Jesuisi rexitare iny sõwey-ribi rexitare. Het-oõ-ò heka ralore. Tai tahe aõmybohe wakorenÿ inihe bedelyke. Aòludu inybo arasÿnyre. Kia ijÿy heka aõma hãbu ede-di rehure ioworu-ò, taòludu oworu-ò. Kia inihe wadee bitÿnÿnyke aõbo rare wahe. Kia ijÿy telyyté. ³⁷ Tai tahe Jesuisi tii dirawyõnyde: —Kia hãbu alõbõrõna wihikÿ ribõrõnyre heka Deuxu Riõre Hãbutÿhyhÿkÿ, rare wahe. ³⁸ Ioworu heka ibutu bede heka roimÿhÿ wesemy roimÿhÿre. Aõma alõbõrõna wihikÿre heka ityhydÿÿdu iwese rÿirawesemy rÿira. Asi tahe kia ityhydÿÿdukõdu mahãdu wesemy heka ihÿre. Aõma kia iòludumÿ rarybereri tahe kia Satanasile heka ihÿre. Kia iyresynamÿ rarybereri aõbo bedekonana heka tuu rininimÿ heka tuu rarybereri. Kia ÿju heka iyresydumÿhÿ tuu rarybereri. Kia rimÿkre ede riorokremÿ rarybereri heka aõma ityhydÿÿdukõdu mahãdu heka tuu rininimÿ rarybereri. ⁴⁰ Ritakre heka rihitxinykre. Heòty bedehékÿ heka idi rehukre risõkre iu wahe. Iwesele taheka bedekonana heka rarakre. ⁴¹ Deuxu Riõre, Hãbutÿhyhÿkÿ heka aõma ÿju riteònykre ibutu iny ributunÿkremÿ.

Ityhydÿÿdukõdu mahãdu ijõ iny òraruna-txi rityhedÿÿdu mahãdu heka ibutumÿ ributunÿkre widee. Ibutumÿ aõbina bina widÿÿdu wahe.

⁴² Idi tii rihukre. Tai tahe ryrykre aõkÿmÿ rotÿÿnykre tai. Robumÿhÿre taju. ⁴³ Kiau aõma

Deuxu hõrõ mahãdu tahe Waha Iòlõmÿ ronÿmyhÿre kie ronykre. Tiiboho loosònÿ wesemy heka ritoosò-nanykre txuu loosõna wesemy. Õhõtirenÿdikeki ibutumÿ heka bohohabenyke.

⁴⁴ Deuxu Iòlõna tahe nieru wesemy ratximÿhÿre. Aõma nieru heka hynaõ-ki rahara nieru-di tÿximÿ aõma surawo-ki idi hãbu ixyby riwore. Tai tahe tii reysatÿhÿmy ròðsere. Kia ibutumÿ taaõmydÿÿna-di heka rohonyre. Kia bedero riwykremÿ.

⁴⁵ Ijõ tahe tule Deuxu Iòlõna wesemy ka ratximÿhÿre. Iwese ixiura wydydu ihÿre wesemy heka Deuxu Iòlõna ihÿre. Iwydydu heka iijese iijesemy riwÿmyhÿre. Aõwi riererimÿ riererimÿ heka tai rahamyhÿre iruxera-ki tii tahe riwÿmyhÿre. Kiau tahe tai rahare aõ õwyhÿkÿõ-ki heka rahare. Tii idi tahe rohonyre ibutumÿ taaõmydÿÿna-di idi tahe kia iwydÿmy idi ratxireriò riwyre.

⁴⁷ Riàõ wese heka tule Deuxu òlõna ihÿre. Aõma rià-di iny rehumÿhÿre wana heka ibutumÿ utura

rimymyhÿre. ⁴⁸ Kia aõma idi tahe idi raixÿnymyhÿre ri-arimyhÿre iky-ribi. Aõma awi-di awihe riarirerimy iky-ribi. Ibinare rihitxiny my iribi. ⁴⁹ Kia bedekonana tahe iweselemy heka rarekre. Kia aõma ÿju heka riarikre awi heka ibinau-ribi riarikre. ⁵⁰ Rehukre heõty bedebinakÿ-õ wahe. Tai ki tahe rirajuamyhÿkre ta aõhõkÿmy rotÿÿnymyhÿkre. Txuu rikyinyamyhÿkre

⁵¹ Tahe Jesuisi tamy rÿÿraxire: —Kiamy ibutumy teerymyhÿtenyte? Tiiboho riraõwõnyrenyre: —Kohe, reerymyhÿrenyre. ⁵² Idi Jesuisi rarybere: —Inyõ bede ywina bedeerydÿÿna heka rityhynyreu, waheludu rarekreu wahe. Tii tahe iwese hãbu butudÿÿdumy ratximyhÿre wese heka ronymyhÿre. Tii heka ibutudÿÿna heto-ribi ritamyhÿre, tasÿ mahãdu-õ riwahinykemy. Aõ tyby aõ tÿmyra. Ibutumy heka ritamyhÿre.

⁵³ Tahe iribi Jesuisi rexitareu, ⁵⁴ tahe tahãwã-õ rõõsere. Judeu dohodÿÿna heto-ki ribedeerynyre. Tahe ibutumy ribedeõtiidÿÿnyre. Tiribibo heka tii bedeeryna rierymyhÿre: —Timyrekibohe aõwiihikÿ rierymyhÿre. Tii kÿny heka aõma õwõru besedÿÿwidÿÿdu riõre heka rare. ⁵⁵ Jyje riõre wahe. Marie heka tule rare ise wahe. Txiau, Simaõ, Jyje, Judasi-wana iseriõre ihÿre tule wahe inatyhy? ⁵⁶ —Iseriõre hãwyy heka tule kaki rasÿnymyhÿre inatyhy. Timyrakibohe aõna aõna ikõkõ rierymyhÿre. ⁵⁷ Tahe rityhynyõhyymyhÿre heka tai wahe. Jesuisi tamyreny rarybere: —Deuxu Riõre Hãbutyhykÿ heka tiu tauludu wijirana hãwã-ki inyõ rityhynyõtyhy rybeduõ ihetomy ijirana-ki. ⁵⁸ Tai tahe aõna aõna wiwihikÿ heka tai riwinyõhyre, rityhynyõmyhÿreki.

14 Kia bedeu tahe Herodi, Kalileia iõlõ, Jesuisini-õ roholare. Aõikõkõ heka riwinymyhÿre. ² My heka rarybere teõdu mahãdu-õ: —Kia Joaõ Sebedÿÿdule aõbohe rubu-ribi riixixadÿÿnyre. Tai tahe tii aõikõkõ riwinymyhÿre. ³ Herodi tahe juhoo Joaõ rõtenawo-ki riteõnyre. Tii taseriõre hãwyy õraru-ki kia wesemy riwinyre, Herodia õraru-ki wahe. Herodia heka Filipi hãwyy rare. ⁴ Juhoo Joaõ Herodi-õ rarybere: —Awi aõkõ rare. Kai dori aseriõre hãwyy-wana atxiteri. Uritere heriõmyke. ⁵ Tai tahe Herodi heka Joaõ rubudÿÿmy riwisÿnyre. Urile ruberumy judeu mahãdu lau. Tamyreny Deuxu rybeduõmy rÿiramy Joaõ Sebedÿÿdu rare. ⁶ Herodi kai beõramy bede reareu tahe worana bedehesi ritxienyrenyre. Herodia riõre ijadõma heka iko-õ resemyhÿre. Iixe-ki tahe awimy Herodi rahare, Ijadõma luure wahe. ⁷ Tii tahe tamy rarybere kanakemy. Aõmybo wadee bexitõnykre. Inatyhymy adee ibutumy ariwahinykre. ⁸ Tai ise ijadõma-õ rarybere: —Aõma bexitõnykre: Sebedÿÿkÿdu ratilemy tamy bexitõnykre. Tai tahe ijadõma tamy rexitõnyre: —Wadeke bidiwyke Joaõ Sebedÿÿkÿdu rati, pratoro-ki. ⁹ Tai tahe iõlõhe rabadewore. Ibutu ijonõru-õ dori tuu rarybere ijadõma-õ. Tahe ibutumy riwinyke rÿire. ¹⁰ Tahe ihãrele iõlõ heka soldadoõ riteõnyre rõtenawo-õ kia Joaõ rati resymy. ¹¹ Inyõ diwyde pratoro-ki. Ijadõma-õ heka riwahinyre. Tahe tii tadi-õ idi rare. Riwahinyre. ¹² Idi tahe Joaõ erydÿÿna mahãdu dioryde iumy, riwykemy, rituunykemy. Iribi tahe roirenyre Jesuisiko relyyre.

¹³ Kia roholareu tahe Jesuisi rõhõnyre ixisohojilemy bederahu-txi. Hãwõ-di rexitaranyre rare. Iny sõwemy bede-di rõirenyre ihemy titxibo iru-ki rakemy. ¹⁴ Rehemynyreu tahe iny sõwehekÿmy Jesuisi robire. Tai tahe Jesuisi riwotõnyre. Ibutumy riteytenyre webinadu mahãdu. ¹⁵ Tahe ratxioronyre. Tahe ierydÿÿna mahãdu tamy nade. Tamy rarybere: —Txuu ratxioronyra. Bederahy-ki dori atxiteri. Iny tahe biteõnykre hãwã-õ tai rÿÿsÿna ixidee riwykemy. ¹⁶ Tahe Jesuisi rirawyõnyre: —Aõkõre, ariteõnyõtyhy jiarÿ. Kaibohole tahe aõ tamy bidiwahinybedenyke. ¹⁷ Jiarÿboho kÿny diwatxioñyri iruyre orotxu-di, utura inatxire. ¹⁸ Tai tahe Jesuisi narybede: —Bidiwahiny wadee. ¹⁹ Jesuisi tahe ibutumy iny asityre-ki ronykemy risÿnyre. Orotxu inaubiõwa, utura inatxirÿre, utura-wana rimyre tahe ritehere biu-txi àlana Deuxu-õ riwahinyre. Idi tahe paõ riyreymyhÿre teõdu mahãdu-õ riwahinyre. Idi rare iny sõwehekÿ-õ. ²⁰ Ibutumy iny riroxirenyre ihãre rihydyre. Kia iuhe-di ierydÿÿna mahãdu 12 weriri ritÿxinyre. ²¹ Hãbumy 5000 õsana rÿimyhÿre. Ihãre tahe uladu-di rariaõhyre hãwyyboho-di.

²² Tahe Jesuisi taerydÿÿna mahãdu riteõnyre aho kanawe-ribi ijà-õ reurõrenykemy hãwõ-di. Jesuisi tahe rarire iny sõwehekÿ mahãdu rirybedÿÿmy. ²³ Jesuisi heka iny tahetoreny-õ riteõnyremy rahudi tahe tii raõwõnyre hãwãlõ raty-õ ixitõedÿÿmy. Taihyyle idi bede roronyre ixi sohojihyyle. ²⁴ Kiaule hãwõ ahotya-ki rare. Òbõ nihikÿy-txi ixinalemy ratximyhÿre. Tiõ tiõ òbõ riwelõrõ riwelõrõmy idi rehummyhÿ. Yhy deade txu-ri-ribi. ²⁵ Rudile tahe Jesuisi biura-di heka rare taerydÿÿna mahãdu-õ, beratyredile heka rare. ²⁶ Iu Jesuisile betyredile tamy rarau tahe, tiiboho heka ruberurenyre. Rirajuarenyre: —Worÿsÿ õsana inydee rareri. ²⁷ Tai tahe Jesuisi rarybere: —Aworeny bitamadÿÿnybenyke. Jiarÿle watxireri. ²⁸ Tahe Pedro rarybere: —Wanyrÿ, inatyhymy kai atxiteriwana heka wadee manyarybeke betyre-ki arariakemy. ²⁹ Tahe Jesuisi tamy rarybere: —Manake wahe. Aõwesele tahe Pedro hãwõ-ribi rõhõnymy reare, Jesuisi-õ rakemy. Betyre-ki rariare. ³⁰ Yhylemy tahe robure. Tii urile ruberure. Tai ijirahakÿlemy riwisÿnyra berahatxi-õ. Tai tahe Pedro rarybere: —Biwatakewa Wanyrÿ. ³¹ Tahe Jesuisi rimyre: —Ainatyhynakÿny ibutelemy atxiteri. Aõherekibo heka tiwatyhynyõteri. ³² Idi hãworo-õ wiwana rorukurenyre. Yhy ruhure. ³³ Ierydÿÿna mahãdu Jesuisimy realãre. Inatyhymy heka kai Deuxu Riõretyhy tate.

³⁴ Tai tahe reurõrenyre Kenesare bede-õ. ³⁵ Ibutumy iny kowa Jesuisi rieryrenyre. Ti ibutumy webinadu mahãdu-õ relyyrenyre Jesuisimy. Tahe hãwã ikõkõ-ribi ritelenymy didydenyde. ³⁶ Tahe Jesuisi-õ rarybere. Ixinamy watyky-õ reriike, awimy relerenykemy. Ibutumy tamy rerire heka reytere.

15 Jerusalẽ hãwã-ribi bede ywina bede erydÿÿna mahãduõ dehemynyde Jesuisi-wana rarybeke-my. Tiiboho-wana tule fariseu mahãduõ dehemynyde. Tiiboho heka Jesuisi-õ rÿÿraxirenyre: ² —Aõherekibo aerydÿÿna mahãdu tebõreny risuhõkõreri roxiko-ki. Inydeereny kia bede ywina rare. Aõherekibo rity-

hynyõreri ihetxiu lahi rybe. ³ Jesuisi rirawyõnyre ýýraxina-di: —Aõherekibo kaiboho Deuxu rybe tetyhynyõteri kaiboho lahirybele tetyhynytenyte. ⁴ Deuxu bede ywina kawesemy rarybere:

—Boo adi-wana ibutummy heka bityhynybenyke. Inyõ rybebina tadi-õ tyby-õ rarybekeki. Tii tahe ruruke, tuu bede ywina rybe wahe.

⁵ Kaiboho tahe kawesemy tebedeerynytemy tewitxiranyte: Inyõ tadimyy tybummy rarybekeki Wanieru Deuxu-õ wahisidýýnamy. ⁶ Tai tahe inieru-ei tyby tadi-wana riwõhenanyõre kia bede ywina witxira tewinymahãte. Deuxu bede ywina rityhynyõreki. ⁷ Kaiboho itxerenadu mahãdu atxitenyteri. Isaia inatyhymy umy rarybereu:

⁸ —Kia mahãdu wadee rybe-di riwadealànanyrenyrene. Wowydyna wadee riwahinymyhýrenyrene. Inatyhymy aõkõ heka kai tarybemahãte. Arayky dori Deuxu-ribi irehemy ratximyhýre. Teerytyhyõlemy heka atximahãte.

⁹ Iwowydyna heka wadee aõ aõkõ rare. Wabede ywina ribedeerynyõtyhy. Texibedeerynymahãtenytabede ywinarenydile.

¹⁰ Jesuisi rexidelenymy ribedeerynyre: —Boholabeny warybe-õ. ¹¹ Brebuna roxina-di biroxibenykeki, aõ adeereny ibinaõtyhy aõ aryrenymy ralõmyhýre aõkõ heka ibinare. Ryribi rõhõmyhýre heka ibinare, arybe wahe. ¹² Tai tahe Jesuisi erydýýna mahãdu Jesuisiko rarybere: —Fariseu mahãdu kýny tamy awiõre kia wiji tuu tarybeta wahe. ¹³ Tahe Jesuisi rarybere: —Aõhere aõkõ rare. Timyre aõkõ rare. Ixinamy tuu raryberenyre. Iorutere-di nohõtirenyõmy. Kia fariseu be-deeryna lõbõrõna wese rare. Waha ribõrõnyõre. Ibutummy waha ribõrõnyõre suribi mahãdu ritakre. ¹⁴ Inatxi hãbu ruetà widee ryõ ritýnynymyhýre wese.

Hãwãry-ribi wiwanale hãloo-txi resekre. Tiiboho ixinamy biribenyke. ¹⁵ Tahe Pedro Jesuisi-õ rýýraxire: —Wakoreny inihe biditynnyke, roxina brebuna ijyy wahe. ¹⁶ Kaiboho ibutu wese atxitenyteri.

Teeryõtenyter. ¹⁷ Ibutummy iny aõ rirýsýmyhýre weryri-diramyhýre tahe rõhõnymyhýre. ¹⁸ Tahe inyõ rybebinyamyy rarybemyhýre. Tii iwo ibinare, irayky ibutummy ibinare tai wahe. ¹⁹ Raykywydyna binahaký-ribi heka õtaõtana, rubuna, wasina, ruina ujõmo inyry-ribi rõhõnymyhýre. ²⁰ Kia aõmydýýnana iny risurisumyhýre, inydee ibinare. Tahe roxinako-ki iny tebõ risuhõmyhýré, kia tahe aõ aõkõ rare, ibina aõkõ rare.

²¹ Iribi tahe kia-ribi rõhõnyreu tahe Jesuisi rare irehetytummy Tiro hãwã-õ Sidõ hãwã-õ. ²² Kana bede hãwyyõ tamy nade. Tahe tamy rexitõenyre: —Wahĩ, Davi riõkõre, biwaruxetoenyke hewa. Waritxõre heka tykytyby bina-di iwoku-ki ratximyhýre. Anohõkýmy heka idi rotýkýnymyhýre. ²³ Tahe Jesuisi aõmy rarybeõhyre tamy. Taerydýýna mahãdu tahe rarybere: —Biteõnyke hewa. Inyboho dori riixiranyrenyteri. ²⁴ Jesuisi tahe rarybere: —Jiarý Deuxu riwateõnyre judeu mahãduõle, tabudoeni mahãdu iõre mahãdu wese wahe. ²⁵ Hãwyy ixityre nade. Tatiowotimyy resere. TAhe ixityre tamy rarybere: —Biwawikõhenanyke hewa, Wahĩ.

²⁶ Jesuisi rirawyõnyre: —Awiõhedýýna kia wese rare aõma hãbuõ tariõre-ribi rýsýna riwya tahe idi rehura ijõrõsaõle. Kiawese rarekre, jiarý arawiõhenanykeki.

²⁷ Hãwyy rarybere: —Inatyhy rare. Kuladu-ribi ano rýsýna resemyhýre bede-txi, tiki tahe itxõrõsa ritxõre idi riwummy reakamyy rirõmyhýre. ²⁸ Inatyhymy Jesuisi rirawyõnyre: —Kai ainatyhyna sõwere. Adeerariwinykre aõmybo textitõenyteri. Iule iriõre reytemy rare.

²⁹ Tahe Jesuisi rõsere ixityre Kalileia ahohoký-õ. Raõwõnymyy rare hãwãlõ-õ. Iratytyre ronyre. ³⁰ Sõwemy heka iny webinadu didyde: itiere mahãdu, iruetà mahãdu, irybeõ mahãdu, aõ ikõkõ heka bina bina witxira witxira idi rare. Jesuisiko-õ heka ritidirenyreki ibutummy riteytenyter. ³¹ Iny ruetà rýira mahãdu itxeretyhymy riwinyre. Rarybekõmy rýira mahãdu, rarybemy rýimyhý teysamy. Itiere rýira mahãdu, rariamy rýimyhý. Tai ibutummy iny ribedeõtiidýýnyre heka tahe judeu mahãdu Deuxu-õ wowydyna riwahinyre.

³² Jesuisi rarybere taerydýýna mahãdu-õ kanakemy. Tahe tamyreny rarybere: —Jiarý kýny rewotõenyteri kainy mahãdu rýireridi. Inataõ txummy bede riera waki. Aõ heka ihokõre rirýsýrenykeny. Iõwedýýkõlemy ariteõnykeki heka ijõ reseke ryrowetyakile. Rama riatyke. ³³ Tai tahe ierydýýna mahãdu rarybere: —Inyboho bederahy-ki, titxibo heka rýsýna arimykre iny sõweheký-õ ariwahinyrenykeny? ³⁴ Tahe Jesuisi tamyreny ritýýraxinyre: —Tiwesebo roxina-di atxitenyteri. Tahe rirawyõnyre: —Debõ inatxi reurõ orotxu sõmo sõmomy idi watxireri utura deyre ijõ rare. ³⁵ Jesuisi rarybere ibutummy iny ronykeny. ³⁶ Tahe tí rexitõenyre Deuxummy realãre. Orotxu, utura-wana riereerenyrene tahe taerydýýna mahãdu-õ riwahinyre idi rakremy. ³⁷ Ibutummy riroxire heka kia iny sõweheký ta rihydyre. Tabyre rahudi tahe riarire ierydýýna mahãdu. Tai tahe rahure týxihikýlemy. Debõ inatxi reurõ weririmy heka ritýxinyrenyrene. ³⁸ Tahe 4000 hãbumy riõwenyrene, kia txuu wahe. Uladu, hãwyy-di rariaõhyre. ³⁹ TAhe Jesuisi iny-õ rarybere tasý-õ rõõsekemy ixityby. Iribi tahe Jesuisi hãwõ-di reurõmy rare Magadã hãwã-õ.

16 Fariseu mahãdu saduseu mahãdu nade Jesuisi-õ iurihixidýýmy riitxenanyrenykeny: —Aõbedeerydýýnabo heka biu-ki iribi rexitõenyre. Biwateõsinyke heka aõwiwihiký-di biu-õ jiarýboho arieyrenykre, kai inatyhy tate wahe. ² Idi tahe Jesuisi rarybere: —Kaiboho heka awirenyre biuwetyky ersy-ki. Jesuisi rarybere: —Kia rybe tarybemahãte. Txiorotxummy heka biuwetyy isõhõkýra-ki, biurasõmy tahe awimyy txu kedekre. ³ Biurasou ibede lyby lybummy txu-di kedekreki tahe biu rõahyyhy bede txu rariakre. Myhe tarybemahãte. Kaiboho heka iwitxira aõhebo rotýýnykre heka teerytenykõlemahãtenyter. ⁴ Iny kamahãdu heka ibutummy ibina binare. Tiu heka rityhynyõhyymyhýrenyrene. Rexitõenymyhýrenyrene heka biu-õ rityhynykeny. Tahe riwahinyõtyhy heka aõma be-deerynaõ. Kia Jonasi-õ be-deeryna rareõle tahe tamy rakre heka. Tahe Jesuisi rexitamy rare iribireny.

⁵ Idi tahe aho weribijã-õ reurõrenyreu tahe, tõhõtireny rosare tarýsýnareny-ribi. ⁶ Jesuisi tamy rarybere:

—Fariseu mahādu, saduseu mahādu iurina-ò bexiebenyke. ⁷ Ierydŷŷna mahādu tahe widee rarybere: —Tii kia rarybere iny orotxu diwyōdeki. ⁸ Jesuisi roholare aōmybo raryberenyre tahe tamyreny rarybere: —Aityhynareny urihimyōre. Aōherekibo orotxumy jiarŷ rarybererimy tahōtintenyte? ⁹ Tiu kaiboho bierybenyōtyhy. Iruyre orotxumy remyre. Idi 5000 hābumy reōwenyre. Ihāre tahe weriri txŷxi tŷxihikŷlemy rŷimyhŷre rauhenyre. Itxi aōbo òhōtirenre reakōmyhŷre. ¹⁰ Ixityreu tasŷ 4000my reōwenyre, debò inatxi reurò orotxu-di. Ixiyrubule rauhenyre. ¹¹ Jiarŷ orotxumy rarybeōre. Fariseu mahādu, saduseu mahādu urina-ribi bexiebenyke. ¹² Tai ierydŷŷna mahādu rieryrenyre aōmybo rarybemyhŷmy Jesuisi heka fariseu saduseu bederydŷŷnamy rarybereri.

¹³ Idi tahe Sesaria Filipi hāwā òhòmy rehemynre. Jesuisi rŷŷraxire taerydŷŷna mahādu-ò: —Iny wamy rarybereri. Mobe heka jiarŷ raremy heka wadi rŷireri. Jiarŷ Hābutyhyhykŷ rare, Deuxu Riōre wahe. ¹⁴ Ijō kŷny rarybemy rŷireri: —Kai riki heka Joaō Sebedŷŷdu atxiteri. Ijō riki Elia atxiterimy adi rŷireri. Ijō tahe Jeremiamy adi rŷireri. Ijō heka Deuxu rybeduō riki heka atxiterimy adi rŷireri. ¹⁵ Tai tahe Jesuisi rŷŷraxire taerydŷŷna mahādu-ò: —Mowexe watxirerimy wexe wadi tahōtintenyteri. ¹⁶ Simaō Pedro heka rarybere: —Kai Kristu atxiteri Deuxu deòdŷŷna heka tate. Kai heka Deuxu Riōre tate. ¹⁷ Tahe Jesuisi rirawyōnyre Pedro-ò: —Inatyhymy Pedro tate, Waha, biu-ki Mana ani rare. Boholake, ratximyhŷrele kia adee riteòsinyre. Iny aōkō kia adee riteòsinyre. Wadohodŷŷna mahādu kia mana tyre-ò ariwinykre. Rubu dori heka tiu ituedeōna.

¹⁸ Waiòlòna rayna heka adee ariwahinykre. Kabede-ki aōwidŷŷ adee binakeki tule biu-ki ariijōnykre. Aōtxiletixibo aōwidŷŷmy burukre tasŷ biu-ki tule adee ariwinykre. ²⁰ Jiarŷ inatyhymy Deuxu deòdŷŷna rare. Tuu ijyrenyōmyke.

²¹ Iribi tahe Jesuisi itŷny relymy taerydŷŷna mahādu-ò. Rurukremy heka relyre: —Arakre heka Jerusalē-ò. Tai heka matuari mahādu, ònosōna be deeryna mahādu, xiwena wahidŷŷdu mahādu-wana riwarubunykre. Inataō txu-di tahe ixiby rubu-ribi adexiakre. ²² Idi tahe Pedro heka Jesuisi ridyre ijō erydŷŷna-ribi tahe tamy rarybere: —Aōkōre, Wanyrŷ, tiu heka tiiboho ararubunyrenyōtyhy. ²³ Tahe Jesuisi rarybere Pedro-ò: —Waribi bexihitxinyke. Kai heka Satanasi weselemy atximahāte. Iwese kai taraykynmahāte heka aō Deuxu deewinamy aōkō tuu tahōtintymahāte hābudeewile rare. ²⁴ Idi tahe Jesuisi rarybere taerydŷŷna mahādu-ò: —Inyō wawananomy rurukeki, ixi-ribi heka tōhōti rosake. Nomy rurukeki heka taitxeò rimyke idi tahe wahemy kanake. ²⁵ Inyō wahemy rariakemy ixi-di rōhōtinhyyke wana heka irumy inonana irehemy ixi-di ratxikeki heka tii ihārele ruruke. Inyō taumy riōnonykeki waōraru-ki tai tahe tii ròtake. ²⁶ Inyō heka ibutumy aōna aōna bedeki ributunyeky. Tahe ihārele heka tii ruruke. Tule umytuedeōna riōnonyre. Aō tarasana tamy aō aōkō rare. Iny iruna riōwynyōhyymyhŷre, ixiby tamy kanake wahe. ²⁷ Jiarŷ,

Deuxu Riōre, Hābutyhyhykŷ dori kanakre wana aōwesele. Taŷju loosōna-ki tii kanake.

Iny ibutumy ariōwynykre bibutunymy aōbo iny riwinyhyhŷré heka aōwiwihikŷ aōbina bina.

²⁸ Iu jiarŷ, Deuxu Riōre, Hābutyhyhykŷ, kanake tahe inyō kaibohoō tuu robikre, Iòlòmy kanakre.

17 Reare heka debò sohoji reurò txumy. Tahe Jesuisi ridyre Pedro, Txiau, Joaō-wana. Joaō tahe Txiau seriōre rare. Tahe raōwōnyre tiiboho-wana hāwālò ratòhòkŷ ratyy-ò. Inyō heka tii wana raōhyre. ² Ikoreny-ki tahe Jesuisi rexiwixiranyre. Iòsana heka roosōre. Txuwesehekŷle relere iòsana heka ratŷrŷrŷnyre. Ityky tasŷ rauranyhŷkŷre. Tahe roosōna itoosōnadihikŷre.

³ Iu tahe tuu robire Moisesi rubu, Elia rubu, Jesuisi-wana widee rarybemyhŷreny. ⁴ Tahe Pedro tamy rarybere: —Awire, Wanyrŷ, kawese watxirenryeri kaki. Adee wikeki hetomy ariwinyrenykre ijō adeekre, ijō ta Moisesiōkre, ijō Eliaōkre. ⁵ Iu Pedro rarybereriule tahe biuwetyky urahakŷ relere. Iyribile rybeò narybede: —Kia heka Wariōre waluu heka rare. Boholabeny irybe-ò. ⁶ Idi tahe ierydŷŷna tamy roholareu, tahe ruberure. Tahe reserenyre iòsanareny bede-ò. ⁷ Jesuisi tamyreny nade: —Breburennyōmyke hewa bodorukubedenyke heka. ⁸ Reteherenyre tahe Jesuisi sohojile tai rŷire.

⁹ Iribi tahe diberenydenyde hāwālò ratyy-ribi, Jesuisi narybede: —Uritere wajyōmyke inyko wiji tuu tabitimy. Iu jiarŷ, Deuxu Riōre Hābutyhyhykŷ, rubu-ribi riixixanykre tahe tuu belyykre. ¹⁰ Tahe ierydŷŷna mahādu Jesuisi-ò rŷŷraxire: —Aōherekibo tarybetenyteri —Elia juhūu kanakemy ako-ò juhūu kanakemy.

¹¹ Jesuisi rirawyōnyre: —Inatyhy rare tii juhūu kanakre. Ibutumy heka bede riywinykre. ¹² Tule ararybekre ki-amy: —Elia nade tahe ihārele heka iny rieryōhyre. Aōhōkŷmy risŷnyre. Iwese Elia aōhōkŷmy risŷnyre wesele tahe Deuxu Riōre Hābu heka aōhōkŷmy risnykre, jiarŷ wahe. ¹³ Tai tahe Jesuisi erydŷŷna mahādu rieryrenyre aōmybo Eliamy tii raryberemy Joaō Sebedŷŷdule tahe Jesuisi rarybere.

¹⁴ Iribi tahe dòsedenyde iny sōwemy riraōmy rŷimyhŷre. Hābu-ò nade Jesuisiko-ò tatiowomy resere:

¹⁵ —Wanyrŷ, ruxetòena wariōre-di biwahinyke. Irayky awimy aōkō ratximyhŷre. Bera-txi resemehŷre. Heòtyru-txi resemehŷre. Ibutumy aōna aōna riwinyrerimy ihŷre. ¹⁶ Aerydŷŷna mahādu-ò heka adidyde tahe tiu riteytenyōtyhy. ¹⁷ Jesuisi rirawyōnyre tamyreny: —Kaiboho isira mahādu atxitenyteri. Aō heka inatyhyna heka akireny ijōkōre. Tiwese bede dŷŷnana bohe araòludunyrenykre. Bedese inihe bididy uladu wadee.

¹⁸ Tahe Jesuisi rarybere kia uladuwo-ki ratximyhŷò: —Iribi wa bohonyke! Tahe uladu reytemy reare.

¹⁹ Idi ierydŷŷna mahādu Jesuisiòle rarybere: —Aōherekibohe jiarŷboho tytybybina iribi reteònykōreri? ²⁰ Aōmareki kiehe ainatyhyna ibutetyhyreki òwòruty sōmowesele ainatyhyna dikeki heka kai aōwiwihikŷ biwinyke. Kai hāwālò-ò marybeke: —Iribi bexitake! Tai tahe hāwālò rexitake iwitxira suò. Aō aōkō adee isirake, ainatyhyna direki wahe. ²¹ Kia

tyytyby bina iwixira rare. Isiratyhyre heka. Kaiboho bexitòenybenykeki, binarehebenykeki, ixiery tytytybybi-na biteònybenyke.

²² Kalileia bedeki Jesuisi taerydýýna mahādu-wana ributunyre. Tai Jesuisi rarybere tamy: —Jiarý, Deuxu Riòre Hābu, rare. Tai inyō riwahinykre hābubinaō-ò warubudýýmy. Inataō txu-di tahe rubu-ribi adexixakre. Tai tahe ierydýýna mahādu rabadewo nihikýre.

²⁴ Iu tiiboho heka Kafanaō hāwā-ò ritehemynyre, inyō Pedro-ò nade. Tii dohodýýna òwy butudýýdu rare. Tahe rarybere: —Awedū aōbohe tii rexiòwynykeki.

²⁵ Pedro rirawyònyre: —Tii riòwynymhýre. Tai tahe Pedro rakemy reare. Iu Pedro tuu Jesuisi-ò rarybekemy hetowo-ò raloreu, Jesuisi juhuu rarybere: —Moribibo iòlò rexitòenymhýre òwydýýnamy. Mynydu mahādu-ribi aōbo ada ta taijoiribile aōbohe rotamhýre.

²⁶ Pedro tahe rirawyònyre: —Mynydu mahāduòle rexitòenymhýre. —Inatyhy rare, Jesuisi rarybere. Iijoi mahādu òsana riòwynyòhykymhýre. Jesuisi rarybere: —Ihāre tahe ròkòòwydýýkre. ²⁷ Òbitimy rakaòwònyrenykre. Kia Templo heto òwymy. Ibinamy kia iny-ò ariwinyòtyhy. Kai heka makre ahohoký-ò awaxi-di behukre. Juhu utura kanakrele heka bidimykre. Idi iry biraynykre. Tai nieruō-ki mahake. Iribi biditamya tahe makre iny òwydýýmy.

18 Iule tahe Jesuisi erydýýna mahādu tamy rehe-mynyre rýýraxire: —Mobohe Deuxu Iòlòna-ki nihikýmy rarekre. ² Jesuisi heka ratximyhý uladuò ibire-ki. ³ Idi tamy rarybere: —Kai uladu weseleòmy mabeòkeki, Deuxu Iòlòna-ò malòbenyòtyhy ⁴ Uladu wese maraykynybenykeki heka, tii tahe Deuxu Iòlòna-ki inatyhymy rýirakre. ⁵ Kai waòraru-ki uladu kawesemy biwiòhenanykeki tiwawìhenanymahāte ⁶ Kai uladuò òraruna-txi resekemy risýnykeki, kai abinatyhymy atximahāte. Inyō òy ritakamy reroti-di aratakemy heka inyō adi rehuke bera-txi. Tii tahe awityhyre adee.

⁷ Sòwemy heka aōna aōna rýira wary-ribi iny riatykemy. Tii adee ibinatyhyre. Tiiemy heka tuhyy rarekre. Inydee heka ibinakre heka. Wary-ribi riòlòdýýnymhýre heka tamy ibinakre. ⁸ Ebò òraru-ki tahe wainatyhyry-ribi bexitakeki, ebò biòròmý idi behuke. Awityhyre heka adee Deuxu Iòlòna-ò malòkre sohoji ebòdile. Inatxi ebò-di heòty bedebina-ò malòkeki, awiòre heka. ⁹ Tule arue sohoji òraru-ki kia òrarunamy beseke lau, urile bitake idi behuke. Arue wiò-di heòty bedebina-ò malòheny arue-di wiòle. Biu bedewihiký-ò malòke tahe awire heka arueyremy. ¹⁰ Iny nihiký ityhy iny yja mahādu heka tuuòre. Uritere heka iweserenyòmý atxibenyke kaiboho bexiijebenyke tamy. Iny aōkò mahādu dori tii iýju dire heka. Iýjurený heka Deuxuko tii ibutumy relyymhýre turený. Idi òhòtirený-ribi bosabenyòke. ¹¹ Jiarý Hābutyhyhyký rare, Deuxu Riòre wahe. Ityhydýýdukòdu mahādu ibutumy aritakemy anade. ¹² Rakawesenanykre heka kaijyy wesemy. Rakarybekre heka kahābu 100 budoeni ijòdire wesemy. Sohoji heka iòre iy-ribi. Kia hābu idi itxeredu tahe iy-ribi iòre rakre ijesemy. Iuhe tahe hāwā-ò-ki

riroximy ririre. ¹³ Tai rahakre wana heka teysamy ratxikre. Kia sohoji òrarukile reysakre. ¹⁴ Iwesetyhylemy taheka inyō iòòtyhy Waha-ribi. Tamy dori kia ibinare.

¹⁵ Inyō adee rexiòrarunykeki tahe tamy makre rybemý. Uritere inywitxirako-txi rybeòmý tuu. Tahe tamyhyylemy marybeke. Aityhydýýdu seriòre heka arybe-ò roholakeki, tahe ixi-txi tòhòti reake wana, ixi dee ibinamy ròhòtinyra wana, tai tahe kai ixyby tii-wana ityhydýýdu seriòre biòwamy beleke. ¹⁶ Aòhe wana tahe arybe-ò roholaòhyykre, tahe ixityre make inyō wana rexibiòwanymy.

Iny inatximy ixihe-ki bidyke. Tii tahe arybe-ò ijohonaduke inatyhy raremy arybera-txi resekemy wahe. Iu dohodýýna-ki rarybekre, tai tasý tii rarybeke teòsamy aòkò ratximyhýrelemy rarybeke. ¹⁷ Tii irybere-ò roholaòkeki, tai tahe dohodýýna mahādu-ò belyyke. Tii irybereny-ò roholaòkeki, tai tahe biteònyke. Tii iwese òrarunu mahādu heka adee rarekre, bede dinodu-ò nieru wydydu wese wahe. ¹⁸ Iwese kaiboho waityhydýýdu mahādu kabede-ki ròhòtinyre wesele, tule araykywesetyhyle Deuxu biu-ki ròhòtinykre. Aòbo adee kabede-ki aòwidýý ibinare ada awire heka tule biu-ki ibinamy rarekre, awimý rarekre. Arybe riwitxiranyòtyhy kowa biu bedeki. ¹⁹ Iwitxiraòmý adeerený ararybekre: —Ijò titxibo inatxi ada inataō ityhydýýdu seriòre wiweselemy raraykynykre. Waha-ò rexitòenymhýreki iwese rexitòenýre wesele heka tamy riwinykre biu-ki. ²⁰ Titxibo waniòraru-ki inatxi, inataō wii ributunykre heka, jiarý taile watxireri.

²¹ Tahe Pedro rýýraxire Jesuisi-ò: —Bede erydýýdu! Waityhydýýdu seriòre heka wadee rexiòrarunykeki, tiwesebo sòwe ariixāwididýýnykre ixi-ribi debò inatxi reurò, my aòbo? ²² Jesuisi rirawyònyre: —Aòkòre, debòinatximy aòkòre, 490 wesemy wahe. Ixityre ixityre biixāwidýýnykre. ²³ Deuxu Iòlòna kawesemy rare: —Iòlòð heka teòdu mahādu kia contamy robikemy idi ratxireri. Tiwesebo inieru-di rasiranyre wesemy wahe. ²⁴ Sohoji teòdu juhuu dehemynýde. Sòwemy heka tevedýýna ratximyhýre, 1000,000 womati týrýrýhýký nieru wahe. ²⁵ Inieruòre heka iòwydýýna wahe. Idi rohonykemy heka iwedu riteònyre deòdu mahādu wesemy. Tariòre-wana tahāwyy-wana ibutumy deòdumy roirekemy. Aòbo tai rýimyhý heka ibutumy idi rohonyre. ²⁶ Tai kia deòdu heka tatiowotimý resere kia iòlòko-txi: —Waiòlòrený, txioinihe biwaraòkre arìòwynykre ibutumy. ²⁷ Tai tahe iòlò riwotòenýre aòma ixinahykylemy ritusanyre. ²⁸ Tai tahe kia hābu he rare kia urihimýò tamy radevenymhýò heka rexinhòtidýýnyre. Tai tahe hābu lòtikile rimyre. Rierenymý resere ribòtòrarytxnyre: —Bidiwaòwynykre kýnyhe wijityhyle. ²⁹ Tai tahe tatiowomý resere, rarybere: —Txioikre inihe arìòwynykre ibutulemy. ³⁰ Tai tahe rirutyre ròtenawo-ò idi riòtenýre. Riwotòenýreòhyyre. ³¹ Itxeredu mahādu heka rabadewore tai tahe ibutumy relyyre iòlòko. ³² Tai tahe ixityre tamy rarariòwyre tamy rarybere: —Aòherewe, deòdu binahaký, jiarý araxāwididýýnyre ibutumy inatyhy? Kai dori ixitòedýýna

wadee tewinyta. ³³ Aõherekibohe aleina kia adee nadevenymyhÿde kia teixãwidinyõta, iwese jiarÿ araixãwidinyre wese. ³⁴ Tai tahe tii rimyre reburere itere iòlò, tai imynomy riteònyre rotenawo-ò riòwinykre xiery riòlòdÿÿnykremy. Tai aõhòkÿmy rotÿÿnymyhÿre. ³⁵ Jesuisi rexihura narybede: —Kiawesele heka adeereny rarekre. Ityhydÿÿdu seriòre taseriòre riixãwidinyòkeki heka iwesele heka waha adi riwisÿnykre.

19 Jesuisi ibedeerydÿÿna-ribi rexihureu, Kalileia bede-ribi ròhònyre. Bero Jordaõ weribijà-ò reurora, Judeia hãwã bede kanawe-ribi ijà-ò rehemynyrene. ² Tai tahe sòwemy iny webinadu mahãdu rÿire. Idi tahe ihemy rare. Ibutumy riteytenyrene. ³ Fariseu mahãdu imynomy idi riwisÿnymyhÿre aõbinamy rarybekeki rimykemy. Tai tahe tamy dÿÿraximy namyhÿde aõsira-hakÿmybo: —Iny bede ywinareny tahãwyy riteònymyhÿre urirybelemy, wiribi resekemy. ⁴ Jesuisi dirawyònyde: —Ritidÿÿnamy aõbo tariaõmyhÿte idi? —Deuxu ibutu widÿÿdu heka juhoo hãbu hãwyy-wana riwinyre.

⁵ Idi tahe rarybere:

—Hãbu heka tybyboho-wana tadibocho-wana wiribi rexihitxinyymyhÿre tai tahe tahãwyywanale wii ributunymy rÿira.

⁶ Inatxi heka sohoji weselemy rarekre, hãbu tahãwyy-wana. Deuxu heka hãbu tahãwyy-wana ributunyre, inyõ heka tiu rihitxinyõtyhy. ⁷ Tahe ijõmy fariseu mahãdu ritÿÿraxinyre: —Aõherekibo Moisesi kawesemy juhoo rarybere:

—Hãbu tahãwyy riteònykeki juhoo urile tyriti tamy riwahinyke riteònykekoki.

⁸ Tahe Jesuisi kawesemy rarybere: —Kaiboho heka ieryna urihimylereki aõ isirareki heka kia riwinyre. Juhoo tahe kawese aõkõ rÿire. ⁹ Aõmale tahe ixinamy riteònyke ixi-ribi òta òtadule heka aõwaxiny tuu riteònyre ixi-ribi. ¹⁰ Tai tahe ierydÿÿna mahãdu rarybere Jesuisi-ò: —Tahe kiawesekeki heka uritere heriõmy hãwyyõmy, hãbuõmy. ¹¹ Jesuisi tahe dirawyònyde: —Kaa bede eryna heka aõ ibutuhukÿ-ò aõkõ tureri aõma Deuxu bede eryna tamy riwahinyymyhÿreòle heka tureri. ¹² Aõtxi-ki tahe tuu hãbuõ rÿira hãwyymy heridumy aõkõ rÿira. Ijõ hãbuõ tahe tiemy tunodumy rÿirerimy ihÿre. Iwixira hãbu-ò rexiwahinyymy rÿireriki heka tuu rÿirerimy ihÿre. Ijõ tahe tuu rÿirerimy ihÿre aõma Deuxu aõmysÿdÿÿna òraru-ki wahe. Kaa rybe tahe inyõ tahe rityhinykeki tii inatyhymy rityhinyke.

¹³ Inyõ didyde uladuõ Jesuisi-ò tamy rexitòenykemy tebò iraty tyre-ki roirerilemy. Ierydÿÿna mahãdu tahe uritere iixiradÿÿõmyke. ¹⁴ Tahe Jesuisi rarybere: —Ixinamy kanamyhÿke uladu wadee. Uritere itinysÿrenyõmy. Uladu wesemy dori Deuxu Iòlòna ròtedu mahãdu ratximyhÿre. ¹⁵ Jesuisi tahe iratytyre tebò ritidire tamy rexitòenyre. Idi tahe Jesuisi rare.

¹⁶ Aõu tahe hãbuõ Jesuisi-ò nade: —Erydÿÿdu, aõhebo arotÿÿnykre. Aõma, timykibo umytedeõna aritake my wahe. Aõwidÿÿ wiwihikÿbo ariwinykemy. ¹⁷ Jesuisi

rarybere: —Aõherekibo wadee aõwiwihikÿmy widÿÿ tÿÿraxiteri? Iny sohojile awi rare, Deuxule wahe. Kai bede ywina ibutumy bityhinyke, umytedeõna hakÿ-ò molokre. ¹⁸ Aõbedeywinabo arityhinykre? Tahe Jesuisi rirawyònyre:

—Rubudÿÿõmy, Òta òta widÿÿõmy, wasiõmy, ruiõmy, ¹⁹ Adi boo-wana bityhinyke, iwese ixiluure wese heka abireludu mahãdu luuke.

²⁰ Hãbu rarybere: —Kia heka aõu aõu jiarÿ retyhinyre. Aõijõmybo arotÿÿnykre? ²¹ Jesuisi rirawyònyre: —Kai òbitimy mabekekile aõmydÿÿna-di ibutumy. Kia idi bohonyke òwy tahe biwahinyke urimynodu mahãdu-ò. Tai sòwemy aõna aõna biu-ki ahòrõmykre. Iribi tahe biwaheludunyke. ²² Iu hãbu kia roholareu tahe rabeledewonihikÿre inieru sòwerekiki heka rabeledewore.

²³ Tai tahe Jesuisi taerydÿÿna mahãdu ribedeerynyre: —Isiratyhyre heka biu bede-ò ralòke aõma ityhy nihikÿkeki. ²⁴ Isirare heka aõma kamelo tyy rurena òtumu ralòke heka isirare, inatyhy? Tai tahe aõma ityhy mahãdu ralòke tarasanamy reake heka isirare. ²⁵ Jesuisi erydÿÿna mahãdu ribedeòtiinyre kai-ò roholareu. Tai tahe ròhòtynyre: —Aõkõre isiratyhyre tuu ròte. Inyõ tarasanamy reaõtyhy. ²⁶ Jesuisi tamyreny retehere tahe rarybere: —Inatyhy rare hãbu-ò isirare. Deuxu dee tahe isiraõle rare. ²⁷ Tai tahe Pedro rarybere: —Jiarÿboho ibutumy aõmydÿÿnareny adiridenyde. Araheludunymy watxiwãhãre. Aõma ritarenykre? ²⁸ Jesuisi tahe dirawyònyde: —Kiamy heka adee ararybekre. Jiarÿ Deuxu Riòre Hãbu tyhyhykÿ wahe. Kaiboho heka tule borukubenyke aiòlònaryna-ki iu ibutumy ratÿmyrakre. Kaiboho iny sohoji sohojimy judeu ijoioð biywisidÿÿnanybenykre, waijoioð waòinatxi reurò mahãduõ wahe. ²⁹ Inyõ kia ibutumy aõbo waòraru-ki ririmyhÿre iwese taheto ririmyhÿre waòraru-ki, taseriòre, tadi, tyby, uladu, taoworu, ririmyhÿre. Kia sohoji sohoji-ribi heka aõ sohoji sohoji òwymy 100 ritakre. Tule umytedeõna ijõmy ritakre. ³⁰ Inyõ nihikÿmy ityhymy ratxirerimy ihÿre, tii iyjalemy relekre, aõma aõkõ tai relekre. Tule iyja nihikÿmy relekre. Sòwemy urimynodu kaki rÿirerimy ihÿre tahe biu-ki inihikÿmy rarekre.

20 Jesuisi tasÿ riteòsinyrereri ijyõ timyrebo Deuxu Iòlòna. Hãbu aõmysÿdÿÿdu heka oworu widÿÿmy heka riteranymy tamy rarybemyhÿre: ² —Aõmamy araòwynykre, sohoji prata womati nieru, iwese ibutumy raòwynymyhÿre wese, sohoji txuòwy wahe. Tai tahe tii raaõmysÿdÿÿre uva oworu-di raaõmysÿdÿÿmyhÿ. ³ Idi tahe tii reare 9 horau tule, txutye tule, titxibo iaõmysÿdÿÿna rÿireri titxibo hãbu teaõmysÿdÿÿmyhÿ. Tahe tuu robire urile ratximyhÿmyhe idi retehemyhÿ. Tai tahe tamy rarybere: —Maaõmysÿdÿÿke hewa, waoworu-ki. Ikonana txu heka òbitihyky araòwynykemy adi watxireri. ⁵ Tiibocho raaõmysÿdÿÿre tule. Txutye tasÿ ixiyrubule ijõ riteranyre aõma iwese kia juhoo ijõ-ò rarybera wesele. ⁶ Txuinyòbira-ò ijõ rimyre, tule ijõ txiorotxure. ⁷ Iruyre hora-ò ijõ tasÿ riteònyre. ⁸ Tahe txiorotxumy ròhònyra tahe kia iòwydÿÿdu tamy rryre. ⁹ Tahe 1 womati nieru tamy riwahinyre, sohoji hora raaõmysÿdÿÿre mahãdu

wahe. ¹⁰ Tahe txusohojimy raaõmysydÿÿre tahe iratyre rõtakremy ixi-di röhõtinyre. Tahe tule riòwynyra iwese ijõ riòwynyra weselemy, 1 womati nieru, sohoji sohoji wahe. ¹¹ Tai tahe rimyre nieru urile tamy rexibinanymy rarybere: ¹² —Kowa heka sohoji horale raaõmysydÿÿhãrele heka 1 teòwynyta. Jiarÿ boho tahe txuhyy raaõmysydÿÿra, bede tõtee-ki wahe. ¹³ Tahe iwedu rarybere: —Wabiòwa, adeereny rarybera. Wiji 1 womati nieru ariwahinykremy heka inatyhy? Tuheka adeereny rewahinyre. Aribi rawasinyora. ¹⁴ Boibenykre heka ibutumy araòwynyneri. Wiwesetyhylemy heka araòwynyrenyneri, iwese rarybere wese. ¹⁵ Hora sohojilemy raaõmysydÿÿraò sohojimy wanieru ariòwynykre inatyhy. Tamy wanieru ariwahinykemy ixideewimy, aõhe inatyhy? Aõherekibo tebureteri? Jiarÿ urihimyo raaõmysydÿÿraò wawiremy tarybetenyteri wahe. ¹⁶ Jesuisi tahe rexihure kia rybe-di, kiamykre bede: —Ikoludu heka ihewoludu-ò resekre. Ihewoludu tasÿ iko-ò resekre.

¹⁷ Tai tahe Jesuisi ròwònyre Jerusalẽ hãwã-ò. Iny-ribi tawaò inatxi reurò mahãdu rihitxinyre. Tamy relyyre timybo aõhebo rotÿÿnykremy Jerusalẽ hãwã-ki: ¹⁸ —Jiarÿ, Hãbutyhyhykÿ adee ararybekre: —Inyõ riwawahinykre aõma-ò Xiwena wahidÿÿdu wedu mahãdu-ò. Tule diwatyhenykre judeu wedu mahãdu-ò. Tahe riwarubunykemy heka tiiboho wamy rarybekre ijõ iny-ò. ¹⁹ Tii heka riwamykre tahe riwawahinykre Roma iòlò-ò, judeukòdu mahãdu iòlò wahe. Ibinatyhy my aõhebo riwasÿnymy riwahetenyre. Itxèò nihikÿ-ò riwamatadÿÿnykre. Tahe txu inataõ-di rubu-ribi areixixanykre.

²⁰ Zebedeu riòrese Jesuisi-ò nade. Tatiwotimy resere tahe rexitòenyre aõmybo Jesuisi-ò tariòre-wana nade. ²¹ Jesuisi tamy rarybere: —Aõbo rare hãwyy rarybere: —Waritxòre inatxi hãbu rare. Tikiboho kÿnyhe, aikòlònykuna rynana-ki ronykre awana. Ijõ aruruna-txi, ijõ ahywe-txi wahe, kai aikòlòkuna-kò malokreku wahe. ²² Jesuisi heka iriòre-ò rarybere: —Kaiboho aõmybo textitòenyteri teerykòleter. Kai Txiau, kai Joaõ, teerytenyte aõbo aõhebo wadi rotÿÿnykre arurukre dori jiarÿ kaiboho tulekre? Tiiboho dirawyònyde: —Tulekre. ²³ Tahe Jesuisi rarybere: —Inatyhy rare kaiboho tule aõhòkÿmy botÿÿnybenykre. Tahe mobo warora-txi ada waruruna weribi rynana-txi ronykre. Jiarÿ reerykòre. Wahale heka rieryre. Tiile tamy riywinyre. ²⁴ Idi tahe debòwiò ierydÿÿna mahãdu kia rieryre aõmybo Txiaku Joaõboho rexitòenyrenyrá. Tai tahe tiiboho rakyarananyrenyre. ²⁵ Tahe Jesuisi ibutumy taerydÿÿna mahãdu tamy kanakemy rarybere: —Iny iòlò iruru dire. Ibutumy dinodu tahe kia weselere —taijoi mahãdu riteònymyhÿre. Teòdu mahãdu riteònymyhÿre. ²⁶ Tahe aõ tuukre aõkò heka rare ayreny-ki. Inyõ dinodumy ixidikre heka deòdumy rarekre. ²⁷ Kia iny nihikÿmy ixi-di rexinohõtinyneri tasÿ aõ aõkò tii rarekre. ²⁸ Iwese jiarÿ riwinyre wesemy heka rarekre. Hãbutyhyhykÿ aõ dinodumy aõkò anade. Iwese deòdu rÿira wesemy heka nade waumy riwahinykremy rubu-ò kabe-de-ki. Tai sòwemy iny ritakre.

²⁹ Iu Ijeriò hãwã-ribi ròirenyreu, tahe sòwemy iny ri-heludunyre. ³⁰ Inatxi iruetàmy heka ronymhÿ iu Jesuisi ibire-di rareu. Tiiboho roholarenyre kia Jesuisi raremy. Rexidelenyre ryryre Jesuisi-ò: —Davi riokore, wadee hewa ruxetòena biwahinyke. ³¹ Tai tahe iòhòmy iny iribi rÿimyhÿ rarybere: —Txiokre inihe, biyryke! Ixityre ryryre tarurutyhy: —Inynyrÿ Davi riokore, Biwawotòenyke hewa. ³² Jesuisi tamy rarybere: —Aòwexe adeereny ariwinykre. ³³ —Wanyrÿ, Kai wa bidiwarunykre warue biraynykremy. ³⁴ Tahe Jesuisi riwotòenyre iruebymy reare tebò-di. Aòwesele tahe ruòmy reare. Tai tahe Jesuisihe ri-heludunyre.

21 Jesuisiboho tahe rehemynyrenyre Jerusalẽ hãwã iòhòmy. Betabaji hãwã-ò heka rehemynyre. Kia Oliveira hãwãlò-ribi irehemy aõkò ihÿre. Tahe Jesuisi inatxi iny riteònyre hãwã-ò, taerydÿÿna mahãdu wahe. Tamy rarybere: ² —Juhu hãwã dele-ò malokreule aõma bobikre, jumenta tariòre-wana. Tahe bitaanalawekre ta bididykre kaò. ³ Inyõ aratÿÿraxinykre wana, tai tahe kiamy bisÿnykre aõma: —Wawedu hewa idi ratxikemy röhõtinyneri. Tai ki tahe ahemy kiditeònykre. ⁴ Kia ihetxiu ritidÿÿna tuheka relemy roimyhÿre. Kamy rarybere: ⁵ —Marybeke heka Jerusalẽ hãwã-ò:

—Deuxu Iòlòna heka kanakre adeereny wahe. Tii inihikÿ wesemy aõkò kedehemynymy, jumenta tyre-ki heka kedehemynykre.

⁶ Tahe ierydÿÿna mahãdu riwinyre iwese Jesuisi rarybere weselemy. ⁷ Didyde tahe jumenta tariòre-wana. Ihetyreny jumenta tyre ritidire. Jesuisi ityre ronyre tahe idi rare. ⁸ Tahe inyõ sòwemy-ribi tahetyreny-di rehumyhÿre iryko-txi idi rariakemy ityre-di. Ijõ tasÿ hereru-di iryko-txi rehure iryube hetymy ityre-di rariakemy.

⁹ Sòwemy tai iny rirajuamy rÿimyhÿ iko-ò, ihewo-ò: —Iòlò Davi riokore heka sòwemy iny wowydyna tamy iny riwahinyneri. Tii Deuxu Riòre Hãbu rare. Deuxu deysana heka tamy biwahinyke!

¹⁰ Jesuisi hãwã-ki rehemynyre, ibutumy iny ribedeòtiidÿÿnyre: —Mohãbuwe kia ralòreri Jerusalẽ hãwã-ki wahe? ¹¹ Tai tahe iny mahãdu rarybere: —Aõkòre, kia Deuxu rybeduò rare. Jesuisi inire Kalileia bede-ribi Nazare hãwã-ribi dehemynyde.

¹² Tahe ralore Deuxu dohodÿÿna heto-ò. Tai kia aõna aõna-di rohonyneri heka riteònyre. Kia aõma nieru wiuròna iòwòruwebese tahe riatyre. Kia aõma bòtòe dohodÿÿdu ryna ibutumy ritxiwire riatyre. ¹³ Tahe Jesuisi rarybere: —Deuxu Tyriti rarybere:

—Dohodÿÿna heto heka waha heto rare, ixitòedÿÿna heto rare.

—Kaiboho heka inywasidu mahãdu-di tetÿxinytenyta.

¹⁴ Sòwemy iny itiere, iruetà, nade Jesuisi-ò dohodÿÿna heto-ò. Jesuisi taile riteytenyre. ¹⁵ Tahe xiwena wahidÿÿdu wedu tuu robire. Tule judeu bede ywina bede eryna mahãdu robireu tahe, aõma uladu templo-ki ryrymy rÿimyhÿò aõma: —Davi riokore heka Deuxu-deewina rare. Tai tahe kia rybe-ò reburerenyre. ¹⁶ Tiiboho tahe raryberenyre Jesuisi-ò: —Kai aõbo taholate

aõbo rarybereri. Jesuisi rirawyõnyre: —Kohe, raholare. Kaiboho teeryõtenyete:

—Uladu dori wowydyna tamy riwahinykre. Tiu aõbo tariatenyõhyymahâte kia Tyyriti-ki.

¹⁷ Tahe Jesuisi iribi rõhõnyre Betýnia hãwã-ò. Taile tahe ruu idi rýire.

¹⁸ Biurasò txummy tahe tii dòõsede Jerusalẽ-ò. Tahe rama risare iu. ¹⁹ Òwòruõ tai rýire. Tai tahe diaride figoraty-ò. Tahe iratyõre, txirule rýire. Tai Jesuisi rarybere òwòru-ò: —Tiu heka kai maratynyõtyhy aõwesele tahe irade rairuxýrure. ²⁰ Tai tahe ierydýýna mahãdu heka ribedeòtiidýýnyre: —Timykibo heka aõwesele rairumyrõmy reareri. ²¹ Tahe Jesuisi tamy rarybere: —Kai ainatyhyna ijõdikeki heka iwesele biwinyke. Iratyre biwinyke. Kaiboho heka bitxiõnyõkeki kaa hãwãlò-ò dori marybekre kiamy: —Iribi bexitake tahe aho-ò boikre. Tai hãwãlò-ò aõwesele heka ahoro-ò roikre. ²² Aõtxile kai bexitõenykre heka adee ijõ rýikre. Bityhynytyhykeki, tahe ibutumy bitake.

²³ Tai Jesuisi dehemynyde Deuxu dohodýýna heto-ò. Tai tahe ròbedeerydýýmy ratximyhý. Tahe xiwena wahidýýdu mahãdu, tule judeu bede ywina erydýýna mahãdu tule tamy dýýraximiy nade. Tai tahe Jesuisi-ò rýýraxire: —Morurudibo heka kai aõmydýýnana tewinymahâte? Mobo heka arateranyre kia biwinykemy. ²⁴ Tai tahe Jesuisi tamy rarybere: —Kai aõbo myýraxikeki wadee tai ako tuu arelyykre. Kai dýýraxinaõmy bidiwatýnynykeki tahe, adee tuu arelyykre.

²⁵ —Joaõ Sebedýýdu heka morurudibo nade morybekibo tuu tadiwinymahâte wesemy. Morybekibo Joaõ iny risebenymyhýre. Deuxu Rybe-ki aõbo ada iny rybe-ki aõbo. Tai tahe widee rarybe raryberenyre: —Aõma Deuxu Rybe-ki tuu ròsebedýýmyhýre. Mykeki rakarybenykre taheka: —Aõherekibo tetyhynytenyõte myle tii risýnykre. ²⁶ Aõmamy rikisýnyrenykeki: —Iny rybekile tii tahe nade. Myý rikisýnyrenykeki tasý kia ijoiyndeereny rakyarananyke. Joaõ Sebedýýdu dori ibutumy iny rityhynyrenyre moma tii Deuxu deòduõ ratximyhýre heka. Rakarybenyõkre tahe. ²⁷ Tai tahe Jesuisi-ò raryberenyre: —Aõkõre, reeryrenyõre heka irawyòdýý titxiribibo iruru nade. Tahe Jesuisi rirawyõnyre: —Tule jiarý ýýraxina adeereny aritýnyrenyõtyhy. ²⁸ Ijõ Jesuisi relyyre: —Timybo maraykynybenykre ka ijyymy arelyykre. Hãbuõ heka inatximy iriõre raremyhý. Tariõre dela-ò rarybere: —Dàà, maaõmysýdýýkre waoworu-ki, wiji wahe. ²⁹ Tahe tamy dirawyõnyde: —Waha, araõkre hewa. Ihãrele tahe tawo rirahõrere rakremy. Tahe rare.

³⁰ Idi tahe tyby rarybere helýýna-ò: —Kai tule makre waaõmysýdýýna biwinykremy: —Dei wahe, arakre araaõmysýdýýkre. Ihãrele tahe tii raõhyre. ³¹ Adeereny inihe araýraxikre. —Tibohe weryrybò aõma tybyrybe rityhynyre? Tai tahe dirawyõnyde: —Juduludule irybe rityhynyre. Tai tahe Jesuisi tamy rarybere: —Iny òrarudu tyhy heka wydena-wana ralòkre biu bede ròtena-ò. Ihãrele tahe kaiboho birõnybenyõtyhy.

³² Joaõ Sebedýýdu dori adeereny rarybere. Ihãrele tahe kaiboho ixitxireny aõrarureny-txi õhõtireny reakemy Deuxu bityhynykemy. Kaiboho heka teramy

tekoamahâte tahe sõwemy òrarudu mahãdu wydena mahãdu rityhynyrenyre. Kaiboho tuu tabitenyete ihãrele teerytenyõte.

³³ Ijõ ijyymy arelyykre:

—Hãbuõ heka uva oworuhukýle ritòbrõnyre. Tahe òtityna riwinyre. Tai tahe utà riwinyre yrubudýýdu mahãdu itxerenamy.

Tai tahe rihuõtere oworu wahe hãbu mahãdu-ò. Tii tahe rabetetýinymy rare taheto-ribi. ³⁴ Iu uva bederaty kia siredenamy bede reareu, riherehe txuramy ixidee ritxuakemy wahe. ³⁵ Tai tahe huòtedu mahãdumy heka teòdu mahãdulemy raõhõtere. Ijõ tahe rirubunyre ijõ manadile tamy rehunanymy rýimyhý. ³⁶ Iribi tasý teòdu mahãduõ didyde sõwetyhymy juhuna ludu ratyre. Tahe ixbyle tuu raõhõtere juhuu iwese tuu rotýýnyra wesele. ³⁷ Tahe iwedytyhy rõhõtinyre: —Aõma war-iõrele kòri ariteõnykre. Tai tahe wariõre rityhynykre heka. Tahe tariõre diteõnyde. ³⁸ Tahe huòtedu mahãdu weryrybòmy robireu, tahe wideereny rarybere: —Kaa heka iwedu riõrele rare. Aõma iwedu rurukreu iaõna aõna, ioworu heka ixideereny rikimiyrenykre. ³⁹ Tahe rirubunyrenyre iumy-di rehurennyre oworuro-ribi.

⁴⁰ Tahe Jesuisi rarybere: —Adeereny araýraxikre aõbo iwedu tamyreny riwinykre huòtedu mahãdu-ò iu tii rehemynekreu wahe. Timybohe tii riwinykre? ⁴¹ Tiibohe dirawyõnydenyde: —Kia rirubunykre ibutumy hãbu bina. Inywitxira-ò huòtenamy ele elemy wijuramy riatykre-ò riwahinykre. ⁴² Tahe Jesuisi tamy rýýraxire: —Kaiboho aõbo Ryberiti-di tariaõletenyteri:

—Mana-di heka heto widýýdu rehummyhýre kia manale heto hàtxi-ki ritidimiy roimyhýre. Jiarý kia mana wese rare. Inynyrý Deuxu kia riwahinyre. Tai awi heka rare. Ijõ riwiõhenanyre, mana wahe.

⁴³ Tahe Jesuisi tamyreny rarybere: —Tule jiarý adeereny ararybekre: —Deuxu Iòlõna heka aribi ritakre. Tahe inywitxira-ò aribi riwahinykre. Inyõ txura wylemy riwahinykremy Deuxu-ò. ⁴⁴ Kia iny mana tyre resemyhýkre heka tii heka wiòrõmy ixòdumy rare. Mana iny tyre resekeki tasý iny risurusurunyke. ⁴⁵ Inyõ roholakeki kia aõbo aõma xiwena wahidýýdu mahãdu roholamy rýimyhý tule fariseu mahãdu. Tule rexierymyhýrenyre tiibohe Jesuisi turenyle rarybereri heka rierymyhýrenyre. ⁴⁶ Tai heka tii mahãdu rimykemy idi riwisýnymyhý tahe iny sõweheký lau ruberumyhýrenyre. Iny mahãdu dori idi rõhõtiny tii Deuxu rybeduõ ratximyhýremy.

22 Jesuisi heka rexidelenyre ijyymy relyykre:

² —Timybo Deuxu Iòlõna rare ijyymy heka relyykre. —Iòlõõ heka tariõre herinamy worana bedehesi riwinyre. ³ Iaõmydýýnana ròrarukõmy rýidi tahe teòdu mahãdu iòrysomy roire. Rexihumy rýireriki iaõmydýýnana, kanakremy wahe. Tahe òrysina noderamy reare. ⁴ Ijõ riteõnyre teòduõ iny ritobinykremy. Aõhere tahaka, wabroneni kýnyhe rerubunyre heka. Ibutumy heka waaõmydýýna rehumy rýireri. Tahe kedea kedea heka kòdòidenyke heka. ⁵ Tahe timy heka irybe rityhynyrenyõhyre. Iny sohoji sohoji tatyresidi-ijõhona-ò, ijõ taaõmysýdýýna-ò rea reare,

ijõ taoworu-ò reare. ⁶ Ijõ lobidÿÿna reburere teòdu mahãdu dee. Tii teòdu dee heka rawobinare. Ijõ aõbina bina heka ritxienyre ijõ rirubunyre dori. ⁷ Tai tahe iòlò reburere lobidÿÿna mahãdumy bina bina raòhòt-edÿÿnyre, rirubunyre. Ihãwã ritoonyre. ⁸ Tai iòlò rarybere teòduboho-ò: —Waworana bedehesi rexihumy rÿireri ibutumy. Kia iny mahãdu ijoi juhoo retobinyra heka aõ ibina heka roire. Urile riòmysanymhÿrenye. ⁹ Tai tahe ibutumy boibenykre hãwã-ò ibutumy iny-txi bekoabenybekre heka bitobinybenybekre ibutumy waworana bedehesina-ò kedea kedeakremy. ¹⁰ Tai tahe didyde iny wiwihikÿ, iny ityhy iny bina mahãdu. Hetowo tahe ritÿxire tÿmyra mahãdu-di. ¹¹ Tahe iòlò ralore hetowo-ò kia iny mahãdu dee rybemy. Tahe tii robire hãbuõmy kia worana bedehesi kia tykyõmy ratxirerimy. ¹² Tai tahe tamy iòlò rarybere: —Waliiny, aõherekiwe worana bedehesi kia tyky-di aõkõ atxiteri? Kia tahe hãbu rybeõmy riijere. ¹³ Tai tahe iòlò aõma rarybere teòdu mahãdu-ò: —Bimybenyke kaa hãbu. Waa bitaataabenyke imy behubenyke tahe idi diòlòdÿÿmy idi rehukre luruhukÿ-ò. Tai Aõhõkÿmy dÿÿnana-ki tai txuraruti rikyikyiny. Tai rahinykre. ¹⁴ Tai tahe Jesuisi rarybere: —Sõwemy iny heka kidirahukre tahe ibutemy kanaarikre.

¹⁵ Tai tahe fariseu mahãdu ròhònyre wii rotyre. Aõbiny Jesuisi rarybekeule heka rimykyemy idi rÿimyhÿ. ¹⁶ Kia aõma fariseu ijoiõ heka riteònyre Jesuisi-ò. Tule Herodi ijoi mahãdu riteònyre. Rÿÿraxire Jesuisi-ò: —Erydÿÿdu, kai heka hãbuwi tate, hãbu òbiti. Kai heka tòbedeerydÿÿmahãte Deuxu deewinamy. Awire aõbo ariòwynyrenykre Roma hãwã mahãdu dinodu-ò. ¹⁷ Kai heka ixinamy aõma adee iny rarybererimy ihÿre. Timybo iny raraykynrerimy ihÿre. Iny bede ywinareny aõbohe ixinamy nieru aõna aõna òwydÿÿnamy ròhònyre aõbohe awire? ¹⁸ Tai Jesuisi heka rierymyhÿ aõma awimy aõkõ tai rahareri heka rexierymyhÿre: —Kaiboho òbitimy aõkõ toite. Aõherekibo heka kai biwaitxenanybenykyemy wamynymy wadi atxitenyteri? ¹⁹ Timybohe nieru-ki rakaharenkyre aõna aõna òwydÿÿnamy. Biditeòsinyre kia-ò arierykremy. Tai tahe tamy riteòsinyre womati nieruõ. ²⁰ Tahe Jesuisi ritÿÿraxinyre: —Motyytybybo koa rÿire. Monibo ityre-ki koa roire? ²¹ Tai tahe rirawyònyre: —Roma hãwã iòlònile tai roire. Tai tahe Jesuisi rarybere: —Tibo Roma hãwã iòlò nierubo heka tamy biwahinykre. Tibo Deuxu nierule tasÿ tamy biwahinykre. ²² Tai tahe urile ribedeòtiidÿÿnyre. Tai ririrenyre ròirenyre.

²³ Tahe kia txule saduseu mahãduõ heka dòidenyde Jesuisi-ò. Rityhinyõhyymhÿre kia aõma rubu-bibi ixixana heka rityhinyõhyymhÿre, saduseu mahãdu wahe. ²⁴ Tamy rarybere: —Erydÿÿdu, Moisesi tyriti heka kawesemy ribedeerynyre:

—Aõma hãbumy hãwyy heridumy roikeyi aõbohe timykibo hãwyy uladu-di ratxikeki. Hãbuõ iriòrekõ-di rurukeyi tai tahe iseriòre heka iriòrese tyby-wana roikeyi. Tai heka kia hãbu rubuweleu, kia deròwumy heka uladu ritybinyke.

²⁵ Aõu heka debò inatxi seriòremy kaki rasÿnymy raremyhÿ. Telareny heka roire hãwyy tahe iriòrekòlemy rurure. Tahe ihãwyytybyhe kia iseriòre-wanale roire. ²⁶ Ihelÿÿna sÿ tule rurure. Kia heka ibutumy debò inatxi reurò tii-wana roihyyre iriòrekòule. ²⁷ Tahe hãwyy heka tule rurure. ²⁸ Tai tahe kia ruru-ribi rexixakre tahe, tiwexe ihãbukre? Ibutumy dorihe tii-wana heka roilehekÿlera. ²⁹ Tai tahe Jesuisi rirawyònyre: —Kaiboho teerytenykdòlemahãtenyde timybo Tyriti-ki roimyhÿre. Deuxu ruru tule teeryòte. ³⁰ Tiu iny rubu-ribi rexixakre iwitxiramy rexixakre. Ýju wesemy ronykre. Timy heka hãbumy hãwyy roioÿtyhy. ³¹ Kaiboho heka tetyhinytenyõhyymahãtenyde rubu-ribi ixixana. Idi heka tariatenyõhyymahãtenyde timybo Deuxu rarybere? ³² Kiamy heka rarybere: —Jiarÿ heka Abraõ Deuxu rare. Ijai Deuxu rare. Ijaò Deuxu jiarÿ rare. Tii heka iru mahãdu Deuxu heka tii ihÿre rubu mahãdu Deuxu aõkõ wahe. ³³ Iu iny sõwe ribedeerynyre, tahe urile iny ribedeòtiidÿÿnyre.

³⁴ Fariseu mahãdu doidenyde Jesuisi-ò wii rotyrenyde. Roholareki wahe aõma saduceu mahãdu ribedeòtiidÿÿnyrenydeki. ³⁵ Bede ywina erydÿÿna mahãduõ rÿÿraxire heka aõmybo Jesuisi-ò. Tii rimykyemy heka idi riwisÿnymy kia rybebinaõmy rirawyònykeki rimykyemy. ³⁶ Tahe rÿÿraxire: —Erydÿÿdu, tibohe aõbo bede ywina kia-ribi aõnityhymhewewe bedeòtiidÿÿnamy ratximyhÿre. Wakoreny inihe tuu bedelykyre. Tibo kidiòtiidÿÿnamy ihÿre. ³⁷ Tahe Jesuisi dirawyònyde: —Iny Deuxu-nyre iny iòlòreny luuke heka. Ibutumy awo-ribi heka iluuke, ibutumy aruruna-ribi, ibutumy arayky-ribi luuke heka. ³⁸ Tii heka inatyhy bedeòtiidÿÿna tyhymy ratximyhÿre ibutu bede ywina-ribi. ³⁹ Ijõ ihelÿÿna tahe iwesele heka rare: Iwese ixiluure wese heka ibutu luuke. ⁴⁰ Ibutumy Moisesi bede ywina heka juhoo rare. Tule Deuxu rybedu mahãdu erydÿÿna heka iribile rare. Kia bede ywina inatxi-ribi heka ibutumy iny bede eryna ròhònyre. Kia inatxi bityhynymy bohonykeki iuhe heka tetyhynymahãte.

⁴¹ Iu fariseu mahãdu iweroramy rÿimyhÿò tahe rÿÿraxire Jesuisi tamy: ⁴² —Mobo Deuxu deòdÿÿnamy ihÿre, Kristu wahe? Moriòrebo tii ihÿre. Tai tahe tiiboho rirawyònyrenyde: —Moma Davi riokore òsana. Tahe ijõ Jesuisi rÿÿraxire: ⁴³ —Tai tahe aõherekibo Davi heka Wanyrÿmy rininire Deuxu Tytybytyhy irybe riwìohenanyre wahe. Davi dori kawesemy rarybere: ⁴⁴ Deuxu wawedu-ò rarybere.

—Bodonyke warurunawe-ribi, jiarÿ heka aòludu mahãdu-di arawo-txi.

⁴⁵ Davi tawedumy Kristu rininirehãre, timykibo Kristu riokore riokorekre. ⁴⁶ Tahe inyõ heka Jesuisi rirawyònyõhyre. Tai tahe ruberumyhÿre tamy rÿÿraxike lau.

23 Jesuisi heka iny sõwe nihikÿ ribedeerynymyhÿ taerydÿÿna mahãdu-wana. Tii rarybere:

² —Judeu bedeerydÿÿdu mahãdu heka Moisesi bede ywina bede erydÿÿna mahãduõ rare. fariseu mahãdu tule bede ywina riwinyymhÿrenyde. ³ Iwese ribedeerynyre wese tahe bityhinykre. Uritere iwese tii

riwinyhÿre wese uritere iwidÿÿomy. Aõwidÿÿmy rarybemyhÿrenyrehãre tahe aõwitzira heka riwinyhÿreny. ⁴ Tiiboho heka atyreneny riõdõnynihikÿmyhÿre bede ywina. Ihãre tahe rityhynyrenyõhyymahãreny. ⁵ Aõma õbitimy ratxike sÿny heka iny tamy roholamyhÿre ixi-di ratxirerimy ihÿre. Aõma walabu riõreõ heka rÿimyhÿre axiõ-ki bede ywina heka ritidimy roimyhÿre ityky ijeti retydyna bede ywina-txi tõhõti reakemy tuu riwinyreny. Sõwemy heka iretydyna riwinyreny. ⁶ Ronymyhÿreu heka ikoõhõkÿle ronymyhÿre, worana bedehesina rÿi-wana wahe. Dohodÿÿna heto-ki heka tule ronymyhÿre, iko-õ tuu rexisÿnymyhÿ. ⁷ Hãwã-ki iny tamy rryrymyhÿre: —Waerydÿÿdu, Habimy, kia tahe irybe-ki bede erydÿÿdu rare. Tii tahe tamyreny awire. ⁸ Tai tahe Jesuisi tamyreny rarybere: —Kaiboho heka uritere Habimy inyõ adeereny irykõmy ihÿke. Deuxu sohojile bede erydÿÿdu heka rare. Ibutumy kaiboho seriõre wesemy atximahãteny. ⁹ Kasu-ki taheka inyõ heka tii wahamy inyõ widee rarybeõtyhy Deuxu biu-ki ratximyhÿrele tuu bininibenye heka. ¹⁰ Uritere Wawedu myÿ inyõ kia nidÿÿomy. Deuxu deõdÿÿnale heka awedu ratximyhÿre Mesia wahe. ¹¹ Anihikÿmy ixi-di mohõtinykeki tahe, kia iny biwiõhenanyke. ¹² Kia ityhy rare ixi-di rõhõtinyhÿre, tii heka ihewo-ribi rabede-wokre. Ihewo-ribi tahe aõma aõkõ relekre. Kia iaõkõmy ixi-di rõhõtinykre tahe nihikÿmy heka relekre. ¹³ Belãhãxe! Kaiboho itxenadÿÿyluku. Ibina adeereny kanakre, kai bede erydÿÿna mahãdu, fariseu mahãdu. Kaiboho uritere iny rõtedyÿrenyõmy Deuxu Iõlõna-õ. Kaiboho birõnybenyõtyhy tule iny rõtedyÿ-õ biebenyke. Kaiboho bexisÿnybenyke õbitinamy. ¹⁴ Aixitõedyÿna rehereheki wahe hãwã ube-ki. Kaiboho urile iny teitxenanymahãteny. Aõma wytese urimynodu heka iheto-ribi teteõnymahãteny kaiboho heka abinareneny. Tai heka kaiboho yla aõkõ aõhõkÿmy botÿÿnybenyke. ¹⁵ Belãhãxe! Kaiboho ibutumy iny aratyhynyrenykemy ixi-di tahõtinyahãteny. Tai heka iny tesÿnymahãteny õrarudutyhymy wahe ixi-ratyre heka teijiradÿÿnymahãteny. Aõraru-ki heka aõhõkÿmy botÿÿnybenyke. Iny-di atxikemy heka tahõtinyahãte. ¹⁶ Kaiboho ruetã mahãdu wesemy kai ahãte. Kaiboho heka kia wesemy tebedeerynyteny. Inyõ heka Deuxu bede eryna heto riwawiohenanykeki heka aõna aõna ariwinykre. Myÿ marybebenykeki, heka aõ aõkõ heka rare. Deuxu dohodÿÿna heto womati tÿÿrÿhÿkÿ-di marybekeki heka, tii heka rityhynyhy. Ibutumy heka kia bede ywina õta õta tewinymahãteny. ¹⁷ Kaiboho heka bede erydÿÿdu bede erytyhykõ mahãdu atxitenyteri dohodÿÿna heto kia-õ ralõkeki. Aõbo bedeõtiidÿÿna tyhyre womati tÿÿrÿhÿkÿ aõbo ada dohodÿÿna hetole aõbo teeryõte, Deuxu Dohodÿÿna heto wahe. ¹⁸ Kaiboho tule tebedeerynyte kawesemy. Inyõ tarybe inatyhy-di rarybekeki, tai heka kia xiwena wahidÿÿna-di rarybekeki, tai tahe tii rityhynyõkeki, awira. Tahe tii xiwena wahidÿÿna tyre-ki rarybekeki tahe, tii õbitimy heka rarybeke. ¹⁹ Kaiboho ruetã mahãdu wese, kaiboho heka erydÿÿ-

nakõdu mahãdumy toite. Aõbo awityhyre? Xiwena wahidÿÿna aõbo ada ityre-ki wahidÿÿna roimyhÿre aõbo? ²⁰ Wahisidÿÿna heka wiwesele rare. Aõma xiwena tyre-ki roire wana tule wiwesele rare. Aõma xiwena tyre-ki roiõre wana wahe heka aõ aõkõ rare. Xiwena utãle heka rierymyhÿre inatyhy rare. Myheka kai mararybekeki heka tai tahe kai heka xiwena utãlemy tarybeteri. Ibutumy iny ityre-ki rÿire bohomy tule heka tai tuu tarybeteri. ²¹ Deuxu dohodÿÿna heto õraru-ki kai koityhyxemy marybekeki heka tai heka kai dohodÿÿna hetomy tarybeteri hãre tahe Deuxu iwo-ki ratxirerilemy tuu tarybeteri. ²² Biu õraru-ki ka koityhyxenyteri marybekeki, Deuxusÿmy tarybeteri. Tii dori tarynana-ki ronyreri. ²³ —Belãhãxe! fariseu mahãdu! Kaiboho heka itxenadÿÿdu mahãduõ toite. Tule bede ywina bede erydÿÿdu mahãdu. Adeereny heka ibinamy ratxikre. Arÿsÿna uri juraõ heka kai Deuxu-õ tewahinyte, hortelã, erva-doce, cominho wahe. Kaiboho heka aõninihikÿ tetyhynytenyõhyymahãteny. Iwese õbitina, ruxetõena, inatyhina kia-ribi heka õhõti losamyhÿre ibutumy. Aõmydÿÿna jura wahisidÿÿna heka awi rare. Tahe tule uritere õhõti losaõmyke aõwitzira-ribi wahe. Aõbo bedeõtiidÿÿnare bede ywina-ki. Kaiboho heka bede erydÿÿdu toite hãre tahe teerytenyõte. ²⁴ Belãhãxe! Kai hãbuõ wese rare. Tiiboho imona berarenny-ribi ohoruxõmo riarimahãre. Ihãrele tahe tiiboho irõdu nihikÿ rirÿsÿmyhÿre. Iwesele kaiboho tule terÿsÿmyhÿteny. ²⁵ —Belãhãxe fariseu mahãdu, bede ywina bede erydÿÿna mahãdu. Amona deoreny tesuhõmahãteny iwe. Iwo tahe ka isuhukÿlemy rÿimyhÿre. Itxenadÿÿna rÿire. Aõma aumy weselemy heka kia ratximyhÿre. Aõma aumy heka webõrõsity tyrare heka. Araykywo-ki tahe ibutu itxenadÿÿ heka tai rÿimyhÿre. ²⁶ Belãhãxe fariseu mahãdu! Kaiboho taruetã mahãdu. Kai mona hynawo bisuhõke heka biõtinyke. Aõma bisuhõke ihÿre tahe arayky bityranykre. Tahe ibutumy heka aumy ryranykre. ²⁷ —Belãhãxe fariseu mahãdu! Kaiboho heka koityhyxenyteri. Rubu heto wiwihikÿ ixideereny tewinymahãteny. Kaiboho heka iwesetyhylemy toite. Aõma webõrõsitylydu heka iruxeramy idi toite. Aõma aworeny-ki tahe aõma iny rubu idi rõhõkÿdileka atxitenyteri mahãteny. Ibutumy aõbina bina awo-ki arayky-ki idi atxiteri mahãteny. Aumyreny-ki heka tykywihikÿ texitykyny mahãteny. Aõma hãbu wihikÿwesemy. Hãbu õbitimy matxibenye myheka iny adi rõhõtirenkyemy heka tuu texitykynymahãteny. Araykywo-ki tahe arimyrenywo-ki tahe ibutu itxenadÿÿna-di heka toite, õrarudu mahãdu toite. ²⁹ Belãhãxe! Tai heka kaiboho Deuxu rybedu mahãduõ rirubunyre. Kaa nohõti ijaranamy tuu tewinymahãteny. Awabederenywo-ki heka noijasa ruxerahakÿle tetidite. ³⁰ Kaiboho heka tarybe-mahãteny. —Tiu waharenny riwinyre wese heka ariwinyrenyõtyhy. ³¹ Kiamy tarybetu heka hãbu bina riõremy texininite. Bowesele toite. Iriõre toite. ³² Iwese juhoo ibinamy riwinyre wese heka iwesetyhyle aõhebo tatÿÿnymahãteny. ³³ Iwese hemylala deborehekÿ we-

semy heka kaiboho atximahätenyte. Boreny tule iwe-selere. Timybo heka kaiboho heöty bede-ribi maheny-benyke? Kaiboho heöty bede-ò boibenyke. ³⁴ Adeereny ariteönykre aöma Deuxu rybeduö häbu erydu, tyriti erydu wahe. Kaiboho bidirubunybedenykre. Ohodýýna heto-ki ijö bidihetenymybedenykre awaru hetenaö-di. Itxeötyre-ki ijö bidirubunybedenykre. Ijö heka biheludumykre häwä häwä-ò tamy ibinamy riwinykremy. Aöhökýmý dýýnana heka tamy biwahinybenykre ijö häwä-ò rakreu. ³⁵ Kia heka häbu ibutumy rurure tyby òraru-ki wahe. Dohodýýna hetowokile rirubunyrenyre. Kaiboho Abeli juhúu terubunytenyte ikonana tahe Zacaria, Barakia riòre wahe. Öbitityhy juratya-ki heka tuu tewinytenyte. Wijinabödu mahädu tai aöhökýmý rotýýnykre. Ibutumy ibinamy kai atyre-ò kedesekre. ³⁷ Jesuisi ikonana tahe rarybere: —Jerusalë häwä mahädu, kaiboho heka terubunytenyte Deuxu rybemy rybedu mahädu. Jiarý heka aramykemy adi rewisýnyreri wariòre wesemy tahe waderarenyre kaiboho. Iwese hänieö iriòre ridyre wese idewo-ki. ³⁸ Aheto heka ixisohojilemy rýimyhýre. ³⁹ Kaheka ararybekre adeereny: —Wamy heka bobiötyhy ixityre. Kai heka Deuxu deödýýna bidykreule wamy bobikre. Iu rarybereu, Deuxu deysanamy, wamy bobikre.

24 Iu Jesuisi rõhònyreu dohodýýna-ribi, ierydýýna mahädu tamy rarybere dohodýýna heto itxeremy rõikemy, eleri-ò wahe. Tai tahe Jesuisi dirawyònyde: ² —Inatyhy rare, awi heka rare. Urile tahe kidixäwididýýnykre heka. Timy heka manaö wityre-ki roiöhykre. Ibutumy bede-ò idi rehukre. ³ Iribi tahe Jesuisi rehemynyre Oliveira häwälò-ò heka ronyre. Tai tahe erydýýna mahädu tii ritýýraxinyre iny söwe-ribi: —Tiubohe ibutumy kedeixäwididýýnykre. Tiuboho ibutumy bede konanadýýnamy reakre. Timybohe rikierenykre kai bedehemynyke aöma bede ibutumy rexihukre. ⁴ Tahe Jesuisi tamy rarybere: —Uritere inyö aitxenadýýömykre. ⁵ Söwemyhe iny itxenadýýnamy rýirakre. Jiarý Kristu rare, Deuxu deödýýna heka jiarý rare, myheka adee kanarybekre. ⁶ Kaiboho heka bohoolamy mabekre iny aöbina rõhònymyhýkre: bohoolamahäkre. Ihäre tahe iny rarybekre aöma: —Karibi heka aöbina urihimýò rõhònykre. Myhe rarybema-häkre. Ihärele tahe kòdòdòseökre aöma ikonana urihimýò. Ibutumy heka kia wesemy relekre. ⁷ Aöma kia wesemy heka bede roimyhý rarekre aöbo iny wixira wixira heka ibutumy iòlòna heka riteranymyhýkre. Aöbinamy. Tai heka raaöbinanymy rýirakre. Aöma rama ijara reakre. Bede ibutumy ramytatakre häwäö-ki. ⁸ Kia heka iwese häwyy uladu dese wesemy robumyhýre wese tukre. ⁹ Adeereny heka aöhökýmýdýýnana tiiboho riwahinykre aöma wani òraru-ki wahe. Ijö kaibohoö heka ararubunyrenyre. ¹⁰ Söwemy heka iny ri-atymyhýkre wary-ribi heka ri-atymy ririmyhýkre. Wii ri-tyhenymyhýkre. Wídee rakyarananymyhýkre. ¹¹ Rybe-bina rybeduö heka söwemy kedehemynykre tahe kia heka söwemy iny riitxenanymyhýkre. ¹² Iu heka òraru nihiký iu rõhònykremy roimyhýre. Söwemy heka luunadi rýiramyhý katahe wiji ixäwikre heka ihomy aökö

relekre. ¹³ Kia idi hyy rýirakre ikonana-ò. Tii mahädu tahe tarasanamy reakremy rýira. ¹⁴ Ibutumyhe kia iny-ò rybe týnydýýnamy reakremy rýira, Deuxu Rybewihiký Týmýra wahe. Ibutu iny wixira wixira heka roholakre rybe wihiký-ò. Kia rahudi hikýle heka taheka kedehemynykre heka ikonana. ¹⁵ Aöbinahaký tyhybohe ibinatyhy rýikre. Tii heka rýikre heka aöma Deuxu ubetyre-ki, Deuxu isý-ki, kiaweselemy heka rýikre. Bieryke aöbo kia rare. Bieryke aöbo kia rare Danieli heka Deuxu rybeduö ihetxiu kiamy heka rarybere: ¹⁶ —Judeia mahädu bede-ribi tahe kia bihenybenyke. Ibutumy heka bòibenykre häwälò bede-ò biòturònykre.

¹⁷ —Kia bededýýnanau heka tiu aö bimýötyhy ahetowo-ribi. Tiiemy heka rõhònyhykyle rakre aöwesele wahe.

¹⁸ Iu bedero raaömysýdýýkremy heka tiu kòdòdòseötyhy tatyki itxemy. ¹⁹ Tule aöma häwyy bòtòmy rýira kia bedeu aöhökýmý rotýýnykremy rýira. Kia tohouä-di ratxireri tahe tamy isirakre heka itybiedýý idi rakeò heka isirakre. ²⁰ Bedejutytykòkemy heka bexitöenyke ahena mahenykeu. Tule sabado txu aökòkemy bexitöenyke. ²¹ Tiu heka aöhökýmý dýýnanamy iny rotýýnyöhyymyhýre kaa aöhökýmý dýýnana nihikýmý. Tule tiu tuu robiöhyymyhýre. ²² Kia Deuxu irokorehemykre wana heka ibutumy iny ituekre. Kaa urihimýòlekre wana tahe kai Deuxu hörö mahädule tuukre. ²³ —Aöma Mesia heka kowa-ò rehemynyra, Deuxu deödýýna wahe. Ihäre tahe kai heka inyö adee rarybekeki tahe tetyhynyöhyte heka. ²⁴ Kia iu kedehemynykre tahe aö Kristu tyhy aökò heka rarekre. Aöma rybedu itxenadýýdu heka tule aöna aöna wiwihiký riwinykre. Aöma ityhydýýdu dori riitxenanykemy idi riwisýnykre: ²⁵ Boholake, juhúu dori adee relyreri ibutumy aöhebo rotýýnykre. ²⁶ —Aöma arateòwarinyre dori tuu. Kia Mesia, Deuxu Deödýýna heka rõòsereri. Beteheke bederahy-ki, tule hetowo-ki. Iu tahe timy heka tamy itxeremy raötyhy inatyhy aökòreki. ²⁷ Iu jiarý Deuxu Riòre Häbutyhyhyký arehemynykre ibutumy heka rierykre loosòna delaana wesele heka wadehemynyna heka rarekre biu ibutumy ritýxinykre. ²⁸ Iwese aö rubu roimyhýre, rara heka tamy rabutumyhýre. Kaiboho rierykre iu rehemynykre. ²⁹ Iu kia bede dýýnanamy reakre tahe txulyby heka kòdòhònykre. Ahädu tule rybynykre. Taina tule ixewesehekýle kanakre. Ibutumy ramytatakre biu-ki. ³⁰ Iule tahe kia wadehemynynamy iny robikre. Söwemy heka hinana ibrunana bede bedemy rýirakre. Ibutumy heka iny robikre wadehemynynamy biuwetyky-ki, jiarý dori, Deuxu Riòre, Häbutyhyhyký rare. Loosòna ruruna söwekre, tahe arehemynykre. ³¹ Tule wajuròna-di, ýju aditeönykre iu, ajuròna wodýýhýký-di. Tahe ibutumy wahörö mahädu he ixidee aributunykre bede bede-ribi, ibutu rehetyhy-ribi wahe. ³² Jesuisi tule relyyre: —Ijyyömy heka ako arelyykre. Kai heka ibede erynamy bimykre. Iu kia figueira òwòru häbu wiji tybieheký. Kia aöma iruru týmýra rurunymyhýré. Tule aöma txirubò týmýra rõhònykre. Tiu tahe bierykre. Kai iòhòra bohe

wyra. Myhe tamy besekre. ³³ Iwesetyhyle taheka kai heka bierykre. Aōma wadehemynyna rōhōny relekre wahe aōbitikre wadehemynyna iu, aōhōkỹmydỹynana wahe. ³⁴ Tiu kia bededỹynanaule heka bedekōnyna rexihukre. ³⁵ Biu heka bede-wana ituekre warybe tahe aōu aōu heka rỹihyymy rarekre. ³⁶ Inyō heka rieryōhyymyhỹre. Tiubo txuu ruu kai konany rỹimyhỹre wahe Ÿju dori tiu rieryōhyymyhỹre. Aōma, jiarỹ Deuxu Riōre dori rieryōre. Aōma Waha Deuxule tahe rierymyhỹre. ³⁷ Noe bededỹynana wesemy heka rỹimyhỹkre iny risinykre kia bedeu. ³⁸ Ibutumy heka worana bedehesi rỹikre kiau. Lisisō tahe rỹikre. Herina lisina aōma hāwyy my herina. ³⁹ Tahe Noe bededỹynana wesemy heka reakre. Iu heka beōra rariare. Tahe rityyhynyōhyre tiubo. Tahe heka raōwōnyre rariare ibutumy ituere. Iwesele tii heka rarekre heka, wadehemynyna Deuxu Riōre Hābutyhyhykỹ wahe. ⁴⁰ Inatxi hābu heka oworu-ki raaōmysỹdỹỹkre. Ijō heka rakre dynamy reakre. Ijō tahe rarikre. ⁴¹ Tule inatxi hāwyy heka raaōmysỹdỹỹkre heto-ki ratxikre mai risyrenykre. Ijō heka dynamy reakre ijō heka rarikre. ⁴² Tai heka iny rexiwiny my rỹimyhỹkemy rybe roimyhỹre awedureny kanakreki. Tiubo rehemynykre, teeryōte. ⁴³ Aōma hābuō kanakeki heka tiu aōma hābuō itxeredumy ronykeki heka, tiu hābuō iribi rawasinyōtyhy. ⁴⁴ Bexiwinymy heka wadehemynyna biijemy bonyke, jiarỹ Deuxu Riōre Hābutyhyhykỹ wahe. ⁴⁵ Ijō Jesuisi relyyre: —Inyō tadinodu deōdutyhymy ratxikeki, tii aōmysỹdỹỹna riwinyhy ronymyhỹke tamy. Itheto riwinyhyke. Teōdu mahādu txuō txuōlemy riwiny mahāke. ⁴⁶ Kia riwinykeki, deysamy rarekre teōdu rehemynykre. ⁴⁷ Inatyhymy ararybekre: —Kia deōdu tadinodu aōmydỹynana ibutumy idi riwinykre, riyrubunykre. Tii ibutu wedu rarekre. ⁴⁸ Ibinamy tahe tii rōhōtinykeki, kiawesemy riwinykre: Deōdumy raōhōtemyhỹ, lisilemy ronymyhỹ, riroximyhỹ momodu mahādu-wana riōmyhỹ. Tii ixidee rarybekre: —Wawedu kedehemynyōtyhy, aōtxile ariwinykre. ⁵⁰ Iu rehemynyōkremy rōhōtinyre, iwedu kiaule rehemynykre. ⁵¹ Tai tahe raōhōtebinakre. Heōty bede-ō riteōnykre, Iwese itxena mahādu tii riteōnykre wese. Kia-ō rahinykre, robukre, txuraruti rikyikyiny my aōhōkỹmy dỹynana òraru-ki.

25 Jesuisi ijō relyyre: —Kia txu heka Deuxu Iōlōna ka ijyy wesemy rarekre. Debōwiō ijadōma heka hābumy herina riraōmyhỹreny. Iny sohoji sohoji heka toosōna riwyre iximynamyna. ² Iruyrela tahe tōhōti reare aōma adỹỹ-di ritỹxinykemy. Ihony tahe tōhōti rosare iruyre wasỹ, ijō tule ihyna-ki riwykemy. ⁵ Weryrybō rehemynyōre, tai tahe ijadōma mahādu ele rihynymy rỹimyhỹ tehemyynyna riiraōmyhỹreny. Iny sohoji sohoji heka toosōna riwyre iximynamyna. ⁶ Tai tahe rarybera: —Tỹmyra mahādu-ō wahe rehemynyreri. Birybenybenyke ruwetya. ⁷ Tai tahe ijadōma mahādu he rituranymy rỹimyhỹre. Toosō itỹnytyhymy rookemy. ⁸ Kia ijō tahe tōhōti rosare mahādu tahe uritere riijere. Itoodỹỹmy idi riwisỹnymyhỹ. Aōma widee he rexitōnyre: —Urihimykō inihe wahōr-ō

biditxiwike karihukōtekre. ⁹ Tai tahe kialemy risỹnyre: —Anokōre wadehunale dokuri rỹire. Bikōryke tahe ijō itxe tahe. Maa. ¹⁰ Idi tahe rōireny iōbradỹỹmy. Tai titxi tai rohonymyhỹre. Iōrysmy iōbradỹỹmy rōirenyra rookile tahe dehemynyde kia tỹmyra mahādu wahe. Tahe rironyrenyre ibutumy riroxikemy. Rirātōbōnyreny. ¹¹ Tai tahe kia iruyre ijadōma iōbradỹỹmy rare tahe dehemynyde: —Wahĩ, itxōtōbōna wadeke bidirakynybedenyke! ¹² Tai tahe kialemy rirawyōnyre: —Jiarỹ umyreny reeryōre. Kie riki ijyy. ¹³ Tahe Jesuisi rarybere: —Tai kaiboho bexiwinymy ahābenyke wadehemynyna biijebeny. Teerytenykōte dori tiubo adōsekre.

¹⁴ Tii ijō rarybere: —Ijō ijyy my adeereny arabe-deerynykre timybo Deuxu Iōlōna raremy. Inyō heka rakemy ratximyhỹre ijō bede-ō ratỹinykemy. Tii tahe taaōmydỹynana ririre teōdu mahādu-ki. ¹⁵ Tanieru tahe tamy riwahinyre timykibo isiraōmy nieru ritamyhỹre myheka tamy riwahinyre. Ijō-ō 5000 riwahinyre. Ijō-ō 2000 riwahinyre. Ijō-ō 1000 riwahinyre. Idi tahe tii rare tabede tỹinamy. ¹⁶ Kia iruyre ritara heka aōna aōna riōbrany myhỹre. Diwymyhỹre tasỹ idi rohonyrerimy ihỹre. Tai wylemy heka inieru rabuture. Ijō ixityre iruyremy ritxienyre iratyretyhy. ¹⁷ Kia ijō inatximy tamy riwahinyre tasỹ tulere aōwesele raaōmysỹdỹỹre tarōtare tule ijō inatximy ixityre. ¹⁸ Kia sohojimy tamy riwahinyre tahe urile riyrubunyre inieru hāloole riare tamy tahe riyrubunykre heka riare. ¹⁹ Sōwemy rabebedỹynana-ribi tahe iwedureny dehemynyde. Tahe tamyreny rarariōwyre takōtareny riōbitinykremy. ²⁰ Iruyere riwyre heka debōwiō diwyde: —Beteheiny wawedu ijō iruyre anieru tyre rebutunyre. ²¹ Tahe tawedu sōwemy riwowydynyre iaōmysỹdỹỹna wiwihikỹmy rōhōnyraki wahe. Kiamy heka tamy rarybere: —Ōbitimy idi taaōmysỹdỹỹteki heka. Sōwemy heka adee ariwahinykre riwinykemy. Aōwaxinyhe bitelekyre aōmysỹdỹỹna. Kai heka wawana beysanihikỹkre. ²² Idi tahe kia inatximy rōtaré sỹ dehemynyde: —Beteheke, inatxi tasỹ inaubiōwa ixityre adee rewinyra. ²³ Tahe iwedu rarybere: —Awityhymyhe taaōmysỹdỹỹta! Kai heka deōdu wihikỹ tate. Kai ibute-dile sōwemy tewinyte tahe sōwemy ixityre adee ariwahinykre riwahinykemy. Kai heka wawana beysanihikỹkre. ²⁴ Kia sohojimy tamy riwahinyre tahe rarybemyhe retximyhỹ: —Kai heka hābu nieru tarasaery heka tate. Aō taaōmysỹdỹỹteri-ribi aōkō heka nieru tetamahāte. ²⁵ Tai heka jiarỹ raberumahā alau watxireri. Tai heka rewore iny lau. Tahe tii sohojidile ratxireri. ²⁶ Iwedu rarybere: —Kai heka eoruxerere, awi aōkō heka tate! Inyō tehuōtekōta heka idi urihimyo ityre rōtakelemy wahe. Kai tiwaeryte wahe. ²⁷ Aōherekibo banco-ki aōkō tetidite. Kia huōteōwy wanieru-ribi ritarerimy ihỹre. ²⁸ Bitabohe kia nieru-di atxitere, tahe kia debōwiō ritaraō wahe biwahinykre. ²⁹ Kia òbitimy raaōmysỹdỹỹra heka sōwetyhymy rōtakre. Kia òbitimy raaōmysỹdỹỹōmyhỹre kia heka rōōnodỹỹkre. ³⁰ Kia deōdu bimybennyke. Tii dorihe ibinatyhyre inihe bede

luruhukÿ-ò idi behubenykre. Tai heka tii aõhõkÿmy rotÿÿnykre rahinykre.

³¹ Jesuisi tahe ikonana rarybere: —Iu jiarÿ, Deuxu Riõre Hãbutyhyhykÿ, arehemynykreu heka Waiòlõ-nary-ò aronykre. Arehemynykre waÿju mahãdu-wana. ³² Ibutumy heka bede iny mahãdu wako-ki ributun-nykre. Iwese budoeni itxeredu heka tabudoeni, buddõ-wana wiribi rihitxinyhyÿre wese heka bede iny mahãdu wiribi arihitxinykre. ³³ Wabudoeni heka warurunawe-ribi arisÿnykre. Buddõ tahe wahywe-ribi arihitxinykre. ³⁴ Idi tahe waruruna ludu-ò ararybere: —Manake hewa, beysabenyke. Waha Iòlõna-ò rokonykre. Myheka tamy ararybekre. Juhuu bedeu ihetxiu heka ywimy adireny kia rÿimyhÿre. ³⁵ Rama tahe rivasanyreu rÿsÿna wadee tewahinytenynte. Iu bemy rarureu, wadee tewahinytenynte. Jiarÿ heka tori rare asÿ-ò tiwadytenynte. ³⁶ Jiarÿ heka watykyhoho aõkõu, kaibohole wadee tewahinytenynte. Binamy rÿimy rarewãhã, waroramy taddõitenynte ròtenawo-ò. ³⁷ Tai tahe òbiti mahãdu rarybekre: —Wanyrÿ, tiu taheka ramamy heka wadeereny teate —Adee rewahinyreny? Tiubo heka bemy tarumy tatemahã adee re-wahinyreny? ³⁸ Tiubo heka kai torimy tatemahã idi wahetoreny-ò aradyreny. Tiubo atykyõmy tatemahã-di, tyky adee rewahinyreny. ³⁹ Tiubo ròtena-ki tÿimy tatemahã-ò ada webinadumy tatemahã-ò, aroramy ròireny. Wanohõti atxi reaõhyymyhÿre. ⁴⁰ Tai Jesuisi rarybere: —Jiarÿ, Iòlõ, tamy ararybekre: —Iu kaiboho waityhydÿÿdu seriõre mahãdureny-ò waòraru-ki tewinymy toitemahãu, wadeele tuu tewinytenynte. ⁴¹ Idi tahe kia wahywenawe-ribi ludu tamy ararybekre: —Boibenyke karibi kaiboho heka abinarenny heòty bede-ò ihyymy boibenykre ixi-di ariteònykre. Diabo tatytybybinasÿ-ò idi boibenykre. Deuxu isÿ tamy riwinyre. ⁴² Tiu rama rivasareu rÿsÿna kaiboho wadee tewahinytenyõhyta. Iu bemy rarureu heka ijõ wadee tewahinytenyõhyte. ⁴³ Torimy rarewahãu, tiu tiwatobinytenyõhyte. Tykyõ wadee tewahinytenyõhyte. Binamy rãimy rarewãhã ròtenawo-ki wororana webinadumy tahe tòiõhyte. ⁴⁴ Tai tahe kiamy rarybekre: —Wanyrÿ, tiubohe tuu rewinyrenykorõ. Wanohõti heka reaõhyymyhÿre aramamy rubuna-txi, abemy rubuna-txi, torimy tatemahãu, atykyõmy tatemahãu, ròtenawo-ki webinadumy tatemahãu wahe. ⁴⁵ Tahe jiarÿ Iòlõ tamy ararybekre: —Kaiboho heka waityhydÿÿdu seriõreõ tewiõhenanyõmahãtenynte tai heka tiwaw-iõhenanytenyõte. ⁴⁶ Tahe Jesuisi ikonanamy rarybere: —Tai tahe tii tiuhyymy rakre heòty bede-ò, aõhõkÿmy-dÿÿnana-ò. Òbiti mahãdu heka umytedeõna-ò rakre.

26 Kia taijyy rahudi tahe Jesuisi taerymahãdu-ò rarybere: ² —Ixityre inatxi txu-di tasÿ aõma Pascoa worana bedehesimy rÿikre. Kaiboho tahe kia teerytenynte. Iu iny riwatyhenykre Deuxu Riõre Hãbu wahe. Irahu-di tahe itxeònihikÿ-ò riwamatadÿÿnykre. ³ Tahe aõwesele heka xiwena wahidÿÿdu wedu mahãdu ributunyre heka judeu wedu mahãdu-wana wahe. Kaifa heto wii rotyre. Xiwena wahidÿÿdu mahãdu wedu

wahe. ⁴ Wiwana heka raryberenyre: —Timybohe Jesuisi aõhebo rikisÿnyrenykre aõma teburemy ijiranakõna-hakÿle. Timybo rikisiraõnyrenykre, rikimynenykre, rikirubunynenykre. Urile iny tuu rierykorõ. ⁵ Pascoa worana bedehesi rÿireu tahe aõkõlemy idi rÿire. Kia worana bedehesiko-ki iny raaõbinanykeki dori ibutuhukÿlemy heka raaõbinanyke.

⁶ Jesuisi heka rare Betÿnia hãwã-ò hãbu tykybi-naõ-wana heka isÿ-ò rare, Simaõ heto-ò wahe. ⁷ Iu iheto-ki riroximyhÿre tahe hãwyyõ tamy rare aderõna lÿnyrehekÿõ-di manaurahyna-ki. Tai tahe Jesuisi tyre ritxiwire, iratityre. ⁸ Ierydÿÿna mahãdu heka urihimyo heka rebure riõre iòraru-ki. ⁹ Iõwy nihikÿtyhyre dorihe. Tai heka tanieru uriterehekÿle rahuraki heka tai rawobinamy. Idi rohonykewile heka rare aõma iõwy tahe iny aõkõ mahãdu-ò riwahinykewihikÿle tii rõhõtinyre. ¹⁰ Tahe Jesuisi rierytyhymy aõmybo tuu raryberenyreny: —Aõherekibo kaiboho ibinamy tarybetenyteri hãwyy-ò. Aõwidÿÿnana wihikÿ wadee riwinyreri. ¹¹ Aõma kaiboho heka urimynodu mahãdu-wana ihyymy boibekre. Ibutulemy awanarenny jiarÿ watxiwãhãde. ¹² Tii heka wahãloodÿÿna riwaywinyra aderõna watyre ritxiwireu. Kia tahe wadee riwinyre. ¹³ Boholake, iny itxi tõhõti reahyy rÿirakre iòraru-ki. Rybewihikÿ Tÿmyramy ritÿnydÿÿmyhÿkre heka rierymyhÿkre bede bedemy wahe.

¹⁴ Iribi tahe Judasi Isariò, tii waò inatxi reuròõ rare, tii heka rõhõnyre ierydÿÿna mahãdu-ribi. Tahe rare xiwena wahidÿÿdu mahãdu wedu-ò. Tahe tamy rarybere: ¹⁵ —Adeereny Jesuisi ariwahikre wana heka tiwesebo biwaòwynybenykre? Kiamy tahe 30 prata womati nieru myhe tamy riwahinyre. ¹⁶ Judasi kia ribile rarunymy raremyhÿ dohodÿÿnaõmy Jesuisi tamy riwahinykremy. ¹⁷ Pascoa worana bedehesi rÿireule rexidelenyre, Paõ iuridÿÿkõ, kia txu rÿimyhÿ wahe. Jesuisi erydÿÿna mahãdu tai ritÿÿraxinyre: —Titxiwexe rikirÿsÿkre Pascoa worana bedehesi jiarÿboho dori ariwinyrenyremy? ¹⁸ Tahe Jesuisi rirawyònyre: —Hãbuõ hãwãhãkÿ-ki ratximyhÿre tii riwaeryre. Tahe tamy marybekre: —Wawedu kÿny rarybereri aõma aheto-ki heka Pascoa worana bedehesina rirÿsÿkremy taerydÿÿna mahãdu-wana. Ibededÿÿna dori iòhõre riki. ¹⁹ Tai tahe taerydÿÿna mahãdu kia riwinyre idi kowa worana bedehesi rÿsÿna riwinyre.

²⁰ Bedesòmy tahe tai riroximy rorukumyhÿreny, taerydÿÿna waò inatxi reurò mahãdu-wana wahe. ²¹ Aõma inyõ heka riwatyhenykre ratximyhÿre. Jesuisi heka tuu rarybere: ²² —Mowexe tii rarekre. Tiibohe rabadewomy roire, tai tahe widee rarybere: —Jiarÿ kãaõboka. ²³ Tahe Jesuisi rarybere: —Kia wawana pratoro tebò rearerile taheka tiikre. ²⁴ Iwese Deuxu Tyriti-ki Rybe roire wese heka arurukremy jiarÿ Deuxu Riõre Hãbutyhyhykÿ watxiwãhãre. Kia hãbu riwatyhenykre tahe tamy heka ibinatyhykre. Ratybienykorõ wana inihe awityhyre. ²⁵ Tai tahe Judasi ityhedÿÿdu rarybere: —Erydÿÿdu, jiarÿ aõbohe rare? Tahe Jesuisi tamy rarybere: —Kaityhy wahe tate. Kaile tarybeta.

²⁶ Tai tahe Jesuisi orotxu sohojiõ rimyre ibutumy riroxireu, tahe riyreyrenymyhÿre tahe inysohoji sohoji-õ riwahinyre. Tai tahe tamy Jesuisi rarybere: —Kia biybenyke heka. Waumy wese heka kia ratxireri. ²⁷ Idi vÿi monahynaõ rimymy rexitõenyre Deuxu-õ. Idi tahe tamy riwahinyre iribi sohoji sohoji riõrenykemy. —Biõrenyke kaa dori wahãlubu wesemy ratxireri. Tai sõwemy iny biu-õ rahenykre Deuxu dee. Ibutumy õraruna ixãwididÿÿmy heka tuu rõhõnyra. Wahãlubu heka Deuxu, iny-wana wii riwoàxinykre rare. ²⁹ Tahe boholaake warybe-õ. Awanareny heka ixityre vÿi monamy ariõõtyhy. Kia Waha Iõlõna-õ dehemyrynahykyle tahe awanareny ixyby tuu ariõkre.

³⁰ Idi tahe wiuõ rawiunyrenyre idi tahe Oliveira hãwãlõ-õ rõirenyre.

³¹ Jesuisi tamyreny rarybere: —Wijiru heka ibutumy kaiboho biwaribenykre. Tyriti-ki heka roire kiawesemy:

Budoeni-di itxeredu rirubunykre. Ibutumy budoeni raubÿtykre bede bedemy.

³² —Waixixana kÿnyikre tahe Kalileia bede-ki awanareny aratxikre. ³³ Pedro tahe rarybere: —Ibutumy ararirenykre wana tahe jiarÿ aõkõre. Ararirenyõtyhy. ³⁴ Tai Jesuisi heka Pedro-õ rarybere: —Kai heka hãnie dele robukõdile biwatxiõ-ribi bexihukre, inataõmy wahe. Tuu wijiru rarekre. ³⁵ Pedro di-rawyõnyde: —Aõkõre wa, arurukre heka tahe urile aratxiõnyõtyhy. Tule ibutumy ijõ ierydÿÿna tule Pedro wesele rarybere.

³⁶ Tahe Jesuisi ridyrenyre bederaty oworuõ-õ, aõma Kesemani ninadu-õ ridyre: —Kakile bonykre arakre dori ixitõedÿÿmy kowa-õ. ³⁷ Tahe Jesuisi heka Pedro ridyre ixi-wana. Tule Zebedeu riõre wiwana ridyrenyre. Tahe Jesuisi rabedeõtiidÿÿre aõhõkÿmy rotÿÿnyre bedeõtiidÿÿ õrarukile. ³⁸ Tii tahe tamy rarybere: —Kaki wawanale atxibekre. Watyytyby heka tÿxihikÿlemy bedeõtiidÿÿ-di ratxireri. Waki bexiebekre. ³⁹ Urile tahe tako-õ rariareu tahe resere bede-õ. Jesuisi tahe tyby-õ rarybere: —Waha, rubu mona waribi bitake adeewike-ki. Aõkõkeki tahe ariõkre, arurukre adeewilemy aõhebo arotÿÿnykre. ⁴⁰ Idi tahe dõõsede kia ierydÿÿna inataõ tai rõõmyhÿõ heka ixyby dõõsemy nade. Jesuisi rarybere: —Pedro! Kai heka timy sohoji horamy adi bede rÿiõtyhy wawana. ⁴¹ Bexixaruhy atxibeke bexitõenymy. Aõkõkeki tahe õraruna kanamykre. Kai heka õbitimy matxikemy tahõtinyamahãte. Aumy tahe ibinare heka arurukõre wahe. ⁴² Ixityre rare rexitõenykemy. Tahe Jesuisi rarybere: —Waha, adeewinale ariwinykre. Aõhõkÿmydÿÿnana monamy heka ariõkre. Kia mona waribi bitaõkeki ihãrele heka arurukre. ⁴³ Tai dõõsede tai rõõmyhÿrenyõle heka nade. Tiiboho ixixamy rÿiõhÿy. ⁴⁴ Tahe rõõsere ixybyle ikonanamy. Iweselemy rexitõenyre tyby-õ. ⁴⁵ Idi tahe dõõsede taerydÿÿna mahãdu-õ rarybere: —Bexielehnybeny. Watyhedÿÿdu naderi. Rexihumyhe rare. Hãbubina mahãdu rehemynyre. Jiarÿ Deuxu Riõre Hãbutyhyhykÿ, wahe. Bexixabeny, rakakre watyhedÿÿdu dori rehemynyre.

⁴⁷ Tahe Judasi dehemynyde waõinatxi reurõõ wahe. Jesuisi rarybereu, tii nade sõwemy hãbu-di mayrehe-di, õhõte-di tõnori-di widotyde. Judeu mahãdu wedu tahe iteõdÿÿdure xiwena wahidÿÿdu wedu wana wahe. ⁴⁸ Juhuu Judasi tamyreny bede riywinyre. Kamy rexirybenymy: —Iõsÿny-õ aruwokrele heka tiikre. Tiile bimibenykre. ⁴⁹ Tahe Judasi rarybere: —Rareri, Wawedu. Iõsÿny-õ ruwore. ⁵⁰ Tahe Jesuisi rarybere Judasi-õ: —Iõ, aõwaxiny aõbo biwinykre iwidÿÿmy tateri. Tahe Jesuisi imahãdu rimyre. Ritaataare. ⁵¹ Tahe Jesuisi mahãduõ mayrehe-di rimymy resere. Tai hãbuõ-õ reare. Tai tahe tõhõtile rikõromy idi reare, xiwena wahidÿÿdu wedu deõduõ wahe. ⁵² Tahe Jesuisi tamy rarybere. Aõkõre amayrehe birutyke irasirahanawomy. Kia dori inyõ maydese rimyke resekre heka tule ru-rukre maydeselemy. ⁵³ Karibi ixtarasamy arurukeki dori wahaõle ararybekre. Tai tahe waha sõwemy ÿju kiditeõnyke, 12 aõbinadu ijoj mahãdu wahe. Kia teeryõtenyde. ⁵⁴ Ihãrele tahe ibutumy tuu bededÿÿnana relekre iwese ritidÿÿna-ki roimyhÿre wese. ⁵⁵ Tahe Jesuisi rÿÿraxire tamyreny: —Aõbo jiarÿ raremy wadi tahõtinytenyteri. Wasidu aõbo. Kai dori waõrysomy tehemynyde maydese-di, tõnori-di. Aõherekibo wahe. Jiarÿ heka arabedeerynyrenyre txuõ txuõlemy wahe Deuxu dohodÿÿna heto-ki. Aõherekibo taile ti-wamytenykõte kowa watxiwãhãure. ⁵⁶ Kia ibutumy Deuxu Ritidÿÿna-ki roimyhÿre. Tai tahe tuu bededÿÿnana relekre iwese Deuxu rybedu mahãdu rarybere. Ibutumy aõna aõnamy rotÿÿnymy raremyhÿ. Tai tahe taryberahu-di. Ibutumy iery mahãdu iribi tahe robÿtyre.

⁵⁷ Tiiboho heka Jesuisi ridyrenyre Kaifa heto-õ, xiwena wahidÿÿdu wedu wahe. Tai ibutumy judeu mahãdu wedu ributunyre bede ywina erydu mahãdu tule wahe. ⁵⁸ Pedro irehetyty-ribi riheludunyre. Iheto ube-ki tahe ronyre yrubu dÿÿdu-wana. Tahe rehere aõhebo rotÿÿnykremy. ⁵⁹ Xiwena dinodu mahãdu tahe ributunyre Jesuisimy raruikremy heka riijemy. Aõma rirubunykre õbirele heka tuu rarybemyhÿ. ⁶⁰ Tahe inyõ-ki heka rahaõhÿy turybedu wahe. Iny sõwemy tahe relyyre. Ihãrele rirubunyõhÿy. Iroona-ribi tahe inatxi hãbu dehemynyde. ⁶¹ Tai tahe kiamyhe tuu relyyre: —Aõma Jesuisi rarybere: —Aõwesele heka Deuxu dohodÿÿna heto ariatymy idi areake. Inataõ txudi tasÿ ixityre aditamadÿÿke, ibutumy adiwinyke. ⁶² Tai tahe xiwena dinodu heka Jesuisi-õ ryraxire: —Aõbo marybekre kia umy ijyy rohonyreriki? ⁶³ Jesuisi tahe rybeõlemy ronyre roholare. Ixityre tamy rÿÿraxire: —Kai heka inatyhy tyhymy Deuxu Riõremy kai atximahãte. Mesia aõbohe kai tate? Deuxu riwaeryre inatyhymy rarybereri. ⁶⁴ Jesuisi dirawyõnyde tamy: —Kaile kia tarybete. Ibutumy iny-õ ararybekre: —Kaiboho ibutumy bobibenykre Deuxu Riõre Hãbutyhyhykÿmy, jiarÿle wahe. Tii heka Deuxu rurunawe-ribi heka ronykre. Iribi tahe kanakre biuwetyky-ki. Jiarÿle wahe tiire.

⁶⁵ Tai tahe xiwena dinodu tatyky riykare. Reburere kie: —Aõhere tahaka. Deuxumy heka ibinatyhylemy tarybemahãte. Ijõ iny-õ aroholaõkre, rexihura! ⁶⁶ Ibu-

tumy kaiboho irybe-ò taholatenyteri, inatyhy? Aõbo rikiwinykre tii ibinatyhyre dori, rikirubunyrenykre tahe. ⁶⁷ Tahe iòsýny-ò rarybexinyre. Rihetenyre. ⁶⁸ Tamy ihetedýýdu rarybere: —Marybeke Kristu, mobo arahetenyra inihe.

⁶⁹ Pedro tahe ube-ki ronymyhý. Tahe ijadòma heka deòduõ tamy rehemynyre: —Kai anõbo Jesuisi Kalileia ludu-wana atximahã. Kumymy rabire. ⁷⁰ Iny ibutuko Pedro rarybere: —Aõkõre, aõmybo arybe reeryõhykyrerì. ⁷¹ Tai tahe rare ijò-ò. Ijò ijadòma deòduõ rarybere kamahãduko: —Inatyhymy heka tiki Jesuisi Nazareludu mahãduno tiki rare. ⁷² Ixityrele Pedro ritxiõnyre: —Reerykõre wahe hãbu. Tiu heka rabiõwãhãre. Inatyhy rare. ⁷³ Idi hãbuõ heka narybede tamy: —Inatyhy rare. Kakýny irybe weselemy tarybeteri, Kalileia rybe wahe. ⁷⁴ Tahe Pedro rarybere: —Jiarý reerykõrerì, tuu heka rabiõwãhãre. Deuxu riwaeryre inatyhymy rarybereri. Iule taheka hãnie hãbu robumy reare. ⁷⁵ Tahe Pedro tõhõti itxi reare. Jesuisi rarybere weselemy heka tii riwinyra. Ritxiõnyre. Tai tahe Pedro rõhõnyre reare heka rahinyhyre.

27 Ijò biurasò ruidile tahe rýire. Xiwena wahidýýdu wedu ributunyre judeu mahãdu wedu-wana. Timywexe aõhe rikisýnyrenykre. Rikirubunyrenykre heka idi watxiwãhãre. ² Roma dinodu-ò õsana rikidyrenykre. Tahe tiiboho Jesuisi ritaataare idi ridyrenyre tamy, Pilato-ò.

³ Judasi heka rieryre. Tai tahe tii rabadewonihikýre rityhenykeri wahe. Tai tahe raraykynyre tawo-ò raðhõrere. Tahe nieru òkesedýýmy idi rõhõtinyre. Tahe nieru diwyde, 30 prata womati nieru tahe riðkesedýýnkremy judeu wedu mahãdu-ò, Xiwena wahidýýdu mahãdu-ò. ⁴ Tahe Judasi rarybere: —Ixãwirahe, jiarý raòrarunyra hãbu òbitityhymy ratximyhýrele retyhenyhe heka. Tahe judeu mahãdu dinodu rarybere: —Jiarýboho, kia aõ aõkõ rare. ⁵ Tahe Judasi nieru-di bedetyrele rihure. Tahe rõhõnyre iribi. Tahe rare. Rerotihiký-di rexibõtòtaare. Rexirubunyre. ⁶ Tai tahe xiwena wahidýýdu wedu riwyre nieru bede-ribi: —Aõwexe kanieru rikiwinyrenykre? Dohodýýna hetowo-ò rikirutyrenyke heka aõkõre. Aõma dori rare rubuòwymy iwahidýý heka rare. ⁷ Urile suõle rikiwinyrenykre idi. Tai tamy wabede rikiwinyrenykre. Aõma tori kaki rurukreu tahe rikitoonyrenykre tamyle wahe. Tai tahe tiiboho riwyrenyre aõma butxi widýýna subede heka riwinyrenyre. Kia heka inire suni wahe. ⁸ Kia bedero tahe rininire aõma Hãlubu Bederomy heka rininire. Wiji tule ini rare. ⁹ Iwese Jeremia tyyriti-ki roire wesele heka tii riwinyre:

Tahe 30 —Womati nieruõ-di heka bedero riwyre butxiwidýýdu-ribi. Iwese kai riwateõnyre wese. Kia iòwy rare judeu mahãdu-ò tamy riwahinyre wahe. Tx-iõdýýna õwy wahe.

¹¹ Jesuisi heka Pilato, bede dinodusý-ki ratximyhý. Pilato tahe tamy rýýraxire: —Kai aõbo judeu mahãdu iòlò atxiteri? Jesuisi dirawyònyde: —Kai tuu tarybeta. ¹² Xiwena wahidýýdu wedu heka tamy rarybere: —Jesuisi rirawyònyõhyre. Judeu mahãdu wedu-ò tule ri-

rawyònyõre. ¹³ Pilato tahe tamy rarybere: —Kai aõbohe rybe-ò taholate. ¹⁴ Tule tamy Jesuisi dirawyònyõhyre. Byy! Urile Pilato ribedeòtiidýýnyre.

¹⁵ Pascoa worana bedehesi bededýýnana tikiemy ture. Ròtenawo-ribi heka sohoji beòra beòrahyyle ixinamy inyõ rexideònymyhý, inysõwe rybe òraru-ki wahe. ¹⁶ Kia beòra tahe hãbu ibinatytyre rõtenawo-ki rýire. Baraba inire. Ibutumy iny tuu rieryre. ¹⁷ Aõma Pascoa worana bedehesi rýireu ibutumy iny ributunyre. Tahe Pilato ritýýraxinyre: —Tibohe ixinamy ariteònykre Jesuisi Kristu aõbo ada Baraba aõbo?

¹⁸ Tahe iny heka ibutumy urile Jesuisi Kristu luure heka.

Tai tahe judeu dohodýýdu wedu mahãdu tahe aõkõ tamy waritimy rityhenyrenyre. Pilato kia rieryre. ¹⁹ Iu tabede ywina dohodýýna-ki Pilato rýireu, ihãwyy tamy tyyriti riwahinyre. Kawese heka rarybere aõma: —Ixinamy Jesuisi bitekònykre. Anobinatytymybo dokuri rarasino txu wadi reakareri. Jikarý anohõkýmy dýkýnana sòwemy ratýkýnyre Jesuisi kòraru-ki wahe. ²⁰ Iny sòweheký-ò heka xiwena wahidýýdu mahãdu wedu rarybere: —Kaiboho mararybebenyke: —Baraba ixinamy biteònykre. Tiiboho dirawyònyde: —Jesuisi birubunykre. ²¹ Iribi Pilato rarybere: —Tiwexe ixinamy ariteònykre? Tiiboho dirawyònyde: —Baraba biteònykre. ²² Pilato tahe rýýraxire: —Aõhebo tahe arotýýnykre Jesuisi-di, Kristu-di? —Itxeò nihiký-ki bitamadýýnykre. Birubunykre. ²³ Pilato tamy rýýraxire: —Aõbinahaký aõbo riwinyraki? Tai tahe ibutumy iny rirajuamy rýimyhý: —Birubunyke kia bitamadýýnykre.

²⁴ Pilato iny sòwe-di aõ riwinyõhyre aõbinatyhy õsana rõhõnykremy idi rõhõtinyre, tai tahe inyõ rarybere: —Bee kidiwykremy baciaro-ki. Tahe tebò risuhore iny sòwehekýko-ki. Tamy rarybere: —Jiarý kýny waòraru-ki aõkõ heka rurukre. Kaiboho heka irubudýý erydumyhe boibekre. ²⁵ Tahe ibutumy iny rarybere: —Awire, inyboho heka irubudýýdu erydumy rokoirekre, tule wariòreny òraru-ki wahe ihãlubu rejuxunykre. Soldado ridyre itxeò nihiký-ò ritamadýýnykremy rirubunykre. ²⁶ Tai tahe Pilato heka Baraba riteònyre ixinalemy. Iribi tahe Jesuisimy raðhõtere.

²⁷ Pilato soldado mahãdu urile idi juhu risinyre, soldado tyamy ritidire. Pilato heto-ò ridyre. ²⁸ Ityky iribi ritare tahe aõma tykysò-di ritidire heka juhu rihetynyre. ²⁹ Iòdýýmy tahe idi ede lòrilòrihiký irati-ò ridekremy. Òwòruõ tebò-ò ritidire. Tai iko-ò resere tatiowotimy. Raryberenyre: —Awire, kai judeu Iòlòtyhy. ³⁰ Ityre rarybexinyre. Òwòru rimyre tahe iratimy tuu raðhõtere. ³¹ Iribi ritarenyrenyre ihõrõ itykyle ixityre rirutyre ityre-ki. Idi tahe ryò rõirenyre.

³² Iu rõhõnyreu, hãbuõ Sireni bede luduõ-wana witxi reare. Tamyhe rarybere Jesuisi itxeò riwykemy.

³³ Tahe Kòkòta hãwãlò-ò rehemynyre. Aõma, rubu ratityby wesemy heka rare. Tai tahe Kòkòtamy heka rininimyhýrenyre.

³⁴ Tii vîi riurinyre bee ihyra-wana, idi tahe Jesuisi-ò kia riwahinyre.

Iurihi-di teramy reare.

³⁵ Tahe itxeò nihiký-ki ritamadýýnyre. Irahu-di tahe

ityy heka ritxuatxuarenyre wimy rarudeòsanyre tibo iwydydukemy.

³⁶ Idi tahe retehemy rorukumyhÿrenyre. ³⁷ Irati tyre-ki tahe ritidÿÿnaõ roire:

—Kia Heka Jesuisi Rare, judeu Iòlò Mahädu.

³⁸ Tule wasidu brebunahakÿ tii-wana rita-madÿÿnyrenyre itxeò hòkÿ-ki, ijõ iruru-ribi, ijõ ihy-we-ribi. ³⁹ Iny ibire-di reamyhÿ idi risinymhÿ kamy rexirybenymy: ⁴⁰ —Kai inihe bexitake, kai Deuxu Riòre tateki. Bodobeheke itxeò nihikÿ-ribi. ⁴¹ Kai heka aru-rudiremy iximy tarybemahäte. Dohodÿÿna biatykemy heka iximy tarybete tahe inataõtxu-di heka biwinykemy tarybeta. Tule xiwena wahidÿÿdu wedu mahädu idi risinyre. Tii tahe rarybere: ⁴² —Tii heka iny iwitxira witxira aõbina bina-ribi ritamyhÿre ihäre tahe taaõbina bina-ribi rexitaõtyhy. Tii heka aõ judeu mahädu iòlò aõkõ rare. Myheka tuu rarybemyhÿ. Kia itxeòhòkÿ-ribi kedexiberesedÿÿnykekile tahe rikityhynyrenyre inatyhemy. ⁴³ Tii heka iximy rarybemyhÿre Deuxu Riòre raremy, Deuxu rityhynymhÿre. Reketeherenykre inihe aõbo Deuxu riwiòhenanykremy wahe. ⁴⁴ Wasidu mahädu kia itxeò nihikÿ rÿire iwesele heka tamy rarybere.

⁴⁵ Txutyeyu tahe bede luruhukÿ bede reare, txioro tire-hehekÿule bede kamy reare. ⁴⁶ Kiaule tahe bede ratÿnyre Jesuisi iu rryre:

—Eli Eli Lema Sabatani.

Kiamyhe rarybere:

—WaDeuxu, WaDeuxu, aõherekibo waribi õhõti rosare?

⁴⁷ Tai tahe iny sõwe mahädu irybe-ò doholade. Ijõ kiamy narybede: —Eliasi-ò hòwa rryreri. ⁴⁸ Kia ele elemy riwinyre noseõ. Idi tahe wĩõ riryry tamy idi riteònyre. Teòrehemy riwinyre bemy rimonykremy.

⁴⁹ Ijõhe raryberenyre: —Txioke inihe inatyhymy aõbo reketeherenykre inatyhymy aõbo Eliasi iwiòhenadÿÿmy kanakremy aõbo inihe. ⁵⁰ Jesuisi ixityre rirajuare. Rurure. ⁵¹ Kia dohodÿÿna heto-ki heka ixiwòtenaõ rÿimyhÿre ierykõna. Tahe urile idi ixiwanalearuamy reare iratyre-ribi bede-ò. Suuhe ramytatare. Mana rabòhòbòhònyre. ⁵² Wabede hãlooõ heka riraynyre. Deuxu hõrõ mahädu sõwemy rubu-ribi riixixanyre. ⁵³ Wabede-ribi ròhònyrenyre. Iu Jesuisi rubu-ribi riixixareu tahe Jerusalẽ-ò ròirenyre. Tai tahe sõwemyhe iny tuu robire. ⁵⁴ Tai heka soldado dinoduõ ratximyhÿ idi retehemy. Tule soldado mahäduõ tii-wana ratximyhÿre. Ibutumy tuu robirenyre. Tai tahe tabrebu-ribi narybedenyde: —Tii inatyhymy Deuxu Riòre heka rare. ⁵⁵ Hãwyyõ tule retehemy ratximyhÿre irehe-ribi idi. Aõma hãwyy Jesuisi riwiòhenanymy raremyhÿ heka idi retehemyhÿre. Tiibohe Kalileia bede-ribi doide.

⁵⁶ Marie Madalena, Marie Txiause Jyjese, Zebedeu riòrese tule tai ratximyhÿ.

⁵⁷ Bedesòmÿ Jyje rehemynyre. Tii ityhy heka rare Arimatea hãwã luduõ ratximyhÿre. Tii Jesuisi tyhydÿÿduõ ratximyhÿ. ⁵⁸ Tai Jesuisi umy rexitòenyre Pilato-ribi. Tai tahe Pilato rarybere: —Tamy biwahinykre. ⁵⁹ Tahe Jyje linho tyky rirahananymy. Tai tahe aõma wabede

tÿmyrahakÿ riamy roireriò heka rituunykremy idi rara. Idi mana nihikÿ ritidire txiò. Idi ròirenyre. ⁶¹ Marie Madalena ijõ Marie-wana taile retehemy ronyre wabede-ki.

⁶² Ijõ txu tahe fariseu mahädu wedu tule xiwena wahidÿÿdu wedu heka Pilato-ò sexta feira rahudi tahe, judeu mahädu elehyta txu wahe ituere. ⁶³ —Jesuisi irumy raremyhÿu tii rarybere:

—Rubu-ribi heka ariixixanykre inataõ txu-di.

⁶⁴ Ruimy rare tahe ihärele tahe biyrubunyke iwabede. Aõkõkre-wana tahe ierydÿÿna mahädu heka iumy riwykre. Tai tahe rarybere: —Tii rexiixixanyre. Tai tahe ibutu rityhynykre iruina. Kia ibinatyhymy rarekre. ⁶⁵ Tai tahe Pilato riteònyre soldado mahäduõ txiò-ki. Tamy rarybere: —Awimy biyrubunyke! ⁶⁶ Kia bede erynaõ heka tamy ritidire. Txiò-ribi resekreule heka eryrenykre. Tahe soldado mahädu riyrubunymyhÿre.

28 Ijõ txu ritule tahe Marie Madalena, Marieõ-wana rare ihãloona-ò itxeremy, domingo, nobiutxu wahe. ² Aõwesele tahe iu suu ramytatare. Wanyrÿ ÿju heka dobehede biu-ribi iu. Tahe hãloo ijõ-ribi mana ritamy ityre ronyre. ³ Iòsÿny heka urile ritoosònyhÿkÿre. Ityky tasÿ iurahakÿre. ⁴ Idi itxeredu mahädu heka aõma ruberunihikÿrenyre. Urile ròhòtiberey reserenyre. ⁵ ÿju rarybere hãwyy-ò: —Uritere berebuòmÿrenyke. Kai aõbo Jesuisi teijeteri, inatyhy? Aõma itxeò ritamadÿÿnyrenyre wahe. Reeryre kia. ⁶ Aõkõre kaki aõkõ heka ratxireri. Tii dori rubu-ribi rexiixixanyre iwesele tii iximy rarybere wesele wahe. Beteheke inihe iherina tyby-ò tai juhu roimyhÿ. ⁷ Make karibi ele elemy ierydÿÿnako belyyke tii rubu-ribi rexiixixanyraki. Tii heka rara Kalileia-ò tamy wirotyreriò. Matahe, relyra dorihe adeereny. ⁸ Tai tahe rakòrunyrenyre, hãwyyboho. Ruberumy ròirenyre tasÿ reysamy ròirenyre. Ierydÿÿna mahädu-ò heka riijemyhÿre aõma ÿju rybemy ikoreny relyykemy. ⁹ Iu rakòrunyrenyraule tahe wii reòbnyra. Jesuisiwanale heka itxi rekoare. Idi tamy rehemynyre iòhòmÿ. Iwa rimyrenyre tahe riwowodynyre. Jesuisi tamy rarybere: —Toiteri aõbo! ¹⁰ Uritere breburenyòmÿke. Boibeny tahe ijyymy waityhydÿÿdu mahädu seriòre-ò heka Kalileia-ò aròirenykemy. Tai tiibohe-wana wii areòbnyrenykre-my.

¹¹ Tai tahe tiibohe ròirenyre. Kiaule tahe wabede soldado itxeredu rehemynyre xiwena wahidÿÿdu wedu-ò wahe. Tahe ibutumy relyyre iko. ¹² Tai tahe nieruõ riwahinyre ruiòmÿ relyykemy. ¹³ Tamyreny raryberenyre: —Ierydÿÿna mahädu heka ridyra watÿireny reòbylemy. ¹⁴ Tai tahe bede dinodu rierykreu heka aõ adee beleòtyhy aõbinahakÿõ. ¹⁵ Tai tahe nieru sõwemy riwyrenymy tahe tuu ròirenyre ruimy. Wiji dori tuu ijy rÿira. Ibutumy judeu mahädu kia rybe-ò rityhynymyhÿre.

¹⁶ Idi tahe ierydÿÿna mahädu ròirenyre Kalileia-ò. Tiobo Jesuisi riteònyrenyremy juhutyhy. ¹⁷ Jesuisimy robirenyre tahe tiibohe bede-ò reserenyre tahe riwowodynyrenyre. Ijõ mahäduõ riseònylemy idi ròhòtinymyhÿre. ¹⁸ Tai tahe Jesuisi iòhòtyhymy tamyreny relere ki-

amy tamy rarybere: —Waruruna heka ibutu ratyre ratximyhÿre kabede-ki tule, biu-ki tule. ¹⁹Tai kaiboho waha deòdumy boibenyke ibutumy iny bede bede mahãdu-ò, bede bede konananahakÿ mahãdu-ò ihyy behemynybenyke. Waityhydÿÿdumy heka bitxienybenyke. Wahanimy, tule Deuxu Riòrenimy, tule Deuxu

Tyytybytyhynimy, tahe bòratisebedÿÿnybenyke wadeòdurenymy, Waha, Ityytybytyhy, Iriòre kaboho deròwumy wahe. ²⁰Ibutumy aòbo wabede ywina adee rewahinyredi bibedeerykre. Uritere nohòti losarenyòmÿ awanarenyhy dori arekre bededÿÿnanahyy rekehemyntykre.

MARKU

1 Kaki heka Rybe Wihikỹ juhu kaki roire. Ka Rybe Wihikỹ Jesuisi Kristumy heka rarybereri. [Tii heka Deuxu Riòre rare.] ² Myheka Isaia tyyriti-ki kia rybe rỹire:

Deuxu rarybere: —Boholake, waõwàdàdu ariteònykre akomy. Tii ary riwinykre.

³ Tii ryrymyhỹ bederahy-ki: —Kai biwinykre rywihikỹ Wanyrỹ dee. Óbiti tamy biwinyke.

⁴ Joaõ Sebedỹỹdu bederahy-txi taile ihỹmyhỹ rybe tyyriti ritỹnynymyhyỹ. Tii sebenaõmy riòbitinymyhyỹ. Kia riwinykemy ixi-txi tõhõti reakemy taòraru-txi kia Deuxu ritakemy. ⁵ Ibutumy Judeia bedede ludu mahãdu Jerusalẽ hãwã mahãdu-wana rare bederahy-ò.

Taòrarumy relyymy rahudi tahe, Joaõ risebenyrene bero Jordaõ-ò. ⁶ Joaõ rexitynyre kamelo rade tyy-di, tule iròdutyy wereysana iwetya-ki roimyhỹre. Irỹsỹna raremyhỹ, seihiỹle bidi-wana. ⁷ Joaõ rybe tyyriti ritỹnynydyỹmy rarybemyhỹ: —Jiarỹ aõ aõkõ rare, waruru-di aõkõ. Inyõ wahewomy kanakre tahe iruru waruru ratyredỹỹnadu rare. Waratyre awityhyke. Jiarỹ riwaixỹrunumy watxireri iwataana ese-ki. ⁸ Jiarỹ bedi arãsebenyrene. Tii heka Deuxu Tyytybytyhy-di arãsebenyrene.

⁹ Kiatxu Jesuisi nade Nazare Kalileia bedede ludu-ribi. Joaõ tii risebenyrene Jordaõ bero-ò. ¹⁰ Tii bera-ribi dotuodeu biuwetyky rarayre. Deuxu Tyytybytyhy heka bõtòde wese tamy dobehede. ¹¹ Deuxu rybe-ò roholare biu-ribi: —Kai heka Wariòre waluu tate. Adi wadeysaw-ihikỹreri.

¹² Aõwesele Deuxu Tyytybytyhy heka Jesuisi riteònyrene bederahy-ò. ¹³ Tii bederahy-ki 40 txumy bedede idi rỹire. Satanasi aõhõkỹmy risỹnymy Jesuisi raremyhỹ. Iròdu deborehekỹ tai rỹiramyhỹ. Ýjurenymy iyrubudỹỹmy rehemynyrene.

¹⁴ Joaõ rare ròtenawo-ò, idita Jesuisi Rybe Wihikỹ ritỹnynykremy dehemynyde Kalileia-ò. Jesuisi heka Rybe Wihikỹ ritỹnynydyỹre: —Deuxu Iòlõna bedede-ò wahe. ¹⁵ Jesuisi rarybera: —Bedeỹỹnanahe bedede reara. Deuxu Iòlõna bedede ihõõra. Kaiboho ixi-txi õhõtirenymy reake aòrarurenymy-txi bityhynybenyke Deuxu Rybe Wihikỹ.

¹⁶ Jesuisi aho ijãti-ki rariamy ihỹmyhỹ. Tii robira tuurenymy taseriòre-wana ihỹmyhỹ-ò, Simaõ Pedro, Andre-wana. Tiiboho rehumy ihỹmyhỹrenymy riã-di. Tiiboho heka waxidu roire. ¹⁷ Jesuisi rarybera tamyrenymy: —Kaiboho bodoibedenyke wahemy. Tai tahe araerynanyrenykre inymy rymykemy utura temyta wese. ¹⁸ Tahe aõwesele riã ririrenymy. Roire Jesuisi-wana. ¹⁹ Iko roire Joaõ, Txiau, taseriòre-wana. Tiiboho heka Zebedeu

riòre roire. Tiiboho hãworo-ki ratximyhỹrenymy riã riywinymyhỹrenymy. ²⁰ Jesuisi tamyrenymy rarybera: —Wahe-my bòdòike. Tahe aõwesele tybyrenymy ririrenymy teòdu-wana. Tahe tiiboho roire Jesuisi-wana ierydyỹnany roirekemy.

²¹ Tiiboho rirònyrenymy Kafanaõ hãwã-ò. Judeu mahãdu aõmysỹdyỹna txu aõkõ. Jesuisi ralore judeu mahãdu dohodỹỹna heto-ò erydyỹmy. ²² Kowa mahãdu urile bedede riòtiinymy irybe-ki. Tii heka irurutyhy-di rierynanyrene, ierydyỹdu mahãdu wese aõkõ rohodỹỹnanymyhỹre. ²³ Kia bedede heka hãbu tyytybybina-di ratximyhỹre dohodỹỹna heto-ki. Tyytybybina hãbuwo-ribi rarybere: ²⁴ —Aõhebo wadi botỹỹnykre Jesuisi Nazare ludu. Biwahubenymy aõbo? Jiarỹ araeryne mobo kai tatehe, kai heka hãbuòtyhy inatyhy Deuxu-ribi kai tate. ²⁵ Jesuisi tarurumy rarybere: —Kai rybeòmyke. Iribi bõhònyke tyytybybina. ²⁶ Tyytybybina hãbu riatyrene riworỹsỹworỹsỹnylemy. Tyytybybina ryyrene rybe iteremy, idi ròhònyrene. ²⁷ Ibutumy inymy ribedeòtiinymy. Ritỹỹraxinymy ijõ: —Aõwexe ratxireri, aõerydyỹnatỹmyrabo ratxireri. Tii riteònyrene tyytybybina. Tyytybybina Jesuisi rityhynymy. ²⁸ Ityhynina Kalileia bedede bedemy reare.

²⁹ Tahe dohodỹỹna heto-ribi ròhònyrenymy. Jesuisi, Txiau, Joaõ-wana roirenymy Simaõ, Andreboho heto-ò. ³⁰ Simaõ riòre lahi roimyhỹ rubunany. Tahe aõwesele tuu relyyrene Jesuisiko. ³¹ Jesuisi rimyrene tebò-ki, tahe, aõwesele irubuna ixãwira. Idi tahe hãwyy tamyrenymy bedede redere.

³² Txu ralòmy rahudi, ibutumy tamy didydenymy iny-bina bina. Tule inymy tyytybybina tamy didydenymy.

³³ Ibutumy inymy hãwã ludu iheto ijõ wirotymy. ³⁴ Tii ibutumy binana òta òta riywinyrene. Sõwemy tyytybybina riòlòdyỹnyrene. Tyytybybina Jesuisi rierymyhỹre. Tai tahe Jesuisi riijõnyrene tyytybybina rarybekeò.

³⁵ Rudile Jesuisi rare bederahy-txi rexitòenykremy.

³⁶ Simaõ, ijõ mahãdu-wana Jesuisi ijesetyhymy roire.

³⁷ Tiiboho Jesuisi raharenymy. Tamy rarybere: —Ibutumy inymy arãijereri. ³⁸ Jesuisi tamyrenymy rarybere: —Rokoikehe rekexinoranyrenymy hãwã wixira-ò. Jiarỹ tamyrenymy rybe tyyriti aritỹnynykremy. Iurenana tahe jiarỹ anade. ³⁹ Jesuisi rare ibutumy Kalileia bedede-ò. Tyytybybina inymy-ribi riteònyrene. Tule dohodỹỹna heto-ki tii rybe tyyriti ritỹnynymy.

⁴⁰ Hãbu tyybina mahãduõ Jesuisi-ò nade. Tii tatiwotimymy resere Jesuisiko-ò. Tahe Jesuisi-ò hãbu rarybere: —Adee awikeki tahe, biwatetynyke. ⁴¹ Jesuisi juhu urile riwotòenyrene. Tii hãbu ritorunymy. Tahe rarybere: —Wadee awire, atyy awimymy relekre. ⁴² Tahe

aõwesele ityybina reytera. ⁴³ Jesuisi hãbu riteònyre. Rarybere: —Kai tahe inyõdee rybeõmykre. ⁴⁴ Kai bexiteòsinykre Deuxu aõmysýdýýdu-ò. Iwese Moisesi ròerynadýýnyre wese, kai bexiteòsinykre. Kia heka inydee deòsinamy riteòsinyre. Kia iny rieryke timybo teytemy atximahãtemy. ⁴⁵ Tahe hãbu rare ibutumy inyko relyyra. Kia heka Jesuisi tahe uritere hãwãhãkýò-ò ralòõhyre. Tahe bederahykile rarire. Ibutumy iny tamy rare ibutumy bede bede-ribi.

2 Tiutxuõmybo Jesuisi dòòsede Kafanaò-ò. Idi tahe rybe reare rehemynomy ratximyhý heto-ki. ² Tahe iny, aõriòre aõkò, tamy wirotyre heto ijò-ò. Tahe Jesuisi relyymyhý Deuxu rybemy. ³ Hãbu inaubiòwa heka hãubina-di tamy detyydenyde. Kia hãbu rawòronyre taumy-ki. ⁴ Jesuisi-ò rehemynyòhykylere iny sòwerek. Tahe raòwònyrenyre idi heto ratytyre-ò. Hetotyre riranyrenyre tahe reru-di diberesedýýnydenyde byre-tyre-ki Jesuisiko-ò. ⁵ Jesuisi rieryre hãbu rityhynnyrenyre, tai rarybere hãubina-ò: —Waexi aòraru-ribi araixitarasadýýnyre. ⁶ Bede ywina erydýý mahãdu rorukurenyrer, ixideele rarybemy rýimyhýre: ⁷ —Aõherekibo hãbu kiawese rarybereri. Tii iòwe òwelemy rarybereri. Deuxu dee aõbina binalemy rarybereri. Mobo tahe òraru-ribi iny ritake. Deuxule òraru-ribi iny ritake. ⁸ Jesuisile roholaðlere ihãrele rieryre aõmybo raryberenyre. Tai tahe Jesuisi tamyreny rarybere: —Aõherekibo kiawese tarybetenyteri. ⁹ Tibohe isiraõtyhyre, tuu ararybeke: —Aòraru-ribi anaixitarasadýýnyre ada myike, abyre bimyeke, mariake. ¹⁰ Kaiboho bierykemy Deuxu Riòre Hãbutyhyhyký irurudire iny òraru-ribi iny ritakemy. ¹¹ Tahe hãubina-ò rarybere: —Boholake, myike, abyre bimyeke tahe makre aheto-ò. ¹² Tahe hãbu rýire, tabyre rimymy tahe rare ibutumy inyru-ò. Ibutumy bede riòtiinyre tahe reàlære Deuxumy. Ibutumy rarybere: —Tiu heka aõmy kawese rabiõhyymyhýre.

¹³ Jesuisi rare ahohoký ijà-ò. Ibutumy tamy doide. Tii iny ribedeerynyre. ¹⁴ Levi, Afeu riòre, ronymyhý nierumynydu hetowo-ki. Jesuisi ibire-di rareò, tii robi-ra. Jesuisi heka Levi-ò rarybere: —Waijoimy mynake. Tahe rýimy reare Jesuisi ijoi-ò ralore.

¹⁵ Jesuisi taerydýýna-wana rorukure Levi hetowo-ki. Tule nierumynydu mahãduõ ronymyhýre òrarudu-wana. Ibutumy riroximyhýrenyre. Sòwemy heka kia iny mahãdu Jesuisi riheludunyrenyre. ¹⁶ Bede ywina erydýý mahãdu, lahi rybe-di erydýýna mahãdu tuu robirenyra. Idi raryberenyre Jesuisi erydýýna mahãdu-ò —Aõherekibo tii riroxireri òrarudu-wana, nierumynydu-wana. ¹⁷ Jesuisi roholareu, tamyreny rarybere: —Iny ibinaõkeki tahe luahidu tamy kanaõtyhy. Tahe iny ibinakeki, tamy kanake bina-ò. Òbiti mahãdu itxemy aõkò anade. Tahe òrarudu mahãdu itxemy anade.

¹⁸ Joaõ erydýýna mahãdu, lahi rybe-di erydýýdu mahãdu-wana byreõhyky txuu tutyhyle rýimyhýrenyre. Tahe roire Jesuisi dýýraxidýýmy. Inyõ Jesuisi ritýýraxinyre: —Aõherekibo Joaõ erydýýna mahãdu byreõmy rýiõmyhýre. ¹⁹ Jesuisi rirawònyre: —Heriduõ,

itxeredu-wana ratxireriu, byreõmy rýiõtyhy tutyhylemy. ²⁰ Tiutxulemybo tahe heridu iribi kanatakre, tai tahe byreõmy kýnyikre tutyhylemy. ²¹ Moheka tyytýmyra dòbòna ritidikre tyytyby-ò. Idi inatyhymy dòbòna rayjakre tahe tyytyby sòwemy raykake. ²² Moheka òteti bederatyrupe týmyra rihynymyhýre iròdu-tyy walabuutybywo-ò. Idi tahe raberyrònymyhýreu, urile iròdutyy walabuu raykake tahe irube rejujuke. Tule iròdutyy walabuu ribinadýýnymyhýre. Iru-
betýmyra awire heka iròdutyy walabuu týmyrarokile.

²³ Judeu elehydýýnareny txu Jesuisiboho ririranymyhýrenyre maixòmo wesena oworumy, tai ierydýýna riòròmyhýrenyre riroxirenykemy. ²⁴ Tahe lahi rybe-di erydýýdu mahãdu rarybere Jesuisi-ò: —Aõherekibo aerydýýna mahãdu riwinyrer i aõwidýýna aõkò karare sabado txu. ²⁵ Tahe Jesuisi tamy rarybere: —Kaiboho teriranyòletenyta tyriti-di. Iwese Daviboho-ò aõbo rotýýnyrer i aõmy rekoarenymahãu, rama rahumyhýrenyu. ²⁶ Tii ralore hetotyhy-ò. Tai tahe orotxu sira ybina riyre, tule tamahãdu-ò riwahinyre. Kia tahe Deuxu deòdule rirýsýmyhýre. Kia Davi aõhebo rotýýnyre Abiata heka Deuxu deòdu wedurau. ²⁷ Jesuisi tamyreny rarybere: —Sabado txu heka rawidýýre inydee, iny tahe rawidýýõre sabado txu dee. ²⁸ Deuxu Riòre Hãbutyhyhyký tahe sabado txu wedu rare.

3 Ixityre Jesuisi ralore dohodýýna hetowo-ò. Hãbu debò binahakýõ tai ratximyhý. ² Lahi rybe-di erydýýdu mahãdu Jesuisi retehemyhýrenyre. Jesuisi sabado txuule ritetytenykeki, tiiboho rarybekemy aõbinabinakibo raharenykemy Jesuisi. ³ Jesuisi heka hãubina-ò rarybere: —Manake. ⁴ Tahe Jesuisi ijõ mahãdu-ò rarybere: —Aõwihikýwidýý awire ada aõbinalemy widýý awire. Tibohe awire, itarasa-ki aõbo ada rubu-ki aõbo. Hãbu mahãdu urile riyryre. ⁵ Jesuisi tamyreny retehere raõbinamy. Tii heka iaõna aõna riwotòdenyrenymyhý. Jesuisi hãbu debò bina-ò rarybera: —Ebò biterenyke. Tai tebò riterenyreu, aõwesele awimy relere. ⁶ Lahi rybe-di erydýýdu mahãdu rara Iòlò Herodi mahãdu-ò. Tiiboho raryberenyre timybo tahe Jesuisi rirubunyrenyke. ⁷ Jesuisi rexitare taerydýýna mahãdu wana aho-ò. Tahe sòwemy iny Judeia mahãdu, Kalileia mahãdu riheludunyre. ⁸ Ibutumy aõna aõna roholare Jesuisi riwinyreò. Tahe sòwemy tamy nade: Jerusalẽ hãwã mahãdu, Idumeia hãwã mahãdu. Iny Jordaõ bero ijà-ribi tule nade. Tule iny Tiro hãwã, Sidõ beà hãwã-ribi iòhòmy tamy nade. ⁹ Tahe Jesuisi taery mahãdu-ò rarybere: —Walawò bidiwykre. Iny sòwemy dori rehemynyre. Kidiwawotòmonykre òsana. ¹⁰ Ibutumy bina mahãdu ibymy tebò reareri ixideytedýýmy. Urile iny sòwemy riwinyre dori. ¹¹ Tyytybybina Jesuisi reteherenyreu, urile iko-txi resere ryrereri: —Kai Deuxu Riòre tate. ¹² Tai tahe Jesuisi rarybere tyytybybina-ò, uritere iteòsidýýõmykemy.

¹³ Tii raòwònyre bederatòomy. Tahe taerydýýna-ò rryre tibo tamy reòbykemy. Tahe tamy nade. ¹⁴ Tahe ierydýýna waòinatxi reuròmy rarunyre tii-wana rarekemy, rybe ritýnyndýýkemy. ¹⁵ Tule iruru-di rarekemy iny bina ritetytenyke. Tule irurudikemy tyytybybina

riteònykemy. ¹⁶ Kie ierydÿñanirenyre: Simaõ, (tii tahe Jesuisi ijõni riwahinyre, Pedromy) ¹⁷ Txiau ijõ, tii Zebedeu riõre rare. Kia seriõre Jesuisi rininirenyre, Boanejimy, inireny. Kia heka irybereny rare, Biumytxy riõrereny. ¹⁸ Ijõ heka Andre, Filipi, Bartolomeu, Mateu, Tome, Tadeu, Txiau. (Kia Txiau heka Afeu riõre rare.) Ijõ Simaõ iwitxira, (tii brebuõmy rybe-ki, tasubedeluudu wahe.) ¹⁹ Judasi Isariõ ijõre, kia heka Jesuisi riwahinyre iõludu-õ.

²⁰ Tahe Jesuisi nalode taheto-õ. Ixityre iny sõwemy tamy nade. Tai tahe Jesuisi taerydÿña-wana rirox-iõhyre. ²¹ Idi tahe Jesuisi leinareny itxÿtesana roholarenyre, riõryrenyre. Tiibohe raryberenyre: —Jesuisi itxÿte iõhõlere. ²² Bede ywina erydÿñ mahãdu doide Jerusalë-ribi rarybemyhÿrenyre: —Belisibu idi ratximyhÿre. Tyytyby wedu ruru-di tyytybybina iny-ribi riteònyrereri. ²³ Jesuisi inyko ijyymy relyyre: —Timy taheka Satanasi rexiteònykre Satanasi. ²⁴ Iõlõna wiribi rexihitxinykeki tahe, rexihukre ibutummy wiludu. ²⁵ Tahe sÿro luduõ wiribi rahitxikeki, rÿiõtyhy. ²⁶ Satanasi rÿikeki reburemy, tii ixìõbitile rexirubunyke. ²⁷ Inyõ heka hãbu rurutere hetowo-txi ralõõtyhy. Tai rawasinykeki, urile iny ritaataake. Urile hãbu rataataakeki, irõõbomy iny rawasinyke. ²⁸ Inatyhy jiarÿ adee ararybereri, ibutummy òraru heka kanaixãwidinykre hãbu dee aõtxile aõbina binamy rarybemyhÿre. ²⁹ Kia inyõ aõtxile aõbina binamy Deuxu Tyytybytyhymy rarybekeki, tiu heka iõraru rataõtyhy. Kia òraru riwinyre tiiehyummy rarekemy. ³⁰ Jesuisimy kiamy narybedenyde: —Tii heka tyytybybina dire.

³¹ Tadi tahelÿña-wana nade. Tahe ahanakile ritamanyre. Tamy riteònyrenyre iõrysomy. ³² Iny sõwemy iwerora-di ronyre. Tahe Jesuisise-õ rarybere: —Adi aseriõre-wana ahanakile nyide, araijereri. ³³ Jesuisi rarybere: —Mowe nadi rare, waseriõreboho rare. ³⁴ Juhu urile idi retehereri iwerora-ki. Tahe rarybere: —Betehekere, kaibohe ibutummy kaki nadiwesere, waseriõre wese toite. ³⁵ Inyõ aõna aõna riwinyomyhÿkeki, Deuxu dee awira. Kia heka nadi, waseriõre roire.

4 Jesuisi ròõsera ahobero ijà-õ iny dohodÿñmy. Sõwemy iny wirotyre. Tai Jesuisi ronyre hãworo-õ tahe rexitaranyre ahoro-õ. Aho ijà-õ iny wirotyre iõhonamy. ² Tii aõna aõna sõwemy roerydÿñanyre ijyityhydile. Kaa ijyymy tii relyyre: ³ —Boholake, alõbõrõna-di dehudu rara alõbõrõnamy. ⁴ Alõbõrõna-di rehumyhÿu, ijõ ryro-txi resere. Tahe nawixõmo rirore. ⁵ Ijõ rejujure manarutãsu-txi. Tahe aõwesele raumynyre iraruxiõlemy su dori ibutere. ⁶ Irauxiõreki, bede tõe alõbõrõna rimoenyre idi rurura. ⁷ Ijõ oworuty resere edehu-txi idi ruhunyre edewanale. Tai tahe ede-õ riõdesenyre tai raratynyõlere. ⁸ Ijõ resere su wixira wihikÿ-txi. Kia tahe raumynyre. Tahe sohoji oworutyõ 30my iraty raratynyre. Ijõ oworuty 60my raratynyre. Ijõ tahe 100my raratynyre. ⁹ Tii rarybera: —Kaibohe aõbo õhõtidiirenyre, inatyhymy warybe-õ boholake. Adee awikeki, bierybenyke.

¹⁰ Iny robÿtÿreu, ijõ rarilere ierydÿña mahãdu-wana. Tiibohe rÿÿraxire Jesuisi-õ: —Aõhekemybo telyyta

ijyymy. ¹¹ Jesuisi tamyreny rarybera: —Deuxu Iõlõna rybemy Deuxu araerynanykre. Kia heka tuu teeryõmahãte. Kowaboho-õ jiarÿ urile ijyymy relyyra. ¹² Tai tahe kia wesele relyyra.

Iny retehemyhÿkemy tahe robiõhyymyhÿre. Roholamyhÿre ta, rieryõhyymyhÿre. Tai tahe ralõkemy aõkõ, taõraru riixãwididÿñakemy aõkõ.

¹³ Tii tamy rarybere: —Kaibohe aõbo teeryõhyyletenyeri ijy. Ihãre tahe timykibo bierybenyke ijy ibutummy.

¹⁴ Aloborodu rehumyhÿ alõbõrõna-di. Kia oworuty heka rybe wese rare. ¹⁵ Oworuty ryijãti ludu heka iwese urijõhonadu wese heka rare. Rybe-õ roholarenyre, Satanasi nade rybe iwo-ribi ritakremy. ¹⁶ Manarutãsu ludu iwese iny reysamy roholarereri. ¹⁷ Iny urihimyõle rarorehenymyhÿre iraruxi sõeõreki. Idihe rasirara irybe. Tule iny ralahatxinamyreki, ihyye tahe riixãwidinyra. ¹⁸ Ede rawo ludu iwese iny wixira roholarereri. ¹⁹ Tiibohe taaõmydÿñadile rõhõtiniymyhÿre. Sõwemy nieru-di ratxikemy rexinohõtiniymyhÿre ta nieru riitxenanyymyhÿre. Ijõ aõna aõnadile rexinohõtiniymyhÿre. Kia aõna aõna rybe rirarutxiniymyhÿre. Tai tahe rybe raratynyõmyhÿre. ²⁰ Suwihikÿ ludu iwese iny wixira roholarereri. Kia inatyhymy rÿireri heka raratynyre alõbõrõna raratynyre wese. Ijõ raratynyre 30my, ijõ tahe 60my raratynyre. Ijõ tahe 100my raratynyre.

²¹ Tii rarybera tamyreny-õ: —Uritere loosõna ideõmyke butxi worawo-txi ada herina raworawoõ-txi aõbo. Loosõna bidekre bedewiõ-õ. ²² Inyõ iwõteõmy aõna aõna tiiehyummy. Tiutxulemybo ratÿnykemy ihÿre. Iwõteõmy atximahãbenyke aõu bodobikemy atximahãtenyete. ²³ Kaibohe aõbo õhõtidiirenyre, inatyhymy boholake. ²⁴ Tahe Jesuisi tamyreny rarybera: —Kaibohe inatyhymy boholabeny tamy taholamahãtenyete. Urihixina iwese teõteri wesele, kai biwykre. Ihãre tahe biwykre ijõ teõta-ribi ritamy. ²⁵ Hãbuõ ijõdikeki tamyle rawahidÿÿke, tahe hãbuõ ijõõkeki iribi ratatyhyke.

²⁶ Jesuisi relyyra kia ijyymy: —Deuxu Iõlõna kia ijy wese rare. Hãbu rehumyhÿre alõbõrõna-di suõ.

²⁷ Hãbu rummy rõrõmyhÿre txulemy rexixamyhÿre. Tii rieryõlemyhÿre timybo alõbõrõna ratybiennyymyhÿre.

²⁸ Suu ixi dee sohojile raratymyra. Juhuu iõle ramyhÿre. Idi tahe raratynyymyhÿre, ihewonau, tahe, iraty rasõnyymyhÿre. ²⁹ Bederaty rasõnyymyhÿreu, iyresydu riteònyymyhÿre. Mayrabu-di riõrõkemy bederatysõ butdÿñna dori rexihumyhÿre.

³⁰ Tii rarybera, Deuxu Iõlõna wexe aõwesere. Aõ-õ wexe rikioirenykre. Tiwexe ijy kawesere. ³¹ Kia heka mostardaty wesere. Tii heka iylatyhymy ratximyhÿre kabede-ki. ³² Tahe tii raumynyymyhÿre wana, ireitõbõrõdÿÿ ratyre rarurururunnyymyhÿre. Tahe nawii tamyle rasÿnyymyhÿre. Iubõrõrõ rawolemy taheto riwinyre.

³³ Tahe Jesuisi Deuxu rybemy rierynanyymyhÿre. Kia ijy wese sõwemy ijy rierynanyymyhÿre. Kialemy iny-õ Jesuisi relyymyhÿ ibutummy tamy reny ritynyynyymyhÿreki.

³⁴ Kia-ò riòbitinyòlere ijyyò. Tahe iny-ribi irehemy taerydÿña-ò riòbitinyre.

³⁵ Iu txu txiorolemy Jesuisi rarybere taerydÿña-ò: —Rikiòhòrerenyke kowa weribi ijà-ò. ³⁶ Sòwemy iny rarire aho ijà-ki. Tahe taerydÿña tamy ralore. Roire hāwò-di. Tahe ijò hāwò idi ratximyhÿre. ³⁷ Tahe bede binahakÿ rexidelenyre yhymy. Tahe òbò hāwò ri-hātenymyhÿ tai ritÿmynykemy ritelenyre. ³⁸ Tai tahe Jesuisi rōrōmy roimyhÿ tòro-ki irati tarahynatyre-ki. Tai tahe riixixanyre. Ijò rarybere: —Waerydÿÿdu, adeehe awimy aòbo iny ituerenykre. ³⁹ Rexixamy Jesuisi. Tii yhy riixāwididÿÿnyre. Tii ahohokÿ-ò rarybere: —Biyryke! Tai bede ruhuwihikÿre. ⁴⁰ Tamyreny rarybere: —Aòherekibo kaiboho taberutenyteri? Deuxu aòbo tetyhynyòmahātenyete? ⁴¹ Tai tahe tiiboho bede riòti-inyrenyra. Tahe widee raryberenyre: —Mowexe tuu yhy ahohokÿ-wana irybe riywinyke.

5 Ritehemynyrenyre ijò berohokÿ weribi ijàna-ò. Kowa heka ibutummy hāwāhākÿ Kadarena inirenyre. ² Jesuisi hāworo-ribi resereu, hābu tyytybybina-di robire rōhònyreri wabede-ribi. ³ Kia heka tiemy rasÿnymy raremyhÿ wabede-ki. Katahe wiji moheka womati reroti-di rataataaòtyhy. ⁴ Aòdorihe òhòòre tebò iwa rataataare womati reroti-di. Tiiemy heka rimoenymyhÿ. Teòruty ludu tawararu ludu tule ritòtynymyhÿre iyresymy. Moheka iruruòre iny erydÿÿmy. ⁵ Txuu ruu-wana heka tii rasÿnyre wabedewo-ki. Tii rariamyhÿre bederatòòmy. Tule rirajuamy tai rexi-hātenyre mana-di. ⁶ Tai tahe Jesuisimy robireu, tii raijaranyre Jesuisi-ò. Resere tatiowotimy Jesuisiko-ò. ⁷ Jesuisi tyytybybina-ò rarybere: —Iribi bòhònyke. Tahe tyytybybina rarybera: —Aòwe wadi tate. Kai, Jesuisi, ibutummy inyò dee inyratyrate tate. Kai Deuxu Riòre tate. Làhàmy làhà, uritere aòbina binahakÿmy wahòròdÿÿòmykre. ⁹ Jesuisi ritÿÿraxinyre: —Mobohe anire. Tyytybybina rirawònyre: —Wanireny sòwetyhyre wasòwerenyreki. ¹⁰ Urile karibi wateòdÿÿrenyòmykre. ¹¹ Tahe kowa-ki ixÿni juramy riroximy rÿimyhÿ bederatòò-ki. ¹² Ibutummy tyytybybina rexitòenyrenyre: —Biwateònybenyke ixÿni jurawomy aralòrenykemy. ¹³ Tahe Jesuisi riteònyre. Tyytybybina aòwesele rōhònyre tahe ixÿniwomy ralore. Ixÿni jura tahe raòrunyre rejuxunyre ijòtira-ribi. Berawo-txi tahe rabòròròre ahohokÿ-ki. Inatxi mil ixÿni rabòròròre.

¹⁴ Ixÿni-di itxeredu reare ijyymy ibutummy hāwā hāwāmy relyyrenyre. Tahe iny dirahude tamy itxeremy.

¹⁵ Tiiboho Jesuisi-ò doideu, tuu robirenyra hābu tyytybybina-di raremyhÿ. Tii rexitynymy ronymyhÿre. Tii heka òbitimy rōhòtynymyhÿre. Tai iny mahādu rabe-deòtiidÿÿnyre. ¹⁶ Tiiboho tuu robirenyre, ijò-ò relyyrenyre ixÿni ijyymy, timybo aòhebo rotÿÿnyre my hābu tyytybybina-di ratximyhÿre. Tule relyyrenyre timybo rotÿÿnyre ixÿni jura. ¹⁷ Iny rexitòenyre Jesuisi-ò rexitakremy isureny-ribi. ¹⁸ Jesuisi hāworo-ò ralore. Tahe hābu tyytybybina-di ratximyhÿre, rexitòenyre Jesuisi-wana rakemy. ¹⁹ Tahe Jesuisi idy derare. Tamy rarybera: —Mahe asÿ-ò, aijoi-ò belyyke aòna aòna Deuxu adee riwinyremy, iwese tii araruxetòenymyhÿre

wese. ²⁰ Tahe hābu rare Debòwiò hāwāreny-ò. Ibutummy Jesuisi aòna aònamy ixidee riwinyremy relyyre. Ibutummy iny ribedeòtiidÿÿnymyhÿre.

²¹ Ixityre Jesuisi rare ahohokÿ weribi ijà-ò. Ixidee iny sòwemy ributunyre. Tii heka ihÿmyhÿ ahohokÿ ijà-ki. ²² Tahe dehemynyde tamy dohodÿÿna heto weduò.

Ijairu inire. Tii Jesuisi robireu, resere tatiowotimy iko-txi. ²³ Ijairu rarybere Jesuisi-ò: —Wariòre irubu iòhòtyhylemy roireri. Kai manakre tamy ebò bitidikremy. Tai awimy relekre, ruruòtyhy. ²⁴ Tahe Jesuisi tii-wana rare. Iny sòwemy tule rare iòhòkile tamy rÿire.

²⁵ Kia heka hāwyyò binamy ramyhÿre. Ihālubu rejuxunymy raremyhÿ. Beòra waòinatxi reuròmy rejuxunymyhÿre, rihuòhy raremyhÿ. ²⁶ Tii aòhòkÿmy rotÿÿnymyhÿre sòwemy òhotibedu mahādu-di. Tahe awimy rotÿÿòlemyhÿre. Urile taniuru ibutummy rahure òhotibedu mahādu-ki. Awimy releòemy, ire bede-ò resere. ²⁷ Tahe roholare Jesuisi nina-ò tahe iòhò-ki nade inyy-ki. Idi ihewo-ribi rimyra ityynora-ki. ²⁸ Hāwyy ixidee rarybemyhÿre: —Krile itykynora-ki karimykeki, karekyteke. ²⁹ Tahe aòwesele ihālubu ijera ixāwire. Ixidee awimy rōhòtynyre. ³⁰ Jesuisi rieryre iruru iribi rōhònyremy, tai rarybere: —Mobo watyynora rimyra. ³¹ Tahe ierydÿÿna raryberenyra aòherekibo tuu tarybeta ibutummy taheka iny abirelemy rÿireri. ³² Jesuisi retehemyhÿre urile mobo rarekemy. ³³ Hāwyy rierymyhÿ aòhebo rotÿÿnyre. Tii ruberumy Jesuisiko-ò resere relyykemy iko. ³⁴ Jesuisi rarybera: —Lerÿ, atyhydÿÿna kÿnyhe aratara. Mahe, kai dori texiywinyta.

³⁵ Tii rarybemyhÿò, dohodÿÿna wedu deòdu rehe-mynyrenyneri. Tiiboho raryberenyra: —Wawedu, Ijairu, ariòre rurumy roireri. Aòmybo tahe Erydÿÿdu-di atxiteri. ³⁶ Jesuisi kia-ò roholara tahe rarybera dohodÿÿna wedu-ò: —Brebùòmy, urile bityhynykre. ³⁷ Jesuisi-wana roire, Pedro, ijò Txiau, ijò Joaò. Joaò heka Txiau seriòre rare. Kaòle heka reòbyre tii-wana rakemy. ³⁸ Dohodÿÿna wedu heto-ò dehemynydeu, ixiyjadÿÿ-ò roholara, robureriò, rirajuareriò. ³⁹ Jesuisi ralore tahe rarybera: —Aòherekibo tabutenyteri. Hirarihikÿ rurumy aòkò roireri. Tii urile rōròreri. ⁴⁰ Juhu urile tai rutxuenyrenyra Jesuisi-ki. Tahe Jesuisi ibutummy iny riòlòdÿÿnyra hetowo-ribi. Tahe isele, tybyle, ixidee rimyrenyra ratxirenykemy. Tahe tamy rirònyrenyre tai hirarihikÿ roimyhÿò. ⁴¹ Jesuisi hirarihikÿ debò rimyre tahe rarybera: —Talita kumi. (Katahe iwitxira rybemy rarybera. Kiamyneri heka, mynykemy.) ⁴² Aòwesele hirarihikÿ rÿimy reara. Tahe rariara aòmyreki iwyrwa waòinatxi reuròmy iwyrwamy. Tahe urile bede riòtiinyrenyre. ⁴³ Jesuisi riteranyre moò rierydÿÿkemy aòkò. Jesuisi tule rarybere: —Rÿsÿna tamy biwahynykre.

6 Jesuisi dexitade kowa bede-ribi. Tahe tauladu tybiena hāwā-ò dehemynyde. Taerydÿÿna mahādu riheludunyre. ² Sabado txummy rierynanyre dohodÿÿna heto-ki. Sòwemy iny roholamy rÿimyhÿ bede riòti-inymy. Tahe rarybere: —Tiribibo kia hābu aòna aòna bede rieryre. Aòbedeeryhykÿbo ratximyhÿre. Timyta heka bedeòby riwinyre. ³ Kia aòbohe aòwidÿÿdule ratxireri, Marie riòrele. Tiiboho aòbohe Txiau, Jyje, Ju-

dasi, Simaõ, seriðrebohole ratxirenyreri. Terÿboho aõbohe tule kakile ratxireri. Ibutumy iny heka Jesuisi derarenyre. Irybe rityhynyõre. ⁴ Jesuisi rarybere tamyreny: —Deuxu rybedÿÿdu heka tyhydÿÿna ritaõlekre tahãwãreny-ribi, taijoi-ribi, tasÿ-ribi. ⁵ Tahe Jesuisi kowa-ki bedeõby riwinyõlere. Urile tebò ritidire inybina bina tyre, taile riteytenyre. ⁶ Jesuisi urile bede idireny riòtiinyre rityhynyõlemyhÿrenyreki. Tahe Jesuisi reurore hãwã hãwã-di erydÿÿmy.

⁷ Tii ixidee ributunyre tawaõinatxi erydÿÿna mahãdu. Tii riteõnyre inatxi inatxi iubÿtÿnyre. Tamyreny taruru-ribi riwahinyre tytybybina deòdÿÿki. ⁸ Jesuisi tuu rarybere: —Urile biwykre adebõna. Uritere orotxu aõkõ, nieruhyna aõkõ, nieru wereysanawo-ki aõkõ, iwydysyrenyõmykre. ⁹ Uritere waubehetyõmy noõmykre. Uritere inatximy wirawomy ty-di ixityy-dÿÿõmykre. ¹⁰ Hãwã-txi malõkeki, tiemy taile bonykre tiubedemybo iribihyyle bõhõnykre. ¹¹ Titxi behemynybenykeki, uritere iny erarenymy reakeki, roholãkeki, txiõrare, urileta awareny bitõtynykre bede erynamy. ¹² Tahe tiiboho roire. Rybe ritÿnydÿÿmyhÿre iny ixidee rexirahÿrenykemy. ¹³ Tytybybina irehemy iny-ribi ririradÿÿnykemy. Sõwemy inybina tyre òÿre ritxiwire. Tai tahe riteytenyre.

¹⁴ Kia heka iòlò Herodi roholara. Jesuisini dori erynatyhymy raremyhÿ. Tahe ijõboho rarybemyhÿreny: —Joaõ Sebedÿÿdu rexixara rubu-ribi. Ijõ rarybemyhÿreny: —Eliale ratxireri. ¹⁵ Ijõ rarybera: —Deuxu rybedÿÿdu ratxireri. Deuxu rybedÿÿduõ wese heka ratxireri. ¹⁶ Herodi roholareu aõbo Jesuisi riwinyreu, rarybera: —Kia hãbu Joaõ ratxireri. Kia heka irati reorore heka rare. ¹⁷ Kia heka iòlò Herodi riteõnyre imy-namy. Idi tahe ritisanyre ròtenawo-ò. Taseriðre hãwyy òraru-ki kia riwinyre. Filipi iseriðreni rare. Iseriðre hãwyyini Herodia rare. Herodi, Herodia-wana roire iseriðre riðrese-wana. ¹⁸ Juhuule Joaõ rarybere Herodi-ò: —Kai aõkõre aseriðre hãwyy-di mabeõtyhy. ¹⁹ Herodia tamy icy reamyhÿ rirubunykemy ratximyhÿ tahe aõkõhyllere. ²⁰ Herodi tahe Joaõ rityhynyre. Tii rierymyhÿre Joaõ hãbu wihikÿõ ratximyhÿ. Tai riyrubunyre ròtenawo-ki. Herodi Joaõ roholareu, urile bede riòtiinyre urile roholawihikÿre. ²¹ Kia txuu ibeõra reare Herodi lisina berenamy riwinyre. Tahe ibutumy hãwã dinodu, soldado wedu mahãdu, tule ibutumy hãbu nihikÿ Kalileia mahãdu-ribi rihuòtere. ²² Ijadõma ralore resere, Herodia riðre. Herodi, iny huòtedu mahãdu-wana tamyreny awire. Iòlò ijadõma-ò rarybera: —Aõtxile aõma wadee bexitõenyke, adee ariwahinykre. ²³ Inatyhymy adee ararybekre. Waaõna aõna iweeremy bexitõenykeki, adee ariwahinykre. ²⁴ Ijadõma tadi ritÿÿraxinyre aõmybo tahe tamy rexitõenykre. Ise rarybera: —Joaõ Sebedÿÿkÿdu rati kai bexitõenykre. ²⁵ Tahe ijadõma ròsere iòlò-ò. Tahe ijadõma rarybera: —Joaõ Sebedÿÿkÿdu rati kai biwahinykre hyna tyre-ki. ²⁶ Iòlò sõwemy rabadewore irybe-ki. Rexitxiõnyõlere iny dori sõwemy ibire-ki. ²⁷ Iòlò soldado rariare Joaõ rati òrysmy. Tahe irati riorore ròtena-ki. ²⁸ Tahe irati diwyde besetyre-ki. Ijadõ-

ma-ò riwahinyre, tahe ijadõma tadi-ò riwahinyre.

²⁹ Joaõ erydÿÿna rieryreu tahe, nade iumy òrysmy. Tahe iumy riwyre wabede-ò.

³⁰ Jesuisi erydÿÿna mahãdu ròsereenyre Jesuisi-ò.

Tahe relyyrenyru ibutumy aõmydÿÿnana tule ibutumy rierynanymyhÿre. ³¹ Jesuisi tamy rarybere: —Inyboho sohojile rokoireny bederahy-txi ixielehydÿÿmy. Tii dori rarybera tamy heka byrena iòhõtuyõlere tamy roxina raòhòõlere. Iny sõwemy tamy wii reutydynyneri.

³² Tahe tiiboho sohojile hãwò-di roire bederahy-txi iny-ò. ³³ Iny sõwemy tuu robira ròhõnyrerimy. Tahe iny ibutumy hãwã hãwã ludu raijaranyre tòròsõna-ò. Tii-bohole juhu rehemynyre iko-ki. ³⁴ Jesuisi rororeu, tahe inymy sõwemy robire, riraðrerið. Jesuisi tamy ratõenymyhÿre. Tiiboho dori iwese budoeni idi itxereduõmy rÿireri wesemy. ³⁵ Txuu raloreu, ierydÿÿna mahãdu Jesuisi-ò roire. Tiiboho rarybere: —Ka kÿnyhe bederahy roire txuuke rexihura. ³⁶ Kai tahe iny biteõnykre hãwã hãwã mahãdu-ò rÿsÿna ixideereny õbradÿÿmy. ³⁷ Jesuisi tamyreny rarybera: —Kaibo ho tamy rÿsÿna biwahinykre. Tahe raryberenyre: —Timybo tahe inyboho 200 prata womati nieru-di orotxu rik-iõbranyrenykre. Timy wexe tamyreny rÿsÿna riki-wahinyrenykre. Jesuisi tamyreny rarybera: ³⁸ —Tiwese orotxu bohe rÿire. Maa tamy itxeremy. Idi tahe rierenyreu, rarybera: —orotxu iruyre, utura inatxi.

³⁹ Idi tahe Jesuisi iny rabòròhòkÿ asityre rorukukremy.

⁴⁰ Idi tahe iny rabòròhòkÿ wii rirareare, ijõ sÿwõtamy, ijõ 100my. ⁴¹ Jesuisi orotxu utura-wana rimyre tahe retehere biu-ò Deuxu-ò rexitõenyre. Idi tahe orotxu reòròròre. Riwahinyre taerydÿÿna mahãdu-ò riwykre-my iny-ò. Tule utura inatxi wirarea riwahinyre iny mahãdu dee. ⁴² Ibutumy iny riroxire. Rihydymy rÿimyhÿ. ⁴³ Idi tahe ritÿxinyre waõinatxi reurò weririmy orotxu yre yre utura-wana rauhenyredi. ⁴⁴ Kia heka rerÿsÿre 5000 inymy rÿsÿna-di.

⁴⁵ Juhu Jesuisi riteõnyre taerydÿÿna mahãdu ixiko-ò kanaijõwe-ribi ijã-ò, Besaida hãwã-ò. Tii tahe ririre iny riteõnykremy. ⁴⁶ Tahe riteõnyreu, tii rare ixitòedÿÿmy bede ratòhòkÿ-ò. ⁴⁷ Txioro bedesou hãwò ahotya-ki ratximyhÿre. Jesuisi suki ratximyhÿre ixisohojile.

⁴⁸ Tahe yhy rebònymyhÿ iutedereny-ribi. Hãwò rari-aõlemyhÿ. Tahe Jesuisi tuu robire txu ijera iòhò-di. Tahe betyredile tamyreny rariare. Jesuisi iratyreny wese rariakre. ⁴⁹ Tahe tuu robireu, betyre-di rariarerið, tiiboho unisÿna ròhõtynyrenyre, rirajuarenyre. ⁵⁰ Tahe ibutumy tuu robira ibutumy ruberurenyre. Jesuisi aõwesele rarybere: —Urile beysabeny, breburenymy. Jiarÿle watxireri. ⁵¹ Tii ralore tamyreny hãworo-ò. Yhy urile ixãwire. Ierydÿÿnaboho bede riòtiinyrenyre. ⁵² Tii-boho ruberurenyre, orotxu bedeõbyna dori rierykõrenyre.

⁵³ Tiiboho riòhòrenyreu, ritehemynyre Kenesare-ò.

Kia-ki hãwò ritisarenyra. ⁵⁴ Tahe hãworo-ribi ròtuðreri, ibutumy iny Jesuisi rieryra. ⁵⁵ Juhu raòrunyrenyre bina bina mahãdu òrysmy. Idi tahe didydenyde roholarenyre titxibo tai Jesuisi ratximyhÿ.

⁵⁶ Tii raloreu iny hãwã-ò aõbo ada hãwãhãkÿ-ò aõbo

ada bedero-ò aõbo, tiemy iny bina bina mahādu iryko-txi ritidire. Tai tamy rexitòenihikÿre tamy debò reakemy ityynora-ò. Ibutumy tamy debò reareu, tahe riteytenyire.

7 Jesuisi-ò ributunyre fariseu mahādu lahi rybe-di erydÿÿdu mahādu wahe. Tule bede ywina erydÿÿ mahāduributunyre. Jerusalē-ribi ritehemynyreri. ² Jesuisi erydÿÿna mahādu tebò risuhòõmy riroxireri. Fariseu mahādu, Bede ywina erydÿÿ mahādu-wana Jesuisi-ò ritÿÿraxinyrenyre: —Aõherekibo aerydÿÿna tebò risuhòõmy riroximyhÿrenyre. Aõherekibo ihetxiu bede ywidÿÿnana rityhynyõreri. Lahi rybe-di erydÿÿdu mahādu judeu mahādu-wana ihetxiu iwidÿÿnana riwinymyhÿrenyre. Tii heka tebò tiu suròduõmy riroxiõmyhÿre. Tiiboho aõna aõna wydyna heto-ribi dðõsemahādeu, tiu heka røhðõdile riroxiõmyhÿre. Sõwemy iwidÿÿnareny rityhynymyhÿre. Bemona butxi, womati bese-wana risuhòrenyre. ⁶ Jesuisi tamy di-rawyònyde: —Isaia juhuule rarybere tiwesebo kaiboho toite. Kaiboho itxenadÿÿdu toite. Riritinymy rÿire: —Kaiboho riwawowydynymyhÿre tary-di. Tahe awo-ribi waluuõlemyhÿre.

⁷ Kaiboho riwawowydynyre tahe watxi nohòti ijer-aõlerenymy. Kai teerynanyteri erydÿÿna-di iny nohòti-ribi namyhÿdeòle.

⁸ Kai Deuxu erydÿÿna tyhydÿÿõmy. Iny erydÿÿnale tetyhynyente. ⁹ Tii tamyreny rarybera: —Kaiboho aõbo ijõ bihòrõnybenyleke, biaõmysÿnybenyke. Deuxu rybe bede ywina kaiboho tetyhynyõlemyhÿtenyente. Arybe bede ywinala tetyhynyõlemyhÿtenyente. ¹⁰ Moisesi rarybera:

—Kaiboho biytyhynybenyke adirybe-ò, tybyrybe-ò. Inyõ tadimy tybymy iehehemy rarybekeki, aõtaxiny ruruke.

¹¹ Kaiboho teerynanyteri hābuõ-ò tadi tybywana-ò rarybekemy: —Wanieru waribi bitaõke. Ariwahiny dori Deuxu-ò. Wanieru heka korbÿ rare. (Korbÿ heka uri wahidÿÿna rare, iwitxira rybe wahe.) ¹² Jesuisi rarybehyymy rare: —Kiawese rierynany raremyhÿ, kaiboho uritere hābuõ tadiboho-ò aõmydÿÿõmy rarekemy.

¹³ Kawese ityhydÿÿrenyõmy Deuxu rybe, aerydÿÿna òraru-ki. Sõwemy aõna aõna kawese tatÿÿnyente.

¹⁴ Tahe Jesuisi ixityre rarybera inysõwe-ò: —Bodoholabenyke, ibutumy bierybenykemy. ¹⁵ Aõbo iny-ò ralòmyhÿre, kia tahe iny risunyõlemyhÿre, inywo-ribi tahe namyhÿde kia tahe iny risunymyhÿre. ¹⁶ Inyõ bierybenykeki, boholaribenyke. ¹⁷ Tahe iny-ribi røhònyreu, heto-ò raloreu, ierydÿÿna mahādu tahe tamy rÿÿraxire ijyymy. ¹⁸ Tii tamyreny rarybera: —Kaiboho tule aõbo teeryõmahātenyente. Aõbo iny-ò ralòmyhÿre, kia iny risÿnyõlemyhÿre. ¹⁹ Tawotyhy-ò dori ralòõlemyhÿre. Urile weryri-ò ralòmyhÿre idi umy-ribi røhònymyhÿre. (Ibutumy rÿsÿna tahe awire riki.) ²⁰ Tule rarybera: —Aõbo iny-ribi namyhÿde, kia risurisunymyhÿre. ²¹ Inywo-ribi tahe røhònymyhÿre ibutumy nohòtinana binahakÿ. Kia heka rare nohòtinana binahakÿ: òta òtalemy, wasilemy, rubudÿÿlemy, ijõ hābu riòrese ridymy, ²² ibutumy aõna aõna wedu iny ratyrekemy, bi-

namy røhòtinymyhÿre, ruilemy, aõbina binaõle, itxeredu, aõbina binalemy rybedu, tule itxÿtelemy. ²³ Kia heka ibutumy bina bina inywo-ribi namyhÿde. Kia heka iny rexisunymyhÿre.

²⁴ Jesuisi rexitare. Tahe r re Tiro hāwāreny-ò, Sidõ beà hāwā hāwā-ò. Tahe tii ralore hetowo-txi tahe moõ rierykõdi ixidire hetowo-txi. Ralòrau tahe, rexiwòke aõkõ. ²⁵ Jesuisi tyhynina-ò hāwyy roholare, tahe tamy nade, tatiowotimy resere. Iriòre-riki tytybybina dire. ²⁶ Kia heka hāwyy Grego mahādu rare. Ilahinanire heka Siru Senisia. Tii Jesuisi-ò rÿÿraxire tytybybina iriòre-ribi deòdÿÿmy. ²⁷ Tahe Jesuisi tamy rarybera: —Txioiny, juhu inihe uladu mahādu riroxikre. Wade awiòre uladu-ribi rÿsÿna ritake ijòròsa-ò. ²⁸ Hāwyy rirawyònyra: —Inatyhy rare, Wāhÿ. Kurile rÿsÿna kyre kyre rejujumahāre. Kòwòruku bese-ribi, kuladu-ribi. Kiamy heka itxòòròsa rirakuximyhÿre. ²⁹ Tahe Jesuisi tamy rarybera: —Kia rybe òraru-ki heka kaa tarybeta tytybybina ariòre-ribi rohonyra. Kia bòòsekre aheto-ò. ³⁰ Hāwyy taheto-ki rehemynyre, iriòre-ki rahara byretyre-ki roire. Hāwyy rieryre tytybybina iribi røhònyre.

³¹ Tai tahe Jesuisi ixityre rexitare Tiro hāwāreny-ribi, Sidõ beà hāwā reny-ò rara Kalileia aho-ò. Tii raremyhÿy, Debòwiò hāwā hāwā reny ririre. ³² Tahe tamy didydenyde hābuõ nohòtityõ. Tii roholaõlemyhÿre. Tule awimy rarybeõhyylemyhÿre. Tahe rexitòenyrenyra Jesuisi-ò, tebò ityre ritidikemy. ³³ Jesuisi tii ritare inysõwehekÿ-ribi tahe tebò ritidire tøhòti-ò. Tahe rarybexinyre tahe idi tòròtòbymy reare. ³⁴ Tahe Jesuisi tarue ruwyyre biu-txi, ele-di reare. Tahe rarybera: —Ebata. (Kia heka rybe riwiuròsòdÿÿmy rare, —Biraynyke.) ³⁵ Aõwesele tøhòti riraynyre. Tòròtò riykoykonyre. Tii aõwesele awimy rarybera. ³⁶ Jesuisi rarybera: —Uritere iny-ò ijyõmykremy. Ihārele tahe ibutumy kiamy iny-ò relyymyhÿre. ³⁷ Idi bede riòtinynyre. Tahe raryberenyre: —Ibutumy tii riteytenymyhÿre. Tii nohòtity aõwesele roholamyhÿre. Hābu rybeõ aõwesele rirybedÿÿnymyhÿre.

8 Kia txuu ixityre iny sõwemy ributunyre. Kiau tule aõrÿsÿnamy ijõõhyllere. Jesuisi taerydÿÿna mahādu ixidee ributunyre. Tahe tamyreny rarybera: ² —Jiarÿ inysõwe rewotòenyreri. Tiiboho txuu inataõ waki rÿireri byreõlemy. ³ Jiarÿ byreõlemy ariteònyrenykeki, ryrowetyakile reserenykre iòderawyrinymy. Tule, iny sõwemy irehe-ribi nade. ⁴ Ierydÿÿna tamy di-rawyònyde: —Tymyaka inyboho tamyreny orotxu rikiwahinyrenykre kabederahy-ki. ⁵ Tii ritÿÿraxinyre: —Tiwesebo orotxu kai ijõdire. Tiiboho rarybera: —Debò inatxi reuròmmy. ⁶ Jesuisi iny sõwemy risÿdÿÿnykremy sutyre-ò. Tii orotxu debòinatxi reuròmmy rimyra. Tii rexitòenyreu tahe riorore. Tahe riwahinyre taerydÿÿna mahādu-ò riwykemy iny sõwe-ò. ⁷ Tule utura ibutemy rÿimyhÿ. Tahe rexitòenymy rahudi tahe taerydÿÿna-ò rarybera: —Kaa tule biwybenyke iny sõwe-ò. ⁸ Tiiboho riroxirenyremy tahe rihydymy ratximyhÿ. Iyre yre rauhenyre riwyrenyre weriri debò inatxi reuròmmy riwyrenyre rÿÿximy. ⁹ Inaubiòwa mil iny iòhòmy rÿimyhÿ. Tahe Jesuisi rexideòwarinyre iny sõwe-ò. ¹⁰ Tii ralore

hāworo-ò taerydỹna-wana. Tiiboho roire Damanuta hāwāreny-ò.

¹¹ Lahi rybe-di erydỹdu mahādu nade fariseu mahādu wahe. Tiiboho tamy nade rybe òbitidỹmy. Tiiboho rỹraxirenyra bedede erydỹna ò kiditeòsinykremy. Lahi rybe mahādu rierykemy tii inatyhy rare urenana. ¹² Tii raelewesenanyre tawo-ki rarybere: —Aòherekibo kaa iny mahādu rỹraximyhỹre bedede erydỹnamy. Inatyhymy jiarỹ ararybekre: —Bede erydỹna heka tamy rawahidỹòtyhy. ¹³ Tahe idi Jesuisi rexitare. Hāworo-ò ralore. Idi rohorere kanawe-ribi ijā-ò.

¹⁴ Ierydỹnaboho tahe tōhōti rosare orotxu wydysy-ribi. Sohojityhyle heka orotxu roimyhỹ hāworo-ki. ¹⁵ Jesuisi tamy ribedeerynyre: —Beteheiny, biyrubuny, lahi rybe mahādu, Herodi mahādu-wana wirỹsỹna uri-ribi. ¹⁶ Jesuisi erydỹna mahādu ixideele rarybere: —Aòherekibo Jesuisi kia rarybereri. Inyboho iorotxurenyòreriki òsana. ¹⁷ Jesuisi heka rieryra tahe rarybera: —Aòherekibo raryberemy orotxu ijōòremy. Kaiboho aòbo teerytenyòte. Kaiboho aòbo arawox-ierenyrenyòre.

¹⁸ Kaiboho aòbo arueòrenyre. Tabiòletenyteri. Kaiboho aòbo itxi òhōtirenny reaoalereri.

¹⁹ Jiarỹ 5000my iny-ò orotxu reareareu, tiwesebo weririmy orotxu yre yre-di ritỹxinyre. Tahe tiiboho rirawyònyre: —Waòinatxi reurò weririmy. ²⁰ Tahe debòinatxi reurò orotxumy reòròra 4000 inymy, tiwesebo weriri orotxu yre yre-di ritỹxinyre. Tiiboho rirawyònyre: —Debòinatxi reuròmy. ²¹ Tahe tamyrenny rarybere: —Tymyrekibo tahe teerytenyòte.

²² Dehemynynde Besaida hāwā-ò. Tahe hābu ruetà-di tamy didydenyde. Rexitòdenyrenny tamy debò reakeemy. ²³ Jesuisi tebòmy rimyre tahe ridyre hāwā-ribi bederahy-ò. Iruetyre rarybexinyre. Tebòmy tamy reare. Tahe ritỹraxinyre: —Aòmybo aòbo tabiteri. ²⁴ Hābu tahe biu-txi tarue riukora, tahe rarybera: —Hābumy rabira, òwòru wese rỹireriò, rariareri. ²⁵ Ixityrele Jesuisi tebò reare irue-ò. Hābu heka irue reyteramy òbitilemy retehereri. Robire irehetyhy-ò itỹnyhỹkỹlemy. ²⁶ Tahe Jesuisi riteònyre isỹ-ò urile ihāwā-ribi ròòseòmykre.

²⁷ Jesuisi taerydỹna mahādu-wana ròhònyrennyre Sesaria Filipi hāwāreny-ò. Ryki taerydỹnarenny-ò ritỹraxinyre: —Mowe hābureny wamy raryberenyra jiarỹ raremy. ²⁸ Tiiboho rirawyònyra: —Joaò Sebedỹdu riki, ijō Eliasi riki, ijō riki Deuxu rybedỹduò. ²⁹ Tahe Jesuisi tamyrenny ritỹraxinyra: —Kaiboho, mobo tarybetenyte jiarỹ raremy. Tahe Pedro rirawyònyre: —Kai Kristu atximahāte. ³⁰ Tii raraybinihikỹmy ixi-ki rarybera: —Inyko wamy ijyyòmykre.

³¹ Jesuisi rexiranyre erydỹmy: —Deuxu Riòre Hābutyhyhykỹ heka aòna aònamy aòhòkỹmy rotỹnynihikỹkre. Matuari mahādu heka ixideramy ryanakre. Tule Deuxu aòmỹsỹdỹdu wedu, Bede ywina erydỹ mahādu ixideramy ryanakre. Jesuisi kudurukre idi tahe txu inataò rỹidi kedexiakre rubu-ribi. ³² Idi tahe iòrurehekỹlemy tamy rarybere. Pedro iny-ribi Jesuisi ritare, tahe tamy rarybere: —Kawese rybeòmyreke. ³³ Jesuisi ròòsemy reare, retehemyhỹ taerydỹna-ò

tahe Pedro-ò rarybere: —Bexitake wako-ribi Satanasi. Kai dori Deuxu ijoì aòkò atximahāte. Kai hābu ijoì tate.

³⁴ Jesuisi ributunyre iny sòwehekỹ, taerydỹna-wana tahe rarybere: —Inyò wahemy kanakeki, ixideele rexi-rahĩke, tahe taitxeò rimyke riwaheludunykemy.

³⁵ Mobo taumy tarasamy rurukeki, riononykre. Tahe aòtxile iny waluukeki, Rybewihikỹ luukeki, taumy wadee riononykeki, kia heka taumy ritakre. ³⁶ Aòbo tahe awire, ibutumy aòna aòna bitake tai aumy biononyke. ³⁷ Aòbo tahe iny riwahinykre taumy wydyna òkesena aòbo. ³⁸ Kai wijinabòdu òrarudu mahādu rare, òta òtadu rare. Aòtxile iny walau warybe lau raixỹrukeki, tule Deuxu Riòre Hābutyhyhykỹ ilau kanaixỹrukre tii nadeu jỹuwihikỹ-di boo wowydyna-ò.

9 Tii tamyrenny rarybere: —Inatyhymy adeereny ararybekre. Ijōò kaki ratximyhỹre ruruòtyhy Deuxu Iòlòna taruru-di kedehemynykreu.

² Tahe debò sohoji txuu rỹidi, Pedro, Txiau, Joaò-wana Jesuisi ridyre. Tiiboho sohojile bederatòò-ò roire. Jesuisi tamyrenny rexiwitxiranyre. ³ Ity heka urile rabòtòranyre. Iurahakỹmy relere suròna ratyre heka rauranymy ritoosònyre. ⁴ Tahe tamyrenny dexitỹnynde Eliasi, Moisesi-wana tahe rarybemyhỹre Jesuisi-wana. ⁵ Pedro rarybere Jesuisi-ò: —Wawedu, awityhymy inihe kaki ratxirenyreri tahe rikiwinyrennykre inataò hetomy, ijō adee, ijō Moisesi-ò, ijō Eliasi-ò. ⁶ Pedro rieryòlemyhỹre aòmybo rarybekemy ruberumyhỹremy. ⁷ Nonoe dobehede iubòròna bedede ritòbònyre. Tahe rarybere reare rybeuni iy-ribi: —Kia heka wariòre waluu rare. Kaiboho tamy boholabenyke. ⁸ Tiiboho reteherenyre tahe inyò robiòlerenyre. Jesuisilemy robirenyre.

⁹ Dohedeu tahe inydee Jesuisi rarybere: —Uritere inyò-ò tuu ijyyòmykre aòmybo tobitemy. Uritere Deuxu Riòre Hābutyhyhykỹ rubu-ribi rexixareu, tai tahe tuu belyybenykre. ¹⁰ Kia rybe wasimy riworenyre. Ixideerenyle wii ritỹraxinyrennyre: —Aòmybo rarybereri, rubu-ribi rexixamy nade. ¹¹ Tiiboho tamy rỹraxirenyre: —Aòherekibo bedede ywina erydỹ mahādu rarybere Eliasi juhu kanakremy. ¹² Tii rirawyònyre: —Inatyhymy, Eliasi juhu nade. Ibutumy aòna aòna riywinykremy. Tewesebo raritinanyreri: —Deuxu Riòre Hābutyhyhykỹ aòna aònamy aòhòkỹmy rotỹnynihikỹre. Tahe tii inydee awiòhykre. ¹³ Adeereny ararybekre: —Eliasi nade. Tule iny ixideewilemy tamy riwinyrennyre. Kaheka iaòmydỹnana riritinanyreri rỹire.

¹⁴ Jesuisi dehemynynde taerydỹna mahādu-ò, tahe robire iny sòwehekỹmy tahe bedede ywina erydỹ mahādu taerydỹna-wana ritxiònymyhỹre. Tahe Jesuisimy robireu, tahe tiiboho riumysaònyrennyre. Raòrunyrennyre irybedỹmy. ¹⁶ Tamy rỹraxire: —Aòmybo tamyrenny tatỹraxinyteri. ¹⁷ Inyò rirawyònyre: —Erydỹdu, wariòre adee redyreri. Tii tytybybina rybeòhòkỹ-di ratxireri. ¹⁸ Tytybybina rimyreu tahe ri-atyre bedede-ò. Idi tahe urile txuu riyiyinyre. Tahe tii rubureriwesele roire. Aerydỹna-ò jiarỹ rarybera tytybybina riteranykremy, tahe tiiboho iruruònymyhỹ. ¹⁹ Jesuisi tamyrenny rarybere: —Tiwesebededỹnanabo

wijnabòdu ityhyòlemy rÿira. Tiwesebededÿÿnanabo awanareny ariijekemy. Wadee uladu bididyke. ²⁰ Tahe didydenyde Jesuisi-ò. Jesuisimy robireu tahe tyytybybina urile raitxÿteitxÿtenemy resere. Idi tahe urile be-de-ki rara òhòremy raratymhÿ rybexi irywomy ròhònymhÿ. ²¹ Jesuisi rÿÿraxire uladutyby-ò tiubedemybo taheka kaa binana tamy dehemynde. Tii rarybere: —Uladuylaule idi ròrarunyre. ²² Tiwese wese aòkò idi rehure bera-ò, heòty-ò rahukemy. Aò biwinykeki, jiarÿboho biwawiòhenanyke wijile. Kai biwaruxetòenybenyke. ²³ Jesuisi rarybere: —Kai bityhynykeki, ibutumy aòna aòna rÿimyhÿre. ²⁴ Aòwesele uladutyby rryre idi tahe rarybere: —Jiarÿ retyhynyre, biwiòhenanykre aòbo rauhenyre. ²⁵ Jesuisi iny sòwemy robire wii rotyrerimy, tahe riteranyre tyytybybina-ò: —Kai tyytyby rybeò tule roholaò iribi bòhònykre, tiu ixityre malòòtyhy. ²⁶ Tyytybybina rryre. Uladu ritxÿtenyre idi tahe ròhònyre. Uladu rubuwesele roire herimyre. Tahe iny sòwemy rarybere: —Tii rurura. ²⁷ Jesuisi rimyre tebò ritamadÿÿnyremy tahe uladu rÿire lamamy. ²⁸ Heto ralorenyre ierydÿÿna mahàdu tamy rÿÿraxirenyre: —Aòherekibo jiarÿboho tyytybybina riteònyòrenyra. ²⁹ Tamyreny rarybere: —Kaiboho bexitòenybenykeki byreòna-di bonybenykeki, kiawesele heka ròhònyke.

³⁰ Iribi ròhònyreu, Kalileia lowysy-di roirenyre. Jesuisi heka inerydÿÿderamyhÿ tai ratximyhÿki. ³¹ Taerydÿÿna mahàdu Jesuisi riernanymyhÿre. Jesuisi tamyreny rarybere: —Deuxu Riòre Hãbutyhyhykÿ heka rawahidÿÿkre hãburenyò-ò. Tii hãbureny rirubunykre. Idi tahe txu inataò txuu rÿidi tahe kedexixakre rubu-ribi. ³² Tiiboho rierykòlere tahe ruberurenyre tÿÿraxidÿÿki.

³³ Idi tahe rehemynyre Kafanaò-ò. Ralore heto-ò. Jesuisi tamyreny rÿÿraxire: —Aòmywe widee tarybetenyteri ryro-ki. ³⁴ Tiiboho urile roholarenyre rybeòlemy. Ryro-ki dori rarybemyhÿ mowexe wiribi aònimy ròhònykre. ³⁵ Tahe Jesuisi ronyrenyredi, Jesuisi taerydÿÿna mahàdu ributunyre erydÿÿmy: —Inyò juhuludumy rarekemy ratxikeki, tai heka tii ihewoludukre. Tule tii reakre ibutumy deòdumy. ³⁶ Tahe Jesuisi uladuò rimyre risÿnyre iubetya-txi tahe taerydÿÿna-ò rarybere: ³⁷ —Moò uladu kawese wadee riwiòhenanykeki, riwawiòhenanyre. Moò riwawiòhenanykeki, tule wateòdÿÿdule riwiòhenanyre.

³⁸ Joaò tamy rarybere: —Erydÿÿdu, jiarÿboho tuu rabirenrya inyò tyytybybina-di ani-ò rehureriò. Tahe iny mahàdurenre aòkò rare. Tahe jiarÿboho tamy rejònyrenyre iny mahàdurenre dori aòkò rare. ³⁹ Tahe Jesuisi rarybere: —Biijònybenyòkre. Inyò wani-di bedè-by riwinykeki, wanimy heka ibinamy rarybeòtyhy. ⁴⁰ Iny òluduòkeki, tii heka iny ijoi rare. ⁴¹ Inyò beò adeereny waninamy riwahinykre-wana, kai waerydÿÿna dori tate, inatyhymy adee ararybekre. Tii tawahidÿÿna ritakre. ⁴² Inyò kaa uladu ityhydÿÿdu riatykre òraruna-txi, kia heka tamy awire tòti-ki myna ritaamy idi bera-txi rehure. ⁴³ Ebòle araatykeki òraruna-txi, juhuule adee awire ebò biòròke. Kia heka awityhykre

iny welytyle ralokre biu-ò, tahe awiòtyhykre heòtytò-teehekÿ-ò ralòkeki debò inatxi-di. ⁴⁴ [Tai mohò ruruòtyhy. Heòty ruruòtyhy.] ⁴⁵ Awa araatykeki òraruna-txi, juhuule adee awire awa biòròke kia awire iny rariake awa sohojilemy, awiòre heka heòtytòteehekÿ-ò ralokre awa inatxi-di. ⁴⁶ [Tai mohò ruruòtyhy. Heòty ruruòtyhy.] ⁴⁷ Arue araatykeki òraruna-txi, bitake idi behuke juhuule adee awire arue sohoji-di Deuxu Iòlò biu-ò ralokre, tahe awiòre heòtytòteehekÿ-ò ralokre arue inatxi-di. ⁴⁸ Tai mohò ruruòtyhy. Heòty ruruòtyhy. ⁴⁹ Ibutumy iny heka heòty-di rijyranynkre. ⁵⁰ Jyyra heka awire, saa wahe. Urile taruru riononykeki, tiwesebo tarÿsÿna uri ixbyyle tawo-ki bitidikre. Kaiboho ibutumy widee eysarenylere.

10 Jesuisi iribi rexitare. Tahe rare Judeia bede bede-ò, tule Jordaò kanawe-ribi ijà-ò. Iny sòwemy tamy ributunyre, tahe tiiboho Jesuisi riernanynre. Tii reòarimyre tuu ratximyhÿre.

² Tamy lahi rybe-di erydÿÿdu mahàdu dehemyndenyre irutaadÿÿrenymy. Tahe tamy rÿÿraxinyre: —Hãbu aòbo tahãwyy ririleke, awire aòbo ibinare aòbo. ³ Tahe Jesuisi tamyreny rirawònyre: —Aòrybe bede ywina-di Moisesi riernanynre. ⁴ Tahe tiiboho Jesuisi-ò dirawònyndenyre: —Tii riernanynre iny tahãwyy ririkemy. Urile juhuhu hãwyy bede erydÿÿna rybe tyriti riwinykemy, idi tahe tahãwyy ririkemy. ⁵ Jesuisi tamyreny rarybere: —Òhòtitxyre dori Moisesi kia rybe bede ywina adee riwahinyre. ⁶ Juhu bedeu Deuxu riwinyre hãbu, hãwyy-wana.

⁷ Iurenana tahe hãbu tadibohosÿ-ribi ròhònymyhÿre tai roimyhÿre hãwyy-wana.

⁸ Hãbu inatyhy hãwyy-wana roimyhÿreu, sohoji tyhylemy radenymyhÿre. Iny inatxi inymy aòkò rÿimyhÿre, sohoji tyhylemy rÿimyhÿre. ⁹ Hãbu hãwyy-wana Deuxu ributunyre, iny iwitxira wiribi ritòhòrarienyòtyhy. ¹⁰ Hetowo-ki tahe ierydÿÿna ritÿÿraxinyre kia rybe-ki. ¹¹ Jesuisi tamyreny rarybere: —Aòtxile hãbuò tahãwyy ririkeki tahe ijò-wana roiikeki, kia heka òtadu rare. ¹² Hãwyy tahãbu ririkeki tahe ijò hãbu-wana roiikeki, kia heka wedena rare.

¹³ Tiiboho tamy didydenyre uladu tamy debò reakeemy. Tahe ierydÿÿna riononymy rarybere tamy idyrenyòmykre. ¹⁴ Jesuisi kiamy robireu, rikyaranyre rarybere: —Txiò, kididyke uladu wadee. Uladu wese dori Deuxu Iòlòna rare. ¹⁵ Inatyhymy ararybekre: —Moò heka uladuwesemy Deuxu Iòlòna ralòòkeki, kia heka Deuxu Iòlòna-ò ralòòtyhy. ¹⁶ Tahe Jesuisi rixiranyre uladu manamy taaxiò-ò rimyre. Tahe tebò iratyytyre ritidimyre tamyreny rarybewihikÿre.

¹⁷ Tahe Jesuisi rydi raloreu, hãbuò tamy reare. Tahe hãbu iko-txi resere tatiowotimyre. Rarybere: —Erydÿÿdu wihikÿ, aòwexe ariwinykre biu-ò hena aritakremy tiehyymy umywhikÿ-di ararekremy. ¹⁸ Jesuisi tamy rarybere: —Aòherekibo wihikÿmy wadee tarybeta. Hãbu awiòre. Deuxu sohojile tahe awire. ¹⁹ Bede ywina kai teeryte: rubudÿÿòmykemy, tule òta òtaòmykemy, wasiòmykemy, tule ruiòmykemy, iny wii itxe-

nadÿÿomykemy, adi bityhynkemy, boo tule. ²⁰ Hābu tamy rarybere: —Erydÿÿdu, kia bede ywina rewinyhyllere, uladuule wiji-ò. ²¹ Jesuisi tamy retehere tuu reòarire tahe rarybere: —Kai sohoji aōmydÿÿnale aki nasiranyde. Kai makre, ibutumy aōna aōna-di bōhōnykre, idi tahe idi biwahinykre iny aōkō mahādu-ò. Kia tahe aōmydÿÿnadikre biu-txi. Tahe manakre biwaheludunykre. ²² Kia rybe-ki heka hābu rabedewore. Rexitare ibedewomy urile iaōna aōna sōwetyhyreki.

²³ Jesuisi retehemy iwerura-di tahe rarybera taerydÿÿna-ò: —Kia iny iaōna aōna sōwemy rÿireri, tamy Deuxu Iòlōna-ò ralòke isirare. ²⁴ Ierydÿÿna mahādu bederibedeòtiinyrenyre irybe-ki. Jesuisi ixityre rarybere: —Waexiboho, isiratyhy rare Deuxu Iòlōna-ò ralòkemy. ²⁵ Kamelo tyrorenawo-di ralòkemy isirakeki, kia-ribi isiratyhyre iny iaōna aōnadikreki ralòke Deuxu Iòlōna-ò. ²⁶ Tiiboho bede ratiinyre sōwemy. Widee rarybere: —Mobo tahe iòraru-ribi iny ritakre. ²⁷ Jesuisi iwerora-di retehere tahe rarybera: —Inatyhymy kōaōboka hābu-ò isiratyhyre. Deuxu-ò tahe ibutumy aōna aōna isiraōre. ²⁸ Pedro raxiranyre rarybere: —Boholake, jiarÿboho ibutumy rerirenyra araheludunykremy. ²⁹ Jesuisi rarybere tamy: —Inatyhymy adeereny ararybekre. Moō waluukeki, rybewihikÿ luukeki, kia heka ririkre: heto, taseriōre, tyby tadi-wana, tariōre, tabede, ibutumy ririkre. ³⁰ Wijile itarasamy rarekre: 100 sÿmy, 100 seriōre, 100 tybyboho, 100 tadiboho, 100 tariōreboho, 100 tabede. Iny tamy rarybebinanykre tule. Ijō bede kanakre tahe taumy tÿmyra-di tiemy rarekre. ³¹ Tahe sōwere juhu ludu ihewomy rōhōnykre. Ihewo ludu ijō iko-ò rōhōnykre.

³² Tiiboho rydi raòwōnyrenyre Jerusalē hāwā-ò. Jesuisi heka rare ikorenymy. Ierydÿÿna mahādu bederibedeòtiinyre. Tiiboho Jesuisi riheludunymy ihewo-ribi. Tahe Jesuisi reraōmyhÿ idi rare waòinatxi reurò taerydÿÿna mahādu-wana. Tii relyre ixityre aōbo ixidee kÿnyikremy. ³³ Boholabenyke inyboho roirenyreri Jerusalē-ò. Kowa, jiarÿ Deuxu Riōre Hābutyhyhykÿ, inyō riwawahinykre Deuxu aōmysÿdÿÿdu mahādu wedu-ò, bede ywina erydÿÿ mahādu-ò. Kia warubudÿÿmy riwawahinykre tori-ò. ³⁴ Tiiboho kidiwalahikre. Watyre kanarybexinykre. Òhòte-di kidiwahātenykre. Idi tahe kidiwarubunykre inataō txu-di. Tahe rubu-ribi adexixakre.

³⁵ Joaō, ijō Txiau, wii Zebedeu riōre, tamy nade. Tahe rarybere: —Erydÿÿdu, kai aōma aō wadeereny biwahinykre. ³⁶ Jesuisi rarybere: —Aōbohe jiarÿ adeereny ariwahinykre. ³⁷ Tahe tamy rarybere: —Kai, aiòlōnasÿ-ò kedehemynykre, aruruwe-ribi aronykre, waseriōre ahywewe-ribi ronykre. ³⁸ Tahe Jesuisi rarybere: —Kaiboho teeryōlemahāte aōmybo texitōnyteri. Kaiboho aōbohe wabemona-di biōbenyke idi Jerusalē-ò adiōkremy wahāredi. Kaiboho aōbohe wasebena-di mohōlebenyke idi jiarÿ anohōkremy wāhāredi. ³⁹ Tiiboho dirawyōnyde: —Kohe tulekre. Jesuisi tamyreny rarybere: —Bemona-di ariōkre kaiboho tule idi biōbenykre. Sebena-di jiarÿ adohōkremy, kaiboho tule

idi mohōbenykre. ⁴⁰ Tahe mobo wabire ronykre ru-ruwe-ribi hywewe-ribi kia heka jiarÿle ariwahinyōkre. Kia tahe iyubudÿÿmy rÿireri Deuxule kidiwahinykremy. ⁴¹ Tai debōwiò erydÿÿna mahādu heka Joaō-ò, Txiau-ò tamyreny iky reare. ⁴² Jesuisi tamyreny raryre tamy kanakemy, tahe rarybere: —Kaiboho teerytenyte toriwedu irurusōwe dire. Iny nihikÿ heka inymy deòdu luure. ⁴³ Jesuisi kiamy rarybere: —Kia wese tahe aworeny-ki aōkōkre. Kaiboho aōtxile mobo bōityhynhyhykre, ijō iny deòdumy rarekre. ⁴⁴ Mobo juhutyhy rarelekre, deòdumy rarekre. ⁴⁵ Deuxu Riōre Hābutyhyhykÿ nade teòdu sōwekemy aōkō tahe ixilemy reòdunykemy. Nade taumy wahidÿÿmy sōwemy iny tarasamy.

⁴⁶ Idi tahe roire Ijeriò hāwā-ò. Jesuisi taerydÿÿna-wana iny sōwehekÿ-wana rōhōnyrenyra. Tahe rahare Bartimeu ruetàhàkÿ-ki. Bartimeu tahe Timeu riōre rare. Tii ronyre rywe-ribi aōna aōnamy rexitōnyreri. ⁴⁷ Tii roholare Jesuisi Nazare ludu kia rare tahe tamy raryra: —Jesuisi, Davi riōre, wadee maruxetòekre. ⁴⁸ Sōwemy tamy rarybere: —Rybeōmyke. Tahe aōhe-wana tii rarybemyhÿre: —Davi riōre wadi mawotòeke. ⁴⁹ Jesuisi riyryre tahe rarybere: —Tamy byryke wadee kodoikemy. ⁵⁰ Tahe rexitareu rÿire, wylemy nade Jesuisi-ò. ⁵¹ Jesuisi tamy rarybere: —Aōmybo kai taruteri adee ariwahinykremy. Tahe hābu ruetàhàkÿ tamy rarybere: —Wawedu, ixityre arobikremy. ⁵² Jesuisi tamy rarybere: —Makre, atyhydÿÿna kai arateytenyra. Kialehe rare. Aōwesele ixityre tii robire. Tahe Jesuisihemy rare, ryki.

11 Jerusalē iòhòmy ritehemynyrenyreu, tahe inatxi taerydÿÿna riteònyra hāwā-ò. Inatxi hāwā-ò iòhòmy, Betabaji, Betÿnia-wana. Kia-ò Oliveira hāwā-ò roire. ² Jesuisi rarybere: —Kaiboho boikre kowa hāwā-ò. Kowa-ò birōnykreu jumentinho mahabenykre. Moheka ityre rariaōlemy ratximyhÿre. Bieseke, wadee bididyke. ³ Inyō adeereny rarybekeki: —Aōhekremybo idi atxitenyteri. Tahe tamy marybebenykre: —Wanyrÿ tuu rurureri. Ixityre kaò kidiòkesedÿÿnykre. ⁴ Tahe hābu roire. Jumentinho ryro hetoiò-ki ritisanymy rÿimyhÿ. Tai riesere. ⁵ Kia hāwā mahādu rarybere: —Aōherekibo jumentinho kaiboho tetatenyta. ⁶ Tai tiiboho Jesuisi rybe tamy riwahinyra. Tai hāwā mahādu jumentinho riwahinyre. ⁷ Tahe ridyrenyre jumentinho Jesuisi-ò. Tiiboho tatyreny ritidirenyre jumentinho tyremy. Tiiboho risÿnyrenyre Jesuisi ityre-ò. ⁸ Ijōboho tahe horerule ritidire ryromy, ijō tahe tauwòhi ryromy ritidire ityre rariakemy. ⁹ Ihewo ludu, iko ludu rawyhyrarònyreri, tule raryreri: —Tii heka wowydyna rare. Tii heka Wanyrÿ niwesekemy naderi. Wowydyna rare iny labie Davi Iòlōna. Kai Iòlōna kanakre. Wyhyrarò biu-txi kodoholakre.

¹¹ Kia wese Jesuisi ralore Jerusalē-ò. Dohodÿÿna heto-ò ralore, ibutumy retehere, idi tahe rōhōnyre txiorotyhyreki. Tahe Betÿnia-ò roirenyre.

¹² Ijō txu biòwamy tahe Betÿnia-ribi rexitarenyreu tahe tii rama rahure. ¹³ Òwòru figueira rademy robirenymy irehe-ribi. Tahe tamy ritehemynyreu iraty-ki raharenyōlere, aōmyreki figueira raty bededÿÿnanamy

aõkõ bede r̃ymyh̃yre urenana. ¹⁴ Òwòru figueira-ò Jesuisi rarybere: —Tiu heka moõ araty ritòõtyhy. Tahe ieryd̃ỹna roholare.

¹⁵ Tahe ritehemynyrenyere Jerusalē hāwā-ò. Tahe Jesuisi dohod̃ỹna hetowo-ò ralore. Tahe kia-ribi aõna aõna-di rohonymyh̃yre mahādu, õbradu mahādu diteõnyde. Tahe nieru wibyd̃ỹdu mahādu, òwòrubesed̃ỹ-di Jesuisi rehure. Bòtòe dinodu mahādu rynana-di Jesuisi rehure. ¹⁶ Inyõ heka ritxyy-d̃ỹnyõlere dohod̃ỹna hetowo-ki. ¹⁷ Rierynanymyh̃yre tahe tamy rarybere: —Raritid̃ỹõlemy aõbo r̃yireri:

Waheto kōaõboka inatyhymy ibutumy iny witxira witxira dee ixitòed̃ỹna hetomy r̃yirakre. Waheto tewinytenyete wasidu hetowesele.

¹⁸ Bede ywina eryd̃ỹ mahādu, Deuxu aõmys̃d̃ỹdu wedu mahādu roholarenyre, rōhõtynyrenyre: —Timybo inyboho Jesuisi rubud̃ỹmy rokiwis̃nykre. Tiiboho ruberumyh̃yrenyre iny s̃owemy dori bede riõtiniymyh̃y ibedeeryd̃ỹnareny-ki.

¹⁹ Txioromy dehemynde, tiiboho rexitarenymyh̃yre hāwāhāk̃y-ribi.

²⁰ Txu rōhõny-di, rehemynyrenyre òwòru figueira-ò. Tiiboho robirenyre rarubumy r̃yireriò, taru-wana, tararoti-wana. ²¹ Pedro ixi-txi tōhõt̃i reare tahe rarybere: —Eryd̃ỹdu, betehe inihe aõma òwòru figueira rarubumy r̃yire arybebina-di tamy tarybetaki. ²² Jesuisi dirawyõnyde: —Kaiboho Deuxu bityhynymyh̃ybeny.

²³ Inyõ rarybekeki kaa bede ratòhòk̃y-ki: —Kai myike, adi adehu r̃yikre berohok̃y-ki. Tahe irybe heka kedelekre. Tai inyõ rityhynykeki, tumy heka kedelekre. Tahe uritere iseõd̃ỹõmykre urile bityhynykre, irybe heka kedelekre. ²⁴ Iurenana adee ararybekre: —Aõtxile aõ bexitðenykre, kia heka bitakre. Bityhynykeki, inatyhymy bitake. ²⁵ Kaiboho texitðenytenyteri wana aõbo inydee ak̃y reamyh̃yre kia biixāwidid̃ỹnykyke ratximyh̃yre, Deuxu dori riixāwidid̃ỹnykyke aõrarureny-ribi. ²⁶ Kai iny witxira òraru biixāwidid̃ỹnyõkeki, boo biu-ki ratximyh̃yre aõraru riixāwidid̃ỹnyõkre.

²⁷ Tiiboho ixityre doide Jerusalē hāwā-ò. Ririranymyh̃yrenyre dohod̃ỹna hetowo-ki, bede ywina eryd̃ỹ mahādu, Deuxu aõmys̃d̃ỹdu wedu mahādu, matuari mahādu tamy doide. ²⁸ Tiiboho tamy rit̃ỹraxinyre: —Mowe ated̃ỹdu kia aõna aõnamy tat̃ỹnykyh̃yre. ²⁹ Jesuisi dirawyõnyde: —Adeereny tule arãỹraxikre. Kaiboho bidiwawyõnykeki, tahe jiar̃ỹ akoreny ỹraxina arelyykre, aõrudibo aõna aõna rewinymyh̃yre.

³⁰ Tahe Jesuisi rit̃ỹraxinyre: —Ratysebed̃ỹna, Joaõ hõrõ, kia heka tiribibo nade, biu-ribi ada hābu mahādu-ribi. Kia manarybeke. ³¹ Tiiboho widee rarybera: —Biu-ribi inyboho raryberenykeki, tai tii rarybekre: —Aõherekibo tahe tii tetyhynytenyõte. ³² Hābu-ribi inyboho raryberenykeki, iny aruberumyh̃yrenyre. Ibutumy iny rityhynyre Joaõ heka Deuxu rybedu raremyh̃y. ³³ Tai tahe tiiboho raryberenyre: —Inyboho reeryõrenyre. Tai tahe Jesuisi rarybera: —Hebo, jiar̃ỹ adee arelyõtyhy modeõd̃ỹd̃ỹd̃ỹdu jiar̃ỹ watxireri.

12 Iribi tahe Jesuisi tamyreny ijy-di rierynanymyh̃y: —Hābu uva oworuõ wese ròbròre. Tahe

riõtitynyre. Tahe hāloo riare oworuubetya-ki, rũỹd̃ỹnyky. Tahe utò riwinyre. Idi tahe rihuõt̃ere hābu mahādu-ò. Tahe rexitare tas̃ỹ-ribi ijõ bede-ò.

² Tahe bederatsiredemy beded̃ỹnana rehemynyre, iwedu teòdu riteõnyre bederaty ritakemy. ³ Huõt̃edu mahādu teòdu rimyrenyre, rihetenyre tahe riteõnyre ixihyykemy. ⁴ Ixityre oworuwedu teòdu riteõnyre. Kia heka irati rihetenyre ta tamy rawobinarybenyre. ⁵ Ijõ riteõnyre. Kia heka rirubunyrenyre. ⁶ Tahe oworuwedu iriõre sohojilere, tahe iluumy raremyh̃y ihewomy tii riteõnyre. tahe wedu rarybere: —Wariõrele heka tiiboho rityhynyrenyre. ⁷ Kia huõt̃edu mahādu widee raryberenyre: —Kia heka wedu aõna aõna tarasadu rare. Rikirubunykre tahe iaõna aõna inydeerenyre. ⁸ Tahe rimyrenyre idi rirubunyre tahe idi rehurenyre oworu-ribi. ⁹ Jesuisi rit̃ỹraxinyre: —Aõhebo tahe oworuwedu rot̃ỹnyky. Tii kodoikre huõt̃edu mahādu hudumy, tai tahe oworu riwahynykre inywitxira-ò.

¹⁰ Ritina-di aõbo tariaõletenyete kia ryberiti:

—Mana-di hetowid̃ỹdu rehura. Kia mana heka hetohāt̃xi-ki ritidimy doide. Kia heka Wanyr̃ỹ riwinyre kia iny ruereny dee aõna aõna nihik̃y rare.

¹² Tai ijohonadu mahādu Jesuisi mynmy ratximyh̃y tii dori rieryre ixidee lau Jesuisi ijyomy relymyh̃y. Tiiboho ruberurenyre iny s̃owehek̃y lau. Tahe rexitarenyre, rexixāwidinyre.

¹³ Idi riteõnyrenyre Lahi rybe-di eryd̃ỹdu mahādu, Herodi mahādu-wana tamy imynamy irybe-ki. ¹⁴ Tiiboho rarybere Jesuisi-ò: —Eryd̃ỹdu, jiar̃ỹboho araerymy adi watxiwāhārenyre kai inatyhy hābu tate. Iny ibutumy adee wiwese wiweselere. Inatyhymy iny-ò Deuxurymy teerynanymahāte. Tahe tiiboho rit̃ỹraxinyrenyre: —Awire aõbo ada ibinare aõbo nieru rawahinymyh̃yre bede dinodu-ò. ¹⁵ Timybo tahe, rik-iõwiny aõbo ada aõkõre aõbo. Jesuisi rierymyh̃yre tōhõt̃inanareny, tahe rit̃ỹraxinyra: —Aõherekibo kaiboho tiwaurihitenyteri. Wadee womati nieruõ bidiwy waitxerenamy. ¹⁶ Tahe tamy diwydenyde. Tahe tii ixityre rit̃ỹraxinyra: —Kawe moõ tyttarasana rare, katahe moõ tyritina rare. Tiiboho dirawyõnyde: —Kiahe bede dinoduhõrõ rare. ¹⁷ Jesuisi rarybere: —H̃ydebo, bede dinoduhõrõ tahe tamy biwahinybeny tule tahe Deuxu aõna aõnahõrõ tamy biwahinybeny. Tiiboho bede riõtiniyrenyre.

¹⁸ Saduseu mahādu tamy nade. Kia heka iny rubu-ribi rexixamy aõkõre-riki rierynanymyh̃yre. Tiiboho rit̃ỹraxinyre Jesuisi: ¹⁹ —Eryd̃ỹdu, Moisesi raritinyra bede ywina-di: —Hābuõ rurukeki, tahāwyy iriõre ijõdiõkeki, tahe kia hāwyy tahābu seriõre-wana roike. Iriõredikre taseriõre rubuõwmy roikre. ²⁰ Seriõre debòinatxi reurõmy raremyh̃y. Juhuu ijõ roire hāwyy-wana. Tahe tii rurure iriõreõlemy. ²¹ Tahe ihewo ludu iseriõre wytese-wana roire. Tii rurure iriõreõlemy. ²² Ihewoludutyhy tule ibutumy roire wytese-wana, tahe ituerenyre iriõreõlemy. Iròòbmy tahe hāwyy tule rurure. ²³ Ixixanau tahe mohābubo tuu rarekre. Ibutumy dori wytese-wana roire. ²⁴ Tai tahe Jesuisi tamyreny rarybere: —Kaki kaiboho teõsamy toite aõma ritina

teeryötenyteki. Tule Deuxururu teeryötenyete. ²⁵ Iix-anau heka moö roiötyhy. Ibutumy iny ýju wese rarekre biu bede-txi. ²⁶ Kaiboho aöbo tatyritinytenyöta iny rubu-ribi kedexixakremy. Kia heka raritinymy rýire Moisesi tyriti-ki, öwörusömo ijyy-ki rýimyhý. Iwese Deuxu rarybere Moisesi-ö: —Jiarý heka Abraö Deuxu rare. Ijai Deuxu rare. Ijaö Deuxu jiarý rare. ²⁷ Jiarý heka rubu mahädu Deuxu aökö rare, tahe iru mahädu Deuxu jiarý rare. Kaiboho teösamy toite.

²⁸ Bede ywina erydýý mahäduö nade ijohonamy. Tahe tiiboho widee rarybereny roholareu, Jesuisi tamyreny rirawyönywihikýreu, tahe tii Jesuisi-ö ritýýraxinyre: —Tibo rybe bede ywina juhuure. ²⁹ Jesuisi rirawyönyre: —Ka heka juhu ludu rare: —Boholake Israeli mahädu, judeu ijoi mahädu wahe. Wanyrý, iny Deuxu sohojile rare. ³⁰ Kia aDeuxu luuke ibutumy awo-ribi, aumytytyby-ribi, ibutumy aruru-ribi. ³¹ Ka heka ihewo ludu rare: —Kai abireluduluuke iwese ix-iluuke wese. Ijö bede ywina heka ka ratyreöre. ³² Tahe Bede ywina erydýý mahäduö rarybere: —Inatyhymy kai tarybeta. Deuxu heka sohojile ratximyhýre. ³³ Ibutumy awo-ribi iluukemy. Ibutumy aruru-wana iluukemy. Tule ibutumy aeryna-wana iluukemy. Iwese kai ix-iluure wese, abire ludu mahädu luukemy. Kia heka ibutumy iröduxiwelloo ratyre rare. Ibutumy wahidýý-naloodýýna ratyre rare. ³⁴ Jesuisi rierye kia häbu rirawyönywihikýre tai tamy rarybere: —Kai heka Deuxu Iöläna-ribi irehemy aökö. Tai tahe ibutumy ilau ruberure týýraxidýýki.

³⁵ Jesuisi dohodýýna heto-ki riernanymyhýreu, rarybere: —Timybo Bede ywina erydýý mahädu rarybemyhýre Kristu Davi riöre raremy. ³⁶ Davi rarybere aömybo Deuxu Tyytybytyhy tamy narybedemy: —Wanyrý rarybere Wanyrý-ö: —Bodony warurunawe-ribi. Txiöhe rare, aöluu awarawo-txi aritidikre. ³⁷ Tahe Davile Wanyrý rininire. Timybo tahe Davi iriöremykre. Tahe iny söwemy deysana-di roholarenyre.

³⁸ Tii riernamymyhýreu, rarybera: —Bexiemyhýbeny bede ywina erydýý mahädu lau. Tiiboho heka tyyrehe-di riraluurenyre. Tiiboho heka rybedýýluurenyre häwähäký riranaki. ³⁹ Dohodýýna heto-ki juhurnana luurenyre. Tule ta anarýý rýiwana, juhu ryanadile tamyreny awire. ⁴⁰ Tiiboho tule wytese urimynydu aöna aöna ritarenyre. Ixitöedýýna reheheký rex-itöenymyhýrenyre. Tiiboho heka aönikýmý aöhökýmý dýýnana riöwinyrenykre.

⁴¹ Jesuisi retehemy rýimyhý dohodýýna heto nieruhyna ratya-txi. Tii retehere timybo iny söwemy tanieru-di tamy rehymyhý. Tahe ityhynihiký tamy söwemy nieru-di rehure. ⁴² Tahe nade wytese iaöködu mahäduö tii rare. Tii inatxi nieru sömo-di rehure. Tanieru tahe nierukonana rare. ⁴³ Jesuisi ryyre taerydýýna-ö: —Inatyhymy adee araybekre. Kowa heka wytese nieru-di rehure ibutumy iny witxira ratyre. ⁴⁴ Kaa mahädu ibutumy nieru-di rehure rauhenyredile. Tahe wytese idi rehure ibutumy tanieru-di rexihumy taumy-ribi idi rehure.

13 Dohodýýna heto-ribi rõhönyreu, ierydýýna tamy rarybere: —Erydýýdu, beteheke inihe mana nihiký-ö, hetohoký-ö. ² Jesuisi rirawyönyre rarybere: —Kaiboho betehebennykre heto nihiký-ö. Kia heka mana ijö wityre-ki rýiötyhy, ibutumy heka kedexuxnykre.

³ Oliveira bederatööhöký-ki tii ronyreu dohodýýna hetoko-txi, tahe Pedro, Txiau, Joaö, ibutumy tamy doide rýýraximy iny-ribi irehemy. ⁴ Wakoreny bedelyyke, tiubo kia kýnykre. Ibutumy aöna aöna kýnykre wana tibo iny bedeerynyrenykre. ⁵ Jesuisi rexiranyre tamyreny rarybere: —Kaiboho anaitxenanydenyheny lau bexiebenyke. ⁶ Söwemy dori roikre wanimy rarybermy rarekre: —Jiarý dori Kristu rare. Tahe iny söwemy anaitxenanykre. ⁷ Kaiboho wounarybe-ö, aöbina-rybe-ö, boholakreu, breburenyömykre. Kia heka kanakremy ratximyhýre. Urile bededýýnana ikonanamy aököhyylemyhýre. ⁸ Uritere inylahinareny, ijölahinareny-wana wii kidiaöbinanykre. Tule iöläna mahädu ijö iöläna mahädu-wana wii kidiaöbinanykre. Bede bedesu ijö häwä-ki kanamytatakre. Tahe aököre rama kedekre. Kia heka juhu aöhökýmýdýýnana rarekre.

⁹ Kai bexiekre anamydenyheny lau. Tiiboho anawahinydenykre aöluu wedu-ö, iölä-ö. Tiiboho anahatenydenykre dohodýýna hetowo-ki. Kiabohoko-txi wadee kaiboho kedelyykre inatyhymy aöna aöna rýiremy. ¹⁰ Rybewihiký juhuu ibutumy bede häwä häwä-ö kiditynydýýnykre. ¹¹ Tiubo aradyrenykeu, urile nohötiömy aöbo kaiboho marybebenykre. Kiautyhye aömybo rarybekremy bierykre. Kia tahe marybekre. Kai dori aökö tarybemahäte, Deuxu Tyytybytyhy tahe rarybemyhýre. ¹² Seriore seriorele wii kidirubunykre. Tyby heka tariöre kidirubunykre. Uladule tadi, tyby kidirubunykre. ¹³ Ibutumy heka iny iy kedekre wani öraru-ki. Kia heka ikonana-ö riijekreu, taumy tarasanakre.

¹⁴ Aöna aöna binahaký kanakreu, ibutumy rahukemy. Tiiboho kanakeu itxinonana-txi aökö rarekemy, kaiboho mahenybenykre bederatööhöký-ö, Judeia häwä häwä-ki ratxikeki, mahenybenykre. ¹⁵ Inyö hetotyre-ki ratxikeki, urile rõteömy aöna aöna wydysymy. ¹⁶ Inyö bedero-ki ratxirekeki, uritere ökeseömy tyy örysymy. ¹⁷ Kobexe heny häwyy bötömy rýira, tule häwyy tariöre ritönymy rýira. ¹⁸ Bexitöenykre kia kanaheny bededýýnana sirau. ¹⁹ Aöhökýmýdýýnana kanakre tiu heka tu-uöre. Juhule Deuxu bede riwinyreule wiji tuu yrubule bede roimyhýre. Tiu heka kiamy bede roiötyhy aöhökýmýdýýnanamy. ²⁰ Deuxu bede iöhömy rirawettyörökeki, moheka irumy rõhönyötyhy. ²¹ Inyö adee rarybekeki: —Kaki heka Kristu ratxireri. Kowa-ki ratxireri. Uritere ityhydýýömy. ²² Söwemy Kristu kanakre, urile Kristu inatyhy aökö rarekre. Tule Deuxu rybedýýdu kanakre. Kia Deuxu rybedýýdu inatyhy aökö rarekre. Tiiboho heka bedeöby riwinykre tule bede eryna. Deuxu hörö riitxenanykemy inatyhymy köaöboka. ²³ Kaiboho warybe biyrubunykre. Adee ibutumy juhuule reöbitinyre.

²⁴ Idi webòhòna rýira txuu, aõhòkýmýdýýnana itue-di,

txuu heka rurunykre. Ahãdu tule rurunykre.

²⁵ Taina heka kedejuxunykre biu-ribi. Biururu raòweòwenykre.

²⁶ Iny retehekre Deuxu Riòre dehemynyna-di. Biurawetyky-ribi kodobehekre. Kia heka lobixina kanabòtòranykre. ²⁷ Tahe taýju kiditeònykre tawedu ijoi-hòrò butudýýmy.

Kidibutunykre ibutu bede bede konana-ribi, tule ibutu biukonana-ribi.

²⁸ Tahe figueira òwòru-ribi erydýýna bierybenykre. Tahe iruru raixinykre tahe, txiru ròhònykre, tai tahe bierybenykre wyra iòhòleri. ²⁹ Tule kia aõna aõnany bobibenykre, tii iòhòleri. Ijòkile wese nyide.

³⁰ Inatyhymy adee ararybekre, kia wijinabòdu itueòtyhy aõna aõna rýikre hàrele. ³¹ Biu, bede-wana ituekre, tahe warybe itueòtyhy. ³² Moò heka rieryòtyhy tiubededýýnanamybo tii kòdòðsekre. Tule ýju biutxile rieryòre. Tule iriòre rieryòre. Tule tyby sohojile rierye.

³³ Kaiboho bexieke, beteheke. Kai dori teeryòtenyke tiubededýýnanamybo kòdòðsekre. ³⁴ Kedehemynykremy dori iwese hàbu týimy rarewese tii rexitareu, ririre tadeòdu. Tadeòdulemy tule ridyre itxeredu retehemýhýkemy. ³⁵ Tahe betehe inihe teeryòteri dori tiubo kanakre heto wedu, txioromy ada ruwetya aõbo, ada hãnie hàbu rry-di aõbo, ada txumy aõbo. ³⁶ Betehe inihe iny araròðlemy tii rehemynreri aki rahakre atýi-ò.

³⁷ Aõna aõnany jiarý rarybemyhýre, rarybera ibutu-ò: —Bijebeny.

14 Kia-ribi inatxi txumy riuhenymy ratxireri anarýý kodohònykremy. Kia anarýý wehityhynamy heka iny ratya-di reare. Tule orotxu anarýý kia ròhònyre. Tule Deuxu aõmysýdýýdu wedu mahãdu tule bede erydýýdu mahãdu Jesuisi rimyky ratxireri idi rirubunykemy. ² Tiiboho rarybemyhýreny: —Kiahe aòkòre anarýý rýireriu, iny sòwemy inydeereny kana aõbinanyheny.

³ Jesuisi Betýnia hãwã-ki ratximyhýu, Simaò tybina heto-ki ratximyhýre. Jesuisi òwòru besedýýbire-ki roimyhý. Tahe hãwyy aderòna òwynihiký-di lýnyrena wihiký-di nade. Tai ihyna riwebòhònyra tahe Jesuisi ratityre-ò ritxiwira. ⁴ Inyòreny rexykaranyke. Tahe widee rarybera: —Aòherekibo aderòna rahura. ⁵ Iny-witxira tahe iòwynykewi sòwemy nierumy kia-ò. Kia nieru-di tahe iny aòkòdu-ò rawahidýýnykre. Tahe tiiboho rexybynreri hãwyy dee. ⁶ Tahe Jesuisi rarybere: —Txiohe rare, uritere ixibyðýýðmyke. Tii heka aõwihikýbo wadee riwinyra. ⁷ Kiamy aõu aõu iny aòkòdu rýikremy. Aõule heka tamy aõwihiký biwinybenyke. Jiarý tahe, aki aõu aõu aòkòlekre. ⁸ Tii heka rexikonanany ròwidýýre. Aderòna-di watyre ritxiwire wabede-ò jiarý raòule. ⁹ Inatyhymy adeereny ararybekre. Aòtxile Deuxu Rybewihiký iny relykrekre. Kia-ò kahãwyy ijyymy relykrekre, ibutumy iny idi ròhòtynykremy aõbo riwinyredi.

¹⁰ Tahe Judasi Isariò Deuxu aõmysýdýýdu-ò rara Jesuisi tamy rawahidýýkemy. ¹¹ Tiiboho tamy rohol-

arenyreu, reysare. Tahe tamy nieru riwahinykemy ri-urenanyre. Tahe Judasi rijemyhýre aõu aõu bedewihiký tamyreny riwahidýýnykemy.

¹² Juhu orotxu anarýýtxure budoeni xiwelloo rirubuny rahudi tahe Jesuisi erydýýna mahãdu tamy rarybere: —Titxibo anarýý rýsýnany biroxikemy atxiteri. Jiarýboho kowa-ò aroikre. ¹³ Tahe Jesuisi tamy rarybere: —Kaiboho boikre hãwãhãký-ò. Tahe hàbu-wana wii biòbinykre butxi-di riwyreriò. Tahe tii biheludunyenye. ¹⁴ Aòtxile hetoò-txi ralòke, kaiboho maryubenyke hetowedu-ò: —Waerydýýdu rarybera: —Titxiwexe anarýý rýsýna arirýsýkre waerydýýna-wana. ¹⁵ Tii heka adee kiditeòsinykre hetowowitxiraò biu-txi. Ibutumy rexihumy rýire inydeereny. Kowa rýsýna inydeereny biwinykre. ¹⁶ Tahe ierydýýna rexitare. Roire hãwãhãký-ò. Tahe ròhònyre iwese Jesuisi relyyre wese. Tahe ibutumy rexihurennyre anarýý-ò.

¹⁷ Txiorou Jesuisi nade taerydýýna waòinatxi reurò-wana. ¹⁸ Tiiboho òworubesedýý riroximahãu, Jesuisi rarybere: —Kaiboho wawana teroxitenyteri sohojìò biwawahinykre. ¹⁹ Tahe urihimyo rexiranyre rabedewomy. Tahe widee raryberenyre: —Jiarýle heka ariwahinykre. ²⁰ Tii rirawònyre: —Kaiboho, waòinatxi reurò mahãdu sohojìò. Kia mahãduò orotxu-di wawana rebenymyhý besero-ki. ²¹ Inatyhymy Deuxu Riòre Hàbutyhyhyký rakre iwese iritina rýirewesele. Kobexeheny kowa hàbu heka kidiwahinykre. Tamy iny awire kedeaðlede.

²² Tiiboho rioxireriu, Jesuisi orotxu rimyre, raorore, rexitònyre, tahe tamyreny riwahinyre. Rarybere: —Àhãxe, kia heka waumy wese rare. ²³ Tahe vírthynama rimyre, rexitònyre, tahe tamyreny riwahinyre. Ibutumy ibute bute iribi tuu riòreny. ²⁴ Tamyreny rarybere: —Kia wãhãlubu wese rare. Kia hãlubu heka rybe týmyra ywidýýna hãlubu rare. Kia inyboho kidinohòtijuadenykre. Wahãlubu heka kedejuxunykre iny rabòrònihiký dee. ²⁵ Inatyhymy ararybekre: —Ariòòtyhy heka òtetibederatyruke týmyra ihyy tahe tiutxumybo Deuxu Iòlòna-ki ariòkre.

²⁶ Deuxuwimy rawinyrenyreu, tahe rexitarennyre Oliveira bederatòðhòký-ò.

²⁷ Jesuisi tamyreny rarybere: —Kaiboho ibutumy wijirumy biwaribenykre. Kia heka iritina rýire.

Itxeredu tahe riròrenykeki, budoeni rahenykre.

²⁸ Tahe rubu-ribi adexiakre, arakre akomy Kalileia-ò. ²⁹ Pedro rarybera Jesuisi-ò: —Ibutumy ararikeki, arariòtyhy. ³⁰ Jesuisi tamy rarybera: —Inatyhymy ararybekre. Wijirumy hãniehãbu inatxi kydrykreule, kai iny witxira-ò biwatxiònykre inataò bedemy. ³¹ Tahe Pedro rarybera tarurutyhymy: —Aòkòre, aratxiònyòtyhy, ihãrele tahe awanale arurukre. Ijò mahãdu tule kia wese rarybera.

³² Tahe roire Kesemani hãwãmy ninadu-ò. Taerydýýna-ò rarybera: —Biwaraòmý bonykre kakile. Kowa-ò arexitònykre. ³³ Tii ridyrennyre Pedro, Txiau, Joaò-wana. Jesuisi rexiranyre rabedewomy ihyy rexitònyre. ³⁴ Tahe tamy rarybera: —Watyytyby heka rabedewomy ratxireri rubuhyy-ò. Kaki bonykre bije-

my. ³⁵ Tahe iko-txi urihimyo rareu, resere. Rexitöenyre: —Waha, adee arexitöenykre. Adee awikeki, kia òraule tiu waròteöna. ³⁶ Tii rarybere: —Waha, adee ibutummy isiraöre. Kia bemona inyhe waròbi bitake inihe. Tahe wadeewi wadeewi-ki aökò watrixeri, tahe adeewi-ki. ³⁷ Tii rehemynyre tai rahare rörörenymy roireriò. Rarybere Pedro-ò: —Simaö, Taröteri aöbo. Biijeötyhy sohoji òramy bededýñana. ³⁸ Biijebenkyre, bexitöenykre, uritere rutaanamy ròteömykre inatyhymy atyytyby iruridire tahe ade iruruöre. ³⁹ Tahe Jesuisi ixityre rare rexitöenyre ixiwesele. ⁴⁰ Ròsereu, ijö-ki rahare rörömy ixiwesele, irurureny rautxienymyhý dori. Tiiboho rieryköre idi rirawyönyrenyre. ⁴¹ Tahe ixbyle ròsere tahe rarybere: —Moröbeny bexielehynybeny. Òra iöhòreri. Kia heka Deuxu Riöre Håbutyhyhyký kanawahidýýkre òrarudu mahådu-ò. ⁴² Bitýmynybenyke, rokoiireny, walòsedýýdu iöhòmý rareri.

⁴³ Tii rarybereri, aöwesele Judasi nade. Kia heka waòinatxi reurò mahåduö rare. Tii-wana doide hæbu mahådu mayrehe-di, òhòtemy debòna. Kia heka hæbu mahådu doide matuari mahådu-ribi, Bede ywina erydýý mahådu-ribi, Deuxu aömysýdýýdu wedu-ribi.

⁴⁴ Lòsedu tamyreny juhoo bede eryna riwahinyre. Kawese heka rarybere: —Kowa heka inyö-ò aruwokre, tii heka hæbu rare. Bimybennykre, birarenybenywhikýkre. ⁴⁵ Judasi rehemynyrenyre, tahe rarybere: —Wedu, wedu. Tahe tamy ruwore. ⁴⁶ Juda ijoï Jesuisi rimyra. ⁴⁷ Kia ijoïö mayrehe ritare tahe Deuxu aömysýdýýdu wedu deòdu nohöti riorore. ⁴⁸ Tahe Jesuisi dirawyönyde: —Kaiboho mayrehe-di tiwaòrynyteri wasidu-wesemy aömy, òhòte-di. ⁴⁹ Jiarý tahe dohodýýna heto-ki watriximyhý txuö txuölemy adeereny araerynanywåhådenyde. Kowa-ki heka tiwamyölemyhýtenyte. Tahe aöbo iritina-ki rýireri, kia heka kýnykremy. ⁵⁰ Ibutummy ierydýýna mahådu ririrenyre, rihenyrenyre.

⁵¹ Kia heka hæbuö riheludunymyhý tyy tayredile rexitynymy tiiboho ridyrenyre. ⁵² Tii tahe tyy ririre tahe rahenyre tadelemy.

⁵³ Deuxu aömysýdýýdu wedu-ò tiiboho Jesuisi ridyre. Bede ywina erydýý mahådu, matuari mahådu-wana ributunyre. ⁵⁴ Pedro riheludunyre irehetyhytyhymy. Rehemynyre Deuxu aömysýdýýdu wedu heto-ò. Tai tahe ixitöteenymy heötywera-ò rorukumyhý heto itxeredu mahådu-wana. ⁵⁵ Deuxu aömysýdýýdu mahådu wedu, tule dohodýýdu mahådu alobixidu riijemyhýre aölemy Jesuisi òludu relyymyhýre, Kia òraru-ki rirubunyrenykemy. Rahaöre. ⁵⁶ Söwemy iny ruimy relyymy rýimyhý. Iruinareny wiribi hitxi hitxilera. ⁵⁷ Ijö mahådu rýimyhýre relyyrehåre ruimy rarybere: ⁵⁸ —Inyboho irybe-ò roholarenymy: Jiarý heka dohodýýna heto ariixåwidýýnykre kia heka hæbu iwidýýna rare. Txu inataö-di ijö ariwinykre iwidýýnaweseöre. ⁵⁹ Kia heka aömybo tuu relyyrenyremy irybe wiribi hitxi hitxire. ⁶⁰ Deuxu aömysýdýýdu mahådu rýire insöwetya-txi. Tii Jesuisi ritýýraxinyre: —Kai aöbo biwarawyönykre aömybo relyyrenyeri adee òludumy. ⁶¹ Tii rerawyönyölere ixby tahe Deuxu aömysýdýýdu mahådu ritýýraxinyre: —Kai

aöbo Kristu tate, Deuxu wityhy riöre. ⁶² Jesuisi rarybera: —Jiarý heka. Kaiboho betehebennykre

Deuxu Riöre Håbutyhyhyký Deuxu rurunaweribi-ò ronyreri. Kaiboho tii betehebennykre Deuxu Riöre Håbutyhyhyký biuwetyky-ribi naderi.

⁶³ Deuxu aömysýdýýdu wedu ityy riykara idi rarybera: —Aöherekibo ijö alobixidumy iny rururenyreri. ⁶⁴ Kaiboho taholatenyta aöbina binalemy rarybereriò aömybohe kaiboho tahötinymyhýtenyte. Ibutummy heka tawo riraöhòrenyru rubudukremy. ⁶⁵ Tahe ijö ityre rybeximy rarutaara rexiruehetynyre tahe tule rihetenyre. Tahe rarybere: —Mota làhå arahåtenyra. Idi tahe heto itxeredu tule rihetenyre.

⁶⁶ Pedro heka ratximyhý bedeube-ki tahe ijadöma dehemynde, Deuxu aömysýdýýdu deòdu. ⁶⁷ Pedro rexitöteenymyhý heötywera-ò tahe ijadöma tamy retehery. Tahe rarybera: —Kai tule Jesuisi Nazare ludu-wana atximahåte. ⁶⁸ Tahe tii rexitxiönyre: —Jiarý reeryöre aömybo kai tarybeteri. Tahe Pedro hetowo-ribi rõhönnyre. ⁶⁹ Ijadöma ixby ixby itxeremy rarybere kowa ijoï-ò: —Kowa heka tii mahåduö rare.

⁷⁰ Tahe tii ixityre rexitxiönyre. Ixbyle kowa ijoïö Pedro-ò rarybera: —Inatyhymy kai ijö mahåduöle tate. Kai dori Kalileia mahådu tate. ⁷¹ Tii inatyhytyhyrbemy rarybera: —Jiarý reeryköre hæbumy tarybetenyteri.

⁷² Tahe hånien hæbu ryrira, inatxi hewoludumy. Ta Jesuisi rybe-txi Pedro töhöti reare. Iwese Jesuisi rarybere: —Inatxi hånien ryrkredi, ihewoludukomy ryrkrey, wadee bedexitxiönykre inataömy. Pedro tahe iribi rexitareu, rahinyre.

15 Txuu rareu, Deuxu aömysýdýýdu wedu, matuari mahådu, Bede ywina erydýý mahådu ibutummy ributunyre. Tahe Jesuisi ritaataare tahe ridyrenyre Pilato-ò. ² Pilato Jesuisi-ò ritýýraxinyre: —Kai aöbo judeu iòlò tate. Tii rirawyönyre: —Kai ka tuu tarybeta. ³ Deuxu aömysýdýýdu mahådu wedu rarybere Jesuisi aöna aöna awimyy aökò riwinyre. Tahe Jesuisi riwawyönyöhyllere. ⁴ Pilato ixbyle rýýraxire: —Kai birawyönyötyhy aöbo. Kai aöbo taholaleteri aömybo tiiboho autedé-ò raryberenyneri. ⁵ Tahe Jesuisi rarybeöhyllere tahe Pilato urile bede riòtiinymyhýre.

⁶ Kia heka juhoo iny deöwarixina rare hæbu ròteduö ritakemy anarýýtxuu. Aötxile iny tamy rexitöenykre. ⁷ Ròtenawo-ki raremyhý inyö Barabamy ninadu-ki. Tii tahe inywitxira aöbinadu mahådu-wana ratximyhý. Ki-amy inydinodu òraru-ki aöbina rýireki, tii iny rirubunyre. ⁸ Iny söwehekýky-ki doide, tahe rexiranyre ixitöedýýmy: iny deöwarixina kòdòhönnykre. ⁹ Pilato dirawyönyde: —Adeereny ariòlòdýýnykekö aöbo ka judeu iòlò. ¹⁰ Tii rieryre dori Deuxu aömysýdýýdu mahådu wedu tamy Jesuisi ridyrenyre iwobinanarenylau. ¹¹ Deuxu aömysýdýýdu wedu insöwe riixitöedýýnyre Baraba riòlòdýýnykemy. ¹² Pilato ritýýraxinyre ixbyle: —Aöhebo tahe idi arotýýnykre. Kaiboho tuu teninimyhýtenyte judeu iòlòmý. ¹³ Tiiboho rirajuarenyre: —Bitamadýýnykre itxèò nihiký-ò. ¹⁴ Ta Pilato tamyreny ritýýraxinyre: —Aöbina taka riwinyre. Aöhe-wana ixityre rirajuamyhýrenyre: —Bita-

madŷŷnyke itxeònihikŷ-ò. ¹⁵ Pilato inydee aõ ri-wahinykemy röhötinyra, tai ta Baraba riòlòdŷŷnyre. Idi tahe Jesuisi riyhytanymy rahudi, riteònyre itxeònihikŷ-ò riukòrenykremy.

¹⁶ Soldado ridyrenyre heto woube-ò. Tai tahe ibutumy soldado ributunyre. ¹⁷ Tahe tyysòborehekŷ-di ritynyrenyre. Tahe ede rataana ritidire ira-ò. ¹⁸ Tahe rirybenyrenyre: —Adee nihikŷre judeu iòlò. ¹⁹ Tahe rihetenyre bòtòre-di irati-ò, tahe ityre rarybexinyre tahe rŷire tatiowotimy rityhynykemy. ²⁰ Tahe tyysòbore iribi ritara, tahe ityyle tamy ritidira. Inatyhymy ridyrenyre itxeònihikŷ-ò riukòrenykremy.

²¹ Kowa-di rekoarenyre hãbuõ. Simaõ Sireni inire. Kia heka Alexŷdre, Rufu-wana tyby rare. Tii nade bedero-ribi. Tiiboho tahe riitxyydŷŷnyre itxeò-di re-tyykemy.

²² Riwyrenyre bederahy-ò Kòkòta ninadu-ò. Kia heka iwitxira rybe rare. Kia heka rubu ratitybyho wese rare. ²³ Tiiboho vŷi riurinyre òwòruburu-wana. Tahe tii tuu riòòlera. ²⁴ Itxeònihikŷ-ò raukòrenymy rahudi tahe ity wirarea riatyre, tahe ityy-di rarudeòsanyre tibo iny sohoji sohoji ity riwykremy. ²⁵ Biurasò txu Jesuisi itxeò-ki raukore. ²⁶ Iratya-ki tahe ritina rŷire: JUDEU IÒLÒ. Kia heka iny tuu rarybemyhŷrenyre. ²⁷ Tahe tii-wana inatxi wasidu itxeònihikŷ-ò riherinanyre, ijõ ruruweribi-ò, ijõ hyweweribi-ò. ²⁸ Tahe rotŷŷnyre aõbo Deuxu ritina-ki rŷire wese: Tii ratximyhŷ òrarudu mahãdu-wana. ²⁹ Iny reareare tara riohowimy rarybere aõbina binamy: —Kobe, kai korihe dohodŷŷna heto biatykemy inataõ txudile tahe ixityre bidiwinykre. ³⁰ Kaile inyhe bexitakre itxeò-ribi. ³¹ Iwesehyyle Deuxu aõmysŷdŷŷdu wedu, bede ywina erydŷŷ mahãdu-wana widee raryberenyre. Jesuisinimy raujòmorenyrereri: —Tii iny witxira ritare, tiile tahe rexitaõtyhy. ³² Kristu, judeu iòlò, bodobeheke itxeò-ribi jiarŷboho arobirenykremy, tai tahe aratyhynyrenykremy. Tule wasidu tii-wana raukòrenyre itxeò-ki Jesuisimy raujòmorenyre.

³³ Txutyeyu ibutumy bede rurunyre. Tahe roire txu kaõ resemey. ³⁴ Kiaule tahe Jesuisi rarybeterenyre: —Elòì, Elòì, lema sabatani. Kia heka iwitxira tybe rare. Kia rare: —WaDeuxu waDeuxu, aõherekibo kai tiwarite.

³⁵ Ijoiõ heka tamy roholareu, rarybere: —Tii heka Eliasi-ò ryrereri. ³⁶ Hãbuõ reare bexi ritŷxinyre vŷi jubere-di idi tahe ritidire tabòtòrejura-ò. Riwahinyre Jesuisi ritòkemy. Tahe rarybere: —Deinyhe tamy inyhe reketehereny Eliasi kanakremy aõbo inyhe itarasamy.

³⁷ Jesuisi rryre irariemy idi rurure. ³⁸ Dohodŷŷna hetowetty raykare inatxi weryna tyymy, biu-ribi, bede-ò.

³⁹ Soldado dinodu Jesuisiko-txi ratximyhŷre. Tahe rurureu, irubumy robire. Tahe rarybere: —Ka heka inatyhymy Deuxu riòre rare. ⁴⁰ Tule hãwyy mahãduõ retehemy rŷimyhŷ irehe-ribi, tòwysyreny-ki, Marie Madalena, Marie (Txiause, Jyrese tii rare. Txiau heka Jyje hewoludumy rare.) Salome tule ihŷre ijõ-wana. ⁴¹ Kia heka Jesuisi Kalileia raremyhŷu, tiiboho tahe sòwemy iny-wana doide Jerusalẽ-ò.

⁴² Txioromyhe dehemynyde. Wirareasanatxu rare. Kia heka sabadotxukokile rare. ⁴³ Jyje Arimatea hãwã

ludu dohodŷŷdu nihikŷõ rare. Tule heka tii riraòmy ratximyhŷ Deuxu Iòlòna. Tii ruberuòlemy rare Pilato-ò Jesuisiumymy ixitòedŷŷmy. ⁴⁴ Pilato rabedeòtiidŷŷnanyre Jesuisi rurumy roimyhŷdi tai rryre soldado dinodu-ò. Tai Pilato ritŷŷraxinyre, Jesuisi rurumy roimyhŷdi. ⁴⁵ Soldado rarybereu Jesuisi rurumy roiremy tahe Pilato riteònyre Jesuisiumy Jyje-ò iwahidŷŷmy, ⁴⁶ Jyje ritare itxeònihikŷ-ribi tahe ritŷtenyre tyurahãkŷ-di. Idi tahe ritidirenyre mana hãloo wabedewo-ò. Tahe mananikŷ-di riijòtòbònyra. ⁴⁷ Marie Madalena, ijõ Marie Jyrese reteherenyre titxibo tii ritidirenyreò.

16 Tahe nobiutxu, Marie Madalena, ijõ Marie-wana ihewoludu Marie, Txiause, Salomese-wana rare. Tiiboho lŷnyrena riòbranyrenyre. Tahe roire Jesuisibymy idi rekoakremy lŷnyrena-di. ² Juhutxu semana bededŷŷnanau txuu deadeule roire wabede-ò. ³ Widee raryberenyre: —Mowexe mana ritakre ijõ-ribi. ⁴ Tahe tuu robirenyre. Mana nihikŷ ritamy rŷire. ⁵ Wabede-ò rirònyrenyre, robirenyre weryrybòweselemy rononymhŷ ruruweribi-ò. Ity urahakŷmy rononymhŷ. Tahe tiiboho bede riòtiinyrenyre ruberurenymy. ⁶ Tii tamyreny rarybera: —Uritere breburenymy. Kaiboho aõbo teòrytenyta Jesuisi Nazare ludu. Kia itxeò-ki rurure. Tii aõkõ kaki ratxireri. Rexixara rubu-ribi. Betehebeny inihe tai ritidiraò. ⁷ Makre. Marybekre ierydŷŷna-ò tule Pedro-ò. Tii rakre akorenymy Kalileia-ò kaiboho tuu lobiximy boikre tuu adeereny raryberemy. ⁸ Tahe tiiboho rihenyrenyre wylemy wabede-ribi ruberumy. Tiiboho moõ heka rarybeòhylerenyre ruberumyhŷrenyki.

⁹ Juhutxu semana bededŷŷnanau Jesuisi rubu-ribi rexixare. Idi tahe juhoo àsitereribile rexitŷnyrenyre Marie Madalena dee. Kia-ribi heka juhuule ritare debò inatxi reurò tytybybinamy. ¹⁰ Tii rare Jesuisi-wana raremyhŷ mahãdu-ò. Tiiboho rabedewomy ratximyhŷreny, rahinymyhŷreny. ¹¹ Tamyreny relyyreu iwese Jesuisi tamy rexitŷnyrenyre wese Jesuisi irulemy ratximyhŷmy tuu robireke, rityhynyòlerenyre.

¹² Jesuisi rexixamy rahudi tahe, iwitxiramy rexisŷnyreny inatxi erydŷŷna-ò. Tiiboho heka roimyhŷrenyre bedero-ò. ¹³ Tahe dòòsede relyyrenyre taijoi-ò, tahe tule rityhynyòlerenyre.

¹⁴ Tahe waòsohoji reurò erydŷŷna-ò Jesuisi àsitereribile rexitŷnyrenyre. Tiiboho riroximyhŷrenyò rexitŷnyrenyre. Tahe Jesuisi tamyreny rarybera: —Aõhereki-bo kaiboho iny wamy robira mahãdu tetyhynyòteri.

¹⁵ Kaiboho boibenyke ibutumy bede bede-ò Rybewihikŷ bitŷnyrenykremy. ¹⁶ Inyõ Rybewihikŷ rityhynykeki, idi kidisebenykeki, tii Deuxu ritake. Inyõ rityhynyòkeki, Deuxu ixi-ribi riteònykre iòraru-ki. ¹⁷ Kia bede eryna ityhydŷŷdu kidiheludunykre. Tiiboho tytybybina kiditeònykre wani-ki. Tule heka tiiboho itŷmyra rybe kanarybedenykre. ¹⁸ Hemyalala rimyrenyreu, aõhe rotŷŷnyòlere tule rubuna monamy riòkeki, rotŷŷnyòlere. Tiiboho tebò ritidirenykre bina mahãdu-ò tahe riteytenykre.

¹⁹ Idi tahe Jesuisi tarybe rahuredi, Deuxu ridyre biu-ò. Tahe ronyre Deuxu ruruweribi-ò. ²⁰ Tahe tiiboho roire ibutumy bede bedemy tai bede ritŷnyrenyrenyre.

Wanyrŷ riwiòhenanyrenyre tahe bede erna-di irybe
ixidee rimyrenyre ihelududŷŷdu mahãdu-ò.

LUKA

1 Wyla, Teòfilo. Adee heka watyriti ariwahinykre timybo Kristu rotýnyre. Tuu lobixidu mahādu tuu relyymyhýre-ribi, jiarý ire ariòbitinytyhykre. Kia heka jiarý adee reritinytyhykre, waiòlò, iwese ibutumy reeryrenyre juhu bededýna-ribi. Aōma inatyhymy kia rotýnyre rare wahe. ⁴ Kia wese wahe. Iwese iny adee relyyrene wese, jiarý adee arelyyrene inatyhymy aōbo rotýnyre. ⁵ Zacaria heka Deuxu xiwe wahidýdu rare, Abia ijoiō wahe. Iriòrese Isabeli tahe tule xiwe wahidýdu riokore mahāduō rare. Kiau heka Herodi judeu bedesý iòlòmy raremyhý, Araō riokore mahāduō wahe. ⁶ Wiwanale heka awirenyre Deuxuru-ò. Òbitihy heka ratximyhýrenyre ibutumy Deuxu bededýnanako-ò. ⁷ Tiiboho iriòreōhyre. Ihāwyy Isabeli heka rasenadunyrene, uladu herina dori awiōre. Ihābu tule ramatuarinyrene.

⁸ Aōtxumy tahe Zacaria raaōmysýdýnyrenyreny aōma templowo-ki. Kiatxu heka iròtenatxumy bede rýimyhýrene templowo-ò. Tahe iwo-ki ratximyhýrene. ⁹ Hewydysi lýnywi ritoonymyhý Deuxu kia deàlanamy, iwese riwinymyhýrewesehyyle. ¹⁰ Iu ahana-ki tahe sōwemy iny rexitòenymyhý. ¹¹ Iu Zacaria xiwena ru-ruwe-ribi loosōna-ò rýireu, hewydysi lýnywi ritoonymyhýrene. Tahe aōwesele ýjuō rexitýnyrenyre Zacariako-ò. ¹² Tii tuu robireu heka rexiraōmy ruberumy reare. ¹³ Ýju rarybere: —Brebūōmykre, Zacaria. Deuxu roholare aix-itòedýna-ò. Tai heka adee ijyymy rareri. Ahāwyy Isabeli rariòrenykre. Kai heka Joaōmy bininikre. ¹⁴ Tai kai-boho heka iura heka beysabenyke sōwemy; ijō iny tule reysakre iòraru-ki. ¹⁵ Tii heka hābutyhyhykýmy rarekre Deuxu dee tiu heka wī riōðtyhy mona hārihiký riōðtyhy. Deuxu Tyytybytyhy. Juaōtykymy ralokre tii reareu. ¹⁶ Sōwemy heka aōma Israeli mahādu Deuxu rityhinykre iòraru-ki wahe. ¹⁷ Tii heka hābutyhyhykýmy rarekre Deuxu rybedumy Elia wesemy. Tii heka aōma Deuxu deòdýna juhuu rehemynymy reakre ikòlemy iny ywisidýnakre rehemynykre juhuu, aōma Deuxu Tyytybytyhy dehemynyna riijemy tuu rehemynymy rakre. Tii bede ywina riòbitinykre inyy-ki. Tyby tar-iòre-wana wii riwoxinykremy. Tii heka iny ribedeerynykre aōma òbitimy rýirakremy. Deuxu lumy rýirakre aōma ilahireny rýira wesemy juhuu.

¹⁸ Zacaria rarybere ýju-ò: —Jiarý ramatuarinyrene timykre heka? Hāwyy tule rasenadunyrene ihārele òsana tukre. ¹⁹ Ýju rarybere: —Jiarý Gabrieli watxireri, Deuxu deòdutyhy wahe. Tii heka diwateònyde kaò adee rybemy wahe. ²⁰ Kai tetyhynyōhyteri tai kai marybeōkre uladu reakre xiery tahe marybekre. Kaa adee rarybereri dori òbitimy rarybereri warybemynamy ibutumy

rýikre. ²¹ Iny riraōmy rýimyhý Zacaria òlòna, tahe raroorehenymyhý. Iroorehena rieryōhyymyhýreny. Dòhònydeu ta, rybe-ki rexisiranyreny rarybeōhyrene.

²² Tii rehemynyrene tamy rybeōhykyrene rahòra. Idi tebò-di raramynyrene urile rybe riwisýnyreny rarybeōhykymyhýrene aōma timybo aōhebo rotýnyreny heka riòbitinykemy heka rarybeōhyymyhe timyrabo. ²³ Tahe taaōmysýdýna rihudi, taheto-ò ròðsere icyby.

²⁴ Idi tahe Isabeli rabòtònyrene iruwyyrene ahādumy bede riijere rexiwòmmy. ²⁵ Isabeli rarybere: —Deuxu awi heka rare, riwatare waixýruna-ribi. Kuladu wadeke riwahinyreri.

²⁶ Ijō ahādu tahe Deuxu Gabrieli riteònyrene Nazare hāwā-ò Kalileia bede-ò. ²⁷ Ýjuō heka rybe-di ijadòma-ò. Kia ijadòma heka wii ritobinymy rýireri tybyboho ise-boho Jyje-wana roikremy. Jyje heka iòlò Davi kia mahāduō rare. Ijadòma tahe Marie inire. ²⁸ Ýju heka kiamy rarybere: —Beysakre Marie! Inynyrý heka awana ratxireri. Bedeòbyhyký adee kidiwahinykre. Tii arāwowydynyreny. ²⁹ Kia rybe-di tahe Marie rexiraykynyrene. Tii rieryōmy aōmybo rare. ³⁰ Tahe ýju tamy rarybere: —Marie, Brebūōmy! Deuxu teteysanyte. Kai awi heka rare. Tii aōwihikýbo adee kidiwahinykre. ³¹ Kai heka mariòrekre, uladu heka Jesusimy raninikre. ³² Tii heka hābu nihiký rarekre. Tii Deuxu riòremy raninikre. Deuxu heka tii iòlòmy risýnykre, iwese Davi alabiehekýreny ronyrene wese, tii ronykre. ³³ Tii heka ibutu Ijaō mahādu iòlòmy rarekre. Iòlòna heka tiu itueòtyhy. ³⁴ Tai tahe Marie ýju-ò rarybere: —Jikarý heka ijadòkòmatyhy watxireri. Timykibohe krabòtònykre. ³⁵ Tahe ýju rirawyònyrene: —Tyytybytyhy adee kanalokre. Deuxu ruru heka adee kanakre. Tai heka kia uladu Deuxu òbiti riòremy raninikre. ³⁶ Nohòti lusaōmy anymy-ribi Isabeli riki bòtòkòmy rareke-ribi tahe bòtòmy ratxireri. Debò sohoji reurò ahādumy iahādu. ³⁷ Deuxu dee heka tiu aō isiraōre. ³⁸ Marie rarybera: —Jikarý Wahī dekòdu rare. Anomybo tarybeteri ka ibutumy rekyrubunyreny. Wadeke awire. Anowaxina tuukre irybemynamy karotýkýnykre. Idi ýju rikòmmy reare.

³⁹ Idi ta tii heka Isabeli roramy rare. Zacaria sýmy Judeia bede hāwālò hāwā bede-ki. ⁴⁰ Iu Marie rehemynyrene tahe wii rirybenyrenyrene: ⁴¹ Tiu kia aōbo uladu Isabeli kia-ki iule rexiwatxinymyhý Marie-ò. Isabeli heka týxiykýle Deuxu Tyytybytyhy-di ratximyhý. ⁴² Riajuamy rare deysana-di sōwene: —Kai hāwyy ibutu-ribi deysana rarekre. Auladu tule deysana rarekre.

⁴³ Anoherekibo Wahīse waroramy naderi. Jikarý ano anokō rare. ⁴⁴ Adeke rahokujareku, kuladu wawoku-ki rexilòrelòrenymyhý tabedesa-di. Tai tahe Isabeli

rÿÿraximy ratximyhÿre Deuxu Tyytybytyhy-di. ⁴⁵ Kai bekysabenyke kia tetyhynyteki. Deuxu rybe dokuri adeke nade. Iwese tiki raryberewesele ibutumy râikre. ⁴⁶ Marie rarybere: —Jikarÿ wawoku-ribi Wahÿ re-wokuwydyny. ⁴⁷ Wawokuribityhy wadekysareri Wahÿ watarasadu dokuri rare. ⁴⁸ Ihyky tahe tiki tekòdu-ribi walanokonakona-ribi tõhõti rosakre. Tahe iny ibutumy hâwyky dekysanamy riwaninikre. ⁴⁹ Deuxu dokuri anomydÿkÿnana wiwihikÿ wadeke riwahinyre. Tii tahe ityhy rare.

⁵⁰ Tikiemy inydeke ruxetòena riwahinymyhÿre iny tamy wowydyna riwahinyreki.

⁵¹ Ixityhy nohõtudu mahâdu tiki rehure. ⁵² Bede ikòlò sòwemy tiki rehure. Tule iny ianokò mahâdu Deuxu ri-wikòhenanymyhÿre.

⁵³ Rama risamahâdu deke rÿsÿna tiki riwahinyre.

⁵⁴ Irybe tahe tiki rityhynyre anobo tiki inytybyreny deke tiki raryberemy. Tikiboho tahe Deuxu riwikòhenanyre.

⁵⁵ Ruxetòena tahe Abraõ deke riwahinyre tule tikiemy iriokore deke riwahinymyhÿre.

⁵⁶ Marie tahe inataõ ahâdu Isabeli-wana riwyr. Idi tahe tasÿ-ò ròðsera.

⁵⁷ Bededÿÿnana Isabeli-ò rehemynyre. Iriòre reakremy ratxireriu, Iriòre reare. ⁵⁸ Isÿ mahâdu heka teysana-ò roholarenyre, iery mahâdu tule rabe-desarenyre tamy Inynyrÿ raruxetòenyredi, Inynyrÿreny ruxetòena tamy riwahinyreki. ⁵⁹ Tahe debò inataõ txu-di, uladu notyky resynamy bede rÿire. Zacaria raninykemyre. ⁶⁰ Tai tahe ise rarybere: —Anokòre, Joaõmy rarekre. ⁶¹ Isÿ mahâdu rarybere: —Joaõmy ni-nadu taheka ijòkòhykyre insÿreny-ki. Anoherekibo tuukre? tai tuu raninike wahe. ⁶² Tuu Zacaria-ò rÿÿraxireny: —Momybo raninykre? ⁶³ Tahe Zacaria tababese riòreõ rimyre. Riritinyra kia: —Joaõ heka inikre. Tahe ijò mahâdu ibutumy ribedeòtiidÿÿnyre.

⁶⁴ Iu tahe Zacaria rarybere Deuxu riwowydynyre. Tahe ibutumy isÿ mahâdu heka ruberure. ⁶⁵ Ibutumy heka tii relymy raremyhÿ Judeia mahâdu hâwâlò nihikÿmy.

⁶⁶ Ibutumy tamy roholaré heka raryberenyre: —Timybo uladu rarekre? Inynyrÿ idi tarukimy iweribikre.

⁶⁷ Tahe Deuxu Tyytybytyhy heka Zacariatykemy ralore. Tahe Deuxu aõmydÿÿnanamyhe relyre timybo rabededÿÿnananykremy. Tii rarybere:

⁶⁸ —Judeu mahâdu Deuxu awi rare. Tii dori taijoi roramy nade.

⁶⁹ Iwiòhedÿÿmy tulemy tarasadu tyhy Tii heka Iòlò Davi mahâduy rare. ⁷⁰ Deuxu Rybedÿÿdu mahâdu kia wesyemy tuu raryberenyre.

⁷¹ Inyireny òludu mahâdurenry-ribi riki iny ritarenkyre. Iny-di heka raruxetòerenyra.

⁷² Tahe iny-ribi tõhõtirenry rosaõhykyra. Tahe rarybekre timybo raryberemy inytybyreny. ⁷³ Tii heka iny ritarenkyre inyireny ratxireri inyòludurenry-ribi. Kia-ò heka rarybere inylabiereny Abraõ-ò. Tai heka riki-wiòhenanyrenyke brebuõlemy. Òbitimy iko-ò rakatxirenhykyre. ⁷⁶ Kai wariòre Deuxu rybedumy mabekre. Kai heka mabekre Deuxuhukÿ rybemy rybedumy. Kai heka bòhònykre

Inynyrÿ-kò iry biwinykremy.

⁷⁷ Asÿ mahâdu-ò marybekre biu-ò hena kanakremy ihÿre. Deuxu heka tõhõti rosakre iòrarunarenry-ribi.

⁷⁸ Iny Deuxurenry dori inydeereny ruxetòedu rare. Tii heka biu-ò hena ibutu-ò kidiòkre, tarasana wahe.

⁷⁹ Kia bede lurumy rÿira mahâdu biuloosònamy robikre.

Zacaria rybe tahe rikonananyre. Loosòna ywinary-ò tahe ritÿnynykre.

⁸⁰ Ihewo-ribi tahe uladu ratybienyre taumy-di Deuxu tyhydÿÿna-ki tule. Tii heka bederahy-ki raremyhÿ. Tiutxumy rexitÿnynykremy judeu mahâdu-ò.

2 Kia mahâdu iòlò Augusto inire. Kia heka ibutumy bede-ki inyni rityritinykemy bede riwinyre. ² Kurina heka Siria bede dinodu rare. ³ Jyje heka Nazare hâwâ-ki rasÿnymy raremyhÿ. Tai tahe Kalileia bede-ribi tiiboho roirenkykemy Judeia bede-ò. Iòlò Davi dori tai reare, Belê hâwâ-ki. ⁵ Jyje tahe rare, tii dori Davi ijoimy rareki. Marie bòtòmy tii ridyre tai ihâwy. ⁶ Tahe Belê hâwâ-ò rehemynyre. Tahe herina roxina heto ihoõre herina tamyreny. Taihe awaru roxina heto-ò roire. ⁷ Tai hâwy rathouâsenyre. Idi rihetynyre awaru roxina hynaro-ò ritidikemy.

⁸ Iu tahe budoeni-di itxeredu mahâdu bedero-ki ratximyhÿreny. ⁹ Idi tahe ÿjuõ tamy nade Deuxu-ribi.

Deuxu loosòna tamy ritynyre. Ruberurenyre. ¹⁰ ÿju tamy rarybere: —Brebuõmyrenyke. Rybe wihikÿ-di adee rehemynryeri. Ibutumy iny reysakre ka rybe-di.

¹¹ Atarasadu heka rathouânyra Davi hâwâ-ki, abiu-ò hedu wahe. Tii heka Kristu rare, Inynyrÿreny wahe.

¹² Kaiboho heka awaru roxina-ò inihe bòike itxeremy.

Tai heka tohouâ roireri tyy-di rarahanany. ¹³ Iule tahe sòwemy ÿju widotyde Deuxu dee rawiunykremy, kiawese rawiunyenryre riwowydynyreny:

¹⁴ —Biu-ki Deuxu loosòna ratxihyymyhÿre.

¹⁵ Tahe ÿju ròserenyre biu-ò. Budoeni-di itxeredu

mahâdu widee raryberenyre. Wylemy Belê-ò ròkòirenkyre itxeremy kia aõmydÿÿnanamy Deuxu iny-dee riteòsinyrerid.

¹⁶ Tahe roirenryre idi tahe Marie, Jy-je-txi rekoarenryre. Tuu robirenryre. Tahe broreni dòròtòhòhyna-ki uladu roire. ¹⁷ Tai tahe budoeni-di itxeredu mahâdu timybo ÿju tamy raryberamy, rarybere.

¹⁸ Tai tahe ibutumy kia tamy roholaré ribedeòtiinymy rÿire. ¹⁹ Marie heka tõhõti itxi reare. Tahe sòwemy raraykywydynanyrony. ²⁰ Budoeni-di itxeredu

mahâdu ròserenyre rawiunyenryre Deuxu-ò Deuxumy reàlære ibutu òraru-ki. Iwese ÿju raryberewesety-

hyle heka ibutumy rÿire. ²¹ Iribi tahe txu rÿireu tahe rare Jesuisi notyky orokré. Debò inataõ reurotxu rÿireu Jesuisi notyky raorokremy raywire. Tahe rininirenryre Jesuisimy iwese ÿju rarybere myna.

²² Xiwena rÿikemy bede rÿire Moisesi bede ywidÿÿnamyna. Aõutxumy tahe dehemynyde Marie Jyje-wana kia idi riwinyrenkyre. Tahe Jyje ridykemy Jerusalê-ò idi ratxireri. Tai uladu-di roirenryre Deuxu-ò riteòsinykemy. ²³ Kiamy heka Inynyrÿ Ritidÿÿna-ki roire.

Weryrykeki, Deuxu dee rawahidỹỹkre. Tii uladudelaa weryrykreki.

²⁴ Iwese tule bôtòe inatximy rawahidỹỹkre ada bôtòerurà inatxi heka xiwenamy reakre Moisesi bede ywidỹỹna myna.

²⁵ Hãbuõ tai ratximyhỹre Simeaõ inire. Jerusalẽ hãwã-du wahe. Deuxu rityhynymyhỹre hãbuwi rare. Tii Kristu riraõmyhỹre Deuxu deõdỹỹna wahe. Iijoi aõbina bina-ribi tarasadumy Deuxu Tyytybytyhy heka tai ratximyhỹre. ²⁶ Deuxu Tyytyby ihetxiu tamy rarybere: —Kai buruõtyhy Deuxu deõdỹỹnamy bobiõdi. ²⁷ Iu Jesusise tyby-wana rehemynyreu Deuxu Tyytybytyhy heka Simeaõ riteõnyre kowa-õ. ²⁸ Simeaõ uladu taãxiõ-ki rimyreu. Tahe Deuxu riwowydynyreu:

²⁹ —Kiamy heka Wanyrỹ Iòlò arybe retyhynyreu timybo tarybete wahe. Ibutumy dorihe tewinyta. Tahe aõwaxinyhe arurukre. Abiuõhenamy heka rabira. Tii ibutu iny tarasadumy rarekre biu-õ hena wahidỹỹdu wahe.

³² Kia heka ibutumy iny-õ loosõna tewahinyta judeukõdu mahãdu-õ. Tai judeu mahãdu tahe wowodynamy tii rarekre.

³³ Tai tahe Jyje Marie-wana bede riõtiniyre aõmybo rarybereki. ³⁴ Simeaõ tahe Deuxu deysanamy tamyreny rarybere: —Deuxu biu-õ henamy heka kia uladu rare. Sõwemy judeu mahãdu tarasadumy rarekre, tule sõwemy tasỹ ituekre. Kia heka Deuxu deõsina rare. Sõwemy heka Jesusimiy rakyararybenynykre. ³⁵ Ibutumy iny rayky-ribi heka ibutumy ritỹnynynykre. Bederyry sõwemy bieryke tai aõhõkỹmy botỹỹnykre.

³⁶ Tule Deuxu rybe erydỹỹnaõ rehemynyreu. Ana inire. Hãwyy rare. Tii heka Fanueli riõre rare. Asere mahãdusỹõ rare. Tii heka rasenadunymy raremyhỹ. Ijadõmamy raremyhỹu heka roire hãbu-wana. Debò inatxi reurò beòralemy heka tii-wana raremyhỹ tahe tii rawytesenyre. ³⁷ Tii 84 beòramy heka bede idi rỹire wytesemy. Tii Deuxu dohodỹỹna heto-ribi ròhõnyõhymyhỹre. Tii heka rexitõenymyhỹre rummy txy tabyreõ-di. ³⁸ Tahe tii rehemynyreu Deuxu dohodỹỹna heto-õ. Deuxumy reàlære. Idi Jesusimiy imahãdu-õ rarybere tii tarasadumy rarekremy.

³⁹ Iu Marie, Jyje-wana ibutumy bede ywidỹỹnamy ituereu, riòõserenyre tahãwã-õ Nazare-õ. ⁴⁰ Jesusi raumynymyhỹre beòra beòramy. Iruru, ibede eryna sõwemy ijõdire Deuxu dori idi tarukimyhỹre.

⁴¹ Pascoa worana bedehesi riòlòdỹỹnyre Jerusalẽ hãwã-ki. Jesusi tyby heka iseboho roihyymyhỹrenyreu tamy. ⁴² Tule Jesusi waðinatxi reurò beòra-di ridyrenyreu tamy. ⁴³ Worana bedehesi rexihureu kidiòkesedenykre doide. Tahe Jesusi naride Jerusalẽkihikỹle. Tiiboho rieryrenyõhyre naridemy.

⁴⁴ Taijoiirenywanale ratxirerilemy idi rõhõtynyrenyru. Txusohojimy heka bede idi rỹidi, rierenyreu. Tai rahaõhyrenyru iijesemy diòkesedenyde Jerusalẽ-õ ixyby. Inataõ txu-di tahe tai nahadenyde, Deuxu dohodỹỹna hetowo-ki wahe. Tii heka bede erydỹỹdu mahãdu-wana ronyre. Roholamyhỹrenyreu irybe-õ ronymyhỹreny. Tule rỹỹraximyhỹrenyreu. ⁴⁷ Tii heka ibu-

tumy rirawyõnymyhỹre. Tii dori bede ery nihikỹ rare.

⁴⁸ Iseboho tahe bede riõtiniyrenyreu tai ronyreki wahe. Ise tamy rarybere: —Waritxòre, anoherekibo kai ikykyreny-ki tanyte. Anoherekibo tuu wadekereny tewinyteri aijesereny-di watxireri. ⁴⁹ Tahe Jesusi rirawyõnyre: —Waijeserenyõmyke. Waha heto-ki watxireri, Waha aõmysỹdỹỹnamy reywinyhy watxireri. Kia aõbo teeryõhytenyde. ⁵⁰ Tiiboho rieryrenyõhyre aõmybo Jesusi rarybereri. ⁵¹ Idi tahe dòõsedenyde Nazare-õ. Tahe Jesusi tyby rybe rityhynhyummy raremyhỹ. Tahe Jesusise kia ibutumy riyrubunhyummy raremyhỹ tarayky-ki.

⁵² Jesusi tahe raumynyre. Bede erytyhymy relere. Ibutumy he iny iluure. Deuxu wowodyna-di ihỹre.

3 Tiberiõ heka waiyre beòramy iòlõmy raremyhỹ.

Poncio Pilato heka Judeia bede dinodu. Ijõ heka Herodi inire. Inataõ inymy heka bede dinodumy raremy. Herodi heka Kalileia bede dinodu. Iseriõre, Filipi tahe Itureia bede, Traconite bede-wana dinodu rare. Ijõ iny tahe Lisỹnia inire. Tii Abileni bede dinodu rare. ² Anasi, Kaifa-wana heka inatxi hãbu roire. Tiiboho wiwana xiwena wahidỹỹdu wedu raremyhỹ. Kia be-deu heka Joaõ rehemynyreu bedero-txi. Tii iny-õ Deuxu rybe tỹnydỹỹdu rare. Zacaria riõre rare. ³ Tii kia bede ibutumy rybe ritỹnynyre, Jordaõ beroweramy ibutumy wahe. Kia wesemy rarybere: —Aòraru-ribi bòhõnyke. Maratisebenyke. Tahe Deuxu aòraru riixãwididỹỹnykre. ⁴ Iwese Isaia ròritidỹỹre wesemy heka wiji rỹire.

Inyõ heka ryrymyhỹ bedero-ki.

Kia:

—Inynyrỹry bexiywinybenyke. Ryòbitihikỹ biwinybenyke. Hãloo bitỹxinybenyke wimyny biijaranybenyke. Iry iòweòwena ramyhỹre heka, biòbitinybenyke.

⁵ Iratòratòkeki, wimyna biijaranybenyke. ⁶ Ibutumy iny heka Deuxu biu-õ henamy robirenykre. ⁷ Sõwemy iny nade riratisebenykre Joaõ-õ. Tahe tii tamyreny rarybere:

—Kaiboho hemylalaweselemy toite. Deuxu ykarana-ribi bexitabenyke, aõwiwihikỹ.

⁸ Uritere kawese ryberenyõmykre: —Abraõ dori iny labiereny rare. Tai tahe ibutumy awityhy rare inydeereny.

Jiarỹ dori adeereny ararybekre: —Deuxudeewikeki, Tii kia manadile iny riwinyke. Abraõ dee ijõ riòreõmy kia manadile riwinyke. ⁹ Woma heka òwòruraruti riòrõmyhỹre. Kia raratnyõkeki heka, raòròkre. Heòty-di wòmry ririradỹỹnymyhỹke. ¹⁰ Tai tahe iny rỹỹraxire Joaõ-õ: —Timybohe rakatxirenykre. ¹¹ Tai tahe rarybere: —Inyõ tõre inatximy ijõdikeki, sohoji iny ijõ-õ riwahinyke. Irỹsnyadikeki, tule ritxuatxuaque ijõkõ mahãdu-õ. ¹² Iny witxiraõ Joaõ-õ rehemynyreu. Tiiboho nieru tarasadu mahãdu rare bede dinodu-õ. Tai rỹỹraxirenyre: —Timybo aõhebo rokotỹỹnyrenykre. ¹³ Joaõ rirawyõnyre: —Uritere aõnihikỹmy itarasarenyõmykre. Bede ywidỹỹna tyryiti myna ta tuukre. ¹⁴ Tai tahe soldado tamy rỹỹraxire: —Inyboho tahe aõhebo rokotỹỹnyrenykre. Joaõ rirawyõnyre: —Inyõ biteranyõ-

tyhy adee nieru kanakemy. Inieru dori ahõrõ aõkõ rare. Beysake, adinodu-ribi tiwesebo nieru tetamahãte-di. ¹⁵ Tahe kia iny mahãdu raraykynyre Joaõ-di. Kowa aõbo hãbu Kristu ihÿre. ¹⁶ Tai heka Joaõ rarybere: —Jiarÿ heka bedi araratisebenyleri. Ijõ wahe-wo-ribi kanakre tahe woratyre inihikÿ rarekre. Tii heka awityhy rare. Jiarÿ heka raixÿruwãhãre iwataana ari-take lau. Tii heka akanaratisebenykre Deuxu Tytybytyhy-di. Heõty-di tule wahe. ¹⁷ Iti tebõ-ki ratxireri. Maixõmo ruxity hitxina-di wahe. Tii heka ritakre. Maixõmo riyrubunykre ihyna-õ. Iruxyty tahe ritoonykre. Kia heõty heka tiu ruriõtyhy. ¹⁸ Aõ heka Joaõ rarybere. Sõwemy aõna aõnamy iwesele rarekemy. Dohodÿÿna wihikÿ-di tamyreny rarybera. ¹⁹ Bede dinodu Herodi heka taseriõre riõrese-wana roire. Aõbina binahakÿle riwinyre kia. Tai tahe Joaõ tamy rarybere: —Kia awi aõkõ rare. Ibina heka rare. Sõwemy aõna aõna bina tule tii riwinyre. ²⁰ Tai Herodi heka Joaõ mynyny riteranyre rõtenawo-ki roikemy. ²¹ Joaõ ixiwesehyyle rexitymyranymy iny riratisenbeny. Tahe tule iny wixirahе-ki Jesuisi riratisenbeny, Jesuisi rexitõdenyreu, biuwetyhy rarayre. ²² Biuwetyky-ribi tahe Deuxu Tytybytyhy-le dobehemy nade bõtõerurã wesemy. Biu-ribi rybeõ-õ iny roholare: —Kai heka Wariõre tate. Aluure heka jiarÿ wadeysatyhyre. ²³ Jesuisi 30 beõramy raremy taaõmysÿdÿÿna tyhy ritelenyreu, iny heka Jyje riõrelemy rõhõtynyhyre. ²⁴ Jyje heka Eli riõre rare. Matate, Levi, Maki, Janai, Jyje, ibutumy labiehekÿ Jyje rare. ²⁵ Ijõ tahe Matatias, Amos, Naum, Esli, Nagai, ²⁶ Maate, Matatias, Semei, Jyje, Joda, ²⁷ Joana, Resa, Zorobabe, Salatieli, Neri, ²⁸ Meki, Adi, Cosã, Elmadaõ, Er, ²⁹ Josue, Eliézer, Jorim, Matate, Levi, ³⁰ Simeaõ, Juda, Jyje, Jona, Eliaki, ³¹ Melea, Mena, Matata, Natã, Davi, ³² Ijese, Obede, Boasi, Sala, Nasaõ. ³³ Aminadabe, Adimim, Arini, Esraõ, Peresi, Juda. ³⁴ Ijaõ, Ijai, Abraõ, Tera, Nakò, ³⁵ Serui, Raau, Faleki, Eber, Sala, ³⁶ Aina, Arfaxade, Sem, Noe, Lamei, ³⁷ Metusalë, Enoi, Jarete, Maleleel, Aina, ³⁸ Enosi, Sete, Adaõ. Tii tahe Deuxu juhoo riwinyre iriõre wese.

4 Bero Jordaõ-ribi Deuxu Tytybytyhy heka Jesuisi diõõsedÿÿnyde Tai heka tule bederõ-õ rexykyknyra. ² Tahe Satanasi Jesuisi riurihire, 40 txu-di wahe. Aõ heka rirÿsÿõhyre Jesuisi kia itxumy txu rÿireu wahe. Idi tahe sõwemy rama risare. ³ Satanasi tamy rarybere: —Kai Deuxu Riõretyhy tate-wana heka, mana bitxienykre hinamy. ⁴ Tai Jesuisi dirawyõnyde: —Deuxu Rybe tule kiamy rarybere. —Hãbu hewa byre sohojiribile aõkõ irumy rÿimyhÿre. ⁵ Tai Satanasi heka Jesuisi ridyre heto ratyti tyre. Ibutumy hãwãhãkÿ riteõsinyre bede bede rÿirã. ⁶ Tahe Jesuisi-õ rarybere: —Kai biwalãhãnanykeki, ibutumy aõna aõna adee ariwahinykre, ibutumy hãwãhãkÿ dinodumy tule wahe. ⁷ Wahõrõ heka rare. Inyõ-õ aõtxile ariwahinykre. ⁸ Idi tahe Jesuisi dirawyõnyde: —Deuxu-õ sohojile walãhãna biwahinykre. Kiamy Deuxu Rybe rarybere. ⁹ Idi Satanasi Jesuisi ridyre Jerusalë hãwã-õ. Biu-txi tahe rÿire, Deuxu dohodÿÿna heto tyre-ki wahe. Tii narybede, kai Deuxu Riõre tyhy

tate wana heka bexiwatixinyke inihe karibi het-oratyti-ribi. ¹⁰ Ýju riki arayrubunykre wa. Deuxu taÿjuõ bede riwinyre aramykemy. ¹¹ Tule kia rarybemyhÿre Deuxu Rybe.

Awa riki manaõ riwotõmonyõtyhy.

¹² Tahe Jesuisi dirawyõnyde: —Tule Deuxu Rybe rarybere: —Inyõ heka Deuxu uri urihixiõtyhy. ¹³ Rexihure tahe Jesuisi urihixina. Tahe Satanasi heka Jesuisi ririre. ¹⁴ Idi tahe Jesuisi rõõsere Kalileia bede-õ. Deuxu Tytybytyhy ruru tahe tii-wana ratximyhÿre. Ibutumy heka kia hãwã-ki ibededÿÿnana rierymy hÿreny. ¹⁵ Jesuisi heka dohodÿÿna heto-ki rõbedeerydÿÿmyhÿre. Ibutumy tuu rarybere. Tuu reãlãmy rarybemy rÿimyhÿ. ¹⁶ Iribi tahe Jesuisi rõõsere tai raumynyrõ, Nazare hãwã-õ. Sabado txuu tahe dohodÿÿna heto-õ reamy rarybemy iwesehyyle. Tii tahe lamamy rÿire tyriti-di rariakemy. ¹⁷ Tahe tamy Isaia tyriti riwahinyre. Tahe Jesuisi riijemyhÿre rybeõ idi rariakemy. Tai idi rariare:

¹⁸ —Wanyrÿ Tytybytyhy waki ratxireri. Rybe Tÿmyra wihikÿ inyko arotohodÿÿkemy. Iny aõkõ mahãdu-õ rybe wihikÿ ararybekemy riwatare. Tule iny rõtëna-ki rÿira mahãdu, jiarÿ ariõlõdÿÿnykemy. Kiamy heka tamyreny ararybekre. Tule ruetÿmyra ariwahinykre ruetã mahãdu-õ. Iny idi rarÿÿnymyhÿre mahãdu-ribi, aritakre idi risinymyhÿreki. (Aõna aõnamy risÿnyrenymyhÿreki wahe.)

¹⁹ Tibedeubo Inynyrÿreny taijoi ritakemy ararybekre.

²⁰ Idi tasÿ ixby riwerasenyre. Tahe riwahinyre ixby kia hãbu riyrubunymyhÿre. Tii ronyre. Ibutumy kia dohodÿÿna mahãdu idi rethemy rÿimyhÿre. ²¹ Tahe Jesuisi ritelenymy rarybera: —Wiji idi rariarã heka aõbo tamy ibededÿÿnanamy roire. Kia aõbo ritidÿÿna-ki roireri ihetxiu. Kiamy tahe wiji rarybereri, jiarÿ heka tii rare. Tii adeereny tyriti rariarã wahe. ²² Tai tahe bede riõtiinyreny. Kia tahe aõmybo raryberaki. Tahe widee raryberenyre. Kaa heka Jyje riõrele ratxireri. ²³ Tahe Jesuisi ixityre tamyreny rarybere: —Aõu kaiboho wamy tarybetenyteri rybeõmy, myÿ manarybeke: Kai bexideytenyke, hãri, õhotibedu. Kiamy aõbohe wadee manarybebenykre atxitenyteri:

Iwese Kafanaõ bede-ki tewinyte wese ariwinyrenykeny wadi atxitenyteri, ahãwã-ki.

²⁴ Adeereny inihe tuu ararybekre. Rybe tÿnydÿÿdu heka õmo rityhinyõtyhy ihãwãreny-ki. ²⁵ Tahe iwixiramy ararybekre. Ibedeu kia raremyhÿ, sõwemy heka rama reamy raremyhÿ judeu sÿ mahãdu. Sõwemy wytese mahãdu heka ramamy rurumyhÿre. Biu heka roaõhykyre tai inataõ beõra weeremyhÿ wahe Sareta hãwã heka Sidõ bede-ki tii rasÿnymyhÿre. Tahe Deuxu bede riwinyre Eliasi rakemy iny sohoji wytese-õ, rÿsÿna riwahinykelemy wahe. ²⁷ Eliseu bedeu heka sõwemy tybinadu rÿimyhÿ. Sohoji inyle riteyteny. Naamy heka inire. Tii heka Siria bede luduõ rare. ²⁸ Kia dohodÿÿna mahãdu heka ibutumy iu tamy rakyarananyre. ²⁹ Rimyreny heka Jesuisi. Idi retÿhirenyre hãwãlõ ratya-õ ridyreny. Idi rehurenkyre riwisÿnyreny. ³⁰ Tahe Jesuisi insõwehekÿ-txi ralore. Idi rahenyre. ³¹ Iribi tahe Jesuisi rare Kafanaõ-õ, Kalileia

bede-ò. Sabado txuõ txuõlemy heka Jesusi iny ribedeernymyhÿre. ³² Sõwemy heka iny ribedeernymyhÿre mahãdu tamy awimy rÿira, irybe dori awireki wahe. ³³ Hãbuõ raremyhÿ dohodÿÿna hetowo-ki tyytybybinahakÿ-di tahe taumywo-ki ratximyhÿ. Tai tahe tii rryre: ³⁴ —Jesusi, Nazareludu, aõhebohe ijoi bisÿnykremy atxiteri? Biwahubenykre aõbo? Jiarÿ heka araeryre mobo taté. Kai heka Deuxu deòdu atxiteri. ³⁵ Tai tahe Jesusi tamy rarybere tyytybybina iumywo-ki riyrkemy. Iribi riòlòdÿÿnyre. Tahe idi rehure iutyde-ò idi iribi ròhònyre. Hãbu aõhe risÿnyõhyre. ³⁶ Ibutumy heka iny ribedeòtiidÿÿnyre. Iny sohoji sohoji wídee rarybere: —Aõrybemy aõwe tii rarybereri? Timybo iny-ribi tyytybybina riteònyke. ³⁷ Ibutumy timybo Jesusi riwinyre, ijyynamy reare. ³⁸ Tahe Jesusi ròhònyre Simaõ heto-ò idi rare. Simaõ riòrelahi webinadumy roire rubuna-di. Tai Jesusi-ko tuu relyrenyrene. ³⁹ Tai Jesusi ibireweribi-ò rare. Tahe irubuna iribi riòlòdÿÿnyre. Tahe tii ritamadÿÿnyre. Rÿsÿnaõ tamy riwahinyre. ⁴⁰ Ibutumy iny tawebinadu mahãdu didydenyde. Ibutumy Jesusi riteytenyrene tibò iratityre rilidimyhÿre. Sõwemy iny tyytybybina-di rÿireri mahãdu riòlòdÿÿnyre. ⁴¹ Iu tahe rrymy reamy rÿimyhÿ: —Kai Deuxu Riòretyhy tate. Tii Jesusi rierymyhÿ tii Deuxu deòdu raremy, tyytybybina wahe. Tai Jesusi tamy rarybere rybeòkemy. ⁴² Txu ijiramy Jesusi rare bedero-txi ixisohojile. Iny sõwemy riijemyhÿ. Itxi rearenyre, iatysy deramy rekoamyhÿreny. ⁴³ Tai Jesusi rarybere tamyreny: —Jiarÿ heka Rybewihikÿ Tÿmyra arelyykre iwitxira hãwã Deuxu Òlòna Tÿmyramy arelyykre. Tuu Deuxu diwateònyde. ⁴⁴ Jesusi ibutumy Judeia mahãdu bede bedemy dohodÿÿna rÿiraki rotohodÿÿmyhÿre.

5 Jesusi tahe aho ijà-ki rÿire Kenesare aho ijà-ki. Iny heka sõwemy Deuxu rybe-ò roholakemy iu rÿimyhÿ. ² Tii robire hãwòõ inatximy roinyimyhÿre. Waxidumy mahãdu heka rirahure rià-di risuhòreri. ³ Idi tahe rimyre hãwòõ. Simaõ hãwò heka rare. Tii tahe ixi-di ritaranyre beroro-ò. Tai tahe tii rexidelenymy relyyre. Kia iny rÿimyhÿ mahãdu heka ribedeernymy relyymyhÿre. ⁴ Rexihure rybe-ribi. Idi tahe Simaõ-ò rarybere: —Make wa bera-txi. Rià bitidike. Bimykemy utura. ⁵ Tahe Simaõ rirawyònyre: —Wanyrÿ, ruu wa wadireny aõkõhykylemy bedewadireny rareri, uturamy ho aõkõ. Tarybete urenana anakre. Aritidikre heka rià. ⁶ Tahe ritidireu tahe, rià utura sõwemy rimyre, kia rautxienyre. Tule riykamyhÿ rià. ⁷ Talawò biòwa mahãdu-ò rryre: —Bòdòibedenyke bidiwawiòhenanybenykemy. Inatxi hãwò heka rÿxire. Ritÿxinyre utura-di. Ihyy berahatxi-ò ijiramy riwisÿnymyhÿ ilawòreny. ⁸ Simaõ tuu robire. Tii Jesusi ratximyhÿre tahe tatiowomy resere Jesusiko-txi. Simaõ Pedro rarybere: —Wanyrÿ, aribi kÿny iòhòmy arÿiòtyhy. Jiarÿ heka waòrarudimy rare. ⁹ Simaõboho bede riòtiinymy rabe-dewore aõma utura sõwemy tamyreny riwahinyraki wahe. Tii tuu iximy rarybere. ¹⁰ Ibutumy tiiboho mahãdu ribedeòtiidÿÿnyrenyre Zebedeu riòre kia Txiau, Joaõ-wana. Jesusi rarybere Simaõ-ò: —Brebuomyke heka ikonana-ò heka utura bimyoõkre. Wadee dori

maaõmysÿdÿÿnykre hãbu wadee bimykremy. Tamyreny biwatÿnyrenyre. Iwese utura temymyhÿte wese, wadee hãbu wiji bimykre waerydÿÿna mahãdumy rarekremy. ¹¹ Tahe waxidumy mahãdu ibutumy kaa tawaxi tarià iu ririra Jesusi riheludunykremy.

¹² Ròirenyre rirònyrenyre ibutumy hãwã-ò. Idi tahe hãbuõ rare ityyjyhykyle. Hãbu Jesusi robireu tahe resere iko-txi, rexitòenyre: —Wanyrÿ, adeewikeki biwateytenykre. ¹³ Jesusi tamy tebò ritetemy rarybere: —Kohe, arateytenykre. Tii reytemy reare. ¹⁴ Tai Jesusi rarybere tamy: —Inyò-ò tahe ijyòmykre. Xiwena wahidÿÿdu mahãdu-ò make. Tai maxiwekre tuu Moisesi bede riywinyre myna. Xiwenaõ heka biwinymy biwahinykre. Moisesi rarybere wese wahe. Iny mahãdu-ò heka biteòsinykre. Kia riteòsinykre teytetamy. ¹⁵ Tahe ihãrele Jesusi ibutumy rieryre. Sõwemy iny heka wirotyre raholakremy. Ijò nade aõma iwebinaduna ibina-ribi riteyteuykemy. ¹⁶ Tahe Jesusi iribireny aõma rexitòenykremy rexitare.

¹⁷ Ijò txuu ròbedeerydÿÿmyhÿu, fariseu mahãdu, bede ywina rybe bede erydÿÿduõ-wana rononymyhÿreny. Ibutu hãwã hãwã-ribi dotydenyde wese tahe sõwrenyre, Kalileia bede-ribi Judeia bede-ribi, Jerusalè hãwã-ribi. Deuxu deytena Jesusi-ki ratximyhÿ. Jesusi hãwãlò-ribi dobehede tii-wana, taerydÿÿna mahãdu-wana wahe. Tahe sõwemy iny iube-ki ributunymy rononymyhÿre. ¹⁸ Iny mahãduõ heka hãbu iumymy manadu kididydenykemy ratxireri Jesusiko-ò ritidirenykemy. Idi tahe hãbu webinadu wahe Jesusi-ò rakemy bede riywinyre. Inatyhyle riatyhynyre. ¹⁹ Inysòwerekí tahe tamy rehemnyrenyòtyhy. Tai tahe hetoratyti-ò raòwònyre hãbu webinadu-di. Iribi tahe diberesedÿÿnyde reroti-di. ²⁰ Jesusi robire, rieryre aõma rityhynymy ratxirenryeri. Hãbu-ò Jesusi rarybere: —Wy, aòraru heka raixãwidÿÿnyra. ²¹ Tahe fariseu mahãdu he wídee raryberenyre: —Mobo kia hãbu ratxireri, timyhe tu kia irybeõna rybe-di. Deuxu-ò kia rybe ibinatyhy rare. Deuxu sohojile òraru-ribi iny riixãwididÿÿnymyhÿre. ²² Tahe Jesusi rierymyhÿ timybo rexinohòtinymyhÿreny. Tai rarybere: —Aõherekibo kia wesemy texiraykynytenyteri. ²³ Tibohe irutaõre webinadu-ò rybe: —Aòraruna reixãwididÿÿnyra ada myimy mariake aõbo. ²⁴ Deuxu Riòre Hãbutyhyhykÿ jiarÿ rare. Tai waruruna wadee Deuxu Riòre òraruna ixãwididÿÿnyamy. Katahe bierybenykre inatyhymy aõbo rarybereri: —Myike, abyre biwymy asÿ-ò ta mahe. ²⁵ Hãbu tabyre rimymy tahe aõwesele tasÿ-ò rare. Deuxu riwowydynymy rare. ²⁶ Sõwemy iny ribedeòtiidÿÿnyrenyre. Riwowydynymy rÿimyhÿ. Tiiboho raryberenyre: —Aõwitxiramy wiji inyboho robirenyra. Tiu juhuhu tukõre-ribi wahe robirenyra.

²⁷ Iribi tahe nieru bede dinodu nieru mynydumy robire, Levi heka inire. Tii heka raaõmysÿdÿÿnymyhÿ titxibo nieru tarasana-ki. Jesusi tamy rarybere: —Manakehe wawana. ²⁸ Tahe taaõna ibutumy ririre, idi ihemy rare.

²⁹ Levi tahe taheto-ki roxinaõ riòlòdÿÿnyre Jesusi dee. Tamy rehemnyre nieru arisidu mahãdu, tule

fariseu mahādu. Ibutumy iny iarixina mahādu. ³⁰ Kia fariseu mahādu kia bederydŷŷdumy mahādu tyri-tirybedŷŷdu mahādu kie heka aōbina binahylemy rarybereri Jesusimy. Jesusi terydŷŷna mahādu-wana kiamy rarybereny: —Aōherekibo kaiboho teroxitenyteri, nieru arixidu-wana, iōrarudu sōwe mahādu-wana. ³¹ Jesusi rirawyōnyre: —Iny awimy ratxireri-wana, òhotibedumy reaōmyhŷre. Webinadu mahādule ta tuu reamyhŷre. ³² Ōbiti mahādu-ò aōkō heka jiarŷ anade rybemy. Tiibohole heka ixi-txi tōhōti reakemy idi watxireri.

³³ Tahe tiiboho Jesusi-ò rarybere: —Joaō heludu mahādu roxiōmy txumy rŷire. Tule tiiboho rex-itōenyreny. Sōwemy rexitōenymy hŷre fariseu mahādu erydŷŷna tule. Tahe aijoi tahe riroximy hŷreny re riōmy hŷreny. ³⁴ Tahe Jesusi tamy rarybere: —Hāwyymy heridu tŷmyra iijoi ratxikeki heka tiu itobidŷŷnana mahādu wahe. Kia heka riroximy hŷre. Kia tahe tŷmyra iribireny ratakreu, iijoi mahādu renarehekere. ³⁶ Tyky tŷmyraō tiu tykytyby dōbōnamy iny ritidiōtyhy. Timyki dori wii wiōbydŷŷōna. ³⁷ Vī tŷmyra heka tiu aōirōdu tyky watxiwe yla tyby-ò rarareōmy hŷre, tukeki ta kia raykake idi vī urile rejujukre. ³⁸ Vī tŷmyra heka hyna tŷmyra-ò rararemy hŷre. ³⁹ Inyō vī tybyhykŷ riōkeki, itŷmyra rexitōenyōtyhy. Kiamyki rybe. Vī tyby dori itŷmyra-ribi awi rare.

6 Judeu elehydŷŷnymy hŷreny txu kia idi rekoarenny maixōmoho-di. Ierydŷŷna mahādu rimyra maixōmo, maixōmo, debò-di riroxityxiwimyhŷrimy idi rare. ² Fariseu mahādu tuu robire. Tamy rŷŷraxire: —Aōherekibo kia wese tewinyteri. Kiamy heka iwidŷŷōmyke bede ywina rybe rarybemy hŷre judeu elehydŷŷnymy hŷreny txumy. ³ Jesusi tamyreny rarybere: —Ihetxiu Davi tamahādu-wany rama risareu, Deuxu dohodŷŷna hetowo-ò rirōnyre. Tai Davi xiwena rŷsŷnale taijoi-wana rirŷsŷre. Xiwena wahidŷŷdule heka irŷsŷdure, inywitxira ta aōkō. ⁵ Jesusi ritŷnyreny tamy: —Hābutyhykŷ jiarŷ rare, Deuxu Riōre wahe. Kiata sabado wedu jiarŷ rare, elehydŷŷnymy hŷreny txu wedu wahe.

⁶ Ixityre ralore dohodŷŷna mahādu heto-ò ròbedeerydŷŷkemy. Hābuō tai rare tebò rabinamy. ⁷ Tahe fariseu mahādu Jesusi-ò retehere. Riteyteny kemy kia hābu webinadu judeu elehydŷŷnymy hŷreny txu. Rexiwodohonanyre. Kiatxuu tii riwinyrekeki tahe ribinanyke judeu elehydŷŷnymy hŷreny txu, riwinykeki wahe. ⁸ Jesusi rierymy hŷre aōmybo tiiboho raraykynyrenyteri. Jesusi tamy rryre, —Aōma hābu debòbina-ò: —Mynyike ini, ityareny-txi. ⁹ Tahe fariseu mahādu-ò Jesusi rarybere: —Arŷŷraxikre inihe adeereny, awire adee ka hābu debò ariteytenyke sabado txuu. Aōbo adeereny awire sabadotxu widŷŷ. Aōwihikŷwidŷŷmy aōbo ada aōbina widŷŷmy. Rubu-ò wahidŷŷ aōbo ada rubu-ribi itarasa aōbo. ¹⁰ Retehere! Ibutu-ò idi hābu-ò rarybere: —Ebò inihe biditeōsinyke. Tiu hābu tebò riteōsinyre tahe, reytere. ¹¹ Reburereny heka. Timybo Jesusi risŷnyreny kemy rexinhōtynyreny.

¹² Idi tahe Jesusi heka hāwālōraty-ò rare ix-itōedŷŷmy Deuxu-ò. Rureherehemy heka tamy rex-itōenymy bede idi rŷire. ¹³ Txuijaramy tahe ludu mahādu-ribi waōinatxi reurò taheludutyhy mahādu ritare. Tarybemy rybedumy rininirenyre. ¹⁴ Sohoji ijō heka, Simaō inire, Pedromy idi ranire, ijō tahe Andre rare, iseriōre. Idi Txiau, Joaō, Filipi, Bartolomeu. ¹⁵ Mateu, Tome, Tadeu Txiau, (Kia Txiau heka Afeu riōre rare.) Ijō Simaō Kana bedeluduō rare, tasubedeluudure. ¹⁶ Juda Txiau riōre, ijō Juda Isariō tahe Jesusi tyhedŷŷdu rare. ¹⁷ Jesusi dobehede bedero-ò hāwālō-ribi. Tahe sōwemy iny iheludu mahādu tii-wana rŷimyhŷ. Judeia bede mahādu Jerusalē hāwā mahādu. Tule Kalileia bede, Tiro hāwā, Sidō hāwā mahādu. Tiiboho wii ributunymy hāwā mahādu Jesusi-ò roholakemy idi reytekemy. Kia tai rōteytedŷŷmy hŷ. ¹⁹ Ibutumy Jesusi tyky-ò tamy adereximy risŷnyreny hŷre adeyteny iribi rōhōnymy hŷ.

²⁰ Tamyreny retehere tai ibutumy rierynanyreny: —Kaiboho aōkōreny-ki, beysebenyke. Deuxu Ōlōna dori ahōrōreny rare. ²¹ Rama arasareri-wana beysabenyke. Bihydumy dori mabekre. Tule tahinyteri wana beysakre ihewo-ribi. ²² Beysamy butxuenyke, inyō umy radōnykeki tule. Kaiboho dori Deuxu Riōre tetyhynyteny jiarŷ tiire, Hābutyhykŷ Riōre wahe. Kia mahādu eramy ijira Riōre rŷikeki beysake. Beysa tyhyki tai. Biu-ki dori aōwihikŷ bitakre. Deuxu rybemy rybedu mahādu tule rotŷnyreny iōraru-ki. ²⁴ Kobe lāhāxe kaiboho ityhy mahādu abedesanarenny dorihe rexihura. ²⁵ Kobe lāhāxe ahādyreny mahādu, aramasanarenny dori rehemyny. Kobe lāhāxe abedesarenny, ahinanarenny dori abrunarenny rehemyny. ²⁶ Kobe lāhāxe atyhydŷŷ sōwereny tule dori. Ilabiereny rybemy rybedutyhy aōkō rityhynyreny.

²⁷ Warybe-ò taholatenyteriki inihe ararybekre. Aōludu luummy atxibenyke amykyaradurenny-di, awimy idi mabeke. ²⁸ Ibinamy aōma umy rarybekeki aōbinahakŷ riwinykeki, tamy bexitōenykre Deuxu-ò. ²⁹ Aōsŷny-ribi anahatenykeki iyre-ribi iwyōdŷŷmy tamy bexirahōreke. Inyō atyky riwykeki tule tamy arahana biwahinyke. ³⁰ Iwese aōtxiu aōna inyō adee rex-itōenykeki, tamy biwahinyke ixiby iribi iwydykōkemy. ³¹ Aōbina inyō adee riwinykōkemy atximahāte. Iwese tiu kia aōhōkŷmy inyō isŷdŷŷōmykre. ³² Kai aluu mahādu sohojile iluuōmyke; òrarudu mahādu dori tuu rŷimyhŷre. ³³ Kai aery mahāduòle tawotōmahāte, timyki Deuxu-ribi aō atarasaōna. Iny itxŷte iehehe mahādu dori widee rawotōemy hŷre. ³⁴ Ōrarudu mahādu heka widee rihuōtemy hŷre. Iribi tahe iwesele ixiby kidiwykemy idi riwisŷnymy hŷ. Kai ta buhuōtemy hŷre idi tehuōtete ixiby irarōsōkōmyke. Tukōkeki ta Deuxu-ribi aō atarasaōna. Aōludu luummy atximahābenyke. Tai Deuxu-ribi aōwihikŷ bitakre. Tai Deuxu wihikŷ riōremy mabekre. Tii dori inywi-ò inyina-ò awire. ³⁶ Awimy kaiboho boibeke, iwese boreny awimy biu-ki ratximy hŷre wese. ³⁷ Inyōdee kyarakōmyke tai Deuxu adee rakyarananyheny. Inyō taōraruna biixāwididŷŷnyōkeki, Deuxu tahe aōraruna riixāwididŷŷnyōkre. ³⁸ Ainytyhyke inyōdee imyna

Deuxu adee rainytyhynanyhykre. Deuxu ibutumy aõwi adee riwahinykre. Tiwesebo tõwahite wesemyna idi Deuxu adee rõwahikre.

³⁹ Aõmybo ribedeerynyre ijyõmy relyyre: —Inyõ ruetà heka riwiõhenanyõtyhy iwitxira iny ruetà. Tuokeki heka hãloo-txi wiwana resekre. ⁴⁰ Ierysõdõyõ iõrysõdõyõdu, kia ratyre aõkõ ratximyhõ. Kia uladu ratyritinyre nihikõmy tahe erysydu tiu taerysydõyõdu ratyre ratxiõmyhõre. ⁴¹ Õwõrukre nihikõ aruety-ki roire. Aõhereki-bo aseriõre ruety-ribi õwõru rõnysiõ tarasamy tewisõnyteri. Kia heka itxenadõyõdu tate. Juhuu õwõrukre aruewo-ribi bitakre. Idi tahe betehemy iruewo-ribi aõsõmo bitakre. ⁴³ Õwõru wihikõ tiu bederaty binaõ riwahinyõhymyhõre. Tule õwõru binahakõ bederatywimy raratynyõmyhõre. Õwõru raerymyhõre iraty-õ itxere rõimyhõre, beraty-õ retehemy awire ada ibinare aõbo beraty-õ retehemy awire ada ibinare aõbo. Figoraty uvaraty tiu iwitxira õwõru-ribi raheõmyhõre. ⁴⁵ Hãbuwi heka aõwimy rotõyõnymyhõre iwo-ki tuu rõimyhõremyna. Tule hãbu bina aõbinamy rotõyõnymyhõre iwomy tuu rõimyhõremyna aõbina bina. Inyõ dori aõmy raraykymyhõremyna rarybemyhõre.

⁴⁶ Kai rarybere boholaõkeki aõbo biwinykeki. Uritere wanidõyõmy. Wanyrõmy tiwaninimyhõtenyete tahe warybemynamy atxõhyylemyhõtenyete. ⁴⁷ Tiwese hãbu warybe riwinyre wese adee ararybekre. Tiu heka ariteõsinykre. ⁴⁸ Hãbuõmy akoreny arelyykre. Tii warybe-õ roholare idi imynany rotõyõnyre. Tii kiata taheto riwinyre manadelemy ria-di. Beõra iheto reseõhyre manatyre-ki relereki wahe. Ikõmyta warybe-õ roholakõre, kawese rotõyõnyre. Taheto uritere sukile riwinyre. Beõrau ta, urile resere. Ikyhynakõreki wahe. Kiamyta rotõyõnyre warybe tyhydõyõdu-õ idi ityhydõyõdu-õ.

7 Jesuisi tarybe rahu-di tahe Kafanaõ hãwã-õ rare. ² Tai Roma soldado dinoduõ tai ihõmyhõ. Teõduõ tahe binamy irubu iõhõmy roimyhõ. ³ Soldado dinodu Jesusini-õ roholareu tahe, iõrysomy rarybere. Taita judeu mahãdu kia matuariõ rexitõenyre aõma ki-didykremy riteytenykremy kia webinadumy roireri. ⁴ Tahe Jesuisi nade juhu be kiamy Jesuisi rarybere: —Ka hãbu heka awi biwiõhenanykre heka. ⁵ Ka hãbu heka wajoi luu nihikõ rare ihymy ta dohodõyõna hetoõ riwinyre wajoi-õ. ⁶ Tai tahe Jesuisi rare tiiboho-wana. Tehemyny sõ iõhõmy rare. Idi tahe ryrowetyakile Jesuisi-wana wii riõbinyre. Aõma soldado dinodu kia biõwa-õ wahe. Rarybere he aõma soldado dinodu kiamy rarybereri: —Noõmy heka. Ihãrele teka awimy rareõle heka bedehemy mynyke. Awi tate timy heka anaixiranyõtyhy dori raixõruwõhõre alau adee itõedõyõ-õ aõma dori adee rybe rõikekile aõweseleke wadeõdu kia reytemy reake. ⁸ Jiarõ dori inydee radõyõdu jiarõ rare. Aõbo riwinykemy. Kia riwinyre warybemynale kia heka jiarõ rare. Wadeõdu-õ rarybewãhãraki heka: —Kia biwinybenyke. Riwinymyhõrenyre. Kai tule marybeke, beyteke. Tahe aõwese reytemy reake. Robedeõtiidõyõnyre, kia tuu rarybereri wahe. ⁹ Jesuisi rõkesereri kia rarybemyhõ wahe: —Jiarõ ka tiu judeu

mahãduy-ki. Hãbuõmy rabiõ watyhydõyõnyre. Rabireri riwatyhyreri rabireri. ¹⁰ Soldado dinodu deõdu rõõkesereri. Ixyby reytereri idi ronyre.

¹¹ Jesuisi rare terydõyõna mahãdu-di ijõ hãwã-õ. Naõ hãwã-õ heka rare. Kiemy rahymy heka rahyre. Sõwemy iny iheki rare. ¹² Hãwã ijõ-ki rehemynyre tahe kia ibutumyle rehemynyre. Sõwemy iny rubudu rareõ wabede-õ. Weryrybõõ rurure. Ise, wytese, heka iriõre sohojihyylere. Iny sõwemy heka riheludunyre tahi-di taibru-di. ¹³ Tai Jesuisi tuu robireu, idi rexiwõtenymy kamy rarybere: —Ibrukõmyke! ¹⁴ Jesuisi debõ ritidire caixaõ-õ. Iu idi itxyydu ruhurenyre. Idi tahe rarybere: —Weryrybõ, bexixake wahe. ¹⁵ Weryrybõ rexixamy reamy ronyre. Idi rarybere. Tai tahe Jesuisi ise-õ riwahinyre. ¹⁶ Ibutumy tasõ mahãdu ribedeõtiidõyõdunyre. Tai tahe Deuxu riwowydynymyhõrenyre: —Ebe, aõherewe, Rybedu nihikõ kõnyhe witxijumy inydeereny rehemynyre. ¹⁷ Kia taheka bede bede hãwãmy Jesusini reare.

¹⁸ Joaõ heludu mahãdu ibutumy tuu relyyre iko. ¹⁹ Inatxinarenyre Joaõ riteõnyre Jesuisi dõyõraximy kamy wahe: —Kaiwe nodu aõbo tate, ada txiõ aõbo ini nodutyhy ariraõrenykre? ²⁰ Idi Jesuisi-õ rõrenyre tuu itõyõraxidõyõmy; —Kai we nodutyhy tate? Ta txio aõbo ini ijõ ariraõrenykre? ²¹ (Iu ta Jesuisi yla aõkõ webinadu, binamya binana mahãdu riteytenyra, tytybybinamy kydu mahãdu, iruetà mahãdu sõwemy tule.)

²² Irahu-di ta Jesuisi rarybere Joaõ ijoi-õ: —Bõõsebenyke. Ibutumy kamy tabitenyta taholatenyta Joaõko-õ tuu belybenyke: —Iny ruetà bina mahãdu retehererimy, Iny rutiãre mahãdu rariarerimy, tybinamy binana mahãdu reytererimy, iny nohõitty mahãdu roholarerimy. Iny rubu mahãdu heka rubu-ribi rexiarerimy, urimynodu mahãdu heka Rybewihikõ Tõmyra-õ roholarerimy. ²³ Iny bedesa heka rare, warybe tyhydõyõdu mahãdu.

²⁴ Joaõ heludu mahãdu iribi rõhõnyre tahe Jesuisi rarybere Joaõ bededõyõnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyete ki wahe. Otxirarade wese yhy-ki idi tahõtinytenyete. ²⁵ Aõma hãbu urimynodutyhy aõbo tahõtinytenyeteri. Hãbu tywihikõdiremy tahe tahõtinytenyete. Iwese iõlõ taheto wihikõ-ki ratximyhõre wesemy aõbo tahõtinytenyeteri. ²⁶ Wadee manarybeke aõbo betehemy tahõtinytenyeteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. ²⁷ Aõma dori tyriti-ki rarybemyhõre:

—Tii heka wakoki kadehemynykemy ratximyhõre, tamy relyykemy, ryõ riwinymyhõre.

²⁸ Inatyhy kaa rare. Tie heka ibutu hãbu ratyre ratximyhõre. Ihãrele tahe inyõ Deuxu iõlõna-ki ratxikeki heka iratyre ratximyhõre. ²⁹ Tahe nieru butudõyõdu mahãdu kia-õ roholare. Tule sõwemy iny kia-õ roholare. Tiiboho Deuxu bede ywina tyhydõyõdu mahãdu roire. Tule Joaõ Sebedõyõna mahãdu roire. ³⁰ Fariseu mahãdu tahe, bedeywina erydõyõdu mahãdu tahe Deuxudeewina dera rare. Tai Joaõ-õ ratisebemy roiothy. ³¹ —Mowesebo

heka wijinabòdu mahādu wesemy ratxireri. ³² Uladu mahādu wesemy tiiboho ratxireri. Tiiboho ijō uladu mahādu-ò rryrmyhÿre: —Inyboho rawiunyre, tahe kai-boho teseòtyhy. Wobina wiu rawiunyre tahe kaiboho tahinyòtyhy. ³³ Joaō Sebedÿÿdu renareherenyòmy rÿire, vÿi riòðre. Ihāre tahe kaiboho tarybete: —Tii tyytybybina-di ihÿre. ³⁴ Hābutyhyhykÿ jiarÿ rare, Deuxu Riòre wahe. Jiarÿ reroximyhÿre tule reòmyhÿre. Tai tahe tarybemahāte jiarÿ wabyre nihikÿlemy wamomohòkÿremy. Jiarÿ riki òrarudu liinatyhy heka jiarÿ rare, nieru tarasadu liina wahe. ³⁵ Ihāre tahe aòikòkòlemy heka taraykynymyhÿtenyte ihāre taheka òbitilemy ixi-di tahòtinymahātenyte.

³⁶ Fariseu mahāduò heka Jesuisi ritobinyre taheto-ò roximy. Jesuisi tahe rare idi ronyre roximy. ³⁷ Kia hāwā-ki tahe hāwyyò rasÿnyre, wydena wahe. Tii heka Fariseu heto-ki riroxirerimy roholareu, tii tule rare. Tahe hyna òwyhykÿ rimony. Alabastro aderònahynani rare. ³⁸ Hāwyy tahe Jesuisi hewomy ronyre, iòhòmy. Tahe aderòna ritxiwire iwatyre. Tule iwa-ki ruworuwòmy ratximyhÿ irube-di iwa risuhòra idi irade-di rabunyre. ³⁹ Fariseu kiamy robireu, ixideele rarybera: —Kia hābu Deuxu rybeduò aòkò rare. Tuukeki tii hāwyy rieryke aòhāwyybo tii ratxireri. ⁴⁰ Jesuisi tahe fariseu-ò rarybere: —Simaò, adee ararybekemy watzireri. Simaò tahe rarybere: —Manarybeke Waerydÿÿdu! ⁴¹ Tahe Jesuisi rarybere: —Nieru huòteduò heka inatxi hābu-ò nieru riwahinyre. Ijō 500 rihuòtera, ijō tahe 50my rihuòtera. ⁴² Idi tahe hābu inatxi nieruòhyymy rÿire òòsemy tanieru tamy. Tai tahe nieru huòtedu riwotòenyrenyre tahe ritusanyre, wiwana iòwy riixāwididÿÿnyre. Tibo huòtedu ilāhānadÿÿdu tyhyre. ⁴³ Simaò dirawyònyde: —Kia òsana 500my rihuòtere. Tahe Jesuisi rarybere: —Inatyhy rare. ⁴⁴ Jesuisi tahe hāwyy, rijemy, tahe Simaò-ò rarybere: —Kahāwyy ini bidiijeke. Jiarÿ nadehemynydeu, tii tarube-di wawa risuhòra. Kai beeò tadiwyòte. Tii tarube-di riwawasuhòra. Iu tarade-di riwawarabunyra. ⁴⁵ Kai tiwawehityhynanyòte rehemynyrau, tii tahe riwaatyòhyymy ratxireri. ⁴⁶ Kai warade-ki òlÿre tetxiwiòta tii tahe aderòna wawatyre-ki ritxiwire. ⁴⁷ Tai tahe adee ararybekre. Tii inatyhymy waluure. Taòraruna ixāwidÿÿna-ki. Inyò iòraruna ibutemy raixāwidÿÿnymyhÿreki, tii inatyhymy aòkò taòraruna ixāwididÿÿdumy reamyhÿre. ⁴⁸ Tai Jesuisi hāwyy-ò rarybere: —Aòraruna reixāwididÿÿnyre. ⁴⁹ Tai roxidu mahādu widee raryberenyre: —Mohābubo kia rare? Tii òraruna riixāwididÿÿnyrerimy. ⁵⁰ Tahe Jesuisi hāwyy-ò rarybere: —Atyhydÿÿnyamy textarasadÿÿnyte aòraruna sòwe-ribi biu-ò hena tetateri. Mata hÿny.

8 Rexideleny raremyhÿ ralòralòmy hāwā hāwā ikòkòmy reamy rare kia aòma Deuxu Rybewihikÿ Tÿmyra relymy rare. Tai ierdÿÿna mahādu waòinatxi reuròmy idi ròirenyre. ² Tule hāwyyò tiiboho wana ròirenyre Ijòta Marie Madalena heka rare. Juhuu tahe tyytybybinahakÿ-di raremyhÿ. Idi debò inatxi reuròmy tyytybybina iribi riòlòdÿÿnyre. ³ Ijòta Joana Kusa hāwyy

rare. Tii iòlò Herodi heka aòmÿsÿdÿÿdu heka rare. Tule ijō hāwyyò Susana inire. Idi tule ihona hona Jesuisi taijoi-wana ibutumy tanierureny-di riwiòhenyrenymyhÿre.

⁴ Idi iny sòwemy titxiribibo dirahude kia-ò. Kia mahādu-ò heka Jesuisi ribedeerynyre ijyyòmy. ⁵ Alòbòròna-di dehudu heka ròhònyre taoworu-ò. Alòbòròna-di imahādu ijō ryro-txi resere. Tai heka iny rariamyhÿre alòbòròna tyre-ki. Nawii tule tuu riroximyhÿ. ⁶ Mana rotysu-txi ijō rejuxunyreri mana rotysu-txi suu dori ibututere tai tahe iraruxiòlemy raumynyre. ⁷ Ijō tahe edey-txi resere. Raumynyreu tahe edemy riòhÿtÿnyre. ⁸ Ijō resere suwi-txi. Tai ta raumynyre idi sohoji alòbòrònaty-ribi 100my raratynyre. Jesuisi tamy rarybere: —Kaiboho òhòtirenidykeki heka inatyhymy warybe-ò boholabenyke.

⁹ Tai tahe Jesuisi-ò rÿÿraxinyrenyre: —Aòwe kaa tekewesenanyteri? ¹⁰ Jesuisi rirawyònyre: —Kaiboho heka teerytenyte aòbohe wasimy ijyy rare Deuxu dori adeereny ritÿnynynyre. Kia tahe rare, Deuxu Iòlòna aòmÿdÿÿnana wahe. Ijō iny-ò tahe rarybere ijyy-di rellyre.

Tai robikre tahe, rieryòtyhyke. Roholarenkre tahe rieryòtyhyke, timybo juhoo Deuxu rybemy rybedu mahādu rarybere wese.

¹¹ Aòmÿbo kia aòijyybo kia rare wahe. Alòbòròna heka Deuxu Rybewihikÿ wese rare. ¹² Ryro-txi resere heka ijohonadu wesemy rare. Deuxu ijyy heka resera ede sòwey-ki. Tii heka Deuxu Rybe-ò roholamyhÿre mahādu wese rare. Idi tahe Satanasi heka ritamyhÿre iworeny-ribi. Tai rityhynyrenyòmy idi biu-ò rahenyòkremy. ¹³ Ijō tahe manasuò-txi resere heka, kia Deuxu Rybe-ò roholamyhÿre mahādu wese rare. Rybe-ò juhoo roholamyhÿre deysana-di rityhynymyhÿre. Kia manatyre resera heka irarutiòhykre. Iny mahādu wese heka rare. Idi ikyhynakòreki, iwodelòlòtòmoreki urile tatyhydÿÿna riatymyhÿre. ¹⁴ Ijō tahe edesuyky-txi resere heka, kia Deuxu rybe-ò roholamyhÿre, idi iworekena sòwemy, iaòdelòlòtòmomy, idi ityhyna wahe urile riòhòtÿnymyhÿre. Tai ròwiòhenadÿÿòhyymyhÿre Deuxu tyhydÿÿna-ki. (Kia tahe alòbòrònaò ede yky-txi resera tahe iny umy witxira wesemy heka rare. Iny umy tyhyna idi ratxireri heka kia wesemy kia ede-txi iny reseremy. Aòma kia inythyhyna ratxireri. Tiu heka ityhydÿÿna riòlòdÿÿòtyhy. Kia alòbòròna tahe tai heka rokuòtyhy.) ¹⁵ Kia ijō alòbòròna suu witxi-txi reserá tasÿ iwitxira inywesemy rare. Kia ijohonadu aòma rierymyhÿre. Irayky-ò ralòmyhÿre. Kia iwotyhywo-ò òbitimy ratxireri tahe, òbitilemy aò riwinymyhÿre. Iwese kia alòbòròna sòwemy raty rawahinyre wese tahe tii rare. ¹⁶ Ijō ijyy tahe kiamy roire. Uritere inyò loosònaò rideòmykre butxi rawo-txi ada herina rawoò-txi aòbo. Loosòna bidekre bedewiò-ò. Tai tahe ibutumy bede ritoosònanykre. ¹⁷ Aò heka tai wasimy ratxiòhyymyhÿre. Aòutxumy dori ibutumy erynamy rarekre. ¹⁸ Tahe bexi-jebenkre ijohona-ò. Kia sòwemy idi rÿirerimy ihÿre heka sòwemy rimykre. Kia urihimyo iwo-ki rÿireri heka iribi ritakre. Idi ibutumy rÿireri heka iribi ritakre. Uri-

himyò iribi iny ritakre. Urihimyò iwo-ki rÿireri heka hulemy iribi ratakre.

¹⁹ Jesusise, tariòreboho tamy doide. Tii ròbedeery-dÿmyhÿki isirare tamy dehemyšÿ iny sòwe òraru-ki. ²⁰ Tai inyò Jesuisi-ò rarybere: —Adihe wa aseriòre boho hewa ahanakile ratxireri umy robikemy ratxirenyreri. Adee rarybekemy. ²¹ Tai Jesuisi rarybere: —Waseriòre wa kia Deuxu rybe erydÿÿnaò rare. Kia tamy roho-lamynyrele heka rityhynymyÿrele heka nadi wesele rare. Tii-wana iwese waseriòre wesele rare.

²² Iribi tahe hãworo rorukurenyreu Jesuisi rarybere: —Ròkòireny kanawe-ribi ijà-ò. Idi tahe roirenyre. ²³ Jesuisi ròròmy tòru-ki. Idi tahe yhynihikÿ òbòni-hikÿ-wana tamyre ny reare. Ruberurenyre tiiboho rÿmyrenyke lau. ²⁴ Tai tahe wylemy riixixanyrenyre: —Erydÿÿdu, Erydÿÿdu rekekoarenkyre berahatxi-ò. Idi Jesuisi donymy deademy tahe yhy dee rarybere: —Biyryke, Biyrykewa. Yhy ruhummy resere. Òbò tule ruhummy ibutummy riyryre, iny rurukre. ²⁵ —Kaiboho tiwexe ainatyhynareny? Tiiboho rabedeòtidÿÿmy ruberummy widee raryberenyre: —Aòhãbuwe kaa rare. Yhyhykÿ dori òbò dori irybemy reòbyreri.

²⁶ Kanawe-ribi ijà-ò rehemynyrenyre Kerase bede-ò kalileia aho weribi-ò. ²⁷ Hãbuò heka tamyre ny dobehede hãwãhãkÿ-ribi tamyre ny dobehede. Tiiboho riò-tyròny hãwãro-ribi iu ta tyytybybina-di ratximyÿre hãbu tiu rexitynyòhyymyÿre tatyy-di hyymyÿre. Kiamy wabedekihyule ratximyÿre. ²⁸ Jesuisimyy robireu tahe bedetxile resere tairy-di ryryre: —Aòhebo biwasÿnykre Jesuisi. Kai Deuxutyhy Riòre atxiteri. Uritere aòhòkÿmy wasÿdÿÿòmykre. ²⁹ Tahe Jesuisi heka tyytybybina iribi riòlòdÿÿnyre. Sòwemy dori riuwinyre hãbu rimymyta. Riuwinyre idi rihure. Tai heka tii uritiere womati reroti-di ritaataamy riijemyÿre. Ihãre tahe ixi-ribi riòròmyÿre. Tai bedero-txi reamyÿre tyytybybinamy rawonymy. ³⁰ Idi tahe Jesuisi rÿÿraxire tamy: —Mobo anire? —Sòwemy wanire. Tyytybybina sòwemy dori tuu rexiykynyreki. ³¹ Tiiboho raryberenyre: —Uritere bedebinahakÿ-ò wateòdÿÿrenyòmykre. Uritere sÿu-ò noòma rarekremy hãlootxi-ò. ³² Iu tahe ixÿni juramy riroximyÿ hãwãlò-ki. Tai tyytybybina mahãdu Jesuisi-ò rarybere: —Biwateònyòke. Kowa ixÿnijura-ò biwateònybenyke aralorenkyre. Tai Jesuisi riròtenyrenyre. ³³ Iu kia hãbu-ribi tyytybybina ròhònyrenyreu tahe ixÿniwo-ò ralòreki wahe. Raòlònyra ijò-di rejuxunyre taraò wahe. Ibutummy ahoro-txi rejuxunyre. Ibutummy rururenyre berahatximy. ³⁴ Ixÿni-di itxeredu mahãdu ibutummy rajiranyra hãwã-ò tule relyyrenyre tuu iny rasÿnymyÿre mahãdu-ò. ³⁵ Tai iny dirahude tamy itxeremy. Idi tahe rare Jesuisi-ò. Hãbu robimyÿrenyre tatyky-di ronmyÿÿ ibutummy rexiywinymy Jesuisi-ribi iòhòmy ronyre. Kia iny mahãdu heka sòwemy ruberure rabedeòtidÿÿnymyÿre. ³⁶ Ibutummy relyyre. Kia tyytybybina timybo aòhebo rotÿÿnyre. ³⁷ Kia Kadara bede ludu kia mahãdu tahe rexitònyre Jesuisi-ò iribi ròhònykremy, ilau ruberurenyreki wahe. Idi tahe Jesuisi ròkòsere ixbyle reare hãworo-ò. ³⁸ Hãbu tahe rexitònyre Jesu-

isi-wana rakremy, kia tyytybybina-di iwo-ki ratximyÿre wahe. Tamy rarybere: ³⁹ —Aòkòre bòkese aheto-ò. Ibutummy belyyke aòbo adee Deuxu riwinyre. Tai ta ibutummy hãwã hãwã-ò relyyre aòhebo Jesuisi risÿnyre. ⁴⁰ Kia iny sòwehekÿ mahãdu heka teysa-di rimyre ridyremyÿre riraòhyummy ratximyÿreny. ⁴¹ Kia hãbu dohodÿÿdu hetowo erydÿÿdu tahe nade Jesuisi-ò. Tii heka dohodÿÿnana dinoduò rare. Ijairu inire Jesuisi-ò sutxi resere: —Mynake wasÿ Jesuisi ⁴² Jiarÿ wa wariòre sohojile rare waòinatxi reuròmy iwyra. Tii ka rurukremy roireri. Idi ta Jesuisi rare isÿ-ò. Sòwemy iny Jesuisi riheludunyre.

⁴³ Hãwyyò raremyÿ heka hãwyy webinadu rare iòhò Jesuisi rexisÿny waòinatxi beòramy heka idi ròhònyre hykyky hãlubu ratxireri. Tiu heka inyò retytenyòhyymyÿre luahidÿÿdu, òhotibedu mahãdu he risiranyre. ⁴⁴ Tai tahe Jesuisi tykysi-ò reare. Tai ta aòwesele reytemy reare. ⁴⁵ Jesuisi rarybere: —Mowe watxi reare? Ijò rarybereri: —Erydÿÿ mahãdu aòkòre, jiarÿboho aòkòre. Pedro rarybere: —Aòheta sòwe iny kaki rÿireri. Timykibo tuu tÿÿrayiteri. ⁴⁶ —Jiarÿ dori reeryre. Mobe watxi rearaule reytera. ⁴⁷ Tiihe hãwyy ratxiremyÿ ramyatamy. Tamy ramyatamy heka tamy rehemynyre. Iòraò rexibedenyre. Ibutummy iko tuu relyyre. Aòherekibo itxi reriramy. ⁴⁸ Tai tahe Jesuisi tamy rarybere: —Lerÿ, atyhydÿÿna myna teyteta. Ta bexiywinymy tahÿny maa!

⁴⁹ Kie raryberemyÿwanale tasÿ iny witxiraòle dehemynyde. Kia aòma dohodÿÿna wedu heto-ribi dehemynyde. Ijairu-ò rarybere: —Ariòre wa rurura. Uritere ta òhotibedu-ò ijiraòma ixinamy tii rakre. ⁵⁰ Jesuisi kia-ò roholareu tahe Ijairu-ò rarybere: —Urile bityhybenyke. Breburenyòma tii reytekre. ⁵¹ Tii rehemynyre heto-ò. Jesuisi ralòre iny deramy reare. Tii wana rake lau. Kia uladuse, uladutyby, Pedro, Txiau, Joaò wana kiale ralòre tamy tiiboho wana. ⁵² Ibutummy rasÿbinamyhÿ Jesuisi rarybere: —Ibryrenyòmyke hewa rurummy aòbo roire, urile ròròmy roireri. ⁵³ Ibutummy reryrenyrenyri tiiboho urile tai idi risinyrenyre rurummy roimyyhÿki. ⁵⁴ Jesuisi ihãre ta hirari debò-ki rimyre. Tai tahe idi rarybere: —Hirari, bexixamy, bodonyke. ⁵⁵ Ityytyby aòwesele ixityre tamy ralore. Dexixade, donyde. Rÿsÿna hirari-ò riwahinykemy Jesuisi rarybere. ⁵⁶ Tai tahe tybyboho sòwemy rabedeòtidÿÿrenyre radesarenyre. Jesuisi rarybereri: —Urile wamy iyyrenyòmykre. Aòbo adeereny rewinyramy.

9 Jesuisi tahe tawaòinatxi reurò taerydÿÿna mahãdu ributunyre. Taruru tamy riwahinyre tyytybybina iny-ribi ritakremy. Tule iny webinadu mahãdu riteytenykre. ² Tule rarybere tamyre ny: —Kaiboho belyybenyke Deuxu kia Iòlònamy tule webinadu biteytenybenyke. ³ Aò awanareny wydnyrenyòmykre debòna aòkò, aòna hyna tule aòkòre. Tule rysÿnake aòkò, nieruke aòkò. Ainatxityyke aòkòkre. ⁴ Hãwã-ki hetoò-txi malòkeki taile bonykre. Hãwãribhyule bòhònykre, kia heto-ribi bexitakre. ⁵ Ibinamy aramyrenykreki, urile bixitakre. Idi òlòna-ki, awa bitònykre ibinamy tai tahatenyaki. ⁶ Tiiboho ròirenyre

hāwā sōmo sōmo-di Rybewihikŷ Tŷmyramy re-lyyrenyemymy rōirenyre. Tule iny webinadu ibutumy iteyteynyreny hāwā hāwā-di.

⁷ Idi tahe iòlò Herodi ibutumy heka aōna aōna rierymy ratximyhŷ. Tai tii bede ryy rieryōhyymy ratximyhŷ aōbo riwinykre. Roholamyhŷre heka iny rybe rybe-ò. Joaō heka rexixamy ratxireri. ⁸ Ijō tahe kiamy rarybereri: —Eliasile ratxireri. Ijō rarybere Deuxu rybemymy rybeduō ratxireri. ⁹ Tai tahe Herodi kiamy rarybereri: —Jiarŷ heka Joaōra resymy rewahinyre. Mobo ratxireri iwese Joaō raremy wese he ratxireri. Moobo ta kiamy raholamy watxireri. Tai Herodi tuu robikemy riwisŷnymyhŷ.

¹⁰ Jesuisi erna iko relymyhŷreny ibutumy aōbo aōhebo rotŷŷnyreny tabeledŷŷnana. Jesuisi riòlōnyrenyre ijō hāwā witxira-ò, Besaida hāwā-ò wahe. ¹¹ Tai iny sōwemy hekŷ rieryōlemy idi ta rieryre tahe sōwemy ihemy rare roirehe. Jesuisi he ributumy ikole relyre. Deuxu Iòlōmy relymyhŷre. Tai ròteytedŷŷmyhŷ webinadu mahādu. ¹² Aōtxu tahe katxioromy Jesuisi erna mahādu, waōinatxi reurò mahādu tany raryberenyre: —Bede biywinyke ibutumy iny rŷireri hāwā-ò tarŷŷna òbradŷŷmy. Inyboho dori bedero-ki ratxirenyre. ¹³ Tahe Jesuisi rarybere: —Kai-bohole rŷŷna biwahinybenyke. Rirasŷnyrenyemymy ierydu mahādu diwònydenyde: —Aōheretahaka, iruyre orotxu idi inatxi uturale heka roireri. Aroikemy aōbo wadireny atxiteri rŷŷna òbradŷŷmy inysōwe-ò. ¹⁴ Txibo 5000 hābu sōwemy heka rŷimyhŷ. Jesuisi rarybere: —Bihitxinybenyke 50 iny heka iny bisŷnybisŷnybenyke. ¹⁵ Tii myna ieryna mahādu rotŷŷnyrenyre. ¹⁶ Idi tahe Jesuisi utura inatxi, orotxu iruyre rimyre. Biu-txi reteheremy rexitōenyre. Deuxu reàlère tany rexitōenymy riyyrenymy riwahiny taerydŷŷna mahādu-ò. Riwyrenyre tahe riwahiriwahinyrenymy idi roire. ¹⁷ Ibutumy riroxirenyre idi rihydyrenyre. Ihāre ta waòinatxi reuròmy hyna ixyby rŷiximy rauhenyre. Idi ierydŷŷna mahādu ixyby ributumy.

¹⁸ Jesuisi heka ixisohojile rare ixitòedŷŷmy. Ierydŷŷna mahādu heka irarò-ki rŷimyhŷ riijemy rŷimyhŷ. Idi tahe tany nade tŷŷraximy: —Mobohe jiarŷ raremy wamy raryberenyre? ¹⁹ Tai narybedenyde: —Ijō Joaō Sebedŷŷnamy adireri. Ijō ta Eliasimy adireri. Ijō ta juhuu Deuxu rybedu mahāduōmy adireri. ²⁰ Jesuisi tany rarybere: —Adeereny tahe. Mobo jiarŷ watxireri. Idi Pedro rirawònyre: —Kai Kristu tate, Deuxu deòdŷŷna wahe. ²¹ Tahe Jesuisi tany rarybereri: —Uritere tuu iny-ò ijyckōkremy. ²² Jiarŷ Hābutyhyhykŷ, Deuxu Riòremy, aōhōkŷmy arotŷŷnykre. Judeu wedu mahādu, xiwena wahidŷŷdu wedu mahādu, bede ywina erydŷŷdu mahādu waderamy reakre. Jiarŷ arurukre. Inataōna txu-di arexixakre. ²³ Idi ibutu-ò rarybere: —Wahemy kanake mahādu urile ixi dee rexi-ijōnykre. Txuō txuōlemy taitxeò rimymy kidiwahe-ludunykre. ²⁴ Waòrany-ki rubudu heka biu-ò hedukre. Tukōkeki urile ixinany inatyhymy rurukre. ²⁵ Aōmydŷŷnanamy iny ritakeki, tahe taumy riònonykeki, kia heka aōmy aōkōkre. ²⁶ Inyō raixŷrukeki warybe lau tule jiarŷ

Hābutyhyhykŷ, Deuxu Riòre wahe, tai ilau araxŷrukre. Deuxuko-ò ŷjuko-ò iu adehemynysŷu Deuxu Iòlōna-ki wahe. ²⁷ Inatyhymy heka adeereny ararybekre. Ijō kaki rare. Deuxu Iòlōnamy robikre tarubukōtyre

²⁸ Tahe debò inataō txuu rŷidi, Pedro, Txiau, Joaō-wana Jesuisi ridyre. Tiiboho sohojile bederatò-ò roire Deuxu-ò rexitōenyemymy. ²⁹ Jesuisi rexitōenyre tii tanyreny rexiwitxiranyre iu rexitōenyre ity heka urile rabòtōranyre. Iurahakŷmy relere. ³⁰ Tahe tanyreny dexitŷnynde Eliasi, Moisesi-wana tahe rarybemyhŷre Jesuisi-wana. Jesuisi rubunamy Jerusalē hāwā-ki widee rarybemyhŷrenyre, kia Deuxu bedeywidŷŷnana myna. ³² Pedroboho rōrōnyre. Idi tahe rexitōenyre, tiiboho Jesuisi loosōnamy robirenyre. Eliasi, Moisesi-wana tiiboho tuu robirenyre. ³³ Rōireri, Pedro rarybere Jesuisi-ò: —Wawedu, awityhymy inyhe inyboho kaki ratxirenyre tahe rikiwinyreny inataō hetomy, ijō adee, ijō Moisesi-ò, ijō Eliasi-ò. Pedro rieryōlemyhŷre aōmybo rarybemyhŷ. ³⁴ Tai rarybereu Nonoe dobehede iubòrōna bede ritòbònyre. Pedro, Txiau, Joaō-wana ruberumyhyrenyemymy. ³⁵ Tahe ròhònymy reare rybeuni iuribi: —Kia heka Wariòre waluu rare. Kaiboho tany bohlabenyke. ³⁶ Tiiboho reteherenyre tahe inyōmy robiòlerenyre Jesuisilemy ta robirenyre. Tahe rybeōmy rŷirenyre. Iu inyō-ò aōmy raryberenyōre tuu.

³⁷ Tai tahe ijō txu ratò-ribi dehemynydeu iny sōwehekŷmy Jesuisi-ò ròirenyre. ³⁸ Inyō rarybere: —Erydŷŷdu, wariòre adee redyri. Beteheke wariòre sohoji-ò. ³⁹ Tyytybybina rimymyhŷre tahe riatyre bede-ò. Idi tahe urile txuu riyiyidŷŷnymyhŷre. ⁴⁰ Aerydŷŷna-ò jiarŷ rarybera tyytybybina riteònykremy, tahe tiiboho ri-ixāwidŷŷnydhyrenyre. ⁴¹ Jesuisi tanyreny rarybere: —Tiwesebededŷŷnanabo wijinabòdu ityhyōlemy rŷira. Tiwesebededŷŷnanabo akynyre-ki ariijekemy. Wadee uladu bididyke. ⁴² Tahe didydenyde Jesuisi-ò. Tahe tyytybybina urile riitxŷteitxŷtenymy resere. Idi tahe urile bede-ki rexiraòhòhòremy sutxi resere. Idi rarybexinyemymy. Rybexi irywomy ròhònymyhŷ. Jesuisi tahe tyytybybina iribi riòlòdŷŷnyre uladu riteyteyre. Idi uladu tyby-ò riwahinyre. ⁴³ Ibutumy iny Deuxu aōwidŷŷna-di bede riòtiinyre.

Jesuisi taerydŷŷ mahādu-ò rarybere:

⁴⁴ —Boholatyhyki warybe-ò, Deuxu Riòre Hābutyhyhykŷ heka rawahidŷŷkre hābu mahādubina-ò. ⁴⁵ Tiiboho rierykōlere. Kiamy dori ilaureny riwore. Tahe ruberurenymy tŷŷraxidŷŷki.

⁴⁶ Ryro-ki ierydŷŷna mahādu widee rarybemyhŷre: —Mowexe wiratyre ityhykremy. ⁴⁷ Jesuisireny rexi-raykynymyhŷreny rieryre. Idi tahe uladuō rimymy rarybere. Jesuisi uladuō wana ronyreny. ⁴⁸ Tahe taerydŷŷna-ò rarybere: —Moō uladu ka wese wadee riwiòhenanykeki, riwawiòhenanyre. Moō riwawiòhenanykeki, tule waha riwiòhenanyre. Mobo deòdumy reakre, tii ibutu ratyrekre.

⁴⁹ Joaō tany rarybere: —Erydŷŷdu, jiarŷboho riòlòdŷŷnyre tii tuu rabirenyre inyō tyytybybina-di animy rehureriò. Tahe iny mahādureny aōkō rare.

Take jiarýboho tamy reijõnyrenyrene iny inyjoirenyrene aõkõki. ⁵⁰ Take Jesuisi rarybere: —Biiõnybenyõkre. Inyõ inmyrenyðòdukõkeki, inyweribireny-ki tii rare.

⁵¹ Take Jesuisi bededýýnana liixihidu iõhõmy idi biu-ò rakreu, tii Jerusalê hãwã-ò rakremy rexiywinyra. ⁵² Take takomy inybutede bedede riywinyrene. Tai itýhinamy rutõmy Samaria hãwã-ò. ⁵³ Tai take Jesuisi deramy rekoarenyre Jerusalê-ò ramyhýreki. ⁵⁴ Txiau Joaõ-wana kia rierymy take narybedenyde: —Wanyrýhýký, adee wikeki heõty biu-ribi ityrenyrene kedesekeky aritxuhorenkyrene risõrenykre. ⁵⁵ Take Jesuisi irybereny-ki ibinamy rahare take reburemy tað riðõsere iribireny. ⁵⁶ Idi ta iwitxira hãwã-ò roire.

⁵⁷ Take Jesuisi taerydýýna mahãdu-wana roirenyreu, hãbuõ tamy rarybere: —Ihyymy awana arakre titxibo makreu, ahekiye arakre. ⁵⁸ Take Jesuisi tamy rarybere: —Ijõrò heka ihãloo dire. Nawii týtý dire. Take jiarý, Deuxu Riðre wahetoõre, Hãbutyhyký rare hãrele. ⁵⁹ Take ijõ hãbu-ò rarybere: —Biwaheludunye. Take tii dirawyõnyde: —Wanyrý, Waha heka rurura. Tai take juhoo arituunye. ⁶⁰ Jesuisi rarybere: —Txioinihe, rubu mahãdu wii rituunye. Kai take makre Deuxu Iòlõ-namy belyyke. ⁶¹ Ijõ rarybere: —Wanyrý, araheludunye. Urile juhoo wasý mahãdu arawehityhynanykre. ⁶² Tai Jesuisi dirawyõnyde: —Inyõ ritelenykeki, take ixyby òðsemy rexinohõtinkykeki, tii waheludu mahãduõmy rareõtyhy.

10 Jesuisi 72 hãbu heka ritare inatxi inatximy tako-ò tihãwãhãwãtxibo rakreò bedede riywinyrene. Kiamy tamyreny rarybere: —Waijyymy rybemy boibenyke. ² Kiamy heka tamyreny rarybere: —Waaõmysýdýýna heka inihiký-di isirare. Iwese maixõmo iny riðõmyhýre wese heka waaõmysýdýýna rare. Maixõmo oworu heka inihikýre, idi aõmysýdýýdu heka ibutere. Tai oworuwedu-ò aõmysýdýýdumy bexitõenybenyke, Deuxu-ò wahe. ³ Kiaboho heka budoeni wesemy iyreny-ki boibeke. Kia-ribi nohõti losaõmykre. ⁴ Tai heka bexiijebenykre anierureny wydyõmy. Aõna aõna renyhnykeõ aõkõ awareny wydyõmy iny-ò ryberenyõmy iny iny-ò ryberenyõmy, rywetyatyamy abededýýna nodýýmy. Inyheto-ò malokreu Deuxu deysanamy birybenybenyke. ⁶ Tii adee awirenykre wana heka teysakre kahetoludu. Tai take ixibyle adee Deuxu deysana ròðsekre adee awiõhykeki wahe. ⁷ Aõma hãwãõ-ò malò-wana uritere deuròsò deðròsòõmy matximahãke. Tai themynymy atxiterikile bexiijemahã tetxilemy. Uritere rýsýna òta òtaõ aubeò ritidi wana uritere rybeòlõõmy. Birýsýmy rybeõlemy. Aw-iõhedýýmy ruruke wana bimymyhý aõbo adee riwahinyhýre. Iny raaõmysýdýýmyhýre heka ròtamyhýre. Kia wese heka biwinymyhýke. Birýsýmahãke aõbo adee riwahinyhýke. Binaõ roiwana biteytenmahãbenyke. Kia wesemy tamy marybeke: —Deuxu Iòlõna heka iõhõmy ihýre. ¹⁰ Hãwãõ-ò birõnykeki, inyõ aradyrenyõkeki, boibenyke hãwãky-di. Myý marybebenyke tamyreny: —Aõbo wawa-ki hãwã-ki rýireri. Wawa aritõtynykre bryby iribi ròhõnykre. Adeereny ariteõsinykre nohõti

ijaranamy tamyreny. Nohõti losarenýõmy Deuxu Iòlõ-na adeereny iõhõmy dehemynde. Take kaiboho teramy tekoatenyte. ¹² Aõma ywisidýýnatxu heka tiiboho aõhõkýmy rotýýnyrenykre. Jesuisi rarybere: —Tiro hãwã Sidõ hãwã heka awimy aribireny ròhõnykre. ¹³ Kobe làhàxe kai Korasí hãwã, tule Besaida hãwã. Òhotibe ayreny-ki rýire, kia heka Txiru hãwã, Sidõ hãwã tule kire-wana taõ òta òtareny-ribi rexiatyrenyre. Tiiboho tykysausuhukýtyre rexisýnyre bryby-di rexierynyre. ¹⁴ Òhotibetxumy heka Deuxu raruxetõenykre Txiru hãwã mahãdu, Sidõ hãwã mahãdu! Kaiboho take aõkore. Deuxu araruxetõenyõkre. Kai Kafanaõ hãwã yludu mahãdu aõbo adeereny rotýýnykre. Biu-ò aõbo bõibenykre. Aõkõ heka heõtybina bedede-txi heka boibenyke. ¹⁶ Take Jesuisi taerydýýna mahãdu-ò ixyby rarybere: —Inyõ aradyrenykre wana tasý-ò. Iwese riwadyhýre wesele, aradyrenykre. Moo adeereny roholamyhýre iyruwu wadee roholamyhýre. Wana take waderalemy reamyhýre. Waderamy reamyhýre take tule Waha deramy reamyhýre. Deuxu wateðdýýdu wahe.

¹⁷ Tanonanareny-ribi iribi take kia erydýýna mahãdu ibutumy dòðsedenyde. Tiiboho heka teysa nihikýmy dòðenyde. Tybybinahaký heka irybe-ki ròhõnyhýre irybereny-ki. Riòlòdýýnymyhýreny wana Jesuisini-di heka ròhõnymyhýre kiamy Jesuisiko-ò tuu relyrenyre. ¹⁸ Tii rarybere tamyreny: —Bexiijebenyke jiarý dori Satanasimy biu-ribi rabire, biudelaa wesemy reseremy tuu rabire. ¹⁹ Inatyhy rare waruruke nyderi rewahinyrene. Tai hemylala tyre-ki mariabenykeki. Tiu inyõ ruruõtyhy ityitibòrò nihiký arawerenykeki, tiu buruõtyhy. Tule kai aõludu rururatyre arurureny-di boibekre. ²⁰ Ihãrele take uritere deysarenkõmy atxibenyke ka ruru òraru-ki tytybybina deðdýýna, ruru wahe. Kaiboho dori anireny raritinyroimyhýre biu-ki kia ta ateysanarenykre.

²¹ Iule take Jesuisi reysare heka Deuxu Tytybytyhy iwomy reareu. Kiamy rexitõenyre: —Waha, kai wa biuwedu tate ibutu bedede wedu tate. Umy reàlãmý watzireri tamy retõenyre. Wadeysamy watzireri ka aõma dýýnana bederaremy nihiký iribi tewõmy atxiteriki wahe. Tamy hete iwese iny uladu wesemy rityhynymyhýre heka. Tai take tamy ritýnynymyhýre. Kia adeewimy tuu rare. ²² Jiarý heka ibutumy Waha wadee riwahinyrene. Inyõ rieriõhyymyhýre Waha wahe. Waðrarukile take iny rierymyhýre. Moba Waha rare wahe. Waðrarukile dori rierymyhýre. Ijõ aritýnynykemy watzireri. Tai take tiki tule riery iruru. Taile rierykre. ²³ Rexitõenyrahudi take wasimy iwõtemy heka rarybere taerydýýna mahãdu-ò: —Kaiboho heka sõwemy aõwiwihikýmy tabimyhýtenyte. Tai kaiboho beysabenyke. ²⁴ Ihetxiu heka Deuxu rybedýýdu wana kia aõmysýnanamy iòlõ mahãdu wana. Kaireny aõmydýýnanamy robikemy risýnyre, take aõkõhyyre. Wijile heka tuu robireri aðrarureny-ki. Tule tabitenyteri kaiboho ratximyhý inatyhymy aõbo õbitimy Jesuisi ijyy-ò roholarenkykre take aõkõhyyre.

²⁵ Moisesi bede ywina rybe-di räire Jesuisi lÿraxidÿÿmy. Iwese kai ixiluure wese, iny witxira luuke! Tii tahe Jesuisi rihixidÿÿmy rarybere: —Aõhebo arotÿÿnyke biu-ò arahenykemy. ²⁶ Jesuisi dirawyðnyde: —Timybo kÿnyhe Moisesi bede ywina tyriti-ki roimyhÿre? Timybo tuu manarybekre. ²⁷ Tii tahe diwyðnyde timybo tyriti-ki roimyhÿre myna:

—Deuxu adinodureny, ibutumy awo-ribi iluuke, ibutumy arayky-ribi aruruna-ribi, ayky-ribi heka iluuke. Tule ibutumy iny ixiwesemy idi atximahãke.

²⁸ Tai tahe Jesuisi tamy rarybere:

—Kai inatyhymy tarybeteri tai inatyhymy mahenykre biu-ò.

²⁹ Kia hãbu heka rexiðbitinykemy idi ratxireri. Taita rarybere Jesuisi-ò: —Mobota waeryre? ³⁰ Tahe Jesuisi ikò relyyre ijyymy. —Judeu mahãdu hãbu heka ratÿi-namyhÿ Jerusalê hãwã-ribi, Ijerið hãwã-ò. Iribi tahe kia wasidu mahãdu rimiryreny. Inieru ibutumy iribi ritareny. Ity hÿre raðhòtere irubudÿÿle rasiranyre ririre. Tahe ruruðki rÿimyhÿ. ³¹ Aõma judeu xiwenawahidÿÿduð heka idi rare. Tahe hãbumy robire. Idi hãbu-ribi irehemy rexiemy reare. Tahe tÿtxi rerikòle rare raty resere. ³² Hãbuð rehemynyre tiie-ki dohodÿÿna wiðhedÿÿduð rare, Levita wahe. Tule ratyresemy ririre. ³³ Tahe ijõ nade Samaria bede hãwã luduð heka rare. Judeu mahãdu heka Samaria mahãdu luukõre. Idi tahe kia judeu mahãdu roimyhÿ. Tahe Samaria mahãdu hãbu sòwemy riruxetðenyre. ³⁴ Idi tahe tamy rexitymynomy tahe iwotõmona rituahiny my ritaataamy iwotõmona. Idi tahe ka hãbu relyymy idi rare. Aõma ijumenta tyre-ò ritidimy. Idi rare rirarehu tahe heto-ò ritidikremy ririkremy ridymy heka idi rare. Rummy heka ritðenyre hykyky idi bede nade awimy risÿnykemy.

³⁵ Rudile heka heto òwy-di iwedu-ò heka nieru riwahinyre riòwynyrene inatxi womati nieru. Tamy rarybere: —Biwidhenanyre idi mabekre adòðekre riròkre. Moma arÿnaderenykre Arÿnadebenykre heka adiòwynykre adòðekre wahe. Ka hãbuhe rarybere: —Hãbu bireludu ratxireri. Kia taruxetðenyre tiòsinyre waha tieka idi hãbubireludu ratxireri. Wimy raðludumyhÿre hãrele taheka riwidhenanyre. Jesuisi tamy rarybereri. —Iwesele biwinykre iweseke hãbu riwinyra weselemy biwinykre. Kai aõhebo botÿÿtyhy mahake. Iwesele wahe. Jesuisi rÿÿraxire: —Mobo hãbu aõtxino biòwa rare? Mobo bireludu wahe? Bede ywina erydu tai rirawyðnyre: —Iwidhedÿÿdu wahe.

³⁸ Jesuisi, ijõ mahãdu-wana ròirenyre. Hãwã-ò rirònyreny. Hãwyð rare Marta inire. Tahe ridyre tasÿ-ò tai ratxirenykemy. ³⁹ Tahe Marta heka iseriðre dire. Marie inire. Marie urile ibire-txi ronyra aõbo tarybeke roholakelemy. ⁴⁰ Marta heka raelelemy ratxireri. Aõna aõnale rotÿÿnymyhÿle riwiny my taile rare ratximyhÿ. Tai tahe nade Jesuisi-ò rarybere: —Jikarÿ sohojile wa watxireri waseritxòre riwawikòhenanykòhykyreri. Kai anobohe kòbitimy tai tahateri. Tamy marybeke riwawikòheny kemy. ⁴¹ Tai tahe Jesuisi he tamy rarybereri: —Marta, Marta, aõherekibo kai taelelemy teamy atxiteri? ⁴² Sohoji

aõmydÿÿnale heka awire. Marie awityhy aõmydÿÿnana ixidee rimyre. Kia moo iribi ritaðtyhy. Riwinymyhÿ awityhyreki wahe. Tamy rarybeðtyhyð wadee roholareri iribi ariòlòdÿÿnyke wahe.

11 Tiutxubo Jesuisi rexitðenymyhÿre, iny rieryðlemyhÿre. Jesuisi rexihudi, ijoï rarybera: —Biwaerynanybenykre iwese textitðenyteri wese, Joað tahe taijoï rierynanyre. ² Tai rierynanyre. Kai bexitðenykeki, kawese marybekre:

—Waha, ani ibutumy tamywimy. Wylemy mynake iny òlòdÿÿmy.

³ Rÿsÿna txuð txuðlemy biwahinybenykre.

⁴ Inyòraruna biixãwidinykre, iny iwitxira-dori taòraruna ariixãwidinykre. Waatysyrenyðmy òraruna-txi.

⁵ Jesuisi heka taerydÿÿna mahãdu rierynanyre ijy-di:

—Kai arÿsÿnaðmy bonykeki, abiòwa-ò make ruetya rexitðedÿÿmy rÿsÿnað huðtemy bidiwykemy: —Wy, ahina inatað wadee bidihuðteke. ⁶ Wabiòwa rehemynyre bedetÿi-ribi. Aõ heka wawahisidÿÿkõnare.

⁷ Tii òsana myÿ adee rarybekre: —Wadee ixitòdÿÿðomyke ruetyahakÿmy. Arÿiðtyhy waherina-ribi rexiyrubunomy heka rãireri. Ibutumy iny heka ròrõmy rÿireri. Uladu, tule iumy ròrõmy rÿireri. Wadee ixitòdÿÿðomyke. ⁸ Rexitðenyhyhyhy tai hyhyhy rÿikeki tai ihãrele rÿike. Abiòwatðenamy aõkò kÿnyhe rÿike. Textitðenyterikile rÿike. ⁹ Tai heka adeereny rarybereri.

Bexitðenykeki, biwyke. Biijeke aõbo teijeteri, tai tahe mahake. Ijòtòbòna bihetenyke tahe adee riraynymy tahe malòke. Tai tahe adeereny rarybera. Ibutumy rexitðenymahãke, tamy riwahiny mahãke. Ibutumy iny rijemahãke, tai rahake. Iny riheteny mahãke riraynyke.

¹⁰ Tai adeereny rarybere: —Ixitòdÿÿki iny aõ rimymyhÿre. Aõitxe-ki aõtxi ijara rÿimyhÿ. Ijò-di ròtemy ijara-ki iny ralòmyhÿre. Ijò-di ròtemy ijara-ki, iny ralòmyhÿre.

¹¹ Uladuð tyby-ò uturamy rexitðenykeki aõbo, hemy-lalað tyby tamy riwahinyke irÿsÿnamy? Timyki tuukõna! Kaiboho kiamy aõbo botÿÿnybenykre? Timyki tuukõna! ¹² Uladuð tyby-ò hãniesimy rexitðenykeki aõbo, itytibòrò tamy riòkre. Timyki tuukõna! ¹³ Kaiboho aõbina binahakÿdile tahòtinymahãtenyté, aõwihikÿ aõbohe ariòrereny-ò biwahinyke. Boreny aratyre heka bede rieryke, Deuxu wahe. Tamy bexitðenybenykeki, tii Deuxu Tytybytyhy adeereny riwahinyke.

¹⁴ Ixityre tasÿ hãbuð raremyhÿ irybeðmy. Jesuisi taile ratximyhÿ tahe tytybybina riòlòdÿÿnyre iribi. Iu tytybybina iribi rohonyre tahe, hãbu rarybere kia rybeðmy ratximyhÿré wahe. Tahe iny sòwehekÿ mahãdu sòwemy idi rabedeðtiimy rÿire. ¹⁵ Inyð tahe, insòwehekÿ yluduð tahe kiamy rarybere: —Kia diabo ruru-di, Belisibu ruru-di heka iribi riòlòdyÿnyre. Tii tytybybina mahãdu wedu rare. ¹⁶ Ijõ tamy rarybere: —Jesuisi, araerynykre inihe aõ biditeòsinykre wadeereny. Inatyhy aruru biuludu ratximyhÿre. Widÿÿnað inihe wadeereny bitÿnynyke kialemy heka rarybemyhÿre urile riurihimy tamy aõ itxerenamy riwinykelemy. ¹⁷ Jesuisi tahe rierymyhÿ aõmybo raraykynymyhÿreny. Tai heka tamy tuu rarybere: —Kia iny mahãdu wiribi hitx-

imy raraykywydnykeki, tii tahe rexihuke itueke, s̄y mahādu tule wahe. ¹⁸ Timybo Satanasiboho bede widee ribinanymyh̄yrenyeki, awityhymy roirekre. Jiar̄y araeryrenyteri timybo taraykynytenyteri. Aōma Satanasī ruru-di tytybybina ariōlōd̄ȳnykemy tarybetenyteri heka reeryeri. ¹⁹ Kia riki ariwinykeki, kaiboho tule wawesele tewinytenyete. Timybo? Mobo awiōhed̄ȳdureny rare? Satanasī aōbo? Kaiboho boibenyke ixitōed̄ȳmy awiōhed̄ȳdureny-ō. ²⁰ Jiar̄y Deuxu ruru-di ariōlōd̄ȳnykeki, kaiboho bexiijebenyke, Deuxu Iōlōna tahe adeereny iōhōra. ²¹ Hābu deburehek̄y tadebōna-di taheto riyrubunykeki, rexityhynymy ronyke. Iaōmyd̄ȳna ibutumy iyubud̄ȳnamy r̄yike. ²² Tahe ijō kedehemyne iratyre teburetyhy, tahe iaōmyd̄ȳna ibutumy iribi riwyke. ²³ Iny wawana aōkō ratxirerimy ih̄yre, tii heka waribi hitximy ratixmyh̄yre. Iny wawana aōkō ratxireri, tii tahe aōtxile ramyhyre ixideōna. ²⁴ Jesuisi ijō ijy relyre: —Iny-ribi tytybybina rōhōnymyh̄yre, tii heka rake ixitawo-di rake titxibo. Rubumy rarunymy rake. Bedeō-ki rahakeki tahe, rōhōtynyke. Arōd̄sekre, tikibo rarawāhāōle. ²⁵ Ixyby kōdōd̄sekeu tahe, is̄y ibutumy, tytymy roike iruxeraō. ²⁶ Idi ixityre ijō rimyke debō inatxi reurō tytybybinaō. Idi tahe tamy ras̄nyrenyke. Iratyre tyhy wahe ibina. Iu kia ixisohojimy tytybybina-di aōmys̄d̄ȳmy raremyh̄y tahe, ihewo-ribi rimyra tahe iroona-ribi tahe aōnityhymy releke. Ibinatyhymy tamy rare.

²⁷ Iribi tahe hāwyyō rryre ibutu ijohonamy: —Hāwyky heka aratxurananyre, aratibienyke heka iny bedekōby rare. ²⁸ Tahe Jesuisi rarybere: —Deuxu Rybe tyhyd̄ȳdumy iratyre wadee awire. Deuxu deysanamy tamy kanakemy idi watxireri.

²⁹ Idi tahe inysōwetyhymy dehemynde Jesuisi-ō. Jesuisi kiamy rarybere: —Iny heka kia mahādu ibinatyhymy r̄yire aōwihik̄yle heka riijemy r̄yire. Itxerenaōmy robikre ratxireri tahe itxerena Jonasi-ribi nadelemy tahe robikre. ³⁰ Jonasi heka Ninive hāwā mahādu-ō itxerenaō heka tii rare. Tule jiar̄y heka Deuxu Riōre Hābutyhyhyk̄y rare wijinabōdu mahādu dee itxerenaō jiar̄y rare. ³¹ Ibōdō mahādu bede konana-ribi iōlō hāwyy Salomaō bede eryhyk̄y-ō ijōhonamy irehe-ribi nade. Wijinabōdu mahādu taheka naōhyymahāde wadee ijohonamy. Salomaō ratyre heka jiar̄y watxireri. Ikonana txu tahe ibōdō iōlōhāwyy r̄yikre rarybekremy. Tii rarybekre: —Anoherekibo Jesuisi deramy teakamahātenyete wahe. Timykibohe irybe bedekeryna-kō ijohokuna r̄yikōmyh̄yreki wahe. ³² Ninive hāwā mahādu tule r̄yikre rarybekremy iwesele. Jonasi rybe t̄ȳnyd̄ȳna-ki rexirāh̄irenyre. Kaki heka Jonasi ratyre hābuō ratximyhyre, jiar̄y wahe. Wadee ijohonadu aōkō heka toite.

³³ Moheka loosōnaō rideōhyymyhyre herinarawo-txi toosō iwasihiik̄my roosōmyh̄ykemy. Tiiemy heka biuōhyy rademyhyre ibutumy bede rat̄nymyh̄ykemy. ³⁴ Arue umy dori it̄nymy roimyh̄yre. Arue awikeki heka ibutumy aumy awikre. Arue ibinakeki tas̄y aumy heka bedelorokile r̄yimyh̄ykre. ³⁵ Awo toosōmy ratximyhyre wana, bexiijemahāke. Aumy biemahāke bede-

loro-ki rurunyheny. ³⁶ Bedelorohok̄y aumy-ki r̄yioomyh̄yre wana, tai tahe boosokre ibutumy titxibo bede-txi mamahākre wana.

³⁷ Jesuisi kiamy rarybere tahe, fariseu mahāduō tamy rarybere: —Manake was̄y-ki rikiroxikremy. Tai tahe Jesuisi rare, ralore, ronyre roximy. ³⁸ Jesuisi ronyre, tebō risuhōōre. Tai tahe idi bede riōtiinyre. Jesuisi rarybere: —Kaiboho fariseu mahādu, ibutumy heka txisuhōsuhōmahātenyete. Ebō tesuhōmahāte, aumy ibutumy tesuhōmahātenyete. Webōrōsityyludu wahe. Kaiboho heka isuhuk̄ylemy toimyh̄yte ibutu aōikōkō-di isumy roimyh̄yre aworeny-ki. ⁴⁰ Iu heka ōbitimy taraykynytenyōhyymahātenyete. Deuxu heka iwebrō ludu riwinyre, inatyhy? Tule aworeny, araykyreny wana riwinyre. ⁴¹ Iny aōkō mahādu-ō maruxetōemyh̄ybenyke. Tai tahe byranybenyke heka. Ibutumy awo-ki, ahana-ribi tule ryanryke.

⁴² Kobe lāhāxe kaiboho fariseu mahādu. Kaiboho Deuxu dee tewahinymahātenyete uriōno. Debōwiō aō tetatenywana heka, sohoji tewahinymahātenyete. Tule aōmyd̄ȳnareny aoworoludurenyō tewyteny wana, tule tewahinymahātenyete. Kia awire, biwahinymahābenyke. Urile tahe teerytenyōhyymahātenyete Deuxu luuna, Deuxu ōbitina. Biwahinymahābenyke heka Deuxu dee aōmyd̄ȳnaō. Tii tahe awire. Tule nohōti losarenyōmyke, luuna, ōbitina.

⁴³ Kobe lāhāxe kaiboho fariseu mahādu. Dohod̄ȳna heto luureny ikoōhōk̄yle heka torokomahātenyete. Kaiboho arybed̄ȳnareny-ki awimy tahamyh̄ytenyete. ⁴⁴ Kaiboho kobe lāhāxe. Wobrona wesemy toite. Iwese iny rubuhāloo tyremy iny rariamyh̄yre wese ierykōnamy, kiawesele toite.

⁴⁵ Bede ywina bede eryd̄ȳduō heka tai ratximyh̄y. Tii tahe Jesuisi-ō rarybere: —Eryd̄ȳdu, kai heka aōbinahak̄ylemy wamyreny tarybeteri, kia wese rybe-ki.

⁴⁶ Inatyhy rare. My tahe Jesuisi ris̄nyre: —Inatyhy dori tule bironybenyke aōhōk̄ymyd̄ȳnana. Iny dori adeereny rarybemyhyre iny rybe bityhynymyh̄ybenykemy tahe ihārele tetyhynyōhyymahātenyete. Bede ywina ritid̄ȳna tewinymahātenyete, ihārele tahe tiu heka tetyhynyōhyymahātenyete. ⁴⁷ Kobe lāhāxe kaiboho, alahireny, alabiereny wese toite. Iwese tiiboho Deuxu rybedu rirubunyre wese kaiboho toite. ⁴⁸ Kaiboho rubud̄ȳdumy toite. Ōbitile tewinymahātenyetelemy ixidee tahōtynymahātenyete. ⁴⁹ Deuxu tahe rarybere umyrenymy wahe: —Tahe jiar̄y aditeōnykre heka Deuxu rybed̄ȳduō tule Deuxu deōd̄ȳnaō heka aditeōnykre. Imahāduō birubunybenyke ihona tahe biteōnybenyke. ⁵⁰ Kaiboho heka bede ōrarumy boibekre kia rubud̄ȳ ōraru erydumy wahe. ⁵¹ Abeli hālubu txiwina tahe xiwena hure rubuna. Idi tule Zacaria hālubu txiwina wahid̄ȳna bire-ki heka Deuxu hetobire-ki. Kohe, ihure rubureny ōraru-ki aōhōk̄yhyk̄my biōwynybenyke. ⁵² Kobe lāhāxe, kaiboho bede ywina eryd̄ȳdu mahādu, bedeeryna ijō rayna dinoduboho wahe. Kaiboho tahe terōnyōmy bede eryny heto-ō. Tule inywitxiraō tetōenytenyete irōte lau.

⁵³ Jesuisi rõhõnyreu, teburemy tiiboho ritÿÿraxinymy-hÿre aõna aõnamy. ⁵⁴ Tuu rõtÿÿraxidÿÿmyhÿre timyki-bo rirutaõnyrenykemy.

12 Sõwemy iny tahe ributunyre. Ube tahe rÿximy ratxireri. Tahe juhoo Jesuisi taerydÿÿdu mahãdu-õ rarybere: —Fariseu mahãdu, saduceu mahãdu urina biebenyke. Tiiboho dori ruidu mahãdu roire. ² Wasimy wiji adeereny relyyre. Tiu ta ibutummy ijyynamy rÿikre ³ Aõbo wasimy wiji taholate heka ibutummy biurasõmy ratÿnykre. ⁴ Uritere iny lau brebuõmyke. Aumyle tii rirubunykre. Ijõ ibinamy adee aõkõ tii rotÿÿnykre. ⁵ Iny lau sohojile breburenyõmykre. Deuxu lau ta buberukre. Tii dori atytyby bede bina-õ rahuke ixideewikeki. ⁶ Nawiiõ kaiboho bidymyhybenyke iõwy riõre iny heka riwymyhyrekre. Ibutummy heka Deuxu nawii rieryre sohoji sohojimy. ⁷ Deuxu ara erymy heka aõma arati-ki tiwesebo aradeti rÿimyhÿre rierymyhÿre. Brebuõmyke, heka Deuxu heka anaerymyhÿre nawii sõmo ratyre heka rierymyhÿ. ⁸ Kai marybeke: —Jiarÿ Deuxu retyhnyre dori tahe umy arelyyke Deuxu ÿjukomy rarybeke biu-ki wahe, jiarÿ Deuxu Riõre Hãbutyhyhykÿ wahe. ⁹ Iny sõwehekÿy-ki riwatxiõnykeki tule aritxiõnykre jiarÿ Deuxu ÿjuko-õ. ¹⁰ Inyõ Deuxu Riõremy aõbina binamy rarybekeki, irybe-ribi nohõtilosa rÿikre. Deuxu Tyytybytyhymy tahe inyõ ibinabinamy rarybekreki tahe, aõhõkÿmy rotÿÿnykre irybe õraru-ki. ¹¹ Aramykeu heka uritere nohõtiõmyke aõmobo marybekremy ywisidÿÿna-ki. Bede heka ariwahinykre rybedÿÿnanau. Rybeõmyke ikotyre. ¹² Kai ixiwanale aõkõre marybeke. Deuxu Tyytybytyhy arãwiõhenanymyhyreny.

¹³ Hãbuõ inysõwey-ki tahe Jesuisi-õ rarybere: —Wanyrÿ, Waha rurura. Waseriõre tahe ibutummy waha aõna aõna riwya ixidee sohojile. Tamy marybeke wadee ritxuranykemy. ¹⁴ Jesuisi tamy rarybere: —Hãbu, kia waaõmydÿÿna aõkõ rare. Timybo ayreny-ki araywisidÿÿnyke? ¹⁵ Tahe Jesuisi ibutummy iny-õ rarybere: —Warybe-õ bodoholabedenyke. Ixityhyõmy! Arutyhy heka aaõna aõna-ki aõkõ rare aõna aõna sõwerekhãre. ¹⁶ Tahe Jesuisi ijyymy rõkewesenadÿÿre: —Hãbutyhy riki ioworu nihikÿre. Tahe sõwemy rÿsÿna ributunyre. ¹⁷ Iheto tahe iyjare ibutummy ributunykemy. Tahe ixidee rarybere: —Aõhebo arotÿÿnykre? Waaõna-heto butummy aritxiwikre. Ijõ iribi inihikÿmy ariwinykre. Tai ibutummy waaõwiwi. tamy aridekre. ¹⁹ Tai tahe ibutummy waõwiwi-di areysakre. Arexielehinykre, ariroxi-ikre, ariõkre. Waruhyy areysakre. ²⁰ Deuxu tahe kia hãbu-õ rarybekre:

—Hãbu itxÿtere. Kai wijirulemy burukre. Tai tahe mobo aõna rimykre.

²¹ Jesuisi taijyy rihure rexirybenymy. Kia heka aõhebo rotÿÿnyre iny ityhy mahãdu. Tiiboho dori Deuxuõle ityhymy aõkõ ihÿrenyre.

²² Kia heka Jesuisi taerydÿÿna mahãdu-õ rarybereri. Uritere nohõtiõlemy arÿsÿna tule atyymy, idi matykynykemy. ²³ Aumy heka rÿsÿna ratyre aõnityhy ratximyhÿre. Aumy heka atyky ratyre aõnimy ratximyhÿre. ²⁴ Nawii-di betehebenyke. Tiiboho heka

ioworuõrenyre. Tarÿsÿna riyrubunyõhyymyhyrenyre. Deuxu heka nawii riyrubunymyhyre, irÿsÿna tamy riwahinymyhyre. Kaiboho tahe nawii ratyretyhy toite Deuxu dee. ²⁵ Sõwetyhymy maraykywydynanykeki aõbo arumy arirarehemy mariake? Aõkõre! ²⁶ Kia aõ iyjare tahe Deuxu-õ. Kia biwinybenyõkeki, aõherekibo ijõ aõna aõna nihikÿ-di tahõtinymyhyte? ²⁷ Betehemy inihenoijasa-di. Aõma tiiboho raaõmysÿdÿÿõhyymyhyrenyre. Ihãre tahe iruxerarenyre ityy wiwihikÿrenyre wese. Tyy ixidee riwinyõtyhy Deuxu rityyny wihikÿ heka tyy wihikÿ tamy riwahinyreri. Salomaõ heka ityynihikÿ rare. Ihãre tahe ityy heka awityhymy aõkõ noirõsõ wese. ²⁸ Deuxu heka noijasa rityynymyhyre kia wijilemy idi ihÿre. Biurasõmy tahe ixãwimy reamyhÿre. Tii heka tyy adee kidiwahinykre. Tai tii atyreny. Tai ta ixinohõtiyredÿÿrenyõmy. Aõherekibo ainatyhyna ibutere? ²⁹ Tahe raykyõmy nohõtiõmy titxiribibo arÿsÿna adee kanakredi. ³⁰ Tyhydÿÿdukõdu mahãdu heka tuure. Iny-tybyreny heka rierymyhÿre aõmybo tarumahãte. Ibutummy heka arerymyhÿre aõmybo teamyhyte. ³¹ Tii Deuxu aõmy dÿÿnana sohojidile maraykynykeki heka tii ibutummy adee riwahinykre. ³² Brebuõmy ahãbenyke wariõreboho. Deuxu Iõlõna adee kanakemy, Deuxu-deewina wahe. ³³ Aaõna aõna-di bohonybenyke. Iõwy tahe iaõkõdu mahãdu-õ biwahinyke. Anieruhyna wiwihikÿdile boibeke. Kaki ibutudÿÿlemy heka biu-õ bibutunykemy. Tai heka juddera aõ rirõõtyhy tule rararyõtyhy. Tule tai wasidu ralõõtyhy. ³⁴ Tikibo aõwireny rÿikeki, tai heka araykyreny ratximyhÿre.

³⁵ Ijõ tahe Jesuisi rarybere: —Kaiboho bexiywinybenyke, ibutummy aõhebo rotÿÿnykremy bexiywinyke. Awereysanarenny-di atyky beximykemy. Aloosõna bitoonyke. ³⁶ Deõdu mahãdu wesemy boibenyke. Bexiywinybenyke awedu dehemynyna-õ, tii worana bedehesi-ribi rehemynyremy wahe. Iu rehemynyreu, teõdu mahãdu heka ijõ riranyke. ³⁷ Tiiboho riraõrenykeki, deysamy rÿikre. Iwedu dori reximykemy ityky wereysana-di tahe rÿsÿna teõdu mahãdu-õ riwahinykre. ³⁸ Tii ruwetyakile rehemynykeki, deõdu mahãdu reysakre. Tiiboho dori rexiraõmy rÿimyhÿrenyre. ³⁹ Tai heka iny rexiwinyymy rÿimyhÿkemy rybe roimyhÿre awedureny kanakreki. Aõma hãbuõ kanakeki heka tiu aõma hãbuõ itxeredumy ronykeki heka, tiu hãbuõ iribi rawasinyõtyhy. ⁴⁰ Kaiboho tule bexiywinybenyke wadehemynyna txu heka biijemy bonymyhybenyke.

⁴¹ Tahe Pedro rarybere: —Wanyrÿ, kai wadeerenyle ijyymy telyyte ada ibutummy iny-õ aõbo telyyte? ⁴² Tahe Jesuisi riwyõnyre: —Aõtxile inyõdee, tibo deõdu taaõmysÿdÿÿna riywinymyhyre, kia idinodu tai awimyr ahamyhyre tii dori rÿsÿna õbitimy riõriõmyhyre. Idi tamy aõwiwi riwahinykre taaõna aõna-di itxeredumy tule risÿnykre. ⁴⁵ Tii iwitziramy rexiraykynykeki tahe, ijõ teõdumy raõhõtemy urile idi risinymy kamy rexirybenymy: —Wawedu dori wiji aõkõ raririkre. ⁴⁶ Tai ierykõna-di iwedu kedehemynykre. Tuu rierymy iaõmysÿdÿÿna-ribi ritamy aõhõkÿmy risÿnykre ityhydÿÿdukõdu mahãdu wese. ⁴⁷ Deõdu tawedudeewi ri-

erymyhÿre. Tai heka tuu rotÿÿnyðekeki, tii tahe sówemy aðhðkÿmy rotÿÿnykre, ðhðtemy wahe, tamy riwinyðreki. ⁴⁸ Ijð deòdu tahe tii iwedudeewimy rieryðekeki, tii tahe aðbinamy riwinykeki, tamy tahe urihimyð ðhðte tai rÿikre. Inyð sówemy ityhykeki, sówemy ijð iny tamy rexitðenykre.

⁴⁹ Jesuisi ijð rarybere: —Heòty-di bede ariworonykemy heka jiarÿ anade. Tii ðte raworonykremy idi watrixeri. ⁵⁰ Jiarÿ ratisebenaðwesemy aralokre. Arurukre dori. Ele elemy rÿikemy ix-di watrixeri. ⁵¹ Kaiboho tahòtinyte wadehemynyna-di. Ywina adiwidyemy wadi tahòtinyte. Aðkðrehe, bede jei jeidÿÿmy anade iribi widee rahitxihitximy rÿikremy. ⁵² Iruyre inysÿ mahàdu heka widee rahitxihitximy rÿikre. Inatað iny iuhe òludumy rÿikre. ⁵³ Hãbu mahàdu heka tyby òludumy rarekre. Hãwyy tule tadi òludumy rarekre. Iriokorese heka tariðrelahi òludumy rarekre.

⁵⁴ Ijðmy Jesuisi rarybere: —Iu biuwetyky biura-ribi rðhðnyreu, Kaiboho kia rybemy tarybemahàtenyete biu kðððakre. Inatyhymy biu ròamyhÿre. ⁵⁵ Tule tarybemahàte. Yhy ibðð-ribi rebonyreu, bede ratðteekre. Inatyhymy tuu ratðteemyhÿre. ⁵⁶ Itxenadÿÿdu mahàdu! Kaiboho kia terymahàtenyete bede, biu aðmydÿÿna tule iwitxira aðmydÿÿnana teerytenyðolemahàtenyete, bededÿÿnana konana eryna wahe. ⁵⁷ Ijð Jesuisi rarybere: —Kaibohole teywinyðmyhÿtenyete, aððbitinamy wahe. ⁵⁸ Aððrarumy heka aòludu umy rarybekeki, idi ywisidÿÿna ube-ð aradykemy ratrixeri, tii-wana widee marybeke idi widi bede biðbitinykemy. Aðkðkeki, tii aradykre ywisidÿÿdu-ð idi ròtenawo-ð soldado mahàdu araròtenykre. ⁵⁹ Tiu heka aòlðkðmy heka mabekre. Ibutumy iðwy biðwinyke xiery bòhðnyke.

13 Tahe inyð Jesuisi-ð relyyre: —Pilato rybemy-namy Kalileia mahàdu rururenyre Deuxu-ð raxiwerenyre. ² Kia ta Jesuisi narybede: —Kaiboho timybo irubureny-di texinohòtintytenyteri. Ijð wiratyre raðrarunanyrenykeki aðbo? ³ Ture aðkð, kaiboho bexirãhÿðbenykeki tule burubenykre irubureny wese. ⁴ Iasÿse ijð. Iu Silòe hãwã mahàdu tyre heka heto rariereu 18 iny sówewerubunurenyre. Arãÿÿraxikre Jerusalè hãwã mahàdu ratyre raðrarunanyrenykeki aðbo? Aðbo tahòtintytenyteri? ⁵ Kaiboho bexirãhÿðbenykeki tule burubenykre irubureny wese.

⁶ Tahe Jesuisi kaa ijyy-wana rikewesenanyre, Figo-ratyð wese heka. Tahe Jesuisi kaa ijyymy delyyde: —Hãbu oworu-ki figoðð rÿimyhÿre. Tii iraty dilawijunyde tiubo. Tahe iraty-txi reakðre. ⁷ Tahe hãbu taoworu-di itxeredu-ð narybede: —Inatað wyramy relawijunyre tahe aðkðhyra. Urile ta biðrðkre. Iraty ihoðreki, awi aðkð rare. ⁸ Tahe oworu-di itxeredu dirawyònyde: —Wawedu, txioini kawyramy idi warukikre, isu ariwinykre. ⁹ Aðkðhykrekreki tahe urile raorokre ijð wyrau.

¹⁰ Judeu mahàdu elehynta txuu Jesuisi rotohodÿÿmyhÿ judeu mahàdu dohodÿÿna heto-ki. ¹¹ Tai ta hãwyyð ratximyhÿ. Tii 18 beðra webinadumy ratximyhÿ tyytybybina òraru-ki. Tii iumy rarabunumy rariamyhÿre. Ixi-taradÿÿ risiranymyhÿre. ¹² Jesuisi tuu robireu, tamy

narybede: —Hãwyy, kai heka teytemy tate. ¹³ Tahe Jesuisi tebòmy rimyre iuleta reytere. Tai tahe hãwyy heka Deuxu riwowydinyre. ¹⁴ Dohodÿÿna heto wedu tahe ibinamy Jesuisi-ki rahare, judeu mahàdu elehyntaxureki wahe. Takamy inyreny-ð narybede: —Debð sohoji reurð txumy aðmysÿdÿÿnamy rÿimyhÿre iu heka adeytemy ix-di bòððimyhÿke, judeu mahàdu elehyntaxu ta aðkðre. ¹⁵ Tahe Jesuisi dirawyònyde: —Kai, itxenadÿÿdu tate uriteremy iximy rybedu. Kaiboho judeu mahàdu elehyntaxu dori abroreni, aawaru heto-ð toimahàte tuu teesenymahàtenyete, tedymahàtemy idi ibemomodÿÿmy bidybenykremy.

¹⁶ Kaa heka Abrað riore riðreð heka Satanasi 18 beðramy rimyre. Aðherekibo ta iribi retaraki sabadotxu ibinamy tahateri. ¹⁷ Tahe Jesuisi òludu mahàdu raixÿrurenre Jesuisi rybe òraru-ki. Tahe ixÿ mahàdu awityhymy tai rahamyhÿ iðraru-ki. Ibutumy reysarenre.

¹⁸ Tii rarybera: —Deuxu Iòlòna wexe aðwesere. Að-ð wexe rikiwesenenyrenykre. Tiwexe ijyy kawesere? Deuxu Iòlòna heka alòbòròna sòmo sòmo wesemy ratximyhÿre. Raumynyreu heka òwòru rariwesele relemyhÿre. Nawiile tuu rÿÿtÿnymyhÿre kia òwòru-ð.

²⁰ Ixityre tamy rarybere: —Að ijyy wese heka Deuxu Iòlòna rare. Aðwexe rikiwesenenyrenykre. ²¹ Pað ix-iòlòdÿÿna wese rare, iuri rare. Hãwyy pað riwinymyhÿreu, inatað urihixina-ki iuribemy riurinymyhÿre. Tai tahe raubÿtÿmyhÿre, rexiðlònymyhÿre.

²² Jesuisi tahe Jerusalè hãwã-ð rareu, hãwã hãwãmy rotohodÿÿmy. ²³ Iu inyð ritÿÿraxinyre: —Wanyrÿ, Hedu mahàdu we sówekre aðbo? ²⁴ Jesuisi tamyreny narybede: —Bexityhynybenyke ijòyja-di birònybenykemy. Sówemy iny tahe ròtemy reakre tahe ralòðhÿyke.

²⁵ Hãbuð kie taheto ijòtòbòna ritòbònyre. Iu kaiboho uritere bydyrydenykre: —Wanyrÿ, aralòrenyke ini. Kia-ta tii anawyònydenykre: —Tiludubo toite, araerynyðre. ²⁶ Kamy ta bidiwyònydenykre: —Inybohole riroximy roiremyhÿ. Wahãwãreny-ki tòbedeerydÿÿmyhÿ. ²⁷ Ixityre anawyònydenykre:

—Boibenyke aðbina bina widÿÿdu.

Tiludubo toite dori reerykðre. ²⁸ Deuxu iòlò-ki Abraðmy, Ijaimy, Ijaðmy, tule ibutumy Deuxumy rybedu mahàdumy bobibenykreu, kaiboho malòbenyðtyhy. Tai hii, ibru, jumytata rÿikre. ²⁹ Iny ibutu bede bede-ribi, Ibðð-ribi, Iraru-ribi, Biura-ribi, Beà-ribi Deuxu iòlò-ð hãwãmy. ³⁰ Kiaremy ta, koludu mahàdu heka ibutuhewomy kedeakre. Ikðmyta, hewoludu mahàdu, koludumy kedeakre.

³¹ Iu ta fariseu mahàdu Jesuisi-ð narybedenyde: —Mahenyke, Herodi dori arubudÿÿmy araijereri. ³² Jesuisi dirawyònyde: —Bòðsebenyke kamy ijòrò-ð marybebenyke: —Jiarÿ tyytybybina iny-ribi retareri, tule ròteytedÿÿreri wiji biurasòmmy. Ijð txumy ta waaðmysÿdÿÿna arihukre. ³³ Kiaremy ta kia rewinyreri arihukre. Deuxumy rybedu dori Jerusalè hãwã-ki sohojile rurukre, iwitxira hãwã-ki ta aðkðre. ³⁴ Jerusalè, Jerusalè hãwã, amahàdu heka riwunurenyre Deuxu rybedu mahàdu wahe. Iwese hãnie tariðre ributun-

ymyhÿre wese terawo-ò, kia wesele arayrubunykeny rexinohötinyre tahe kaiboho terarenyre. ³⁵ Aheto-ribi heka Deuxu rexitakre. Kaheka ararybekre adeereny: —Wamy heka bobiötyhy ixityre. Tiutxumy kamy bexirybenykre bede-ò, myÿ:

—Deuxunimy nodu awityhy heka rare. Kiaule wamy bobikre.

14 Sabadoöu Jesuisi heka fariseu mahädu wedu mahäduö heto-ò ralore roximy. Tahe iny idi retehemyhÿreny. ² Iu inyö taruti, tadera-di taritari-di tamy dehemynde. ³ Tahe Jesuisi narybede bede ywina erydÿÿdu-ò, fariseu mahädu-ò: —Sabado txuu deyt-edÿÿwe awire aöbo, aököre aöbo. ⁴ Tiiboho ri-rawyönyöhyre. Tahe Jesuisi häbu riteytenmy bede riwinyre iribi tahe riölädÿÿnyre. ⁵ Ixyby narybede Jesuisi: —Txibo kaiboho ariöreö ada abroneniö häloo-txi resekeki, bitabenyke Sabadotxu härele. Aöhe inatyhy. ⁶ Tiiboho rirawonyöhyre.

⁷ Tahe Jesuisi roxidu mahädu-di retehemyhÿre. Tiiboho dori ryanana wihikÿ-txi ronymyhÿreny. Tai kamy tamyreny rarybere: ⁸ —Txibo inyö bedesanaö arariki-ki. Uritere ryanawi-ò rÿömykre. Txibo dori inyö aratyre ityhy kanake lau. ⁹ Tukeki bedesa dinodu inyö aratyre-ò aryanana-txi ronykemy adee kanarybekre. Tai tahe maixÿrumy ryanana bina-ò bonykre. ¹⁰ Kialemyta inyö arariki-ki, ryanana bina-txi bonykre. Tahe bedesa dinodu adee kanarybekre: —Wy, katxi bodonyke ryanawihikÿ-ò. Tai tahe kai mabedesakre ibutuko-ò. ¹¹ Tahe ixityhydÿÿdu mahädu uritere reakre. Kömyta uriixi dinodu mahädu rawowydykre.

¹² Tahe Jesuisi bedesa dinodu-ò rarybere: —Txibo roxina biwahinykeki, uritere asÿ mahädu, aery mahädu, ityhy mahädu aarixiömykre. Urikö-ribi iwese teariteri wese arariheny. ¹³ Tukömyta roxi biwahinykeki, uriteremy rÿira mahädu, iny tiere mahädu, iny ruetà mahädu biarikre. ¹⁴ Tai adeesatyhymy mabekre. Tiiboho dori tiu ixiwesemy araariötyhy. Deuxu tahe aöwydÿÿdukre iu bede awikre.

¹⁵ Ijö roholare Jesuisi rybe tai tamy rarybere: —Deuxu Iöläna-ki, öwörubese rÿdu mahädu reysamy rarekre.

¹⁶ Tahe Jesuisi rarybere: —Inyö roxina nihikÿö riwinykeny ratxireri. Söwemy iny ritobinyre. ¹⁷ Rexihumy rÿireu, teödu mahädu bede riwinyre iny kididykremy.

¹⁸ Sohoji sohoji tahe tarybe tamy riwahinyre. Ijö taoworu tÿmyra-ò reteheke. Ijö kanaötyhy heka. ¹⁹ Ijö tahe broreni deböitue riöbranyre tai riurihikreki kanaöke. ²⁰ Ijö tahe häwyy herinamy rexihumy rÿire tai kanaöke. ²¹ Teödu tahe ròösera tawedu-ò tamy relyre. Tii reburere tahe rarybere: —Wylemy makre ibutury-di häwä-ki. Ibutumy iny wixira wixira bididyke, iaökö mahädu, itiere mahädu, ruetà mahädu wahe. ²² Iribi tahe teödu ròösera rarybere: —Ibutumy rewinyre wawedu, tahe heto rÿixiömy rÿire. ²³ Tahe iwedu ixybymy bede riwinyre häwä-ribi ibryrary-ò iny kididykemy: —Aruru-di bididyke, waheto dori rÿiximy rÿirakremy idi watxireri. ²⁴ Juhuu watobidÿÿna mahädu warÿsÿna riurihioötyhy.

²⁵ Iu söwemy iny Jesuisi heludumy roire. Tai Jesuisi tamyreny rarybere: ²⁶ —Kaiboho aöbo inatyhymy waluu mahädumy toite. Tuu tarybeta. Tahe boluu, adiluu, ahäwyyлуу, ariöreluu, aseriöreluu, ixiluu ratyre waluuökeki, wamahädumy aökö boibeke. ²⁷ Inyö riwaheludunykeny ratxireri, tii juhuu taitxeö riwykre. Kialemy tahe riwaheludunyke inatyhymy. ²⁸ Inyö heto rarie riwinykeny ratxikeki, juhuu iöwy-di röhötinykre. Inieru rimykeki tahe riwinyke, aökökeki tahe riwinyötyhy.

²⁹ Tii tuu röhötinyökeki, tii ibutelemy riwinykre tahe inieru ituereu, ibutumy iny idi risinykre: ³⁰ —Tii taheto rarei ritelenyre tahe rexihuötyhy. ³¹ Iöläö wou riwinykeki, juhuu taaöbinadu mahädu-di rariamyhÿre. Idi röhötinyre. Ijö iölä wawiö mil soldadomy ijödikeki, tahe tii deböwiö mil ijödikeki, tahe wou riwinyötyhy.

³² Juhuu tahe teödu riteönyre ijö iölä-ò ireheribile tii-wana wou ixäwidÿÿmy rarybekemy. ³³ Akireny tule iweselere. Ibutumy aöna aöna biriöbenykeki, wahludu mahäduömy boibeötyhy.

³⁴ Saa heka aöni awi rare. Tatxuberere rexihukeki tahe turibi ixäwike. ³⁵ Tai tahe suurina-ki ahirana silÿna binaköki awiöhötidirenykeki bohlabenyke warybe-ò. Suö awiöre, tule ahirana bitöbönkykemy awiöre. Urile idi behuke. Kaiboho öhötidirenykeki, bohlabenyke!

15 Idi nieru tarasadu mahädu söwemy tamy roholamy doide. Tule ijö iny örarudu mahädu rehemynyre. ² Fariseu mahädu, tule bede ywina erydu mahädu kawesemy rarybere: —Kahäbu ibinare. Tii örarudu mahädu-wana riroximyhÿre, iny iehehe-wana.

³ Idi Jesuisi rierynanyre ijy-di rawesenanyre. ⁴ Kaibohoö ösana 100 budoeni ijödire. Sohoji heka iy-ribi iöre.

Kai aöbo makre ijesemy? Kohe, iuhe, 99, birike bedero-ki tahe biöryhyke. Aöhe inatyhy? ⁵ Mahakre wana tahe eysamy atxikre. Tahe bidyke iuhe-ò.

⁶ Taheto-ò rehemynyre, tasÿ mahädu-ò tahe rito-binyre: —Wawana ini kÿny bedeysabedenyke. Wabudoeni-ki rahara, iöreö wahe. ⁷ Iwesetyhylemy taheka adee reerymahäre iny örarudu mahädumy. Iu sohoji iny rexirahikeki, biu-ki deysana söwemy rÿikre. Iny öbiti 99my tahe urihimyo biu-ki deysana rÿikre.

⁸ Ijö Jesuisi relyre: —Häwyyö ösÿny womati ura nieru deböwiö dire. Sohoji iöre-wana, tii riijeke inatyhy? Loosöna ritoonyre, iube riwysynyre, söwemy riijeke ihymy tahe tai rahara. ⁹ Tii itxi reakre, reysamy rÿira. Iu tasÿ mahädu ritobinyre: —Wawana inihe bedeysabedenyke. Wanieru-txi dokuri rahara. ¹⁰ Jesuisi tahe ritÿnyre: —Iwesetyhyle biu-ki rare. Deuxu ÿju mahädu reysamy roirenyre, sohoji örarudu rexirahireu.

¹¹ Ixyby tahe Jesuisi narybede: —Häbuö iriöre inatxire. ¹² Tiutxumyta ihelÿÿna tyby-ò rarybere: —Waha, ibutumy aöna aöna burukre wadee rawahikre, wiji bidiwahinykre. Tyby tahe iaöna aöna jura tamy riwahinyre. ¹³ Iriöre helÿÿna tahe ibutumy taaöna aöna-di rare irehe-ò, iwixira bedehäwä-ò. Tai aöbina binale riwinymyhÿre. Ibutumy tanieru tai rahure.

¹⁴ Taaöwiwi rahu-di ta, tai rama ibede mahädu rahumyhÿre. Tii uritere reamyhÿ wahe. ¹⁵ Tahe

aõmysydÿnyamy rarunyre. Hãwãduõ tahe taixÿniõwedÿÿdumy bede riywinyre taoworu-õ. ¹⁶ Tai rama risamy ta ixÿni rÿsÿna rÿsÿmy rexinohõtinyre. Tahe aõkõre. ¹⁷ Kia tahe tõhõti deade. Kamy dexinohõtinyde: —Yla aõkõ waha aõmysydÿÿdu mahãdu irÿsÿnadireri iwana jiarÿ kaki rama warubudÿÿmyreri. ¹⁸ Ixyby arõðsekre. Kamy Waha-õ arexirybenymy: —Waha, Deuxuko-õ ako-õ rexiitxÿtenyre jiarÿ raõrarunyre wahe. ¹⁹ Ariõre wese aõkõmy wadi mabeke, waitxÿte õraru-ki. Aaõmysydÿÿdu mahãdu wese ta ararekre myÿ tii rõhõtiny. ²⁰ Tii tahe tyby heto-õ rare. Irehemy nadeõ, tyby tuu dobide. Idi rexiwobrunymy tamy raijaranyre iwehityhydÿÿmy. ²¹ Tahe tii narybede: —Waha, Deuxuko-õ, ako-õ rexiitxÿtenyre jiarÿ, raõrarunyre wahe. Ariõre wese aõkõmy wadi mabeke, waitxÿte õraru-ki. ²² Iule ta tyby teõdu mahãdu-õ rarybere: —Wylemy tywihikÿ tymyra-di bityynybenyke. Debõð tebõ-õ roikre. Waõ-di rawanykre. ²³ Tasÿse broreni riõre dedi birubunybenyke. Idi rikiroxirenykemy rekeysarenkre dori. ²⁴ Wariõre dori rubu-ribi wese rexixara. Ikõ-ribi itxi ijara rÿira. Tahe rawobedesarenyre. ²⁵ Iwana ta iumydela tahetoreny-õ dehemynymy nade taaõmysydÿÿna-ribi. Tahe wobedesana-õ roholamy. ²⁶ Tahe deõduõ-õ narybede: —Aõhereriwe. ²⁷ Dirawyõnyde: —Ahelÿÿna kie rõðsereri aõhe rotÿÿnyõhylyemy. Tai boo broreni rirubunya. ²⁸ Iumydela tai reburere rõte deramy reare. Idi tyby tamy nade rirõtenykemy. ²⁹ Tahe iriõre dirawyõnyde: —Aõhe õhõkõ adee raaõmysydÿÿnymyhyre. Ibutumy arybe retyhynymy watximahãre. Ihãreta budoeni wadee tewahinyõhyymyhyte, waijoi mahãdu-wana idi arexideysanykemy. ³⁰ Katahe ariõre urile aõnawiwii rahura wedena mahãdu-wana. Rõðsemyta kai broreni riõrede tamy terubunya. ³¹ Tai tyby dirawyõnyde: —Wariõre iny ratximyhyre kiaremyta ibutumy waaõwiiwi heka ahõrõle rare. ³² Iny bedesarenymy heka kawese rewinyre, wadee awireki. Ahelÿÿna dori ruruwese-ribi rexixara. Ikõ-ribi itxi ijara rÿira. Tahe rawobedesarenyre.

16 Jesuisi taerydÿÿna mahãdu-õ relyyre ijyõð: —Hãbuõ inieru sõwere. Tamy deõduõ ibutumy inieru-di raaõmysydÿÿre ijõ nieru ributunykemy. Ijõtxu tahe inyõ rarybere: —Eõdu riki heka anieru-di õbitimy aõkõ raaõmysydÿÿmyhyre. Anieru sõwemy rexihumyhyre. ² Tahe didyde ixidee taconta retehekemy. Tamy rarybere: —Inatyhymy aõbo umy iny rarybemyhyre? Wanierumy tyriti aretehekemy watxireri. Õbitimy aõkõkeki, waribi arateõnyke. Wanieru-di tiu maaõmysydÿÿnyõkre. ³ Tahe teõdu iximy rexi-raykynyre: —Wadinodu riwateõnyke. Aõhebo arotÿÿnyke? Warurukõre dori tahe aõmysydÿÿsira ariwinyõtyhy. Tule ijõ iny-ribi iixitõedÿÿna riwaixÿrure. ⁴ Reeryre tahe, aõhebo arotÿÿnykremy. Aõwihikÿ wabiõwa dee ariwinykre. Riwateõnykeki tahe wabiõwasÿ-õ arakre. ⁵ Ibutumy nieru huõtedu mahãdu-wana rarybere, tawedu-ribi huõtedu wahe. Tamyreny rarybere: —Tiwesebo tewyta wawedu-ribi? ⁶ Tahe diwyõnyde: —Adÿÿ rehuõtera, 100 hynamy wahe. Tai

tahe rarybere ijõ: —Iwekre tahe wylemy biritinyke, 50 wahe. ⁷ Ijõ-õ tahe rarybere: —Tiwesebo adeve? Diwyõnyde: —Trigo rehuõtera, 1000 prato wahe. Tai tamy rarybere: —Kai 800my biritinyke. ⁸ Iribi tahe hãbu ityhy heka teõdumy rarybere: —Tii inatyhy nieru erydu ratxireri. Tahe Jesuisi rarybere: —Kabede wijinabõdu mahãdu heka aõmysydÿÿnana erydutyhy rare, ityhydÿÿdu mahãdu ratyre wahe. ⁹ Tai tahe adee ararybekre. Kabede mahãdu biõwamy boibeke, anieru-di. Tahe anieru ituekeki, Deuxu taheto wiwihikÿ-õ aradykre, biu-õ heto wiwihikÿ wahe. ¹⁰ Aõmysydÿÿnana aõ aõkõmy kai õbitimy masÿnykeki, tule aõ nihikÿmy kai iweselemy mabeke. Inyõ heka ibutemy wasikeki, tii tule aõ nihikÿmy rawasinykre. ¹¹ Kaiboho heka kabede nieru-di õbitimy aõkõ atxibenykeki, tule biu-ki ararõðõna bitaõtyhy, aõ wiwihikÿ inatyhy wahe. ¹² Iny witxira nieru-di heka õbitimy boibebenyõkeki, timybo anieru tyhy-di õbitimy boibeke. ¹³ Inyõ iny inatxi deõdumy aõkõ rarekre. Inatxinaõ dori iluukre, ijõ ta iluukõkre. Deuxu dee maaõmysydÿÿõtyhy. Tiu nierurahi inatyhymy teamyhÿteki.

¹⁴ Fariseu mahãdu tamy roholareu, urile idi nierurahi risinyrenyre, tiiboho ire nieru ributunymyhyrenyre bõdÿÿluurenyre. ¹⁵ Tahe Jesuisi tamyreny rarybere: —Kaiboho heka õbitimy inyko-õ ixi-di atximahãtenyte. Ihãre tahe Deuxu timybo toimahãte rierymyhyre aõna aõnareny bina. Aõmy hãbu rexinohõtinymyhyre, aõtxi-ki Deuxu-õ awiõhyre. ¹⁶ Moisesi bede ywina rybe tahe tule Deuxu Rybedu mahãdu awi rare, Joaõ Sebedÿÿdu rehemynyreu tahe ixãwire. Iu tahe Deuxu Iõlõna Rybe wihikÿ tamyra rõhõnyre. Kia tahe iny rito-hodÿÿnyre. Ibutumy iny kia-õ ralokremy idi ratxireri. ¹⁷ Biu, bede rexihuke tahe isiraõre. Deuxu rybe tahe rexihuõtyhy. Kia isiratyhy rare. Ityriti rybe wedenaõ riõnonyõtyhy. ¹⁸ Hãbuõ tahãwyy-ribi ixãwikeki, idi iwitxira-wana roikeki, tii õtadu rare. Hãwyy ixedu-wana tii roikeki, õtadu rare.

¹⁹ Ityhy mahãduõ riki tyy õwyhykÿwiwi-di rexi-tynymyhyre. Tii idi rexirabedesirananymyhyre. Awimyhÿre tuu ratximyhyre. ²⁰ Tahe urimynodu tyymy binadumy iijõ-ki ixyby ixyby ratximyhyre. Lazaru inire. ²¹ Tii ityhy rÿsÿnauhe rirÿsÿkemy raõbirenymyhyre. Ijõrõsa dori itybinatõmy dirahumyhyde. ²² Lazaru rurureu, ÿju mahãdu ridyrenyre biu-õ ilabiereny rora-õ, Abraõ wahe. Tule ityhy rurure idi rituunynyrenyre. ²³ Tahe rubu-ki rubu mahãdu bedebina-ribi aõhõkÿmy dÿÿnana ityhy Abraõmy robire irehe-õ Lazaru tule irora-ki. ²⁴ Tahe ityhy dyryde: —Abraõ, walabie, wadi inihe bedexiwoboronyke. Lazaru ini wadee tebõ-ki beruty-di kanake wadõrõtõ elehynamy. Jiarÿ dori raõhÿtÿhÿtÿreri kaheõtywo-ki. ²⁵ Tukõleta, Abraõ narybede: —Dãã aõwihikÿ-di tatemyhy-di bexinohõtinyke. Tukõlemyta Lazaru aõbina binahakÿle rymy. Tahe kaki aõwimy Lazaru ratxireri. Tukõmyta kai ibymy atxiteri. ²⁶ Ihãre ta hãloohukÿ inyko-ki rÿire. Timyki kaludu kia-õ iõhõreseõna. Tule kia ludu kaõ iõhõreseõna. ²⁷ Hebose, Abraõ walabie, kamy ityhy narybede, Urile Lazaru wasÿ-õ biteõnykekõ aõbo. Waseriõreboho

deòwarisidÿÿmy. ²⁸ Waseriòrereny dori iruyrerenyre urikò-ribi kabedebina-ò kòdòiheny. ²⁹ Tahe Abraò di-wyònyde: —Tiiboho dori Moisesi tyriti, Deuxu rybedu mahädu tyriti dire. Tii tahe tamy roholarenymy rityhynyrenyke. ³⁰ Ityhy narybede: —Aòkòre Abraò wala-bie. Kia inyò tarubu-ribi rexixamy ròðsekeki xiery ta, taòrarunaren-ribi rexirahìrenyke. ³¹ Tahe Abraò di-rawyònyde ixyby. —Moisesi tyriti rybe-ò, Deuxumy rybedu mahädu rybe-ò roholaòkeki, tii mobo rexixake tule ityhydÿÿna.

17 Tahe Jesuisi taerydÿÿna mahädu-ò rarybere: —Kiemy inyò wodohonadÿÿmy aradykre òraruna-ò besekemy. Kobe làhàxe tii kiawesemy rotÿÿnykreki. ² Tii dori ibinatyhy rare. Wade heka kabera-txi mana-di rataataamy sÿy-ò reakenawi rare. Tukòmy uri-ribi watyhydÿÿdu tÿmyraò riòrarudÿÿnyheny. ³ Bexiijebeny ta. Aityhydÿÿdu seriòre rex-iòrarunanykeki, tamy marähìke. Tii rexirähìkeki, iaòna aòna bina-ribi bexinohòtilosanyke. ⁴ Txu sohojiòmy adee rexibinanykeki, kai tule ibinamy tai mahamy. Tii ixi-di rexiwotòdenymy adee nakeki, tule idi bexiwobrunymy bexinohòtilosanyke iaòna aòna-di.

⁵ Jesuisi erydÿÿna mahädu dexitòenydenyde: —Wanyrÿreny, wainatyhynareny ini bisòwedÿÿnyke. ⁶ Jesuisi dirawyònyde: —Ainatyhynareny heka suny-sisòmo wesekeki, kamy bederarade-ò marybebenyke: —Bexitake inihe idi bera-txi myike. Tahe tii aratyhynyke. ⁷ Titxibo kaibohoò eòdudirenykeki aoworu-di itxeredu ada budoeni-di itxeredu wahe. Tii taaòmÿsÿdÿÿna-ribi kanalokreu, kawesemy aòbo tamy manarybekre? Wy, wylemy rikiroxikre dori. ⁸ Timyki kawese tamy arybeòna. Tukòmyta tamy marybeke: —Warÿsÿna biwinyke idi wadee, idi manakre. Ariroxikre dori. Wabyre arihu-di ta bexiòdenyke. ⁹ Teòdu deòdumy rearahu-di aòbo, txiòtòetuukemy tamy rarybere aòbo. Timyki tukòna. Kiemy dori taaòmÿsÿdÿÿnale riwinyre. ¹⁰ Iu aòmÿsÿdÿÿnareny bihudi, iwese heka atximahäbenyke kamy bexirybenymyhÿbenyke: Inyboho deòdule roire, aòtyhy aòkò mynodu, iny aòmÿsÿdÿÿnarenyle heka inyboho riwinyrenyke.

¹¹ Jesuisi Jerusalè häwä-ò ramyhÿreu, Samaria bede, Kalileia bede wotya-di rare. ¹² Iu häwäò-txi raloreu, debo ituemy sòwereny tyymy binamy mahädu iry-ò doide, tahe irehemy rexierenyke. ¹³ Iribi tamy dyrydenyde: —Jesuisi, Erydÿÿdu, wadireny ini bexiwobrunyke. ¹⁴ Tureny robireu, narybede Jesuisi-ò: —Xiwena wahidÿÿna mahädu-ò ixi-di itxerenamy bòike. Kia-ò rariamy roirenyreu, tahe reyterenyre. ¹⁵ Ijòreny Samaria ludu mahäduò reytemy iximy robireu, Deuxu riwowydydÿÿnymy tamy dòðsede, rawiunymy. Tatiowomy Jesuisiko-ò resere. Tahe rarybere: —Tx-iòtòetuuke. ¹⁷ Tahe Jesuisi ritÿÿraxinyre: —Debò itue wese, asòwerenyre? Titxibo ta debò inaubiòwaboho roire? ¹⁸ Aòherekiwe kaa iny witxira sohojile Deuxu wowydydÿÿmy dòðsede, Samaria luduò wahe? ¹⁹ Tahe Jesuisi tamy rarybere: —Mynyike, idi makre. Atyhydÿÿna òraru-ki dori teyteta. ²⁰ Idi fariseu mahädu Jesuisi-ò rÿÿraxirenyre: —Tiubo Deuxu Iòlòna kanakre? Tii di-

wyònyde: —Timyki Deuxu Iòlòna dehemymsÿnyamy inyò robiòtyhy. ²¹ Tule inyò kiau rarybeòtyhy: —Betehebeny inihe ka-ò: —Tukòmy aòbo: —Kowaki heka rare? Deuxu Iòlòna dori aworeny-ki rare.

²² Tahe taerydÿÿna mahädu-ò rarybere: —Tiutxumy heka Deuxu Riòre Häbutyhyhykÿ txumy bobibenykemy tahe bobibenyòtyhy. ²³ Tahe ijò adeereny kanarybekre: —Bedetehebeny inihe kaò ada kowa-ò. Tahe iitxerenyòmykre. ²⁴ Iwese tiribi tiò biu relaanymyhÿre wese heka Deuxu Riòre Häbutyhyhykÿ txu kÿnyikre. ²⁵ Delemy tahe tii aòhòkÿmy rotÿÿnykre. Wijinabòdu mahädu teramy reakre. ²⁶ Noe bededÿÿnana wesemy heka rÿimyhÿkre. Iu beòra rariareu. Tahe Deuxu Riòre Häbutyhyhykÿ kedehemynykre iu. ²⁷ Ibutumy heka worana bedehesi rÿire. Lisisò tahe rÿire. Häwyy herina lisina rÿire iu. Iu tahe beòra rariare. Ibutumy ituere. ²⁸ Lòò bededÿÿnana tule iwesere. Tiiboho worana bedehesidile rÿire. Tiiboho rityhynyòtyhy. Urile hetomy riwinymyhÿre, oworomy riwinymyhÿre, aòna-di rohonymyhÿre. ²⁹ Iu tahe Lòò ihäwä-ribi ròhònyreu, Deuxu heòty ityre riteònyre. Biu-ribi heòty ityre resere enxofre-wana. ³⁰ Iwesele txu tii heka rarekre heka, Wadehemynyna Deuxu Riòre Häbutyhyhykÿ wahe. ³¹ Kiau tahe inyò ihetotyre heka rÿire. Malòkekò heka ahetowo-ò aònamynamy. Inyò tule oworu-ki rÿire, taheto-ò aòkò ròðseke. ³² Lòò häwyy-di mohòtinyke. ³³ Inyò taumy riyrubunykeki, tii ruruke. Ijò tahe wadeewimy rurukeki, tii taumy rayrubukre. ³⁴ Adeerarybere: —Bede rurureu heka inatxi häbu ròòreri. Ijò heka rakre dynamy reakre. Ijò tahe rarikre. ³⁵ Inatxi häwyy heka rÿsÿna-di raaòmÿsÿdÿÿnymy heto-ki ratxikre. Ijò heka dynamy reakre, ijò heka rarikre. ³⁶ Inatxi häbu heka oworu-ki raaòmÿsÿdÿÿnykre. Ijò heka rakre dynamy reakre, Ijò tahe ririkre. ³⁷ Ierydÿÿna mahädu rÿÿraxire. Titxibo rÿikre, Wanyrÿ? Tii rirawyònyre: —Titxibo iumy rubu roire-wana, rara tai wii ributunyre.

18 Jesuisi heka ròkewesenanyre ribedeerynyreu. Kia wese heka tii ijyymy relyyre. Rexitòenyhykemy tii ribedeerynyre tule ixitòedÿÿ-ò ixirarenymy. ² Häwäò-ki tahe häbu matuariò rare, tii tahe ibinare. Juizimy heka ratximyhÿre ywisidÿÿdu wahe. Tii iny rityhynyòtyhy, Deuxu lau ruberuòmyhÿre. ³ Tule heka häwyy wyteseò tai rasÿnymyhÿre. Kia tamy ramyhÿre sòwemy. Tamy rarybera: —Biwawikòhenakykre wahe. Wakòludu tahe riwahureri. Kywisidÿÿkÿdu kai atxiteri. Anoherekibo tiwawokutòenykòteri. ⁴ Aòðhòkòmy häbu iaòna aòna òbitidÿÿ deramy reamyhÿre. Tahe Häbu ixidee rarybehyyra. Inatyhymy jiarÿ inyò retyhynyòtyhy. Tahe häwyy wytese sòwemy wadee rarybereki, jiarÿ ar-iòbitinykre iaòna aòna ibutumy iòludu-wana. Aòkòkeki tiiemy kidiwarulòlòenyke. ⁶ Tahe Jesuisi ritÿÿnyre: —Juizi bina rybe-ò kaiboho boholabenyke. My wahe. ⁷ Deuxu heka tajoi mahädu-ò roholake. Òbitimyy iòludu-di riwisyinykre. Tajoi mahädu dori tamy rex-itòenyre. Tii wymy riwiòhenanyke. ⁸ Tii inatyhymy tajoi mahädu riwiòhenanykre. Jiarÿ, Deuxu Riòre Häbutyhy-

hykÿ wymy adehemynykreu, watyhydÿÿdu-txi aõbo areakre.

⁹Tule Jesuisi kia ijyy relyyre, iny ixityhymy ixi-di ratxityhymy kia ijõ inymy kiale radõnymyhÿre. Kia tahe rikewesenanyre. ¹⁰—Iny inatxi hãbumy heka templo-ò rõirenyre rexitõenykemy. Ijõ fariseu rare, ijõ tahe nieru arisidu rare. ¹¹Fariseu tahe rÿimy rexitõenykemy ixidee. My wahe: —Deuxu, jiarÿ aõhãbubina aõkõ rare. Tai tahe umy realãmy wahãre. Jiarÿ aõwasidu aõkõ, aõðrarudu aõkõ, aõðtadu aõkõ. Iwese kowa nieru arisidu wese aõkõ jiarÿ rare. Txiòtõetuuke tai. ¹²Semana sohoji heka wabyre-ò-di inatxixumy rewymyhÿre. Tule waaõna aõna ibutumy ijura adee rewahinyre. Debõwiõna-ribi sohoji rewahinyumyhÿre wahe. ¹³Nieru arisidu tahe irehemy rÿire. Biu-ò aõkõ retehere, tahe rexihetenyre rexitõenyrerimy Deuxu-ò. My wahe: —Deuxu, biwawotõenyke. Jiarÿ òrarudu rare. ¹⁴Jesuisi ijyy ritÿnynyre: —Adee ararybekre. Mobo teysamy taheto-ò nade? Ixityhydÿÿdu aõbo ada ijõ aõbo. Kohe ijõ tuure, ixityhydÿÿdukõ wahe.

¹⁵Tiiboho heka uladu tamy didydenyde. Iu Jesuisi tebõ iratityre ritidimy ritxuhore awimyre roirekemy. Tahe ierydÿÿna mahãdu tamy idyrenyõkremy raryberenyre. ¹⁶Jesuisi rarybere: —Txiò, kididyke uladu wadee. Uladu wese dori Deuxu Iòlõna rare. ¹⁷Inatyhymy ararybekre: —Moõ heka uladu wesemy Deuxu Iòlõna rityhynyõkeki kia heka Deuxu Iòlõna-ò ralõðtyhy.

¹⁸Idi tahe iweduõ rarybere: —Erydÿÿdu wihikÿ, aõwexe ariwinykre idi biu-ò arahenykemy. ¹⁹Jesuisi tamy rarybere: —Aõbo wa wihikÿmy wadee tarybeta. Hãbuõ tiu awiõre. Deuxu sohojile tahe awira. ²⁰Bede ywina tyryiti kai teeryte:

—Rubudÿÿõmykemy, tule òta òtaõmykemy, wasiõmykemy, tule ruiõmykemy, iny wii itxenadÿÿõmykemy, adi biywinykemy, boo tule.

²¹Hãbu tamy rarybere. —Kia bede ywina rybe retyhynyhyllere, uladudihyyle wahe. ²²Jesuisi rarybere: —Kai sohoji aõmydÿÿnale aki nasiranyde. Kai makre, ibutumy aõna aõna-di bohonykre, idi tahe kia nieru biwahinykre iny aõkõdu mahãdu-ò. Kia tahe aõmydÿÿnadikre biu-ki. Tahe manakre biwaheludunykre. ²³Kia rybe-ki heka hãbu rabadewore. Rexitare ibedewomy iaõna aõna sõwetyhyreki. ²⁴Jesuisi retehemy ibederyry-di tahe rarybera taerydÿÿna-ò: —Kia iny iaõna aõna sõwemy rÿireri, Deuxu Iòlõna-ò ralõke isirare. ²⁵Kamelo tyyrorenawo-di ralõkemy isirakeki, kia-ribi isiratyhyre iny iaõna aõnadikeki ralõke Deuxu Iòlõna-ò. ²⁶Ijohonadu tahe widee rarybere: —Mobo tai biu-ò hedukre. ²⁷Jesuisi rarybera: —Inatyhymy kõaõboka hãbu-ò isiratyhyre. Deuxu-ò tahe ibutumy aõna aõna isiraõre. ²⁸Pedro rarybere: —Boholake, jiarÿboho ibutumy rerirenyra araheludunykre. ²⁹Jesuisi rarybere tamy: —Inatyhymy adeereny ararybekre. Moõ waluukeki, rybewihikÿ luukeki, kia heka ririkre: heto, taseriõre, tyby tadi-wana, tariõre, tabede, ibutumy waðraru-ki, Deuxu Iòlõna òraru-ki, ririkre. ³⁰Ka bedekile ritakre sõwetyhymy ibutumy aõna aõna. Ihãreta biu-ò rahenykre Deuxu-wana rasÿnykemy.

³¹Jesuisi taerydÿÿna mahãdu ridyre inysõwe-ribi tamyreny rarybekemy: —Boholabenyke waijoi! Jerusalẽ-ò rokoirenykre. Tai iny riwarubunykre jiarÿ Hãbutyhy rarehãre, Deuxu Riõre rarehãre wahe. Iwese Deuxu Rybemy rybedu mahãdu rarybere wese. ³²Tiiboho riwawahinykre judeukõdu mahãdu-ò. Tiiboho riwabinabinadÿÿnykre, riwalahikre, watyre rarybexinykre. ³³Riwahetenykre òhõte-di, idi riwarubunykre. Ihãre tahe inataõ txu-di tahe adexixakre rubu-ribi. ³⁴Jesuisi erydÿÿna mahãdu urile bede riõtiinyrenyre. Aõmybo tii rarybere rierytyhyõrenyre. Irybe tamyreny dori ierynatyhykõreri.

³⁵Iu Ijeriõ hãwã-ribi iõhõmy roirenyre, inatxi iny ruetãmy heka ronymyhÿ Jesuisi ibire-di rareu. Tiiboho nierumy rexitõenymyhÿrenyre. ³⁶Inysõwe-ò roholarenyre tahe, tii rÿÿraxirenyre: —Aõhereriwe. ³⁷Tahe tamy rarybere: —Jesuisi wa rareri Nazare hãwã ludu wahe. ³⁸Tahe ruetãð rryre: —Jesuisi, Davi riokore! Biwatõenyke hewa! Wadi làhà inihe bexiruxetõenyke. ³⁹Iny sõwemy tamy rarybere: —Iryõmyke! Ihãre ta tii rryrymyhÿre: —Davi riokore, wadi mawotõeke! ⁴⁰Jesuisi rryre tahe rarybere: —Tamy byryke wadee kanakemy. ⁴¹Jesuisi tamy rarybere: —Aõmybo kai taruteri adee arutÿÿnykremy. Tahe hãbu ruetãhãkÿ tamy rarybere: —Wawedu, ixityre arobikremy. ⁴²Jesuisi tahe tamy rarybere: —Makre, atyhydÿÿna kai aratetytenyra. Kialehe rare. ⁴³Aõwesele ixityrele tii robire. Tahe Jesuisihemy rare ryy-di. Taihe ibutumy iny heka Deuxu riwowydynymyhÿ.

19 Ijeriõ hãwã-ki Jesuisi rehemynyre. Idi rariareri. ²Tahe hãbuõ tahe Jesuisi riere. Zaqueu inire.

Inieru sõwore. Tii nieru tarasadu weduõ rare. Inieru sõwore. Tii heka iyjare tahe Jesusimy robiõtyhy. Raòwõnyre tahe òwòru-txi. ³Tii Jesusimy robikemy risÿnymyhÿ, tiu tuu robiõhyymyhÿreki. Iyjare-ki tahe rexisiranyre. Kiemy dori iny rarie rarie iko-ki rÿimyhÿ. ⁴Tahe ijoiko-ò rexiraðre tai òwòru-ò raòwõnyre Jesusimy robikemy iribi idi kanakre. ⁵Iu Jesuisi tamy rehemynyre, biu-txi retehemy Zaqueu-ò. Narybede: —Wylemy bedeseke Zaqueu. Wiji dori aheto-ki bede wadi rÿike. ⁶Tahe rabedesamy wymy resere. Awimyre Jesuisi rybe-ki rahare. ⁷Tahe inyõ mahãdu iòraru-ki kamy rexirybenyrenyre: —Aõhewe Jesuisi iheto-ò rara? Tii iny òbikõmy nodu hãrele wahe. ⁸Zaqueu tahe Jesuisi rarybere: —Bodoholake ini, Wanyrÿ. Tahe waaõna aõna iwekre iaõkõdu mahãdu-ò ariwahinyumy areakre. Tule txibo inyõ-ribi rowasire inaubiõwa wawasi ratyre tamy ariwahinykre. ⁹Tai Jesuisi narybede: —Wijityhyle kahãbu sÿmahãdu-ò henana rehemynyra. Kahãbu tule Abraõ riore riõrele rare. ¹⁰Deuxu Riõre Hãbutyhyhykÿ dori iny òrarunamy resere mahãdu òrysmy itarasamy nade. Jiarÿ tiire.

¹¹Jesuisi tamyreny rawesenanyre timybo Deuxu Iòlõna raremy. Jerusalẽ hãwã-ò iõhõmy ratximyhÿre. Tai tahe Deuxu Iòlõna iõhõmy ratximyhÿremy roholare. ¹²Tahe Jesuisi rarybere iny ityhyõ heka: —Inyõ nihikÿ heka rakemy ratximyhÿre ijõ bede-ò ratÿinykemy. Tai iòlõmy ronykremy rare. Iribi tahe ròsere. ¹³Tii tahe

taaõmydÿynana ririre teòdu mahādu-ki. Teòdu mahādu debòwiòmy heka womati tÿrÿrÿhÿkÿ nieruõ sohoji sohoji tamyreny riwahinyre. Tamyreny rarybere: —Nieru bitakre, idi bibutunybenykremy adireny watxireri adooskrey. ¹⁴ Tahe kia bede ludu mahādu iòlò deramy ratximyhÿre tai tahe tamy rybemy iny mahāduõ riteònyre: —Kahābu aõkõ iny iòlòreny ronykre. ¹⁵ Ihāre tahe iòlòmy ronyre. Idi tahe tanieru wedu mahādu-ò rarariònyre. Tiwesebo teòdu mahādu nieru ritare rierykemy. ¹⁶ Juhuludu tahe rehemynyre: —Wawedu, betehe inihe ijõ debòwiò anieru ratyre rebutunyre. ¹⁷ Tahe iòlò sòwemy riwowydynyre: —Awityhymyhe taaõmysÿdÿÿta. Kai heka deòdu wihikÿ tate. Kai ibutedile sòwemy tewinyte tahe debòwiò hāwā adee ariwahinykre. ¹⁸ Ijõ tahe rehemynyre: —Wawedu, betehe iny iruyre anieru tyre rebutunyre. ¹⁹ Tahe iòlò tamy rarybere: —Kai sÿ iruyre hāwāmy dinodu mabekre. ²⁰ Ijõ deòdu rehemynyre: —Wawedu, ahāxe anieru. Jiarÿ tyky-di reraseraseny rerarenre. ²¹ Jiarÿ alau raberure. Kai dori hābu nieru tarasaery heka tate. Aõ taaõmysÿdÿÿteri-ribi aõkõ heka nieru tetamahāte. ²² —Kai heka deòdu awi aõkõ heka tate. Arybe xiery waribi arateònykre. Kai tiwaeryte jiarÿ nieru tarasaery heka watxireri. Aõ raaõmysÿdÿÿre-ribi aõkõ nieru retamahāre. ²³ Aõherekibo. Kia nieru yrubuna heto-ki terikõte. Tai iximyna ratyre ini iribi ratare. ²⁴ Iòlò teòdu inatxi-ò rarybere: —Wanieru iribi bitabenyke. Ijõ hābu sòwemy ròtareò rawahikre. ²⁵ Ijõ raryberenyre: —Tii heka debòwiò nieru ijõdire. ²⁶ Adee ararybekre: —Inyõ òbitimy raaõmysÿdÿÿkeki, tii sòwetyhymy ritakre. Tule inyõ òbitimy raaõmysÿdÿÿõkeki, tii ibutumy ròñodÿÿkre. ²⁷ Iwedu rarybekre: —Waòludu mahādu tahe wadee bididybedenyke. Wadera mahādu wahe. Wako-ki birubunybenyke.

²⁸ Tarybe rahudi tahe Jesuisi rare Jerusalē hāwā-ò.

²⁹ Jerusalē iòhòmny ritehemynyrenyreu, tahe inatxi taerydÿÿna bede riywinyra hāwā-ò roikemy. Inatxi hāwā iòhòmny roire, Betabaji, Betÿnia-wana. Kia-ò Oliveira hāwālò roire. ³⁰ Jesuisi rarybere: —Kaiboho boikre kowa hāwā-ò. Kowa-ò birònykre jumenta riòre mahabenykre. Moheka ityre rariaõlemy ratximyhÿre. Biesemy, wadee bididybedenyke. ³¹ Inyõ adeereny rarybekeki: —Aõhekremybo idi atxitenyteri. Tahe tamy marybebenykre: —Wanyrÿ tuu rurureri. Ixityre kaò kidiòkesedÿÿnykre. ³² Tahe hābu roire. Iwese Jesuisi rarybere wese ibutumy rÿire. Jumenta riòre ryro hetoi-jò-ki ritisanymy rÿimyhÿ. ³³ Tai riesereu, iwedu rarybere: —Aõherekibo teeseteri. ³⁴ Tai tiiboho Jesuisi rybe myna tamy raryberenyre: —Inynyrÿ tuu rurureri. ³⁵ Tahe ridyreny jumenta riòre Jesuisi-ò. Tiiboho tatyreny ritidireny jumenta riòre tyremy. Tiiboho risÿnyreny Jesuisi ityre-ò. ³⁶ Jesuisi rehemynyreu, ijõboho tahe tauwòhi ryromy ritidire ityre rariakemy. ³⁷ Jerusalē iòhòmny rehemynyreu, Oliveira hāwālò-ribi, ierydÿÿna mahādu rawyhyrarònyreri, tule ryreri.

³⁸ Tii heka wowydyna rare. Tii heka Wanyrÿ niweseke-my naderi. Wowydyna rare Deuxu Iòlòna. Kai Iòlòna kanakre. Wyhyrarò biu-txi kodoholakre.

³⁹ Ijõ fariseu mahādu rarybere Jesuisi-ò: —Marybeke aerydÿÿna mahādu-ò tiiboho rierykemy. ⁴⁰ Jesuisi tamy rirawònyre: —Tiiboho rierykeki, manale wowydynamy ryrke.

⁴¹ Jesuisi Jerusalē hāwā-ò iòhòmny rehemynyreu, rahinyre. ⁴² Tii rarybere: —Kaiboho ywinatyhy teeryõte. Inatyhymy teeryte wana wadee awire, tahe aõkõre.

⁴³ Ijõ txu kanakre. Ahāwā ibutumy rirurawonykre aõbi-na mahādu, aòludu. ⁴⁴ Ibutumy hāwā ituekre. Iny iwo-ki tule rurukre. Mana ibutumy kedeseke. Rierykõre dori tiubo jiarÿ ahedÿÿrenymy nanade.

⁴⁵ Tahe Jesuisi dohodÿÿna hetowo-ò ralore. Tahe kia-ribi aõna aõna-di rohonymyhÿre mahādu, õbrahu mahādu diteònyde. ⁴⁶ Rierynanymyhÿre tahe tamy rarybere:

—Raritimÿõlemy aõbo rÿireri: —Waheto kōaõboka inatyhymy ixitòedÿÿna hetomy rÿirakre. Idi kaiboho tewinytenyte wasidu hetowesele.

⁴⁷ Txu ibutumy Jesuisi dohodÿÿna heto-ki ròbedeerydÿÿmyhÿ. Xiwe wedu mahādu, Deuxu aõmysÿdÿÿdu wedu mahādu roholarenyreu, ròhòtynyreny: —Timybo inyboho Jesuisi rubudÿÿmy rikiwisÿnyrenykre. ⁴⁸ Tii-boho tahe aõkõhykre iny sòwemy dori bede riòt-inymyhÿ ibedeerynadÿÿna-ki.

20 Ijõ txu tahe Jesuisi ròbedeerydÿÿmy, Ijyy Tÿmyra Wihikÿ wahe. Ririranymyhÿrenyreu dohodÿÿna hetowo-ki, bede ywina erydÿÿna mahādu, Deuxu xiwena wahidÿÿdu mahādu wedu, tule matuari mahādu tamy doide. ² Tiiboho tamy rÿÿraxirenre: —Mowe atèdÿÿdure kia aõna aõnamy tatÿÿnymyhÿtemy. ³ Jesuisi dirawònyde: —Adeereny tule araÿraxikre. Kaiboho bidiwawònykeki, tahe jiarÿ akorenny ÿraxina ariwyòkre aõrudibo aõna aõna rewinynehÿre. ⁴ Tahe Jesuisi ritÿÿraxinyre: —Mobo Joaõ ratisebedÿÿmy riteranyre? Deuxu aõbo ada iny aõbo? ⁵ Tiiboho widee rarybera: —Deuxu riteranyremy inyboho rakaryberenykeki, tai tii rarybekre: —Aõherekibo tahe tii tetyhynytenyõte. ⁶ Inyõ riteranyremy rakaryberenykeki, iny aruberuwÿhÿrenykre. Ibutumy iny dori Joaõ rityhynyre tii Deuxu rybe-di rybedumy. Ijõ ijo mahādu urile inyreny kidihetenykre. ⁷ Tai tahe tiiboho raryberenyre: —Jiarÿboho reeryõreny. Tai tahe Jesuisi rarybere: ⁸ —Hebo, jiarÿ adeereny iximy ararybeõtyhy modeòdÿÿnamy jiarÿ tuu watxirerimy.

⁹ Iribi tahe Jesuisi tamyreny ijyy-di rierynanymyhÿre: —Hābu uva oworuõ wese ròbròre. Tahe riòtitynyre. Tahe hāloo riare oworu ubetya-ki, ruÿdÿÿnymy. Tahe utò riwinyre. Idi tahe rityhere hābu mahādu-ò. Tahe rexitare tasÿ-ribi ijõ bede-ò. ¹⁰ Tahe bederaty siredeemy bededÿÿnana rehemynyreu, iwedu teòdu riteònyre bederaty ritakemy. Tahe oworu-di itxeredu oworu wedu deòdu rimyreny, rihetenyrenyre idi riteònyrenyre ixihyulemy. ¹¹ Ixityre oworu wedu teòduõ riteònyre. Kia heka irati rihetenyre ta tamy rawobinarybenyre. ¹² Ijõ riteònyre. Kia heka rirubunyrenyre. ¹³ Iwedu ixi dee rarybere: —Aõhebo arotÿÿnykre. Tahe oworu wedu iriòre sohojilere, wariòre kie kie sohojile ariteònykre. Tai tiiboho rityhynyrenykre. ¹⁴ Kia oworu-di itxeredu

mahādu widee raryberenyre: —Kia heka wedu aōna aōna tarasadu rare. Rurukre, idi tahe iaōna aōna iny-deerenykre. ¹⁵ Tahe rimyrenyre idi rirubunynyrenyre tahe idi rehurennyre oworu-ribi. Jesuisi ritŷŷraxyre: —Aōhebo tahe oworu wedu rotŷŷnykre. Tai Jesuisi ixityre narybede: ¹⁶ —Tii kanakre oworu-di itxeredu mahādu hudumy, tai tahe oworu rityhekre iny witxiraō-ō. Kia-ō tiiboho roholareu, tahe raryberenyre. Timyki tukōna. ¹⁷ Jesuisi idi reny retehemy tahe rarybere: —Ritina-di aōbo tariaōletenyte kia ryberiti:

—Mana-di hetowidŷŷdu rehura. Kia mana heka heto-hātxi-ki heridu rare.

¹⁸ Inyō kia manatyre resekeki, kia urile raoroorokre. Mana tahe inytyre resekeki, kia urile risyrisynykre.

¹⁹ Bede ywina erydŷŷna mahādu, tule xiwena wahidŷŷna mahādu wedu rimykemy riwisŷnyre kiaule. Brebumy ta turennykōre. ²⁰ Tiiboho hābubinaō riōwunynyre tamy imynamy irybe-ki. Tai tahe Dinodu-ō ri-wahinykremy aōsirakōmy timykibo irutaōmy rirybewitxiranyrennykemy. ²¹ Tiiboho rarybere Jesuisi-ō: —Erydŷŷdu, jiarŷboho araerymy adi watximahārennyre kai inatyhy hābu tate. Iny ibutumy adee wiwese wiwesele. Inatyhymy iny-ō Deuxurymy teerynanymahāte. Tahe tiiboho ritŷŷraxyrennyre: ²² —Awire aōbo ada ibinare aōbo nieru rawahinyrennyre bede dinodu-ō. Timybo tahe, imposto rawōwmy aōbo ada aōkōre aōbo. ²³ Jesuisi rierymyhŷre tōhōtinanareny, tahe ritŷŷraxyra: —Aōherekibo kaiboho tiwaurihitenyteri. ²⁴ Wadee womati nieruō bidiwy waitxerenamy. —Kawe moō tyrtarasana rare, katahe moō tyritina rare. Tiiboho dirawyōnyde: —Kiahe bede dinodu hōrō rare. ²⁵ Jesuisi rarybere: —Hŷdebo, bede dinodu hōrō tahe tamy biwahinybeny, tule tahe Deuxu aōna aōnahōrō Deuxu-ō biwahinybeny. ²⁶ Tiiboho aōkōre. Irybe-ki rimynamy aōkō. Urile ribedeōtiinyre.

²⁷ Saduseu mahādu tamy nade. Kia heka iny rubu-ribi rexixamy aōkōre-riki rierynanyrennyre. Tiiboho ritŷŷraxyrennyre Jesuisi: ²⁸ —Erydŷŷdu, Moisesi raritinyre bede ywina-ō, kaimy:

—Hābuō rurukeki, tahāwyy iriōre ijōdiōkeki, tahe kia hāwyy tahābu seriōre-wana roike. Iriōredikre taseriōre rubuōwmy roikre.

²⁹ Seriōre debōinatxi reurōmy raremyhŷ. Juhuu ijō roire hāwyy-wana. Tahe tii rurure iriōreōlemy. ³⁰ Tahe ihewoludu iseriōre wytese-wana roire. Tii rurure iriōreōlemy. ³¹ Ihewoludutyhy tule ibutumy roire wytese-wana, tahe ituerenyre iriōreōlemy. ³² Irōōbmy tahe hāwyy tule rurure. ³³ Ixixanau tahe mohābubo tii-wana rarekre. Ibutumy dori wytese-wana roire. ³⁴ Jesuisi rirawyōnyre: —Kabede-ki hāwyyiny roimyhŷre. ³⁵ Ixixanabedeu heka moō roiōtyhy, inyō dori bede kia riōbynykre. ³⁶ Ibutumy iny ŷju wese rarekre biu bedetxi. ³⁷ Moisesi tatyriti itŷnyhŷkŷlemy rarybere: —Iny rubu-ribi kedexixakremy. Tai ta heōty ōwōru sōmo riwronymyhŷki ixbylesŷ rarybera:

—Deuxu heka Abraō, Ijai, Ijaō kia Deuxu rare.

³⁸ Tai Deuxu inyru mahādu Deuxu dori rare. Iny rubu mahādu ta aōkōre. ³⁹ Inyō rarybere: —Arawyōnakyhy-

na, Wanyrŷ tate. Bede ywina tabohe teerytyhyte! ⁴⁰ Tai tahe ixby rŷŷraxyōhyrennyre.

⁴¹ Jesuisi rarybere: —Timybo bede ywina erydŷŷdu mahādu rarybemyhŷre Kristu Davi riōre raremy. ⁴² Davi rarybere aōmybo Deuxu Tyytybytyhy tamy narybedemy iwiuna-ki:

—Wanyrŷ rarybere Wanyrŷ-ō:

—Bodony warurunawe-ribi.

⁴³ Txiōhe inihe, aōludu awarawo-txi aritidikre.

⁴⁴ Tahe Davile tanyrŷmy rininire. Timyki tahe Davi itybymykre.

⁴⁵ Tii taerydŷŷna mahādu rierynanyrennyre. ⁴⁶ Tii rarybera: —Bexiemyhŷbeny bede ywina erydŷŷdu mahādu lau. Tiiboho heka tyrehetyhywidihikŷle rexityynymyhŷrennyre. Tiiboho heka ixi rybedŷŷluurenyre hāwā rira-ki. Dohodŷŷna heto-ki ryanawi luurenyre. Tule ta anarŷŷ rŷi-wana, tyhytyrekile rynana tamyrennyre awire. ⁴⁷ Tiiboho tule wytese aō aōkō mahādu aōna aōna ritamyhŷrennyre. Ixitōedŷŷna rehehekŷ rexitōenymyhŷrennyre. Tiiboho heka aōnihikŷmy aōhōkŷmy dŷŷnanamy rotŷŷnyrennyre.

21 Jesuisi retehemy rŷimyhŷ dohodŷŷna heto nieruhyna-txi. Tii retehere tibo iny tanieru-di rehumyhŷdi. Tai inieru sōwe mahādu nieru sōwemy ritidimyhŷ. ² Tule tahe nade wytese aō aōkō mahāduō. Tii inatxi nieru sōmo-di rehure. ³ Tai Jesuisi rarybere: —Kowa heka wytese nieru-di rehure ibutumy iny witxira ratyre. ⁴ Ijō mahādu tanieru uhedile rehumyhŷ. Tahe wytese idi rehure ibutumy tanieru-di rexihumy taumy-ribi idi rehure. ⁵ Dohodŷŷna hetomy ierydŷŷna tamy rarybere: —Erydŷŷdu, beteheke mana wihikŷ ruxera ruxera-di eryna heto riruxeranyreridi. ⁶ Jesuisi rirawyōnyre: —Kaiboho betehebennykre hetonihikŷ-ō. Kia heka mana ijō wityre-ki rŷiōtyhy, ibutumy heka kedejuxunykre. ⁷ Tiiboho ritŷŷraxyrennyre. Tiubohe ibutumy kidiixāwididŷŷnykre. Tiiboho ibutumy bede konanadŷŷnamy reakre. Timybohe arieryrennykre, aōma bede ibutumy rexihukre. ⁸ Jesuisi tamyrenny rarybere: —Kaiboho anaitxenanydenyheny lau bexiebennykre. Sōwemy dori rŷikre wanimy rarybemy rarekre: —Jiarŷ dori Kristu rare. Tahe iny sōwemy itxenadŷŷmy reakre. ⁹ Kaiboho wounarybe-ō, aōbina rybe-ō, boholakre, breburenyōmykre. Kia heka kanakremy ratximyhŷre. Urile bededŷŷnana ikonanytyhy aōkō rare.

¹⁰ Tii tamyrenny rarybere: —Uritere iny lahinarany, ijō lahinarany widee kanaaōbinanykre. Tule iōlōna mahādu, ijō iōlōna mahādu-wana widee kanaaōbinanykre.

¹¹ Bede bedesu ijō hāwā-ki kanamytatakre. Tahe aōkōre rama kedeakre. Kia heka juhu aōhōkŷmydŷŷnana rarekre. Aōbrebuna brebuna kŷnyikre. Idi biu-ki aōwitxira kŷnyikre. ¹² Tiiboho arawahinyrennykre aōludu wedu-ō, iōlō-ō. Kaiboho heka aōhōkŷmy iu botŷŷnybenykre, watyhydŷŷ ōraru-ki. Tiiboho arahatenyrennykre dohodŷŷna hetowo-ki. Kiabohoko-txi wadee kaiboho kedelyykre inatyhymy aōna aōna rŷiremy. ¹³ Rybewihikŷmy ibutumy bede bede hāwā hāwā-ō belyybenykre. ¹⁴ Tiubo aradyrennykeu, urile nohōtiōmy aōmybo kaiboho marybennykre. ¹⁵ Kiautyhyle aōmy-

bo marybekenkremy bierykre. Kia tahe marybekre. Kai aõkõ dori marybekre, Deuxu Tyytybytyhy tahe rybedukre. ¹⁶ Asÿreny dori røtenawo-ò ararøtenyrenykre. Seriore seriorele wii kidirubunykre. Tyby heka tariore kidirubunykre. Uladule tadi, tyby kidirubunykre. ¹⁷ Ibutumy heka iny iy kedeakre wani òraru-ki adeereny. ¹⁸ Ibedeu araderenytiõ reseõtyhy. ¹⁹ Bexityhymy ta tai ixiery dori biu-ò mahenybenykre. ²⁰ Ijõ tahe Jesuisi rarybere: —Woudu mahãdu Jerusalë rirurawonykre heka bierybenykre aõhuluhudunamy bede rÿirerimy. ²¹ Judeia hãwã hãwã-ki ratxikeki, mahenybenykre bederatòðhòkÿ-ò. Inyõ Judeia hãwãkikeki, iribi òlò rÿikre. Idi inyõ bederokeki ixyby Jerusalë-ò røteomykre. ²² Kia txuu heka òwynatxumy rare. Ibutumy rybe tyyriti myna heka bede rÿikre. ²³ Kobexe he-ny hãwyy bõtomy rÿira, tule hãwyy tariore ritõnymy rÿira. Aõhòkÿmydÿÿnana kanakre tui heka tuuõre. Debure nihikÿ heka kanake kia iny tyre-ki. Tiu heka kiamy bede roiõtyhy aõhòkÿmydÿÿnanamy. ²⁴ Sõwemy iny rukre mayrehe-di. Iny sõwemy radykre ijõ bede-ò aõhòkÿmy tai rotÿÿnykremy. Ityhydÿÿdukõdu mahãdu rasÿnykre Jerusalë hãwã-ki iu.

²⁵ Ixityre tahe Jesuisi rarybere: —Idi webòhòna rÿira txuu, aõhòkÿmydÿÿnana itue-di, txuu heka rurunykre. Ahãdu tule rurunykre, tule taina. Beòbò lau iwodÿÿ lau ibutumy iny ruberukre inihikÿ òraru-ki. ²⁶ Iu bede bede iny mahãdu aõhebo rotÿÿnymy, tatõhõtibre-di tiiboho resereny sutyre-ki tai. ²⁷ Iny retehekre

Deuxu Riøre, Hãbutyhyhykÿ dehemynyna-di. Biurawetyky-ribi kodobehekre tatyhy-di.

²⁸ Tahe kia aõmydÿÿnana rÿikre, ywinamy bòibenykeu, iòhòlereri.

²⁹ Tai tahe Jesuisi figueira-ò-wana tahe bede ròkewesenanyre: —Figueira-ò-di ini bexinohõtinybenyke. Tii heka tairu-txi, tanoiròsò ritÿmyranymyhyreu, tai tahe bierybenykre wyra iòhòlereri. ³¹ Tule kia aõna aõnamy bobibenykre, tii iòhòlereri. Ijò-ki iòhòwesele rÿire.

³² Inatyhymy adee ararybekre, kia wijinabòdu itueõtyhy aõna aõna rÿikre hãrele. ³³ Biu, bede-wana ituekre, tahe warybe itueõtyhy.

³⁴ Tahe Jesuisi tarybe rihumy rarybere: —Kaiboho bexiebenyke, betehobenkykre ixinohõtitydÿÿrenythykõmy. Roxina worana bedehesi-di timybo kaiboho atximyhÿtenytedi. Mona juberere biõbenykeny mo- hõtinyõke. Kaiboho dori teeryõteny te tubedemybo adòòsekre. ³⁵ Kiatxu kanakre tahe iwese nawii mynyna wese aõwesele rimykre ibutumy bede iny mahãdu rimykre. ³⁶ Biebenyke tahe, Deuxu-ò bexitõnybenyke. Kia tahe aõhebo rotÿÿnykre-ribi mahenyke. Bityhnykre Deuxu Riøre, Hãbutyhyhykÿ, jiarÿ wahe.

³⁷ Txuõ txuõlemy tii Dohodÿÿna heto-ki ribedeerynyre ihãre tahe rummy Oliveira hãwãlò-ò rara.

³⁸ Rudile tahe sõwemy iny dohodÿÿna heto-ò rehemynymyhyreu Jesuisi rybe-ò ijohomy.

22 Iòhòmy ratxireri Pascoa worana bedehesi kodohònykremy. Kia anarÿÿ wehityhynamy heka iny ratya-di reare. Tule orotxu anarÿÿ kia ròhònyre.

² Deuxu aõmysÿdÿÿdu wedu mahãdu, tule bede ery-

dÿÿdu mahãdu Jesuisi rimykeny ratxireri idi rirubunykeny. ³ Satanasi heka Judasi Isariòwo-ki ralore, tii Jesuisi erydÿÿna ò ihÿre. ⁴ Juda Isariò heka Deuxu aõmysÿdÿÿdu-ò rara Jesuisi riwahinykeny. ⁵ Tiiboho tamy roholarenyreu, reysare. Tahe tamy nieru riwahinykeny riurenanyre. ⁶ Tahe Juda rijemyhyreu aõu aõu bedewihikÿ tamyreny riwahinykeny. Wasimy riwahinykeny tii roholare.

⁷ Juhu orotxu anarÿÿtxure budoeni xiweloo rirubuny rahudi tahe Jesuisi erydÿÿna mahãdu tamy rarybere: —Titxibo anarÿÿ rÿÿÿnamy biroxikemy atxiteri. ⁸ Tahe Jesuisi heka Pedro, Joa-ò-wana riteõnyre: —Kaiboho boike iny rÿÿÿnareny ywidÿÿmy. ⁹ Tiiboho rÿÿÿxire. Titxibo ariwinyrenykre? ¹⁰ Jesuisi tamy rarybere: —Kaiboho boikre hãwãhãkÿ-ò. Tahe hãbu-wana wii biòbnykre butxi-di retyreri. Tahe tii biheludunbeny. Titxibo heto-txi ralokre, kaiboho tule bironybeny bitÿÿÿxinybenykre heto wedu: ¹¹ —Wawedureny rarybere: —Titxiwexe anarÿÿ rÿÿÿna arirÿÿÿkre waerydÿÿna mahãdu-wana. ¹² Tii heka adee kiditeòsinykre hetowo-ò-txi biu-ki. Ibutumy rexihumy rÿÿre inydeereny. Tai rÿÿÿna inydeereny biywinybenykre. ¹³ Tahe ierydÿÿna rexitare. Roire hãwãhãkÿ-ò. Tahe rotÿÿnyrenyreu Jesuisi rybe myna. Tahe ibutumy rexihurennyre anarÿÿ-ò.

¹⁴ Kia txu rimyreu tahe Jesuisi nade taerydÿÿna waòinatxi reur-ò-wana byremy ronyrenykeny. ¹⁵ Tii tamyreny rarybere: —Jiarÿ awanarenny ariroxikemy watxiwãhãre. Karibi dori warubuna-ò arakre. ¹⁶ Inatyhymy ararybekre: —Jiarÿ konanamy ayreny-ki ariroxikre. Ixyby ta Deuxu Iòlònakile tahe rikiroxirenykre. ¹⁷ Tahe wii mona hyna rimyre, rexitõnyre, tahe tamyreny riwahinyre. Ibutumy ibute bute iribi tuu riõreny.

¹⁸ Inatyhymy ararybekre: —Tiu ixyby tuu ariõõtyhy Deuxu Iòlòna-ki kotyre. ¹⁹ Tiiboho riroxireri, Jesuisi orotxu rimyreu, raorore, rexitõnyre, tahe tamyreny riwahinyre. Rarybere: —Ahãxe, kia heka waumy wese rare. Iu biroxikeu, warubuna-di mohõtinybenykeny.

²⁰ Biõbenyke! Kaa dori wahãlubu wesemy ratxireri.

Tahe tamy riwahinyre riõrenykeny. Tai sõwemy iny ròhònyke biu-ò hena-ò ibutumy òraruna ixãwidi- didÿÿmy. Tuu ròhònyra. Kia heka wadeewimy iny Deuxu-wana ratxiinyhyreu, wahãlubu òraru-ki. ²¹ Boholabeny inihe watyhedÿÿdu inkyrenykeny ronyre. ²² Iwese tyyriti-ki roire wese heka arurukremy, Deuxu Riøre, Hãbutyhyhykÿ, jiarÿ wahe. Kobe làhãxe watyhedÿÿdu. ²³ Tiiboho tahe widee rarybere: —Mobo tahe rare? Mobo Jesuisi riwahinykre.

²⁴ Iribi tahe widee raryberenyre, mobo wiratyreremy?

²⁵ Tahe Jesuisi tamyreny rarybere: —Kabede iòlò mahãdu-ki iruru dire. Bede dinodu tahe iny rininire: Iny biòwa. ²⁶ Tahe ayreny-ki kawese aõkõ ihÿre. Inihikÿtyhy inyõ ratxikeki, tii inyuhe deòdumy ratxikre. ²⁷ Tibo iny-tyhy rare? Roxidu mahãdu ada deòdu mahãdu? Roxidu mahãdu, aõhe inatyhy? Jiarÿ tahe ayreny-ki deòdu wesemy jiarÿ rare. ²⁸ Kaiboho heka wawanahy atxiteny te aõhòkÿmy ratÿÿnymyhyreu. ²⁹ Tai tahe adee ruruna ariwahinykre. Iwese Waha wadee riwahinyre wese,

adee ariwahinykre. ³⁰ Waiòlòna-ki kaiboho wawana birohibenykre, biòbenykre. Tule rynana wiwihiký tyre-ki rýdu mahādumy bonybenyke. Israeli iny mahādu heka kaiboho biòbitinybenykre, ibutumy judeu mahādu wahe.

³¹ Jesuisi ijō rarybere: —Simaō, Simaō, wadee boholatyhyke. Satanasi araurihirenykemy wadee rexitōnyre. Tahe adeereny kanake araurihidýymy. ³² Dori rexitōnyre, Simaō, kai bityhynyhykemy. Wadee bōdōdōsekeu, abiōwa mahādu biwiòhenanyke. ³³ Tahe Pedro diwyònyde: —Awanahy arakre, wanyrý, arurukre hāre, rōtenawo-ò arakre hāre. ³⁴ Jesuisi tamy rarybere: —Pedro, kai biwatxiōnyke, hānie hābu rryrkōule biwatxiōnyke inataōmy.

³⁵ Jesuisi tamyreny rýyaxire: —Juhu arateònyrenyreu anieruhynakōmy, asarenykōmy, awarenyōmy, adeereny aōbo aō rasiranyre? Tiiboho dirawyōmy: —Aōkō, aō rasiranyōhyre. ³⁶ Tahe Jesuisi narybere: —Wiji tahe txibo inyō inieruhynadikeki, saudikeki, biwykre. Txibo inyō imayrehedikōkeki tayhytxena-di rohonykre iōwy-di tahe tii riòbranykremy. ³⁷ Kamy dori Deuxu rybe tyriti-ki roire:

—Òbitikōmy nodu mahādu-wana tii rýire.
Ibutumy timybo tyriti wamy rarybere heka rýikre.
³⁸ Tamy ierydýyna mahādu rarybere: —Wanyrý, kaa inatxi mayrehe rýire. Tahe Jesuisi rýire rarybere: —Awire kia.

³⁹ Tahe Oliveira hāwālò-ò roirenyre, taerydýyna mahādu-wana. ⁴⁰ Tiiboho kowa-ò rehemynyreu, Jesuisi rarybere: Bexitōnyke! Tai tahe òraruna-txi beseōke. ⁴¹ Tahe iko-txi urihimyo rareu, taowotimy resemy. Rexitōnyre: ⁴² —Waha, adee arexitōnykre. Adee awikeki, aōhōkýmy dýynana waribi biixāwidýnyke. Tahe adeewikomykre, wadeewi ta aōkōre. ⁴³ Ýjuō tamy nade biu-ribi tamy ruru riwahinyre. ⁴⁴ Sōwemy tahe rexitōnyre, iòsana-ribi resere bee wahe. Hālubu wese heka ihýre resereri bede-ò. ⁴⁵ Tii rehemynyre tai rahare rōrōreny roireri. Tiiboho ele risarenyre sōwemy rabadeworenyreki. ⁴⁶ Tamyreny rarybere: —Aōhereki-bo tarōtenyteri? Biijebenykre, bexitōnykre.

⁴⁷ Tii rarybereri, aōwesele Judasi nade. Tii-wana doide hābu mahādu. ⁴⁸ Jesuisi rarybere Judasi-ò: —Judasi, Deuxu Riòre bityhenykre aōbo, jiarý hābutyhyky wahe? Waòbuò-di aōbo biwatyhenykre? ⁴⁹ Jesuisi erydýyna mahādu tuu robireu, tamy rarybere: —Iny mayrehe-di araaòbinanyrenykre, Wanyrý. ⁵⁰ Kia ijoio mayrehe ritare tahe Deuxu aōmysýdýydu wedu deòdu nohōti riorore. ⁵¹ Tahe Jesuisi rarybere: —Ixāwike. Tahe hābu nohōti riteytenyre. ⁵² Tahe Jesuisi dirawyònyde tamyreny, Xiwe wahidýydu mahādu-ò, dohodýyna heto itxedu wedu-ò, matuari mahādu-ò: —Kaiboho mayrehe-di, òhòte-di tiwaòrytenyteri jiarý wasiduòrys wese. ⁵³ Jiarý tahe dohodýyna heto-ki watximyhý txuō txuōlemy adeereny anaerynanymahādenyde. Kowa-ki heka tiwamyōlemyhýtenyde. Kia heka bededýynana rexihure. Bede luru ruru roirerimy. Tahe aōbo iritina-ki rýireri, kia heka kýnyikremy.

⁵⁴ Xiwena wahidýydu mahādu dinodutyhy-ò wedu-ò tiiboho Jesuisi ridyrenyre. Pedro riheludunyre ireheriòremy. ⁵⁵ Rehemynyreu tai Pedro itxitedu mahādu-wana. ⁵⁶ Pedro ratximyhý-ò tahe deòdu rehemynyre, ijadòma wahe. Pedro-di ijadòma retehemy ta rarybere: —Tii tule Jesuisi Nazareludu-wana ratximyhýre. ⁵⁷ Tahe tii rexitōnyre: —Jiarý reeryōre aōmyboho kai tarybeteri. ⁵⁸ Ixybyle kowa ijoio Pedro-ò rarybere: —Inatyhymy kai ijō mahāduleō tate. Tii inatyhytyhyrbemy rarybere: —Jiarý reerykōre hābumy tarybetenyteri. ⁵⁹ Ijō òrau tahe ijō rarybere: —Inatyhy rare kai Jesuisi-wana ahāte, Kalileia mahāduòreki. ⁶⁰ Tahe Pedro rarybere: —Hābu, reeryōre aōmybo tarybeteri! Tahe hānie hābu robura. ⁶¹ Jesuisi heka Pedro-ò retehere. Tahe Jesuisi rybe-txi Pedro tōhōti reare. Iwese Jesuisi rarybere: —Hānie inataōmy robukre myna, kai waheludumy bexitōnykre. ⁶² Pedro tahe iribi rexitareu, ixidee iky reamy rahinyre.

⁶³ Tahe hābu mahādu Jesuisi rihetenymy, rihahirenyre. ⁶⁴ Tiiboho rihuhetynymy rihetenymy idi ritýyaxinymyhýre: —Mowe arahātenyra. Idi tahe sōwemy idi risinymyhýreny.

⁶⁶ Rudile tahe judeu wedu mahādu ributunyre xiwena wahidýyna mahādu-wana. Jesuisi ridyrenykre raryberenyre dohodýyna mahādu-ò. ⁶⁷ Tamy ritýyaxinyre: —Kai aōbo Kristu tate, Deuxu Riòretyhy. Jesuisi rarybere: —Jiarý heka kohemy ararybekeki, kaiboho biwatyhyntyhy. ⁶⁸ Adeereny arýyaxikeki, kaiboho biwawonybenyotyhy. ⁶⁹ Kaiboho bierybenykre Deuxu Riòre heka jiarý rare. Idi Waha rurunaweribi-ò aronykremy.

⁷⁰ Ibutumy tahe tamy rarybere: —Kai aōbo Deuxu Riòre tate? Tii rirawyònyre: —Iwese kaiboho tarybetenyteri wese jiarý inatyhy rare. ⁷¹ Tahe tiiboho raryberenyre: —Inyō irybe-ò ijohoke heka aōkōre, inybohole dori tuu roholarenyre.

23 Kia iny ka ibutumy Jesuisi ridyrenyre Pilato-ò, bede dinodu-ò wahe. ² Idi tahe aōbina binahakýmy tuu raryberenyre: —Kahābu heka bede rijeijeinyreri iòlòmy ijoi radònykemy. Iribi iòlò-ò òwydýy rýiòmyhýkemy rarybere. Ihāreta Deuxu Deòdýynamy raremy idi iòlòmy rexininimyhýre. ³ Tahe Pilato rýyaxire Jesuisi-ò: —Inatyhywe kai Deuxu mahādu iòlòtyhy tate? Tai tahe Jesuisi riwyònyre: —Kai tuu tarybeteri, Wanyrý. ⁴ Tai tahe Pilato rarybere xiwe wahidýydu mahādu dinodu-ò, tule inysōwe mahādu-ò: —Timy-ki kahābu aōhōkýmy wasýdýyōna, aōō bina dori riwinyòlere. ⁵ Tai ixyby idi risýnyrenyre: —Kahābu heka Kalileia bede-ribi bede rijeijeinymy rareri, idi Judeia bede-di tule katahe kakile tuu rotýnyre. ⁶ Taita Pilato rýyaxire: —Tii aōbohe Kalileia mahāduō ratxireri? ⁷ —Tii Kalileia mahādu rare. Kia Pilato rieryreu, Herodi-ò riteònykemy rexinohōtinyre. Tii kia dinodureki. Ihāreta Herodi Jerusalē hāwā-ki iu ratximyhý.

⁸ Herodi Jesuisi robireu heka reysare. Jesuisimy robikemy riwisýnymyhýre sōwemy. Idi tahe tuu robireke, reòsare. Tai tahe reysare. Ini-ò roholahymyhýre. Tule

aõwihikỹ wixira riwinykemy idi riwisỹnmyhỹre. ⁹ Idi tahe Herodi sõwemy rỹraxyimyhỹre. Jesuisi tahe ri-rawyõnyõhyre. ¹⁰ Aõbo xiwena wahidỹỹdu mahãdu wedu, tule bede ywina erỹdỹỹdu mahãdu sõwemy aõna aõna binamy tuu raryberenyre. ¹¹ Herodi tasolda-do-wana tuu raõhõtemy idi risinymyhỹreny. Tyywihikỹ-di rirahananyrenenyre. Iribi riõkesedỹỹnyre Pilato-õ. ¹² Juhuu heka Herodi Pilato õludumy widi raremyhỹ. Kia txule tahe widee rowoixirenyre.

¹³ Idi tahe Pilato tahe ibutumy xiwena wahidỹỹdu wedu, tule matuari mahãdu tule ijõ iny mahãdu ributun-nyrenenyre. ¹⁴ Tamyreny rarybere: —Kaiboho heka wadee tedytenyteri bede jei jeiwidỹỹdumy tuu tarybetenyte tebutenyteri heka. Jiarỹ akoreny-õ retỹraxyinyre idi aõhe tai ibinamy rahaõhyre. ¹⁵ Tule iõlõ Herodi tai ibinamy rahaõhyre. Tai diõkesedỹỹnyde. Tai iurenana ta aõhereki timyki irubuõna. ¹⁶ Urile raõhõtedyỹkemy bede reywinyre idi ta ixinamy rakre. ¹⁷ Kiemy dori worana bedehesi, rõtëna-ribi inyõ heka rõtõnymyhỹke.

¹⁸ Sõwemy iny heka rirajuare: —Aõkõre uritere ta Baraba biteõnyke. Kia hãbu urile ruruke. (Baraba in-yrubudyỹdure. Bede jei jeidỹỹ-ki heka rõtëna-õ ralore.)

²⁰ Tai Pilato Jesuisi õlõdỹỹmy riwisỹnmyhỹ tai ixyby rarybere: —Aõkõre Jesuisile ariteõnykre. ²¹ Sõwemy iny ixyby rryre: —Aõkõre, itxeõ-ki bitamadỹỹnyke! ²² Tahe Pilato tainatãõnamy narybede: —Aõherewe, aõwe tii ibinamy riwinyre. Aõheka tai ibinaõhyreri rubu-õ rawahikemy. Õhõtëde ta arawahinykre idi ariteõnykre. ²³ Ihãre ta iny sõwe mahãdu ire rirajuamyhỹrenenyre itxeõ nihikỹ-õ rurukemy. Ixieryta iryreny-õ roholare idi tukremy. ²⁴ Iu Pilato heka Jesuisi riwahinyre rubu-õ tumyna rexitõenymyhỹrenymy. ²⁵ Ijõ hãbuõ ta rõtëna-wo-ribi riõlõdỹỹnyre, iixitõedỹỹreny myna wahe. Tii hãbu aleerydu rare, tahe bede jei jeidỹỹdu tule. Iwana ta Jesuisi rawahire irybemynarenymy aõhebo rotỹỹnykremy.

²⁶ Tahe Jesuisi ridyrenenyre. Ryki tahe hãbuõ iutedereny-õ nade, Simaõ inire, Sireni hãwã ludu wahe. No-hõtitiõlemy ta ityre itxeõ nihikỹ ritidirenyre, iherenymy idi kanakremy.

²⁷ Sõwemy ihemy nodu sõwe. Iy-ki hãwyy mahãdu Jesuisi-di robumyhỹreny. ²⁸ Tii tahe tamyreny rexiõkesemy narybede: —Jerusalẽ hãwã ludu hãwyy mahãdu! Ixirahi bobubenyke ariõre rahi tule warahi ta aõkõre.

²⁹ Tiutxumybo bexirybenybenykre: —Hãwyky bedekõ-by heka raritxõrenyõkõre mahãdu rare, tohokuã ritõnykõre mahãdu tiku kuladu-di tarukikõre mahãdu.

³⁰ Tiutxumybo

bexirybenybenykre hãwãlõ-õ: —Watyrereny bedeseke

tule hãwãlõ riõre-õ bexirybenybenykre: —Bi-wawõbenykre.

³¹ Wiji kawesemyhỹre hee itukure hãre. Timykrebo tahe hee irubukreu.

³² Ihãre tasỹse iny inatxi hãbu õbitimy nodu aõkõ ridyrenenyre Jesuisi-wana rururenkykremy.

³³ Tahe hãwãlõ riõre-õ ratitybymy ninadu-õ ritehemynyrenenyre. Tahe tii-wana inatxi wasidu itxeõ nihikỹ-õ

rilamadỹỹnyrenenyre. Ijõ ruruweribi-õ ijõ hyweweribi-õ. ³⁴ —Waha, idireny bexiruxetõenyke rieryõhyrenyneri dori aõmybo rotodỹỹnyneri.

Tai tahe ity wimy ritxuatxuakremy dado-di rehummyhỹreny tibo iwidydukremy.

³⁵ Iny retehemy rỹimyhỹ taile wahe. Judeu wedu mahãdu tule Jesuisimy rarybere: —Tii iny sõwemy ri-hedyỹnyre, kia aõherekibo tii rexitaõreri rubu-ribi, tii Deuxu deõdỹỹna rarehãre. ³⁶ Tule soldado mahãdu rarybere aõbina binahakỹlemy. Diwyde tii aõna ta iny kremy rirahõreny tamy idi reare rijeny: ³⁷ —Kai inatyhymy judeu mahãdu iõlõmy atxiteri wana heka kaa bexitakre iribi. ³⁸ Itxeõ ratya-ki tahe aõma timy roire tyyritidỹỹna.

—Kaa Heka judeu Mahãdu Iõlõ Rare.

³⁹ Ijõ heka rarybereri Jesuisibire-ki roireriõle tamy rarybereri: —Deuxu deõdỹỹna tateki, bexitake tule bi-watabenyke. ⁴⁰ —Wy, Deuxu lau taberuõlemahãte aõbo tule dori iny aõhõkỹmy rokotỹỹnykrelemy iny roireri. ⁴¹ Lõwudu tamy rarybereri: —Iny heka rurureri, aõbina binahakỹ iny riwinyre õraru-ki. Iny rurureri. Kaa hãbu rỹire tiu aõbina riwinyõhykre. ⁴² Jesuisi-õ rarybere: —Jesuisi, watxi õhõtiti beakre Iõlõmy bonykre. ⁴³ Jesuisi tamy rarybere: —Wijile heka biu-õ heka rakakre.

⁴⁴ Txutyemy bede roronyre idi txioro txu rehehekỹ-õ bede tuu rỹire. Inataõ õramy bede rybynyre, rỹire. Heto-ki rahanaheridu urile raykare templo-ki wahe.

⁴⁶ Tahe Jesuisi rirajuare: —Waha, watytyby adee rawahinyneri. Iu irybe rexihureu rurure. ⁴⁷ Soldado mahãdu wedu tuu robire kia aõhebo rotỹỹnara tuu rarybere: —Kia inatyhymy hãbu õbitityhy rare. ⁴⁸ Ibutumy iny kia robire Jesuisi rubu-õ rahinymy rõtõsere rexihetenyrenymy tabreti-õ. ⁴⁹ Ibutumy tii mahãdumy ratximyhỹre iribi ireheriõremy rexiijemyhỹ.

⁵⁰ Tii judeu bede mahãduõ rare. Jyjemy inire. Tahe Kristu rubuna-ki awimy rahaõhỹre tajoi mahãdu-ribi.

Tii dori Deuxu Iõlõna riraõmyhỹre. Ihãwã Arimatea inire. ⁵² Tai ta rare ixitõedỹỹmy Pilato-õ, Jesuisi umy kidiwahinykremy. ⁵³ Tai tahe ritare itxeõ-ribi tyy ura nihikỹ-di tyy-di ritỹtetỹtenyreny. Manawabedewo-õ ritidire.

Tai tiu iny rahãloonaõmyhỹre. Aõma judeu mahãdu elehyna txu wahe ixiwidỹỹnatxumy txu rỹireu heka aõma worana bedehesi txu. ⁵⁵ Hãwyy mahãdu Kalileia-ribi Jesuisi-wana. Tiiboho doide Jyje-wana Jesuisi hãloo-õ itxeremy. ⁵⁶ Tahe timybo roimyhỹ riõtudun-nyrenenyre. Dõtõsedenyde iribi aderõna lỹnyre ywidỹỹmy iumy tỹnyrenamy.

Kia rexielehynyrenenyre sabado txu bede ywidỹỹna myna-di.

24 Juhu txu semana bededỹỹnanau txuu deadeu hãwyy roire wabede-õ. Tiiboho riwyre lỹnyrena.

² Rehemynyrenenyre, mana nihikỹ tahe ijõ-ribi ratamy rỹire. Tahe ralõrenenyre, Jesuisiumy ihoõhyre. ⁴ Wabede-õ rirõnyrenenyre, robirenyre inatxi hãbu. Ityy urahakỹmy ronmyhỹre tai. ⁵ Tahe tiiboho bede riõtiniyrenenyre idi tabrebu-di suõ reserenyrenenyre. ⁶ —Iny irumy kaiboho teijeteri kaki wabe-

de-ki aõbo? Tii kaki ratxireri. Tii rexixara rubu-ribi adeereny rarybere wese Kalileia bedeki: ⁷ —Inyõ riwawahinykre inybina-ò Deuxu Riòre Hãbutyhyhykÿ. Itxeòtyre-ki arÿikre tai arurukre. Inataõ txu-di tahe rubu-ribi arexixakre. ⁸ Tahe hãwyy irybe-di rõhõtinyreny. ⁹ Wabede-ribi rajjaranyreny Jesuisi erydÿÿna mahãdu-ò ijyymy. ¹⁰ Kia tiibohore: —Marie Madalena, Joana, Marie Txiause. Ijõ hãwyy tule tii-wana roireny. ¹¹ Iu tamy relyyreu, rityhynyòlereny. ¹² Pedro tahe rÿimy reare idi rajjaranyre wabede-ò. Urile tykylemy robire tahe dòòsede, rexiòtiinyre.

¹³ Itxuleu ta iny inatxi hãbu Jesuisi tyhydÿÿdu mahãdu tahe roireny Emau hãwã-ò. Jerusale hãwã-ribi txi-bo 10 km wese irehere. ¹⁴ Ibutumy aõhebo rotÿÿnyramy wiko relyymy ròimyhÿre. ¹⁵ Iuleta Jesuisi tamyreny dehemynyde idi tiiboho-wana roire. ¹⁶ Tiiboho tuu robirehãre timykibo rierykòhykyreny. ¹⁷ Tahe Jesuisi rõtÿÿraxire: —Aõmywe widee tarybetenyteri. ¹⁸ Iijõreny Klopamy nidu narybede: —Kai sohojilewe Jerusale-ki aõhebo bedeki rÿira teerykòte. ¹⁹ Tii dotÿÿraxide: —Aõherabo ta. Tiiboho tuu relyy: —Jesuisi Nazare ludu kie. Tii Deuxumy rybedu nihikÿ heka rare, Deuxu-ò dori ibutu iny-ò heka rybe-ki aõni heka aõmywidÿÿ-ki heka ihÿÿna rare. ²⁰ Waxiwenareny wahidÿÿdu wedu tahe wadinodureny itxeò nihikÿ-ò rurukremy riwahinyreny. ²¹ Tule judeu mahãdu tarasadukresÿna raholarenny. Ihãreta tukòlemyta inataõ txumy rubu-ki bedeki idi rÿira. ²² Bederaras-ò-di wajoiireny hãwyyõ ihãloo-ò roire. ²³ Tai itxi rekoaõhyre. Dòòsedenydeki tahe ÿjummy riki robirenyremy delyydenyde. Tii Jesuisi rubu-ribi rexixamy tamyreny rarybere riki. ²⁴ Wajoiirenyõ tule ihãloo-ò roireny. Inatyhy rikihe rare. Urileta riki Jesuisimy robiõrenny. ²⁵ Tahe Jesuisi tyhy Klopaboho-ò narybede: —Aõherewexe Deuxu Rybedu mahãdu rybe awo-ki teximtyenyteri tetyhynykòtenyteriki wahe. ²⁶ Kialemy dori Kristu dori aõna aõnamy rotÿÿnykremy tai Deuxu riwowydnykremy. ²⁷ Tahe Jesuisi rexideleny aõbo rybe ritina roireny. Moisesi ryberiti juhuumy ritÿÿnyrenny. Timybo Deuxu rybe ritidÿÿdu rareny. Tiiemy heka iximyhÿyle rarybere. ²⁸ Ibutumy tamy relyyhyre ramyhÿrehy tahe ritehemyny Emau hãwã-ò, tai inatxi hãbu rarikreò wahe. Tahe Jesuisi rarybere: —Aõkò arexinoranykre. ²⁹ Tai ta tamy ihãrele rarybemyhÿre: —Txioinihe bodonyke kakile. Aõma bedeki ratxinyra ratxioronytyhyra. Taile tiiboho-wana rare ihetoreny-ò. ³⁰ Rorukurenyre riroxirenykremy. Tahe Jesuisi orotxu rimyre rexitòenyre Deuxu-ò. Tahe orotxu riororiorore imynareny. ³¹ Iu tahe aõwesele rierymy reare Jesuisi. Tai iruereny raraymy rieryrenny. Tahe aõwesele iõmy iribi reny reare. ³² Tai widee raryberenyre kiamy. Iu tii Ryberitimy

inydeereny rydi relyyreu, urile wawo ratooteemy. Kai tahe. Ijõ diwyònyde: —Kohe jiarÿ tulere. ³³ Iribi tahe ritamanyrenny. Diòòsedenyde icyby Jerusale hãwã-ò. Tiu waòsohoji reurò erydÿÿna itxi rekoarenny. Tai tiiboho narybedenyde: ³⁴ Inynyrÿrennyhe rexixara. Pedro heka tuu robira: ³⁵ —Jiarÿboho tulerenyra wawanale roireny rydi. Tule wadeereny orotxu rieryrenny. Taile reeryrenny.

³⁶ Iu kiamy relyymyhÿrele, Jesuisi dehemynymy deade ityarenny-txi. Riryberenyre ibutumy: —Ywina heka akirenyke! ³⁷ Ibutumy ruberurenny ilau. Urile raresÿny tamy raholarenny. ³⁸ Jesuisi rarybere: —Aõhebo taberutenyteri. Breburennyõmyke hewa biwatyhynybenyke. ³⁹ Jiarÿle ratxireri. Wabed-ò-di bedetehebedenyke, wawa-ò tule. Jiarÿ karare wadee inihe bideribedeny. Jiarÿ uni aõkò watxireri. Uni dori idedire aõkò wawese aõkòre bedetehebedeny inihe. ⁴⁰ Tai tahe tebò wotò mona, tawa wotòmona, riteòsinyre tamyrenny. ⁴¹ Ihãrele tahe rityhynyrennyõre, ibedesamy bedeki riòtiinymyhÿrenny. Jesuisi tahe rexitòenyre tamyrenny aõ rirÿsÿkemy. ⁴² Tamy riwahinyrenny utura wòsi deyreò. ⁴³ Rirasÿre ikorenyòle.

⁴⁴ Idi tamyrenny rarybere: —Aõma wawanale ratximahãre, õhõtireny itxi reara. Aõma wawana atximahãteny juhuu. Ibutumy heka adeereny retÿÿnynymy rarybere aõmybo wamy rybe roimyhÿremy. Ibutumy heka Moisesi rybedu ritidÿÿnaki iritina-ki roimyhÿre. Wiuna tule wamy riritinyre. ⁴⁵ Tai tahe ritÿÿnyrenny õbitimy irakyrenny riraynyre. ⁴⁶ Ihetxiu rybe wãhã aõma Deuxu Deòdÿÿna rurukre heka aõhòkÿmy rotÿÿnykremy. Ruru-ribi inataõ txu-di rexixakremy bedeki roire. ⁴⁷ Kaa rybe wihikÿ ritidÿÿna heka kaa Jerusale bedeki robÿtÿÿkre ihãrele ibutumy iny iny kòkòmy bedeki bedemy robÿtÿÿkre. Kiamy heka ibutumy inydeemarybebenykre. Iny riwatyhynymy rÿirakre heka ibutumy iòraru-ribi ariixãwididÿÿnyke. ⁴⁸ Tule terytenyteri ibutumy aõhebo rotÿÿnykremy. ⁴⁹ Tahe adee ariwahinykre iwese Deuxu rarybere wesemy heka adee ariwahinykre. Kaki hewa matxibenykre hãwã-ki. Tahe kanakre heka adee ruruõ biu-ribi. Iribi tahe bòhònykre karibi.

⁵⁰ Iribi tahe Jesuisi ridyrenny Betÿniary-ò. Tai tahe rilàhànanyrenny tuu tamy rexitòenyrenny ibutumy tamyrenny. Tamy rexitòenyre heka ilàhànany tamy rexitòenyre biutxile ire rexidymy ramyhÿre ryanany ramyhÿre. ⁵¹ Iu rilàhànanyrenny, biu-ò rare. ⁵² Tamy rexitòenyra aõma làhànany, wowydnyamy rexitòenymyhÿre Deuxu-ò. Tai riwowydnyamyhÿrenny. Teysa-di diòkesedenyde Jerusale-ò icyby. ⁵³ Tai tahe Deuxu dohodÿÿna heto-ki icyby icyby rowowydynanyrenny.

JOAÕ

1 Ibutu aõna aõnakõu, Jesuisi rarehyymy raremyhỹ. Tii rybehyymy raninira. Tii Deuxu-wana ihỹre. Ihãre tahe tii Deuxule rare. ³Tii ibutuhukỹlemy ri-winyre. Tiiõhyykeki tahe, aõ releõtyhy.

⁴Umytuedeõna wahidỹydu tii ihỹre kia-di iny mahãdu rayky ritoosõnymyhyre ritỹnynymyhyre wahe. Kia loosõna heka bedede luru ludu loosõna rare. ⁵Bede luru tỹnyna loosõna rare. Loosõna ròtamymyhyre, bedede luru tahe ròanodỹmyhyre.

⁶Deuxu teòduõ diteõnyde, Joaõ inire. ⁷Tii loosõnamy rarybekremy nade. Kia rybe-di roholamymyhyreki, ibutumy iny rityhynyrenyremy. ⁸Joaõ loosõna aõkõ rare. Urile tuu rarybekemy nade.

⁹Jesuisile loosõnatyhy rare. Tii bedede-ò nadeu, ibutumy iny rayky ritoosõnyre. ¹⁰Tii bedeki raremyhỹ, bedede widỹydu rare, ihãre tahe iny rieryõhyre mobo tii ihỹre. ¹¹Tasỹ mahãdu-ò dehemynyde, judeu mahãdu-ò wahe. Ihãre tahe ridyõhyre, rityhynyõhyre urile teramy reare. ¹²Iu inyõ Jesuisi rityhynymy ridyreu. Deuxu riòreõlemy risỹdỹnyre inimy rityhynyreki. Kia-ò tahe ruru tamy riwahinyre. ¹³Kia ityhydỹydu tahe Deuxu-deewilemy tule iriòreõmy roirekemy. Hãlubu-ribi aõkõ ratybiennyre, uraribike aõkõ, hãbudeewike aõkõ. Deuxudeewilemy iny ihỹmyhyrenyre.

¹⁴Rybe tahe umyõ rimyre, demy rexiijenyrene, inyyreny-ki rasỹnymyhyre. Tii tỹxihikỹlemy Deuxu loosõna-di ratximyhyre, ruxetõena-di inatyhyna-di nade. Inyboho tuu robirenyre. Deuxu Riòre delamy ratximyhyre, sohojihyyre. ¹⁵Joaõ Jesuisimy rarybere kia wese: —Kiamy heka adeereny rarybere. Tii wahewomy kanakre heka waratyre awityhyre. Tii dori wako-ki rarehyymyhy waribi juhuutyhy wahe. ¹⁶Inyboho dori sõwemy ruxetõena iribi ritarennyre. Luuna sõwetyhymy tawo-ribi Jesuisi inydeereny diwahinyde. ¹⁷Deuxu bedede ywina tahe Moisesi òraru-ki nade inydeereny. Ruxetõenamy tahe inatyhyna Jesuisi Kristu òraru-ki nade. ¹⁸Inyõ heka tiu Deuxumy robiõtyhy. Deuxuriòre delale heka itỹnydỹydu rare. Tuunatyhy-di taãxiòti-ki rimyre. Tiile iny-ò Deuxu ditỹnynyde.

¹⁹Judeu mahãdu Jerusalẽ-ribi xiwena wahidỹydu mahãduõ diteõnyde Joaõ dỹyraxidỹmy. Levita mahãduõ tule diteõnyde. Tahe roirennyre ritỹyraxinykemy mobo tii raremy. ²⁰Tahe Joaõ-ò rỹyraxirenyre aõhereriwe mobo atxiteri. Joaõ dirawyõnyde inatyhymy rexitxiõnyreri: —Jiarỹ Kristu Deuxu deòdỹyõna aõkõ jiarỹ rare. ²¹Tai tahe ixityre tamy rarybere: —Mobo tahe atxiteri, Elia aõbo. Aõkõre, Joaõ rarybere. Tahe Deuxu dee rybedu atxiteri inyboho riraðrenyteriõ wahe? Joaõ rarybere aõkõremy. ²²Tamy tahe ixityre raryberenyre:

—Wakoreny bedelyyke mobo atxiterimy. Tai iny deòdỹydu mahãdu-ò arelyyrenykre. Aõmybo iximy manarybeke? ²³Tahe Joaõ rarybere: —Jiarỹ Isaia Deuxumy rybedu wesele adeereny ararybekre. Jiarỹ rybetere-naduõ jiarỹ rare. Jiarỹ bederahy-ki iny-ò rarywãhã.

Inynyrỹ-ò ryõ biòbitinyke.

²⁴Fariseu mahãdu-ribi kia mahãdu roirennyre. ²⁵Tai tamy rarybere: —Kai Kristu aõbo tate? —Aõkõre. Elia aõbo? —Aõkõre. Deuxu dee rybedu aõbo? —Aõkõre. —Aõhereki tahaka iny teratysebenyteri? ²⁶Joaõ dirawyõnyde: —Jiarỹ bedi iny reratysebenyteri. Inyõ tahe ayrenyke ratxireri. Tii tahe teeryõmahãtenyde. ²⁷Tii wahewo-ribi kanakre. Jiarỹ raixỹrumy watxireri iwataana ese-ki, tii waratyrekeri. ²⁸Kia ibutumy aõhebo rotỹnyre Betỹnia hãwã bedeki. Jordaõ bero kowa weribi jia-ki ihỹre. Tai iule Joaõ iny riratysybenymyhyre.

²⁹Txubiòwau tahe Jesuisi Joaõ-ò kedehemynykemy nade. Tahe rarybere: —Beteheke, kowa Deuxu bu-doeni naderi. Tii òraru-ribi iny ritakremynade. ³⁰Tuu jiarỹ rarybereu, inyõ wahewomy kanakre. Tii waratyre awityhy rare. Tii dori wako-ki rarehyymyhy waribi juhuure. Kia rarybereu tule jiarỹ tuurarybemahã.

³¹Reeryõre heka tii, ihãre tahe anade tii aritỹnykemy judeu mahãdu-ò. Tai tahe anade iny bedi reratysebenymahãremy. ³²Tahe Joaõ tamyreny relyyre: —Jiarỹ Deuxu Tyytybytyhymy rabire tamy dobehede-ò. Bõtõe wesemy ityre-ò desede. ³³Deuxu riwateõnyre bedi iny ariratysybenykeny. Tahe riwateõnyre tahe wadee rarybere: —Aõmy kai bobikre? Deuxu Tyytybytyhy ronymy resekele inyõtyre-ò. Tii sohojile tahe Deuxu Tyytybytyhy-di iny riratysybenykre. ³⁴Jiarỹ tuu rabire, tai tahe reeryre, tule taheka relywãhãre, tii inatyhymy Deuxu Riòre raremy.

³⁵Itxubiòwau tahe Joaõ taerydỹyõna inatxiõ-wana raremyhỹ. ³⁶Tahe Jesuisi nadeõ tuu robire. Tahe tamahãdu-ò rarybere: —Kowa tahe Deuxu Budoeni naderi. ³⁷Kia rybe-ò tiibo roholareu, tahe ròirennyre Jesuisi riheludunyrenyremy. ³⁸Jesuisi tahe tuu robire ihemy roirerimy. Tahe tamyreny rarybere: —Aõbo teijetenyteri. Tahe dirawyõnyde: —Rabi (kia rybe tahe irybereny-ki, erydỹydu rare), titxibo kai tasỹnymahãte.

³⁹Jesuisi rirawyõnyre: —Bòdòibedenyke betehenenykemy. Tahe tii-wana roirennyre, tamy reteherenyre. Tahe txioromy tii-wana ihỹmyhỹ. ⁴⁰Joaõ rybe-ò ijhonaduõ, Jesuisi helududỹyduõ, Andre rare. Tii Simaõ Pedro seriòre rare. ⁴¹Andre tahe taseriòre Simaõ aõwesele rioryre. Tahe tamy rarybere: —Mesia-ki inyboho rahamy ratximyhyrennyre. (Ka rybe, Mesia, heka. Kristumy rare, Deuxu deòdỹyõna rare.)

⁴² Tahe Andre Jesuisi-ò Simaõ didyde. Jesuisi Simaõ-ò retehere urihimyò idi tamy rarybere: —Kai Simaõ tate, Joaõ riòrere. Iribi tahe ani Sefamy rarekre (Kani heka Pedro rare.)

⁴³ Itxubiòwau Jesuisi Kalileia-ò rakremy ixi-di röhötinyre. Tahe Filipi riiijere. Tamy rarybere: —Wahe-my manakekõ aõbo. ⁴⁴ (Filipi tahe Besaida hãwã luduõ rare Pedro, Andre-wana ihãwãluduõle rare.) ⁴⁵ Filipi tahe Natanaeli witxi reare. Tamy rarybere: —Moisesi bede ywina tyriti-ki inyõmy rarybere: —Tule Deuxu dee rybedu tyriti-ki rarybere. Taile rahare. Jesuisi ihÿre. Nazare hãwã luduõ rare. Jyje riòre rare. ⁴⁶ Tahe Natanaeli ritÿÿraxinyre: —Aõwihikÿ aõkãbo Nazare hãwã-ribi kadõhõnykre. Filipi rirawyõnyre: —Manake betehekemy. ⁴⁷ Jesuisi Natanaelimy robire naderimy tahe tuu rarybere: —Kowa judeu mahãduõ inatyhy rare. Tii hãbu õbiti rare. ⁴⁸ Tahe Natanaeli rarybere: —Timykibo tiwaeryteri. Jesuisi rirawyõnyre: —Figueira òra-ki tanyteò, umy rabire. Filipi aõrysomy raõreule, umy rabire. ⁴⁹ Natanaeli rimasajuamy rirawyõnyre: —Kai Deuxu Riòre tate Inyerydÿÿdu tate. Kai judeu mahãdu Iòlò tate. ⁵⁰ Jiarÿ adee rarybera: —Figueiraòra-ki umy rabireki. Kiakile aõbo, tiwaty-hynyteri. Iratyre aõna aõna wiwihikÿ adee ariteòsinykre. ⁵¹ Inatyhytyhymy adee araybekre: —Bi-uwetyy riranykre. Jiarÿ biuloosõna hãbu jiarÿ rare. Ýjuboho Deuxu-ribi wadee doideò kai bobikre. Idi waribi roireò bobikre.

2 Inataõ txu-di tÿmyra herina txumy reare. Kana hãwã-ki Kalileia bede-ki. Jesuisise tai ratximyhÿre. ² Jesuisi tule ritobinyre tamy rakremy taerydÿÿna mahãdu-wana. ³ Lisinaube tya-ki vÿi mona ituere. Tai Jesuisise Jesuisi-ò rarybere: —Vÿi mona ituere, imona kõre. ⁴ Jesuisi rarybere: —Nadi, aõhebo arotÿÿnykre. Aõka wawidÿÿkõna wabededÿÿnanamy aõkõka bede rÿireri. ⁵ Tahe Jesuisise deòdu mahãdu-ò rarybere: —Anowidÿÿkÿmy adekereny tiki rarybekeki, ibutumy bi-winybenyke. ⁶ Debòsohoji reurò mana butxi nihikÿ tai rÿimyhÿ judeu mahãdu ibe-di brebu òraru-ki aõna aõna risuhõmyhÿre worana bedehesinau. Mana butxi sohoji sohoji 80 urihixina ratyre rimyre. ⁷ Jesuisi tamyreny rarybere: —Ibutumy bedi bitÿxinybenyke. Tahe ibutumy ijà ratyre ritÿxinyreny. ⁸ Katahe iribi bitake. Worana bedehesi wedu-ò biwybenyke imona. Tahe riwyreny. ⁹ Kia bee heka Jesuisi riwitxiranyre vÿi monamy. Tahe iwedu riurihire, rieryõre tiribibo nade. Deòdu tahe rieryre juhoo bee rare. Tahe iwedu rarybere weryrybò heridu-ò: ¹⁰ —Katahe awityhyre. Kai ijõ-ribi iwitxiratyhymy tewinyteri. Ijõ iny heka awityhy iko-ò ritxiwimyhÿ. Ihewomy tahe awiriòre ritxiwimyhÿre. Kai tahe awityhy ikonana-ò teyrubunya. ¹¹ Katahe aõna aõna wiwihikÿ iny itxerenamy juhu ludu rare. Kana hãwã-ki Kalileia bede-ki ihÿre. Tii tarurutere riteòsinymyhÿre taerydÿÿna mahãdu-ò. Tai ierydÿÿna mahãdu rityhynyre.

¹² Iribi tahe Kafanaõ hãwã-ò Jesuisi dobehede tadi, taseriòre, taerydÿÿna mahãdu tii-wana roirenyre. Ijõtx-umy tahe tai bede tÿnyra rÿira.

¹³ Pascoa worana bedehesi iòhõmy rÿireu, Jerusalê rotuore kia tahe judeu mahãdu worana bedehesina rare. ¹⁴ Tai Jesuisi Deuxu dohodÿÿna hetowo-ò ralore. Tahe iwo-ki itxi reare sõwemy aõna aõna-di roho-nyrerì, broreni-di ijohodu-txi, budoeni-di ijohodu-txi, bòtòe-di ijohodu-txi, tule nieru witxira witxira wibydyÿÿdu mahãdu-txi reare tai ronymyhÿki. ¹⁵ Jesuisi reroti awaru hãtena wesemy riwinyre. Idi tahe dohodÿÿna hetowo-ribi ibutumy riòlòdÿÿre, budoeni, broreni-wana, tahe nieru wibydyÿÿdu mahãdu oworubesedyÿÿ-di Jesuisi rehure, tai nieru rejuxunyre. ¹⁶ Tahe rare bòtòe-di ijohodu-ò. Tamy rarybere: —Biòlòdÿÿnyke wa. Waha heto dori aõ-di ijohona aõkõ rare. ¹⁷ Tahe Jesuisi erydÿÿna mahãdu tõhõti-txi reare aõbo Deuxu Tyriti-ki roiretxi:

—Waha heto yrubudÿÿna-ki dori riwasamyhÿre. Ariyrubunykeny dori watxireri, tai riwasareri.

¹⁸ Judeu mahãdu Jesuisi-ò rÿÿraxire: —Aõherekibo kai teòlòdÿÿnyteri. Mobo he arateranyreri tuu biwinykeny. ¹⁹ Tahe Jesuisi rirawyõnyre: —Deuxusÿ-di behuke tahe inataõ txu-di aditamadyÿnykre. ²⁰ Tahe judeu mahãdu rarybere: —Ka heto 46 beòra-di relere, timykibo kai inatãõ txu-di biwinykeny. ²¹ Jesuisi tahe Deuxusÿmy taumylemy rarybere. ²² Iribi tahe iu rubu-ribi iixixana-txi tõhõtireny reare, kia tuu rarybere-txi. Tai heka iritina rityhynyre, tule Jesuisi rybe rityhynyre.

²³ Jerusalê-ki Jesuisi Pascoa worana bedehesidyÿna riwyre. Aõna aõna wiwihikÿ inyy-ki ritxienyri riwinyre. Tai sõwemy iny inityhy rityhynyre. ²⁴ Jesuisi tahe urihimyòle iny rityhynyre. ²⁵ Tii dori ibutumy iny rayky rierymyhÿre. Inyõ timy iny raremy tiu tamy aõna relyyõtyhy tii ibutumy aõerydu rareki.

3 Nikodema fariseu mahãduõ rare. Tii judeu mahãdu weduõ rare. ² Tii rudimy Jesuisi roramy rara. Tahe tamy rarybere: —Wanyrÿ, reeryrenyre kai Deuxu-ribi erydÿÿdu tate. Inyõ Deuxu-diõkeki tii aõ wiwihikÿ riwinyõtyhy. Iwese aõ wiwihikÿ kai tewinyte wese. ³ Tahe Jesuisi rirawyõnyre: —Inatyhytyhymy adee ararybekre: —Inyõ ixityre reakõkeki, tiu Deuxu Òlõnasÿmy robiõtyhy.

⁴ Nikodema rÿÿraxire: —Timykibo matuari ixityre reakemy. Timyrabo, ixiby tadiwo-ò iny ralòkeki aõbo ixiby iny raumynyke. ⁵ Tahe Jesuisi rirawyõnyre. Inatyhytyhymy rarybere. Inyõ bera-ribi ratybienyõkeki Deuxu Tytybytyhy-ribi ratybienyõkeki, tiu ralòõtyhy Deuxu Òlõna-ò. ⁶ Deribi tybie heka dee rare. Deuxu Tytybytyhy-ribi tybie tasÿ tytyby rare. ⁷ Idi wana-òtaõmy aõmybo rarybereridi ixityre ijiranamy. ⁸ Tiò tiò yhy ribonymyhÿre: —Iwodÿÿ taholate, tahe tiribibo namyhÿde teeryõmahãte tiòhe ramyhÿre teeryõte, kia wesele iny Deuxu Tytybytyhy-ribi tybie iny rÿire.

⁹ Tahe Nikodema rÿÿraxire: —Timyrebohe kia ratkike. ¹⁰ Jesuisi dirawyõnyde: —Kai judeu bede erysydyÿÿdu tate ihãrele teeryõte aõbo. ¹¹ Inatyhytyhymy adee rarybere aõmybo reeryre, aõmybo rabire. Ihãrele tahe kia tetyhynyõte. ¹² Bede aõmydyÿÿnanamy rarybere tahe tetyhynyõte. Timybo bityhynyke biu aõmydyÿÿnanamy ararybekeki. ¹³ Iny sohojile biu-ò raòwònyre, Deuxu

Riõre Hãbutyhyhykÿ rare. Tiile iribi juhu dobehede. (Tiile isÿre. Taile isÿ roire.) ¹⁴ Iwese Moisesi bederahy-ki womati hemylala ritamadÿÿnyre wese, Kiawesele jiarÿ, Deuxu Riõre Hãbutyhyhykÿ, wadi kidiwatamadÿÿnykre. ¹⁵ Tahe inyõ wadi rityhynykeki, umytuedeõna tuu ritamy rÿihyy rakre.

¹⁶ Deuxu Riõre sohojihyyle rare. Deuxu bede ludu mahãdu ibutumy iluutyhyre. Tai tahe tariõre diteõnyde iny rityhynykre. Inyõ tii rityhynyre-wana, umytuedeõnahakÿ ritakre. Tii ruuõtyhy rubu bina bede-õ.

¹⁷ Deuxu taRiõre bede-õ diteõnyde bede iny mahãdu tarasadumy rarekemy. Aõ iny ywisidÿÿna-õ rirutykemy aõkõ.

¹⁸ Inyõ rityhynymyhyreki, tii ywisidÿÿdu idi rehuõtyhy. Iny rityhynyõmyhyreki tiihe aõhõkÿmy dÿÿnana-txi riteõnykre. Deuxu idi ratximyhyre, tii dori Jesuisi rityhynyõhyymyhyre, Deuxu Riõre dela wahe.

¹⁹ Ibinatyhymy iny aõmydÿÿnana bede bedemy rÿira, tai bede luru-ki rira tamy awira. Tuu loosõna nadeu, tami ibinare. Tai tahe Deuxu riteõnykemy idi ratximyhyre. ²⁰ Inyõ aõbinahakÿ rotÿÿnymyhyre, loosõna dera heka tuu rÿira; loosõna-õ rehemynyõtyhy, rehemynyre-wana, iny taaõbina bina rierymyhyre. ²¹ Iny tahe awiwihikÿle rotÿÿnymyhyre-wana tii tahe loosõna-õ rehemynykre. rÿira, taaõmydÿÿnana dori Deuxudeewimy ririmyhyre, ibutu iny rierykemy ririre.

²² Tribi tahe Jesuisi taerydÿÿna mahãdu-wana Judeia bede-õ rõiorenre. Tai heka bededÿÿnanaõ riwre. Tii-boho iny ityhydÿÿdu mahãduõ tai riratysebenyrenre.

²³ Joaõ iribi iõhõmy ratxireri. Iny riratysebenymyhyre. Tii Eno hãwã-ki Salÿ hãwã-ribi iõhõmy roire. Tai riratysebenyrenre sõwemy bee tai roimymyhyreki. Sõwemy iny tami ratysebenymy rare. ²⁴ (Joaõ iu rotenamy ralõõlemy ratximyhyre.) ²⁵ Judeu mahãduõ, Joaõ erydÿÿna mahãdu-wana rybetere txiõdÿÿna rõiõnyra, bedeywina õbiti aõmydÿÿnanamy wahe. ²⁶ Tahe Joaõ erydÿÿna Joaõ-õ doidenyde rarybekemy: —Waerydÿÿdurenre. Kai hãbumy telymy tatemahã, kia Jordaõ kanawe-ribi ijã-ki umy-wana raremyhyre, tii rõi ratysebenyreri. Sõwemy iny tami wirotyre. ²⁷ Tahe Joaõ tami rarybere: —Kia wadee awire aõ aõkõ iny ritamyhyre, biu-ribi kanakakile tahe iny aõ ritake. ²⁸ Jiarÿ heka Jesuisi nonanamy ijyymy diwateõnyde wahewo-ribi kanakemy. Jiarÿ tii aõkõ rare. Tii tahe Kristu tyhy rare. Jiarÿ kiamy juhuy rarybewãhãre: —Kia tahe teerytenyte. ²⁹ Inatyhymy tahe hãbumy heridu wesemy Jesuisi rare. Ibutumy iny tuu robikemy tami wirotyre. Ibiõwa weselemy jiarÿ rare. Tahe irybe-õ raholareu, reysamy rarewãhã. ³⁰ Tai wadee awire iny tii rieryreki, waribi tahe nohõti rosakemy idi watxiwãhãre.

³¹ Tii biujuxahakÿ-ribi nadeki ibutu ratyremy ratximyhyre. Bede-ribi jiarÿ anadeki, tahe bede ludu jiarÿ rare, bede aõmydÿÿnanamy rarybewãhãre. ³² Tii rarybere aõmybo roholare, robire, tahe ijõ iny rityhynyõhyre irybe. ³³ Inyõ tahe rityhynykeki, tii tule ijõ-õ rarybere, Deuxu inatyhy rare wahe. ³⁴ Deuxu deõdÿÿna heka irybelemy rarybere Deuxu dori Tatytybytyhy ibutumy tami diwahinyde. ³⁵ Tyby taRiõre luure, tai tahe ibutu aõmydÿÿnana ywisidÿÿmy tami diwahinymy

diteõnyde. ³⁶ Iny Jesuisi rityhynymyhyreki, umytuedeõnahakÿ-di iny rÿira. Inyõ tami ratxiõkeki, tiu umytuedeõna robiõtyhy, Deuxu ykarana dori tii-wana ratximyhyre.

4 Inyõ fariseu mahãdu-õ rarybere: —Jesuisi Joaõ-ribi iny sõwemy diratysebenymyhyde. Sõwemy iny ritamyhyre ierydÿÿmy. Tahe Jesuisi aõkõ rõi ratysebedÿÿmyhyre, ierydÿÿnale tahe riratysebenymyhyre. Iu Jesuisi kiamy rieryre tahe, Judeia-ribi rexitare. Roirenyre Kalileia bede-õ ritehemynykemy. Roirenyre tahe Samaria bededihyyle riõhõrenre. ⁵ Samaria bede hãwãõ-õ tahe ritehemynyre. Sika inire. Ijãõ riõresu-ribi iõhõmy rõira, tariõre Jyje-õ riwahinyre wahe. Ijãõ behãloo tai rÿimymyhyre. ⁶ Txutyre tahe Jesuisi elerihynymy ronymyhyre tatilemy nadeki berysina werora-ki. ⁷ Tahe Samaria mahãdu hãwyyõ dobehede beixemy. Jesuisi tami rarybere: —Beõ inihe wadee bidiõke. ⁸ Jesuisi erydÿÿna mahãdu tahe juhuy roirenyre hãwã-õ rÿÿÿna itxemy. Tai Jesuisi riraõmy ronymyhyre. ⁹ Tahe hãwyy rarybere: —Kai judeu mahãdu tate, jikarÿ samaria mahãdu rare. Anoherekibo wadeke textiõenyteri be-momomy. (Judeu mahãdu Samaria mahãdu-wana wiyemy reaõhyymyhyre. Widi õludu wesemy rare.)

¹⁰ Tahe Jesuisi rirawyonre: —Kai heka teeryõhyteri mobo jiarÿ rare wahe. Tule, Deuxu wahisidÿÿna teeryõte. Tiwaeryteriwana kai bedexitõenyke, tahe bee irumy ihÿre adee ariwahinyke. ¹¹ Hãwyy rarybere: —Wahÿ, timybo bee irumy ihÿre wadeke kanakre. Kai ahynakõre, hãloko heka behekyre bee irehere. Timybo bee iru kumy-wana ratxireri. ¹² Kai anobohe inytyby Ijãõ ratyrere. Tiki heka behãloko wedu juhuku rare; idi riwahinyre inydekereny. Iribile iritxiõre riõmyhyre tiki-wana, ibroreni riõmyhyre. ¹³ Jesuisi tahe tarybetyhy-di rarybere: —Inyõ kahãloobemy riõkeki, ixityre be-momomy ruruke. ¹⁴ Jiarÿ bee ariwahinyke. Inyõ tahe kiabemy riõke-wana, tiu bemy tami umytuedeõnahakÿ riwahinyhyymyhyre. ¹⁵ Tahe hãwyy rarybere: —Wahÿ bee tuedekõdu ikuny tuu kariõke. Tai kakõ kanakõtyhy berysomy. ¹⁶ Tahe Jesuisi rarybere: —Maa hÿny, ahãbu biõryke, tahe manake. ¹⁷ Hãwyy dirawyonre: —Anokõre, wahãbukõre. Jesuisi rarybere: —Inatyhymy tarybeteri ahãbuõremy. ¹⁸ Kai heka iruyre ahãbu tate. Wijina tahe ahãbu aõkõ rare atÿhibiõwale wahe. Kia tahe inatyhymy tarybeteri. ¹⁹ Wahÿ, wiji tahe arakeryra, kai Deuxu rybeduõ tate. ²⁰ Wahareny Deuxumy reâlãmymyhyre kahãwãlõ-ki. Amahãdu anokõ, tami tahe Jerusalẽ Deuxu deâlãna rare. ²¹ Tahe Jesuisi rarybere: —Lerÿ, warybe bityhynyke. Kanakre itxu kahãwãlõ-ki aõkõ, Jerusalẽ-ki aõkõ Waha Deuxu deâlãna rarekre. ²² Kaiboho aõmybo teâlãte teeryõtenyte. Jiarÿboho tahe aõmybo reâlãre, reeryrenre, tarasana dori judeu mahãdu-ribi nade. ²³ Kia bededÿÿnanamy reara. Inyõ Waha Deuxu àlanamy ratximyhyreki Deuxu Tytybytyhy-di, inatyhyna-di reâlãmymyhyre. Tuu deâlãna mahãdu Deuxu riijemymyhyre. ²⁴ Deuxu Tytyby rare: —Tai tahe tudeâlãnadu tatytyby-ki inatyhyna-ki tuu reâlãmymyhyre. ²⁵ Kia tahe jikarÿ rekeryre, Mesia kanakre, Deuxu dekõdÿÿkÿnyamy wahe, Kristu inire. Tiki

kanakreku wahe, ibutumy inydekereny anona anonamy relykykre. ²⁶ Jesuisi rarybere: —Jiarỹ tahe tiire, umy-wana wiji rarybereri wahe.

²⁷ Tahe Jesuisi erydỹyna mahãdu rehemynyre. Hãwyy-wana rarybereriki tahe ribedeõtiidỹnyrenyre. Tahe inyõ tamy rỹraxiõhyyre. Aõmybo tamy rỹraxire, ada aõherekibo tamy rarybereriki. ²⁸ Iu tahe hãwyy tabutxi ririre, hãwã-ò rara. Tahe tahãwã mahãdu-ò rarybere: ²⁹ —Bodoibedenyke wahemy. Betehebenyke-my hãbu-kò. Tiki wakoku relykyre ibutumy anohebo ratỹkỹnymahãremy. Tiki kòsana Kristu ratxireri. Deuxu dekòdỹkỹna rare. ³⁰ Hãwã-ribi roirenyre Jesuisi-ò. ³¹ Iu hãwyy hãwã-ki rareamyhỹreu, tahe ierydỹyna Jesuisi-ò rarybere: —Iny erydỹydureny rỹsỹnaõ birỹsỹke. ³² Tahe Jesuisi rarybere: —Warỹsỹnadire wahe. Kaiboho heka kia rỹsỹna teeryõtenynte. ³³ Tahe widee raryberenyre: —Inyõ kòãõboka tamy rỹsỹnaõ riwyreri. ³⁴ Jesuisi rarybere: —Wadeõdỹydu deewimy ariwinykemy idi watxireri. Kia tahe warỹsỹnare, iaõmysỹdỹyna arihukemy wahe. ³⁵ Maixõmo butuna inaubiõwa ahãdu-di bidiõrarunyenkyremy kaiboho tahõtinytenyteri. Tahe aõkõre adeereny ararybekre. Betehebenyke bedero-ò. Maixõmo redenamy rỹire. ³⁶ Kia maixõmo butudỹydu iõwy ritake, tahe umytedeõnahakỹ-ò iny ributunyre. Tahe wiwanale riwodeysanymyhỹre ibròdỹydu ibutudỹydu-wana. ³⁷ Iwese inyõ rarybere wese, inatyhy rare. Ijõ tahe ibòrdõydydu rare. Iwitxira tahe ibutudỹy-na rare. ³⁸ Jiarỹ kaiboho arateõnymahãre. Aõbo tebòrdõnyõtenynte tahe bibutunyke. Juhuu inyõ raaõmysỹdỹyre: —Kaiboho tahe iraty temytenynte.

³⁹ Tahe hãwyy òraru-ki sõwemy Samaria hãwã mahãdu rityhynyre. Hãwyy rarybere juhoo: —Tiki wakoku relykyre ibutumy anohebo ratỹkỹnymahãre walananonanamy relykyre. Kia rybe òraru-ki tahe rityhynrenyre. ⁴⁰ Samaria hãwã mahãdu tahe Jesuisi-ò rexitõenyre tii-wana roirekemy. Tahe Jesuisi tii-wana inatxi txumy riwyreri. ⁴¹ Sõwemy tahe rityhynyre Jesuisi Rybe òraru-ki. ⁴² Tahe hãwyy-ò rarybere. Wiji tahe arybe òraru-ki aõkõ retyhynyreri. Tamy tyhy-ò jiarỹle raholare, tahe reeryre tii bede iny tarasadu tyhymy raremy.

⁴³ Inatxitxu-di tahe Samaria-ribi rare Kalileia bede-ò. ⁴⁴ Jesuisile dori rarybere: —Deuxu rybeduõ uladumy ijirana bede-ki iny rityhynyõhyymhỹ. Tiu tamy wowydy-naõ riwahinyõtyhy. ⁴⁵ Kalileia mahãdu juhoo Jerusalẽ-ò tule roirenyre, worana bedehesi rỹimyhỹraò. Ibutumy aõbo Jesuisi riwinyra heka tiiboho reteherenyre. Tai Jesuisi tasubede-ò rehemynyre tiiboho awimy ridyrenyre.

⁴⁶ Tahe ixityre Jesuisi rehemynyre Kana hãwã-ò. Juhoo tai bee riwitxiranyre wĩ monamy wahe. Bede dinodu aõmysỹdỹydu Kafanaõ-ki rasỹnyre. ⁴⁷ Jesuisi Kana hãwã-ki ratxirerimy hãbu roholareu, tamy rara. Tariõre dori ibinamy roire taheto-ki. Jesuisi-ò hãbu rarybere: —Manakekõ aõbo waheto-ò wariõre biteytekemy. ⁴⁸ Jesuisi riwawõnyre: —Kaiboho bede aõmydỹynana wiwihikỹ tetehtenyteule tetyhynytenynte. ⁴⁹ Hãbu heka Jesuisi-ò rarybere: —Wanyrỹ,

wylemy manake wariõre rurukreko-txi. ⁵⁰ Jesuisi rarybere: —Bòõseke, ariõre dori awimy relera. ⁵¹ Tahe tii Jesuisi rybe rityhynyra tai ròõsere taheto-ò rakemy. Ijõ txu tahe ryro-ki teõdu-wana witxi reare. Tii rarybere: —Ariõre reytera aheto-kile. ⁵² Hãbu ritỹyraxinyre tiubo reytera. Tahe relyyre. Kaule, txutyre reytera. ⁵³ Jesuisi rarybereu, kiaule iriõre reytera. Hãbu rieryre. Tai tahe idi ibutumy hãbu sỹmahãdu Jesuisi rityhynyre. ⁵⁴ Kia tahe Jesuisi inatxina aõna aõna wiwihikỹ iny itxer-anamy riwinyre Kalileia bede-ki.

5 Iribi tahe judeu mahãdu worana bedehesimy rỹimyhỹ. Tai tahe Jesuisi rare Jerusalẽ-ò. ² Hãwã-ki tahe hãloo ibedỹy roimyhỹ budoeni riyjõ iõhõ-ki rỹimyhỹ. Beteta inire, hebraika rybe ini rare, judeu rybe wahe. Iruyre iwõtana ube iwerora-ki rỹire. ³ Sõwemy webinadu ube-ò wii rotyre, iny ruetã ijõre, iny tiere ijõre, inytibina ijõre. ⁴ Tiiboho ýjuõ riraõmyhỹre. Ýju beò rerireu tahe raukỹre. Mobo juhu itxi resekeki tahe, tii reytemyhỹre. ⁵ Hãbuõ 38 beõramy ibinamy roimy raremyhỹ. ⁶ Jesuisi tamy retehereu, rieryre tiwesebeõrabo ibinamy roimy rare myhỹ. Tahe tamy rarybere: —Kai aõbohe beytekekõ. ⁷ Hãbu dirawõnyde: —Aõkõre Wanyrỹ, wawihedỹyduõre. Bee rexiukỹnyrau, ijõ wako-ò ralõmyhỹre. ⁸ Jesuisi tamy rarybere: —Myikewa, abyre bimyyke, mariake. ⁹ Aõwesele hãbu rỹimy reare, awimy. Tabyre rimyre tahe rariare. Kia txu tahe sabado txu rare. Kia txu tahe judeu aõmysỹdỹyna txu aõkõ rare. ¹⁰ Tai tahe judeu mahãduõ tamy rarybere: —Abyre-di riraõmy, sabado txu dori òbiti aõkõ rareki. ¹¹ Tahe dirawõnyde: —Wadeytedỹydu wadee rarybere wabyre arimykemy. ¹² Tahe tamy rỹraxire: —Mobo adee rarybere abyre bimyykemy idi mariakemy. ¹³ Tahe hãbu deytedu rieryõre mobo rare. Jesuisi dori dexitade iribi. Sõwemy iny tai rỹimyhỹ. ¹⁴ Deuxu dohodỹyna heto-ki Jesuisi idi hãbu-ki rahara. Tamy rarybere: —Kai teyteta, inatyhy. Tai tahe aõraruna biixãwidinyke, aõbinatyhy aõhe adee rotỹnyheny. ¹⁵ Hãbu tahe rare. Judeu mahãdu-ò rarybere, mobo teytedỹydu raremy, Jesuisi wahe. ¹⁶ Tai tahe judeu mahãdu Jesuisi ibinamy rexidelenymy rarybere, sabado txuu kia riwinyreki. ¹⁷ Jesuisi tahe rarybere tamyreny: —Waha, Deuxu aõu raaõmysỹdỹyre, jiarỹ tulere. ¹⁸ Tai tahe sõwemy irubudỹymy rurumyhỹre. Sabado txu bede ywina-ribi tii riwinyõre. Tule Jesuisi Deuxu wesemy rexioire, Wahamy dori rarybemyhỹreki.

¹⁹ Tai tahe Jesuisi tamyreny rarybere: —Jiarỹ ixi-di aõkõ aõmydỹynanamy ratỹnyymahãre aõbo Waha riwinymyhỹre, jiarỹ tule rewinywãhãre iweselemy. ²⁰ Waha Deuxu dori waluure. Aõbo riwinyre wadee riteõsinyre, tai tahe aõruxerahakỹtyhymybo bobibenykre, idi bede biõtiinybenykre. ²¹ Waha Deuxu dori rubu-ribi iny riixixanymyhỹre. Tai tule jiarỹ iny areixixanyke ixideewikeki. ²² Ibutumy iny hitxidỹyna Waha wadee tuu rarybera, tii dori iny rihitxidỹnyõtyhy. Jiarỹle tahe iny ywisidỹydydu aròhõnykre, tai iwese Deuxu iny riwowydynymyhỹre wesele iny riwawowydynymyhỹkre. Adeereny Deuxu diwateõnyde. Tai inyõ

riwawowydynyõkeki, tii Deuxu riwowydynyõreri.
²⁴ Inatyhytyhymy adeeremy ararybekre. Inyõ warybe roholakeki, wateõdÿÿdu rityhynykeki, tii wijityhyle umytuedeõna ritake, ywisidÿÿduko-õ rõhõnyõtyhy, rubu ryribi rõhõnyre umy irumy ihÿre ryõ iny ralõmyhÿre. ²⁵ Inatyhytyhymy adee arelyykre: —Bedeÿÿnana-ki kòhõra, bede dÿÿnanamy reara. Tahe rubu mahãdu Deuxu Riõre rybe-õ roholakre. Roholamy rÿikeu tahe irumy rÿike. ²⁶ Tyby dori iumyõnanaõhyyre wese tule iRiõre rare. Umytuedeõna wedu rare. ²⁷ IRiõre heka hitxidÿÿna wedumy relere. Tii dori Deuxu Riõre Hãbutyhyhykÿ tii rare, jiarÿ wahe. ²⁸ Bedeõtidÿÿõmy tahe bededÿÿnanamy he reare. Rubu mahãdu wabedey-ki warybe-õ roholakre, tai iribi rõhõnykre. ²⁹ Ibutumy aõwibo riwinyre mahãdu kedexixakre umytuedeõnahakÿ-di. Kia ibinamy riwinymyhÿre mahãdu ywisidÿÿdu-õ rexixakre.
³⁰ Jiarÿ ixi-di aõkõ aõmydÿÿnanamy ratÿÿnywãhãre. Iwese Waha-õ raholare wese iny ywisidÿÿmy arõhõnykre. Waywisidÿÿna heka õbiti rare. Wade wimy aõkõ dori tuu watxiwãhãre. Waha wade-õdudeewimy tuu watxiwãhãre. ³¹ Iximy ararybekeki, inyõ riwatyhynyõtyhy. ³² Iwitxira heka tuu rarybereri wamy wahe. Reeryre inatyhy raremy. ³³ Kaiboho inwitxira teteõnytenyete. Joaõ ratysebedÿÿdu-õ rÿÿraxikemy ibutumy kia wamy rarybere inatyhy rare jiarÿ inatyhy rare. ³⁴ Iny wamy rarybemyhÿre, tahe jiarÿle kia reijeõhyamahãre inyle rieryõre wamy rybe, wahe. Tahe kiamy adee relywãhãre kaiboho ritamy rÿikemy.
³⁵ Joaõ tahe loosõna wesemy raremyhÿ. Tii urihimyo bededÿÿnana ritoosõnymy raremyhÿwesemy tahe kaiboho atximahãtenyete. Idi urihimyo-õ teysatenyete iloosõna-di, idi iribi kaiboho terarenyre. ³⁶ Jiarÿ Waha òraru-ki aõmydÿÿnana wiwihikÿ, rewinyamahãre. Kaheka inatyhymy urihixina rare. Joaõ wamy rarybere ratyre heka kaa roire, Deuxu Waha inatyhymy wadeõdu raremy riteõsinyre. ³⁷ Waha wadeõdu wamy tule relyyre. Kaiboho irybe-õ taholaõtenyete tule tii tabiõtenyete. ³⁸ Kaiboho tamy taholaõhyamahãtenyete, tiwatyhynyõteki, jiarÿ dori iteõdÿÿna rare. ³⁹ Tyriti-õ tetehetenyete iwo-ki dori umytuedeõna-ki mahakemy tahõtinytenyete. Ritidÿÿnakile wamy relyymyhyre.
⁴⁰ Ihãrele tahe wadee taõmahãte adeeremy umytuedeõna ariwahinykemy. ⁴¹ Aõmybo wamy iny rarybemahãkeki, aõ aõkõ rare wadee, jiarÿ dori reeryre Deuxu luuna-di aõkõ atxitenyteri. ⁴² Jiarÿ Wahani-di anade, tahe kaiboho tiwatyhynyõmy wadi ahãte. Inyõ ixideewilemy kanakeki, kaiboho bityhynybenykre. ⁴³ Tai heka tetyhynyõmahãtenyete. Widee dori kaiboho tewowydynmahãtenyete, tahe Deuxu-ribi wowydyna ritakemy terarenyre, sohojihyire heka Deuxu. ⁴⁴ Kiamy tahe Waha-õ arelyyõkre, Moisesi tahe relyykre. Moisesi bede ywina dori, ararõsõnyrenyre rare. ⁴⁵ Inatyhymy Moisesi tetyhynymahãte-wana tule jiarÿ biwatyhynymahãke, wamy dori Moisesi rõratidÿÿre.
⁴⁶ Irybe bityhynyõkeki, timybo warybe bityhynyke.
⁴⁷ Iribi tahe Jesusi Kalileia aho-ki ixyby reurore,
6 Teberiaade ahoniõre. ² Tahe sõwemy iny riheludun-

yre tuu robireki, aõna aõna wiwihikÿ, deytedÿÿna wiwihikÿ robireki. ³ Tahe hãwãlõratyy-õ Jesusi raõwõnyre taerydÿÿna mahãdu-wana —rorukurenyre tai. ⁴ Judeu mahãdu worana bedehesi rexidelenykemy iõhõre. ⁵ Tahe Jesusi retehere inysõwehekÿ-õ, tamy rehe-mynyre. Tai Filipi-õ riurihimy rarybere: —Tikibo orotxu tamyreny rikiõbranyke riyrenykemy. Jesusi rierymyhyre aõbo riwinykremy ratxireri ihãrele tahe Filipi-õ kia rarybere. ⁷ Filipi tahe dirawyõnyde: —Inyõ sohoji sohoji orotxu yre sohoji riykeki, 200 prata womati nieru rakahurenyke ihãre rimyõtyhy. ⁸ Andre Jesusi erydÿÿna-õ rare, Simaõ Pedro seriõre rare. Tii tahe Jesusi-õ rarybere: ⁹ —Weryryboõ kaki ihÿmyhÿ. Iruyre cevada orotxu idi ratximyhy, utura inatxi. Kia tahe aõ aõkõ rare inysõwe-õ. ¹⁰ Tahe Jesusi taerydÿÿna-õ rarybere: —Tamy marybebenyke ranyrenykemy asityrekile. Tahe rorukurenyre ibutumy. Hãbu 5000 ronyre ijõ inyõ tahe sõwetyhymy rorukure. ¹¹ Jesusi orotxu rimyre. Deuxumy reãlãre, idi tahe tamyreny riwahinyre. Tule utura-wana wiwesele risÿnymy. Tuu rotÿÿnyre. Ibutumy heka ixideewina rirÿsÿrenyre. ¹² Rihydyrenyre, Jesusi rarybere taerydÿÿna mahãdu-õ: —Bibutunbenyke rauhenyra uritere ixinamy itxiwixirenyõkemy idi watxireri. Uritere idi dehurenyõmy. ¹³ Tahe ributunrenyre iuhe waõinatxi reurõmy weriri ritÿxinyre orotxu yrere-di. ¹⁴ Jesusi aõwiwihikÿ widÿÿnamy robirenyre kiamy tahe raryberenyre. Tii inatyhymy Deuxu Rybedutyhy rare. Juhuu dori tuu rarybere kabede-õ kanakemy. Inyboho tii riraõmyhÿre.
¹⁵ Rõhõtinyrenyre: —Jesusi iniyõlõrenymy rikimynykre. Tamy ròkõdirenkre. Iu Jesusi kia rieryre, ixisohojilemy rexitare ixyby, hãwãlõ-õ.
¹⁶ Ibedesou aho ijã-õ ierydÿÿna mahãdu riberenyre riraõkemy. Bede rurunyre tahe Jesusi rehe-mynyõhyre. Tai hãwõõ rimyrenyre idi reurõkemy ijõwe-ribi ijã-õ, Kafanaõ hãwã-õ. ¹⁸ Tahe yhy deborehekÿ tiribi tiribi rebonymyhy. Òbõ tahe resemyhÿ.
¹⁹ Sohoji urihixina iõhõmy rõireny tahe Jesusimy robirenyre. Tii betyredile tamyreny nariamy nade. Tiiboho ruberunihikÿrenyre. ²⁰ Jesusi tamyreny rarybere: —Jiarÿle wa rare, reburenyõmyke. ²¹ Tai tahe hãworo-õ Jesusi ronykemy tiiboho disÿnydenyde. Aõ wesele tahe rehemynyrenyre tiõbo rõirenyraõ.
²² Itxubiõwamy sõwemy iny wii ributunyre aho kanawe-ribi ijã-ki. Hãwõ sohojile tahe tai roire aho-ki. Jesusi erydÿÿna mahãdu roirenyremy rieryrenyre. Tahe Jesusi aõkõ idi rare. ²³ Tahe hãwõõ dehemynydenyde. Teberiaade hãwã-ribi Jesusi tai ratximyhy iõhõ-õ. Tai juhu Jesusi rexitõenymy rÿimyhÿ tahe orotxu tamy riwahinyre. ²⁴ Jesusi iõre tai, ierydÿÿna mahãdu iõre. Kia tahe iny sõwemy robirau, hãwõ-õ rimyrenyre. Iõrysomy roirenyre, Kafanaõ-õ.
²⁵ Kanawe-ribi ijã-õ rehemynyre, tii-wana witxi reare. Tahe tamy rÿÿraxire. Waerydÿÿdureny, tiubo kaõ tadehemynyte. ²⁶ Aõwiwihikÿ rewinyremy aõkõ tiwajitenyteri, rÿsÿna adeeremy rewahinyrakile, tehydymy terÿsÿtenyatakile. ²⁷ Rÿsÿna tyhy ituemyhÿre kiaõle aõkõ maaõmysÿdÿÿbenyke, tahe iwitxira rÿsÿnaõ-õ

maaõmysýdýýbenyke, kia ituedeõna-di aõkõ rare. Deuxu Riõre Habutyhyhyký dori adee riwahinykre. Kia rýsýna umytuedeõnahaký wesemy rare. Taile tahe Deuxu Waha riwateõnyreri. ²⁸ Tahe Jesuisi-õ rýýraxire: —Tímybo iny Deuxudeewimy arotýýnyrenykemy. ²⁹ Jesuisi dirawyõnyde: —Kialemy, biwatyhybenyke: —Deuxu dori wateõdýýdumy rare. ³⁰ Tahe raryberenyre tamy: —Aõwiihikýbo inyko-õ biitx-eredýýnyke. Aõhebo botýýnykre, iny aratyhynykre. ³¹ Inytybyreny orotxu riyrenyre bederahy-ki. Kia wese Tyyriti-ki roire:

—Moisesi tamy orotxu riwahinyre biu-ribi.

³² Jesuisi rirawyõnyre: —Inatyhy tyhymy Moisesi aõkõ tamy riwahinyre. Waha dori biu-ribi orotxu tyhy adee riwahinyre. ³³ Deuxu orotxu tahe irutyhymy inydee riwahinyreryre, biu-ribi diwahinyreryre. ³⁴ Tahe raryberenyre: —Wanyrý, tiu kia orotxu bidi-wahinyreryre. ³⁵ Jesuisi iximy rarybere: —Jiarý orotxu irutyhymy rare. Inyõ wadee kanakeki, tiu rama risaõtyhy. Inyõ riwatyhynykeki, tiu bee risaõtyhy.

³⁶ Adeereny heka rarybere: —Wamy tabitenyete, ihãrele tiwatyhynyõtenyete. ³⁷ Ibutumy iny Waha wadee riwahinyreryre wadee kanakre. Tiu ixi-ribi ariteõnyõtyhy. ³⁸ Adobehede dori aõ ixideewimy aõma arotýýnykemy aõkõ. Wadeõdýýdudeewimy arotýýnykemy watxiwãhãre. ³⁹ Tiu ariõnyõtyhy wadee diwahinydeõ kiaboho ibutumy ikonana txuu rubu-ribi ariixixanykre. Kia tahe wadeõdýýdu deewimy rare. ⁴⁰ Inatyhymy Waha deewimy kia rare. Iny iRiõremy robireu, rityhynykeu, umy tuedeõna ritake. Ikonana txuu tahe rubu-ribi ariixixanykre.

⁴¹ Jesuisi rarybere: —Jiarý biu ludu orotxu rare. Tai tahe judeu mahãdu aõbina binahakýlemy rarybemyhýre. ⁴² Kia wese rarybemyhýre: —Kaa Jesuisile rare. Jy-je riõre rare. Tyby he ijoi eryna rare ise tule. Aõhereki-bo tii rarybereri biu-rubu nademy. ⁴³ Tahe Jesuisi dirawyõnyde: —Tuu wamy ryberenyõmyke ay-ludurenymy. ⁴⁴ Wadeõdýýdu iny wadee rayky-õ rarybemyhýre namyhýde. Kia wesele iny wadee kedehe-mynykre, ikonana txuu tiiboho rubu-ribi ariixixanykre. ⁴⁵ Deuxu rybedu Tyyriti-ki kia rybe rýre:

—Deuxu ibutumy iny ribedeerydýýnykre.

Tai tahe Waha-ribi iny rierymy roholamyhýre, tii tahe wadee rehemyreryre. ⁴⁶ Inyõ Wahamy robiõhymyryre jiarýle tahe tuu rabimahãre, iribi anadeki. ⁴⁷ Inatyhytyhymy adee rarybemahãre. Inyõ riwatyhynykeki, umy tuedeõnahaký tiiwanale ratxireri. ⁴⁸ Jiarý orotxu wesemy jiarý rare. Umytuedeõna wahidýýdu jiarý rare.

⁴⁹ Boreny dori biu-ribi orotxu riyre bederahy-ki. Irabihy ibutumy tiiboho ituerenyre. ⁵⁰ Jiarý tahe biu ludu orotxu wese rare, inyõ tahe kia orotxu riykeki, tiu ru-ruõtyhy. Waumy ariwahinykre rubu-õ ibutumy iny õraruna õwydýýmy. Tamyreny umytuedeõna riwahinykre rubu-õ ibutumy iny õraruna õwydýýmy. Tamyreny umytuedeõna riwahinykre.

⁵² Judeu mahãdu tahe txiõdýýna rybemy widee raryberenyre: —Tímybo tadelemy inyboho riõwenyrenyke-my wahe. ⁵³ Jesuisi rirawyõnyre: —Inatyhytyhymy adee

ararybekre. Kaiboho Deuxu Riõre Hãbutyhyhykýde birõõbenykeki, umytuedeõna bitabenyõtyhy. Ihãlubu biõbenykeki, umytuedeõna-di aõkõ atxitenyteri. ⁵⁴ Inyõ waderõdu wahãlubumy momodu tii umytuedeõna-di ratxireri. Tii tahe ikonana txuu rubu-ribi adiixixanykre. ⁵⁵ Wade heka juhu irõnatyhy rare, wahãlubu tu monatyhy rare. ⁵⁶ Inyõ wade rirokeki, wahãlubu riõkeki, wawana tiuhyy ratxireri. Jiarý tule tii-wana watxi-hyyreri. ⁵⁷ Waha irumy ratxireri. Tii wadeõdýýdu rare iõraru-ki warumy watxireri. Tule waderõdu irumy ratxike waõraru-ki. ⁵⁸ Jiarý biu ludu orotxu inatyhy jiarý rare. Iwese bederahy orotxu heka boreny riyrewesemy aõkõ jiarý rare. Ihãrele tahe ituerenyre. Inyõ riwaykeki, rexihahymy rarekre. ⁵⁹ Kia ibutumy Jesuisi rarybere Kafanaõ judeu dohodýýna-ki, rierynanyreryre.

⁶⁰ Iribi tahe Jesuisi-õ ijohona mahãdu rarybere: —Kia isira tyhyre iny rieryke. Inyõ heka kia rityhynyõtyhy.

⁶¹ Jesuisile heka rexieremyryre tiiboho tuu rarybemyhýreki, tahe tamy rýýraxire:

—Kaa aõbohe arabinadýýnyrenyke.

⁶² Tahe jiarý Deuxu Riõre Hãbutyhyhyký, ixyby biu-õ arõõsekeki, tímybo marybebenyke, kaiboho wamy bobibenykeki. ⁶³ Deuxu Tyytybytyhyle umytuedeõna riwahinyreryre. Umydetyhy umytuedeõna-di aõkõ rare. Urile adee rarybemahãre Deuxu Tyytybytyhymy rybena rare, adeereny umytuedeõna rare. ⁶⁴ Tahe inyõ ayreny ludu riwatyhynyõreri. Jesuisi tahe juhuru-ribi rieryreryryre mobo rityhynyõmyryre, tule mobo tatxiõdýýdumy rarekemy. ⁶⁵ Jesuisi rarybereryryre tii-wana: —Jiarý juhuru rarybewãhãre. Inyõ Waha wadee riteõnyõkeki tiu wadee kanaõtyhy. Tai heka tuu adee jiarý rarybere.

⁶⁶ Kia rybe õraru-ki sõwemy taerydýýna mahãdu ririrenyre. Tahe roirenyre. ⁶⁷ Tahe Jesuisi rýýraxire taerydýýna waõinatxi reurõ mahãdu-õ. Ka bexe boibenyõkre aõbo biwaribenyõkre aõbohe. ⁶⁸ Tahe Simaõ Pedro rirawyõnyre. Wanyrý moobo arõirenykre. Kaile heka umytuedeõna rybe-di atxiteri. ⁶⁹ Jiarýboho ka aratyhynymahãrenyre. Araeryrenyre ka, kai Deuxu-ribi hãbu õbitityhymy atximahãte. ⁷⁰ Jiarý aratarenyre waõinatxi reurõ inymy erydýýna mahãdumy. Ihãre tahe inyõ ratximyhýre diaboõ heka tii rare. ⁷¹ Jesuisi tahe Judasi Isariõmy rarybereri. Iwõ inatxinamy wahe. Simaõ-Isariõ riõre tii rare. Judasi dori Jesuisi riwahinykre ratxireri iõludu mahãdu-õ.

7 Judeu mahãdu Jesuisi rubudýýmy rurumyryre.

Tai tahe Judeia bedeludu hãwã-õ ralõõmyryre.

Kalileia bedeludu hãwãdile rariamyryre. ² Tahe judeu mahãdu worana bedehesi iõhõmy rýimyhý. Kiani tahe heto riõre worana bedehesi rare. ³ Tahe Jesuisi seriõreboho tamy rarybere: —Make wa karibi Judeia mahãdu bedeludu aerydýýna mahãdu dori aõwiihiký kai tewinyteõ tuu robikemy. ⁴ Aõwiihikýmy tewinyteri, tai tahe ixinamy iny tuu ibutumy robikre. Ibutumy iny ixierysymy tahõtinyteri-wana urile iny lau iwõteõmy aõna aõna wiwihiký. ⁵ Jesuisi seriõre mahãdu tule rityhynyõre. ⁶ Jesuisi tahe dirawyõnyde: —Wiji araõkre

wabededÿñanamy dori tuu reaõmy ratxireri. Kaiboho tahe adohotalemy bõike. ⁷ Bede ludu mahãdu iny dori aluurenyre, tahe waderamy rekoarenyre. Iðraranamy dori jiarÿ tamy rarybemahãre, ibinatyhyremy. ⁸ Kaiboho boibenyke worana bedehesi-ò. Jiarÿ tahe wiji araõkre, wabededÿñanamy reaõmy doimyhÿde. ⁹ Kia tahe Jesuisi tamyreny rarybere. Tahe Kalileia-ribi Jesuisi rõhõnyõmy rÿimyhÿre.

¹⁰ Tahe iseriõre roirenyre worana bedehesi-ò. Idi tahe tule tii rare iherenymy itÿnymy aõkõ wahe, wasimy inyõ tuu robiheny. ¹¹ Judeu mahãdu tahe Jesuisi riijemyhÿre worana bedehesi òrake-ò. Rarybemyhÿre: —Titxibo tahe tii ratximyhÿre. ¹² Jesuisimy rybe ixitxiõdÿña rõhõnyre insõwehekÿy-ki. Inyõ heka awimy tuu rarybemyhÿre. Ijõ tahe ibinamy tuu rarybemyhÿre, tii iny itxenadÿÿdu raremy. ¹³ Inyõ tuu rarybeõhyymyhÿre ibutumy ijohonamy judeu mahãdu lau ruberureki.

¹⁴ Worana bedehesi tya-ki Jesuisi Deuxu dohodÿña heto-ò ralore ribedeerynykemy. ¹⁵ Ribedeerynyre tahe judeu mahãduõ ijõ-ò rarybere: —Timykibo he kia ritidÿña rierymy tuu rarybemyhÿre. Rierykõ ihãrele iny rierynanyimyhÿre. ¹⁶ Tahe Jesuisi dirawyõnyde: Waerydÿña-di aõkõ rebedeeryre, Deuxu wateõdÿÿdu rybe-di wahe. ¹⁷ Inyõ Deuxudeewimy ratxikeki, tii rierykre aõerydÿñabo òbitimy ratxireri. Tii rieryke Deuxu-ribi aõbo rarybereri ada ixi-ribi rarybereri. ¹⁸ Iny ixi-ribi rarybekeki, tiile rexiloosõnanyke. Tahe iny iteõdÿÿdumy rarybekeki, tii tahe inatyhy rare. Tii inatyhymy òbiti rare. ¹⁹ Moisesi adee bede ywina riwahinyre: —Tahe kaibohoõ tetyhynyõhyymahãtenyete. Tai tahe aõherekibo biwarubunykyemy atxitenyteri.

²⁰ Tamy inyõ dirawyõnyde. Kaita itxÿteteri. Inyõ ka ararubunykyemy aõkõ ratxireri. ²¹ Jiarÿ inyõ reteytenyre sabado txuu tahe kaiboho wadi bede teõtiinytenyete. ²² Boholake, Moisesi bede ywina arateõnyke ariõre ritõtyky aròkemy resynanykemy. (Boboho tahe kia tuu ritelenyre Moisesi aõkõ.) Tahe notyky resyna txu rÿikeki, tuu tewinyte sabado txu hãrele. ²³ Kia sabado txu biwinybenykeki Moisesi bede ywina riwinykyemy, tahe aõherekibo wadee taykarananyteri hãbu sabado txu reteytenyrekiki. ²⁴ Aõ òbitimy aõkõ rare, òbitimy tahõtinyterikile. Òbitinale-di maraykynybenyke.

²⁵ Ijõ Jerusalê hãwã ludu mahãduõ rarybere: ²⁶ —Kia rarybemy rÿirerile, tii irubudÿÿmy rexinohõtinyreri. Beteheke. Butumy ijohonanamy kia rarybemyhÿre. Ihãrele taheka inyõ tamy rarybeõhyymyhÿre. Wedu mahãdu rõhõtinyimyhÿre: —Ina aõkãbo Kristumy inatyhymy tii rare. ²⁷ Inyboho tahe rierymyhÿre titxiribibo tiò namyhÿde. Kristu Deuxu deõdÿÿna tahe kanakeu, inyõ tahe rieryõtyhy titxiribibo kanake. ²⁸ Jesuisi tahe Deuxu dohodÿña heto-ki ribideerynymyhÿreu rarybere: —Kaiboho tiwaerytenyete, titxiribibo anade tule teerytenyete. Tahe wateõdÿÿdu teeryõtenyete. Terõwymy heka jiarÿ anade. Tule tii inatyhytyhymy rare. ²⁹ Iribi jiarÿ anade Tii riwateõnyre, tai jiarÿ tii reeryre. ³⁰ Inyõ riijemyhÿ rirõtenykyemy. Tahe rimyõhyre ruberureki, ibededÿñanamy aõkõ bede rÿireki. ³¹ Iny sõwehekÿ-ribi sõwemy iny rityhynyre.

Tahe inyõ rarybere: —Kristu Deuxu deõdÿÿna iratyre aõna aõna wiwihikÿ riwinykemy tahõtinyteri. Aõkõre, tii dori inatyhymy Kristu rare. ³² Fariseu mahãdu kia-ò roholareu, tahe wii ributunyre xiwe wahidÿÿdu wedu mahãdu-wana. Tahe tiiboho soldadu mahãduõ riteõnyrenyre Jesuisi rimykyemy. ³³ Jesuisi tahe tamyreny rarybere: —Urihimyõ umyreny-wana watxikre, idi ta arõõsekre wateõdÿÿdu-ò ixyby. ³⁴ Kiaboho biwaijebenykre, waki mahabenyõtyhy. Titxibo watxireri kia-ò heka bitehemynyõtyhy. ³⁵ Judeu mahãdu tahe widee rarybere: —Titxiwexe tii rakremy ihÿre, tuu roko-birenyõtyhy tai rakaharenyõtyhy, myÿ rarybemyhÿre wahe: judeukõdu mahãdu bede-ò aõbo rakremy ixi-di ratxireri. Tai ribedeerynykyemy, judeu mahãdu-wana rasÿnykyemy. ³⁶ Timybohe rarybere: —Waki mahabenyõtyhy, titxibo watxireri-ò behemyhyõtyhy, myÿ rarybereri.

³⁷ Ihewotxu worana bedehesi aõnihikÿtyhy rare. Jesuisi iu rexiukÿnyre rarybekemy: —Inyõ bemomy risakeki, wadee kanake, riõke. ³⁸ Inyõ riwatyhynykeki, Tyyritina-ki kia wese rybe rÿire:

—Iwo-ribi benihikÿ iru rõhõnyke.

³⁹ Iu Jesuisi kia rarybereu, Deuxu Tyytybytyhy aõmy dÿñanamy rarybere. Iny dori rityhynykeki, iwo-ò Deuxu Tyytybytyhy ralòke. Urile tahe Deuxu Tyytybytyhy riwahinyõmy rÿire. Jesuisi dori rõdõseõre biu-ò.

⁴⁰ Tahe roholare mahãdu tahe rarybere: —Ka heka hãbu Deuxu Rybedutyhy rare. ⁴¹ Ijõ tahe rarybere: —Tii Kristu rare. Ijõ tahe rarybere: —Kristu aõkõ Kalileia bede-ribi dori tii rareri. ⁴² Tyyritina rybe-ki roire: —Kristu, Davi sÿ-mahãdu ribi kanakremy. Belê hãwã-ribi; titxibo Davi rasÿnyre-ribi. ⁴³ Tai tahe wiwese wese aõkõ rõhõtinyrenyre Jesuisi-di. ⁴⁴ Inyõ rirõtenykyemy ixi-di ratximyhÿ, ihãrele tahe inyõ rimyõhyre.

⁴⁵ Tahe soldado mahãdu rõõsemy rare rimyõhyylemy fariseu mahãdu-ò xiwewahidÿÿdu mahãdu wedu-ò. Tahe soldado-ò rÿÿraxirenyre: —Aõherekibo tedyõteri.

⁴⁶ Tahe dirawyõnyde: —Timybo inyõ kowa hãbu wese-my rarybeõhyre rybe iwitxira wihikÿmy tii rarybere.

⁴⁷ Tahe fariseu mahãdu rarybere: —Kaiboho aõbo tule araitxenanyrenyra. ⁴⁸ Inyboho mahãdu reny-ribi moõ rityhynyõhyymyhÿre, fariseu mahãdu wahe, wedu mahãdu wahe. ⁴⁹ Inyõ rityhynyre, tahe tiiboho Moisesi bede ywina rieryõre tai Deuxu aõhõkÿmydÿÿnana-txi idi rehukre. Aõhõkÿmydÿÿnana-ò ritamadÿÿnykre.

⁵⁰ Nikodema iyreny-ki ratximyhÿ. Fariseu mahãduõ tii rare, juhoo Jesuisi raraò rare wahe. Tii heka rarybere imahãdu-ò. ⁵¹ Juhoo roholamyhÿre aõhebo rotÿÿnyraò wahe idi tahe ibinakeki rirõtenykyemy riijemyhÿre. Kia tahe iny bede ywinareny rare. ⁵² Tahe riwateõnyrenyre: —Kai wa tule Kalileia mahãduõ atxiteri. Tyyriti-ò beteheke timybo rarybereriò: —Kalileia-ribi rybeduõ rõhõnyõtyhy wahe.

8 [Tahe ibutumy he tasÿ-ò reareare. Iu tahe Jesuisi rare Oliveira hãwãlò-ò. ² Biura-di tahe dõõsede Deuxu dohodÿña heto-ò ixyby. Sõwemy iny tamy rare; Jesuisi ronyre; ribedeerynyre. ³ Hãwyyõ ratximyhÿ hãbu witxiraõ-wana wasimy ratximyhÿ. Tahe inywitxi-

raõ itxireny reare. Tai tahe Deuxu rybe erydÿÿdu mahãdu fariseu mahãdu-wana hãwyy didyde Jesuisi-ò. Tahe hãwyy-ò rarybere rÿikemy iny sôwehekÿy-ki.

⁴ Tahe raryberenyre Jesuisi-ò: —Bede erydu: —Kahãwyy tÿwe rare inyõ itxi reara. ⁵ Iny bede ywina Moisesi riwawahinyré tahe rarybere mana-di rurumy-hÿkemy. Tahe aõmybo kai mynarybeke. ⁶ Tiiboho ki-amy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suõ resera ròritidÿÿkremy tebò-di suki riritinyra. ⁷ Tahe ritÿÿraxinyhyy ihÿmyhÿ. Tahe Jesuisi rÿire; rarybere: —Inyõ òrarukõmy ratxirerile, tii mana-di juhoo tamy rehukre. ⁸ Ixityrele sÿ Jesuisi ròritidÿÿre suõ. ⁹ Kia rybe-ò roholarenyre, tahe rexitarenyre sohoji sohojilemy, tarayky dori ribinadÿÿnyrenyrya. Matuari mahãdu tahe juhoo rexitare. Ikonanatyhy dori rare, tahe Jesuisi hãwyywanale tai rÿire. ¹⁰ Jesuisi retehere: —Hãwyy sohojilemy robire rÿÿraxire tamy: —Hãwyy, titxibo mana-di arubudÿÿmy rybedu mahãdu rirahura. Inyõ aõhe arasÿnyõhyyra. ¹¹ Tahe dirawyònyde: —Anokõre, Wahí. Tahe Jesuisi rarybere: —Jiarÿ tulere! Mahe, òraruna-txi tahe ixbyby ixekõmy.]

¹² Ixityre Jesuisi rarybere tamy: —Jiarÿ wabede loosòna rare. Inyõ wahemy kanakeki, bede luru-ki rariaõtyhy. Tii heka loosòna-di tarayky-ki rarekre. ¹³ Tahe fariseu mahãdu tamy rarybere: —Aõkõre, kai wa iximy tarybeteri tai tahe arybe inatyhymy aõkõ rare. ¹⁴ Jesuisi dirawyònyde: —Inatyhymy iximy rarybereri jiarÿ, tahe warybe inatyhy rare, jiarÿ dori reeryre titxiribibo anade, tule tiobo arakre reeryre. Kaiboho tahe kia teeryõtenyde. ¹⁵ Kaiboho waywisidÿÿmy tadiòlònyde, ihãre tahe òbitimy tiwaywinytenyõte tiwaerytenyõteki. Tahe jiarÿ inyõ reywinyõreri. ¹⁶ Jiarÿ inyõ ariwinykeki, waywisidÿÿna tahe òbiti rare. Jiarÿ dori ixivanale aõkõ rare. Waha, wadeòdÿÿdu wawana raremyhÿ. ¹⁷ Abede ywina-ki kia rybe riritinyry rÿimyhÿre: —Inatxi hãbumy wiwesehyylemy rarybekeki kia tahe inatyhy rare. ¹⁸ Jiarÿ iximy rarybemahãre tule Waha wadeòdÿÿdu wamy adeereny rarybemyhÿre. ¹⁹ Tahe tiiboho Jesuisi-ò rÿÿraxirenyre: —Titxibo boo ratximyhÿre. Jesuisi rarybere: —Kaiboho tiwaerykõmahãtenyde, Waha tule teeryõmahãtenyde. Kai biwaerybenyõkeki, tule Waha bierybenyõtyhy. ²⁰ Kia Jesuisi rarybere Deuxu dohodÿÿna hetowo-ki, iubeweri yrubudÿÿna ube-ki. Tahe inyõ rimyõhyyre, ibededÿÿnanamy aõkõ bede rÿireki.

²¹ Iribi tahe ixityre tamy rarybere: —Jiarÿ he arakre karibi. Kaiboho biwaijebenkyre tahe aòrarurenydile burubenykre. Boiõtyhy titxibo arakre-ò. ²² Tai tahe judeu mahãdu widee raryberenyre: —Inatyhymy aõbo tii rexirubunykre. Tii raryberaki: —Titxibo arakremy boiõtyhy, myki tuu idi ròhòtinyrenyre. ²³ Tahe Jesuisi rarybere: —Kaiboho kaludu toite; jiarÿ aõkõre, biu ludu rare. Kaiboho bede ludu toite, jiarÿ tahe kabede ludu aõkõ jiarÿ rare. ²⁴ Tai heka adeereny rarybereri aòrarureny-di burubenykremy. Inatyhymy jiarÿ tii rare: —Iwese rarybere wesemy. Tahe kia warybe bityhinyõbenykeki, aòrarureny-di burubenykre. ²⁵ Tahe tii-

boho rÿÿraxirenyre Jesuisi-ò: —Mobo he tate. Jesuisi dirawyònyde: —Timybo adeereny rarybewãhãre, juhoo wahe. ²⁶ Jiarÿ sòwemy rÿire aõna aõnamy umyreny ararybeke umyreny ariwinyke ta ararybekre Waha tuu wadee rarybelemy. Tii diwateònyte tii inatyhymy rare. Irybelemy bede iny-ò ararybekre. ²⁷ Rieryõhyyre tamyreny rarybere, tybomy. ²⁸ Kaiboho heka biwata-madÿÿnybenykre, bierybenybenykre mobo jiarÿ rare. Tule ixi-ribi aõkõ aõna aõna rewinywãhãre bierybenykre; tule iwese Waha riwaerynanymyhÿre wese, rarybemahãre. Kia tule bierybenykre. ²⁹ Wateòdÿÿdu wawana raremyhÿ. Iximy riwariõtyhy, jiarÿ tamy wimy rewinyhyymahãreki. ³⁰ Kiamy tarybe rahudi tahe, sòwemy iny rityhynyre.

³¹ Judeu ityhydÿÿdu mahãdu-ò Jesuisi rarybere: —Kaiboho warybe tyhy-di mohòtinybenyhykeki, inatyhymy watyhydÿÿdu waheludumy boibekre. ³² Inatyhyna tahe bierybenykre. Kia dori aratarenkye, deòdumy aõkõ boibekre. ³³ Dirawyònydenyde aõkõre inyboho Abraõ riòkõre roire, tiu heka modeòdumy roirekõmahãre. Timybo tarybeta: —Deòdu-ribi riwatakemy. ³⁴ Tahe Jesuisi tamy rarybere inyõ òraru-di hyy rexiòrarunykeki, tii òraruna deòdu wese hyyle rare. ³⁵ Deòdu heka heto wedu ijoihyymy aõkõ rarekre. Iwedu ixinamy rakre. Riòre tahe iijoihyymy rare. ³⁶ Tahe Deuxu Riòre heka ixinamy arateònykeki, tiu òraruna deòdu wesemy ixbyby bonybenyõtyhy. ³⁷ Abraõ riòkõre inatyhymy toite. Kia tahe reeryre. Ihãrele tahe biwarubunyenkyre atxitenyteri warybe dori araykywo-di aõkõ ratxireri. ³⁸ Waha-wana ranymahãu, aõmybo rabire, wiji tuu rarybereri. Kaiboho tule boo-ribi tabitenyde tuu tewinytenyteri. ³⁹ Rirawyònyrenyre: —Wahareny heka Abraõ rare. Jesuisi rarybere: —Abraõ riòremy inatyhymy toite-wana, Abraõ aõmydÿÿnana iwesemy biwinybenyke. ⁴⁰ Katahe warubudÿÿmy wadi atxitenyteri. Inatyhyna Deuxu-ribi raholaremy, adeereny rarybemahãre, tai tahe warubudÿÿmy atxitenyteri. Abraõ tahe tiu tahe tuu rotÿÿnyõtyhy. ⁴¹ Kaiboho heka borentytyhy wesele tatÿÿnymahãtenyde. Dirawyònyde: —Aõkõre, jiarÿboho waxiriòre aõkõ roire. Deuxuhyyle iny tybyreny rare. ⁴² Tahe Jesuisi rerawyònyre: —Deuxu boo inatyhymy rare-wana inihe kaiboho waluurenyre. Jiarÿ dori Deuxu-ribi anade. Ixidee wimy aõkõ anade tii diwateònyde. ⁴³ Aõherekibo teerytenyõte warybe. Isiratyhyre aõbo ijohona. Aõkõre, ityhydÿÿ isirare adeereny. ⁴⁴ Kaiboho Diabo riòre toite tamywimy biwinykemy atxitenyteri. Tii juhoo rubudÿÿdu hyy rare. Tii heka raruireri inatyhywesehekÿle wahe. Tii ruidu rare. Ruiwedu tii rare. ⁴⁵ Kaiboho heka tiwatyhinyõhymahãtenyde inatyhyna dori jiarÿ rarybemahãre. ⁴⁶ Inyõ inihe wamy rarybeõtyhy jiarÿ òrarudu raremy. Adeereny inatyhynamy rarybereri. Aõherekibo tiwatyhinyõteri. ⁴⁷ Iny Deuxu-ribi ratxireri, Deuxu rybe roholamyhÿre. Kaiboho Deuxuhõrõ aõkõ toite. Teòdu aõkõ toite. Taita warybe-ò taholaõteri.

⁴⁸ Jesuisi-ò tiiboho dirawyònydenyde: —Inatyhymy rarybewãhãrenyre. Kai Samaria mahãdu tate. Kaludu mahãdu aõkõ tate. Kai tyytybybina dire. ⁴⁹ Jesuisi ri-

rawyõnyre: —Aõkõre, tyytybybina-di aõkõ watxireri. Waha tahe rewowydynwãhãre. Kaibohole tiwabinadýñmahãtenyete. ⁵⁰ Wowydyna ixi-di aõkõ reijereri. Waha tahe kia aõmydýñnamy riywinykre, tii rieremyhýre. ⁵¹ Inatyhytyhymy adee ararybekre: —Inyõ warybemy reõbykeki, tiu rubumy tii robiõtyhy. ⁵² Tai judeu mahãdu rarybere: —Katahe inatyhymyhe inydeereny aerysydýña rýira tyytybybina-di tate wahe. Abraõ tahe rurure; Deuxu rybedu tule. Tahe timybo kai tarybeta: —Inyõ warybemy reõbykeki tiu rubu urihixinamy roiõtyhy tamy. ⁵³ Kai aõbo inytybyreny Abraõ ratyre awikemy aõbo ixi-di tahõtinymahãte. Abraõ rurure Deuxu rybemy rybenadu amahãdu tule rurure. Mobo raremy he tahõtinymahãte. ⁵⁴ Tahe Jesuisi rrawyõnyre: —Jiarý ixi-di wowydyna ariijekeki, tahe wawowydyna aõ aõkõmy rareke. Waha tahe riwawowydynymyhyke aDeuxumy raremy tu tarybeteri. ⁵⁵ Tahe aõkõ teeryõtenyete. Jiarý tate reerymahãre. Jiarý reeryõmahãremy ararybekeki, tai ruidumy rareki, iwese kaiboho toite wesele wahe. Tahe reerywãhãre, tule irybemy reõbymahãre. ⁵⁶ Boreny Abraõ, wamy dobide, wabededýñnana kanakremy tuu dobide, wabededýñnana kanakremy tuu dobide tai tahe reysatyhymy rare. ⁵⁷ Tahe judeu wedu mahãdu rarybere: —Kai 50 beõramy aõkõ atxiteri timyrekibo tarybeta Abraõ tabitemy. ⁵⁸ Jesuisi dirawyõnyde: —Abraõ reaõule, Jiarý rarehyymahã.

⁵⁹ Tahe manadile rimymy resereny idile rirabunykemy. Jesuisi tahe rexiwõmy iribi rõhõnymy rare, dohodýña heto-ribi.

9 Jesuisi rariamy rareu, tii robimy rare hãbu ruetàmy. Tii iruetàhãkým ratohouãmy herinanyre. ² Ierydýña mahãdu rýraxire tamy. Erydýdu, aõherekibo hãbu ratohouãnyra iruetymy, ise tyby ìõrarudireki aõbo ada taõrarumy aõbo. ³ Tahe Jesuisi rirawyõnyre: —Tahe aõkõre tyby ise-ke aõkõ tiike aõkõ. Deuxu ruru wiji riteõsinykremy tahe tii kiawesemy rohonyre. ⁴ Wateõdýdu aõmydýñnamy arotýnyrenykemy watxiwãhãreny. Inyboho rikiwinyrenyke ibededýñnamy rýikreu, iwese txumy rýikre wese tahe rummy heka kanakre tai raaõmysýdýõmyhýre. ⁵ Kabede-ki watxiwãhãreõle tahe jiarý bede ludu mahãdu loosõnatyhymy jiarý rare. ⁶ Tarybe rahudi tahe rarybexinyre suõ idi tahe suboromy ritxieny. Idi ta hãbu rueyre-õ subororo ritidire. ⁷ Tahe hãbu ruetà-õ rarybere: —Make wa bexisuhõke Silõe ahobe-di. Silõemy ninadu heka iny rybe-ki deõdýña wesemy rare. Hãbu tahe rare, risuhore, dõõsede robimy. ⁸ Tahe ierydu mahãdu, tuu robire idi itxeredu mahãdu rarybereny widee: —Kabe hãbu ixitõedýdu rare, nierumy kowa-ki rexitõenymy ronymy hýrele rare. ⁹ Ijõ rarybere tule rare. Ijõ rarybere: —Aõkõre, iwesele tahe iwitxirari. ¹⁰ Rýraxirenyre tamy: —Timykibo arue reytera. ¹¹ Rirawyõnyre: —Hãbuõ Jesuisi inire. Tii tahe suboro borole riwinyra warue-õ ritidire. Tahe wadee rarybera: —Make Silõe ahobe-õ aõ bisuhõke. Tahe rare, resuhore, tai rabimy

watxireri. ¹² Rýraxirenyre titxibo tahe tii rara. Rirawyõnyre: —Reeryõre.

¹³ Kia ruedeytena Jesuisi riwinyre sabado txuu, judeu aõmysýdýña txu aõkõ. Tahe tiiboho hãbu ridyreny fariseu mahãdu-õ. ¹⁵ Ixityre hãbu-õ rýraxirenyre: —Timykibo riteyteny. Tahe rirawyõnyre: —Suborole waruetyre-õ ritidira, idi resuhõra, iule tahe retehera. ¹⁶ Tai tahe fariseu mahãdu-õ narybede: —Ka hãbu Deuxu-ribi aõkõ nade. Kakýny sabadotxu bedeywina riywinyõhyre. Tahe ijõ imahãduõ rarybere: —Hãbu õraruduõ tiu deytanawiwihikýõ kia wesemy riwinyõtyhy. Tai tahe wiribi hitximy raraykynyreny. ¹⁷ Tahe ixityre hãbu-õ rýraxire: —Tii arue arue riteyteny: —Tai tahe timybo tuu marybekre. Hãbu rarybere: —Tii Deuxu rybemy rybeduõ rare. ¹⁸ Tahe judeu mahãduõ rarybere: —Ise-wana tybywana widee ararybekekile, arityhynykre. Tai riteõnyre tybybohoõrysymy. ¹⁹ Rehemynyre, tahe tamy rarybere: —Kaa aõbo ariõre rare. Inatyhymy aõbo iruetàmy reare. Timykibo tahe wiji robira. ²⁰ Tahe tybyboho rirawyõnyre. Inatyhymy wariõreny rare. Iruetàlemy ka reare. ²¹ Reerykõreny timykibo retehera. Irueraynyre dori, reeryõhyre. Tamy marybebenyke. Ibeõra dire ka, iximy relyyleke. ²² Tybyboho ruberumy hýreny judeu mahãdu lau. Judeu mahãdu dori, rarybemyhýre: —Inyõ Jesuisimy rarybekeki, tii Kristu Deuxu deõdýña raremy rarybekeki, tahe dohodýñnawo-ribi riteõnykemy idi rýira. Tai tahe hãbutybyboho kia wesemy raryberenyre. Tii ibeõra dire: —Tamy marybebenyke.

²⁴ Juhuu iruetàmy raremyhýõ ixityre rõtedýmy rarybere. Òbiti rybe-di marybeke. Inydeereny tahe ka dori õrarudu rare. Tai tahe Deuxu biwowydynyke. Tahe tii rarybere: ²⁵ —Tii õrarudu rare, reerykõre. Sohoji aõmydýñnana reeryre. Juhuu waruetàle heka reeryre, wiji tahe retehereri. ²⁶ Tahe ixityre tamy rýraxire: —Aõbo tii riwinyre. Timybo arue roire. ²⁷ Hãbu rarybere: —Adeereny tuu rarybere tahe taholaõhyteny. Aõherekibo ixityre ijohonamy tarybetenyteri. Ierydýnyamy boibekemy aõbo atxitenyteri. ²⁸ Tuu raryberenyre aõbina binalemy. Kai heka iijoiõ atxiteri. Jiarýboho Moisesi erydýña jiarýboho roire. ²⁹ Deuxu Moisesi-õ rarybemyhýre. Kiamy reeryreny. Ka hãbumy tahe aõmy raholaõmahãreny, tiludubo rare. ³⁰ Kia wa riwateytenyra bedeõtiidýña urenana tii rare. Ihãrele tahe kaiboho teeryõmy tuu tarybetenyteri. Wadee kia ajuedena rare. ³¹ Deuxu wa õrarudu ixitõedýña-õ roholaõtyhy. Kia reeryreny. Tahe inyõ Deuxu rityhynykeki tamywimy rýirakeki, kia-õ Deuxu roholakre. ³² Bede rexidelenyreu, inyõ roholatyhy iruetàmy raumynyre heka reytere. Inyõ tiu riwinyõre, wiji tahe diwinyde. ³³ Kia hãbu Deuxu-ribi nokõduõ aõkõkeki tiu aõ riwinyõtyhy. ³⁴ Tahe fariseu mahãdu aõbinahakýlemy tuu rarybere: —Kai uladumy teateu, õrarudutyhymy tate. Kai aõmybo biwabedeerynybenykemy aõbo wadireny tahõtinyteri. Tahe riteõnyre dohodýña heto-ribi. Ihyymy riteõnyre.

³⁵ Kia-ò Jesuisi roholareu hãbu riijere tahe rÿÿraxire tuu: —Kai Deuxu Riòre Hãbutyhyhykÿ aõbo tetyhynyte. ³⁶ Hãbu rarybere: —Mobo tii rare, Wanyrÿ, arityhynykemy watxireri. ³⁷ Wamy wa tabita, jiarÿleheka watxireri. Adee rarybererile watxireri. ³⁸ Tahe rarybere: —Wanyrÿ aratyhynyra he. Tahe hãbu Jesuisi riwowodynyre. ³⁹ Jesuisi rarybehyra: —Jiarÿ anade kabede-ò iny ruetà aritobixidÿÿnykemy; tule robimyhÿre mahãdu ariruetadÿÿnykre. Iny òwydÿÿnamy anade. ⁴⁰ Fariseu iòhòmy iribi rÿimyhÿ roholare irybe-ò. Tahe tamy rÿÿraxire. Inatyhykò aõbo ka jiarÿboho tule waruetarenre. ⁴¹ Jesuisi rarybere: —Aruetãmy ahãtenyteki, aòraruna-di aõkò toite. Tahe tarybetenyte reerywãhã, rabiwãhãre. Tai aòraruhyy-di toite.

10 Inatyhytyhymy adeeremy ararybekre: —Inyò bu doeni yrubudÿÿna ijòtòbòna-di, ralòðkeki, tii tahe wasidu ixiwatxidÿÿdumy rare, raòwònymy heka ralòmyhÿre. ² Ijòtòbòna-di ròtedu, tii budoeni-di itxeredutyhy rare. ³ Iu ijòtòbòna-ò rehemynymyhÿre, ijòtòbòna ludu tamy riraynymyhÿre. Tule budoeni irybe rierymyhÿre. Sohoji sohoji-ò ininimy tamy rryrymyhÿre, tahe idi ròhònymy ridymyhÿre. ⁴ Ihòrò ahana-ò ridyreu, tii iko-ò rÿimy idi ramyhÿre. Rihe-ludunymy idi raremyhÿ rierymyhÿreki irybe. ⁵ Budoeni ieryòdu riheludunyòtyhy, irybe rieryòreki. Iny ieryòdu-ribi rahenykre. ⁶ Jesuisi tamy kia bede eryna ijyymy relyre. Tiiboho tahe rieryòhyrenre timybo ibede erydÿÿnamy rororerimy.

⁷ Tahe Jesuisi ritÿnynyre tamyreny: —Jiarÿ budoeni ijòtòbòna wesemy rãimahãre. ⁸ Ibutumy iny wakòule rehemynyre wasidu ixiwatxidÿÿdumy rÿiramyhÿ. Wabudoeni ityhydÿÿdu wesemy rÿirerimy ihÿre. Tiiboho wasidurybe-ò roholaòhyymyhÿrenre. ⁹ Jiarÿ ijòtòbòna wesemy rãiwãhãre. Inyò wamy ralòkeki, tii heka tarasanaòmy rarekre. Iwese wabudoeni ralòmyhÿre idi ròhònymyhÿre asi wiwihikÿmy riroximyhÿre wesemy, tule ityhydÿÿdu mahãdu rÿirakre, bedeòbyna wiwihikÿ ritakremy. ¹⁰ Wasidu heka rubudÿÿmy nade, bedehudumy wasimy, jiarÿ tahe anade inyò umytuedeòna ariwahinykremy, irutyhytyhy wihikÿmy wiji rÿirakremy. ¹¹ Jiarÿ budoeni-di itxeredu wihikÿ rare. Ihyy ta waumy ariwahinykre teròwyrenymy. ¹² Inyò budoeni-di itxeredumy deòdumy risÿnykeki, tii riwisi-nanyòtyhy, tii dori budoeni wedu aõkò rare, deòdule rareki. Tahe iròdu brebunaò tamy kanakeki tahe rahenyke iribi, tai ijò rimyke, ihona tahe raòrunyke.

¹³ Deòdu heka rahenyke tii iwedu aõkò rareki, tii aõmy aõkò idi ròhòtinymyhÿre, iòwydimy aõkò. ¹⁴ Jiarÿ heka itxeredu wihikÿ rare wabudoeni riwaerymyhÿre. Jiarÿ tule tii mahãdu reerywãhãre. Waha riwaeryre, tule tii reeryre. Iwesetyhyle wabudoeni-wana wii reerynyre. Iòraru-ki tahe waumy ariwahinykemy idi wãhãre. ¹⁶ Jiarÿ wabudoeni-ò-di watxiwãhãre. Aõ kabede-ki aõkò. Ibutumy aributunykemy idi watxireri. Tai tahe sohoji ijojhyylemy heka roikre. Ibutu-di itxeredumy ararekre. ¹⁷ Tai heka Waha waluure, waumy ariwahinykreki wahe. Ihãrele tahe ixyby idi arexiumy-dÿÿnykre. ¹⁸ Inyò heka ixideewiòkeki riwarubunyòtyhy.

Arexiwahinykre tamyreny riwarubunyrenykremy. Ix-ideewikre, arexiwahinykre, tule waumy arimymy arexiixixanykre. Waha dori wadee rarybere tii arininykremy.

¹⁹ Kia rybe òraru-ki judeu mahãdu rybe rexijeijeinyre. ²⁰ Sòwemy iny ritxiònymy rarybere: —Tii tyytybybina-di ratximyhÿre ada raitxÿtemy aõbo ihÿre. Aòherekibo tamy taholamahãtenyte. ²¹ Ijò tahe rarybere: —Aõ tyytybybina-di aõkò rarybemyhÿre. Tyytybybina aõbo hãbu ruetà riruedÿÿnyòtyhy.

²² Jerusalẽ hãwã-ki heka beòrahyy rare. Worana be-dehesi hetxina Tÿmyradÿÿna rÿire. ²³ Salomaò Ube-ki, Deuxu dohodÿÿna heto ube-ki. ²⁴ Jesuisi rariamy ihÿmyhÿ. Tahe judeu mahãdu rirurawonyre itÿÿraxidÿÿmy. Tiwese bededÿÿnanymybo nohòtidihyy bede ariwyrenykre. Kai inatyhymy Kristumy tate-wana, tahe manarybeke itÿÿnymy. ²⁵ Jesuisi dirawyònyde: —Rarybere wahe, tahe kaiboho tiwatyhynytenyòhyte.

Inatyhymy ierysomy mohòtinymybenykeki, waaòmydÿÿnana wiwihikÿ rewinywahãre-di betehebennyke. Wahani-di kia rewinywahãre. ²⁶ Kaiboho tahe tiwatyhynyòlemahãtenyte, wabudoeni wesemy aõkò toite. ²⁷ Wabudoeni warybe rierymyhÿre, riwaheludunymyhÿre; jiarÿ heka ibutumy wabudoeni reerymahãre.

²⁸ Tamy umytuedeòna rewahinywãhãre tiu heka ruruòtyhy. Inyò waribi ridyòtyhy. ²⁹ Waha wadee riwahinyre. Tii heka ibuturatyre rare. Inyò iribi ritaòtyhy. ³⁰ Jiarÿ Waha-wana sohojihyyle watxiwãhãre.

³¹ Ixityre tahe judeu mahãdu mana-di rirubunykre idi rÿire. ³² Tahe Jesuisi tamyreny rarybere: —Jiarÿ sòwemy bedeòbyna inydee rewinywãhãre Waha ruru-di.

Aòrarukibo biwarubunybenykre. ³³ Tahe judeu mahãdu rirawyònyre: —Kai aòmydÿÿnana wiwihikÿle tewinyte. Kia òraru-ki aõkò ijoj adi rÿireri mana-di arubudÿÿmy Deuxumy binatyhymy tarybeteriki. Kai dori hãbu tate, ihãrele Deuxumy texiniteri. ³⁴ Jesuisi rarybere: —Abede ywina-ki ryberiti rÿire. Deuxu Rybe òbithyymy raritinymy rÿire. Kiamy: —Jiarÿ rarybere: —Kaiboho Deuxu toite. Deuxu Rybe heka inyò-ò diteònyde. Kia mahãdu tahe Deuxulemy rininire.

³⁶ Deuxumy tiiboho rininirenyre-wana, aòherekibo wadee takyarananyteri jiarÿ tule Deuxu Riòrelemy rexininireki. Waha dori, riwatamy diwateònyde. Timykibo kaiboho tarybetenyteri Deuxumy ibinamy jiarÿ rarybererimy ³⁷ Waha-ribi bedeòbyna ariwinyòkeki, biwatyhynybenyòtyhy. Tahe ariwinykeki, aõbo rewinyre-wana bityhynybenyke, biwatyhynybenyòke hãrele. Tai tahe bityhynybenymy boibeke jiarÿ Waha-wana wãhãre tule Waha wawana ratximyhÿre. ³⁹ Kabedeu ixityre riijere Jesuisi rimyky tii rexitamy rexihedÿÿnyre.

⁴⁰ Jesuisi ixityre Jordaò bero kowa weribi-ò reurore. Joaò juhoo ròsebedÿÿmyhÿò rare. Taile tahe tii raremyhÿ. ⁴¹ Tahe sòwemy iny tamy roirenyre. Tamy rarybere: —Inatyhymy Joaò bedeòby iny itxerenamy riwinyòre. Tahe ibutumy tii Jesusimy rarybemyhÿre, inatyhy rare. ⁴² Sòwemy heka taile Jesusimy rityhynymyhÿre.

11 Lazaru ibinamy roimyhÿ Betÿnia hãwã-ki. Marie, Marta-wana iseriòreny rare. Juhoo Marie Jesu-

isi-wana raremyhÿu, tii Jesuisiwa tyre-ò tarinalÿnyre-hekÿõ ritxiwire, idi tahe tarade-di rirubudÿÿnyre.

³ Lazaru ibinamy roimyhÿki tahe tiiboho riteònyre Jesuisi-ò rarybekremy: —Wahÿ, abiòwa tyhy binanihikÿmy roireri. ⁴ Jesuisi kiamy roholareu rarybere: —Kabinana hãwã Deuxu wowydynamy tamy nade. Tule riwawowydnykemy jiarÿ dori Deuxu Riòre rare. Kabinina tahe rubuhyymy aõkõ tamy rÿike. ⁵ Jesuisi heka ibutumy iluurenyre, Marta, Marie, Lazaru-wana. ⁶ Iu Jesuisi rieryre Lazaru webinaduna, tahe taile ratximyhÿre, reriãrele inatxixumy. ⁷ Iribi tahe rarybere taerydÿÿna mahãdu-ò: —Ròkòirenyke ixyby Judeia bede-ò. ⁸ Tahe ierydÿÿna mahãdu tamy rarybere: —Erydÿÿdu aõherekibo ixybynomy tamy tarybeteri judeu mahãdu adi heka riwisÿnymy rÿimyhÿ mana-di arubudÿÿmy.

⁹ Jesuisi dirawyònyde: —Txu heka waòinatxi òra bededÿÿnanamy rare. Aõhe inatyhy. Inyõ txumy rariakeki, tiu aõ òraru-ki reseòtyhy loosònamy dori ibutumy robimyhÿre. ¹⁰ Bede lurumy rariakeki tahe, aõ òraru-ki reseke, loosòna dori ihoòreki wahe. ¹¹ Tahe ijõmy Jesuisi tamyreny rarybere: —Iny biòwareny ròrõmy roireri. Tamy arakre ariixixanykremy. ¹² Tahe imahãdu rarybere: —Wanyrÿ tii ròrõmy roireri-wana bohe, reytekre. ¹³ Jesuisi heka rarybemyhÿ Lazaru rubumy roirerimy. Tiiboho tahe ròhònyreny urile ròrõmy roirerimy. ¹⁴ Tahe Jesuisi ritÿnyntyhyra tamyreny: —Lazaru rurure. ¹⁵ Jiarÿ wa aòrarureny-ki wadeysamy watxireri tai watxiòraki. Ka tahe biwatyhinybenykre. Ròkòirenykre tamy. ¹⁶ Tome ierydÿÿna mahãduò rare. Didimomy inìre. Tamahãduò rarybere: —Ròkòirenyke, tule tii-wana rukururenkykremy.

¹⁷ Jesuisi rehemynyreu, Lazaru inaubiòwatxumy hãloo iwòdÿÿwo-ki roimyhÿ. ¹⁸ Betÿnia Jerusalẽ hãwã-ribi sohoji urihixinamy roire. ¹⁹ Judeu mahãduy-ribi sòwemy doidenyde Marta Marieboho wotòenamy, iseriòreny rurureki. ²⁰ Marta Jesuisi kanakre rieryre, tahe ròhònyre tii-wana witxi reakemy. Marie tahe tahetokile ronmyhÿ. ²¹ Tahe Jesuisi-ò Marta rarybere: —Wahÿ, kakile atxiberi-wana waseritxòre rurukòhykyra ikuny. ²² Ihãrele tahe rekeryre ibutumy Deuxu-kò bexitòenykeki, tiki adeke kidiwahinykre. ²³ Jesuisi tahe tamy rarybere: —Aseriòre wa rubu-ribi kedexixakre. ²⁴ Tahe Marta rarybere: —Rekeryre jikarÿ ikokunanatxu-ku rubu-ribi rexixakre, ibutumy iix-anatxu-ku. ²⁵ Jesuisi rarybere: —Jiarÿ waixixanadÿÿdu rare, umytuedeõna wahidÿÿdu rare. Inyõ riwatyhinykeki, tii rubu-ki roire hãrele, kedexixakre. ²⁶ Ibutumy irumy roirekeki, tiu rururenyòtyhy, tii dori riwatyhinyreki. Kai aõbohe kia tetyhinyteri. ²⁷ Tii dirawyònyde: —Kohe, Wahÿ, aratyhinywãhãre. Kai Kristu tate, Deuxu ritxòretyhy. Deuxu tuu rarybereki, bede-kò kanatekònyde wahe. ²⁸ Tahe Marta ròsere Marie taseriòre-ò rarybere: —Inyhÿ rehemynyreki, kai makremy rarybereri. ²⁹ Kiamy roholareu, tahe, wylemy rÿimy reare tamy rare.

³⁰ Jesuisi dori hãwã-ò ralòòlemy raremyhÿ Marta tamy raryberkile raremyhÿ. ³¹ Tii rÿimy ròhònyreu, judeu mahãdu tuu robire. Tahe riheludunyre, wabe-

de-ò robukremy raresÿny tamy roholare. ³² Marie rehemynyre Jesuisi-ò. Tahe tii tuu robireu, resere iko-ò, tahe rarybere: —Wahÿ, kaki atxiberi-wana ikuny waseritxòre rurukòhykyra. ³³ Jesuisi Marta ibru-di tule judeu mahãduhi-di retehereu tule tii rabadewonihikÿre.

³⁴ Iule Jesuisi rÿÿraxire: —Titxiwexe tii tetiditenyde. Tiiboho rirawyònyre: —Wanyrÿ, manake itxeremy. ³⁵ Jesuisi tahe rahinyre. ³⁶ Tai tahe judeu mahãduò rarybere: —Betehebenyke sòwemy heka tii Lazaru luure. ³⁷ Ijõ tahe rarybere: —Tii iny ruetà riteytenyde. Aõherekibo Lazaru irumy ratxireriule riteytenyòra.

³⁸ Jesuisi ixyby tawo-ki bederiòtiinyre. Tahe rariamy rare wabede-ò Lazaru suiwodÿÿwo-ò roire. Mana-di tahe ritxiòtòbònyre. ³⁹ Tahe Jesuisi rarybere: —Mana bitake Marta tahe iseriòre rarybere: —Wahÿ, rarònyreki wahe inakubikòwa txumy dokuri txuu idi rÿira. ⁴⁰ Tahe Jesuisi rarybere: —Rarybere taheka, bityhinykeki, Deuxu rurumy bobike. ⁴¹ Tahe mana iribi rityrenyde. Jesuisi retehere biu-ò rexitòenyre: —Umy reallàmy wahe watxireri kai wadee taholatakiki. ⁴² Wadee taholahy atxiteri mahãte: —Kia reeryre, kata inysòwehekÿ òraru-ki kiamy rarybera adee, tai tiiboho rityhinyrenykeki wahe, kai tiwateònyteki. ⁴³ Kia rexihureu tahe raryre: —Lazaru, bodohonyke wa ahana-ò. ⁴⁴ Kia rurumy roimyhÿ-ribi tahe dòhònyde. Iwa heka tebò-wana widee ritÿtenylemy roimyhÿ. Irati tahe tyybese-di ritÿtenyde ihÿmyhÿ. Jesuisi rarybere: —Biesebenyke wa ixinamy rake.

⁴⁵ Tahe judeu mahãduy-ribi, Marie Martaboho roraludu mahãdu, aõbo Jesuisi riwinyremy robireu tahe, rityhinyre. ⁴⁶ Ijõ tahe fariseu mahãdu-ò roirenyre tamy relyykemy aõbo Jesuisi riwinyremy.

⁴⁷ Iribi tahe xiwe wahidÿÿdu wedu, fariseu wedu mahãdu-wana heka ywisidÿÿna mahãdu ributunyre. Dohodÿÿna mahãdu wedu heka imahãduni rare. Tahe inyõ rarybere: —Ka hãbu heka aõwiwihikÿ sòwemy diwinymyhÿde. Aõhebo he rokotÿÿnyrenyke. ⁴⁸ Tiihyyle riwinyreki rarekeki, heka ibutumy rityhinykre. Idi tahe Roma hãwã mahãdu soldadu kanakre iny riòlòdÿÿnyke inysÿ rahurenkykre. ⁴⁹ Kaifa imahãduò rare. Kabeòrau tahe tii ibutu xiwena wahidÿÿdu wedu rare. Tahe tii rarybere: —Kaiboho aõ teeryòhyytenyde. Hãbuò tahe rurukre ibutu inydee. Tai tahe ibutu iny itueòtyhy.

⁵⁰ Kia heka irayky-ribi aõkò ròhònyre. Deuxu irayky-ò ritidire, tii dori xiwena wedu tyhy rare kabeòrau. ⁵¹ Kiamy rarybereru, tahe Jesuisi rubunamy rarybereri. Jesuisi dori ibutumy judeu mahãdu dee rurukre. Tamy sohojile aõkò rurukre. Tahe sohoji mahãduòle rabutukre Deuxu riòre bede bedemy rÿira mahãdu wahe. ⁵² Itxule tahe Jesuisi rubudÿÿmy ròhòtynyrenyde.

⁵³ Tai tahe ihãwã-ki rariaòre, Judeia mahãduy-ki. Tahe iribi rexitare bederahy-ò iòhòmy. Hãwã-ò heka rare, Efraï heka inire. Taile taery mahãdu-wana ihÿmyhÿ. ⁵⁴ Judeu mahãdu worana bedehesi iòhòmy rÿimyhÿ Pascoa heka inire. Ritelenykeule heka sòwemy roirenyre Jerusalẽ hãwã-ò, tai rexiwinyrenykeki iwese bede ywina rarybere wese Pascoakomy wahe. ⁵⁵ Sòwemy iny Jesuisimy robikemy rÿimyhÿ. Tahe

Deuxu dohodÿÿna hetowo-ki widee rarybemyhÿre tahe rarybere: —Kanakre aõbo Jesuisi worana bedehesi-õ. ⁵⁷ Xiwena wedu fariseu-wana juhuu inyõ rarybemaõhãre: —Inyõ Jesuisimy robikeki, tuu wadeereny kanarybekre, tii ramykremy wahe.

12 Jesuisi rare Betÿnia hãwã-õ Pascoa worana bedehesi rÿikrekoki. Debõsohoji txumy rauhenymy rÿimyhÿ tamy. Tai heka Lazaru rasÿnymyhÿre rubu-ribi rexixare-ribi wahe. ² Martaboho tahe rÿsÿna wiutãdãna riwinyrenyre Jesuisideewina. Lazaru Jesuisi-wana riroxikremy rononymhÿ. Tahe Marta tamyreny rÿsÿna riwymyhÿ. ³ Marie tahe sõwemy aderõna lÿnyre-di ratximyhÿ, iõwyhykÿre heka. Tahe tii Jesuisi watyre ritxiwire idi tahe taradedile risuhore. Heto tahe tÿnyrehekÿlemy roire. ⁴ Judasi Isariõ tule Jesuisi erydÿÿnaõ rare tii tai ratximyhÿ. Tii Jesuisi rityhenykremy tii raremyhÿ ihe-wo-ribi. Tii tahe rarybere: ⁵ —Kaa aderõna heka iõwyhykÿ rare. Aõherekibo idi tahonyõte nieru idi bitakemy iny aõkõ mahãdu-õ nieru biwahinykemy. ⁶ (Judasi heka iny aõkõ mahãdu luu aõkõ rare. Erydÿÿna mahãdu nieru rubudÿÿdu tii rare. Kia nieruõ tahe ixideele ritosinyemyhÿre. Tai tahe aderõna õwy ixidee ributunykemy idi ratximyhÿ). ⁷ Tahe Jesuisi rarybere: —Ixinamy wawatyre ritxiwike, wahãloo-õ waherina heka riryrymy tuu ritxiwireri. ⁸ Kaiboho heka aõu bi-wiõhenanyemy ahãbenyke iny aõkõ mahãdu awanareny dori rarehyemy rarekre. Jiarÿ tahe kaki aratxihyke aõkõ rare.

⁹ Judeu mahãdu Jesuisi rehemynyreniõ roholare. Tahe sõwemy iny tamyreny nade itxeremy. Tule Lazaru-õ itxeremy nade rubu-ribi rexixareki. ¹⁰ Tai tahe xiwe-wahidÿÿdu mahãdu wedu tule Lazaru rubudÿÿmy rarybere. ¹¹ Lazaru õraru-ki dori sõwemy judeu wedu Jesuisi rityhynyre.

¹² Itxubiõwau tahe Jesuisi nade Jerusalẽ-õ kia-õ tahe roholare ibutumy worana bedehesi luõ mahãdu.

¹³ Tai tahe roirenyre tii-wana witxi reakemy horeru riwyre ityre-di kanakre. Riryrenyre Jesuisi-õ: —Waiõlõreny, kai arawowydynyreni, kai bedeõbydÿÿdu tateki! Kai Deuxuni-di tateri. Kai judeu iõlõtyhy tate. ¹⁴ Jesuisi nade jumenta riõre tyre-ki, tuu dori ihetxina tyyriti-ki roire wesemy. ¹⁵ Kiamy wahe roire:

—Judeu riõre mahãdu uritere brebuõmy atximahãbeny aiõlõreny dori kanakre jumenta riõre tyre-ki.

¹⁶ Iery mahãdu kia rieryõhyre juhuu. ¹⁷ Iribi tahe tõhõti itxi reare ritidÿÿna hetxina-ki roiremy, Jesuisi biu-txi ròõsemy rareu wahe tõhõtireny itxi reare. Tule sõwemy iaõmydÿÿnana rybe hetxina-ki riritinymy rÿimyhÿre. Kia-di tahe idi tõhõtireny reare. ¹⁸ Inyõ itxeredu heka Lazaru ixixanamy relyyre. Tai tule iny sõwemy doidenyde. Kia Jesuisi riwinyreõ heka roholareny. ¹⁹ Tai tahe fariseu mahãdu widee raryberenyre: —Ibutumy ihemy roirenyre. Timyõre, aõhe heka rikisÿnyrenyõtyhy.

²⁰ Inyõ worana bedehesi-ki grego rybedu mahãduõ ratximyhÿ. Tii tai Deuxu reãlakemy ratximyhÿ. Tii Besaida hãwã ludu-õ Kalileia bede luduõ ratximyhÿ.

²¹ Tahe grego rybe mahãdu tamy rarybere: —Wanyrÿ,

Jiarÿboho, Jesuisimy arobikemy watxirenyreni. ²² Filipi tahe Andre-ko relyyre. Ta wiwana roirenyre Jesuisi-õ.

²³ Jesuisi rarybere: —Aõkõra, Wabededÿÿnana iõhõra Deuxu Riõre Hãbutyhyhykÿ rubuna-õ, wahe. ²⁴ Inatyhymy adeereny ararybekre: —Jiarÿ alõbõrõna rijuxunymyhÿre wesemy aresekre suõ, arurukremy. Aruruõkeki ixivanahyyle ararekre. Arurukre-wana sõwemy araratynyke. ²⁵ Inyõ ixiluukeki heka, ruruke. Kabe-de-ki tahe ixiluuõkeki, tii rexiwinymy umytedeõna-õ ratxike. ²⁶ Inyõ wadeõdumy ratximyhÿkeki, tii riwahe-ludunyke. Tai titxibo aratxikeõ tii wawana ratximyhÿke. Inyõ wadeõdumy rareke-wana, tii Waha riwowydynyke.

²⁷ Katahe wabedewonihikÿmy watxireri. Timybo ararybekre, Waha, kia rubu aõmydÿÿnana-ribi bi-watake. My õsana arexitõenyke. Aõkõre, kiaõle heka kabede-õ anade. ²⁸ Waha, anityhy-õ iny riwowydynyke-my watxireri. Iule tahe rybeõ-õ roholareny: —Kia rotÿÿnyre ihãre ta ixityre tuu rotÿÿnyke. ²⁹ Tahe iny sõwehekÿ kia rybe-õ roholare. Tahe rarybere: —Bi-umytxyle rare. Tahe ijõ rarybere. Aõkõre jÿju rare.

³⁰ Tahe Jesuisi rarybere: —Waõraru-ki aõkõ kia rybe rÿireri, aõrarureny-ki, tamy boholabenykemy. ³¹ Wiji tahe ywisidÿÿna kÿnyikre, bedemy iny rÿira mahãdu-õ. Kia mahãdu iõlõ, Satanasi, kanahitxidÿÿkre. ³² Iu jiarÿ itxeõ-ki riwaukokreu, ibutumy iny heka ixidee adiwitãdãnykre riwatyhynykemy. ³³ Iu tii kia rarybereu, tarubuna ritÿnynyre timybo rurukre. ³⁴ Iny sõwehekÿ dirawyõnyde: —Jiarÿboho roholarenyre bede ywina-õ. Tii rarybere: —Tiemy Kristu rarehyemy rarekre. Timybo kai tarybeteri: —Biwaukokremy. Mobo tahe Deuxu Riõre Hãbutyhyhykÿmy tuu tarybeteri. ³⁵ Tahe Jesuisi dirawyõnyde: —Urihimyõle loosõna awana rariamy ratxireri. Idi atxiteriule idi mariake, bede luru atxi kanakelau. Inyõ bede luruki rariakeki, tiobo rake rieryõhyre. ³⁶ Waloosõna atxiteriule, biwatyhynyke waloosõnamy, taile waloosõna mahãduõmy boibeke. Kiarybe rahu-di tahe Jesuisi iribi rexitamy rexiwore. ³⁷ Tii sõwemy bedetidÿÿna ikoreny-txi riwinyre. Ihãrele tahe sõwemy rityhynyõre. ³⁸ Kia tahe Isaia tyyriti-ki roire, tahe iwesele tuu rarybere wese wiji rÿira rotÿÿnyre:

—Wanyrÿ, Iny rybe tÿnydÿÿnareny tiiboho rityhynyõhyre, Deuxu taruru tamy riteõsinyrehãrele rityhynyõre.

³⁹ Tai rityhynyõhyre. Isaia, Deuxu rybedu ijõmy ròritidÿÿre:

⁴⁰ —Deuxu riruetãnyre, irayky riteredÿÿnyre. Tai rieryõhyemy robiõhyemyhÿre. Tiu heka Deuxu rityhynyõhyre. Tiu riteytenyõhyre.

⁴¹ Isaia Jesuisi loosõnamy robire. Tai tahe tuu ròritidÿÿre. ⁴² Ihãrele tahe dohodÿÿna mahãdu wedule sõwemy rityhynyre. Urile fariseu mahãdu õrarukile, ijõ-õ tuu rarybeõre, dohodÿÿna mahãduy-ribi riõlõdÿÿnyheny. ⁴³ Tiiboho dori Deuxu wowydyna luurenyõre inywowydynale luurenyre.

⁴⁴ —Iny riwatyhynymyhÿkeki, wadeõdÿÿdule rityhynymyhÿre. ⁴⁵ Inyõ wamy robikeki, iule wadeõdÿÿ-

dumy robike. ⁴⁶Jiarĩ loosõna wesemy anade bede-ò. Tai tahe iny riwatyhynykeki, bede luru ribi rõhõnyke. Tai heka anade. ⁴⁷Inyõ warybe-ò roholake hãrele riy-winyõkeki, tahe jiarĩ tii wiji ariywidỹnyõke. Jiarĩ dori tarasaduhyylemy anade. ⁴⁸Inyõ riwatyhynyõkeki, warybe-ò roholaõkeki, ikonana txuu tahe ywisidỹyna-ò ralõke, warybe-ò rityhynyõmyhyreki aõhõkỹmy dỹy-nana-ò heka kia ralokre. ⁴⁹Jiarĩ ixi rayky-ribi aõkõ rarybemahãre. Wahale rybe wadee riwahinyhỹre. Kia wesele relymahãre. ⁵⁰Deuxu rybe bede ywina-di diwateõnyde umyuedeõna wahidỹyna kia rare. Kiale heka reerye.

13 Pascoa worana bedehesi txumy txuu rỹire. Tahe Jesuisi rexierye ixyby tyby-ò rõðsekremy ihỹre, ibededỹynana iõhõmy roireki. Tule rexierye tyby ibutumy tamy riwahinyremy. Tii tyby-ribi nade tule ixyby tamy rakemy. Txioro roxinau Jesuisi taerydỹyna mahãdu-wana riroximyhỹreny. Judasi Isariõ (Simaõ riõre) taile ratximyhỹ. Juhuu diabo tamy rarybere iruule Jesuisi rityhenykemy. ⁴Jesuisi sõwemy taerydỹyna mahãdu luure. Tai tahe rỹire, tatytyre ludu ritare õsurõna rimyre, idi rexiwetyataare. ⁵Hynaro-ò bee ritxiwire taerydỹyna mahãduwaa risuhokremy tahe õsurõna-di tawetya-ki ihỹmyhỹ-di iwa rirubudỹnyre. ⁶Tahe Jesuisi rehemynyre Simaõ Pedro-ò, Pedro rarybere: —Aõkõre kai wawareny suròdõõmyke. ⁷Jesuisi rirawyõnyre: —Kai heka teeryõte aõherekibo resuhõreri. Ihewo-ribi tahe bierykre. ⁸Pedro rarybere: —Aõkõre, wawa-suròdõdỹõõmy. Jesuisi rirawyõnyre: —Arisuhõõkeki wawanahyy aõkõ mabeke. ⁹Pedro rarybere: —Wawa-sohõjile aõkõ bisuhokre, wadebò warati-wana tule wahe. ¹⁰Tahe ritỹnyre Jesuisi; inyõ rõhõre-wana iwale rasuhõke. Iuhe ibutumy tyralemy rỹimyhỹre. Kaiboho yralemy toite. Sohoji tahe aõkõre. ¹¹Jesuisi tatyhedỹydu rayky rierymyhỹre. Tai tahe rarybera, ibutumy aõkõ tyraremy.

¹²Jesuisi iwasuròdò rexihureu, tatytyre ludu re-tyynyra roxina-ò rõðsere. Tamyreny rỹraxyre: —Kaiboho teerytenyete. Aõhebo jiarĩ kia ratỹnyra. ¹³Adeereny aritỹnykre. Kaiboho tiwaninitenyete anyrỹmy, aõhe inatyhy? Aerydỹydu, inatyhy heka jiarĩ rare tahe õbitimy tarybetenyete. ¹⁴Jiarĩ aerydỹydureny anyrỹreny heka awareny resuhõre. Tai tahe kaiboho wiwa bisuhõbenykre. ¹⁵Iwese jiarĩ rexideõsinyre wese kaiboho biwinybenyke. ¹⁶Inatyhymy adeereny ararybekre. Deòdu dori tawedu ratyre aõkõ rare. Rybe-ò ijohonadu dori rybedutyhy ratyre aõkõ rare. ¹⁷Kia warybe teerytenyete. Tahe biwinybenykeki bedeõby-natyhy adeereny kanakre. ¹⁸Ibutumy umyreny aõkõ rarybereri jiarĩ araeryreny, aratarenyeki, wahe. Rybe tyriti-ki roire kiamy:

—Kia wawana riroximyhỹrele heka riwatyhenyke. Ele elemy tuu rotỹnykre.

¹⁹Wiji rarybereri heka wylemy kia tuu rotỹnykre. Tuu rotỹnykreule, kaiboho bierybenyke õbitimy raryberè wahe; jiarĩ biwatyhynybenykemy wahe. ²⁰Inatyhytymy ararybekre: —Inyõ adee aditeõnykre. Inyõ tii rityhynymy kididykeki, tii riwadymyhỹre. Inyõ kidi-

wadykeki wadeòdỹydu ridymyhỹre, Deuxu rityhynymyhỹre wahe.

²¹Tahe Jesuisi rabadewonihikỹmy ronymyhỹ. Tahe rarybera: —Iny sohojiõ ayreny-ribi riwatyhenykre.

²²Tahe wii riijerijereny. Mokobo rarekremy rõhõtinyreny. ²³Jiarĩ, Joaõ Jesuisi weribi ranywỹhỹ, tii dori sõwemy waluure. ²⁴Tahe Pedro wadee narybewasidi: —Tamy inihe myraxyke mobo raremy. ²⁵Tahe jiarĩ retorunyre: —Wanyrỹ, mowexe ratxireri. ²⁶Jesuisi rarybere wadee: —Kia orotxu ituudỹy tamy ari-wahinykrele tiikre. Tahe Jesuisi orotxu yre rituunyre idi tahe Judasi Isariõ-ò riwahinyre. Tii Simaõ riõre rare.

²⁷Tahe Judasi riyre. Iribi tahe Satanasi aõwesele tamy ralore. Jesuisi heka Judasi-ò rarybere: —Aõhebo botỹnykre wylemy makre biwinykremy. ²⁸Tahe rirox-imy rỹimyhỹ mahãdu rieryõre aõmybo Jesuisi rarybemyhỹ. ²⁹Judasi Isariõ dori nieru hyna yrubudỹydu heka rare. Tai tahe rõhõtinyreny Jesuisi worana bedehesi aõna aõna riwikyem riteõnyre, ada iny aokõdu mahãdu-ò nieruõ riwahinykemy. ³⁰Judasi orotxu yre riymy rahudi tahe rõhõnymy rare bede luru-txi.

³¹Judasi rõhõnymy rahudi tahe Jesuisi rarybere: —Wiji tahe Deuxu Riõre Hãbutyhyhykỹ loosõnamy iny robimyhỹre taraykywo-ki. Tii heka jiarĩ rare. Deuxu-ò waòraru-ki wowydyna riwahinykre. ³²Deuxu loosõnamy tahe waki iny robikeki, Deuxu riwatoosõnyreri aõwesele ibutumy iny tuu robike. ³³Waluudu mahãdu wariõre wesemy atximahãtenyete, umywanareny urihimyo arekre, idi tahe arakre. Tahe biwajebenyhãrele waki mahabenyõtyhy. Iwese judeu mahãdu-ò rarybere wesele adeereny ararybekre: —Titxibo arakre-ò kaiboho boibenyõke. ³⁴Bede ywina tỹmyra wese adeereny ariwahinykre kiamy wahe: —Wilu-urenykemy wahe: —Iwese jiarĩ aluurenyre wese tule kaiboho wiluurenkye. ³⁵Wiluurenkyeki ibutumy iny rierenykre kai waerydỹyna mahãdumy tate.

³⁶Tahe Simaõ Pedro ritỹraxyre: —Wanyrỹ, titxibo kai makre. Jesuisi dirawyõnyde: —Titxibo arakre-ò wiji kaiboho boibenyõke, iribi tahe wahemy bodoikre.

³⁷Tahe Pedro rarybere: —Wanyrỹ aõherekibo araõkre wiji ahemy waumy kie aõraru-ki ariwahinykemy watxireri. ³⁸Inatyhymy aõbo aumy biwahinykre waòraru-ki. Inatyhytymy ararybekre: —Hãnie hãbu robukõule kai biwatxiõnykre inataõmy.

14 Kaiboho bedeõtiidỹyrenyõmyke bedewona-ki. Kaiboho Deuxu tetyhynytenyete, tai tahe biwatyhynykre. ²Wahasỹ-ki sõwemy sỹỹ rỹimyhỹre kialemyre heka tai. Kaweseõkeki adee inatyhymy rarybemahãre. Jiarĩ tahe arakre sỹỹ adeereny ariwinykemy. ³Ariwinyemy arahudi tahe ixybyle aõrysmy adòðekre. Tahe aradyrenykre titxibo-txi aratxireriõ kaiboho tule matxibenykre. ⁴Kaiboho dori teerytenyete titxibo wasỹry roire. ⁵Tahe Tome rarybere tamy: —Wanyrỹ, titxibo makreò reerykõreny. Tai tahe timykibo asỹry reeryrenykemy. ⁶Jesuisi dirawyõnyde: —Jiarĩ wa ryy rare. Deuxu inatyhyna jiarĩ rare. Umyuedeõna wahidỹydu jiarĩ rare. Inyõ waòrarukile Waha dee rakre. ⁷Kaiboho tiwaerytenyete-wana tule Waha teery-

tenyte. Wiji tyhyule Deuxu teerytenyte, tuu tabitenyte. ⁸ Idi Filipi rarybere: —Wanyrý, boo inydee biteòsinyke, tai tahe awike. ⁹ Tahe Jesuisi rarybere: —Filipi, sòwemy bededýñana umy-wana rewyre. Ihãrele tahe ti-waeryòte. Inyò wadee kanakeki, Wahamy robike. Aõherekibo wadee tarybeta boo wadee biteòsinykemy. ¹⁰ Jiarý Waha-ki watxiwãhãre tule Waha waki ihýre. Kia aõbohe tetyhynyòte rarybewãhãre, kia iximy aõkõ rarybewãhãre. Waha waki ratximyhy tii taõmydýñ-nanamy rotýñnyre waumy-ribi. ¹¹ Waha-ki watxi-wãhãre, tule tii waki ihýre, kia bityhynybenyke. Aõwiwi-hiký rewinywãhãre òraru-ki biwatyhynybenyke. ¹² Inatyhytyhymy adee ararybekre: —Inyò riwaty-hynykeki, wawesele aõwiwihiký riwinykre. Tahe watyrelaõ riwinykre. Jiarý dori Waha-ò arakre. ¹³ Tai wanimy aõmy bexitòenybenykeki, tii tahe ariwinykre. Iny Waha-ò wowydyna riwahinykemy idi watxireri, iR-iòre wahe jiarý rare. ¹⁴ Tai aõma wani-ò bexitòenybenykeki, tii tahe riwinykredeereny. ¹⁵ Inyò waluukeki tii wabede ywina riywinytyhyke. ¹⁶ Waha-ò arex-itòenykre ijõ wiðhedýñdu adeereny kiditeònykremy waderòwmy. Tii aõu aõu adeereny hyyle rarekre. ¹⁷ Tii Deuxu Tyytybytyhy rare. Tii inatyhynamy rieryreny, iny bede bede mahãdu wahe. Deuxu Tyytybytyhy ix-idee ridykemy. Tuu dori robiòtyhy rieryòtyhy. Kaiboho tahe teerytenyte. Tii dori umywanareny ratximyhyre, aworeny-ki ratxikremy. ¹⁸ Jiarý heka ixisohojimy ararisidýñnyòtyhy. Jiarýle adee adooskre. ¹⁹ Wijile arurumy arakre bede-ribi. Bede bede mahãdu tii wamy robiòtyhy. Kaiboho tahe wamy bobilebenykre, jiarý dori ixityre rubu-ribi adexixamy ararekre. Tai tahe tule kaiboho rubu-ribi bexixamy boibekre. ²⁰ Kia txuu kaiboho bierybenykre jiarý heka Waha-ki watxiwãhãremy. Kaiboho tasý waki ahãtenyte. Jiarý tule akireny watxi-wãhãre. ²¹ Inyò wabede ywinareny dikeki tahe, riywinykeki, waluudu rare. Waha tule iluukre. Jiarý tule iluutyhyre. Tamy tule arexideòsinykre. ²² Judasi tamy rarybere: (aõ Isariò aõkõ kýny, iwitxiraõ.) —Wanyrý, aõhekremybo wadeereny bedexideòsinykre tahe bede bede ludu mahãdu-ò aõkõ wahe. ²³ Jesuisi rarybere: —Inyò waluukeki, wabede ywina riywinytyhyke. Waha, heka iluutyhykre. Jiarýboho tamy adoidenykre tamysýmy. ²⁴ Iny waluòkeki, warybe tii rityhynyòtyhy. Aõ warybe-di aõkõ heka rarybereri. Waha wadee riwahinyredi heka rarybereri.

²⁵ Tai arakrekoki tuu rarybereri adeereny. ²⁶ Tahe Deuxu Tyytybytyhy, awiðhedýñdu, tii araerynanykre ibutumy aõna aõnamy. Timybo jiarý adeereny raryberemy akananohõtiijaranydenykre. ²⁷ Ywina adeereny adiwahinykre waywina wahe. Iwese bede bede ludu mahãdu riwahinyhyre wese aõkõ ariwahinykre. Uritere nohõtiryõmy brebuõmy. ²⁸ Rarybere dori arakremy tule adooskre. Waha waratyre rare. Tamy he arakre. Kaiboho waluukeki, beysabenykre tamy arakre. ²⁹ Kaa bede reakoki tuu rarybereri. Tuu reakre tahe, kaiboho biwatyhynybenyke. ³⁰ Sòwemy heka adeereny ararybeõkre, bede dinodu dori tehemynysý iòhòmy ihýre, Satanasi wahe. Tii heka wadee

iruruòhyre, riwateònyòtyhy. ³¹ Jiarý Waha luure. Rewinywãhãre aõbo Waha ariwinykemy riwateranymyhyre. Botamanyke: —Ròkòirenyke.

15 Hãjutò òwòna wese wihiký jiarý rare. Waha tahe bede rade wysydýñdu wese rare. Bede òbebure iratyòkeki iò riòròke. Iratydikeki iòsòmo iribi risihere. Tai tahe sòwetyhymy nihikýmy raratynyke. ² Kaiboho bede rade-ò wesemy toite. Warybe-di aòsòmorenny aribireny resihemahãre. Katahe òbitimy toite bederatymy raratynykemy. ³ Kaiboho biwamymy wadi myikre. Iwese bede radeõ raòròðmyhýkeki irulemy rýikre raratynyke. Aõkòkeki ruruke. Kaiboho iwesele toite. Waki beàrenyòbenymyhykeki, tii Deuxu-deewimy atxibenyòtyhy. ⁵ Jiarý hãjutò òwòna wese rare. Kaiboho ibede radeò wese toite. Waki beerenybenykeki, jiarý aki ararike, tai bederatymy wese sòwemy maratynyke. Wahoòkeki tii aõ biwinybenyòtyhy. ⁶ Inyò waki rariòkeki, iwese iny bede rade rubu-di rahuleke, tii iwesele inyò rahukre. Juhuu rimyre, idi heòty-ò rehure, tai roomyhyre. ⁷ Kaiboho waribi boibenyòkeki, warybe òhòti-ribi rosaòtyhykeki, aõtaxina wadee bexitòenybenykre, tai ibutumy adee ariwahinykre. ⁸ Iwese bede rade sòwemy raratynymyhyre wese, kaiboho, aõna aõna wiwihiký biwinybenyke Deuxu dee. Kiakeki tahe Deuxu deàlàna sòwemy ritakre. ⁹ Iwese Waha waluure wese jiarý aluurennyre waluuna-ribi boibenyòke. ¹⁰ Wabede ywina inyò riywinykeki, tii waluuna-ribi raòtyhy. Iwese Waha bede ywina reywinymyhyre wese tahe Waha luuna-ribi jiarý tii rahònyòhyre. ¹¹ Wadeysana awo-ki ratxikemy jiarý adi watxireri. Eysana sòwemy mabekemy adi watxiwãhã. Tai tahe warybe adee rarybere. ¹² Wabede ywina heka kaa rare: —Wiluukemy. Iwese jiarý aluure wese wiluurennykemy. ¹³ Inyò taery dee rurukeki taluunadireki, tii luunatyhy ijòdire. ¹⁴ Kaiboho wadeewi biwinybenyke-wana tai inatyhymy wabiòwa toite. ¹⁵ Tahe aõ wadeò-dumy aõkòhe araninirenykre. Kaiboho wabiòwa toite jiarý dori Waha-ribi raholare adee tuu relywãhãre. ¹⁶ Kaiboho tahe tiwatatenyòhyte, jiarý tahe aratarennyre kaiboho boibenykemy. Sòwemy aõna aõna wiwihiký botýñnybenyke. Tule kia aõna aõnamy tule roihykemy. Tai tahe aõmy Waha-ribi wani-di bexitòenybenykeki, adee riwahinyhy rareke. ¹⁷ Wiluubenyke: —Kia tahe wabede ywina adeereny adiwahinyde. ¹⁸ Bede ludu iny mahãdu eramy reakeki myý uritere nohõtíõmy juhoo dori waderamy waluòre. ¹⁹ Kai bede ludu iny tate-wana iny aluuke, tahe aõkòre. Tai tahe iny eramy reamyhyre. Bede ludu mahãdu ribi jiarý aratara. Bede ludu mahãdu aõkõ tate urenana. ²⁰ Adee heka rarybere aõmybo. Uritere iribi nohòti lusaõmy kia wahe: —Deòdu tawedu ratyre aõkõ rare. Tai wadee aõbina binamy iny rotýñnyhyre. Adeereny tule aõmy rotýñnykremy wahe. Tiiboho warybe riywinyrennykeki, arybe tule tiiboho riywinyrennykre. ²¹ Kia tahe adee ratýñnyhyre wanimy rybe òraru-ki, tiiboho dori wadeòdýña rieryòreki. ²² Tuu ararybeõre wana inihe tiiboho òrarudiòhyrennyre. Katahe rarybere tai tahe tiiboho rarybeòtyhy rieryòremy. ²³ Inyò

waluuõkeki, tule Waha luuõtyhy. ²⁴ Jiarý heka ibu-tuko-ò wowydyna iitxerenarenemy rewinyõrewana, tii-boho iòrarudiõhyre inihe. Tahe rewinyamahãre, tuu ro-bimyhýreny, ihãrele tahe waluuõre tule Waha lu-uõre. ²⁵ Kiamy heka rotýnyre bede ywina ritidýyna-ki roireki. Tai heka tuu rotýnymyhýre. Kiamy wahe ritidýyna-ki roire:

—Tii heka bede òraru aõkõ rare, ihãrele tahe ilu-uõreny.

²⁶ Deuxu Tyytybytyhy adee ariteònykre. Tii, wiðhedýýdu rareke inatyhynamy rierynanykre. Tahe, tii kedehe-mynykre wamy rarybekre. ²⁷ Tule kaiboho wamy marybebenykre, wawana hyy ahãtenyteki.

16 Kiamy adee rarybemahãre òraruna-txi ixekoemy. ² Tiiboho heka anatakre tohodýyna het-owo-ribi. Kobe, bede dýyna iðhòmy kadeakre inyð anarubunyekeki, kia Deuxudeewimy tuu konohòtinkyre. Tii Deuxu wiðhedýýdu rarely xixi-di kõnohòtinkyre.

³ Tiiboho Waha rieryðhyymyhýreny tule riwaeryðm-hýre. Tai tahe kiamy adeeremy rotýnymyhýreny. ⁴ Iu adeeremy aõmydýynana kedehemynykre, õhòtirenny itxi reake timybo adeeremy relyretxi. Tii heka tuu rarybeõhyre, umywanarenyhy dori wãhãre. ⁵ Katahe arakre wadeòdýýdu-ò. Kaiboho býraxibenykekõ aõbo tiobo arakre-ò. ⁶ Kaiboho heka tabedewomy toite kamy rarybereriki. ⁷ Ihãrele tahe inatyhymy adeeremy ararybekre: —Adeeremy awikre arakreki wahe. Jiarý araõkeki awiðhedýýdu, Deuxu Tyytybytyhy kanaõkre. Arakeki tahe tii aditeònykre adeeremy. ⁸ Iu kanakre, tii inydee kiditeòsinykre irayky binadiremy, iòbitina-di aõkõremy, iòrarunadiremy. Deuxu dori òrarudu riy-wisidýýnykre. ⁹ Taðraruna ixidee kiditeòsinykre tiiboho riwatyhynyõrenyriki. ¹⁰ Tahe ixidee kiditeòsinykre. Jiarý iratyre waòbitina direki. Waha-ò dori arakre, wamy bobibenyðtyhykemy. ¹¹ Deuxu ixiywisidýýna ixidee kiditeòsinykre kabede dinodu dee rarybere tii rexi-hukremy. ¹² Jiarý heka sòwemy adee ararybekemy watxireri, ibutumy tahe isiramy ixidee boholabenyke. ¹³ Txiohe rare. Deuxu Tyytybytyhy kanakre, inatyhymy adeeremy rarybekre inatyhyna-di ibutumy. Tarybe-di tahe rarybeõkre. Deuxu-ribi aõmybo roholaremy tahe rarybekre. Tule timybo aõna aõna rarekremy kanarybekre. ¹⁴ Tii waaõmydýynana adeeremy ritýnynykre. Tai kidiwatoosònanykre. ¹⁵ Ibutumy Wahahõrõ heka wahõrõ rare. Tai heka tuu adeeremy rarybereri waaõmydýynana adeeremy kiditýnynykremy. ¹⁶ Urihimyò riòre heka waõkre, idi tahe ixityre wamy bobibenykre. ¹⁷ Tahe ijõ ierydýýna mahãduõ widee rarybere: —Timybo tii rarybere: —Urihimyò iðkremy tii rarybereri, tule ixiryre wamy bobibenykremy. Tule Waha-ò arakre. Timybo heka rieryrenyðhyre aõmybo rarybera. ¹⁸ Tiiboho Jesuisi-ò rýraxirenykremy ratxirenyreri. Tahe Jesuisi rierymyhýre tuu rýraxikre. Tahe Jesuisi tamyreny rýraxire: —Kaimy ixidee týraxixityreri. Wananamy waòkesenalemy. ²⁰ Inatyhymy adeeremy ararybekre: —Iny bede mahãdu urile reysakre, kaiboho tahe araeryreny urile mahinybenykre, birajuabenykre, mabedewobenykre. Idi tahe

kaiboho beysabenykre. ²¹ Iwese hãwyy iijera iðhòreki, rabadewomyhýre, taaõhòkýmydýynana-di rõhòtinymyhýre. Idi tahe reamyhýre. Iu tahe tõhòti rosamyhýre tohouã týmyradile reysamyhýre. ²² Iwesele kaiboho mabedewobenykre, ixityre wamy bobebenykre tahe, kaiboho beysabenykre. Inyð heka deysana aribireny ritaõtyhy. ²³ Kiatxu tahe uritere watýraxidýýomykre inatyhymy adeeremy rarybereri. Waha-ribi aõmy bexitòenybenykeki. Tii adeeremy kidi-wahinykre wani òraru-ki. ²⁴ Tii heka aõmy textitòenytenyõmahãte wani-di. Bexitòenybenyke, tai bitabenykre. Tai tahe kaiboho beysabenykre.

²⁵ Ibutumy rybewòtemy adeeremy rarybewãhãre wahe. Idi tahe tuu adeeremy ararybeõkre. Idi tahe itýnytyhymy Waha aritýnynykre adeeremy. ²⁶ Kiatxu tahe bexitòenybenykre wani-di jiarý ararybeõkre umyreny Waha-ò. ²⁷ Waha dori aluurenyre, kaiboho waluurenyreki, Deuxu-ribi anade tetyhynytenyteki. ²⁸ Waha-ribi anade, bede-ò adehemynyde ihãrele bede-ribi arakremy Waha-ò. ²⁹ Jesuisi ierydýýna mahãdu rarybere: —Wiji tahe itýnytyhymy tarybeteri. Rybewòte-di aõkõ tarybeteri. ³⁰ Kai ibutumy teeryte. Inyð dýyaxiõmy adee. Kai inatyhymy Deuxu-di tanate. Kia jiarýboho retyhynyreny. ³¹ Tahe Jesuisi tamy rýraxire. Inatyhymy wijityhyle tetyhynytenyta. ³² Wabededýýnanamy heka reara. Kaibohoõ sohoji sohojimy tasý tasý-ò rakre. Biwaribenykre xixi sohojilemy arýikre. Tahe xixi-wana aõkõ watxikre, Wahawanale arýikre. ³³ Kaheka aõna aõnamy adeeremy rarybere ywina-di araykyreny-ki boibekre. Bede-ki kaiboho aõhòkýmy botýnybenykre. Ihãrele beysabenyke, jiarý heka Deuxu òludu mahãdu-di rò-tara.

17 Jesuisi rarybemy rahudi tahe retehere biu-ò rarybere: —Waha, wabededýýnanamyhe reara. Ariòre watxiwãhãre. Wowydyna wadee biwahinyke tai tahe adee wowydyna adee ariwahinykre. ² Kai, Waha, ibutumy wadee ruruna tewahinyta iny deòdýýnamy. Tai umyuedeõna ariwahinykre biu-ò hedu mahãdu-ò. ³ Kia heka umyuedeõna rare: —Deuxu inatyhy tate sohojihy tate. Tii araerynykeki tahe eòdýýna Jesuisi Kristu rierynykeki. Kia umyuedeõna rare tamyreny. ⁴ Aõ aõmysýdýýnabo wadee tewahinyte, ibutumy adee rewinyre. Tai heka arawowydynyra kabede-ki. ⁵ Iu bede rexidelenyreu umywanahy rarewãhã. Sòwemy loosòna nihiký-di rawãhãre. Tahe wiji, Waha, kia loosònale ixityre bidiwahinykre umywanahy arakre. ⁶ Kai iny mahãduõ wadee tewahinyte bede mahãdu-ribi. Tamyreny umy rarybemahãre. Juhu tiiboho ahõrõ roire. Idi wadee tewahinyte. Tiiboho arybe riywinymyhýre. ⁷ Ibutumy waaõmydýýna aribi retamahãre. Kia heka wiji tiiboho rieryreny ibutumy aribi nade. ⁸ Aõrybebo wadee tewahinytamy tamy rarybemahãre. Tiiboho rityhynyreny, rieryreny aribi jiarý anade, kai wateòdýýdu tate. ⁹ Iòraru-ki adee rexitòenyre. Tiiboho amahãdu roire. Wadee tewahinyte, bede mahãdu-ò raru-ki aõkõ adee rexitòenyre. ¹⁰ Ibutumy wahõrõ, ahõrõ rare. Tule ahõrõ, wahõrõ rare. Tai heka iny mahãdu riwatoosònanymyhýre. ¹¹ Jiarý adee arakre

tai kaki arareõkre. Tiiboho heka kaki rarirenykre. Tiiboho biyrubunykre, Waha, ani õbiti-di biyrubunyke, wadee tewahinyteki. Tai tahe iraykyreny wiwesehyymy roirekre. ¹² Tiiboho-wana rarewãhãu ani òraru-ki reyrubunymahãre, wadee tewahinyteki. Timy heka reõnonyõhyyre ijõ, sohojile tahe reõnonyre. Juhuu dori Ritidỹyna roire ijõ sohojiõ ariõnonykremy. Ihyy tahe reõnonyre, Judasi Isariõ õnodỹyduhyymy rarekre. ¹³ Ka tahe arakre arora-ò. Tii heka inyõ rarybemahãre ibutumy wadeysana iworeny-ò ralõmyhỹkemy. ¹⁴ Jiarỹ arybe tamyreny rewahinyamahãre. Bede mahãdu iny dori terarenyre, tiiboho bede mahãdu iny aõkõ roireki. Iwese jiarỹ bede ludu hãbu aõkõ rare wese. ¹⁵ Bede-ribi tarasamy aõkõ heka adee rexitõenyneri. Urile ibina bina widỹy-ribi biyrubunykemy. ¹⁶ Tiiboho tahe wiji ijõ bede wixira ludu roire, iwese jiarỹ rare wese, wahe. ¹⁷ Arybe-di tiiboho biõbitinyke, tai ahõrõ mahãdumy rarekre. Arybe dori õbitityhy rare. ¹⁸ Iwese bede iny-ò tadiwateõnyte wesemy, Jiarỹ tiiboho reteõnyre bede ludu mahãdu-ò rarybekremy. ¹⁹ Tamyreny xiwena wesemy adee arexiwahinykre. Òbitihyymy ararekre, tai tiiboho õbitihyymy roirekremy inatyhyna-di. ²⁰ Aõ tamy sohojile aõkõ heka rexitõenyneri. Ibutumy kia rityhynymy rỹirakre-ò dori rexitõenyneri. ²¹ Tai tahe ibutumy wiwese wesemy rõhõtinyrenykre. Iwese, Waha, kai waki atxiteri wesemy tule aki watxireri wesemy tiiboho iny-ki roirekre. Tai bede iny mahãdu rityhynykre ateõdỹyna watxireri urenana. ²² Kai loosõna wadee tadiwahinyte, tahe tamyreny rewahinyre. Tiiboho sohojihyy weselemy roirekremy, iwese iny sohojihyy rare wesemy. ²³ Jiarỹ taireny wãhãre, kai waki ahãte. Tai tahe inyboho butuhyymy rokoirekre. Wii riõbitinymyhỹrenykre. Tai bede mahãdu rierykre tadiwateõnyteki. Tule wamahãdu luu tate urenana Waha, iwese waluure wese. ²⁴ Waha, titxibo ararekre, tiiboho wawanahyymy roirekre, wamahãdumy wadee tewahinyteki. Tai tiiboho waloosõnamy robikre. Kai dori bede ihokõule waluure, tahe loosõna wadee tewahinyte. ²⁵ Waha õbiti, bede mahãdu araeryõre Jesuisi tahe araeryre. Wamahãdu tule rieryre tadiwateõnyte. ²⁶ Jiarỹ tiiboho reerynanyre ani-di. Ihãre ta arierynanykre. Tai aluuna iwese waki ratxireri wesemy taireny rarekre, tule jiarỹ taireny ararekre.

18 Jesuisi rexitõenymy rahudi tahe roirenyre taerydỹyna mahãdu-wana Cedrõ beãwe-ribi kowa ijã-ò heka reurõrenyre, tahe bederaty oworuro-ò rirõnyrenyre. ² Judasi heka Jesuisi tyhedỹydu heka ibede rieryre, Jesuisi dori taerydỹyna mahãdu-di tamy rahyymyhỹre. ³ Tahe Judasi, soldado mahãduõ tadinodu-wana ributunyre. Fariseu mahãdu-ribi xiwena wedu wahidỹydu-ribi Judasi soldado yrubudỹydu mahãdu rihitxinyre tule xiwena deõdu mahãduõ rihitxinyre tii-wana rakremy roirenyre. Tahe tamy ritehemynyrenyre tõbõra heõty-wana. ⁴ Jesuisi rexieryre ibutumy aõmybo tamy kodotỹnykre. Tahe iny mahãdu-ò rexidõrunyre. Tahe rỹrãxire tamy: —Mowe teijeteri. ⁵ Tahe dirawyõnyde: —Jesuisi Nazare hãwã ludu rejireri. Tahe Jesuisi rarybere: —Jiarỹ wa tiile rare.

Tahe Judasi ityhedyỹydu tii mahãdu wanale nade. ⁶ Jesuisi tamyreny rarybereu, tahe rexilõhõrarienyre iribi, tahe suõle reserenyre. ⁷ Ixityre Jesuisi tamy rỹrãxire: —Mowe teijeteri. ⁸ —Jesuisi Nazare hãwã ludu, tiiboho dirawyõnyde. —Rarybera tahe jiarỹ raremy wahe. Tiwajeteri-wana tahe biwadyke urile ixinamy wajoi rirahuke. ⁹ Kawesemy wahe irybe hitxina wadee tewahinyteõ heka tiu reõnonyõhywãhãre. Jesuisi, kiamy rarybere tamyreny irybe hitxina wesemy ibutumy tuu rotỹnykremy. ¹⁰ Tahe Pedro tamaydese ritamy reare tahe xiwena wedu deõdu riwotõmonyre. Malõõ heka inire. Pedro Malõõ nohõti riorore ruruwe-ribi ludu wahe. ¹¹ Jesuisi rarybere Pedro-ò: —Amaydese birutyke. Jiarỹ Waha deewimy aõhebo arotỹnykrekõ aõbo wadi tahõtinyteri. Aõhõkỹmy arotỹnyõkemy aõbo wadi tahõtinyteri.

¹² Tahe soldadu, tadinodu-wana, judeu yrubudỹydu-wana Jesuisi rimyre ritaataamy ridyre. ¹³ Kia beõra Kaifa xiwena wedu tyhy rare. Anasi iriõre labie rare. Tai tahe juhuu Ana-ò ridyre. ¹⁴ Kaifa tahe juhuu judeu mahãdu-ò rarybere: —Wiji beõramy hãbuõ iny mahãdu òraru-ki rurukremy rahõtinyteri.

¹⁵ Simaõ Pedro inyõ-wana rare Jesuisi hewomy. Kia Pedro-wana rare, kia xiwena wedutyhy eryna rare. Tai tahe ralõre õity ijõrore-di. ¹⁶ Pedro tahe ahanakile rỹire. Kia Pedro-wana rare. Rohonyre hetowo-ribi hetoijõ-di itxeredu-ò rarybere, tahe Pedro ridyre hetowo-ò. ¹⁷ Kia ijadõma, heto ijõ-di itxeredu rarybere Pedro-ò: —Kai Jesuisi erydỹkỹna mahãdunokõ anobo tate. Tahe Pedro dirawyõnyde: —Aõkõre. ¹⁸ Tahe soldado yrubudỹydu tai rahetõmy rỹimyhỹ, heto ludu deõdu mahãdu-wana txutãtã riki. Pedro iyrenykyre rỹimyhỹ rahetõmy.

¹⁹ Tahe xiwena wedu tahe Jesuisi-ò rỹrãxire. Aõhebohe aerydỹyna mahãdu-wana tadotỹnymahãte. Timybohe tebedeerynymahãte. ²⁰ Tahe Jesuisi ritỹnyre: —Ibutumy inyko relymahãre iwasimy aõkõ heka relymahãre. Judeu dohodỹyna hetokile relymahãre Deuxu dohodỹyna heto-wana. Titxibo judeu mahãdu ributunymyhỹremy relywãhãre. ²¹ Tai aõherekibo wadeele tỹrãxiteri. Myrãxike wadee ijõhonadu-ò. Tiiboho ka rieryrenyre aõmybo rarybere. ²² Jesuisi kia rarybereu, soldadu itxereduõ rihetenyre. Tahe rarybere: —Tu heka rybeõmyke xiwena wedutyhy-ò. ²³ Jesuisi dirawyõnyde: —Jiarỹ ibinamy aõmybo rarybera-wana, manarybeke tuu. Aõkõkeki, awimy rarybera-wana aõherekibo tiwahetenyre. ²⁴ Anasi tahe Jesuisi ridykemy riteõnyre tataanadihyyle Kaifa-ò, xiwena wedutyhy wahe.

²⁵ Kowa tahe Simaõ Pedro ratximyhỹre rahetõmy rỹimyhỹ. Inyõ rỹrãxire: —Kai aõbo ierydỹyna mahãduõ tate. Tahe rexitõnyre. Jiarỹ ijõ aõkõ rare. ²⁶ Xiwena wedu deõduõ Pedro-ò rỹrãxire: —Tii heka Pedro ritõhõtiorore ijoiõ rare. Tahe tamy rarybere: —Umy taheka rabire tii-wana bederaty oworuro-ki atximahã-ò. ²⁷ Pedro ixityre rexitõnyre. Aõwesele tahe hãnie hãbu robure.

²⁸ Idi tahe Kaifa heto-ribi Jesusi ridyrenyre ywisidÿÿna-ò bede dinodu heto-ò rudiulere. Tiiboho rirònyòhyyre brebuna-di rexisunyrenyheny. Rirònyrenykeki, tahe Pascoa worana bedehesi rÿsÿnaò rirÿsÿòtyhy. Tiiboho dori ròhòtinyre rirònykeki, rebuna raremy. ²⁹ Tahe Pilato ròhònyre tamy rarybekremy: —Tahe Jesusimy tamy rÿÿraxire kia hãbумы terajuatenyteri aòhebohe rotÿÿnyra. ³⁰ Tahe dirawyònyde: —Aòbibina binamy rotÿÿnykòhyyra wana inihe aridyrenyòhyreri. ³¹ Tahe Pilato rirawyònyre: —Bidyke abede ywina rybe-di biywinyke. Tahe judeu mahãdu rarybere: —Wabede ywina rybe warubudÿÿmy rybe aòkò rare. Inyò heka arirubunyrenyòtyhy. ³² Kia rybe tahe Jesusi rybe wesemy rare. Tii dori iximy rarybere timybo rurukremy. Tai timybo irybe hitxina wesemy raryberemy ibutummy rarekre.

³³ Ixityre Pilato ralore ywisidÿÿna-ò Jesusi-ò rÿÿraxire: —Kai aòbo judeu mahãdu Iòlò tate. ³⁴ Jesusi ritÿÿraxinyre: —ÿÿraxina aòbo ahòrò rare ada ijò aòbo wamy kia rarybere. ³⁵ Tahe Pilato rarybere: —Jiarÿ wa judeu mahãdu aòkò wãhãre. Aòbinatyhymy aòbo he tewinyte. Judeu mahãdu wadee tiwadyte. ³⁶ Jesusi dirawyònyde: —Waiòlòna hãwã bede ludu aòkò rare. Waiòlòna kaki ratxikeki wamahãdu wadee raaòbinanyke. Tai tahe judeu mahãdu-ò riwawahinykemy aòkò watxiwãhãre. Tahe aòkòre kabede ludu aòkò Waiòlòna rare. ³⁷ Pilato tahe rarybere: —Kai aòbo inatyhy iòlòmý tate. Tahe Jesusi dirawyònyde: —Kai ka wamy tarybeta. Kia-ò uludummy anade. Kia-ò anade, inatyhynamy arelyykemy. Inyò inatyhynamy luukeki warybe-ò roholamyhÿre. ³⁸ Tahe Pilato rÿÿraxire: —Aòbo inatyhyna rare. Ta rybe rahudi tahe judeu mahãdu-ò rarybekemy rare. Tiu kÿny kahãbu-ki aò ibinamy tai rahaòhyyra. ³⁹ Inyò ariteònykemy watxireri kaiboho wadi tòhòtinyhytyenyteri ka woranabedehesi-ki. Tahe judeu Iòlò aòbohe ka ribi ariteònykre ywihyyle. ⁴⁰ Tahe ixityre ibutummy ryryrenyre: —Kia hãbu aòkòre, Baraba biteònyke (Baraba heka hãbu debore wasidu rare.)

19 Idi tahe Pilato Jesusimy rerotiyhyta-di raòhòtekremy soldado mahãdu riteranyre. ² Soldado mahãdu edehékÿ rataanadile ira-ò ritidire, iummy tahe tylÿrehekÿ-di ritynyre iòlòtyweseekemy. ³ Tamy rehemynymyhÿre: —Aòherebo iòlòtyhy wesena, tahe rihetenyrenyre. ⁴ Pilato tahe ixityre ròhònymy iny-ò rarybekemy: —Ixityresÿ adeereny redyreri. Bierybenyke. Aò heka tai ibinaòhyymy idi retehewãhãre. ⁵ Tahe Jesusi ròhònyre ede rataana-di tylÿrehekÿ-di. Tahe Pilato tamy rarybere: —Kakÿnyhe tiire. ⁶ Tahe xiwena wedu mahãdu, yrubudÿÿdu mahãdu tuu robireu, ryryrenyre birubunybenyke, itxeò dee bitamadÿÿnyke. Pilato rarybere: —Kaibohole itxeò-di bitamadÿÿnybenyke. Jiarÿ tahe tai ibinamy aòki rahaòhyymahãre. ⁷ Tahe judeu mahãdu rarybere: —Jiarÿboho kÿny wabede ywina renydire. Rurukemy heka tuu bede ywina roireri, tii dori Deuxu Riòremy rexininimyhÿre. ⁸ Pilato kia-ò roholareu tahe, ruberutyhyre. ⁹ Ixityre ralore ywisidÿÿna heto-ò: —Rarybere Je-

suisi-ò, tiribi wexe tanate. Jesusi rirawyònyòhyyre.

¹⁰ Tahe Pilato rarybere: —Bidiwarawyònyòkre aòbo. Jiarÿ warurudire anarubunyke aòbo ada arateònyke aòbo. ¹¹ Jesusi rirawyònyre: —Aruru-di aòkò tate. Deuxu kidiwahinykekile tahe biwateònyke ada biwarubunyke. Tai tahe adee wawahidÿÿdu aratyre iòraru dire. ¹² Tai tahe Pilato iteòdÿÿmy rurure. Tahe judeu mahãdu tamy ryryre: —Kai biteònykeki tahe, Iòlò Cesar biòwa aòkò tate. ¹³ Kiarybe-ò Pilato roholareu tahe, Jesusi diòlòdÿÿnyde ahana-ò. Pilato tahe ywisidÿÿna ryna-ò rexisÿnyre. Kia ubeni heka Rirana Ijàti inire. Tahe judeu rybe-ki heka Kabata inire. ¹⁴ Pascoa worana bedehesitxu sexta feira rÿire. Txutyre iòhòmý tahe bede rÿire. Tahe Pilato rarybere judeu mahãdu-ò: —Betehebenyke aiòlòreny-ò. ¹⁵ Tahe tiibohoryryrenyre. Bidybenyke! Itxeònihikÿ-ò birubunybenyke. Pilato tahe tamy rarybere: —Aiòlò aòbo, birubunybeny. Tahe xiwena wedu rirawyònyre: —Iny iòlòreny sohojile wa rare: —Cesar heka inire. ¹⁶ Tahe Pilato Jesusi tamyreny riwahinyre rirubunyrenykeny.

¹⁷ Tiiboho heka Jesusi ridyrenyre. Iitxeò tamy riwahinyre idi retyykremy. Tahe Kalvariu-ò idi ridymy rare. Kalvariu heka Kòkòta inire judeu rybe-ki. ¹⁸ Tai itxeò nihikÿ dee ritamadÿÿnyre ijò hãbu inatxiò-wana Jesusi itxeònihikÿ itya-ki rÿire. Hãbu wiò wiòmý idi rÿire. ¹⁹ Pilato riritinyre ritidÿÿna-ò Jesusi tyre-ò ritidire. Kawesemy ritidÿÿna roire: —JESUISI, NAZARE HãWã LUDU, JUDEU MAHãDU IòLò. ²⁰ Hãwã-ribi ireheriòremy roire. Tai tahe sòwemy judeu mahãdu tuu robire iritidÿÿnamy. Inataò rybemy witxira riti heka inataòmý roire. Judeu rybe ijòre, latim rybe ijòre, grego rybe ijòre. ²¹ Judeu xiwena wedu mahãdu Pilato-ò rarybere: —Judeu mahãdu Iòlò rarybere: —Iritidÿÿòmýke wa. Kawesemy biritinyke: —Tii rarybere judeu mahãdu Iòlò raremy. ²² Tahe Pilato dirawyònyde: —Iwese reritinyre wesemy rarehykre.

²³ Soldado Jesusi itxeònihikÿ-ò ritamadÿÿnymy rahu-di tahe, ity ritxuatxukremy diwyde. Inaubiòwa heka riywinyra. Wirarea riwykremy soldado mahãdu idi rÿireri. Iyhyitxena tahe iretydyna-di aòkò rare. ²⁴ Tahe ijò widee rarybere: —Iyreyredÿÿrenyòmýke wa urile ta idi rikihurenkyre mobo ritakremy. Kia ryberiti-ki tuhyy roire:

—Watyy ritxuatxuaare ijò yre wimy riywinyrenyre. Tule wayhyitxena tyre-ki rehurenkyre mobo ritakremy. Tahe iwese Tyyriti rarybere wese, soldadu mahãdu ibutummy aòhebo risÿnyre.

²⁵ Inaubiòwa hãwyy retehemy rÿimyhÿ Jesusi itxeònihikÿ iòhòmý. Jesusise taseriòre-wana, Marie Madalena ijòre, Klopa hãwyy ijòre. ²⁶ Jesusi tadimy robireu, Joaõ, taerydÿÿna luunadu bire-ki, tahe rarybere: —Nadi beteheke wa kowa ariòre rare. ²⁷ Tahe Joaõ-ò rarybere: —Kaa adi rare. Ierydÿÿna Joaõ tahe ridyre taheto-ò tai rasÿnykemy.

²⁸ Jesusi tahe rieryre ibutummy rexihuramy tahe rarybere: —Ariòkemy watxireri. Kaimy heka rarybere aòbo Ritidÿÿna-ki roire riwinykemy. ²⁹ Tai tahe vii mona silÿnyhÿkÿ-ki raharenkyre. Tahe Jesusi-ò iwereheni

wese-ò rituunymy idi riteònyre iry-ò teòdimy. ³⁰ Jesuisi tuu riõre idi tahe rarybere: —Ibutumy Waha aõmysýdýña rexihumy roire. Tahe ròtiòròmy resere iule ta rurure.

³¹ Kia sabadotxu heka worana bedehesitxu nihikýõ rare, brebuna rare. Tai tahe hãbu rubu itxeò-ki ririkòkemy tuu rarybemyhýre. Tai Pilato-ò judeu mahãdu rexitòenyre hãbuti riòròmy riteònykemy, itxeò-ribi ritakemy. ³² Tahe soldado mahãdu hãbuti wiòle ri-orore. ³³ Jesuisi tahe rurumy roireki iti riòròõre. ³⁴ Soldadoõ tahe Jesuisi-ki rojyre iweki tahe hãlubule roho-nyre bewana. ³⁵ Kia tuu rabire tahe òbitimy tuu jiarý rarybere, Joaõ wahe. Waritidýña inatyhy raremy, reeryre. Kaiboho bityhynybenykemy, adireny watrixeri. ³⁶ Kaheka ibutumy iritina hetxina tuu rarybere heka ibutumy tuu rotýyre. Kia wesemy roire: —Iti riòròõkre, sohoji aõkõ. ³⁷ Ijõ iritinaõ kawesemy roire:

—Riorenkyre tõnori-di idi reteherenkyre tamy.

³⁸ Jyje heka Arimatea hãwã luduõ rare. Idi tahe tii Pilato-ò rexitòenyre Jesuisi umy my rituunykemy. Tii heka Jesuisi heluduõ rare. Judeu mahãdu lau ruberumy-hý tai Pilato-ò rare wasimy. ³⁹ Pilato tahe awiremy rarybere. Tahe Jesuisi umy riwyre. Nikodema tule rare Jy-je-wana. Tii juhule rummy Jesuisi-wana widee raryberele rare. Tii òwòrutyby òwòruòbru-wana aderòna wesemy diwyde sòwemy, 45 urihixinamy riutxienanyre. ⁴⁰ Tahe Jesuisi umy tyky jurarehe-wana ritýtenyre aderòna wanahyyle. Kawesemy dori judeu mahãdu iny rituunymy hýre. ⁴¹ Itxeòalamana-ribi bederaty oworu iòhòmy roire. Ityi-ki tahe wabede tamyra roire. Mana hãloo rýire tai heka moo rawabedenyõhyre. ⁴² Tai tahe rawabedenyre iòhòreki, tule judeu worana bedehesina txumy roireki.

20 Semana juhu ludu txu Marie Madalena rehemynyre wabede-ò, rudile wahe. Mana ijòtòbòna iraylemy rýiremy idi retehere. ² Tahe raijaranyre Simaõ Pedro-ò, ijõ Jesuisi luunaduõ wahe, Joaõ-ò, jiarýle wahe. Tahe wadeereny rarybere: —Wahí tahe hãlokowoku-ribi ritakarenya. Titxibo ritidira, rekerykõre. ³ Pedro tahe ròhònyre, Joaõ-wana wabede-ò roire. ⁴ Wiwana raijaranyre tahe jiarý Pedro ratyre raijaranyre tamy. Jiarýle heka juhu tamy rehemynyre. ⁵ Tahe rawebesere iwo-ò itxeremy. Irahanalemy rabire. Ta ralòõhyre tamy. ⁶ Idi Pedro rehemynyre ralore tamy. Tule irahanamy robire. ⁷ Jesuisi rati rasirahana ri-hitxiny my roire ixiwanale. ⁸ Tahe jiarý juhu rehemynyre tahe Pedro hewomy ralore. Tuu robire, retyhynyre. ⁹ Ti-iboho dori ritina rieryrenyre ihãre tahe rierytyhykòlerenyre. Jesuisi rubu-ribi rexiixixanykemy ritina roire. Tii tahe rierytyhykòlerenyre. Tahe wiji rieryrenyra. ¹⁰ Tahe ixyby raòkeserenyre inyetoreny-ò.

¹¹ Marie tahe robumy wabede-ribi iòhòmy rýire. Rawebesere tahe wabedewo-ò itxeremy. Inatxi ýjumy robire iwo-ki itykyuramy roimyhý. Ijõ heka rýmy ronymyhý Jesuisi ratiherina tyre-ki. Ijõ tahe iwaherina-ki ronymyhý. Jesuisi umy tahe iõre. ¹³ Tahe ýju Marie-ò rýýraxire: —Hãwyy, aõherekibo tabureri. Ri-rawyònyre: —Wahí kumy dokuri riwymy ramyhýre.

Rekerykõre titxibo ritidira. ¹⁴ Iu rarybereu tahe tahe-woòle roosere. Jesuisimy robire rýimyhýõ. Tii heka rieryõhyymyhý tii Jesuisi raremy. ¹⁵ Tahe Jesuisi rýýraxire: —Hãwyy aõmybo tabuteri, mobo teijeteri. Bederaty oworu ywidýýdu raremy heka tii ròhòtynyre: —Tahe dirawyònyde: —Wahí, kai anobo karibi tetakata-wana wakoku tuu belykyke. Tahe jikarý karikorykremy. ¹⁶ Tahe Jesuisi tamy rryre: —Marie! Marie rokese-my reare riijemy: —Wahí, erydýkýdu! (Tii hebraika rybe tuu rarybere: —Raboni, wahe.) ¹⁷ Jesuisi rarybere tamy: —Waroorehedýýõmyke wa. Waha-ò dori raòlemy wãhãre tahe arakre. Kai tyhydýýdu seriòre-ò makre tamy rybemy. Jesuisi rarybere kawesemy: —Arakre iny-tybyreny-ò, iny Deuxurenny-ò. ¹⁸ Idi tahe rarybere erydýña mahãdu-ò Wanyrýmy rabira. Marie Madalena ralyre timybo raryberamy.

¹⁹ Semana juhu ludu txuu, txioromy heka Jesuisi erydýña mahãdu wii ributunymy rýimyhý hetowoõ-ki. Ibutumy ijõ ritòbòtòbònyra judeu mahãdu lau rebumy. Jesuisi tahe nade iyreny-ò rexitýnyreny. Rarybere: —Ywina araykywo-ki atxikemy idi watrixeri. ²⁰ Kia rarybereu tahe tebò rurena riteòsinyre, tawerurena tule riteòsinyre tamy. Iule tahe reysarennyre Jesuisimy robireki wahe. ²¹ Ixyby tamy Jesuisi rarybere: —Ywina araykywo-ki rarekemy idi watrixeri. Iwese Waha diwateònyde wese tule arateònykre. ²² Iu tahe ribunymy rarybere: —Deuxu Tyytybytyhy tetateri. ²³ Inyòrarunaõ biixãwididýýnykeki tule kia òraruna ariixãwidinyke. Tule aõkõkeki, ijõ òraruna biixãwididýýnyõkeki, kia tule ariixãwididýýnyõke.

²⁴ Tome (Inatxina iniõre) tii waòinatxi reurò mahãduõ rare, tahe tairenyõre heka Jesuisi nadeu. ²⁵ Jesuisi erydýñaõ rarybere: —Wanyrýmy rabirenyra. Tahe Tome tamyreny rarybere: —Retyhynyõre kýnyhe.

²⁶ Semana sohoji bededýñnanamy idi rýire, ixyby wii ributunnyre Jesuisi erydýña mahãdu. Iu tahe Tome tii mahãdu-wana ratximyhý. Ijõ ritòbòtòbònymy rýimyhý. Tahe Jesuisi nade iyreny-ò. Tamyreny rarybere: —Ywina-di araykywo-ki atxikemy idi watrixeri. ²⁷ Tahe Jesuisi Tome-ò rarybere: —Betehe inihe wadèbòrurenna-ò ebò inihe tamy biditidike. Tule wawerurena-ò ebò biditidike. Itxiòdýýõmyke wa, bityhynyke. ²⁸ Tome tai dirawyònyde: —Wanyrý, waDeuxu. ²⁹ Tahe Jesuisi rarybere: —Tome, kai aõbo biwatyhynykre wamy tabiterikile. Sòwemy deysana inyõ kanakemy wãhãre tiiboho dori wamy robiõre hãrele riwatyhynyrenyre.

³⁰ Jesuisi heka sòwemy aõwiihikýbo riwinyre. Ierydýña mahãdu heka kia aõmybo robire. Kia aõmydýñnana heka ihoõre kaki iritina-ki. ³¹ Kaa ritidýña reritinyre Jesuisi Kristumy rare. Deuxu deòdýña rare. Kia bityhynybenykemy wahe, Deuxu Riòre wahe tetyhynyteri-wana tahe umytuedeõna bitakre, ini òraru-ki wahe.

21 Iribi tahe Jesuisi rexitýnyreny Tiberiade ahohoký ijà-ki. Kia wesemyre heka. ² Ibutumy heka juhu rýimyhý: —Simaõ Pedro, Tome Didimo iniõre, Natanaeli. Tii Kana hãwã ludu rare, Kalileia bede-ki. Zebedeu riòreboho ijõre, inatxi Jesuisi ierydýñaõ

ijõre. Rarekie. ³ Tahe Simaõ Pedro rarybere tamyreny: —Rià teredýmy arakre. Imahãdu rarybere: —Jiarýboho aroirenykre ahemy. Tahe roirenyre hãwò-di. Aõhomy aõkõ ruu idireny nade. ⁴ Tahe bede ratýnyrau heki Jesuisi ýnyrakile ratximyhý. Ierydýna mahãdu tahe rieryõhyymyhýre. ⁵ Jesuisi raryre tamyreny rýraxire: —Ijoi moõ rokoreny. Utura aõbo temyteny-ta? Rirawyõnyre: —Aõkõre wa. ⁶ Kaiboho biterebenyke rurunawe-ribi taita bimybennykre. Tahe riterenyre sõwemy rautxienyri iriã heka ritusinyõhyymyhýreny utura sõwerekí. ⁷ Kia ierydýnaõ Jesuisi luunaduõ rare jiarý, Joaõ wahe. Jiarý tahe Pedro-õ rarybere: —Inynrýle wa rare. Pedro Jesuisi raramy roholareu, tatyky tawetyamy ritaamy tamy resere, tade hekýlemy rareki. Tahe resere bera-txi tamy rakremy. ⁸ Ijoi mahãdu riã-di narurunymy nade utura sõwerekí. Tahe 100 urihixi-namya ýnyra-ribi ratximyhýreny. ⁹ Ýnyra-õ rejuxunyreu tahe, robirenyre heõtymy obiurawo-ki. Orotxu tule tai rýire. ¹⁰ Jesuisi tamy rarybere: —Uturaõ bidiwybedenyke wiji temyteny-taõ. Simaõ Pedro hãworibile riã-di rarurunyre. Sõwemy heka tai utura nihiký rýimyhý, 153 wahe. Ihãre tahe riã raõrõõhyre. ¹¹ Tahe Jesuisi rarybere: —Manake hewa biroxibenyke. ¹² Ibutumy ierydýna mahãdu rieryre tii inynrýreny raremy. Tai tahe inyõ rýraxiõhyre: —Mobo tii raremy. ¹³ Tahe Jesuisi orotxu rimyre. Tamy riwahinyre. Ixiyubule utura tamy riwahinyre. ¹⁴ Kia tahe ihewotyhyimy Jesuisi rexideõsinyre taerydýna mahãdu-õ, rubu-ribi dexixade hewomy wahe.

¹⁵ Riroximy rahudi tahe Jesuisi Pedro-õ rýraxire: —Simaõ, Joaõ riõre, kahãbu mahãdu waluure. Kai tahe iratyre aõbo waluure. Tii rirawyõnyre: —Kai tiwaeryte, aluure. Tahe Jesuisi rarybere: —Wabudoeni riõre bidiõwenyke. ¹⁶ Ixityre rýraxire: —Simaõ, Joaõ riõre,

kai aõbo waluure. Tahe Pedro rirawyõnyre: —Kohe, Wanyrý aluure jiarý, tiwaeryta. Tahe Jesuisi rarybere: —Bidyke wabudoeni biõwenykeny. ¹⁷ Ihewotyhyimy tahe Jesuisi rýraxire: —Simaõ, Joaõ riõre, kai aõbo waluure. Iu tahe Pedro rabadewomy ronyre, ixityremy rýraxireki. Tahe dirawyõnyde: —Wanyrý, ibutumy teeryte aõna aõna. Aluure heka, tiwaeryta. Tahe Jesuisi rarybere: Wabudoeni biõwenyke. ¹⁸ Inatyhyimy adee ararybekre. Iu ijoi morõkõmy tatemahãu, ixivanale texitynymahãte ixidee wimy titxibo tamahãte. Iu tahe mamatuarinykre inywitxira aratyynykre, Ebõ biteõsinykre iny arataaanykre tahe inyõ aradykre titxibo noderamý beakreõ. ¹⁹ Kiamy heka Jesuisi rarybere ritýnynykre titybo Pedro rubu-õ rýikremy. Tai Deuxu riwowydynykre. Idi tahe Jesuisi rarybere: —Biwaheludunyke wa. ²⁰ Tahe Pedro retehere Joaõ Jesuisi hemy rareriõ, Joaõ Jesuisi luumy raremyhý. Joaõ ihetxiu Jesuisi-õ iõhõmy rýraxire jiarý wahe: —Mobo iwahisidýdukremy, ihewo ludu roxina rýireu. ²¹ Tahe Pedro Joaõmy robireu, rýraxire Jesuisi-õ Joaõmy. Aõbo he tamy rotýnykre. ²² Tahe Jesuisi rirawyõnyre: —Tii rurukõlemy adõõsekemy idi watxikeki, titybo tahõtinyte. Adee tahe biwaheludunykekile awike.

²³ Ierydýna mahãdu rarybemy raremyhý: —Kiamy wahe Joaõ rurukõlemy Jesuisi rarybere. Tahe kiamy aõkõ Jesuisi rarybere. Jesuisi juhoo rarybere: —Tii rurukõle adõõsekre-wana, titybo tahõtinytenyteri.

²⁴ Jiarý tahe kia aõmydýnanamy relymahãre, Joaõ wahe, reritinyamahãre. Inatyhyimy kia tuu rare, jiarý tuu relymahãre.

²⁵ Sõwemy aõmydýnanamy tahe Jesuisi riwinyre. Inyõ ibutumy riritinykeki, iritina heka bede ritýxinykre tyyriti sõwekre-wana.

AÕHEBO ROTÿÿNYRE

¹ Juhuu adee ratyritinyreu, Teòfilo, relyyre ibutummy Jesuisi aõbo riwinyré, aõmybo bedede rierynanyrémy. ² Deuxu Tyytybytyhy bedede erydÿÿnamy taerydÿÿna woludu mahãdu rierynanyre. Tahe taerydÿÿna mahãdu-ò bedede ywina riwahinyre. Iribi tahe Jesuisi ròðsere biu-ò. Kia ibutummy juhuhu adee relyyre. ³ Iribi itxeònihikÿ-ki rurureu, taerydÿÿna woludu mahãdu-ò rexitÿnyre hãbu irudilemy. Tamyreny rexideòsinyre sòwetxu-di rulemy ratximyhÿmy. Inatyhy wa warybetyhy rare, tamyreny rarybere. Rexitÿnyre, tamyreny rierynanyre Deuxu Iòlònamy. Txuõ txeõlemy iny inatxiwaitue txummy rierynanyrehÿre. ⁴ Tiiboho-wana riroximy raremyhÿu, Jesuisi tamyreny rarybere: —Uritere Jerusalë-ribi ixitarasarenyòmy. Urile Deuxu Tyytybytyhy awo-ò kanakre xiery, Jerusalë-ribi boibenyke. Deuxu rarybere Tatytybytyhy kiditeònykremy. Tule juhuhu Jesuisi kia rarybere. ⁵ Deuxu Tyytybytyhy aworeny-ò kanalokre. Kia ratisebenaõ wesele rare, Deuxu Tyytybytyhy ratisebena. Iwese Joaõ juhuhu bero-ki iny risebenyrene wese, kia rare. Kia-txu tahe, iòhòmy roire.

⁶ Tahe, juhuhu ibutummy wirotynyrenyreu, Jesuisi deeryÿraxirenyre: —Wanyrÿ, kai aõbo wiji iny Iòlòreny bediwhahinyreke inywedureny wesemy ixyby ronykemy. ⁷ Tahe Jesuisi dirawyònyde: —Waha-ki ywisidÿÿnatxu doimyhÿde. Tiile rierymyhÿre. Kai aõkòhykre. ⁸ Tahe Deuxu Tyytybytyhy aworeny-ò kanalokre, rurunatyhy arayky-ò bitabenyke. Kia tahe warubu-ribi waixixanamy belyykre ibutummy Jerusalë hãwã mahãdu-ò, Judeia hãwã bedede mahãdu-ò, Samaria hãwã bedede mahãdu-ò, iribi tahe ibutummy bedekonana bedede iny-ò. ⁹ Tarybe rahudi tahe Jesuisi ixihyy rexidymy raòwònyre biu-txi. Iòre biuwetyky-txi. Tiiboho rarirenyre bedede-ribi idi reteherenyre. ¹⁰ Idi retehemyhÿ iòtududÿÿtyhymy. Inatxi hãbumy ity uramy aõwesele rÿimy reamyhÿre hãbu mahãduko-txi. ¹¹ Tahe tiiboho raryberenyre: —Hãbu, Kalileia bedede mahãdu, itxereõmahãbenyke. Jesuisi ka ramyramyhÿre biu-ò, Deuxu sÿ-ò. Iwese rarawesele ka ixyby kòdòðsekere.

¹² Jesuisi erydÿÿna mahãdu ratximyhÿrenyreu Oliveira òwòruraty hãwãlò-ki. Tahe dòðsedenyde Jerusalë hãwã-ò. Jerusalë rehe iribi doide sohoji urihixina rehemymy rimyòlemy. ¹³ Tahe wii rotyrenyreu rorukure ixitòedÿÿmy hetoratyawo-ki. Kahekani-di rirana rarekre tai rÿimyhÿrenyreu: Pedro, Joaõ, Txiau, Andre, Filipi, Tome, Bartolomeu, Mateu, ijõ Txiau (tii Afeu riòre rare), Simaõ Zelòte, Judasi (ijõ Txiau iwitxira, kia riòre rare). ¹⁴ Ijõ iny tule tai ronymyhÿ, Jesuisise, hãwyy ijõ ronymyhÿ, Jesuisi seriòre mahãdu tule rorukumy-

hÿrenyreu. Ibutummy rexitòenymyhÿrenyreu wiwese wiweselemy ròhòtinymyhÿrenyreu.

¹⁵ Ijõ txubiòwamy 120 inymy wii ributunyreu ixybyle. Tahe Pedro rÿire kiamy tamyreny rarybere: —Waityhydÿÿdu seriòre mahãdu, iwese Judasi aõhebo rotÿÿnyre wesemy Davi tyritinamy roimyhÿre. Kiamy wahe: —Jesuisi taòluduboho-ò ròhònyreu, Judasi tiiboho riwìòhenanyre. Iwese ka tyritina-ki roire wesele, inatyhymy ibutummy rotÿÿnyre. ¹⁷ Judasi inybohoõmy raremyhÿ. Tii nieruõ ritare Jesuisi òludu-ribi tamyreny ridyrekki. Tahe kia nieru-di subutebedeõ riwyyre. ¹⁸ Tahe idi Judasi rexibòtòtaara. Idi tahe tasubute bedero-txi taratyhihikÿle-ribi resere. Tahe iumy ruare iwona rejuxunyre. ¹⁹ Iribi ijyy heka ibutummy Jerusalë mahãdu-ò tuu ijyy rÿire. Tahe kia subutebede rininirenyre hãlubu bederomy. ²⁰ Iòlò Davi kia wese riritinyre tawiatyriti-ki:

—Ixinamy iheto rÿike, inyõ taisÿòmy.

Ijõ:

—Inywitxiraõ teròwomy tai rarekre iaòmÿsÿdÿÿna rimykremy.

²¹ Inyõ tahe teròwomy iaòmÿsÿdÿÿna rimykremy. Tule rikimynyrenyke Jesuisi ixixanamy ijyyduõ inywanahyy rybe ritÿnyrenyke. Inyõ Jesuisi sebedÿÿna-di itxereõduõ rikimynyrenyke, inyõ tuu robire Jesuisi nonanamy tule rikimynyrenyke. ²³ Tahe inatxi hãbumy ritarenyre: Jy-je (Basaba inire) Justu iniòrysina rare, ijõ hãbu tahe Matxia rare. ²⁴ Iribi tahe rexitòenyre: —Kiamy heka Deuxu deeryberenyre:

Kai Wanynyrÿreny, ibutummy inrayky teeryte, Deuxu. Bideòsinyke tibo rikitarenkyemy.

²⁵ Tii ritÿxinykre ixihyy my ratximyhÿre mahãdu. Judasi deròwomy rarekemy, Judasi dori iny-ribi ròhònyre taòrarunaòwydÿÿnamy rare aõhòkÿmy rotÿÿnykemy. Tahe rare tiobo rareò. ²⁶ Wyhy raheto lisina wesemy idi rehure. Kiamy heka riwinyre tibo ròtakemy. Matxia tahe iribi ròtare. Tii tahe ralore waòsohoji reurò erydÿÿnaky-txi.

2 Pentocostemy ninadu lisina kia txummy txuu rÿireu, ibutummy iny rorukurenyre tarynanakile.

² Aõwesele biu-ribi wodÿÿò nade yhnyhikÿwesele ibutummy heto-ò ralore tai rorukumyhÿrenyrewo-ò. ³ Heòty helÿÿresi wesemy nade. Iny sohoji sohoji tyre resere.

⁴ Ibutummy iny tykymy heka Deuxu Tyytybytyhy ralòmÿ rÿire. Ta raryberenyre iwitxira rybemy. Deuxu Tyytybytyhy tamy rybe riwahinyre wese tahe raryberenyre.

⁵ Deuxu deeryòbitimy hãbu mahãdu noduõ rasÿnymy raremyhÿ Jerusalë hãwã-ki. Judeu mahãduõ ihÿre. Ibutummy bedede hãwã hãwã-ribi nade. ⁶ Kia-ò rohol-

areu, wii ributunyre ijohonamy. Tahe rexieryõhykyre aõmybo rõhõtinyrè tahe widi bede riòtiinyre iny sohoji sohoji tarybe tarybeòlemy roholareki. ⁷ Urile bede riòtiinytyhyreny. Tahe raryberenyre deysana-di:

—Betehebeny iny, kowa rybedu Kalileia bede ludu mahādu ratxireri.

⁸ Timykibo iny ryberenymy rarybereri. Iny sohoji sohoji tarybeòle raholareri. ⁹ Kaheka inyboho bede bede ludu roire: Partia mahādu, Media mahādu, Elaõ mahādu, tule ka bede ludu mahādu: Mesopotamia, Judeia, Kapadosia, Ponto, Asia, Frigia, Panfilia, Egito, Libia Sireni-wana iõhòre, Roma hāwā luduõ tule kaki ihÿre.

¹¹ Timybo inyrybereny wixira wixira-ò iny roholarenryeri. Deuxu rybemy rarybereri ibutumy inryberenymy. Ibutumy inyboho: Judeu, Judeuerydÿyna ityhydÿÿdu, tule Kreta mahādu, Arabia mahādu, Deuxu aõmydÿÿnana wihikÿ-ò raholarenyeri. ¹² Tahe bede riòtiinyreny. Rieryõreny aõbo rare. Tahe widee rÿÿraxirenyre iny sohoji sohoji-ò aõbo raremy.

¹³ Ijõ tahe tawobinarybe rarybere:

—Tiiboho rururenryeri, itxÿtemonamy riõreri.

¹⁴ Tahe Pedro rÿÿre waõsohoji erydÿÿna-di, tahe tii rexideleny rarybekemy:

—Boholake inihe, ibutumy kaiboho, Judeia mahādu, Jerusalē sÿludu-wana —kia bierybenkemy.

¹⁵ Inyõ rarybereri itxÿtemonamy riõrerimy. Tahe inatyhymy aõkõ rare. Txuu rati rariarerile heka rudiletihy.

¹⁶ Joel juhoo Deuxu rybeduõ rare. Tii narybede wijitxumy. Tahe iwese tii rarybere wesele, wiji ratximyhÿre. Tii rarybere:

¹⁷ —Kiamy Deuxu rarybere:

—Ikonanatxuu watytybytyhyky aditeònykre ibutumy inydee. Ariòrereny, hāwyy hābu-wana, warybe rierynanykre. Weryrybò tahe matuari-wana rarasinytyhykre.

¹⁸ Ibutumy wadeòdu-ò, lerÿ, hābu, ibutuwo-ò Deuxu Tytybytyhy kanalokre. Tuu raryberenykre, ritÿnyrenykre.

¹⁹ Aõ tÿmyra ariteòsinykre biu-ki, bede-ki. Hālubu, heòty, worona-wana ròhònykre.

²⁰ Txuu heka ilybyhykÿlemy relekre. Ahādu isòhòkÿlemy relekre. Iribi tahe Inynyrÿtxu-ò rehemynykre. Kia txu awimy roikre. Inynyrÿ kòdòhònykre.

²¹ Kia bede, inyõ Inynyrÿnimy rexitòenykeki, tii jiarÿ aritakre iòraru-ribi. Kia Deuxu rybe rare.

²² Judeu mahādu, Israeli mahādu, boholabenyke warybe-ò: Deuxu sòwemy aõna aõna wixira wixira-di, bedeòby-di riwahinyre. Inatyhymy Jesuisi Nazare hāwā ludu mahāduõ riteòsinyre. Inatyhymy rare. Kaiboho heka teeryteny. ²³ Kaiboho Jesuisi temyteu, Deuxu juhoo rimykre rierymyhÿre. Rxierymy rõhõtinyre kawesemy bede roimy rarekre. Kaiboho Jesuisi terubuntyteny. Kaiboho itxeò nihikÿ-ki teta-madÿÿnyteny hābubina debòreny-di. ²⁴ Tahe Deuxu ritare rubu-ribi riixiadÿÿnyre. Wabede Deuxu ribòhònyre. Iribi Jesuisi riòlòdÿÿnyre. Rubu heto tii rimyõtyhy. ²⁵ Davi juhoo rarybere iwese Jesuisi rarybekremy:

—Wanyrÿ wawana ratxireri, brebu-di watxiòkre. Tii ri-wawiòhenanymyhÿre. Tai wawo deysana-di ritÿxiny-myhÿre.

²⁶ Wadòròtò wowydyna tamy rewahinymyhÿre.

Reeryre ibutumy rubuhetowo-ki awityhymy wāhārè, iribi dori aròhònykre.

²⁷ Kai watytyby teriòte rubuheto-ki. Jiarÿ ariòre òbitityhy rare, tai waumyde rasunyõtyhy.

²⁸ Kai tiwaeryte ibutumy umytÿmyra aõmydÿÿnana awana aratxikre, deysana-di tÿximy biwasÿnykre.

[Kia ibutumy Jesuisi rarybekremy Davi rarybere.] ²⁹ Pedro ijõ rarybemyhÿre: —Tahe kiamy heka mohõtinybenyke, Waseriòreboho. Davi heka aõ iximy aõkõ rarybereri. Tii tahe hāloowo-ò roire. Itityby heka kakile iny-wana ihÿre. ³⁰ Tahe Davi Inynyrÿ deròwumy rybeduõ raremyhÿ. Deuxu inatyhyna rybe-di Davi-ò narybede. Kia tahe: Iriòre riòreò bede dinodumy kodonykremy taiòlò ryna-ki. Kia iòlò Davi rierye.

³¹ Davi tahe Kristu ixixanamy juhoo narybede. Kristu umy dori rubu-ki rariòhyre. Iumyde rarònyòre. ³² Jesuisi Kristu, Deuxu riixixanyre. Ibutumy inyboho tuu robirenyre. ³³ Jesuisi ronymyhÿre Deuxu rurunawe-ribi. Iwese rarybere wese Deuxu Tatytybytyhy tamy diteònyde. Tii adee diwyde. Kiamy tahe wiji tabitenyteri, taholatenyteri. ³⁴ Davi raòwònyòre biu-ò. Tahe kiamy rarybere:

Deuxu rarybere Inynyrÿ-ò:

—Bodonyke katxi warurunawe-ribi.

³⁵ Aòludu awarawo-ki arisÿnykre. Aòludu-di arehukre. Kiamy tahe Deuxu Jesuisi-ò rarybere. ³⁶ Boholake judeu mahādu. Kaa inatyhy hyy rare. Itxeònihikÿ-ki Jesuisi terubuntyteny. Deuxu tahe Jesuisi ritidire ibutu-ò wedumy, ibutu-ò Kristumy, aõma, Deuxu deòdÿÿna.

³⁷ Tahe Pedro rybe-ki urile rõhõtinyreny. Tai tahe Pedro-ò ijõ erydÿÿna-ò rÿÿraxirenyre:

—Waseriòreboho, aõhebo rokotÿÿnyrenykre.

³⁸ Tahe Pedro dirawyònyde: —Bòòsebenyke aòrarureny-ribi ixiby Deuxu-ò. Idi tahe Jesuisini-di maratysbekemy aòraru ritakemy. Tai bimykre Deuxu Tytybytyhy wahidÿÿna wesemy awo-ki rarekremy. ³⁹ Kristu juhoo rarybere:

—Ibutumy heka Deuxu Tytybytyhy bimybennykre, ariòre rimykre, iny hāwā wixira ludu rimyke. Ibutumy Deuxu dee wimy tahe rimyke.

⁴⁰ Pedro relyymy raremyhÿ. Tamyreny rarybere tarasamy roikemy:

—Iny bina binahakÿ-ribi bexitabennykre.

⁴¹ Kia rityhynrè heka tahe ratisebedumy roiremyhÿ. Ralore kiatxuu 3000 iny iòhòmy Jesuisi tyhydÿÿdu mahādu-ò. ⁴² Tahe Jesuisi erydÿÿna mahādu rierynany-myhÿre, wii ributunymy roiremyhÿ, paõ ri-ororennyre wideereny: rexitòenymy roiremyhÿ.

⁴³ Iny sohoji sohoji bede riòtiinymy rabrebumy hitxiny-myhÿre. Jesuisi erydÿÿna mahādu bedeòby sòwemy riwinymyhÿre. Aõna aõna wiwihikÿmy riwinymyhÿre. ⁴⁴ Ibutumy rityhynymyhÿre mahādu, sòwemy wii riwiutyre. Ibutumy aõna aõna wimy riy-

winyre. ⁴⁵ Taaõmydýýna, tasu-wana idi rohonyre. Wimya tahe ritxuatxua. Ibutumy ityhydýýdu iaõkõ mahãdu dee riwahiriwahinyre. Inyõ aõna aõna rauhenykeki, tamy riwahinyre. ⁴⁶ Deuxu dohodýýna heto-ki txuõ txuõlemy wii ributunyre. Tahe tota hetomy paõ riyeriyrenyre. Riroxirenyre ibutumy teysarenymy wii wese rõhõtinyrenyre. ⁴⁷ Tuu reàlãrenyre Deuxumy. Ibutumy iny hãwãhãký mahãdu awimya tai raharenyre. Deuxu rimyre txuõ txuõ lemy ralore mahãdu kia ritakemy.

3 Pedro, Joaõ-wana rare Deuxu dohodýýna heto-õ rexitõenykemy, inataõ òra bedeu. ² Deuxu dohodýýna heto ijõ inyõ rininire, ijõ ruxerahaký. Txuõ txuõlemy hãbu tibina ridyhyhyymy iny tamy reamyhýre. Tamy iny ralõmyhýkeõ tamy nierumy rexitõenykemy. Tii tuu hyy uladumy reareu ihyy itibinare. ³ Pedroboho rirõnyrenyre, hãbu tibina tuureny robire. Nierumy tahe tamyreny rexitõenyre. ⁴ Pedro juhu tamy retehere idi rarybere:

—Bedeteheke wadireny.

⁵ Tai hãbu retehemya ronyre, nieruõ iribi riwykemy rõhõtinyre. ⁶ Pedro rarybere:

—Aõ ijõkõre, womati týrýrýhýký ijõkõ, pratakõ. Tahe aõbo idi watxirerile ta adee ariwahinykre. Jesusi Nazare hãwãludunimya adee ararybekremy idi mariakremy. Kia deytana adee ariwahinykre.

⁷ Pedro, hãbu debõ rimymy ritamadýýnyre. Aõwesele iruru iti-õ ralore. ⁸ Hãbu rexiwatxinyre tahe, riradýýnyre. Ihyy ralore dohodýýna heto-õ. Deuxu dee deysamy rexiwatxinyre ralore. ⁹ Ibutumy iny idi retehere rariaririmy, Deuxumy reàlãrerimy. ¹⁰ Inyõ rarybere: —Tii ijõ ruxerahaký-ki nierumy rexitõenymyhýremy, inyboho tii reeryrenyre. Tai tahe idi bede riõtiniyneri timykibo aõna aõnamy rotýýnyramy.

¹¹ Hãbu ta Pedro, Joaõboho werora-ki xiery. Idi tahe ibutumy ributunyre Salomaõ heto ijõ ahanawo-õ.

¹² Pedro kia robireu tahe, tamy rarybere: —Judeu mahãdu, wadireny itxereõmy, bedeõtidiýýõmy. Jiarýboho inyruru-di aõkõ ka hãbu retytenyrenyre, Deuxu rurudile wahe. ¹³ Abraõ, Ijai, Ijaõ kiaboho Deuxu heka hãbu ritytenyra. Tybyreny Deuxu kia heka riwinyra. Deuxu, Kristunimya riwowydnyre, rubu-ribi riixixanyraki. Kaiboho tahe Jesusi Kristu tedytenyte Pilato-õ. Pilato tii riteõnykemy ratxireriu, kaiboho tamy rarybere: —Aõkõre, tii deõdýýõmy. Ijõ biteõnyke. Tai tahe rubudýýduõ riteõnyre. ¹⁴ Jesusi òraru widýýdu aõkõ rarehyymy raremyhý, ityhydýýdu ihýre, õbiti widýýdu ihýre. Kaiboho tii tetxiõnytenyte, tewahinytenyte. ¹⁵ Umytuedeõna wahidýýdu tii rare. Kaiboho tahe terubunyte. Deuxu tahe tii riixixanyre rubu-ribi. Inyboho ierydu, iitxeredu ratximyhýrenyre.

¹⁶ Rityhynyrekile hãbu tibina reytemyhýre. Kia hãbu teertytenyte. Jesusini tyhyna kia riwinyre. Hãbu ibuturu-õ reytera, tai õbitimya raramy ratximyhýre. ¹⁷ Jiarý reeryre kaiboho teeryõte aõbo tewinytemy. Tule adinodu rierykõlemy kia riwinyre. ¹⁸ Tahe Deuxu tarybe riwahinyre ihetxiu rybedu mahãdu-õ kia wahe tii rarybere Jesusi rurukremy. Idi tahe irybe uludumy Jesusi

rurure. Iwese Deuxu rarybere wesemy heka irybe uludumy rõhõnyre. ¹⁹ Kaiboho ixi-txi õhõti reakemy Deuxu-õ biõõsekemy. Tai tahe aõraru aribi tii ritakre. Inynyrý adeereny kiditeõnyke aõwihikýmy Deuxu-ribi, biu-ribi. ²⁰ Jesusi Kristu wijityhyle kanaõkre. Aõna aõna juhu rýimya rareke rexihudi, tahe kanakre. ²¹ Tii biukile rarekre wiji. Ijõ bede týmyra wihikýkre iõhõmy rahudi tahe kanakre. Kia bededýýnanau tahe rarybere ihetxiu rybedu mahãdu. ²² Tahe Moisesi ijõmy rarybere: —Deuxu rybeduõ kedelekre asý, aijoi-ribi tii rarekre.

Iwese Deuxu riwatere wese rybeduõmy ararekremy, iwesele tii Inynyrý kiditakre. Tamy bohobabenykre irybe aõmybo kanarybekremy. ²³ Kia, Deuxu rybedu rybe-õ inyõ roholakõkre-wana, Deuxu tii kanahukre. Kia Moisesi rybe rare, Pedro rarybere. ²⁴ Deuxu rybedu sõwemy kia bededýýnanamya rarybere. Samueli juhuu rarybere. Idi sõwemy ijõ kiamy rarybere. Ihymya ta wiji kabededýýnana roimyhýre. ²⁵ Kaiboho Deuxu ihetxiu rybedu roire atximahãtenyteri Deuxu juhuu rarybere Abraõ-õ. Ariõre-ribi iny sõwemy ruaruakre. Kia ibutumy ariõre hãwã hãwã-ki rasýnykre. Kia iny-ribi inyõ rõhõnykre ibutumy iny wiõhedýýdumy rarekre.

²⁶ Deuxu tariõre Jesusi adeereny riteõnyre aõraru-ribi arahitxinykemy, arawiõhenanykemy. Kia tahe Pedro tamyreny rarybere.

4 Pedroboho tamyreny rarybereu, tamyreny rehemynyre Deuxu heto dohodýýna mahãduõ, ijõ tahe kia heto itxeredu dinoduõ, ijõ, saduseu mahãduõ. Inataõ ijoi tamy rehemynyre. ² Pedro, Joaõ-wana iny-õ relymy raremyhý: —Inyõ Jesusimya rityhynykeki, tii tule rubu-ribi riixixanykre. Jesusi dori riixixanyre. Tahe Jesusi ixixanamya tiiboho relymyhýreki, kia hãbu mahãdu riykaranyrenyre. ³ Taita rimyre, Pedro, Joaõ-wana. Rõtana-õ ridyre. Wijile tahe tamy ixidee roholaõrenyra, txiorotyhyreki. Biurasou tahe roholakremy riõlõdýýnykre. ⁴ Iny sõwemy Deuxu rybe-õ kia txuu roholare. 5000 hãbumy, ijõ iny tule. Tiiboho Pedroboho-õ roholare. Tahe sõwemy rityhynyrenyre.

⁵ Itxu biõwamya tahe Jerusalẽ-õ rehemynyre dinodu mahãdu, matuari mahãdu, judeu bede ywina erydýýna mahãdu. Kia ijoi mahãdu ibutumy rehemynyre. ⁶ Anasi tule rehemynyre. Deuxu-õ xiwena wahidýýdu mahãdu wedu tii ratximyhýre. Tule Kaifa ijõ, Joaõ ijõ, Alexýdre ijõre. Anasi sý mahãdu tule ijõre. ⁷ Tahe dinodu mahãduõ Pedroboho ritamadýýnyre ibutu kia mahãdu koõ. Tahe ritýýraxinyre: —Aõrurudibo iny teteytedýýnymahãte. Monidibo kia tewinytenyte. ⁸ Ta Pedro tykymya heka Deuxu Tytybytyhy ralore. Idi tamyreny rarybere: —Iny dinodu mahãdu, matuari mahãdu, adeereny ararybekre. ⁹ Hãbu tibina aõmydýýnanamya tiwatýýraxinyte-wana, adeereny kiamy arirawõnykre.

¹⁰ Jesusi Kristu Nazare hãwã luduni-di kia rybe ruru-di rewinyrenyre. Kia tahe bierybenyke. Kaiboho dorikýhe Jesusi itxeõ nihiký-õ teukotenyte. Deuxu tahe riixixanyre rubu-ribi. Tai tahe ka hãbu reytemy rýimyhýre.

¹¹ Jesusi manaõ wesemy ratxireriu. Kia-di rehure heto widýýduõ. Wiji tahe heto idile rýimyhýre. Kaiboho Jesusi-di tehute heto widýýdu mana-di rehure wese. Wiji

tahe Jesuisi Deuxu heto dinodu rarekre. ¹² Tamy inyõ rityhynyõkeki, òraru-ribi ritaõtyhy. Ijõni aõkõ iny rityhynyke, Jesuisi nile iny rityhynymy rÿikrele, òraru-ribi ritamy rÿirakre.

¹³ Pedro, Joaõ-wana brebuõ-di kia rybe ritÿnynyre. Tai iny bede riõtiniyrenyure, tiiboho dori tyriti erydu aõkõ roire. Urile Jesuisi-wana roiremyhÿ, kiale iny rieryrenyure. ¹⁴ Hãbumy inyboho robirenyra juhoo itibinamy. Tai tahe inyõ aõbinamy tamyreny rybedu aõkõ rare, hãbu tibina riteytenyrenyraki. ¹⁵ Tahe ibutumy iny dohodÿÿna heto wo-ribi riteõnyre. Tahe wimy rarybere: ¹⁶ —Aõhebo rokotÿÿnyrenyure kia hãbu-di. Inatyhymy tiiboho aõwiwihikÿ riwinyrenyure. Kia rikitxiõnyrenyõtyhy. Ibutumy Jerusalẽ hãwã mahãdu kia riereryre. ¹⁷ Tai kiamy rokotÿÿnyure. Tamy rakarybekre tiu Jesuisimy ixyby rybeõmykremy. Tai Jesuisimy rybe-di rikiiãwãdidÿÿnykemy. Inyõ-ò kiamy rarybeõtyhy. Kiawese raryberenyure rybe ywidÿÿdu mahãdu. ¹⁸ Idi tahe rarariõnyre Pedro Joaõ-wana tamyreny rarybere: —Jesuisi nimy rybeõmy, bibedeerynyõtyhy irybemy.

¹⁹ Tahe Pedro, Joaõ-wana tamyreny dirawyõnyde: —Aõbo awityhyre. Inyboho arybe arityhynykre aõbo ada Deuxu rybe aõbo arityhynykre. ²⁰ Aõbo jiarÿboho rabirenyrẽ, raholarenyrẽ, kialemy araryberenykre. Inyõ riwarybebinanyõtyhy. ²¹ Idi ta ixityre tamyreny raryberenyure, rybedÿÿõkemy. Tahe riteõnyrenyure. Tamy aõwidÿÿõmy rÿimyhÿ hãwã mahãdu dee ruberurenkyreki. Hãwã mahãdu dori Deuxu reàlãmhyre hãbu riteytenyraki. ²² Kia hãbu dori 40 beõra ratyremy tabeõra-di ratximyhÿre riteytenyrau.

²³ Pedrobobo rexitamy roirenyure, ityhydÿÿdu seriõre òrysymy roirenyure. Tahe tiiboho tamyreny relyyrenyure iwese dohodÿÿna heto wedu matuari mahãdu-wana tamy rarybere wesemy. ²⁴ Tahe wiwese wesele rõhõtinyreri wese, Deuxu-ò rexitõnyrenyure: —Kai, Waha, inyIòlõreny atximahãte. ²⁵ Kai, ibutuwidÿÿdu tarybete: Davi, initybyreny-di tarybete Atytybytyhy tamy ritÿnynyre, iwese tii rarybekemy. Davi eõdumy raremyhÿ. Irybe tyriti-ki roimyhÿre kiamy:

—Judeukõdu mahãdu raykarananyreri. Kia awimy aõkõ ihÿre. Waijoi aõ òbitinadibo aõkõ rõhõtinyreri.

²⁶ Dinodu mahãdu wiributunyure Deuxuòludumy rÿikremy. Tule Kristu, kia Deuxu deòdÿÿna òludumy rÿikremy.

²⁷ Arybe-ki, Waha, kia ritidÿÿna roire. Tule Waha, inatyhy rare. Ka hãwã-ki, Herodi, Poncio Pilato, Judeu mahãdu, Judeukõdu mahãdu, kia ibutumy ributunyure ariõre Jesuisi òludu rÿirakremy. ²⁸ Tiiboho riwinyure iwese kai tarybete wese, Waha, kia aõmydÿÿnanamy rÿirakremy. ²⁹ Kai, Waha, teeryte iwese tiiboho raryberemy, aõma, rybeõmykemy. Tahe eõdu biwiõhenanykre arybe-di ihãrele rarybekemy brebuõ-di.

³⁰ Biwiõhenanykre, Waha, eõdu mahãdu, webinadu mahãdu riteytenykemy. Tule aõna aõna wiwihikÿ riwinykremy, Jesuisi, Ariõreni òraru-ki kia riwinykremy.

³¹ Tahe ixitõedÿÿna rexihureu, heto ramytatamy. Deuxu Tyytybytyhy ibutumy iny tykymy ralore. Tai tahe

Deuxu rybe rarybemyhÿre. Brebumy aõkõ tiiboho relymyhÿrenyure.

³² Ityhydÿÿdu mahãdu iaõna aõna-di wii riwiõhenanyure. Inyõ rarybeõhyra: —Kaa wahõrõ sohojile rare. Ibutu aõna aõna ibutu hõrõmy rÿimy raremyhÿ. ³³ Deuxu Jesuisi erydÿÿna mahãdu riwiõhenanytyhyre irybemy relyyrenyure, kia Jesuisi rubu-ribi ixixana rybemy. Deuxu teysana tamy riwahinyre tule iny sõwemy iluurennyure. ³⁴ Tai tahe ityhydÿÿdu mahãdu aõna aõnamy rasiranyõhyra. Ityhydÿÿdu ityhymy rÿirakeki, taheto, tasubede rohonyre tahe nieru Jesuisi erydÿÿna mahãdu-ò diwyde. Idi tahe tii ritxuatxumy riwahinyre ibutu-ò timybo iny sohoji sohoji tuu rurumy rÿiramy.

³⁶ Jyje tule kiawesele riwinyure. Tasubede-ò dirohonyure, idi iõwy nieru diwyde Jesuisi erydÿÿna mahãdu-ò. Jesuisi erydÿÿna mahãdu Jyje rininire, Banabemy. Kiani inyrybe-ò riwiurõnanyure, rybe-di wiõhedÿÿdu kiani rare. Tii Levi mahãduõ rare, Xibri bedebutesÿdu tii raremyhÿ.

5 Idi tahe tule ijõ hãbu, Anania ninadu, tahãwyy Safira-wana tasubederenyõ-di rohonyrenyure. ² Iõwy tahe txuralemmy diwyde Jesuisi erydÿÿna mahãdu-ò tasubede òwyreny ibutumy risÿnyrenyureri. ³ Tahe Pedro tamy rarybere: —Aõherekibo Satanasi-ò taholamy araykywo-ki atxiteri Deuxu Tyytybytyhy-ò taruiteri. Aõherekibo iõwyjura-di atxiteri. ⁴ Juhoo asubede tahonyõteu, ahõrõ rare. Aõhe, inatyhy? Inyõ adee rarybeõre idi bohonykemy. Idi tahonyteu, tahe, nieru ahõrõ rare, aõhe inatyhy. Aõherekibo aõbinahãkÿmy tahõtinyreri. Hãbu-ò aõkõ heka taruiteri Deuxu dee. ⁵ Kia-ò Anania roholareu, rurulemy resere. Tai ibutumy iny ruberutyhyre. ⁶ Weryrybõ tahe iumy rihetynyre. Tahe ritamadÿÿnymy riwyre rihãloonykremy.

⁷ Inataõ òra bededÿÿnanamy reare tahe Safira, Anania hãwyy rehemynyure. Aõ heka rieryõhyre tahãbu rubuna rieryõhyre. ⁸ Pedro tamy rÿÿraxire: —Tiwesemybo asu teòwynyta —ahãbu rarybere wesele aõbo. Tahe tii dirawyõnyde: —Kohe, iwesele rakòwõnyre. ⁹ Ixityre Pedro rarybere: —Aõherekibo ahãbu-wana kai taruiteri. Tii teurihite aõbo riwinykeò. Beteheke, weryrybõ ahãbu loodÿÿ-ribi rehemynyureri. Tule tii aradykre rubumy. ¹⁰ Tule tii aõwesele rurulemy resere. Weryrybõ mahãdu ralore. Tai riwyre ritoonykre tahãbu biremy roikremy. ¹¹ Tai tahe ibutumy ityhydÿÿdu mahãdu ruberure. Ibutumy kia-ò roholareu, tule ruberumyhÿre.

¹² Jesuisi erydÿÿna mahãdu sõwemy wowydyna aõmydÿÿnana riwinyrenyure. Tule deytanawiwihikÿtyhy sõwemy riwinyrenyure. Ityhydÿÿdu mahãdu wii ributunymyhÿre Deuxu dohodÿÿna heto ube-ò. Salomaõ ubetyhy inire. ¹³ Kaa hãwã mahãdu dori sõwemy ruberumyhÿre Jesuisi erydÿÿna mahãdu-ò wiutadà lau. Tamy rabutuõhyre ijohonamy. Ihãrele tahe ijõ rityhynymyhÿre, ityhydÿÿdu mahãdumy ralokemy. Aõbinatyhymy heka inyõ ityhydÿÿdu mahãdu dee raryberenyõhyre. ¹⁴ Ityhydÿÿdu mahãdu rasõwerenymyhÿre. Hãbu, hãwyy tule ralòmhyre Inynyrÿtyhy-ò.

¹⁵ Webinadu mahãdu iny ridymyhÿre ryò, hãwã

hãwã-ribi. Tai Pedro nonana-ki riraõmy roimyhÿ byre-tyre-ki, herina tyre-ki. Pedro ubòrò webinadu-txi reake-my tai riteytenykemy rexinohõtinyre. ¹⁶ Ibutumy Jerusalë-ribi iòhòmy rÿira mahãdu nade webinadu-di, tule iny tyytybybina-di didyde. Tai tahe ibutumy reytere.

¹⁷ Xiwenawidÿÿdu wedu mahãdu, Jesuisi erydÿÿna mahãdu-ò rexinaanymyhÿre. Tule kiawedu eryna mahãdu riwòhenanyre. Saduseu imahãdu ni rare. ¹⁸ Tai tahe xiwe wedu mahãdu, Jesuisi erydÿÿna mahãdu rimumyrenyre idi rehurennyre hãwã ròtenawo-ki. Rummy tahe Inynyrÿ ÿjuõ riraynyre ijò, tahe ridyre ahana-ò. Tamyreny rarybere: —Boibenkye Deuxu àlana heto-ò. Bexideòsinybenkye iny sòwehekÿ-ò. Tamyreny bitÿnynybenkye timybo Jesuisi umytÿmyra inydee riwahunymyhÿre. ²¹ Iwese ÿju rarybere wese, txu ratÿnyreu, dohodÿÿna heto-ò ralomyhÿre. Tai rierynarenymyhÿre. Tahe xiwena mahãdu wedu dehemynyde, tii-wana ratximyhÿ-wana. Israeli nohòti juradÿÿdu mahãdu ributudÿÿnyre. Ibutumy judeu mahãdu, matuari mahãdu bederytyhy mahãduõ rare. Tahe soldado itxeredu-ò riteònyre ròtena-ò iòrysyrenymy. ²² Tahe roirenyre. Ròtena-ki tai rahaõre. Ròsere tamy relyre: —Ròtena-ò rehemynyra. Txiòtòbòhòkÿlemy rÿire. Tahe reraynyreu, aõho aõkõ rare. ²⁴ Dohodÿÿna wedu xiwena wedu-wana kia roholareu, tiiboho rexierenyõhyre aõbo riwinyrenykemy, aõhebo rotÿÿnyrenykemy. ²⁵ Iwesemy ròhòtinererikònalemy, inyò dehemynyde. Tai rarybere: —Ròtena-ki tetidite mahãduõ, dohodÿÿna heto-ki ratxireri. Iny kowa rito-honyreri. ²⁶ Tai tahe soldado dinodu, soldado itxeredu-wana riòryre ta didydenyde ywilemy. Tamy heka aõhe risÿnyõhyre mana hunadi tamyreny kedehukemy heka soldado ròhòtinyre. ²⁷ Tahe dehemynyde ritamadÿÿnyre inysòwe weduko-txi. Tahe wedutyhy ryberiteleny: —Jiarÿboho heka juhu adeereny rarybere uritere Jesuisi nimy bede erydÿÿrenykõmykemy. Ihãrele tahe tuu tebederynytenyta ibutumy Jerusalë hãwã iny-ò. Ibutu-ò aeryna-di tariate. Wamy tarybetenyteri jiarÿboho Jesuisi rerubunynyramy. ²⁹ Tahe Pedro tajoi-wana rarybere: —Iwese Deuxu wadeereny rarybere wese, arityhynyrenkye. Hãbuõ iwitxiramy wadeereny rarybekeki, tiu arityhynyõtyhy. ³⁰ Kaiboho inatyhymy Jesuisi terubunynyteny. Òwòru nihikÿ itxe-ò-ò tetamadÿÿnyteny. Inytyby Deuxu tahe rubu-ribi riixadÿÿnyre. ³¹ Deuxu tarurunawe-ribi debò-di biu-ò ritamadÿÿnyre ibutu iòlòmy rarekemy, ibutu tarasadumy rarekemy. Tai ibutu Israeli ijoi mahãdu-ò òraru bedewona ixãwina riwahinykemy. ³² Inyboho heka kia aõmydÿÿnamy robimyhÿreny, tai heka reerymahãreny inatyhy raremy. Inyõ Deuxu rityhykeki, tii Tatytybytyhy tamy kidiwahinyke. Tii tule kia aõmydÿÿnamy rarybemyhÿre.

³³ Xiwena wahidÿÿdu mahãdu wedu tamy roholarennyre, rakyarananyrennyre, irubudÿÿmy idi ratximyhÿ. ³⁴ Tahe fariseu mahãduõ lamamy rÿire. Ònosõna erydÿÿduõ tii ihÿre. Ibutumy iny tii rijemyhÿre rityhynymyhÿreki. Kamalie heka inire. Tahe tii rarybere:

—Jesuisi erydÿÿna mahãdu-di biòlònyke urihimyo ahana-ò. ³⁵ Idi tahe tajoi-ò rarybere: —Hãbu, Israeli mahãdu, bexiijebenyke kia hãbu-ò, aõhebo botÿÿnybenkye. ³⁶ Kaiboho dori òhòtirenny beabenkye Teudani-txi. Juhuu dori dinoduõmy tii raremyhÿ. Tii ix-iòlòdÿÿnihikÿmy iximy rarybere. Sòwemy heka iny tii-wana raremyhÿ tahe 400 hãbumy ihemy rare. Inyõ tahe rirubunnyre rityhynymyhÿre mahãdu tahe iribi raubÿtÿre. Tahe aõ heka rimumyõhyre, ibutumy iõre. ³⁷ Iwitxirau ijò-txi òhòtirenny rearennyke. Judasi inire. Tii Kalileia mahãduõ rare. Iu bede dinodu iny-di rariareu tahe, tii rexiòlòdÿÿnyre. Sòwemy iny riheludunnyre. Tii tule rurure. Taityhydÿÿdu mahãdu tule raubÿtÿre. ³⁸ Tule wahe kahãbu mahãdu rare ixinamy biteònyke. Hãbu kia aõmydÿÿnana dinodukeki, aõmy aõkõ relekre. ³⁹ Deuxu tahe idinodukeki, tiu heka idi behuõtyhy. Deuxu òludu wesemy heka kai tesumahãte. Tai tahe Kamalie rybe-ò ibutumy rityhynnyre. ⁴⁰ Didyde he Jesuisi erydÿÿna. Riheteny. Idi tamyreny rarybere: —Rybeõmyke Jesuisi nimy. Tahe ixinamy riteònyre. ⁴¹ Tiiboho iribi rexitarennyre, reysatyhymy ratximyhÿ, Jesuisini òraru-ki dorikÿhe tiiboho aõhòkÿmy rotÿÿnyrennyraki. ⁴² Txuõ txuõlemy Rybewihikÿ ritÿnynymyhÿrennyre dohodÿÿna hetomy dori, heto hetomy tiiboho rarybehymy rÿimyhÿre: —Jesuisi inatyhymy Kristu rare, Deuxu deòdÿÿnamy nade.

6 Tahe ityhydÿÿdu rasòwetyhynny rÿiramyhÿ. Iu ityhydÿÿdu wytese mahãdu-ò rÿsÿna riwahinymyhÿre, grego rybedu rexinaanymyhÿre rÿsÿna wahidÿÿdu mahãdu dee. Judeu mahãdu wytese sòwemy rÿsÿna ritamyhÿrennyre waratyrereny. Kia wesemy heka judeukõdu mahãdu rarybere. ² Jesuisi erydÿÿna waò inatxi reurò mahãdu, ibutumy ityhydÿÿdu didydenyde kia aõmydÿÿnana-ò roholakemy. Tahe rarybereny: —Deuxu rybe erydÿÿ riixiãwidinyrennykeki, wytese rÿsÿna ariwahinyrennykemy, kia heka òbiti aõkõ rare. ³ Tai tahe kaiboho hãbu mahãduõ bitabenkye ayrenny-ribi debò inatxi reurò hãbumy bitabenkye. Hãbu tyhydÿÿnale, Deuxu Tyytybytyhy-di tÿximy rÿiralemy, iny bedeeryhykÿle, kiaweselemy hãbu bitake. Tiiboho dori aõna aõna ywisidÿÿdumy roirekre, kiawesemy iaõmysÿdÿÿnarennyke. ⁴ Tai jiarÿboho arexitòenywãhãrennykemy watxiwãhãrennyre. Deuxu rybemy arierynanymahãrennyke. Kiawese Jesuisi erydÿÿna mahãdu rarybere. ⁵ Ibutumy heka tuu raryberé, tamyrenny awire. Tai tahe hãbu mahãdu ritarennyre. Estevaõ ijõre, tii Deuxu Tyytybytyhy-di tÿximy rÿira, tatyhyna-ki tÿximy rÿira. Filipi ijõre, Prokoro ijõre, Nikanu ijõre, Timaõ ijõre, Parmena ijõre, Niolau ijõre, Niolau tahe Atxiòkia mahãdu juhUU rare. Judeu bede erydÿÿna tyhydÿÿdu juhUU tii rare. ⁶ Ityhydÿÿdu mahãdu tiiboho didydenyde Jesuisi erydÿÿna mahãdu-ò. Deuxu-ò rexitòenyrennyre tahe Jesuisi erydÿÿna ityre tebò ritidirennyre.

⁷ Deuxu rybe heka ibutu ijohonanamy rÿire. Ityhydÿÿdu mahãdu-ò sòwetyhymy tamy ralòmyhÿre Jerusalë hãwã-ki. Xiwena widÿÿdu tule sòwemy Jesuisi rityhynyre.

⁸ Estevaõ heka Deuxu luuna sówemy ratximyhÿre. Sówemy Deuxu ruru-di ratximyhÿre. Deuxu urihixina nihikÿmy inyko-ò riwinymy raremyhÿ. Aõdeytenawiwi-hikÿ wesemy tule riwinyre. ⁹ Kowa hãwã-ki tahe judeu dohodÿÿna heto iwitxira rÿimyhÿre. Libertu mahãdumy rexininire taijoi. Imahãduõ Sireneu ludu rare, ijõ Alexÿdria hãwã luduõ rare. Tiiboho doidenyde Estevaõ-wana rybe ritxiõnykemy. Silisia bede luduõ-ribi, Afia bede luduõ-ribi tii-wana doidenyde. ¹⁰ Estevaõ rarybere bedeerynihikÿ-di. Kia mahãdu tahe irybe we-seõre. Estevaõ dori, Deuxu Tyytybytyhy-di ihÿre. ¹¹ Tai tahe hãbuõ-ò raryberenyre: —Kaiboho heka Estevaõ dee maruibenykre. Jiarÿboho dori araõwynyrenykre. Kawesemy maruibenykre, my: —Jiarÿboho Estevaõ rybe-ò raholamy räiwãhãrenyre. Tii Deuxumy aõbina-hakÿÿlemy rarybemyhÿre, Moisesimy tule. ¹² Kia-ki heka Estevaõ dee iny raykarananyre, judeu matuari mahãdu tule tamy raykarananyre. Ibutumy Estevaõ õrysmy roirenyre tahe rimyrenyre, ridyrenyre rybe ywisidÿÿna-ò. ¹³ Tahe ruidu mahãdu didydenyde. Tahe tiiboho raryberenyre, my: —Ka hãbu heka Deuxu dohodÿÿna hetomy ibinamy narybede. Tii rarybere Jesuisi Nazare ludu iny dohodÿÿna heto kidibõhõnykre. Jesuisi iny aõmydÿÿnana kidiwitxiranykre, ibutumy Moisesi inydeereny rierynanyre. ¹⁵ Ibutumy iny ywisidÿÿna mahãdu Estevaõ-ò retehere. Iõsana, ÿju õsÿnÿwesehekÿlemy tamy rõhõtinyrenyre.

7 Tahe xiwe wedu Estevaõ-ò rÿÿraxire: —Kia aõbohe inatyhy rare. ² Estevaõ tahe dirawýõnyde. Wanyrÿboho, Wahaboho, Ijyymy adeereny arelyykre. Warybe-ò bohobabenyke. Mesopotamia bede-ki Deuxu biu-ribi rexitÿnynyre Abraõ-ò, inytybyreny-ò, Harã hãwã-ki rasÿnyõreu. ³ Tamy Deuxu rarybere: —Abede-ribi boibenykre. Alahi riòkõre mahãduy-ribi makre. Manakre ijõ bede-ò adee dori asÿbede ariurihikre. ⁴ Iribi tahe Abraõ Kadeu mahãdu bede-ribi roirenyre Harã hãwã-ò tai rasÿnykemy. Iribi tahe tyby rurureu, Deuxu kaò didyde ka bede-ò titxibo kaiboho wiji tasÿnymahãtemy. ⁵ Abraõ-ò sÿõ riwahinyõre timy urihimyoõhÿy. Tahe idi tamy riwahinykemy, iriõre-ò riwahinykemy Deuxu tamy rarybere. Abraõ iriõreõre, ihãrele Deuxu tusÿmy tamy rarybere. ⁶ Tule Deuxu tamy rarybere: —Ariòkõre ijõ bede-ki rasÿnykre 400 beõramy. Kowa ariòkõre heka deõdu wesemy raaõmysÿdÿÿkÿre. Iwedu mahãdu heka ibinamy idi rarekre. ⁷ Jiarÿ tahe iny ariòwynykre, Deuxu rarybere, ibinamy widi rÿira mahãdu. Iribi ka bede-ò kòdòhõnykre wamy kaki reàlãmÿhÿkemy. ⁸ Idi urihixinaõ Abraõ-ò Deuxu riwahinyre, tõhõti itxi reakemy. Uladu notyresyna aõmydÿÿnana tamy riwahinyre. Idi tahe Ijai reareu, Abraõ Ijai noty riorore debò inataõ reurò txu-di. Iribi tahe Ijai tariõre Ijaò ritõtÿkyorore. Iribi tahe Ijaò tariõre notyky riorore. Tiiboho waò inatximy riõrenaduõ roire. Inatyhymy tiiboho inytybyreny rare. ⁹ Idi waõsohoji inytybyreny mahãdu Jyje dee rexiwobinanymyhÿre. Idi rohonyre Egito-ò ramyhÿre mahãdu-ò. Tahe Deuxu tii-wana raremyhÿ. ¹⁰ Iaõhõkÿmy dÿÿnana-ribi Deuxu ritamyhÿre. Egito

iòlò, Faraõmy ninadu rare. Deuxu heka Jyje luumy Faraõ risÿnyre. Faraõ rue-ò heka Jyje bedeerydÿÿna sówemy ratximyhÿre. Faraõ ibutu dinodumy Jyje risÿnyre. Tule Iòlòheto-di itxeredu tyhymy Jyje ronyre. ¹¹ Ramamy rubu nihikÿ dehemynyde ibutusu-ò, Egito-ki, Kanaã bede-ki. Sówemy iny aõhõkÿmy rotÿÿnyre. Inytybyreny rÿsÿnaõ-ki rahaõhÿyre. ¹² Egito maixõmo rÿimyhÿreò, Ijaò roholare. Tahe inytybyreny riteõnyre iõrysmy. ¹³ Idi tahe ixityre iõrysmy riteõnyre, Jyje tamyreny rexideõsinyre. Tai tahe Faraõ Jyje sÿmahãdu rieryre. ¹⁴ Tahe tyby-ò Jyje tarybe riwahinyre tamy sÿmy kanakemy ibutu imahãdurenny-wana. Tiiboho 75 inymy rimyre ibutumy. ¹⁵ Tai tahe Egito bede-ò Ijaõboho roirenyre. Iribi tahe Ijaò rurure. Idi tahe ibutumy inytybyreny rurure. ¹⁶ Tahe iumyreny diwyde ritoonyre wabede-ò, Sikenì hãwã-ò. Abraõ kia wabede juhuhu riwure nieru-di, Emo riõre-ribi. ¹⁷ Deuxusÿ-õ wahidÿÿna juhuhu rarybere Abraõ-ò. Ibededÿÿnana iõhõre Deuxu tamy riwahinykemy. Inyboho Egito-ki rasõwemyhÿrenyre. ¹⁸ Ikonanau tahe iòlò iwitxiramy rõhõnyre Egito bede iòlõmy. Tii Jyje rieryõre. ¹⁹ Tii iny ijoji riitxennanyhÿre. Tii heka ibinatyhyre inytybyreny-ò. Uladu-di heto-ribi rehukemy riteõnyre. Tai iny riõrereny ituerenyre. ²⁰ Iu tahe Moisesi reare. Tii uladu ruxeratyhyre. Tii tahetotyhykile raumynyre inataõ ahãdumy idi rÿire. Heto-ribi dòhõnydeu, Faraõ riõre rimyre itibiedÿÿmy tariõre wesemy. ²² Ibutumy Egito bedeerydÿÿnana tamy rierynanyre. Tii heka rexiòlõnyre rybedunihikÿmy aõmydÿÿna widÿÿdu nihikÿmy. ²³ Moisesi iny inatxiwa itue beõra-di rÿireu, tamahãdu, Israeli mahãdu roramy nade. ²⁴ Egito mahãduõ Israeli mahãduõ rihetenyre, Moisesi tuu robire. Tahe Moisesi tii rirubunyre, Israeli mahãduõ riwiõhenanykemy, Egito mahãduõ rexiòwynymy. Deuxu Moisesi debò-di iny ritakre. Kiamy tahe Moisesi mahãdu rierykremy Moisesi rõhõtinyre. Tahe aõkõre rieryõhÿyre. ²⁶ Ijõ txu biòwamy tahe Israeli hãbu inatximy wiwana rõrenymyhÿ. Moisesi ronyre iyreny-txi riixãwididÿÿnykemy. Rarybere: —Kaiboho seriõre toite, aõherekibo wii tehetenytenyteri. ²⁷ Kia òhòtedu Moisesi ritorunyre rarybere: —Mobo he wawedurenymy arasÿnyra, awaywisidÿÿdu renymy. ²⁸ Kai biwarubunykekõ aõbo, iwese kau Egito mahãduõ terubunyte wesemy. ²⁹ Kiarybe-ò roholareu, Moisesi rahenyre Midiã bede-ò rasÿnykemy. Idi tahe inatxi Moisesi riõremy kowa reare. ³⁰ Iny inatxiwaituemy beõra-di bededÿÿnana riwure. Tahe Sinai hãwãlò bederahy-ki raremyhÿu, ÿjuõ tamy rexitÿnynyre bede rade tòbòhòkÿy-ki tamy roomyhÿre. ³¹ Moisesi kiamy dobideu, bede riòtiinyre. Tamy itxeremy rehemynyre. Tahe Deuxu rybe-ò roholare. ³² Jiarÿ boreny Deuxu watxireri, Abraõ Deuxu, Ijai Deuxu, Ijaò Deuxu. Tahe Moisesi ruberutyhyre, timy heka tamy reteheõhÿyre. ³³ Tahe Deuxu tamy rarybere: —Awa bitake, suu awarawo ludu dori, brebuna rare. Jiarÿ heka Deuxu watxireriki, biwatyhinyke. ³⁴ Wiji tahe waijoimy rabireri Egito-ki. Tiiboho aõhõkÿmy rotÿÿnyrenyre. Ibru-ò raholareri, iohitxi-ò raholareri. Jiarÿ heka aditadenykre iribi. Manake, Egito-ò

arateònykre. Kia heka Deuxu rarybere Moisesi-ò. ³⁵ Ka Moisesi heka Israeli mahādu juhuu teramy reare. Tamy rarybere juhuu mobo wawedurenymy arasÿnyra, way-wisidÿÿdurenymy. Tiile heka Deuxu riteònyre idin-odumy rarekemy, tarasadumy rarekemy. Bederade tòbòhòkÿ ÿju, heòtywoludu, iwìohedÿÿdure. ³⁶ Tahe Moisesi Egito-ribi iny ritamyhÿre. Egito bede-ki be-deeryna aõna aõna wiwihikÿ-wana. Iwese aho-hokÿbesò-ki tule bederahy-ki iny inatxiwaitue beòramy aõmydÿÿnana wiwihikÿ riwinyre. ³⁷ Kaa Moisesi heka rarybere Israeli mahādu-ò: —Ayreny-ribi, amahā-du-ribi rybedu nihikÿmy Deuxu kikitamadÿÿnykre iwese riwamatamadÿÿnyre wese. ³⁸ Kaa Moisesi tajioi-di wii ributunyre, bederahy-ki ihÿmyhÿ inytybyreny-wana heka ratximyhÿ. ÿju-wana tii ratximyhÿ Sinai hāwālò-ki iu tamy rarybere. Deuxu rybe tyhy iru-di ratximyhÿ. Tahe rybe bede ywina heka Moisesi-ò Deuxu riwahinyre inydeereny kidiwahinykemy. ³⁹ Tahe inytybyreny ityhydÿÿ deramy rare. Reòbyòreny. Ixy-byle Egito-ò ròðsekemy ròhòtinyre. ⁴⁰ Tahe iny Araò-ò rarybere: —Ritxoo deuxuò inydeereny biwinyke inykorenymy rakemy. Moisesi, Egito-ribi iny ritarenyre, tahe titxibo ihÿre reeryrenyòre. ⁴¹ Kiatxu tahe broreni riòreò riwinyre. Tahe xiwemy ritoonyrenyre iko-ò, ritxookò-ò. Rexideysanyrenyre aõbo tebò-di riwinyrenyreki. ⁴² Tai tahe Deuxu rexitare iribi, taina rityhynykemy. Iwese rybeduò iu tyriti-ki riritinyre wese:

—Israeli mahādu, kaiboho xiwena tetoonytenynte, irò-du xiwena tetoonytenyta. Wade aõkò tahe kia tetoonytenyta 40 beòramy bederahy-ki.

⁴³ Kaiboho tewytenyta ritxooheò riòre. Mòlòki inire, aritxoo deuxuni. Tule Renifa taina ijò aritxoonire. Kia tewinytenynte, tetyhynytenynte wahe. Tai tahe arateònyrenykre Babilonia weribihikÿ-ò wahe.

⁴⁴ Inytybyreny heka Deuxu rybe bede ywina tyky heto riwinyhÿre bederahy-ki. Iwese Moisesi-ò Deuxu riteònyre wesemy kia riwinyhÿrenyre. ⁴⁵ Iribi tahe inytybyreny tatyby-ribi tyky heto ritare, tii-wana riwinyhÿre kabede-ò, Josue tadinodu-wana. Iu Deuxu iko-ribi riteònyre, ibutumy tai sÿ mahādu tii-wana riwinyhÿre, ihyy tahe Davi reare. ⁴⁶ Deuxu heka sòwemy Davi luure. Davi heka rexitònyre Ijaò Deuxu dee heto riwinykemy. ⁴⁷ Tahe tii aõkò riwinyre, Salomaò iwidÿÿdure. ⁴⁸ Deuxu biukisÿdu tahe hābu widÿÿna heto-ki rasÿnyòmyhÿre. Iwese Deuxu rybeduò rarybere wese:

—Biu tahe warynana rare, bede tahe wawa elehyna rare. Tamyby inyò wadee heto riwinyke, Inynyrÿ rarybere. Iwo-ki tahe waelehyna arihynyòkre.

⁵⁰ Deuxu rarybere:

—Ibutumy aõna aõna jiarÿ rewinyre.

⁵¹ Tahe Estevaò rakonananyre he tamyreny rybena heka ròhònyre: —Kaiboho araykytererenyre. Deuxu Tyytybytyhy rybe-ò taholaòhyymahātenynte. Iwese iny tybyreny riwinyrenyre wesemy. ⁵² Ibutumy Deuxu rybedu mahādu-ò ibinamy iny tybyreny riwinyhÿrenyre. Tiu ihetxiu Deuxu òbiti hābu kanakeò, tiiboho raryberenyre, rirubunyre irybedu. Kaiboho tahe

Deuxu òbiti hābu-di ijò-ò tewahinytenynte, terubun-tytenynte. ⁵³ Deuxu bede ywina ÿju mahāduò adeereny diwahinydenyde, kia bede ywina kaiboho tetatenynte, tahe tetyhynyòhyymahātenynte. ⁵⁴ Tahe kiamy Estevaò rarybere, tiiboho heka rebure nihikÿre. Urile txyde-ki ruruamyhÿre tamy. ⁵⁵ Estevaò tahe Deuxu Tyytybytyhy-di iwoki ratximyhÿre. Tahe biu-ò retehere: Deuxu loosònamy robire. Jesusimy robire lamamy rÿire Deuxu rurunawe-ribi. ⁵⁶ Tahe Estevaò rarybere: —Jiarÿ wa rabireri biu juxahakÿmy. Jesusimy rabireri Deuxu deòdÿÿna. Lamamy heka rare Deuxu rurunawe-ribi. ⁵⁷ Tahe ryrymyhÿre, tòhòti ritòbònymyhÿrenyre, rajier-anyre tamy. ⁵⁸ Ridyre hāwāy-ribi, mana-di tahe tamy rehummyhÿre, rirubunyenyre. Erydÿÿna ijydu tahe taderamy ririrenyre Saluko-txi tamy riyrubunykemy. ⁵⁹ Iu mana-di rehure, Estevaò rexitònyre: —Wanyrÿ, Jesuisi, watyytyby kai bimyleke awana areakremy. ⁶⁰ Tahe tatiowotimy resere, ryryre: —Wanyrÿ, kia òraruna iòwydÿÿomyke. Idi tahe rurure.

8 Salu tahe kia òbitimy raremyhÿ ròhòtinyre, Estevaò rurure. ² Iribi tahe ityhydÿÿdu mahādu aòhòkÿmy rotÿÿnymyhÿre. Judeia wedu mahādu dori, iòludumy rÿimyhÿre. Tai tahe ityhydÿÿdu sohoji sohoji Jerusalē hāwā-ribi ròhònyre. Urile Jesuisi erydÿÿna mahādu sohojile rÿire. Judeia bede hāwā mynamyna robÿtÿre, Samaria bede-ò tule. Tahe hābu ityhydÿÿduò Estevaò umy riwinyrenyre rihāloonykemy. Tahe rahinyhÿrenyre, rirajuamyhÿrenyre. ³ Salu tahe ityhydÿÿdu mahādu hudumy. Wii risÿnymyhÿre. Ihetorenywo-ò ralòmyhÿre tahe ridymyhÿre hāwyy, hābu, ròtenawo-ò riròtenykeny.

⁴ Iu tahe ityhydÿÿdu mahādu ijò bede-ò roire mahādu Deuxu rybemy relymyhÿre ibutu hāwā-ki. ⁵ Filipi ijò raremyhÿ. Tii Samaria hāwā-ò rehemynyre. Tahe Kristumy tamyreny relyy. ⁶ Iny sòwemy rityhynyrenyre aõmybo Filipi rarybemyhÿremy. Tahe deytedÿÿna wiwihikÿmy iny robimyhÿrenyre, tyytybybina deòdÿÿnamy tule robirenyre. ⁷ Tahe riteònyre, tyytybybina iny-ribi ròhònyre, rirajuamyhÿre. Tule iny webinadu raraserasemy roimyhÿre, tule inytiere-wana. Tahe ibutumy riteytenymyhÿre. ⁸ Tai tahe ka hāwā-ki deysana nihikÿ rÿire.

⁹ Samaria hāwā-ki tahe hābuò raremyhÿ. Simaò inire. Tii wodohonana widÿÿdu ihÿre. Iny riitxenanyhÿre. Tahe riòtiinyrenyre. Tii iximy rarybemyhÿre moò wiwihikÿmy raremyhÿmy. ¹⁰ Ibutumy iny tii rityhynyrenyre, hābu wedu mahādu tule, hābu aòtxile mahādu tule. Tiiboho raryberenyre: —Simaò Deuxu ruruna rare. Ruruna nihikÿ inire. ¹¹ Tiu bedeu aõkò iny riitxenanyraremyhÿ, riòtiinyrenyre. Tai tahe rityhynymyhÿrenyre. ¹² Iu tahe Filipi Jesuisi Kristunimy, Deuxu òlònamy tamy relymyhÿre. Tai tahe rityhynymyhÿre, raratysebemyhÿrenyre. ¹³ Iribi tahe Simaò itxenadÿÿdu tule Jesusimy reòbyre, raratysebenyre. Tahe Filipi-wana ihyy ròirenyre bede òtiidÿÿna-di retehemyhÿre aõbo Filipi riwinyremy.

¹⁴ Samaria hāwā mahādu tahe Deuxu rityhynyre. Kia-ò Jesuisi erydÿÿna mahādu roholare Jerusalē-ki. Tai

tahe Pedro Juaõ-wana riteònyrenyrene kowa-ò. ¹⁵ Rehemynyrenyreu, Deuxu-ò rexitònyrenyrene Deuxu Tyytybytyhy tamy kanakemy. ¹⁶ Inyõ dori Deuxu Tyytybytyhy-di rýiõmyhý. Urile Jesuisi Inynyrýni-di raratisebedýýmy rýiramyhý. ¹⁷ Tahe Pedro Juaõ-wana tebòreny ityreny ritidire. Tahe Deuxu Tyytybytyhy tamy nade. ¹⁸ Kiamy Simaõ robire, aõma, debòtidina-di Deuxu Tyytybytyhy nade. ¹⁹ Tai tahe tamy rexitònyrene: —Ka heka wanieru rare. Bidiwahinyke kia ruruna. Tahe inyõ tyre wadebò aritidikeki, tamy Deuxu Tyytybytyhy kanakemy. ²⁰ Tahe Pedro tamy dirawyònyde: —Aõkõre, anieru rakemy watzireri awanale rububede-ò. Deuxu ruruna dori anieru-di biwykemy mohòtynyke. ²¹ Kia heka aõmysýdýýnakõre wayreny-ki. Arayky, awo, òbitimy aõkõ ratximyhýre Deuxu dee. ²² Mabedewomy atx-imahãke aõraruna-ki, aõbo tahòtinyte. Bexitònyke Inynyrý-ò tii òsana aõraruna-ribi araxãwididýýnyke. ²³ Kai dori texiwaritinyamahãte. Aõraruna adi nararotinyahýde. ²⁴ Tahe Simaõ tamy rarybere: —Wadee bexitònybenyke Inynyrý-ò, kia aõkõ waki kýnyikemy, aõmybo tarybetenyteki aõbo.

²⁵ Iribi tahe, Pedro Juaõ-wana Inynyrý rybemy rarybemyhýrenyrene, relymyhýrenyrene tai. Sõwemy Samaria bede hãwã hãwã-ki Rybewihiký relymyhýre, Jerusalẽ-ò ròðserenyreu.

²⁶ Filipi Samaria hãwã-ki raremyhý. Tahe Inynyrý ýjuõ tamy rarybere: —Bexiywinyke, make ibòð-ò. Kasa hãwã ryhyký bimyyke. Jerusalẽ-ribi ryy rare, bederahy-ki rare. Tahe Filipi rare. ²⁷ Tahe inyõ-wana wibymy reare. Tii Etiopia bede luduõ rare. Etiopia bede iòlò hãwyyõ rare. Kanasi inire. Inieru-di itxeredu kahãbu rare. Tii enuku rare. Tii ròðsereri Jerusalẽ-ribi. Kowa Deuxu reàlàmy rare, tahe tasý-ò ròðsere iawarutewedile. Isaia Deuxu rybedu tyriti-di rariamy tii rononymhýre.

²⁸ Deuxu Tyytybytyhy Filipi-ò rarybere: —Make, awarutewe-ò, mariake ibire-di. ²⁹ Tahe Filipi tamy raijaranyra. Roholare tyriti-di rariareriò. Tahe Filipi rýýraxire: —Kai aõbo teeryte aõbo rare, aõdibo tariateri. ³⁰ Tahe dirawyònyde: —Aõkõre, inyõ dori wadee ritýnynyõre. Timybo arierykemy. Manaòwònyke wabire-ò bodonyke. Tahe Filipi raòwònyre. ³¹ Tii kia-di rariareri tyriti-ki:

—Iwese iny budoeni rubudýýdu-ò riwyre wese, tii iwesele ridyrenyrene. Budoeni-ribi iny isira riororeu, rirajuaõlere. Iwesetyhyle Tii rarybeõlere.

³² Iehehenamy tamy raryberenyrene wese hãbu ehehe wesena, òbitimy aõkõ idi riywinyrenyrene. Inyõ rarybeõtyhy iriòkòremy, iumy dori bede-ribi ituera.

³³ Tahe tii Filipi-ò rarybere: —Wadee manarybeke momybo rybedýýdu rarybereri, iximy aõbo ada ijõmy aõbo. ³⁴ Tahe Filipi kia Tyritidile rexidelenyrene relyyre. Jesuisimy Rybewihiký Týmyramy tamy relyyre. ³⁵ Rydi rariamyhýre idi rehemynyrenyrene beõ-ò. Tahe tii Filipi-ò rarybere: —Kowa bera rare. Biwaratisebenykekõ aõbo, adee awikeki. ³⁶ Tahe Filipi dirawyònyde: —Awire wadee. Inatyhymy arayky-ki tetyhynyte-wana, aratisebenykre. Tahe rarybere: —Retyhynyrene, inatyhymy Jesuisi Kristu Deuxu Riõre raremy. Tahe tewe irira ri-

ixãwidinykemy riteònyrene. Tahe itewe-ribi ròhònyra, bera-ò riberenyrene. Tahe riratisebenylene. ³⁷ Bera-ribi rotuoreu, Filipi aõwesele iõmy reare. Inynyrý Deuxu Tyytybytyhy ridyre. Hãbu ixiby Filipimy robiõhyyre. Tahe tary-di rariamy rare. Teysanatyhy-di týximy rare. ³⁸ Idi tahe Filipi rexieryreu, Asoto hãwã-ki rehemynyrene raremyhý. Iribi tahe Rybewihiký-di relyyre ibutumy hãwã hãwã-ki. Ikonana tahe Sesaria hãwã-ò rehemynyrene.

9 Salu rarybemy raremyhý, Inynyrý Jesuisi ityhydýýdu mahãdu rubudýýmy. Tii rarybemy raremyhý Deuxu dohodýýna heto wedu-ò. ¹ Tamy rexitònyrene: —Arybe tyriti ariwykemy watzireri Damasu hãwã dohodýýna heto wedu-ò. Tai tahe kowa-ki ityhydýýdu-ò-txi areakeki, aõtxile hãbu hãwyy aõbo, aridykemy Jerusalẽ hãwã-ò, ariròtenykeny. ² Tahe iòhòmy Salu rare Damasu hãwã iròte iòhò-di, idi tahe loosõnahaký Salu tyre resere. ³ Tahe bede-txi resere, tahe rybeõ roholare: —Salu, Salu, aõherekibo aõna aõnamy ibinamy wadee tatýýnymahãte. ⁴ Tahe tamy rarybere: —Mowexe, Wanyrý atxiteri. Tahe rirawyònyrene. —Jiarý Jesuisi watzireri, aõna aõnabina binamy wadee tadotýýnymahãte wahe. ⁵ Myike, mariamy tahe hãwãhãký-ò malokre. Taita inyõ adee rarybekre aõhebo botýýnykemy. ⁶ Tahe Salu ijoji riõryre rybeõhyrý rýimyhý. Rybe-ò roholare, tahe tuu robiõhyyre. ⁷ Salu suribi rýireu, iruetà wesele heka ratximyhý. Tahe hãbu tii-wana ihýmyhý heka iaxiò-ki idi rimymy idi rare Damasu hãwã-ò. ⁸ Tahe hãwãhãký-ki txu inatã txu idi rýire aõmy robiõhyyre, riroxiõhyyre, bemy riõõhyyre.

⁹ Damasu hãwã-ki ityhydýýdu wihiký rasýnyrene. Anania inire. Wanyrý Jesuisi tamy rarybere rasi weselemy: —Anania. Tahe rirawyònyrene: —Aõbo rare, Wanyrý, kakile watzireri. ¹⁰ Tahe Jesuisi riteònyrene rarybere: —Myike, make òbitiry-ò, Judasisý heto-ò. Tai bitýýraxinyke titxibo Salu ratxirerimy. Tarso hãwãludu tule rininire. Tii wiji wadee rexitònyrenyrene. ¹¹ Tii umy robireri tarasi-ki. Kai themynyteri wese, irue-ò ebò bitidikemy, biteytenykeny. ¹² Anania Jesuisi-ò rirawyònyra: —Wanyrý, sõwemy kia hãbumy rybe-ò raholara. Aõbina binamy ityhydýýdu-ò risýnyrene raremyhý Jerusalẽ-ki. ¹³ Deuxu dohodýýna heto wedu tyriti diwyde kaki ityhydýýdu rutysýny rirutekemy. ¹⁴ Tahe Inynyrý tamy rarybere: —Aõwaxina tamy makre, Jiarý dori, kia retara wadee aõmysýdýýdu nihikýmy rarekemy, judeukõdu mahãduko, iòlòrenyko, tule Israeli mahãduko wanimy rarybekre, aõma, warybetýmyra wihikýmy. ¹⁵ Tamy aritýnynykre tiwesebo aõhõkýmy rotýýnykre wanimy rybeòraru-ki. Kia ibutumy Jesuisi rarybere Anania-ò. ¹⁶ Idi ta Anania rare tamy Judasi heto-ki. Ralòmny rahudi, tahe, tebò ityre ritidira. Tahe rarybera: —Salu, waseriõre, Inynyrý adee riwateònyra. Tiile, Jesuisile heka ryro-ki adee rexitýnynyrene. Tiile heka riwateònyra arue ritxuakemy, tule Deuxu Tyytybytyhy atykmy ralòkemy. ¹⁷ Tahe aõwesele irue-ribi rejujura aõ yyy wesele. Tahe ixityre robira. Idi rýimy rahudi tahe, Anania riratisebenylene. ¹⁸ Idi riroximy rahudi tahe, inatyhymy raruruterenyrene. Tahe Damasu hãwã-ki ti-

wese txubo idi rÿire kia erydÿÿna mahãduy-ki.²⁰ Idi dohodÿÿna heto-ki rybe ritÿnyre. Rarybere: —Jesuisi heka Deuxu Riõrele rare. Kiawesele rybe-di ritÿnyre. ²¹ Tahe uri ijohonadu mahãdu urile bede riõtiinymy rÿimyhÿ. Tahe inyõ rarybere: —Kia aõ heka ityhydÿÿdu rubudÿÿdule ratxireri, Jerusalẽ-ki. Kiale heka kaõ nade ityhydÿÿdu ritaataamy ridykemy dohodÿÿna heto wedu-õ. ²² Salu tahe ire riixiõlõdÿÿnymy hÿhyre. Judeu Damasu hãwã ludu rieryõhyymhÿ aõmybo rarybemy. Tii rarybere: —Jesuisi Kristule rare, Deuxu deõdÿÿna rare.

²³ Tiwese txubo txu idi rÿidi tahe judeu mahãdu rarybere irubudÿÿmy. ²⁴ Tahe Salu rierymy rÿimyhÿ tahe inonana-õ rexiwinymy rÿimyhÿ. Rummy tahe, txumy hãwã ijõ-ki rirubunykemy retehemy rÿimyhÿ. ²⁵ Tahe ijõ erydÿÿna mahãdu weriri nihikÿ riwinyre. Rummy tahe Salu riõlõdÿÿnyre õtity nihikÿ kanaweribi-õ, hãwã ahanaube-õ.

²⁶ Salu Jerusalẽ-õ rehemynyreu, ityhydÿÿduky-õ ralõkemy ratxireri, tahe urile ilau ruberumy rÿimyhÿ. Erydÿÿna mahãdu rõhõtinyre: —Tii ityhydÿÿdu inatyhy aõkõ ratximyhÿremy. ²⁷ Banabe tahe rityhynymy ridyre Jesuisi erydÿÿna mahãdu-õ. Tahe relyre iwese Jesuisi Salu-õ ryki rexitÿnyre tamy raryberemy. Tule relyre iwese Jesuisinimy Salu rybe ritÿnydÿÿnymyhÿremy, Damasu hãwã-ki. ²⁸ Tahe taihy Salu ratximyhÿre. Tiõ tiõle reamy ratximyhÿre rybe ritÿnydÿÿnyrerimy ihÿre, ruberumy aõkõ. ²⁹ Salu rarybera grego rybe heka erydÿÿna mahãdu-õ. Widee rarybehyymyhÿrenyre. Idi tahe kia mahãdu Salu rubudÿÿmy roromyhÿre.

³⁰ Ityhydÿÿdu seriõre kia rieryreu, tahe Salu ridyrenyre Sesaria hãwã-õ. Iribi tahe Tarso hãwã-õ riteõnyre.

³¹ Idi tahe ywina reare ityhydÿÿdu mahãduy-ki. Ibutumy hãwã bedemy, Judeia, Kalileia, Samaria, ityhydÿÿdu mahãdu iruruteremy relere. Ibutumy Inynrÿy dee õbitina-ki rariamyhÿre, rityhynymyhÿre. Deuxu Tyytybytyhy teysatyhymy tamy riwahinyre. Sõwemy tahe ralore iheki ityhydÿÿmy.

³² Ibutumy hãwã hãwãmy Pedro rariamyhÿre. Tule robehere Lida hãwã-õ ijõ ityhydÿÿdu mahãdusÿ-õ.

³³ Tai Eniamy ninadu-txi Pedro reare heka rare. Iumy heka imyremyrehikÿ heka rare. Debõ inataõ reurõ beõramy heka herina-ki bede idi rÿire ³⁴ Pedro rarybere tamy: —Enia, Jesuisi Kristu arateytenykre. Myike, aherina biyrubunykemy. Aõwesele hãbu rÿira. ³⁵ Ibutumy Lida hãwã mahãdu Sarena hãwã mahãdu tuu robire, tai Inynrÿy rityhynyrenyre.

³⁶ Jõpe hãwã-ki hãwyy ityhydÿÿdu rasÿnyre. Tabita inire. Kiani riwiurõnyre, watxi wese heka rare. Kia heka aõwiwihikÿ widÿÿdu heka rare. Aõna aõna sõwemy iny-õ riwahinymyhÿre. ³⁷ Ijõtxu heka webinadumy resere, ihyy ta, rurure. Risuhõmy rahudi tahe, ritidire hetowo ratyaluduwo-õ. ³⁸ Laida hãwã iõhõmy rÿire, Jõpe hãwã-ribi, Ityhydÿÿdu roholare Pedro Lida hãwã-ki ratximyhÿre, tahe hãbu inatxi diteõnyde Pedro õrysmy. Uritere eleõkõmy kanakemy tii-wana.

³⁹ Pedro tahe tii-wana rare. Rehemynyrenyre, tahe ridyre hetoratya ludu wo-õ. Ibutumy wytese mahãdu

robumy rÿimyhÿre, rubuweroramy. Tahety, tatyboho ritxeredÿÿnymy tamy riwinyre. ⁴⁰ Tahe Pedro rarybere ibutumy rexitakemy. Tahe rexitõnyre taowotimy resemy. Tahe rexiõkesere rubu-õ rarybekemy: —Tabita, myike. Tahe irue raraynyre tahe Pedromy robire, tahe ronyre. ⁴¹ Pedro tebõ tamy riwainyre tahe rÿire. Tahe wytese-õ, ityhydÿÿdu-õ rryre. Tamy riteõsinyre hãwyy irulemy roirerimy ihÿremy. ⁴² Jõpe hãwã mahãdu ibutumy kia rieryre. Sõwemy iny tahe Inynrÿy rybe rityhynyre., ⁴³ Txu sõwemy Pedro Jõpe hãwã-ki ihÿmyhÿ Simaõmy ninadu heto-ki. Simaõ heka irõduty wysydÿÿdu rare.

10 Italia soldado mahãdu dinodumy raremyhÿ.

Oreniliu inire. Sesaria-ki rasÿnyre. Tii õbitimy nodu rare, isÿ mahãdu-wana. ² Tii uriwahidÿÿna diwahinyde tule sõwemy rexitõnyre Deuxu-õ. ³ Aõtxu inataõ õra bedu iõhõmy, rasina wesemy Deuxu ÿjumy tii robira, tamy rehemynyre. Tahe tamy rryre:

⁴ —Oreniliu, rimasajuare-ribi riwawõnyre:

—Aõherekibo, Wanyrÿ. Tahe ÿju rarybere Oreniliu-õ:

—Aexitõedÿÿnamy Deuxu rierymyhÿre. Tule ijõ-õ awahisina Deuxu rierymyhÿre.

⁵ Biteõnyke eõdubohõ Jõpe hãwã-õ Simaõ Pedro õrysmy. ⁶ Tii Simaõ irõdutyky iyxidÿÿdusÿ-ki ihÿre, be-
ra ijã iõhõ-ki. ⁷ ÿju rybedu rexitareu, teõdu inatxi-õ rryre. Tule tasoldado mahãduy-ribi inyõwihikÿ rihitxinyre. ⁸ Kia ibutu-õ relymy rahudi tahe riteõnyre Jõpe hãwã-õ.

⁹ Ijõtxu txutyetxuu, tiiboho hãwã-õ iõhõmy rõire. Kiaule Pedro raõwõnymy rÿimyhÿ hetotyre-õ rexitõnykemy. ¹⁰ Rama risamy ratximyhÿ tahe riroxikemy ixi-di ihÿmyhÿ. Rÿsÿna riraõmy rÿimyhÿ. Idi rasi wesemy rõhõtinyre rÿire. ¹¹ Tahe robire: biuwety ruamyhÿre wese tuu robire. Riã wesemy aõna tamy dobehede. ¹² Riã wo-ki ibutumy irõdu, nawii, hemylala, aõbo dõkõnakõnale. ¹³ Rybeõ-õ roholare: —Myike, Pedro, birubunykemy, biroxike. ¹⁴ Pedro rirawõnyra: —Aõkõre, Wanyrÿ. Kia dõkõna rerõkõhywãhãre, isuisure dori. Ixityre tamy rarybere: ¹⁵ —Aõbo Deuxu risuhore wese isuisumy rybeõmyke. ¹⁶ Ixityre narybede. Iu tahe aõwesele ridyre biu-õ.

¹⁷ Tahe Pedro kia aõbo raredi heka rõhõtinyreu, Oreniliu-ribi hãbu mahãdu rehemynyre. Simaõ heto riijemyhÿ tahe ijõhõkÿkile rahare. ¹⁸ Tahe rryrenyre: —Simaõ Pedro aõbo kakile ratxireri. ¹⁹ Pedro, tatxuu rasina-di rõhõtinyreu. Deuxu Tyytybytyhy tamy narybede: ²⁰ —Myike tahe, bobehede. Inataõ hãbu dori arajereri. Tii-wana makre adee dori aditeõnyde. ²¹ Tai Pedro robehere. Tamy rarybere: —Jiarÿ aõrysdu rare. Aõherekibo tõtentyre. ²² Tahe rirawõnyre: —Oreniliu hãbu õbiti rare. Tii Deuxu dee ijohonaduõ rare. Ibutumy judeu bede mahãdu awiremy tuu rarybemyhÿre. ÿjuõ tamy rarybere aõrysmy kiditeõnykemy, adee roholakemy. ²³ Tahe Pedro tamyreny rarybere: —Kakile inyboho rõkõrõrenykre.

Ihewoludu txu, rÿidi tahe Pedro tiiboho-wana rõirenyra. Ijõ

ityhydÿÿdu seriõre tule roirenyra. ²⁴ Ijõ hewo ludu txu Sesaria-õ rehemnyrenyrene. Oreniliu tii riraõmyhÿre. Taijoi mahãdu tabiõwawoludu mahãdu-wana ributunymy rÿimyhÿre. ²⁵ Pedro rehemynymy raloreu, Oreniliu rõhõnyra heto-ribi tahe tatiowotimy iko-txi resere riwowydnykemy. ²⁶ Tahe Pedro ritamadÿÿnyre. Rarybere: —Mynyike wahe. Jiarÿ hãbule watxireri. ²⁷ Tahe rarybemy ralõmyhÿ, sõwemy wii ributunyreriõ itxi reare. ²⁸ Ta Pedro tamyreny rarybere: —Judeu mahãdu iny witxira mahãdu-wana wibutudÿÿõmy, iõhõmy wiribi riraõmy. Kia teerytenynte. Deuxu dori riwaerynadÿÿnyre kia wese arõhõtinkyre. Iny wiwese wiwesele raremy arõhõtinkykemy. ²⁹ Tahe tai waõrysmy teteõnyteu, aõtaximy anademy wanohõti rÿire. Tai tahe adeeremy arÿÿraxikre. Aõherekibo waõrysmy aõtaxina teteõnyte. ³⁰ Ta Oreniliu rirawyõnyre: —Inaubiõwa txumy txu rÿire tahe hãbu tyky tÿÿrÿÿhÿkÿ-di wako-txi rexitÿnynyra. Iule wesemy tahe waheto-ki rexitõenywãhãre. ³¹ Tahe wadee rarybera: —Oreniliu aexitõedÿÿna-õ Deuxu roholara, ijõ-õ awahisina rieryra. ³² Biteõnyke Jõpe hãwã-õ Simaõ Pedro õrysmy. Simaõ, irõdutyky ixxidÿÿdusÿ-ki ihÿre bera ijà iõhõ-ki. ³³ Aõwesele tahe, aõrysmy reteõnyre. Awimy tahe tateriki rahara. Inyboho kakile ributunymy ihÿrenyrene, aroholakemy ibutumy Deuxu-ribi aõmybo manarybekemy. ³⁴ Tahe Pedro rarybere: —Deuxu dee iny ibutumy wiwese wiwesele rare. Kia reeryre. ³⁵ Ibutumy bede bede hãwã ludu Deuxu rityhynykeki, aõbo tamy õbiti riwinykeki, tii Deuxu ixidee rimyke. ³⁶ Kia rybe tahe Deuxu riwahinyre judeu mahãdu-õ. Rybewihikÿy-wina kia diwyde inydeeremy bederynamy. Kia Jesuisi Kristumy rarybere ibutunyrÿna kia rare. ³⁷ Joaõ ijõ ratyusebenamy rarybere, idi tahe kia rybe hãlet-edÿÿmy rexidelenyrene Kalileia-ki. Tahe ibutu judeu mahãdu bedemy rarybere. Kia kaiboho teerytenynte. ³⁸ Iwese Deuxu Tyytybytyhy, taruru-wana Jesuisi Nazare ludu tyre-ki ditxiwide wesemy relyymyhÿre. Iwese Jesuisi reamy raremyhÿ wesemy aõwihikÿ riwinymyhÿremy, tule iny Diabo rururawo-ki ratxirerimyhÿre Jesuisi iribi riteõnyre, ta reteytenymyhÿre. Deuxu dori Jesuisi-wana ihÿre. Ibutumy kia teerytenynte. ³⁹ Tahe ibutumy judeu mahãdu hãwã-ki riwinymyhÿre, idi itxeredumy inyboho roiremyhÿre. Ihãre tahe tii Jesuisi rirubunynyrene, õwõru itxeõ nihikÿ-ki ritõhãletenyry ritamadÿÿnyrenyrene. ⁴⁰ Inataõ txu-di tahe Deuxu rubu-ribi riixixanyre, tahe tii riteõsinyre inyõ-õ. ⁴¹ Tatarasanaõõle Deuxu Jesuisi ritÿnydÿÿnyre. Kia heka inyboho roire tii-wana riroxirenyreki, riõrenyreki, riixixana hewomy. ⁴² Deuxu rarybere: —Jesuisi hitxidÿÿdu iny wiribi ywisijuradÿÿdu rareke, iru mahãdu dee, rubu mahãdu dee. Kiamy heka Deuxu iny-õ ritÿnytedÿÿmy, ta inyboho rokoirekemy diwahinyde. ⁴³ Ibutumy iny Jesuisinimyhÿre tamy rityhynykeki, iõraru-ribi iny riixãwididÿÿnyke. Kia ibutumy ihetxiu rybedu mahãdu rÿimy rarybemy raremyhÿre. Kia heka Pedro tamyreny rarybere.

⁴⁴ Pedro rarybemy raremyhÿu, Deuxu Tyytybytyhy ibutu rybe-õ ijohonadu tyre-ki resemu ralore. ⁴⁵ Pe-

dro-wana rare mahãdu, judeu mahãdu õbiti, tahe riõtiinyre judeukõdu mahãdu-ki Deuxu Tyytybytyhy ralõmy rareki. ⁴⁶ Raholare dori rybe witxira-di raryberenyreõ, tiiboho Deuxumy heka reâlãmehÿre. Tahe Pedro tamyreny rarybere: ⁴⁷ —Inyõ rarybeõkre, iratysebedÿÿõmykemy, tiiboho dori Deuxu Tyytybytyhy-di ratxirenyrene inyweserenyle. ⁴⁸ Tahe Jesuisi Kristu nimy iratysebenykeny riteõnyre. Tahe rexitõenyrenyrene Pedro idi iyreny-ki ijõ txumy ramyhÿre.

11 Judeukõdu mahãdu Deuxu rybe roholamy rityhynymyhÿre. Kia-õ tahe Jesuisi erydÿÿna mahãdu roholare kiamy ityhydÿÿdu seriõre mahãdu tule roholare. Judeia bede ludu ratximyhÿ mahãdu ibutumy kia rare. ² Pedro ixityre Jerusalẽ-õ rehemnyrene, tahe judeu ityhydÿÿdu mahãdu tuu tamy narybede. ³ Kia heka, Pedro, judeukõdu mahãdu-wana wiwo-ki atxiteri, tii-wana teroxiteri. Tai tahe ibinamy raharenyrene. ⁴ Iribi tahe Pedro ikoreny relyre ibutumy taaõna aõnamy. Kia wesemy Pedro rarybere: ⁵ —Jõpe hãwã-ki watxiwãhã. Tahe rabire rasinawesemy riã nihikÿ biu-ribi robehere-õ. Iwese inyõ iõhõti inaubiõwa-ki rimymyhÿre wesemy wadee robeheremy roimyhÿre. ⁶ Tahe aõbo heka iwo-ki ratximyhÿdi, retehenihikÿmy rãiwãhã irõdu deborehekÿ wesemy ratximyhÿ iwo-ki. Abõrõrõ wesemy tai ratximyhÿ, irõdu wese, nawii wese tai ratximyhÿ, inyboho rirÿsÿõmyhÿre wesemy. ⁷ Iribi raholare rybeõ-õ: —Myike, Pedro, birubunyke hewa aõtxile birubunyke tibo birõkemy. Aõkõrewa Wanyrÿ, tiu heka rerõwãhãre. Judeu mahãdu bede ywina heka tiu iny kia rirõõtyhy. ⁸ Tahe ixityre rybeõ tamy rarybere: —Marybeõke kia ibinamy. Aõbo Deuxu awimy rarybere, kia wiji tahe ibinamy aõkõ rare. Deuxu dee awikeki, kia awi rare. ¹⁰ Inataõ heka tuu rotÿÿnyrene. Iribi tahe kia riã, ibutu-wana iõre biuribihyy heka iõre. ¹¹ Iribi tahe hãbu inataõ dehemynymy deade tai watxiwãhã-õ. Tii diwaõdryde riwadykremy Sesaria hãwã-õ. ¹² Tahe Deuxu Tyytybytyhy wadee rarybere tii-wana arakremy. Nohõtõmy heka aõbo judeukõdu mahãdu raremy. Tii-wana makre ele elemy. Tahe kia debõ sohoji reurõ seriõremy wahemy rare. Tahe retehemynyrenyrene waõrysmy riteõnyrenyrene heto-õ tahe ralõrenyrene Oreniliu heto-õ. ¹³ Iribi tahe Oreniliu rarybere iwese ÿju ihetowo-ki tamy rexitÿnyrenyrene rarybereri: —Oreniliu, inyõ biteõnyke Simaõ Pedro õrÿsmy Jõpe hãwã-ki. ¹⁴ Tii rybe tÿmyraõmy adeeremy kanarybekre. Tai tahe ibutumy asÿ ijoi-wana aõraru-ribi kanatakre. Kia Oreniliu inydee rarybere. ¹⁵ Iribi tahe jiarÿ Rybewihikÿmy rexidelenymy rarybere tamy. Pedro rarybere. Urile tahe roholare, tahe aõwesele Deuxu Tyytybytyhy ityrenyrene resere iwo-õ ralõkemy iwese watyrenyrene resere wesele juhuy. ¹⁶ Tahe Jesuisi rybe wanohõti itxi reare tiubo raryberemy: —Joaõ heka inatyhymy bedi iny ratisebenyrene, kaiboho tahe Deuxu Tyytybytyhy-di akanasebedÿÿdenyrene. ¹⁷ Judeukõdu mahãdu Inynyrÿ Jesuisi Kristu rityhynymyhÿre. Tai Deuxu tamy diwahinyde iwese wadeeremy juhu riwahinyrene wesetyhyle. Deuxu Tyytybytyhy uriõno wesele tamyreny diwahinyde. Mobo

jiarý raremy wahe tuu Deuxu dee aõmy ararybekemy. ¹⁸ Iribi Pedro rybe-ò roholareu tahe timyhe tamy iry-bekõna. Tule Deuxu riwowydnyrenyre: —Inatyhy wa rare Deuxu heka judeukõdu mahãdu-ò heka umyuedeõna riwahinyre. Inyõ rityhynykeki, ixirahíkeki, tarasana rimyrenyke.

¹⁹ Iu tahe Estevaõ rurureu, ityhydýýdu aõhõkýmy rotýýnyre tahe, ityhydýýdu mahãdu Jerusalẽ-ribi rõhõnyre. Tii heka relymyhýre Rybewihikýmy judeu mahãduõle kýny wahe, iwitxira witxira-ò aõkõre. Tahe ibutu bede-ò ritelenymy rõrenyre. Senisia-ki relyyre. Xibri bedebute-ki tule relyyre, Atxiõkia hãwã-ki tule relyyre. ²⁰ Ijõ ityhydýýdu mahãdu Jesuisi Rybewihiký týmyra rarybere. Tiiboho Xibri bedebute-ribi rõhõnyre, Sireni-ribi ijõ rybedu rõhõnyre Atxiõkia-ò. Tiiboho relyyre judeukõdu mahãdu-ò tule. ²¹ Deuxu ri-wiðhenanyre sõwemy iny rityhynyre, Jesuisi ryð ralõrenyre. ²² Jerusalẽ ityhydýýdu mahãdu kiamy roholare. Tai tahe Banabe riteõnyrenyre Atxiõkia-ò. ²³ Banabe rehemynyre tahe, tuu robire aõbo Deuxu kowa riwinyrerimy. Tai tahe reysare. Tahe ityhydýýdu týmyra-ò dohodýýmy, riwiðhenanykremy: —Iòhõtymy Deuxu-ribi atximahãbenyke, aworibityhy Deuxu bityhynybenyke. ²⁴ Banabe heka hãbu wihiký rare. Týxihikýlemy Deuxu Tyytybytyhy-di ratximyhýre. Ibutumy ratximyhýre tyhydýýna-di. Sõwemy iny rexirõtenyre Inynyrý mahãdu-ò. ²⁵ Idi tahe Banabe rare Tarso hãwã-ò Salu ijesemy. ²⁶ Tai rahareu tahe, didymyhe dòðemy nade Atxiõkia-ò. Sohoji beðramy idi bede rierenyre. Sõwemy iny ribedeerynymyhýrenyre. Atxiõkia hãwã-ki ityhydýýdu mahãdumy raninira Kristu wese mahãdumy. Kiani tamyreny riwahinyre.

²⁷ Aõtxu tahe dehemynyde Deuxu rybedu mahãduõ Jerusalẽ-ribi Atxiõkia-ò. ²⁸ Ijõ Abusi inire. Iribi tahe tii rarybere Deuxu Tyytybytyhy rybemy. Ramamy rubu nihiký kanakremy raxireri, ibutu suð. Laujuu iòlõmy raremyhýu, kiamy rotýýmyhýre. ²⁹ Tai tahe ityhydýýdu mahãdu he nieru riwahinykremy rýire Judeia bede sýdu ityhydýýdu riwiðhenanykremy. Tahe nieru riwahinyre tiwesebo idi ratximyhýre wesemy tamy riwahinyre. ³⁰ Tahe nieru riteõnyre, moma-wana Banabe Salu-wana Jerusalẽ dohodýýna heto matuari mahãdu-ò riwyre.

12 Kia bededýýnanamy heka Herodi judeu iòlõmy raremyhý. Iribi tahe rexidelenymy riwinyre heka ityhydýýdu mahãdu kia òludumy risýnykre myhý. Tii riteõnyre aõna aõnamy risýnykemy ityhydýýdu mahãdu-ò. ² Tii mayrehe-di rubudýýmy riteõnyre Joaõ ser-iõre wahe, Txiau wahe. ³ Tai tahe judeu wedu mahãdu heka tamy wihikýlemy tuu rotýýnyre. Herodi rierymy raremyhý idi Pedro rimyre. Tahe worana bedehesi rýire. Paõ taurina ihoõ inire. Kia ibutumy rotýýnyre kia bedehesi rýireu. ⁴ Tahe Pedro rirõtenyre, rõtenawomy wirutyre. Aõmamy soldado mahãdu inaubiõwamy iitxeredumy rýimyhýre. Pascoa kia worana bedehesi konana txu rexihumy rýireu tahe, judeu mahãdu-ò riwahinykre. Kia Herodi rexinohõtídyýnyre. ⁵ Rõtenawo-ki tahe Pedro ratximyhýre. Ityhydýýdu mahãdu

tahe Deuxu-ò rexitõenyhyymyhýre Pedro tõenamy. ⁶ Txubiõwamy tahe itxu riwinyrenyre iny sõweheký-ò Pedro riwahinykemy. Kiamy Herodi rõhõtinyre. Ruu tahe Pedro rõrõmy roimyhý. Inatxi soldado heka idile ratximyhýre. Pedro womati reroti inatxi-di ratisamy roimyhýre. Ijõ soldado rotena ijõ-ki ratximyhýre. ⁷ Inynyrý ýju heka Pedro weribi rihetenyre riixixanykemy. Loosõna itýnyhýkýlemy rõtena ritoosõnyre. Tamy rarybere: —Wylemy wa rexiukýnyke. Tahe aõwesele Pedro axiõ-ribi womati rerotihiký rejuxunyre. ⁸ Tahe ýju tamy rarybere: —Awamy birutyke, bexitynyke. Kiamy riwinyra. Ijõ arahana birutyke tahe biwaheludunyre. ⁹ Iribi rõhõnyra he tai rõrõri-ribi wahe. Kia ibutumy heka rasi weselemy Pedro rõhõtinyre rieryõre inatyhy aõbo ada rasi aõbo. ¹⁰ Juhu heka ikoludu soldado mahãdumy reare idi ihewoludumy reare iribi rehemynymy rýire ahana ijõtyhy-ò. Womatilere heka ijõtõbõnare. Ixiwanale heka rarayre ijõtõbõna. Iribi tahe roirenyre hãwãry-di ririranyrenyre. Idi tahe ýjuhe iõre iribi. ¹¹ Tahe Pedro rõhõtinyre, rieryre heka aõhebo rotýýnyraõ. Wanyrý ýju riteõnyre riwatara Herodi-ribi judeu mahãdu-ribi. Katahe wadee aõhe rotýýnyrenyõtyhy. ¹² Rõhõtinyry rýire juhoo urihimyoõ idi tahe rare Marie heto-ò. Joaõ Markuse heka tii rare. Tai ityhydýýdu mahãdu rýimyhý tahe rexitõenyriõ Pedro tamy rehemynyre. ¹³ Tahe ijõ he rihetenyre. Ijõtãbõna-ò nade mobo raremy rierykemy ijadõma deõdu. Rode inire. ¹⁴ Tahe Pedro rybe rieryra. Reysamy raijaranyre iwo-ò. Pedro tahe ralõõlemy rýire. Tahe relyyre Pedro heto ijõ-ki rýimyhýmy. ¹⁵ Tiiboho raryberenyre: —Kai tabinamy atxiteri. Ixityre rarybere: —Aõkõre tii taile naderi. Tahe raryberenyre: —Pedro aõkõ rare, taýjulemy tahe rare. ¹⁶ Tahe Pedro riheterihetenymy rýimyhýre. Idi riraynyrenyre. Pedromy robirenrau, bede riõtiinyrenyre. ¹⁷ Pedro tahe tamyreny tebõ reara roholarenkemy. Tahe tamyreny relyyre timybo Inynyrý rõtena-ribi rexiòlòdýýnyramy. Tule tamy riteõnyre: —Kiamy belyyke Txiau-ò tule inyser-iõre-ò. Tahe rexitare, rare ijõsý-ò.

¹⁸ Txuu ratýnyre, soldado mahãdu ierysmy wii risýnyre timybo Pedro aõhebo rotýýnyramy. Tahe jei jei aõnire. ¹⁹ Herodi ijesemy riteõnyre tai moõ tai rahaõhylera. Tai soldado itxeredu sohoji sohoji dýýraximy riteõnyra. Idi irubudýýmy riteõnyra. Iribi tahe Herodi Judeia bede-ribi rõhõnyra. Sesaria hãwã-ò bededýýnanaõ riwya.

²⁰ Tiro hãwã mahãdu Sidoma beà hãwã mahãdu-wana Herodi derarenyre. Tahe tiiboho ributunynyre tamy rõrenykemy rybe-di. Iòlò heto-di itxeredu Blastu inire. Tahe iny mahãdu Blastu rõtarenyre iwe-ribi mahãdureny. Tahe rõrenyre Herodi-ò tamy rexitõenyrenyre, tamy ykaraõmykemy. Tarýsýna dori diwyde iòlò bede-ribi, Herodi bede-ribi. ²¹ Herodi tahe itxu riwinyre. Kia txuu tahe rõhõnyre tamy. Rexitynyre taiòlõtýrehe-di tahe tarynana tyre-ò ronyre, tamy Rybewihikýmy rarybere. Tai tahe iny rirajuare: —Katahe hãbu aõkõ rarybereri, Deuxu wahe. ²² Aõwe-

sele Deuxu ÿju heka Herodi rirubunyre, tii Deuxuty-hymy reàlàõreki. Woudò rubudÿÿnamy rurure.

²⁴ Deuxu rybe tahe ibutumy roholare. Sõwemy iny tahe rityhynyre.

²⁵ Banabe Salu-wana nieru riwahinymy rahudi tahe, diòõsede Jerusalë-ribi Atxiòkia-ò. Joaõ Marku tii-wana ridyre.

13 Atxiòkia dohodÿÿna heto mahãdu-ki rybe tÿny-dÿÿdu mahãduõ, bede erydÿÿdu mahãduõ rÿimyhÿre. Kaheka inireny rare: Banabe, Simaõ, iniraròsõna Nike rare. Lusiu ijõre, tii Sireni hãwã ludu rare. Manaï ijõre, tii Herodisÿ-ki ratibienyre, Salu ijõre. ² Ibutumy tahe Inynyrÿmy reàlàre, riroxiõhyy heka bede riemyhÿ. Tahe Deuxu Tyytybytyhy tamyreny rarybere: —Jiarÿ waaõmysÿdÿÿna dire Banabe-ò, Salu-ò. Kaiboho heka biteõnybenykre kia riwinykremy. ³ Tahe roxiõhyy my bede riemy, rexitõnyrenyre. Tebõreny iratytyre ritidirenymy, idi riteõnyrenyre tabede tÿina-ò.

⁴ Deuxu Tyytybytyhy tahe tiiboho riteõnyrenyre. Selusia hãwã-ò tamy riberenyrenyre. Tahe hãwõõ rimyrenyre Xibri bedebute-ò. ⁵ Tahe rehemynyrenyre Salamina hãwã-ò. Tai judeu dohodÿÿna heto-ki Deuxu rybemy raryberenyre. Tule Juaõ Marku rare tii-wana wiõhedÿÿdu wese heka rare. ⁶ Tahe ibutumy bedebute-my rekoarenyre. Ritehemynyrenyre hãwã-ò Pafumy ninadu-ò. Tai tahe judeu mahãdu witxi deade, Bajesusi heka inire. ⁷ Tii Deuxu rybeduõmy raremyhÿmy iximy rarybere tahe aõkõre, raruire, riitxenanyre. Tii bedebute hãwã dinodu-wana rare. Kadinoduni tahe Sergio-Paulo inire. Tii hãbu bedeery nihikÿ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy. ⁸ Bajesusi, Elimasi ijõ ini rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakõmykemy. Wanyrÿ tyhydÿÿkõmykemy dori tuu risÿnyre. ⁹ Salu tahe, Paulo ijõ ini rare. Deuxu Tyytybytyhy heka itykymy ralõmy rÿimyhÿre. Tahe Paulo retehere Elimasi-ò tamy rarybere: ¹⁰ —Kai Satanasi riõre tate. Kai heka ibutu itxenadÿÿ-di tÿxihikÿlemy ahãte. Kai heka awihikÿ òludu tate. Tiubo heka bexihukre Inynyrÿ-ribi iny riixãwididÿÿnyre. ¹¹ Deuxu heka wiji araõwynykre, aõhõkÿmy arasÿnykre, aruetãmy bonykre. Txu bobiõkre bede biwyke. Iule tahe aõwesele bede torohokÿlemy reare. Robiõhyy my reare. Urile riemy ratximyhÿre, iny riwiõhenanykemy, rry tamy ritÿnynykemy. ¹² Tahe kia bedebute dinodu tuu robire aõhebo rotÿÿnyramy, tai bede riõtiinymy rononymhÿ tahe tii Inynyrÿ rityhynyre.

¹³ Iribi tahe Paulo røhõnyra tajoi-wana Pafu hãwã-ribi. Rakremy riberenyra hãwã nihikÿ-ki Panfilia bede-ò, Peke hãwã-ò. Juaõ Marku iribireny rexitara, dòõsede Jerusalë-ò. ¹⁴ Tahe Paulo Banabe-wana roirenyre. Peke-ribi riòlõnyre tahe rekoarenyre Atxiòkia-ò. Kaa iwitxira Atxiòkia hãwã rare, Pisidia bede-ki ratxireri. Tahe rirõnyrenyre judeu mahãdu dohodÿÿna heto-ò. Sabado txu rÿire. Rononymhÿre ijohonamy.

¹⁵ Kia hãbu mahãdu heka Moisesi bede ywina tyriti-di, Deuxu rybemy rybedu mahãdu tyriti-di rariamyhÿre. Tahe dohodÿÿna heto wedu Pauloboho-ò rary-

berenykemy rarybere: —Waseriõre, arybemy idi atxiteri-wana marybeke aõwaxiny bitÿnyke. ¹⁶ Tahe Paulo rÿire lamamy. Iwese rybedÿÿmy røteõsidÿÿmyhÿre wese rÿire. Tahe rexidelenyre: —Hãbu, Israeli mahãdu, tule ibutumy Deuxu rityhynymy rÿira mahãdu, bodoholabedenyke kaa ijyy-ò. ¹⁷ Israeli mahãdu Egipto-ki rasÿnyreu, taDeuxu iribi ritare, moma, inytybyreny Deuxu, Israeli mahãdu tybyreny wahe. Deuxu rasõwedÿÿnyre. Iribi tahe Deuxu Egipto-ribi ritarenyre tebò ruruteretyhy-di. ¹⁸ Tiiboho bederahy-ki 40 beõramy bede riereu, Deuxu taaõbina bina riòludunyre. ¹⁹ Kanaã bede-ki debò inatxi reurõmy ixÿju ixÿju mahãdumy rahure. Idi tamyreny riwahinyre bede, isÿhyy my rarekemy. Idi tahe rybe ywisidÿÿdu mahãdu tamy riwahinyre. 450 beõra rahureu, tahe Samueli Deuxu rybeduõmy raremyhÿ. ²⁰ Idi tahe rybe ywisidÿÿdu mahãdu tamy riwahinyre. Tahe 450 beõra rahureu, Samueli Deuxu rybeduõmy raremyhÿ. ²¹ Iribi iny Deuxu-ò rexitõnyre iòlõmy tamy kadiwahinykemy. Tahe Deuxu Salu tamy riwahinyre, iòlõmy. Salu tahe Kixi riõre rare. Benjami mahãdu rare. Tahe 40 beõramy iòlõmy ronyre. ²² Salu iribi ritareu, tahe Davi, Deuxu ritamadÿÿnyre iòlõmy. Deuxu Davimy rarybere: —Davi Ijese riõre rare. Jiarÿ iluure. Tii ibutu wadee wimy riwinykre. ²³ Tahe Davi riòkõre-ribi Jesuisi røhõnyre, Israeli tarasadumy rarekemy. Iwese juhoo Deuxu rarybere wese. ²⁴ Jesuisi naõdeu, Juaõ ritÿnynyre Israeli mahãdu-ò iòrarureny ririkemy idi raratisebenykemy. ²⁵ Juaõ rybe tÿnydÿÿna kõnanau, tamyreny rarebere: —Jiarÿ wa iwese tahõtinytenyteri wese aõkõ jiarÿ rare. Kaiboho tiwaraõðhymahãtenyete. Betehebenyke, tii, wahewomy kanakre. Jiarÿ aõ aõkõ rare, iwatisana arieseõtyhy iwa ritakemy, tii dori waratyre wihikÿreki. ²⁶ Waseriõreboho, Abraõ riõre riõremy ibutumy inyboho roire, tule Deuxu reàlàmy rÿira mahãdu kaki ratximyhÿ. Deuxu inydeereny biu-ò hedu rybe diwahinyde. ²⁷ Jerusalë mahãdu, iwedureny-wana raeryõhyyre tii tarasadu rare. Ibutumy sabado txu rybedu tyriti-di rariamyhÿre tohodÿÿna heto-ki, tahe aõbo rare rieryõhyyre. Jesuisi rubudÿÿmy raryberenyreu, iwese rybeduõ rarybere wese, tiiboho rotÿÿnymyhÿre. ²⁸ Tiiboho aõbina bina-ki tai rahaõhyyra, ihãrele irubudÿÿmy rexitõnyre Pilato-ò. ²⁹ Iwese ibutumy Jesuisimy riritinymy roireri wese, ibutumy tuu røhõnyre. Tahe itxeò nihikÿ tyre-ribi ritarenyre. Tahe mana hãloo rawo-ò ritidirenyre. ³⁰ Tahe Deuxu rubu-ribi riixiadÿÿnyre. ³¹ Tii-wana iny mahãduõ roirenyre juhoo Kalileia-ribi Jerusalë-ò. Rexixamy rahudi tahe, tii mahãdule tuu robihyy my txuu widireny rÿire. Kia mahãdule insõwey-ki relyymyhÿre. ³² Deuxu juhoo rarybere inytybyreny-ò aõhebo rotÿÿnykremy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relymahãrenyre. Iwese inatxi wiuna ritidÿÿna-ki roire wese:

—Kai waRiõre tate. Wiji tahe bomy watxiwãhãre.

³⁴ Kiamy heka Deuxu rarybere Jesuisimy: —Rubu-ribi ariixixanykemy, tiu rasunymyhÿre bede-ò røõseõtyhy. Iwese Davi-ò jiarÿ rarybere wesemy ibutumy adee be-

de ariywinykre. ³⁵ Deuxu ijõ wiuna Ritidÿÿna-ki tule rarybere. Iwese Jesusile rarybere wese, kiamy roire: —Eòdutyhy umy rasÿnyòtyhy kai dori waumysudÿÿ-ò teijemahâte.

³⁶ Iu Davi Deuxu dee taijoi riwiòhenanymy rahudi tahe, rurure. Tybyreny-ò tii rara. Iumy tahe rasunyre. ³⁷ Jesuisi umy tahe rasunyõre Deuxu dori rubu-ribi riixix-adÿÿnyreki. ³⁸ Jesuisi bityhynybenykeki, aòraru riixawidinyke. Kiamy Moisesi bede ywina ihoòhyyre adeereny. Kia bierybenyke waseriòreboho, tiile, Jesuisi, adeereny relywãhãrenyre. ⁴⁰ Bexiijebenyke, kiamy adeereny rotÿÿnyke lau iwese rybedu ritina-ki roire wese:

⁴¹ —Kaiboho inatyhy derare. Betehebenyke, bu-rubenyke, bede biòtiinybenyke, aòbo jiarÿ rewinyrerio. Inyò adeereny ritÿnynyke ihãrele. Tiu heka bityhynybenyòtyhy.

⁴² Tahe Paulo irybe rexihura. Iribi ròhònnyre Banabe-wana. Rexitòenyrenyre ijõ sabado biòwau tarybe tybydile ixybyle relykemy. ⁴³ Iny ritobinymy rahudi, judeu mahãduò, judeu bede erydÿÿna ityhydÿÿdu mahãduò tule Banabe Paulo-wana riheludunyre. Tahe tamyreny raryberenyre: —Deuxu ruxetòena-ki idi mariahyymhÿkemy.

⁴⁴ Ijõ sabado rehemyre, ibutu iny hãwã-ribi doimyhÿdenyde Deuxu rybe-ò ijohonamy. ⁴⁵ Judeu mahãdu tahe inysòwemy robireu, tiiboho rexiwar-itinymyhÿrenyre. Tiiboho raryberenyre aòbinahãkÿlemy Deuxuru-ò. Paulo riki inatyhymy aòkõ tii rarybemyhÿre. ⁴⁶ Paulo Banabe-wana ihãrele brebuòlemy raryberenyre: —Juhuu adeereny Deuxu rybe dobehede. Tahe kaiboho tetyhynyòtenyde, tai judeukõdu mahãdu-ò aroirenykre. Kaiboho Deuxu rybe terarenyreki, ixi sohojile tahe tetaòte adeereny aò aòkõreki. ⁴⁷ Kia Inynyrÿ bede ywina wadeereny riwahinyre: —Kai loosòna wesemy atxikre judeukõdu mahãdu-ò. Kai tarasany ritÿnynykre ibutu inyko-ò. ⁴⁸ Judeukõdu mahãdu kia-ò roholareu, tahe reysarenyre. Deuxu rybe riwowydynyrenyre tai. Tahe rityhynyre, timybo Deuxu juhuru ritare wesele tamyreny umytedeòna riwahinyre.

⁴⁹ Inynyrÿ rybemy kia bede-ki ibutumy relyyre. ⁵⁰ Tahe judeu mahãdu rarybere hãwywihikÿ ityhy-ò, tule hãwã wedu-ò. Tai tahe Paulo Banabe-ò òludu sòwemy resere. Tahe isubede-ribi riteònyrenyre. ⁵¹ Paulo Banabe-wana tawa-ribi bryby riòhòwrenyre tamyreny tiiboho ibinareki. Tahe Ionio hãwã-ò roirenyre. ⁵² Atxiòkia ityhydÿÿdu mahãdu tahe reysamy rÿimyhÿre. Deuxu Tyytybytyhy-di tÿximy ihÿre.

14 Ionio hãwã-ò Paulo Banabe-wana rare. Judeu mahãdu dohodÿÿna heto-ò. Tahe rybe ritÿnyrenyre, tarurumy he relyrenyre. Sòwemy judeu mahãdu, judeukõdu mahãdu-wana rityhynyrenyre ijyy. ² Tahe ijõ judeu mahãduò rityhynyõre. Ijyy deramy reamyhÿre, tule ijõ-ò tule rarybere ityhynyòkemy. Tahe Paulomy, Banabemy aò òta òtalemy rarybemyhÿrenyre. ³ Ihãrele tahe Paulo Banabe-wana bede nihikÿ riwyrenyre tai. Tamy rybe ritÿnyhy roiremyhÿ ibrebuòlemy. Inynyrÿ taruxetòena rybetyhydÿÿnamy

riwiòhenanyre tiiboho bedeòbina widÿÿdu renyreki. ⁴ Hãwã mahãdu ritxware. Ijõ heka judeu wedu mahãdu rityhynymyhÿre, ijõ tahe Paulo Banabeboho rityhynymyhÿre. ⁵ Judeukõdu mahãdu, judeu mahãdu, taweduren-y-wana widee rarybere Paulo Banabe-wana riòkòròrenykemy tamy mana-di rehurenkemy. ⁶ Tahe tiiboho rexieryrenyre tahe rihenyrenyre. Tahe ròirenyre Listra hãwã-ò, Debi hãwã-ò, kia Laonia hãwã hãwã-ò rare. Tule rariarenyre kowa bedewo-ki. ⁷ Tahe kowa tiemy ritÿnyhy roiremyhÿ Rybe tÿmyra wihikÿ-di.

⁸ Listra hãwã-ki heka hãbuò-txi rekoarenyre, itierere heka. Taihy heka ronymyhÿre. Tuuhyy heka rato-houãmy ijarananyre. ⁹ Tii tahe Paulo rybe-ò roholare. Paulo tamy retehere. Kia tahe Paulo riere hãbu teytetyhynadre Paulo riteytenykemy. ¹⁰ Tai tahe tamy rarybere tarybe riterenymy: —Mynyke, òbitimy. Ta hãbu rexiwatxinyre, rariare. ¹¹ Ijohona mahãdumy robireu, aòbo Paulo riwinyre tahe rirajuare tarybe-di, Laonia rybe-di: —Ka hãbu mahãdu heka deuxu wesemy idi rexinohòtidÿÿnymyhÿre. Inydeereny deuxu wesemy dobehede. Iumyreny tahe hãbu wesemy rare. ¹² Banabe heka, Jupitemy tadeuxurenyniòmy rininire. Paulo tahe ijònimy, Meuriumy rininirenyre irybe sòwetyhyreki, tii rybedureki. ¹³ Jupite xiwena wydydu horeru bederade-di dehemynde. Tohodÿÿna heto hãwã ahana ube-ki rÿire. Broreni xiwe wesena tamyreny hãwã mahãdu riwonykemy, riwahinykemy. ¹⁴ Kiamy roholareu, Paulo Banabe-wana tatykyreny riykaranyre idi rihurenyre. Tahe ralòmy reare inysòwey-txi rarybekemy. ¹⁵ Tamy ryryre: —Aòhebo tatÿÿnytenyteri. Jiarÿboho hãbulemy watxirenryeri. Kialemy adeereny rarybewãhãre, Deuxu rybetÿmyra wihikÿ. Adeuxuren-y-di nohòtirennyòmy. Bedewidÿÿdu ta mohòtynybenyke. Tii dori benihikÿ riwinyre, ibutumy biu-ki riwinyre, tahe Deuxutyhy-di mohòtynybenyke. ¹⁶ Ihetxiu Deuxu ibutumy bede bedemy sÿdu ririre ixidee wimy aòna aònamy rotÿÿnykemy. ¹⁷ Urile tahe tamy rexideòsinyre tamy biu riwahinyre taoworumy raratynykemy. Tai tahe kaiboho arÿsÿna dire, Deuxu debò-ribi, awo-ki eysanadire. ¹⁸ Ihãrele iny tamy xiwe wesena tamy riwahinykemy ratxireri. Paulo tamyreny rarybere: —Aòkõ, inydeereny bidiwahinyòke.

¹⁹ Iribi tahe judeu mahãdu-ò Atxiòkia-ribi, Ionio-ribi tamyreny raryberenyre Paulo rubudÿÿmy. Hãwã òti-tube-ò Paulo ridyrenyre. Mana-di tamy rehumyhÿ. Tahe rubu wesemy ririrenyre. ²⁰ Idi tahe ityhydÿÿduò tamy wirotyre. Paulo tahe suribi rÿire tahe tii-wana nalòde hãwã-ò. Ijòtxu biòwamy tahe Banabe-wana Paulo rexitare ijõ hãwã-ò, Debi hãwã-ò. ²¹ Ka hãwã-ki tahe Paulo rybe tÿmyra wihikÿ ritÿnynyre. Sòwemy tai rityhynyre, Pauloboho ròserenyre Listra hãwã-ò, Ionio hãwã-ò, Atxiòkia-ò. ²² Ibutumy hãwã-ki Pauloboho ityhydÿÿdu mahãdu riwiòhenanyrenyre, tiiboho rityhynyhyemy ratximyhÿkemy. Tamyreny rarybere: —Kaiboho aòhòkÿmy botÿÿnybenyke, ihãrele malòkemy titxibo Deuxu Iòlò ratximyhÿre-ò. ²³ Ibutu ityhydÿÿdu mahãduy ribi ritamy rÿimyhÿ rarekemy, idinodumy.

Matuari mahādu-ribi tii ritare. Iu ritareu tahe, rex-itōnyre Deuxu-ò tule byreōhyy txuō riwyyreny. In-ynyrÿ-ò rexitōnyre: —Kia ibutumy aratyhynreri, tai tahe biywinymy ahāke. ²⁴ Pisidia bedē-ki rekoamy-hÿreny Panfilia bedē-ò. Kowa-ò Rybewihikÿ tÿmyra-my relyymy rahudi Peke-ki, Atalia hāwā-ò dobehede. ²⁶ Tai hāwò nihikÿ welōdi-di rimyreny. Tahe Atxiòkia-ò rorore. Kowa-ribi juhuule rybe tÿmyra wihikÿ ijyy-di dòhōnyde. Kowa juhuu rexitōnyre tamyreny Deuxu ruxetōena-wana rarekemy. ²⁷ Atxiòkia-ò rehemynyreu, Paulo, ibutumy ityhydÿÿdu mahādu ditotynde. Tai heka tamyreny rarybere iwese Deuxu riwìhenanyre wese ibutumy iaōmydÿÿnana-di. Iwese judeukōdu mahādu rityhynkemy. Deuxu tamy ityhyna ijòtòbōna riraynyre wese. ²⁸ Idi bededÿÿnana riwynihikÿ ityhydÿÿdu mahādu-wana.

15 Hābuō Judeia mahāduō ditehemynydenyde ta teòsamy ribedeerynyreny. Kawese ribedeerynyre: —Moisesi Tyriti bedē ywina, notykyresynamy, rityhynyōkeki, iny rataōtyhy. ² Iribi tahe Paulo Banabe-wana tamyreny rarybehyy rare. Tai tahe inyō tamy rarybere Jerusalē matuari mahādu-ò roirenykemy aōmydÿÿnana rexiòbitinyreny. Iny witxira-ò Jesuisi erydÿÿna mahādu-ò rarybekemy heka tamy, Pauloboho iteòdÿÿmy rarybere. Tahe ijō hābu mahāduō tule tiiboho-wana riteōnyreny. ³ Dÿÿraximy heka tamy ròreny, aō aōmydÿÿnabo ratxirerímy wahe. Sōwemy dohodÿÿna mahādu ihemy roirenyre urihimyo, tai tahe ririrenyre. Tahe Senisia bedē bedemy, Samaria bedē bedemy riòhòreny. Relyyre judeukōdu mahādu tule ityhydÿÿdu mahādu-ki rÿirerimy. Tai ibutumy ityhydÿÿdu mahādu reysare. ⁴ Tahe ritehemynyreny Jerusalē-ò. Wihe ritynyreny ityhydÿÿdu dinodu-wana, tule matuari mahādu-wana, Jesuisi erydÿÿdu mahādu-wana. Tiiboho relyreny aōmybo Deuxu rotÿÿnyre iyreny-ki, timybo riwìhenanyré. ⁵ Tahe hābu mahāduō tai raremyhÿ heka. Juhuu heka fariseu mahādumy ihÿre, idi tahe ityhydÿÿdumy ralore. Imahādu-ribi ijō rÿire ribedeerynykemy. Tahe rarybere: —Inydeereny kia wese rare. Judeukōdu tyhydÿÿdu ibutumy notykyresyna-di ròhōnyke. Tule ibutumy Moisesi bedē ywina ibutumy rityhynkemy. Kawesemy tamy ribedeerynyre òbitimy aōkō watxireri.

⁶ Idi tahe Jesuisi erydÿÿna, matuari mahādu-wana wii ributunyyre rybe òbitidÿÿmy. ⁷ Rybe sōwemy rahude tahe, Pedro rÿire tamyreny rarybekemy: —Waseriòreboho, Deuxu juhu riwatare Rybewihikÿ rybedumy judeukōdu mahādu-ò tuu aritÿnynykemy, tiiboho tule rityhynyreny. Tai rarewāhā. Kaiboho kia ibutumy teeryteny. ⁸ Iwese inydeereny riwahinyre wese, Deuxu Tyytybytyhy tamyreny tule riwahinyre. Judeukōdu mahāduō tule ixidee rimykemy. Kia wese tuu riteòsinyre inydeereny. ⁹ Deuxu wiribi lahiximy aōkō iny riwinyreny. Wiwesehyyle ihÿre. Tiiboho inywesele ihÿreny. Tiiboho rityhynyreny, heka irayky rityranynyreny ritarenyke. ¹⁰ Kia wese Deuxu teurihitenyteri. Kia bedē ywina itxyynautxiehekÿ wesere ity-

hydÿÿdu mahādu tyre-ki tetiditenyteri. Inytybyreny tiu retyyōre tule inyboho idi retyyōre. ¹¹ Inynyrÿ, ruxetōenale-di iny ritamyhÿre. Tule judeukōdu mahādu kia weselere ritamyhÿre.

¹² Tahe aōmy rarybeōhyreny. Ibutumy he Paulo Banabeboho rarybereò, roholareny. Tiiboho heka relyreny tule bedēby wihikÿ aōna aōna-wana Deuxu riwinyremy tadebò-di wahe. ¹³ Iribi tahe rexihurenreu tasÿ, Txiau rÿire rarybekemy: —Waseriòreboho, bodoholabedenyke inihe warybe-ò: —Pedro kÿny adeereny rarybere, timybo Deuxu judeukōdu mahādu roramy rare iny mahāduō ixidee ritakemy tanityhy-ò. ¹⁵ Kiawesemy he tule ihetxiu Deuxu rybemy rybedu mahādu riritinyre, kamy wahe: ¹⁶ —Wanyrÿ heka rarybera: —Adòsekere, ixyby ariwinyry aritamadÿÿnykre aòdohodÿÿna heto Davi juhuu riwinyre. Idi tahe resere. Ixyby ariwinykre. ¹⁷ Tai tahe judeukōdu mahādu-ribi iuhe riwaōrykre wamy rityhynkemy. Wanyrÿ, Deuxu, kiamy heka tiiboho rarybekemy, ibutumy jiarÿ retarenyreki. ¹⁸ Kawesemy Wanyrÿ tuhyy rarybemy raremyhÿ, tule wiji ihÿre. ¹⁹ Tai heka kiawidÿÿōmy rakatximyhÿreny. Tamyreny rybeōmy rakatximyhÿreny. Judeukōdu mahādu Deuxumy rityhynyreny, iny bedē ywina reny tyhydÿÿmy tamyreny rybeōmy. ²⁰ Kialemy heka tamyreny rakaryberenykre: Suritxoo xiwe-ribi iròdude ròrenyōmy. Tule òta òta òraruna widÿÿōmy, iròdu hālubu-di ròrenyōmy, ihālubu rejuxunyōmyhÿre-wana. ²¹ Kiamy heka rakatximyhÿreny. Moisesi bedē ywina-di dori ibutu hāwā-ki judeu dohodÿÿna heto-ki rariamy raremyhÿ. Sabadotxu ihyymy aōkō kia ritÿnynyry raremyhÿ.

²² Tahe kiamy heka rahòtynyreny, Jesuisi erydÿÿna mahādu, ibutumy dohodÿÿna mahādu-wana, hābuō ayreny-ribi rikitakre. Tai Atxiòkia-ò riteōnyreny Paulo Banabe-wana. Tahe Judasi ritarenyre tule in-iòrysina Basaba rare. Ijō tasÿ Sila inire. Ka hābuboho ityhydÿÿdu mahādu awimy tai raharenyre. ²³ Katyyriti tiiboho-wana rakre. Kawesemy tyriti rare: —Jiarÿboho, erydÿÿna, matuari, seriòre mahādu adeereny rybe wehityhyna rewahinyreri. Ibutumy judeukōdu mahādu ityhydÿÿdu-ò ka tyriti rakre Atxiòkia hāwā-ò, Siria bedē-ò, Silisia bedē-ò. ²⁴ Inyō rare wayreny-ribi adeereny notykyresymy rybemy. Tai tahe araykyreny riwerydÿÿnyre. Jiarÿboho reteōnyrenyōhyre. Kia reerymy watxirenyreri. ²⁵ Tahe wiwesele rahòtynyreny riki, hābuboho Paulo Banabe inyluudu-wana reteōnyreny. ²⁶ Kia hābu Paulo Banabe-wana hāwā binahakÿ-ò roimyhÿreny Jesuisi Kristu Inynyrÿni-di. Ixi-txi rōhòtinyōlere, brebumy. ²⁷ Judasi-wana tule adee raryberenykre kia aōmydÿÿnanyre, katyyriti rewahinyreny wese. ²⁸ Kawese inyboho rōhòtynyreny, Deuxu Tyytybytyhy dori inrayky riwìhenanyre. Kia bedē ywinalemy adeereny rarybereri biywinybenykemy. ²⁹ Uritere, suritxoo xiwe-ribi iròdude ròrenyōmy iròdu, ihālubu-di ròrenyōmy, ihālubu rejuxunyōmyhÿre-wana. Tule òta òtana òraruna widÿÿōmy. Ka bedē ywina biywinybenykeki, awimy boibeke.

Deuxu deysana tahe adeereny kanakemy watxi-wãhãre.

³⁰ Tahe hãbuõ iny inaubiõwamy Atxiõkia hãwã-õ ròirenyre. Tahe Atxiõkia tyhydÿÿdu mahãdu ributun-nyre. Iu tahe tamyreny tyriti riwahinyre. ³¹ Tahe idi rari-arenyre, ritÿnynymy tamyreny. Ribedeerynyrenyre. Tai tahe reysarenyre. ³² Judasi Silaboho tule Deuxu dee rybeduwihikÿ roire. Sõwemy dohodÿÿna-ki seriõre mahãdu-wana rohonymhÿre. Tai tahe rirurudÿÿnymy-hÿre. ³³ Aõutxumy raroorehenyre, tahe seriõre mahãdu tamyreny rarybere: —Bõibenye he ateodÿÿdu mahãdu-õ. Biõkeseke wowina-di Jerusalẽ hãwã-õ. ³⁴ Tahe Sila rõhõtinyre rarikremy Atxiõkia-ki. ³⁵ Tahe Paulo Banabe-wana naride Atxiõkiakile. Inynyrÿ rybe-my rierynanyrenyri, ritÿnynyrenyri, ijõ seriõre-õ-wana.

³⁶ Aõutxumy tahe Paulo rarybere Banabe-õ: —Rõkõõseke kÿnyhe, ibutumy hãwã hãwã-di tai juhuu Inynyrÿ rybemy ritÿnynymahãreõ wahe, rikiwehityhynanykremy timybo ityhydÿÿdu mahãdu nyimyhÿde-õ. ³⁷ Tahe Banabe Joaõ-Marku ridykemy tamy reare. ³⁸ Paulo heka Joaõ-Marku ridyõkemy ratxireri, Panfilia hãwã-ki dori iribireny rõhõnyreki, ri-wiõhenanyõreki. ³⁹ Marku ridykemy wiwese wesemy aõkõ rõhõtinyrenyre teratyhylemy ratximhÿ. Tai tahe wiribi rexihitxinyrenyre, Banabe Paulo-ribi. Banabe Marku ridyra Xibri bedebute-õ, hãwõ-di ròira. ⁴⁰ Paulo tahe Sila ridyra. Seriõre mahãdu tahe Pauloboho riix-itõedÿÿnyre, Inynyrÿ ruxetõena tamyreny kanakemy. ⁴¹ Tahe Siria bede werawo-di, Silisia bede werawo-di, ririranyre dohodÿÿna mahãdu riwiõhenanykemy, rirurudÿÿnymyhÿkemy.

16 Pauloboho tahe Debi hãwã-õ rehemnyre. Ihy tahe Listra hãwã-õ rare. Tai tahe Tximõtxi-wana witxi rekoare. Tximõtixise judea tyhydÿÿduõ rare. Tyby tahe grego mahãduõ rare. ² Listra, Ionio ityhydÿÿdu seriõre Tximõtxi luure. Tximõtiximy widee rarybere: —Tii iny hãbu tyhy rare. ³ Tahe Paulo Tximõtxi-wana rakemy rexiwinyry raremyhÿ. Tahe rexitarenykre kotyreu, Paulo, Tximõtxi notykyresymy riteõnyre, kowa judeu mahãdu õraru-ki wahe. Tyby dorihe ibutumy iny rieryre tii grego mahãdu raremy. Notykyresykõmy rake tahe judeu mahãdu dee kia ibinare. ⁴ Iribi tahe ròirenyre hãwã hãwã-di, ityhydÿÿdu seriõre mahãdu ribedeerydÿÿnykemy, timybo Jerusalẽ mahãdu rõhõtinyryremy. ⁵ Tai tahe ibutumy dohodÿÿna heto mahãdu tii rirurudÿÿnymyhÿre ityhydÿÿna-di. Tule ijõ rityhynymyhÿre txuõ txuõlemy ralokemy ityhydÿÿduõmy rarekemy.

⁶ Pauloboho Asia bede-õ ròirenyõre rybe ritÿnynyke-my, Deuxu Tyytybytyhy ritirÿreki. Tahe Frigia-Alatxia bedemy rekoamhÿrenyre. ⁷ Misia bede-õ rehemnyre, Bitinia bede-õ ròirenykemy riwisÿnyrenyre. Tahe Jesuisi Tyytyby tamy riteõnyõhyre, ritirÿmyhÿre. ⁸ Tahe Misia bedemy rekoare, tahe Troaji hãwã-õ robehere. ⁹ Tahe Paulo hãbuõ wesemy robire rasina weselemy. Hãbu, Macedonia bede ludu lamamy rÿimyhÿõ, tuu robire. Tahe hãbu ryrymyhÿ tamy: —Manake

Macedonia-õ, biwawiõhenanykemy. Kia Paulo rasi-ki tuu robire wese. ¹⁰ Tahe tarasi rahureu, tamyhe wylemy aroikemy watxiwãhãrenyre. Jiarÿ, Luka, Paulo-wana. Deuxu dori inydeereny rarybereri Macedonia-õ ròkõirenykremy, Rybewehikÿ riki-ubÿÿtÿnyrenyremy. Kialemy rõkõhõtinyrenykre.

¹¹ Tahe Troaji hãwã-ribi rõhõnyre hãwõ zhywydynalaworo-ki. Samotrasia hãwã-õ imynahyy riõhõre. Ijõ txu tahe Niapoli hãwã-õ riõhõre. ¹² Iribi tahe Filiposi hãwã-õ ròirenyre. Juhuludu hãwã rare Macedonia bedeki. Roma hãwã mahãduõ tule tai rasÿnymyhÿre. Tai txuõ rewyrenyre. ¹³ Sabadotxu tahe hãwã-ribi reõlõnyrenyre bero ijã-õ. Rahõtinyrenyre tai ixitõedÿÿna-õ rÿimyhÿremy. Tai tahe hãwyyõ rexibutunymy rÿimyhÿ. Tahe rorokorenyre tamyreny raryberemy. ¹⁴ Hãwyyõ Lidia inire, inyrybe-õ tahe roholatyhymyhÿre. Tii Txiatira hãwã luduõ rare. Tii tylÿre ijohodure, tule Deuxu tyhydÿÿdure. Inynyrÿ irayky riywinyre Paulo rybe rityhynkemy. ¹⁵ Tahe ibutumy isÿmahãdu-wana riratysebenyre. Tai tahe tamy Lidia rarybere: —Inaanokãbo ityhydÿÿkÿdumy watxiwãhãre-wana, wa-hetoku-kõ manakre. Tai tahe iheto-õ ròirenyre irybe-ki.

¹⁶ Aõutxumy tahe riberenyre ixitõedÿÿna-õ. Itxi rekoarenyre ijadõmaõ-txi, deõdu rare. Iwo-ki tyytybybina ralõmy rÿire. Tai ijadõma relyre inyko aõhebo iny-õ rotÿÿnykremy. Tai sõwemy nieru ritare tawedu-õ. ¹⁷ Tahe waherenymy dyrymy nade: —Deuxu ibuturatyre rare. Iteodÿÿkÿna mahãdu kia mahãdu rare. Tiki-boho rarybemyhÿre timybo iny taõraru-ribi ratakemy. ¹⁸ Tuheka rarybehyy raremyhÿ. Aõutxumy tahe Paulo tai rexirare, tamy ròõsemy reare. Rarybere tyytybybina tai ratxireridõ: —Jesuisi Kristu nimy iribi arateõnykre. Bexitakre. Tahe aõwesele iribi rõhõnymy reare.

¹⁹ Iwedu tahe rieryre nieru idi ritaõkre ta rimyrenyre Paulo Sila-wana. Retÿhymy rare ywisidÿÿdu-õ, hãwã elehyna ube-õ. ²⁰ Tahe ijadõma wedu rarybere ywisidÿÿdu mahãdu-õ: —Kaa judeu mahãdu iny hãwãreny dibinadÿÿnymyhÿde. ²¹ Tiiboho iny ribedeerynymyhÿre aõ iny bede ywinarenyre-di aõkõ. Inyboho Roma hãwã mahãdu rare. Tai kia-ki aõhe arotÿÿnyõtyhy. ²² Tai tahe sõwemy iny Paulo Sila radõnyre. Ywisidÿÿdu mahãdu tahe ity ibõrõ-ribi ritx-uahakÿre idi tahe rityhenymy tuu raõhõtere. ²³ Tuu raõhõtere, tuu raõhõtere, idi tahe rõtenuwõ-õ idi rehurenyre. Rõtenu-di itxeredu-õ rarybere: —Kaa rahenykre-wana, kaile budurukre. ²⁴ Tai rirutere iraru-txi rarutxi-õ iwa ritidire õwõru iwodÿÿwomy raratyheny. ²⁵ Ruetya tahe Paulo Sila-wana rexitõenymy roimyhÿ Deuxu dee. Ijõ rõtenuwoludu mahãdu roholamy rÿimyhÿ tai. ²⁶ Aõwese bede ramytatate. Rõtenu ijõtõbõna rirayre hãbu mynyna iribi rejuxunyre. ²⁷ Tai tahe itxeredu ijõ iraymy idi retehereu, rexirubunykemy tamaydese ritare. Rõtenu woludu mahãdu rahenyramy tii rexinohõtinyra. ²⁸ Paulo tahe tamy ryryre: —Ixirubudÿÿõmyke, kakile watxirenyri, ibutuhukÿlemy. ²⁹ Itxeredu ryryre loosõna kidiwykemy tahe ralore ramytatamy brebumy. Paulobohoko-õ resere tatiõhomy. ³⁰ Tahe itxeredu diõlõdÿÿnyde irarutxi-

ra-ribi, tamyreny rarybere: —Wanyrÿboho timybohe aratamy arÿike. Aõhebohe arotÿÿnyke. ³¹ Tahe ri-rawyõnyre: —Inynyrÿ Jesuisi bityhynkrekile, tarasanamy myikre, asÿ mahãdu-wana. ³² Tahe tamy Deuxu Rybe-di ritÿnydyÿre ibutumy isÿ mahãdu-õ. ³³ Iruule tahe riwisananyrenyra ibrõ wotõmona risuhõra. Idi tahe itxeredu raratysebenyrene tasÿ mahãdu-wana ibutumy. ³⁴ Iribi tahe itxeredu ridyrenyrene taheto-õ riroxikemy tahe ibutumy reysanihikÿrenyrene, Deuxu rityhynyrenyraki.

³⁵ Txu deadeu tahe ywisidÿÿna dinodu ijõ ywisidÿÿna mahãdu riteõnyrene, rõtëna-ribi Pauloboho riteõnykremy. ³⁶ Itxeredu tahe Pauloboho-õ rarybere: —Ywisidÿÿna mahãdu arateõnykremy riwateõnyreri. Bõibenyhe, wowina-di, biõlõnybenyke. ³⁷ Paulo tahe rirawyõnyre: —Aõkõre, araõtyhy. Jiarÿboho Roma hãwãhãkÿ mahãdu kaa watxirenyreri. Tii riwayhytanyrenyra idi rõtëna-wo-ki riwasÿnyrenyra. Ywisidÿÿdu mahãdu wii rotykõhyre riwarõtenyrenyra. Wasimy ka tiu ar-iõlõnyõtyhy. Tiibohe kodoikreule tahe ariõlõnykre. Tii he riwaõlõdyÿnykre. ³⁸ Tahe ywisidÿÿna mahãdu tawedu-õ rarybere. Tahe tiibohe ruberurenyrene Pauloboho Roma hãwã mahãdu roireki wahe. ³⁹ Tai tahe dõidenyde tamyreny, aõwaxina riõlõnykremy. Tahe làhãmý tamy rexitõenyrene. Tutyhy-ki aõkõ làhà ararutara. Tai riteõnyrenyreu, hãwã-ribi rexitarenykemy tamy rexitõenyra. ⁴⁰ Rexitarenyreu, Pauloboho tahe Lidia heto-õ ròðsere. Ibutumy ityhydÿÿdu tahe wii ritynyrene, wii riwiõhenanykemy. Idi tahe riõlõnyrene kia hãwã-ribi.

17 Tiibohe rekoarenyrene Afipoli hãwãmý, Apõlonia hãwãmý tahe rehemynyrene Tesalonia hãwã-õ. Judeu dohodÿÿna hetoõ tai rÿimyhÿreõ. Paulo, iwese aõu riwinymyhÿre wesele rare tamy. Ralore rybe-di rarybekemy. Inataõ sabadomy tai riraynyrene tyriti ritidÿÿna tamy ritÿnynykemy. ³ Rybe hitxina rurukremy tuu relyyrene. Tahe Paulo tamyreny ritÿnynyrene iwese Kristu durudemy idi dexiixixanyde rubu-ribi. Kia iny rityhynyrene Jesuisi inatyhymy Deuxu deõdÿÿna raré. ⁴ Tahe ijohonadu mahãduõ rityhynyrene. Tule ijõ judeukõdu mahãdu rityhynyrene. Tule ijõ hãwyy wihikÿ mahãduõ rityhynyrene sõwemy. ⁵ Tahe judeu mahãdu dinodu tuu rõhãrumyhÿre. Tiibohe tahe hãbu binahakÿ mahãduõ wii rotyrene aõbina ritelenykre. Tahe rõirenyrene Ijasõ heto-õ Pauloboho rimyrenykre, ywisidÿÿna-õ idi retÿhikremy. ⁶ Tai tahe rahaõhyrene tai. Tahe Ijasõ ritarenyrene ijõ ityhydÿÿduõ-wana. Tahe ridyrenyrene ywisidÿÿna-õ. Tahe raryberenyrene ywisidÿÿdu mahãdu-õ: —Paulo, Silamy urile bede diõtanyrehÿdenyde, aõna aõna binahakÿlemy rotÿÿnymyhÿre. ⁷ Ijasõ tahe ritirÿmyhÿre taheto-ki. Tiibohe iny õludu roire. Iny iõlõreny rityhynyõtyhy. Jesuisi ka iõlõrenyrene. ⁸ Ibutumy iny idi rõhõtynyrene, tule ywisidÿÿna mahãdu rexitõenyrene nieru ririkemy. Tai xiery tahe rõhõnyke. Tai tahe ririrenyrene nieruõ.

¹⁰ Kiaru tahe ityhydÿÿduõ Pauloboho riwiõhenanyrenyri ibi riõlõnykemy Bereia hãwã-õ. Tahe rehemyhÿre, dohodÿÿna-õ rõirenyrene. ¹¹ Kia hãwã-ki judeu mahãdu

iny awi rare, Tesalonia hãwã mahãdu wese aõkõre. Teysamy tamy roholarenyrene. Idi heka rariara Tyriti-di, õbitimy Paulo rybe aõbo roirerimy rierykemy. ¹² Tahe sõwemy judeu iny rityhynyrene. Judeukõdu mahãduy-ribi sõwemy rityhynyrenyrene, hãwyy wihikÿ, hãbu-wana tule rityhynyrenyrene. ¹³ Bereia hãwã-ki Paulo Deuxu rybe ritÿnynyremy raremy. Judeia mahãdu dinodu Tesalonia hãwã-ki roholareu, tahe doidenyde. Iny sõwe-õ raryberenyrene: —Pauloboho bibinadÿÿnyke. ¹⁴ Tahe ityhydÿÿdu seriõre mahãdu aõwesele Paulo riteõnyrenyrene ahohokÿry-di. Sila, Tximõtxi taile rarire. ¹⁵ Hãbuõ rare Paulo-wana Atena hãwã-õ. Iribi tahe dõðsede hãbuõ. Paulo tamy tarybe riwahinyrene Tximõtxi Sila-õ, wylemy kanakremy.

¹⁶ Paulo Atena hãwã-ki riraõre, tahe robire suritxooole rityhynymyhÿreõ. Tai tahe tii rabadewore. ¹⁷ Idi tahe Paulo ralore dohodÿÿna mahãdu heto-õ judeu dee rarybekemy, tule judeukõdu ityhydÿÿdu dee rarybekemy. Tahe rarybemyhÿre txuõ txuõlemy. Tule hãwã ube-ki rarybemyhÿre hãwã-di reamyhÿre mahãdu-õ. ¹⁸ Aõutxumy tahe Epikuriu mahãdu Paulo-txi nade. Estõiku mahãdu ijõre. Tiibohe, aõbo rybe rare kia erydu roire. Tiibohe he Paulo raujõmorenyrene: —Aõmy aõkõ, kiarybedu rarybereri. Ijõ tahe rarybere: —Tii Deuxu tÿmyramy rarybereri. Paulo dori juhuyu Jesuisi iixixanamy relyymy raremyhÿ. Tai kiamy raryberenyrenyri. ¹⁹ Paulo tahe ridyrenyrene. Tai iny roholamy rÿimyhÿreõ ridyrenyrene: —Rybe tÿmyramy telymahãtemy inihe bedelyyke wakoreny. Tamy kia rarybere. ²⁰ Aõkõre inihe aõna aõnamy tarybemy atxiteri, aõwitxira witxiramy. Tai aroholarenykemy watxirenyrenyri. ²¹ Atena hãwã mahãdu, tule iwitxira bede luduõ tai rasÿnymyhÿre, aõ tÿmyraõðle roholarenykemy ratxirenyrenyri. ²² Tahe Paulo rÿire rybenatya-ki. Rexiõrarunymy rarybere: —Atena hãwã mahãdu, kaibohe Deuxu rybe hyky tahõtinyinmahãtenyrene. ²³ Jiarÿ hãwãmý rariamy watxireriu, sõwemy xiwena-di retehera. Ijõ-di kiamy retehera iritina-di: Kaa Deuxu heka inyõ rieryõhyymyhÿre. Ka Deuxumy kÿny heka akoreny arellykre, teerymahãtenyrene-di aõkõ tuu tealãmahãtenyrene. ²⁴ Ka Deuxu ibutumy bede riwinyrene. Ibutumy tuu rÿira tii riwinyrene. Tii heka biuwetyy wedu rare, su wedu rare. Aõ hãbu widÿÿna heto-ki aõkõ tii rasÿnymyhÿre. ²⁵ Tiu heka tii aõmy reaõtyhy hãbu aõ tamy riwahinyõtyhy. Tule tahe inydee ibutumy aõna aõna riwahinyymyhÿre, ele wesena, umy, ibutumy inydee riwahinyrene. ²⁶ Hãbu sohojiõ-ribi ibutumy iny rõhõnyrene iriõre rõiremy bede witxira witxiramy rasÿnymy rÿirakemy. Urile wiribi ri-hitxihitxinyrene. Tiu tamy riteõsinyrene, tikibo rasÿnymy rÿirakremy. ²⁷ Ibutumy Deuxu rajemyhÿkemy, raerykemy. Tii dori irehemy aõkõ ihÿre iny-ribi. Iny sohojiõ-sohojiõ-ribi iõhõmy ratximyhÿre. ²⁸ Deuxu õraru-ki inyboho ibutumy irumy ratximyhÿrenyrene, ririranymyhÿre, ihoõkeki tahe aõ rikiwinyrenyõtyhy. Atyriti widÿÿduõ kiamy rarybere: —Inyboho heka Deuxu riõre. ²⁹ Inyboho Deuxu riõre rareki, urile nohõtõimy womati tÿrÿrÿÿ ritxoo wesemy, womatiura wesemy, manaritxoo wesemy Deuxu-di nohõtõimahãbeny. Hãbu rayky-ribi, hãbu

debò Deuxu releremy nohòtiõmahãbeny. ³⁰ Ihetxiu tii Deuxu rieryõhyreny. Tai tahe iðrarunareny aõni-hikÿmy aõkõ Deuxu dee ihÿre. Wiji bededÿÿnana tahe, ibutumu taðraru-txi ixi-txi nohòti ijaranamy, tai tahe rabadewomyhÿkemy. Kia tahe ibutu iny-ò rarybereri, iny taðraru ririkemy. ³¹ Deuxu Jesuisi riixixanyre rubu-ribi. Tai tahe ibutumu tii rityhynyrenykemy ihÿre. Aõtxumy tahe ibutumu iny ywisidÿÿdumy kanakremy ijÿre. Òbitina-di Jesuisi iny ritxuarenykre kia wiribi hitxi hitxina txuu.

³² Paulo Jesuisi ixixanamy rarybereu, inyõ tuu rirajuare. Ijõ tahe rarybere Paulo-ò: —Ijõ txuu arybe ini aroholatyhykemy watzireri. ³³ Idi tahe Paulo rare iribireny. ³⁴ Ijõ iny tahe Jesuisi rityhynyre, Paulo-ò tahe rixibutunyre. Ijõ Dionisiu inire, Areòpolo heto ube-ki tii iny mahãduõ roholamyhÿre. Ijõ, hãwyyõ rityhynyre, Damari inire, tule ijõ mahãduõ rityhynyre.

18 Paulo tahe Atena hãwã-ribi rõhõnyre Oritxi hãwã-ò. ² Kia-ki tahe judeu mahãduõ-wana witxi reare. Ini heka Akila inire. Tii Ponto hãwã-ki raumynyre. Urihimyõle Italia bede-ribi dehemynyde. Prisila ihãwyyinire. Iòlò Laujiu Roma hãwã-ribi ibutumu judeu mahãdu diteõnyde. Tai heka nade kaweribi-ò. ³ Paulo iaõmysÿdÿÿna rierymyhÿre, tyyheto widÿÿ. Tai tahe tiiboho-wana rajoinymy hÿre wiwana raaõmysÿdÿÿrenykemy. ⁴ Sabado txuõ txuõlemy tamy reamyhÿre judeu mahãdu dohodÿÿna heto-ò. Tahe ritohonymy hÿre, judeu mahãdu judeukõdu mahãdu tule. Tamy rarybere tii Rybewihikÿ òbitimy rierykemy.

⁵ Sila tahe Macedonia bedewe-ribi rehemynyre, Tximòtxi-wana. Paulo tai rybe ritÿnynymy hÿyhy raremyhÿ. Aõu Paulo rarybere: —Inatyhymy Jesuisi Deuxu deòdÿÿna rare, Kristu rare. ⁶ Katahe judeu mahãdu tamy raykaranany raremyhÿ. Aõbinahakÿlemy Jesuisimy rarybere. Tahe Paulo tatyy riohowire iixãwidinykemy riteòsinykemy. Tahe tamyreny rarybere: —Jiarÿ aõkõ bede òrarure. Kai aòraruna-di bu-rukre-wana, ahãlubureny waki aõkõ rare, adeereny dori Deuxu rybemy rarybere. Tahe judeukõdu mahãdu-ò sohojile tuu arelyykre. ⁷ Iribi tahe inyõ heto-ò Paulo rare. Txisiu Justu inire. Tii judeukõdu mahãduõ rare, tahe Deuxu rityhynymy hÿre. Judeu dohodÿÿna heto bire-ki iheto rÿire. ⁸ Krispu judeu dohodÿÿna heto weduni rare. Tii tasÿreny ibutumu Inynyrÿ rityhynymy hÿre. Tule sòwemy Oritxi hãwã mahãdu rityhynymy hÿre. Paulo riratysebedÿÿrenyre. ⁹ Paulo tahe rummy rõrõmy roire. Tai tahe rasina wesemy robire. Inynyrÿ tamy narybede: —Brebuõmy, Paulo. Marybeke aõmybo rybemy adee rewahinyré. Rybe tÿnydÿÿ lau brebuõmy. ¹⁰ Jiarÿ adi watxiwãhãre urenana. Inyõ adee aõhe rotÿÿnyõtyhy. Sòwemy iny rÿire kaki watyhydÿÿdu. Kia Jesuisi tamy rarybere. ¹¹ Tai he Paulo bede rii-jere sohoji beòra weeremy tai bede riere. Ribedeerynymy hÿre Deuxu rybemy.

¹² Roma dinodu tÿmyraõ ronyre Grecia bede-ki. Ini heka Kalio inire. Dinodumy ronyrau tahe, judeu mahãdu wii dotyde. Wii ritobinyre Paulo dee aõbinabinahãkÿ riwinykemy. Tahe tiiboho Paulo rimyrenyre idi

kanakremy ywisidÿÿdu dinodu-ò. ¹³ Kiamy raryberenyre: —Paulo, Deuxu deallanamy iny dibedeerynymy hÿde. Tai bede ywina rityhynyõhyymy hÿre. ¹⁴ Tahe Paulo ixideele rarybekemy ratxireri, tahe Kalio judeu mahãdu-ò rarybere: —Kia rubudÿÿdu ada aõ ibinatyhymy ratxikeki, tai idi arohonykre, ariy-wisidÿÿnanyke. ¹⁵ Tahe aõkõre, urile abede ywina rybedile rarybemy hÿre, tai ywisidÿÿnamy idi araõkre. Kai-bohole biywisidÿÿnanybenyke. ¹⁶ Tahe Kalio ibutumu diteõnyde ywisidÿÿna hetoube-ribi. ¹⁷ Tai tahe judeu mahãdu dohodÿÿna heto wedu rimyrenyre. Sòteni inire. Tule raðhòterenyre ywisidÿÿna heto ube-ki. Kalio tahe kia òhòtena-ò aõhe rotÿÿnyõhyllere.

¹⁸ Oritxi hãwã-ki Paulo rare myhÿre sòwemy he tai txu riwyre. Idi tahe seriòre mahãdu-ò rarybere: —Arakre. Tahe hãwõ-ò-di he rare, reuròkemy Siria bede-ò. Tahe Prisila Akila-wana tii-wana rõrenyre. Paulo Deuxu-ò rarybere aõmybo rotÿÿnykemy. Idi tahe rexihumy kia rÿire. Tai tahe tarade risyre nohòti ijerana wesemy. Sekrea hãwã-ki tarade risyre. ¹⁹ Tahe ritehemynyre Efesu bede-ò. Prisila Akila-wana ririre. Iribi tahe rare tyriti ritÿnynyremy judeu mahãdu dohodÿÿna heto-ò. ²⁰ Tii mahãdu tahe Paulo rexitòenyre tai aõutxumy tai ratxunykemy. Tahe rarikòkemy ratxireri. ²¹ Karibi rõhõnyreu, tamy rarybere: —Deuxudeewikeki, ixyby adòðsekre. Efesu-ribi rõhõnyreu, yhydynamawòò rimyre.

²² Ritehemynyre Cesaria bede-ò. Iribi resereu, Jerusalẽ hãwã-ò rare. Tahe rarybere riwehityhynanyre dohodÿÿna mahãdu. Iribi tahe Atxiòkia hãwã-ò rare. ²³ Tai bededÿÿnana riijere idi tahe rara. Rariamy rare hãwã hãwã-di, Alatxia bede-di, Frigia bede-di. Ibutu hãwã-ki ityhydÿÿdu rotohodÿÿnymy hÿre, ri-wiòhenanymy hÿre.

²⁴ Iu tahe inyõ judeu mahãduõ dehemynyde Alexÿdria hãwã-ribi. Apòlo inire. Tii ribedeeryny wihikÿmy hÿre tyriti, tarybe-di rotohononymy hÿre, Deuxu rybe rieryreki. ²⁵ Inyõ Apòlo rierynanyre timybo Inynyrÿ Jesuisi aõmydÿÿnana raremy. Tai Jesuisimy ribedeerynymy raremyhÿ, deysanatyhy-di rarybemy hÿre. Tii tahe Joaõ ratysebenale rieryre. ²⁶ Apòlo rexidelenymy relyyre judeu mahãdu dohodÿÿna heto-ki. Prisila Akila-wana tai roholamy ronymy hÿre. Idi tahe tiiboho Apòlo ridyrenyre ibutumu Jesuisi aõmydÿÿnanamy tamy ritÿnykemy. ²⁷ Iribi tahe Apòlo ratÿnykemy rexiwonyre Grecia bedey-ki. Ityhydÿÿdu seriòre tamy rybe riwahinyre, Grecia ludu seriòre mahãdu-ò, aõma, riry-ludunykemy, rehemynykeu. Tahe rehemynyreu, sòwemy riwiòhenanyre kia tyhydÿÿdu seriòre, Deuxu ruxetòena ityhydÿÿdu mahãdu. ²⁸ Tii dori judeu mahãdu raykyrybe itxÿte riwitxiradÿÿnyre iny sòwe hekÿy-ki. Rybetyriti ritina-di riurihimy rarybere iwese Kristu Jesuisi raremyhÿ wese, Deuxu deòdÿÿna wahe.

19 Apòlo, Oritxi hãwã-ki rareu, Paulo rabadetÿÿnyre kabedey-ki idi rehemynyre Efesu hãwã-ò. Kowa ityhydÿÿdu mahãduõ-ki he rahare. ² Tamy Paulo ritÿÿraxyre: —Tetyhynyteu, Deuxu Tytybytyhy ixidee aõbo temytenyte. Tahe rirawyònyre: —Aõkõre he,

aõmybo tarybeteri. Deuxu Tyytybytyhy reeryõrenyre.
³ Paulo rÿÿraxire: —Taratysebetenyteu, mobohe tetyhynytenyte. Tahe rirawyõnyrenyre ixityre: —Retyhynyrenyre ibutumy Joaõ Sebedÿÿdu riwabe-deerynyremy. ⁴ Paulo tahe tamyreny ritÿÿnyre: —Joaõ sebedÿÿna urihimyõ iwitxi rare. Tii kiawese rybe ritÿÿnyre: iny taõraru-txi tõhõti reakemy. Tahe Jesuisi Juaõ hewo-ribi kanakreu, tii tahe inatyhymy kanatyhydÿÿkre. Paulo kia tamyreny rarybere. ⁵ Kia-õ roholareu tahe, raratysebenyre Inynyrÿ Jesuisi nimy. ⁶ Paulo iratytyre tebõ ritidire, tai Deuxu Tyytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre. ⁷ Waõinatxi reurõ hãbumy rÿiramy.

⁸ Inataõ ahãdumy Paulo reamy raremyhÿ judeu dohodÿÿna heto-õ. Tiiemy rarybehymyhyre, riõbitinymyhyre, Deuxu Iõlõnamy ritÿÿnynymyhyre. ⁹ Paulo-õ ijohonaduõ rityhynyõhyymyhyre, teramy reamyhyre. Deuxu aõmydÿÿnanamy ibinamy rarybemyhyrenyre iny sõwey-ki. Tai tahe Paulo rexihitxinyre judeu dohodÿÿna heto-ribi. Txirano kia tyyriti rybena heto-õ txuõ txuõlemy ralõmyhyre taerydÿÿna-wana. Tahe rabe-deerynymyhyre. ¹⁰ Tahe bede riere inatxi beõramy. Tai tahe ibutumy iny Asia bede ludu mahãdu Inynyrÿ rybe-õ roholamyhyre, judeu mahãdu, tule judeukõdu mahãdu. ¹¹ Deuxu aõna aõna wiwihikÿ riwinyre Paulo debõ rihuõtere. ¹² Paulo tykyre riwyrenyre webinadutyre ritidirenykremy. Tyky õsurõna wesemy ijõmy riwyre. Tai tahe webinadu riteytenymyhyre. Tule tyytybybinahakÿ iny-ki raremyhÿu, aõwesele iribireny rõhõnymy reare tykyre õraru-ki. ¹³ Ijõ judeu mahãduõ ratÿinyre hãwã hãwã-di inyõ ribi tyytybybina ritakemy. Tiiboho tyytybybina riteõnykemy idi ratxireri. Tai tahe Inynyrÿ Jesuisini-di riteõnyre. Kia wesemy rarybere: —Paulo, Jesuisi rybe ritÿÿnynymyhyre, tai Jesuisini õraru-ki iribi bõhõnykre. ¹⁴ Debõinatxi seriõre kia riwinyre. Sewa tybynire, judeu xiwena widÿÿdu kia wedu tii rare. ¹⁵ Tahe Jesuisi ni-di tyytybybina-õ rarybereu, tyytybybinaõ dirawyõnyde: —Jesuisi reeryre, Paulo reeryre, tahe mobo atxiteri. ¹⁶ Tahe hãbu tyytybybina-di ratxirerí, ityrehekÿle dexiwatxinyde, rihetenyre, ibutumy riwotõmonyre ityky ritare tai hetowo-ribi hãbu mahãdu tadehekÿlemy rahenyre. ¹⁷ Ibutumy Efesu hãwã mahãdu kia rieryrenyre, judeu mahãdu, judeukõdu mahãdu. Tahe ibutumy ruberure, Jesuisi ni nityhydÿÿhÿkÿmy ini raremyhÿki. ¹⁸ Sõwemy ityhydÿÿdu taõrarureny riixitõedÿÿnymyhyre, dohodÿÿna mahãduy-ki. ¹⁹ Ijõ ityhydÿÿdu juhoo tyytybybina rierymyhyrenyre, tiiboho tahe tatyriti diwyde itxenadÿÿmy rybetyriti, õwõruwidÿÿ kia tyyriti. Tahe iny retehemyhyreruki kia tyyriti sõwemy ritoonyre. Idi ibutu tyyriti juhoo õwy wese inyõ riritinyre. Iõwy tahe 50 mil womati ura nieru juhoo iõwyre. Ihãrele tahe idi rahure. ²⁰ Ibutumy kia bede mahãdu Deuxu rybe-di rõhõtinihikÿrenyre.

²¹ Idi tahe Paulo tarayky-ki rõhõtinyre: —Judeukõdu mahãdu bede-õ arakremy ixi-di watxiwãhãre. Juhoo Jerusalẽ-õ arakre Macedonia bede-di Akaia bede-di

arariamy arakre. Adõõsekreu, tahe Roma hãwã-õ arakre. ²² Tai tahe tawihedÿÿdu Tximõtxi, Erasto-wana Macedonia bede-õ riteõnyre. Tai Paulo Asia bede-ki naride. Bededÿÿnanaõ riwyre.

²³ Kia bededÿÿnanau aõbina nihikÿ rÿikemy riwisÿnyre Deuxury õbitina õraru-ki. ²⁴ Dimitiu heka womati tÿÿrÿ ura ritxoo widÿÿdu rare. Hãwyy ritxoo ihãwãreny deuxu rare. Diana inire. Nieru sõwemy ritamy raremy idi riwinymyhyreki. ²⁵ Dimitiu ributunyre ibutumy womati ritxoo widÿÿdu, tamahãdu-wana. Tamyreny rarybere: —Wanyrÿboho adeereny ararybekre. Inyboho nieru ritamyhyrenyre kaa aõmysÿdÿÿ-ki. Kia tahe teerytenyte. ²⁶ Paulo rarybemyhyre kaa inywidÿÿnareny deuxu aõkõ rare. Tai tahe sõwemy iny tamy nariade irybe-di. Efesu hãwã sohojile-ki aõkõ, ibutumy Asia bede-ki irybe rityhynymyhyre. ²⁷ Iny aõmysÿdÿÿna õsana riixãwididÿÿnykre, ideuxu dohodÿÿna heto-wana, iny deuxu reny riixãwididÿÿnykre. Diana inyluure. Kaki sohojile aõkõ inyluure, ibutumy Asia bede-ki, tule bede bede ludu iluu inihikÿmy awireki. Paulo heka kia ibutumy rahukre. ²⁸ Kia roholareu tahe, raykarananyrenyre. Ryyrenyre: —Diana awi rare inydeereny. Tii Efesu hãwã deuxu rare. ²⁹ Rirajuamy rÿimyhÿ hãwã-ki. Hãwã mahãdu, Kaio Aristarku-wana rimyrenyre tahe ridyrenyre butunaube-õ. Tiiboho Paulo tÿimahãdu rare, Macedonia hãwã mahãdu rare. ³⁰ Tahe Paulo ralõkemy rexiwonyre tatÿi mahãduhe-ki, iny sõwey-ki tahe taerydÿÿna ijoiri tirÿre. ³¹ Tule ijõ bededinoduõ, Paulo wiõhedÿÿmy ratxireri. Tai tarybereny Paulo-õ riwahinyre ibutunaube-õ raõkemy, brebunamy roireriki. ³² Tiilemy ijõ rarybemyhyre. Ijõ iwitxiramy rirajuamyhyre. Urile wimy rauriurire. Aõherekibo ibutumy rÿirerí, iny rieryõhyre. ³³ Alexÿdre iny sõwey-ribi rimyrenyre tahe, idi retÿhire, ritamadÿÿnyre iny rudera-õ. Alexÿdre debõ riteõsinyre tamahãdumy rarybekemy. ³⁴ Iny sõwemy idi retehereu, judeu mahãduõ raremy rieryreu tahe rirajuatyhyre. Tahe inatxi õramy rirajuahy rÿimyhÿ: —Diana awi rare. Tii heka Efesu deuxu rare. Kiamy ryyrenyre. ³⁵ Idi tahe hãwã weduõ riixãwididÿÿnyre. Tahe rarybere: —Hãbu, Efesu hãwã mahãdu. Ka hãwã Diana hãwã rare. Kaki tohodÿÿna heto reyrubuwãhãrenyre. Kaki biu-ribi mana ritxoo desede. Ibutumy kia reeryrenyre. ³⁶ Kia inatyhy rare. Tai tahe rikiyrymy rokorokorenykre. Aõwesele aõwidÿÿõmy. ³⁷ Kaa hãbu tedytenyteri. Aõhe rotÿÿnyõreri. Aõ-di rawasinyõhyreri dohodÿÿna heto-ribi. Aõbinahakÿ iny hãwyy deuxumy raryberenyõhyreri. ³⁸ Dimitiu tamahãdu-wana aõbo tai reny ibinamy ihÿrenykeki, ywisidÿÿdu-õ idi rakre. Tiiboho heka wii ributunymy rÿireri. ³⁹ Ijõ rybe tahe atxibenykeki, ijohonadu mahãdu adibutunykre arybe-õ aroholarenykemy. Iwese inyboho rotÿÿnynymyhyre wese arieryrenykre. ⁴⁰ Roma hãwã dinodu õsana aõmybo inymyreny kanarybekre. Wiji inyboho aõhebo rotÿÿnyrenyrimy. Aõ kÿnyhe iõ-ki ka wiji jei jei rÿireri wahe. Roma hãwã dinodu tarybe kidiwahinykre-wana wahe, timyhe warybeõna. ⁴¹ Tahe riixãwididÿÿnyre. Rõõsere ibutumy.

20 Kia jei jei rybe rexihureu, Paulo tahe taerydÿÿna mahãdu-ò tarybe riteònyre tiiboho kanakemy. Tahe rakrekou tyremy tamyreny Deuxu rybe-di rotoho-nyreny Deuxudeewimy rierykemy. Idi tahe rito-binyreny. Rare heka Macedonia bede-ò. ² Ibutumy titxibo rexitomonymhÿ ritohodÿÿnymhÿre ityhydÿÿdu mahãdu-ò. ³ Tahe Akaia bede-ki heka bede riijere inataò ahãdu. Tahe rexiwinyumhÿre ratximyhÿ Siria bede-ò rakremy hãwò-di ridymhÿredi heka rakremy rexiwinyre. Idi tahe judeu mahãduò irubudÿÿmy rarybemy nyimyhÿ. Inyò Paulo rierydÿÿmy, tai ta Macedonia bede-di ròðere Siria bede-ò rakemy. ⁴ Hãbuò ramyhÿre tii-wana Jerusalë-ò, ta kamahãdu Asia bedeòle he roirenyre. Sopatu ijònire, tii heka Bereia hãwã mahãdu rare, Biru heka Sopatu tybini rare. Aristarku ijòre, adelahelÿÿna ijòni rare, tiiboho Tesalonija hãwã mahãdu rare. Ijò Kaio inire, tii Debi hãwã mahãdu rare, Tximòtxi ijò rare. Tule ijò Asia bede ludu rare, Txitxiò ijò, Trofimo ijòre. Rarekie. ⁵ Kiaboho juhutyhy rexi-raòmy roirenyre. Paulo riraòmy Troaji hãwã-ki. Tule riwaraokre —Luka jiarÿ ka tyriti widÿÿdure. ⁶ Worana bedehesi ituereu tahe, jiarÿ Paulo-wana roirenyre heka hãwò-di Filiposi hãwã-ribi. Iruyre txu rÿidi tahe rehemynyre. Troaji hãwã-ò. Taita sohoji semanamy rewyrenyre.

⁷ Tahe nobiutxu ityhydÿÿdu mahãdu iny wi ributunyre, Inynyrÿ mona, rÿsÿna-wana tuu rihitxinyumy rirÿsÿkemy. ⁸ Tahe Paulo iu rybe ritÿnyre itxu biòwamy rexiwinyumy rÿimyhÿ tahe rakremy. Urile tahe rarybereri hyky tahe ruetya he wihe ritotynymhÿrenyre. Heteranoa-ki biu-ki rÿimyhÿre. Kanoòtyhy-ki rabutunyre. Tiu Paulo rarybemy rarybemy rexi-hukòhyre, biurasòmy rakreki. Tahe sòwemy heka lamparina rÿimyhÿre. ⁹ Ronymhÿ, moma inire, Otxiu. Aõma-ki ronymhÿ, heto janela tyre-ki biu-ki. Ta tòhòti rosare, ròròmy resere. Iribi reare, biuribihikÿle resere suò. Rurure. ¹⁰ Tahe Paulo robehemu rare tamy. Tatiowotimy resere weryrò rimykremy iwetya-ki. Paulo rarybere: —Bedeòtiidÿÿòmyke irulemy roire. Deuxu ixyby iumy tamy riwahinyre. ¹¹ Weryròmy irumy robirenyre tahe, ibutumy reysarenre. Tai tahe Inynyrÿ bemonu, rÿsÿna-wana tuu rirÿsÿrenyre biu-ki wahe. Paulo ixityre rarybere. Txu iòlò iòlòmny rareri-wana tahe rarybere. Tahe Paulo rare. Tatilemy rare Aso hãwã-ò. Tii tamy tarybe ririrehe: —Kowa ayhywydyna lawò arimykre.

¹³ Tahe jiarÿ, Luka, wamahãdu-wana roirenyre shywydynalawò-di Aso hãwã-ò Paulo-wana rekoarenkemy. ¹⁴ Rehemynyrenyreu tahe, Paulo ralòmny shywydyna laworo-ki. ¹⁵ Imytxubiòwa tahe Kio hãwãko-txi rehemynyre. ijò txu tahe Samosi hãwã-ki rehemynyre. Ijò tahe rehemynyre Mitilene-ò. ¹⁶ Paulo ixitamadÿÿ deramy reare Efesu hãwã-ò. Raeleemy ratximyhÿ Jerusalë-ò rehemynykemy, aõma, Pentecoste kia judeu worana bedehesi-ò raelelere.

¹⁷ Tahe Miletu hãwã-ki rehemynyre, dohodÿÿna matuari mahãdu tamy he rarariòwyre tamy rarybekremy hãwò-ò kedehemynykemy. Tahe Efesu-ribi ditehe-

mynydeu, kia tamy rarybere: ¹⁸ —Tahe tiemy Asia bedeki Inynyrÿ-ò raaòmysÿdÿÿhy watxiwãhãre. Aõmy aòkò ixidee rahòtinywãhãre. Rahinymahãre, Inynyrÿ dee rybe retÿnynmahãre. Warube resehy watxiwãhãre. Tai ta brebuna nihikÿ waumy-di rarewãhã. Judeu mahãdu heka sòwemy wamy rarybemy riwarubunykemy. Kia ibutumy aõmydÿÿnana teerytenyte. ²⁰ Tiu raberuòhywãhãre Inynyrÿ nimy rybemy. Ibutumy rarybewãhãre iny sòwey-ki tule heto hetowomy relymahãre. ²¹ Judeu mahãdu-ò retÿnynre tule judeukòdu mahãdu-ò taòraru ririkemy Deuxu dee taòraru-txi tòhòti reakemy rabadewokemy. Tule Jesuisi Kristu rityhynkemy. ²² Katahe wiji arakre karibi Jerusalë hãwã-ò. Deuxu Tyytybytyhy heka wadee dyrymyhÿde. Aõhebo arotÿÿnykre, reerykòre. Kiale reerywãhãre, aõma, Deuxu Tyytybytyhy wadee rarybemyhÿre ibutu hãwã-ki, aõma, aòhòkÿmy arotÿÿnykre kowa. Rotenawo-ki aroikre. Myle reeryre. ²⁴ Tiiemy tamy raaòmysÿdÿÿmahãre. Kiale wadee Inynyrÿ Jesuisi rewahinyre urenana. Kia ariwinyòkeki, aò aòkò heka jiarÿ waumy-ki. Tii arelywãhãke inyko-ò rybe tÿmyra wihikÿ, timybo Deuxu inyluurenre. ²⁵ Araerynanywÿhÿreny Deuxu Iòlònamy, wamy tahe bobibenyòtyhy ixityre. Kia reerywãhãre. Jiarÿ tule umyreny arobiòtyhy. ²⁶ Tahe adeereny aõmybo ararybekre. Ryranyumy heka watxiwãhãre ibutu hãlubu-ribi. Kaiboho aòraru-di burubenykeki, jiarÿ aòkò tuure. Inyò wamy rarybeòtyhy aõma Rybewihikÿ-di jiarÿ itÿnynyòmahãremy. ²⁷ Tiiemy rarybehyy rarewãhã ibutumy Deuxu bedeywinamy. ²⁸ Tai tahe ixi-di awimy boibekre. Iwese buòdoeni itxeredu tamy rÿsÿna riwahinyre wese, kaiboho ityhydÿÿdu mahãdu-ò Deuxu rybe tamyreny biwahinybenykre. Deuxu dohodÿÿna mahãdu tii rare. Jesuisi tahãlubu-di tii riwyre. Tai tahe ityhydÿÿdu mahãdu wiòhedÿÿdumy kaiboho toite. ²⁹ Karibi arohonykre, aitxeredu mahãdu kanakre. K reeryre. Adeereny òbitimy aòkò rierynanykre. Tiiboho ahola wesemy ratximyhÿrenyre. Iwese buòdoeni-ò imynymy ròsemymyhÿre wese heka kedehemynykre. ³⁰ Inyò heka aityhydÿÿdu seriòre yribi iwitxira aõna aõnamy kidierynanyumhÿkre. Taijoi kididymhÿkre tarybe-ò ijonamny. ³¹ Tahe biijemy boibekre. Inataò beòramy awana rarewãhã. Kiamy rarybereri, iribi nohòtilosarenymy. Txu-wana, ruwana adireny ròreny-wãhãre. Rahinymy heka aòrarurenre-ki watxiwãhãre. ³² Tahe ararirenre Deuxu-wana ixi-di he awimy renykre. Tii heka adireny rarekre. Tii tahe nohòtilosarenymy, boibekre Deuxu rybe-di. Tii heka riwiòhenanykre atyhyna raumynykemy. Deuxu riwyreny wahe adee reny aõna aõna wiwihikÿ riwahinykre òbiti mahãdu-wana kia bitabenykre. ³³ Tii heka jiarÿ ijò hãbu-ribi nieru tarasamy rahòtinyòhyymahãre tyy wiwihikÿ tarasamy raruòhyymahãre. ³⁴ Tiiemy wadebò-ribi hyy hyy raaòmysÿdÿÿmy rarewãhã waaòmydÿÿnana òwydÿÿmy. Tule rewìhenanywãhãre tii-wana watxiwãhãre mahãdu. Kaiboho teerytenyte kia. ³⁵ Ibutumy rewìhenanywãhãre iaòkò mahãdu kia heka tuu

tabitenyte kia rewinyamahãremy. Teerytenyte timybo Jusuisi rarybere: —Biwahinybenyke, kia dori iny-ribi ritamyhÿre ratyre awi rare.

³⁶ Tahe rybe-ribi rexihureu, tatiowotimy rota-manyrenyre wiwana rexitøenyrenykremy. ³⁷ Tahe rahinyrenyre, rimyrenyre tamy wørenyre, aõna rakreki, kia-ki rexythyenryeri tamyreny. ³⁸ Tiiemy rabede-worenyre tiu tuu robirenyøkremy. Tahe hãworo-ò tiibo-ho-wana roirenyre.

21 Iribi rõhønyre tahe, øbitihyy rare Kòsi hãwã-ò. Ijõ txu tahe Rodesi hãwã-ò ritehemynyre. Iribi tahe Patara hãwã-ò ritehemynyrenyre. ² Tai tahe rahare hãwø-ki, Senisia hãwã-ò rakremy rexywinyreri. Roirenyre kia yhywydynalawø-di tahe rorukerenymy rõirenyre tamy. ³ Xibri bedebute weribi-ò reureu, inyhywenawe-ribi Siria bede weribi-ò. Tahe ritehemynyre Tiro hãwã-ki. Tai tahe hãwø-ribi aõna aõna-di rekoarenyre. ⁴ Tamy roirenyre tahe, rÿÿraxirenyre kahãwã ityhydÿÿdu mahãdumy. Tai raharenyre. Sohoji semanamy bede tiibo-ho-wana wadireny rÿire. Kiaerydÿÿna mahãdu heka Paulo dee raryberenyre: —Aõma noõmykre Jerusalẽ-ò. Deuxu Tyytybytyhy tuu tamyreny rarybemyhÿre. ⁵ Tahe semana ituereu, diòðsedenyde ixyby hãworo-ò. Ibutumy diberenydenyde ityhydÿÿdu mahãdu tiibo-ho-wana ÿnyra-ò, hãwyy, uladu, ibutumy. Tahe rexitøenyrenyre. ⁶ Ritobinyrenyre tahe, riðøserenyre heto-ò ixyby.

⁷ Idi tahe Tiro hãwã-ribi rare. Tahe Tolimaida hãwã-ki ityhydÿÿdu mahãdu rerybewãhãrenyre txu sohojilemy bede reijerenyre tai. ⁸ Ijõ txu biòwamy tahe roirenyre Cesaria hãwã-ò. Tahe Filipisÿ-ki rasÿnyreny Rybewihikÿ-di tÿnydÿÿdusÿ-ki wahe. Tii juhuhu aõma ityhydÿÿdu mahãdu wiðhedÿÿduø juhutyhy rare. ⁹ Tii heka inaubiòwa iriðre rare. Tahe heridu aõkõ ijadøma mahãdu rare. Ijadøma mahãdu heka Rybewihikÿmy rybeduøle rare. ¹⁰ Tahe aõtxu taile watxiwãhãrenyre. Tahe hãbuø dehemynyde Judeia bede-ribi, moma inire Abusi. Tii tule Deuxu rybe-di rarybemyhÿre. ¹¹ Idi tahe nade inyorarenymy. Tahe rimyre tii Paulo wereysana. Tawahe idile rimyre rexitaare tebø-wana. Idi tahe rarybere: —Deuxu Tyytybytyhy wa kiamy rarybere: —Kia wereysana wedu heka iwese rataataamy rãire wesele heka tule rataataamy rÿikre Jerusalẽ-ki judeu mahãdu heka kia riwinykre ta riwahinykre judeukødu mahãdu-ò. ¹² Tamy raholarenyre tahe, raryberenyre Paulo dee raøkremy Jerusalẽ-ò. Jiarÿboho raryberenyre tamy tule ijõ tule tamy raryberenyre. ¹³ Tahe Paulo rarybere: —Hirenyømyke, tiwabedewodÿÿnytenyteri. Rexiwinymy watxireri Jerusalẽ rõtena-ò araløkemy. Tamy sohojile aõkõ kÿny, tule Deuxu dee wikeki tahe arurukre Inynyrÿni øraru-ki. ¹⁴ Timy heka Paulo nohøti rareadÿÿrenyøke tiiemy tanonanamy rara. Tahe rarybemy rahudi kiamy tarybe-ò resere Deuxudeewilemy rotÿÿnymy ratxike.

¹⁵ Iribi tahe iny aõna aõna rexywinymy Jerusalẽ-ò roirenykemy. Ijõ ityhydÿÿduø Cesaria-ribi iny-wana roirenyre. Tahe rethemynyrenyre, Menasø heto-ki rasÿnyrenykeny ityhydÿÿdu riwadyrenyre. Menasø he-

ka juhutyhy ityhydÿÿdumy ralømy raremyhÿ. Juhuu tii Xibri bedebute-ki rasÿnymy raremyhÿ.

¹⁷ Jerusalẽ ityhydÿÿdu mahãdu ibutumy awimy riwamyrenyre. Jiarÿ, Luka wahe, Paulo-wana, ijõ ityhydÿÿdu-wana. Ijõ txu biòwamy tahe Paulo riwadyrenyre Txiaumy robikremy. Tule ijõ Jerusalẽ dohodÿÿna matuari mahãduø tai ronyre. ¹⁹ Wirirybenymy rahudi tahe, Paulo tamy relyyre aõhebo Deuxu tamy rotÿÿnyre. Timybo judeukødu mahãdu Deuxu rityhynyre. ²⁰ Kiamy roholareu, Deuxumy reallãrenyre ibrø-kí. Tai tahe inyø rarybere: —Paulo, sówemy judeu mahãdu rityhynyre. Kai teeryte, inyseriøre, ibutumy judeu mahãdu bede ywina riwinyomy ratximyhÿhy. ²¹ Inyø umy rarybere, raroimyhÿre kaki Jerusalẽ-ki. Judeu ityhydÿÿdu mahãdu-ò rarybere: —Paulo he Moisesi bede ywina-ribi nohøtirosakemy tii riteðnyre. Paulo rierynaryeri judeu ityhydÿÿdu mahãdu-ò kia judeukødu-nyri rasÿnyre mahãdu-ò. Kia inyø riki rarybere, Paulo uladunotyky resyna riteðdÿÿøreki riki. ²² Tii kÿnyhe roholarenyke kað tehemynterimy. ²³ Tai kiamy rikiwinyrenyke. Inaubiòwa hãbu katxi rare tarade riwysynykremy. Deuxu-ò tarybetyhy riwahinyrenyre, tai tahe tarade riwysynykremy. ²⁴ Kai tule makre iwesele arade riwysynykre Deuxu dohodÿÿna heto-ò. Tahe iradereny synaòwumy biòwynykre. Tai tahe ibutumy aluukre judeu mahãdu bede ywina tetyhynmahãteki wahe. ²⁵ Aõ inyboho ka judeukødu mahãdu. Ka bede ywinaø rityhynykeny aõkõ tuu iny ratxirenyre. Kaa adeereny tuu rarybewãhãrele rityhynyrenykeny: —Ka aõma rÿsÿna ritxoo rÿsÿnamy iwahidÿÿnalemy irÿsÿømy, tule iròdude ihãlubu iijeradÿÿøreri, uritere irÿsÿømy, tule øta øta øraru widÿÿømy. ²⁶ Tai tahe Paulo rarybere: —Hÿde, tii ariwinykre. Tahe Paulo rare Deuxu dohodÿÿna heto-ò kia hãbuø-wana. Tahe ibutumy iny rieryre xiwenaø riwinykre wahe, tamy dori raryberenyre.

²⁷ Tahe debòinatxi reurø txu-di riwinykremy. Idi ka debòinatxi reurø txu rexihudi tahe iòhømy. Tahe Asia bede ludu judeu mahãduø tuu robira. Tiibo-ho iny-ò rarybere Paulo rimykremy. ²⁸ Sówemy iny tamy wi rotyre Paulo øludumy. Tiibo-ho kiamy rirajuarenyre: —Haeli mahãdu, wylemy bodoike. Biwawiðhenanybenyke. Ka hãbu ratxireri iny bede ywinareny øludumy ritÿÿnymy rÿimyhÿre. Iny dee narybemyhÿde judeu mahãdu bede ywina rityhynyøkemy, tule iny Deuxu dohodÿÿna hetomy, judeukødu kawo-ò didyde tai tuu ribinadÿÿnyreri. ²⁹ Juhuu tahe ijømy robire hãbuømy hãwãhãkÿ-ki Paulo-wana ratxirerimy. Trofimo inire. Tii heka Efesu hãwã mahãduø ityhydÿÿduø rare, judeukødu mahãdu aõkõ tii ihÿre. Tahe judeu mahãdu rõhøtynyre Paulo dohodÿÿnahetowo-ò Trofimo ridyramy. Tahe Paulo ridyølere. ³⁰ Tahe sówemy iny rakyarananyre tamy, aõma kia hãwã hãkÿludu mahãdu. Sówemy iny rarybemy rÿimyhÿ, rajeijeimy rÿimyhÿ. Paulo tahe retÿhirenyre dohodÿÿna hetowo-ribi, ijòtòbøna riratòbønyre. ³¹ Tahe rirubunykeny rite-lenyre heka. Tahe soldado dinodu tyhy roholare aõma ibutumy Jerusalẽ hãwã-ki jei jei-di rÿireri. ³² Tai tahe

soldado tawedu diteõnyde kia tai jei jei mahädu rÿireriò. Tahe soldado robirenyrau, riixäwidinyrenyre, Paulo òhòtedÿÿ-ribi. ³³ Kia soldado wedu tyhy Paulo mynomy riteõnyre. Tahe ritaataarenyre womati reroti-di. Tahe rexitõenyre kia inydee mobo he ratxireri. Aõhebo he tii rotÿÿnyrerimiy. ³⁴ Ijõ heka iwitxiramy rarybemyhÿre, ijõ tiilemy rarybere. Tai tahe soldado dinodu bede rieryõhyra timyrebomy, ibutummy iny rirajuareki. Tahe ridykemy riteõnyre. Tahe soldado heto-ò Paulo-di roiremyre. ³⁵ Ryòwòna-di rotuòrau tahe, hãwã mahädu aõkõre he reburera. Soldado mahädu Paulo taaxiò tyre ritidimiy idi rara iny rimyeheny. ³⁶ Iny he rirajuamy rarybemyhÿre: —Bidybenyke, birubunyenyeke wahe. Myhe soldado mahädu hewomy rirahumyhyre.

³⁷ Tahe rirònykremy roirau tahe, Paulo soldado dinodu-ò rarybera: —Adee inihe wanyrÿ, ararybekemy watzireri. Tahe soldado dinodu ritÿÿraxinyre: —Kai aõbo kreu mahädu rybe teeryte. ³⁸ Kai jiarÿ araeryre. Kai Egito mahädu dinoduò tate, ibutudÿÿdu wedu tate. Kai 4000 iny aõbina widÿÿdu tedyte bederahy-ò.

³⁹ Aõkõre, Paulo dirawyònyde, tii aõkõ watzire. Jiarÿ Roma hãwã mahädu tyhyre jiarÿ rare. Wahãwã, Tarso hãwã rare, hãwã riòre aõkõ Silisia bede-ki. Judeu mahädu tule jiarÿ rare. Kaki iny mahädu-ò ararybekemy watziwãhãre. ⁴⁰ Tahe soldado Paulo —ò rarybere: —Tahe marybeke. Tahe lamamy rÿire inydee rarybekemy. Paulo tebò riteòsinyre riihohonadÿÿnykemy. Tai ibutummy iny riryrymy rÿirenyre. Judeu mahädu rybe-di tamyreny rarybere.

22 Kawese Paulo tamyreny rarybere: —Waseriòre, waluuboho, wabededÿÿnanamy adee arelyykre. Wamy bohولاتyhyke.

² Judeu mahädu rybe-ò roholareu tahe, riryrytyhymy rorukurenyre. Tii heka rarybere: —Jiarÿ judeu mahädu jiarÿ rare. Raumynyre Tarso hãwã-ki. Kia Silisia bede-ki rare.

³ Kaki Jerusalë-ki ratyritinymy rarewãhã, Kamalie ninadu tyritina-ki. Ibutu Judeu mahädu bede ywina bede reeryre Kamalie-wana. Ibutummy Moisesi bede ywina-di riwaerynanymyhyre. Tii tahe reywinywãhãre, retyhynytyhywÿhÿre. Ibutummy Deuxu bede ywina ariwinykemy ixi-di rahòtinywãhãre iwese wiji iwidÿÿmy tarutenyteri wesele wahe. ⁴ Jiarÿ ka ityhydÿÿdu mahädu aõhòkÿmy rotÿÿnymyhyremy reteòwãhãre ihyyle ijõ rubudÿÿmy reteònywãhãre. Hãbu hãwy-wana reròtenywãhãre ròtenawo-ò. ⁵ Waaõmydÿÿnanamy bierybenykre-wana, tamy marybeke dohodÿÿna wedu-ò, matuari mahädu-ò. Dohodÿÿna wedu tyriti rewyre Damasus hãwã dohodÿÿna heto-ò. Tai tahe tyriti-di risÿnyre ibutummy ityhydÿÿdu mahädu aõhòkÿmy rotÿÿnykemy, tule womati reroti-di rataataakemy Jerusalë-ò kididykemy. ⁶ Iòhòmny txutyemy iijira-ò, Damasus hãwãry-ki watziwãhã. Tahe loosòna itÿnyhÿkÿmy wadee dehemynyde. Bedetxile resere. Tahe rybeò raholare: —Salu, Salu, aõherekiwexe aõbina binahakÿle wadee tadiwinymahãte. ⁸ Tahe jiarÿ rarybere. Mowexe wadee rarybereri, Wanyrÿ. Tii rary-

bere: —Jiarÿ Nazare ludu watzireri, Jesuisi. Kai aõbina binale wadee tadiwinymahãte. ⁹ Hãbu wawana rÿimyhÿ, aõ rieryõhyre aõmybo wadee rarybemyhÿre tahe loosònamy he robirenyre. ¹⁰ Tai tahe rarybere jiarÿ: —Aõwexe ariwinykre, Wanyrÿ. Rarybere: —Myike wahe, make Damasus hãwã-ò. Tai tahe inyò adee kanarybeke aõbo biwinykremy. ¹¹ Tai tahe rabiòmny rãiwãhã kia loosòna ritÿÿrÿhÿkÿreki. Tai wabiòwa ryy wadee ritÿÿnyre wadebò-ki riwamymy Damasus-ò arehemynykemy. ¹² Tai tahe hãbuò wadee rehemynyre, Ananiamy ninadu. Tii heka Deuxu tyhydÿÿduò rare, bede ywina rityhynymyhyre, ibutummy Judeia mahädu, Damasus hãwã-ki heka tuure. ¹³ Tii tahe wadee rarybere: —Waseriòre, Salu, aruebimykemy ixityre bobikemy. Aõwesele tahe rabimy reare. Ananiamy rabire. ¹⁴ Tahe ixityre wadee narybede: —Inytyby Deuxu juhuru aratare, aõbo tamywymy bierykemy. Tule Jesuisimy bobikemy, Deuxu òbiti hãbu. Tule boholakemy aõbo tii adee kanarybekeò. ¹⁵ Tai tahe biwykre irybewihikÿ tÿmyra ibutu bede bede iny-ò. Belyyke timybo taholatemy, tabitemy. ¹⁶ Tai tahe rooreheòmykre. Wijile makre maratysebekre. Aõraru-ribi yrahakÿlemy mabekre, Wanyrÿnimy tetyhynyte xiery. ¹⁷ Idi tahe Jerusalë-ò rehemynyre wahe, aõtxumy ixitòenymy rarewÿhÿ Deuxu dohodÿÿna heto-ki. Tai raholarerasina wese-ki aõma Deuxu wadee rarybererimiy: —Wylemy bòhònykre Jerusalë-ribi. Warybemy tamy marybekre, rityhynyrenyòtyhy. ¹⁹ Tahe Inyryrÿ-ò rarybere: —Ibutummy hãwã-ki aityhydÿÿdu mahädu rehãtenyre, rewotomonyre, reròtedÿÿnyre. Ibutummy kaki kia rierymy roimyhÿre. ²⁰ Arybe tÿnydÿÿdu rirubunyre, moma Estevaò, jiarÿ taile watziwãhãre. Rewiòhenanywÿhÿ irubudÿÿdu mahädu tyy reyruubunyre aõma mana-di rihurenyre wahe. ²¹ Tahe Deuxu wadee rarybere: —Bòhònykre wa Jerusalë-ribi. Irehetyhymy arateòkre judeukòdu mahädu-ò. Kia Paulo tamyreny rarybere.

²² Tahe kia iny roholamy rÿimyhÿre kia Paulo iximy relyreò. Tahe raykarananyryryre: —Bidyke karibi ahana-ò, birubunyenyeke. Irumy rareòkre idi watziwãhãrenyre. ²³ Tatyky riohowire, brybysi-di biu-txi rehure, riryrymyhyrenyre. ²⁴ Soldado dinodu tahe riteònyre iwo-ò ridyrenykeny awaru òhòtenahãkÿ-di tuu raòhòtekemy. Soldado dinodu rierykemy ratxireri aõherekibo iny tamy rakyarananyraki wahe. Tii rarybekre òsana tuu raòhòtekeki. Kia soldado dinodu ròhòtinyre. ²⁵ Tahe Paulo ritaataarenyre. Imy rahudi tahe Paulo rarybere soldado dinodu-ò: —Jiarÿ Roma hãwã mahäduò rare. Wamy maòhòtebenyòtyhy, aywisidÿÿna mahädu wadee roholaòre tebutunyòteki. Kia riwadÿÿkòkemy roimiy rare. Abede ywinareny adee rarybere kia widÿÿòmny. ²⁶ Tai tahe kia soldado dinodu tadinodu-ò rare. Tahe tamy rarybere: —Kowa hãbu, Roma hãwã mahäduò rare. Tai tahe aõbina bina tamy iwidÿÿòmny. ²⁷ Kia roholareu, tii rara Paulo-ò tamy rÿÿraxikemy: —Inatyhybe Roma hãwã mahäduò aõbo atxiteri. Paulo tahe narybede: —Kohe, jiarÿ, kia mahäduò watzireri. ²⁸ Tai tahe soldado dinodu narybede: —Jiarÿ tule watzireri. Nieru sòwe-di reòwynyre tuu

aronykremy. Tahe Paulo rirawyònyre: —Jiarý tiu kia watzxireri. Waha dori Roma mahãduõ raremyhý. ²⁹ Tai he soldado mahãdu iribi rõhònyre aõwesele tii Roma mahãdu ratxire riki. Soldado dinodu tule ruberure tii dori rataataamy riteònyreki.

³⁰ Txu biòwamy ritare rõtena-ribi rõhònykemy. Judeu xiwewahidýŸna dinodu inyõ ributunyre ywisidýŸdu mahãdu-wana. Tahe Paulo ridyre tamy. Tii dori rierykremy ratxireri aõherekibo judeu mahãdu Paulo deramy rýireri.

23 Paulo tamyreny retehere, dinodu mahãdu-ò wahe. Tahe rarybere: —Waseriòreboho, Deuxu-dile watzimy ramahãre. Tiiemy aõbina binamy aõkõ watzxireri, tamy iluuna-di tyhy watziwãhãre. ² Anania hãbu-ò rarybere, iòhòmy Paulo-ribi rýireriò: —Iry-ò bi-hetenybenyke. ³ Paulo tahe tamy narybede: —Kai wa aõ aõkõ tate. Hetotira ura wese tate, awo arayky isuisure. WaywisidýŸdu wesemy talòmy atxiteri, tahe wãhetedýŸmy tarybeta. Kia bede ywina rarybera wesemy aõkõ tewisýnyteri. ⁴ Tahe iòhòmy Paulo-ribi rýireri, tamy rarybere: —Kia wesemy rybeòmy Deuxu xiwe wahidýŸdu wedu-ò. ⁵ Tahe Paulo rarybere: —Aõkõre, reeryòhyre aõxiwe wedubo ratxirerí. Tyyriti kiamy rarybemyhýre: Tiu riki wedumy aõmy rybebinamy aõkõke. ⁶ Idi tahe Paulo rexieremy resere. Tahe ixidee rõhòtinyre. Ka iny sòweyre fariseu mahãdu heka rare. Iyrejura tasý saduseu mahãdu rare. Tai tahe Paulo rryre: —Waseriòre mahãdu, jiarý fariseu mahãduõ rare. Waha, wylabieboho ibutumy fariseu roire. Rubu-ribi ixixana retyhynywãhãre. Tai tyhy tahe kia-ò, ywisidýŸdu-ò wiji diwadyde. ⁷ Imy rahudi tahe fariseu mahãdu saduseu mahãdu-wana wiribi rihitxinyre. ⁸ Saduseu dori rubu-ribi ixixana rityhynyòhyomyhýrenyre, tule ýju, tyytyby-wana rityhynyòre. Fariseu mahãdu tahe, kia ibutumy rityhynymyhýre. ⁹ Tai tahe sòwemy rajei jeimy rýimyhý. Tahe fariseuõ rarybere Paulo òbitimy ratximyhý. Aõ teòsamy tai tuu arobirenyke kýnyhe aõkõre. Ýjuõ òsana tamy rarybera ada tyytyby aõbo. ¹⁰ Tai ta tarurutyhymy rryrenyre. Tai tahe soldado dinodu ruberure aõma Paulo riykaykaketxi roholare. Tai rarybere tamy: —Iribi bitake, idi boibenyke ixyby soldado heto-ò.

¹¹ Rummy tahe Paulo weribi Inynyrý tamy narybede: —Brebúõmy aõ-di nohòtiòmyke ixi-di. Iwese kaki Jerusalẽ hãwã-ki wamy tarybete wesele heka Roma hãwã-ki wamy marybekre.

¹² Tahe biurasòtxu he judeu mahãduõ wi dotyde Paulo rubudýŸmy. Iny inatxiwa ituemy hãbu kia wese raryberenyre: Rikiroxirenyòtyhy bemy rikiòrenyòtyhy. Paulo rurukeki xiery ta rikiroxirenykre. ¹⁴ Tahe xiwe wedu mahãdu-ò tiiboho roirenyre. Judeu matuari mahãdu-ò tule kia ibutumy relyyrenyre iwese Paulo rubudýŸmy ratxireri wese. ¹⁵ Tule tamyreny rarybere: —Kaiboho ixityre marybebenyke soldado dinodu-ò manakremy Paulo-di ywisidýŸdu-ò. Tamy dýŸraximy idi ratxireri tiiboho rõhòtinykre. Tai tahe ry kana-ò rearaki tahe ijoi rikirubunykre. Kia judeu mahãdu xiwe wedu-ò rarybere. ¹⁶ Tahe Paulo seriòre woludu, ilana

rubudýŸmy rarybereò roholare. Tahe ralore soldado heto-ò tahe tuu Pauloko relyyky. Tahe relyyre. ¹⁷ Kia roholamy rahudi ta Paulo rariòwyre soldado dinodu tamy kanalokremy. Kiamy rarybere: —Ka weryry bidykre adinodutyhy-ò, aõma, ijyy-di ratxirerimy tamy relyyky. ¹⁸ Tahe ridyre soldado dinodu tyhy-ò tahe rarybere: —Paulo kýny ka weryry-di riwateònyreri aõmybo ako relyyky. ¹⁹ Tahe dinodu weryry axiò iyre ribi rimyre, tahe iny-ribi rirehenyre rarybekemy: —Aõbo wexe wako belyyky, weryry. Tahe relyyre:

²⁰ —Wylana Paulo ridykyre judeu mahãdu adee rex-itòenykremy ratxirenyre. Tiiboho adee raryberenykre: —RikitýŸraxinykre ijõ aõmydýŸnana. ²¹ Uritere tamy boholaòkre, weryry rarybere, idyòmykre tamy. Hãwã mahãdu sòwere rexiwòmy rýikre, iny inatxi wa itue hãbumy, wylana rubudýŸmy. Tii ruruòkeki, riroxiòtyhy, bemy riòòtyhy. Kiawese ka hãbu mahãdu rarybemy ramyhýre. Ahana òsana inyõ rýireri wylana ridykyre adee kedexitòenykremy. Wylana òludu tahe ryijàti-ki rexiwòmy rýireri. ²² Tai soldado dinodutyhy weryry-ò rarybere: —Uritere inyõ ierysòmykre wadee tuu telyyteri. ²³ Tahe inatxi soldado dinodu rarariòwyre, tahe tamy rarybere soldado dinodu tyhy: —Aõma, 200 soldado widotykre inataõ òra txu dòhòny-ribi, ijõ 70 soldado awarutyre-ki, ijõ 200 soldado tònori-di. ²⁴ Kia ibutu-wana Paulo bidybenykre awarutyre-ki Cesaria hãwã-ò. Biyrubunymy boibenyke Feli, kia bededinodu-ò. ²⁵ Tahe tyyriti riwinyre kia wese:

²⁶ —Jiarý Laujiu Lucio, warybe reritinyreri. Warybe wehityhyna rewahinyreri Feli-ò, Wanyrýtyhy, bede dinodu-ò rewahinyre. ²⁷ Hãbuõ adee reteònyreri. Tii judeu mahãdu rimyre tahe rirubudýŸmy riwisýnyre. Tahe soldado reteònyre ritakremy rubu-ribi, tii Roma hãwã mahãdumy rareki. ²⁸ Redyra heka ywisidýŸna mahãdu-ò. Aõherekibo rimyrenyremy arierykemy. ²⁹ Tabede ywina òrarukile teramy tamy reare, kia reerymy rawãhãre. Iny bede ywina òraru-ki aõ aõkõ tii riwinyre. Tai rurukemy aõkõ idi rewisýnyre. ³⁰ Judeu mahãdu rarybemy ramyhýre irubudýŸmy. Kiamy raholareu tahe, adee reteònykemy resere. Tule irubudýŸmy rõhòtinyra mahãdu adee rarybekemy reteònyre. Tiiboho aõbo raremy rarybekre. My kie warybe rewahinyre.

³¹ Idi tahe soldado mahãdu Paulo ridyre, iwese idinodu riteònyre wese. Rudile ridyre Atxipatxi hãwã-ò. ³² Tahe biurasòtxumy tahe tatilemy rare mahãdu rõòsere soldado heto-ò. Ijõ soldado awarutyre ludu Paulo iridyre Sesaria-ò. ³³ Tahe rehemynyre Cesaria hãwã-ki. Rare he bede dinodu-ò. Paulo tamy riwahinyre tyyriti-wana. ³⁴ Kia tyyriti-di tii rariareu tahe, tamy ritýŸraxinyre: —Tiribibo tate Paulo. Tahe Paulo dirawyònyde: —Jiarý, Silisia hãwã mahãdu rare. ³⁵ Tahe bede dinodu narybede: —Kaa hãbu mahãdu wii kodotykreu, kedehemynykreu, aroholakre inihe arybe-ò. Tahe iyrubudýŸ idi risýnyre Herodi ywisidýŸna heto-ò, Pretòriu ninadu-ò.

24 Iruyre txu reare rexihudi tahe, Anania, xiwena wedu tyhy, judeu mahãdu matuari-wana rehemynyre, ywisidýŸna mahãduõ-wana rehemynyre, mo-

ma, Tertuliu inire. Paulomy aõbinabinahãkÿ rybemy rareri bede dinodu-ò. ² Tahe Paulo didyde. Tertuliu rarybere Paulomy. Awiõmy rybe tahe rõhõnyre. Juhuu Feli-ò rarybere: —Kai Wanyrÿ tyhy, awihyymy heka atximahãte wadeereny. Tiiemy bede ywina inydee tewahinymahãte. Ibutumy iny bede hãwã hãwã-ki iny tewiõhenanymahãte. ³ Tai tahe omy reãlãtyhymy he watxiwãhãre. Urihimyõle adee Paulo aõmydÿÿnanamy ararybekre. ⁴ Txioi inihe làhã, boholabeny. ⁵ Tiiemy jei jiehyy ratximyhÿre Paulo òraru-ki. Tiiemy judeu mahãdu, my heka rarybehyy ratximyhÿre. Tii Nazare hãwã dohodÿÿna mahãduõ rare, kia weduõ rare. Tii Jesusi rityhynyre. ⁶ Aõkõre, iny Deuxu dohodÿÿna heto ribinadÿÿnyre, brebuna rÿirerimy ihÿre Paulo òraru-ki. Remyreny tahe, ywisidÿÿmy watxiwãhãre iny bede ywinareny rarybere wesemy. Tahe aõkõre, Lisiu soldado dinodu tyhy ritare iny-ribi wotõmona-di. ⁸ Tahe inydee rarybere: —Boibenykre Feli-ò. Tii adee roholakre. Kia tahe Lisiu rarybere. Tahe jiarÿ tule rarybere. Boibenyke Paulo dÿÿraximy kia inatyhy ada aõbo ada aõkõre aõbo. Tertuliu kia ibutumy rarybere. ⁹ Ijõ judeu mahãduõ rarybere: —Kia inatyhy ibutumy inatyhyle ratxireri, aõmybo Tertuliu raryberemy.

¹⁰ Tahe bede dinodu Paulo-ò riteõsinyre rÿikemy, rarybekemy. Paulo tahe tamy rarybere: —Wanyrÿ bede dinodu tyhy, sõwe beõra aõmydÿÿnana-di ywisidÿÿna-di atximahãte. Jiarÿ kia reeryre. Tai reysawãhãre adee ararybekemy. Waò inatxi reurõtxumy heka Jerusalẽ-ò adehemynyde. Iny-ò bitÿÿraxinykeki, wylemy ka bieryke inatyhy raremy. Jiarÿ Deuxu dohodÿÿna heto-ò rehemynyre Deuxu reãlãkemy. ¹² Tiu heka jei jei rewinyõhywãhãre dohodÿÿnaõ-ki aõkõ, hãwã-ki aõkõ. ¹³ Aõmybo wamy rarybemy rÿireri heka, aõ inatyhy aõkõ. ¹⁴ Sohoji aõmydÿÿnanamy tahe akoreny arelyykre, inatyhy rare. Retyhynywãhãre heka aõbo Jesusi rierynanymyhÿremy. Tii boho watyhydÿÿna rininirenyre dohodÿÿna mahãdu iwitxira. Kia hãbu rityhynymyhÿre wesele jiarÿ tule Deuxu inatyby retyhynymyhÿre. Ibutumy bede ywina tyriti-ki riritinymy rÿimyhÿremy retyhynywãhãre. ¹⁵ Iny, òrarudu mahãdu, ityhydÿÿdu mahãdu kedeixiakremy rubu-ribi. Kia retyhynywãhãre. ¹⁶ Tiu ibutumy òbiti widÿÿmy raruwãhãre. Deuxu-txi tule ibutu hãbu rue-ki. ¹⁷ Jerusalẽ-ribi rarewãhãu, tiwese beõra rewyre tahe icyby dõõsede Jerusalẽ-ò aõkõ mahãdu wahidÿÿna wesemy ariwahinykremy xiwena wese Deuxu-ò. ¹⁸ Deuxu dohodÿÿna heto-ki watxiwãhã, òbitimy rãire, ibutu bede ywina reywinymy rawãhãre. Tahe waxiwena-di waõludu wamy robire. Iny sõwemy weroramy watxiwãhã. Rybe jei jei rarybeõhyre. Tahe Asia bede judeu mahãdu tai rÿimyhÿ. Tii bohole rybe jei jei riwinymyhÿreny. ¹⁹ Wamy aõmydÿÿnana rarybekremy ijõdikeki, rokoholakre. Kaki aõkõ ratximyhÿreny. ²⁰ Aõbo waki teõsamy rahare ywisidÿÿna mahãdu-ko rãireu, tamy rokoholakre. ²¹ Sohoji aõmydÿÿnanalemy rarybere teõsamy. Kiamy rarybere: —Retyhynyre rubu icyby kedexiakre. Tai ywisidÿÿna mahãduko-ki watxiwãhã.

²² Feli bede dinodu rierymy ratxireri aõmybo ityhydÿÿdu mahãdu rityhynyre. Tai rarybere judeu mahãdu-ò: —Lisiu, aõma, soldado dinodu tyhy rehemynyre, bede rikierydÿÿnyre. ²³ Tahe Paulo rõtena heto wese-ò ratximyhÿreki, riõõsedÿÿnyre. Ta rarybere he soldado dinodu-ò: —Ywimy idi ratximyhÿkemy. Tule rarybere: —Iò ixinamy terina mahãdu iroramy kanakre. Ixinamy uriõnomy tamy kidiwahinykre awityhy roimyhÿkemy.

²⁴ Iribi nade Feli tahãwyy-wana Drusila. Ihãwyy heka judeu mahãduõ rare. Riteõnyre Paulo-ò tamy kanakremy, tamy kanarybekremy. Paulo rarybere tamy: —Jesusi Kristu kia tyhydÿÿnamy. Tii òbiti-di iny rõhõtinykemy tule ywisidÿÿna txumy Deuxu kanakremy ritÿÿnyre. ²⁵ Tahe Feli ruberemy. Makre, tamy rarybere, aõwaxiny tiubo wabededÿÿnana-di my kÿnyikre, icyby adee ararãriõwykre. ²⁶ Tule Feli ijõ nieru Paulo-ribi ritakemy ratxireri, tai rarariõwyre ijõtxu ijõtxu tii-wana rarybekremy. ²⁷ Inatxi beõramy bede idi rÿire. Iwitxira bede dinodu ralore Feli derõwy. Porsiu Festu inire. Feli tahe judeu mahãdu tuure tamyreny aõõ riwinykemy ratxireri tahe Paulo ririre rõtenawo-ki.

25 Cesaria hãwã-ki bede dinodu tÿmyraõ ronyre. Festu inire. Inataõ txu-di tahe iribi rõhõnyre Jerusalẽ-ò rakemy. ² Tahe xiwe dinoduõ, judeu mahãdu dinoduõ tamy rarybere Paulo aõmydÿÿnanamy. ³ Tamy rexitõenyre Paulo-di wylemy kanakremy. Kiamy heka rexinohõtitynyre ryrowetya-ki rirubunyrenykre. ⁴ Aõkõre, Paulo ratxirekre Sesaria-ki, Festu rarybere, jiarÿ tahe arõõsekre ele elemy kowa-ò. Kaiboho adinodu mahãdu wadi roikre kowa-ò. Rokoholarenykre ywisidÿÿna-ò. ⁵ Tule kaiboho aõrybedikeki, Paulomy, kowa-ò rarybekremy.

⁶ Iribi tahe debõwiõ txu òsÿny txu idi rÿidi tahe icyby Festu dõõsede Cesaria-ò. Irootxu tahe Paulo ywisidÿÿna rõhõnyre. Tahe Paulo ridykemy riteõnyre ywisidÿÿna butuna-ò. ⁷ Tahe judeu ywisidÿÿna mahãdu heka sõwemy tuu aõbina binahakÿmy Paulomy rarybemyhÿre, Jerusalẽ-ribi rehemynyre. Aõ inatyhymy aõkõ. ⁸ Paulo tahe rexitxiõnyre: —Jiarÿ kÿny kia-di aõkõ watxiwãhãre. Tii rarybere: —Tiu heka judeu mahãdu bede ywina ratyre aõna aõnamy ratÿÿkõre. Tiu heka Deuxu dohodÿÿna hetomy rewinyõwãhãre, tiu Roma dinodu bede ywina ratyre aõhe ratÿÿnyõwãhãre. ⁹ Idi tahe Festu rÿÿraxire Paulo-ò: —Kawexe texiywinymy atxiteri Jerusalẽ-ò makremy. Kowa ywisidÿÿna ariwinykemy adee roholakremy. Kiamy Festu rarybere aõwiwihikÿmy riwinykemy ratxireri judeu mahãdu dee. ¹⁰ Tahe Paulo rirawyonnyre: —Aõkõre, arakre he Iòlò tyhyòhòkÿle arehemynykre. Tii wadee roholakre. —Jiarÿ dori ixiywinyhÿy tamy arakre. Kai teeryte jiarÿ aõkõ tudÿÿduramy. ¹¹ Aõma aõbo waki binamy relera-wana heka arurukre. Aõkõkeki tahe aõbo awihykyle rewinyre-wana heka timy inihe warubudÿÿõmy. Iòlò tyhyle wadee roholakemy he ixide rahõtinereri. ¹² Festu tawihedÿÿdu-ò rarybere. Idi ta dirawyonnyde: —Awire, iòlò tyhy-ò atxiteri urenana kÿnyhe aõwaxiny makre.

¹³ Iribi tahe aõutxumy tahe iòlò Agripa dehemynde, Benise tariòrese-wana. Festu roramy rareri. ¹⁴ Tahe tii-wana rarybemyhÿre aõutxu, Festu-wana. Idi tahe Paulo aõmydÿÿnanamy iòlò-ò rarybere: —Ròtena-woluduõ roireri ròtenawo-ki. Tai he Feli ririre jiarÿ iaõmydÿÿnana arierykremy. ¹⁵ Aõma Jerusalë-ki watxi-wãhãu, dohodÿÿna wedu mahãduõ wadee heka rarybere: —Tii arirubunykemy heka wadee rityhenymy-hÿre. Judeu mahãdu matuariõ tule kia rarybere. ¹⁶ Tahe tamy jiarÿ rarybere: —Aõkõre, aõma Roma mahãdu kia bede ywina dori tuu aõkõ roimyhÿre. Juhu heka rakre ywisidÿÿna-ò tahe relykre heka iximy, taòludu mahãduko-ki. ¹⁷ Kaò juhu ditehemynydenydeu, tamy rarybere. Ijõ txu he reyrubunyre ywisidÿÿna-ò roholakremy tahe Paulo ridykemy aditeõnyde. ¹⁸ Tahe aõmybo tamy rarybere heka, iwese rahõtinyre wese aõkõ tii riwinyre. ¹⁹ Aõbo ityhynareki heka tuheka rÿire. Inyõ heka tii rarybemyhÿre Jesuisi rurulemy. Tahe Paulo rarybemyhÿre irulemy ihÿre. Tai kÿnyhe rimymy ramyhÿre. Riròtenymyhÿre. ²⁰ Tai tahe tiiemy rahõtinyre: Timy taheka aõhe arotÿÿnykre ka aõmydÿÿnana-di. Paulo-ò retÿÿraxire aõma Jerusalë-ò aõbo rakema ywisidÿÿna-ò. ²¹ Tahe Paulo rarybere: —Iòlòòle rakremy aõbo. Tii wamy roholakeki, teòdu waòrysmy ariraokre. Tai tahe ròtena-ò ixyle rerutyre. ²² Tahe iòlò Agripa rarybere: —Jiarÿ aroholakre inihe kia hãbumy. Tahe Festu dirawyònyde: —Biurasòm tamy bodoholakre.

²³ Idi tahe itxu biòwamy dehemynde, iòlò, Benise-wana, ywisidÿÿna heto-ò. Ibutumy he iny ralore, soldado wedu mahãdu, iny ityhymy rÿira mahãdu, ibutumy ralaralor. Tai tahe Festu Paulo didyde. Tahe rarybere: ²⁴ —Iòlò Agripa, ibutumy ka wadee ijohonadu-wana, ka hãbu heka ibutumy iny he irubudÿÿmy he idi rÿireri, judeu mahãdu kaki tule Jerusalë mahãdu. ²⁵ Jiarÿ rahõtinyreri aõ heka riwinyõhyre tai rurukre wahe. Tai iòlòtyhy-ò rakremy heka ratxireri. Ariteònykre nomy dori tii ratxireri. ²⁶ Aõbo tamy ariritinykre. Aõ heka waritidÿÿkõnare. Aõ dori riwinykõre. Tai redyreri adee iòlò Agripa. Tamy juhu boholakre. Iribi tahe wadee manarybekre aõbo ariritinykremy. ²⁷ Timy kÿny wateòdÿÿkõna uritere òhy-naòhòkÿle Iòlòtyhy-ò ariteònyõtyhy.

26 Tahe Agripa Paulo-ò rarybere: —Aõwaxiny belykre aijjymy. Paulo he tebò riukore he rarybekremy.

² Wadeysamy he watxireri, Iòlò Agripa. Jiarÿ dori iximy arelykre ako. ³ Tule kai dori ibutu judeu bede ywina teeryte. Ibutu lahi rybe teeryte. Bodoholakre inihe wadee, ywina-di. ⁴ Tiiemy uladule aratyritinyde aõma judeu òbitina-di. ⁵ Judeu mahãdu kia rieryre. Txu rexidelenyre juhu judeu mahãduy-ki, idi tahe Jerusalë-ki ratyritinyre. Jiarÿ fariseu mahãduõ òbiti jiarÿ rare. ⁶ Kia rybe òraru-ki wiji ywisidÿÿna-ki rãire. Jiarÿ dori retyhynywãhãre aõbo Deuxu inytyby-ò rarybere. ⁷ Jiarÿ Deuxu rybe òlòna reraòwãhãre. Tule judeu ijoi riraòmyhÿre, waòinatxi reurò ijoi mahãdu. Tii boho Deuxumy reàlòm raremyhÿ, rummy, txumy. Iòlò Agripa,

kia raròsòna òraru-ki judeu mahãdu wadee aõbina binamy rarybemyhÿre. ⁸ Rubu-ribi ixixana jiarÿ retyhynymyhÿre. Araÿraxikre iòlò. Kia aõbohe wadeòsana raremy kaiboho tahõtintenytere. Deuxu heka ixyle iny kidiòkesedÿÿnykre taumy tuedeòna-ò. ⁹ Jiarÿ heka juhuu awimy heka aõbina binahakÿ widÿÿ dee rahõtinyre, Jesuisi Nazare hãwã ludu dee. ¹⁰ Sõwemy ityhydÿÿdu mahãdu reròtenyre ròtenawo-ò Jerusalë-ki. Dohodÿÿna heto wedu rewawiòhenanyre tyriti riwahinyreki. Kia irubudÿÿmy wi risÿnyrenyre, jiarÿ rarybere: —Awire heka birubunybnyke. ¹¹ Jiarÿ heka ityhydÿÿdu mahãdu aõhòkÿmy rotÿÿnykemy wi resÿnyre bede bede-ki. Aõbinabinahãkÿlemy ityhydÿÿdu rerybedÿÿnywãhãre. Jiarÿ aõnime reburemy rawãhãre. Resÿbinanyre tahe tii rahenyre irehetyhytyhy-ò iwixira hãwã-ò. ¹² Rare heka Damasus hãwã-ò ityhydÿÿdu òrysmy. Jiarÿ tyritidi rare, dohodÿÿna wedu ritina-di. Tule ibede ywina-di rare. ¹³ Tahe Damasus iòhòm rare, loosònaò diwatoosònyde, txu loosòna ratyre ihÿre. ¹⁴ Jiarÿboho rejuxunyre tahe raholare rybeò-ò judeu mahãdu rybe-di rarybereri: —Salu, Salu, aõhereki wexe aõbina binahakÿ tadiwinymahãte wadee wimy aõkõ. Aõbina binahakÿle ixidee tadiwinymyhÿte. ¹⁵ Jiarÿ rarybere: —Mowe, Wanyrÿ tate. Tahe dirawyònyde: —Jiarÿ wa, Jesuisi rare. Wadi aõbina bina tewisÿnyte. ¹⁶ Katahe myikre. Adee rehemynreri, aratara ixidee, wadeòdumy mabekremy. Warybeduõ mabekre. Ibutumy wamy belymy mabekre aõhebo adee wiji rotÿÿnyreri. Iribi tasÿ ixityre adee adehemynykre. Tule kia-di marybekre. ¹⁷ Ibutumy asÿ-wana arayrubunykremy. Tai ta judeu mahãdu-ò arateònykremy watxireri, judeu mahãdu-ò tule. ¹⁸ Iwese iny ruetã-di rÿira wese tii ihÿre. Kai tamy bitÿnynykre Deuxu aõmydÿÿnana. Tai biruejuakre, rierykremy. Biòbitinykre tamyreny òrarudu roire aõma ixi-txi tõihti reakremy loosòna-ki rariakremy, Satanasi bedelohokÿ-ki aõkõ, kia ryki aõkõ rariakremy. Deuxu uri bede ywina rimymyhÿkre ixidee. Ibutu bede bedemy rÿira waijoimykre. Tyramy taòraru-ribi rÿira, ritamy rÿira, riwatyhynymy rÿira. ¹⁹ Tai, Iòlò Agripa, iwese warasina-ki riwateònyre wese, retyhynyhyre. Juhuu Damasus hãwã-ki jiarÿ ròhãletere, iribi Jerusalë-ò, tule Judeia bede-ki, ibutu judeukõdu mahãdu-ò ròhãletere. Tamy rarybere taòraru ririkemy Deuxu dee kòdòòsekemy. Ixi-txi tõihti reakremy inatyhymy aõna aõna wiwihikÿ riwinykemy Deuxu dee. ²¹ Tai judeu mahãdu riwamyre Deuxu dohodÿÿna heto-ki, warubudÿÿmy ròhõtinyre. ²² Deuxu tahe wawiòhedÿÿdu ratximyhÿre. Tai he rãire wiji ibutu-ò ararybekemy watxiwãhãre, aõma aõbo Deuxu rybedu mahãdu iwese Moisesi rarybere wese tamyreny rarybewãhãre kia ibutumy kanakremy. Kia sohojilemy rarybewãhãre. ²³ Juhutyhy rarybere: —Kris-tu, rurukremy iribi tahe kedexiakremy rybe loosòna kidiwykremy judeu mahãdu-ò, tule judeukõdu mahãdu-ò.

²⁴ Tahe Paulo iximy rarybere, Festu ryyre: —Paulo, kai wa itxÿtere. Aõnityhymy tatyritinymahãte. Tai arayky tebinanyta. ²⁵ Tahe Paulo rirawyònyre: —Aõkõre

wa, wanyrÿ Festu, bededinodu tyhy. Jiarÿ itxÿte aõkõre. Inatyhyrybemy rarybewãhãre. Warybe awi heka rare. ²⁶ Tule Iòlò Agripa rierye ibutumy tuu tamy rarybere. Aõ wasina aõkõ rarybere. Iòlò Agripa. ²⁷ Aõbo Deuxu rybedu mahãdu riritinyre aõbo, kai tetyhynmahãte. Reerye jiarÿ, kai tetyhynmahãte. ²⁸ Tahe Agripa ri-ixãwididÿnyre rybe-ribi: —Kai, aõbo, Paulo, aõwesele ityhydÿÿdumy aronykemy wadi tahõtinyte, wadee tarybeteki. ²⁹ Paulo rirawyõnyre: —Kohe, wadee awire, kai tulekemy. Ibutumy kaki wawesekemy adi rahõtinyre. Kai tule warybe sõwemy aõbo ada aõkõre aõbo Deuxu bityhynybenykemy watiwãhãre tule wajohonana-wana. Aõna sohojidile taanamy aõkõ watxireri, wawomati reroti-di taanamy atxiteri.

³⁰ Idi tahe bede dinodu, iòlò, Benise, ibutumy he rÿire ròirenyre. ³¹ Wídee reny wiwesele røhõtinyrenyrene. Ka hãbu timyhe rubudÿÿona he ròtena-ki irutysyõna he, tii dori aõhe rotÿÿnyõtyhy aõna aõnamy. ³² Tahe Agripa Festu-ò rarybere: —Rikiteõnyrenyke idi watiwãhãre, tahe tii inihe iòlòtyhyle rarybekemy ixidi ratxireri. Tai kÿnyhe, txioinihe, aõkõre.

27 Tahe rexiywinymy rexihurenymy Italia bede-ò, Roma hãwã-ò aroirenykremy hãwò-di. Tahe ròtenayrubudÿÿduò tii-wana rakre, irubudÿÿdu renymy. Julio inire. Tii iòlò rrubudÿÿdu mahãdu dinoduò rare. Ridyrenyrene Paulo ròtena woludu mahãdu-wana. Jiarÿ, Luka tule ihemy rare. ² Tahe rerònyre yhywydyna lawò-ò. Adrÿmitxiludu tahe kia lawò rare. Tule hãbuò wawana rare. Aristarku inire. Tii Macedonia bede luduò rare. Tesalonia ihãwã rare. Tahe hãwò rexihynyrenyrene adòikemy Asia bede-ò. Tahe ròirenyrene. Ijõttxu biòwa Sidoma beàbeà-ò rehemynyrene. ³ Paulo taery mahãdu roramy rakemy ratximyhÿre. Tahe Julio Paulo-di itxeredu ririra. Tai tahe Julio awi heka rare Paulo dee. Julio Paulo riywiwinymy idi ratxirerimy ihÿre. Julio Paulo riteõnyre titxibo rakelemy. Paulo ery mahãdu aõna aõna tamy riwahinyrene. ⁴ Tahe iribi ròhònyrenyrene. Xibri bedebute roosibymy ralore yhy dori tiribi tiribi reamyhÿreki. Tahe iribi riòlònyrene. Tahe Silisia bede-ribi riòlònyrene, tule Panfilia bede-ribi ijò bede-ò reronyrene. Tahe Miha hãwã-ò ritehemynyrene Lisia bede-ki. ⁶ Tai soldado dinodu hãwò nihikÿ riijemyhÿu, ihe-ki roikemy, tahe ijò-ki rahare Alexÿdria luduò-ò. Hãwò tahe rexiywinymyhÿre rakremy Italia bede-ò. Tahe wadeereny rarybere: —Borukubenyke yhywydyna lawòro-ò. Tahe ixityre roirenyrene. ⁷ Sõwemy heka txuu wadireny rÿire. Urihimyòle rexihewãhãrenyrene. Isirare heka Kinidu hãwã-ò dehemynysÿ. Ihãrele tahe rethemynyrene Samona hãwã mynatyhyle raròrenyrene. Iribi Kreta bedebute roosibymy ralore yhydori tiribi tiribi reamyhÿreki. ⁸ Tahe ywymy suò iòlò iòlò adoiwãhãdenyde ihyy tahe rethemynyrene Rywihikÿmy ninadu-ò. Kia heka Laseia hãwã-ribi iòhòre.

⁹ Sõwetyhymy txuu wadireny rÿire yhynihikÿ bina òraru-ki. Inarehe lisina txu-ribi ròhònyrene. Tai tahe bededÿÿnana ibutumy roimyhÿre. Tai rebunamy bede roimyhÿre. ¹⁰ Paulo tahe tamyreny rarybere: —Wanyrÿboho, ka tÿina isiratyhykre inydeereny. In-

ynonanareny iòhãrure aõna aõna ibutumy inyribireny ituekre, hãwò rabohokre ada ijò aõbo rikururenkyre.

¹¹ Tahe soldado dinodu Paulo rybe rityhynyõhyre. Yhylawò wedu tòruludu-wana tii rityhynyrene. ¹² Yhylawò wedu, tòruludu-wana iwitxiramy røhõtinyrenyrene, beòra tai riekòkemy beà dori ibinareki. Ijò tule tahe roirenykemy ixide ihÿrenyrene rehemynykemy Fenisia beà-ò. Kia heka Kreta bedebute beàò rare. Biuweribitya-txi ròròmyhÿre, tai awire kia beà, beòra bede riwykemy. ¹³ Ijò rarybere: —Rikoirenyke, yhy dori rebonyreri, tamy rekehemynyrenyrenyrene. Tahe womatisana riukore. Roirenyrene yhy-di. Tahe iòhòmy Kreta bedebute rotÿÿnyra. ¹⁴ Aõwesele heka yhy nihikÿ dehemynyde bedeburò-ribi. Kia yhy nihikÿ iraro bedeburò ludu inire. ¹⁵ Ka yhy nihikÿ taruru-di riwyre hãwò nihikÿ. Juhu yhynonana weribi-ò riwisÿnyrene. Idi iwo rexieryrene ixinamy riwyre yhyòkesena-ò. ¹⁶ Tahe rehemyhÿre Lauda bedebute-ò iroosibymy tahe ralore. Tai hãwò nihikÿwo-ki hãwòriòre riwyre. ¹⁷ Idi tahe røhõtinyrene hãwò nihikÿ rabòhòke-txi roholarenyrene, tai tahe ritaarenyrene iwetya-txi. Tahe ruberurennyrene, Libiamy ninadu beòlau, tahe welòhòkÿ ritare iribi rexitarenykemy. ¹⁸ Ijõttxu roirenyrene yhynihikÿ tamy realemy iu, tai tahe aõna aõna-di rehure ibutemy rawetarikemy. ¹⁹ Tasÿ txuò idireny reare. Idi rehurennyrene aõmybo rekoakòmyhÿrenyredire rawetarityhykemy.

²⁰ Txu sõwemy rewyrennyrene txumy, tainamy ribi renyõhyre. Yhynihikÿ reamyhÿ. Tai sõwemy ruberumy rÿimyhÿ rubu lau. ²¹ Sõwemy heka bededÿÿnana riwyre roxiòhy. Tahe Paulo iyreny-ki rÿire, tahe tamyreny rarybere: —Wanyrÿboho, warybe-ò taholaõhytyenyte Kreta-ribi ròhònyrenyrene. Aratohonyrennyrene iribi inyboho kodoikòkemy. Boholabenybe-wana ta inihe aõna itueõhyre. ²² Ihãrele tahe deysana-di adeereny ararybekre. Inyò ruruõtyhy, hãwò nihikÿ sohojile rabohokre. ²³ Jiarÿ dori Deuxu deòdu rare. Kaurumy dori Deuxu ÿju wadee nade. ²⁴ Tahe rarybere: —Paulo, rebuõmy. Kai iòlòko-ò makre. Deuxu dori ruxetòena kidiwahinykre. Tiu heka aruburennyõna aijoi-wana. ²⁵ Tahe wanyrÿboho, rebuõmyrennyrene. Jiarÿ dori Deuxu retyhynyrene, iwese wadee rarybere wese, rarekre. ²⁶ Urile tahe inyboho kiditehemynydenykre bedebuteò-ò. Kia tahe Paulo rarybere. ²⁷ Waòinaubiòwa rummy beronihikÿ tya-ki bede riijemy roiremyhÿ. Adria beronihikÿ-ki roirenyrene, tahe rutyta-txi hãwò nihikÿ aõna hydÿÿdu su iòhòmy roholarennyrene. ²⁸ Tahe beò urihixina-di riurihire, wawì dera urihixinamy beò riurihire. Idi iko-txi ixityre riurihire tai waiyre dera urihixinamy rimyre. ²⁹ Tahe rahõtinyrennyrene manale tai roimyhÿremy. Tai tahe manatisana-di inaubiòwa lòru ludu-ribi rehurennyrene. Iribi rexitòenyrene wylemy txuu kanatÿnykemy. ³⁰ Hãwò aõna hydÿÿdu mahãdu hãwò riòre riwesere bera-ò. Idi risÿnyrene ijò manatisana ritidikremy hãwò jura-ribi. Urile tahe rahenykremy røhõtinyrene. ³¹ Paulo tahe rierymyhÿ tahe soldado wedu-ò rarybere: —Soldado mahãdu tule roholare: ³² —Hãwò aõnahydÿÿdu mahãdu hãwò nihikÿkÿro-ki rariòrennykeki, kaibohe atuerenyke. Tai tahe

soldado hãwò riòre reroti riàrore tahe resere bera-txi rahenyre. ³³ Txuu iòhòmý natÿnyde, tahe Paulo tamy rarybere: —Wiji waò inaubiòwa txumy kaiboho ter-aòtenyete tabyretenyòhy. ³⁴ Ijò birÿsÿbenyke, arurureny rexìòlònykemy, kaibohoò dori burubenyòtyhy. Aradeti sohojiò tiu iòòtyhy. ³⁵ Rarybemy rahudi tahe, paò sohoji Paulo rimyre. Ibutura-ò Deuxumy reàlàre. Idi tahe paò riorore, riyre. ³⁶ Ijò reny reysarenyre, taita tule riyrenyre. ³⁷ Tahe 276 iny hãworo-ki roirenyre. ³⁸ Tahe ibutumy iwo rihyrenyre tahe maixòmo wese-na-di rehurenyre hãwò nihikÿ rawetarinykemy. ³⁹ Bede ratÿnyreu, inyò rieryòhyre titxiribibo nade. Tuu robirenyre iworywo-ki ÿnyra tai roimyhÿremy tahe inyò rieryòlemyhÿre. Widee raryberenyre: —Rikirònyrenyke hãwò-di iwo-txi. ⁴⁰ Tahe manatisana riukòrenyre tahe welò riderenyre hãwojura-ò iraròsòna riesere. Tahe ritelenyre ralòkemy. Urile esetere tiò tiòle hãwò ridymyhÿ beò òhòkÿle idi rehure rorokòhòkÿle, rimyre taile òbò hãwòlòru ribohonyre. ⁴² Soldado mahãdu ròhòtynyre ròtena mahãdu rahenyketxi. Tai rirubunykemy ròhòtynyre bede-ò robunyre lau. ⁴³ Soldado wedu tahe Paulo ritòenyre rubu lau, tai tahe riteònyre rirubunyòhyre: —Tibo alobuerye, juhoo suò rakemy, soldado wedu kia rarybere. ⁴⁴ Tibo alobueryòke tahe òwòru àre hãwò-ribi rimymy idi rakre. Kiamy heka ibutumy retehemynyre su-ò, inyò ruruòhyre.

28 Tai tahe taisÿdu mahãdu-txi rekoare. Tii bedebutenimy inydee relyyre. Malta heka inire. ² Biu riwasebenyrenyre yhyjutyty riwasarenyre. Tai tahe tiiboho heòty riwornyrenyre wahetònarenymy. Tiiboho riwawisinanyrenyre awimy wadireny roiremyhÿ. ³ Paulo hee ributunyre heòtyworonamy. Idi rehureu, hemylala he wo-ribi heòty lau ròhònyre, tai ruruare Paulo debò-ki. ⁴ Tusÿdu mahãdu tuu robire tahe rarybere: —Ka hãbu rubudÿÿdu òsÿny rare. Tii heka ruruòre bera-ò, ka tahe kidiòwynykre inyò òsÿny rirubunyreki wahe, rurukre heka. ⁵ Paulo tahe hemylala tebò-ribi riatyre heòtyru-txi. Ta aòhòkÿmy rotÿÿnyòhyre. ⁶ Tahe imahãdu idi retehemy rÿimyhÿ tarubulemy resekeò, ada tebò ratarinybohokeò aòbo. Sòwemy riraòre, aòhebo rotÿÿnyke, tahe aòkòhyre. Tai tahe iwitxiramy ròhòtynyrenyre: —Tii deuxuòle òsÿny ratxireri. Tiiboho raryberenyre kia.

⁷ Hetoò tai iòhòmý rÿire, Publio iwedure. Tii heka ityhy rare iwedu rare kabedebute-ki, tii bedeòtiidÿÿna rare. Tai taheto-ò riwadyrenyre. Awihyyle wadireny raremyhÿ. Publio tyby tahe rubunamy rurumyhÿ. Busu-di ratximyhÿ. Tai tahe Paulo iroramy rare. Tebò ityre ritidire, rexitòenyre, tahe riteytenyre. ⁹ Tai tahe ibutumy bedebute ludu webinadu Paulo dee wii rotyre. Ibutumy reyterenyre. ¹⁰ Tai tahe uriiòno inydeereny riwahinyre aòna aòna. Sòwemy rÿsÿna hãworo-ò rahyre inydeereny. Kia hãwò beòra bede kia beà-ki riwyre.

¹¹ Txuòkuro hãwò ni rare. Kia ni ihiju rare. Ideuxu ritxoo inatxi rare. Hãwò Alexÿdria hãwã ludu rare. Tahe rahònyrenyre. Inataò ahãdumy bede wadireny rÿidi.

¹² Sirausa hãwã-ò retehemynyre. Tai tahe inataò txumy wadireny rÿire. ¹³ Iribi tahe Rejio hãwãmy rekoarenyre. Ijòtxu tahe Pozuli-ò reòlònyre. Inatxi txu-di retehemynyre yhy ibòò-ribi debonydeki. ¹⁴ Tai seriòreò ratximyhÿ. Tiiboho rexitòenyrenyre tii-wana ratxikemy debòinatxi reurò txumy. Kiamy heka Roma hãwã-ò roirenyre. ¹⁵ Roma ityhydÿÿdu mahãdu roholare jiarÿboho retehemynyererimy. Tai tahe doidenyde Apio hãwã ube-ò. Tule aò-di ijohona Heto Inataò hãwã-ò doidenyde. Paulo tiiboho robireu, Deuxu reàlàmyhÿ, reysamyhÿre.

¹⁶ Tahe Roma hãwã-ki Paulo ixideewimy rasÿnyre. Urile soldadoò aòu aòu tii-wana ratximyhÿ.

¹⁷ Inataò txumy bede idi rÿidi, Paulo ributunyre judeu mahãdu dinodu. Wii ributunyre, tamyreny rarybere: —Wanyrÿboho, waseriòreboho, jiarÿ aò rewinykòre wajoi Judeu mahãdu dee. Tule lahirybe ònosòna ratyre aò rewinyòhyre. Ihãre judeu dinodu riwamyre. Tahe diwahinyde Roma dinodu mahãdu-ò. ¹⁸ Tiiboho heka riwatÿÿraxinyre ibutumy. aò heka waki ibinamy rahaòhyre. Tai tahe riwateònyrenykemy ratxirenyereri. ¹⁹ Waijoi tahe Judeu ijoj heka waòludureri. Tai tahe Iòlò-ò jiarÿ rarybere arakemy. Aò dori waijoi dee waòraruòre. ²⁰ Tai heka arabutunyrenyre, warybe-ò boholabenykemy, wadi retehekemy womati reroti-di riwataataara. Judeu mahãdu raròsòna òraru-ki kawesemy watzireri. ²¹ Tahe judeu dinodu mahãdu ri-rawyònyre: —Aòkòre, inyò rehemynyòre Judeia bede-ribi. Ijybinamy umy relyòre. Inyseriòre mahãduò kaò dehemynyòde. ²² Aroholarenykemy timybo tahòtynmahãte-ò. Ityhydÿÿdu mahãdumy dori ibutumy aòbinahakÿlemy rarybereri. Kia judeu mahãdu dinodu raryberenyre.

²³ Tahe riywinyre itxu Paulo rybe-ò ijohonamy. Idi tahe Paulo heto-ò sòwemy iny doidenyde tamy roholakemy. Tii Deuxu ijy ritÿnynyre ruidu rexidelenyre, txioromy rexihure Moisesi Tyyriti ritÿnynyre tule ijò rybedu Tyyriti-di ritÿnynyre, iwese Jesuisi Iòlòtyhy kanatxikre wese kabede-ki. Kia Jesuisi aòmydÿÿnanamy ritÿnynyre. ²⁴ Ijò roholare aòmybo Paulo rarybereò, Jesuisi rityhynyrenyre. Ijò tahe aòkòre, rityhynyòre. ²⁵ Ijò teramy reare. Rÿire, ròhònykremy. Tahe Paulo tamyreny rarybere: —Deuxu Tyytybytyhy booreny dee rarybere Isaia tyyriti-ki. Awimy rare. Kawese roire:

²⁶ —Makre tamy marybekre: —Boholabenyke, ta tiu aerysrenyòna. Betehekre arue-di, ihãre tahe aerysrenyòna. Iruereny, iraykyreny, tòhòtirenry ritòbònymahãrenyre. Tai tiu tiiboho robirenyòtyhy, riryrenyòtyhy, roholarenyòtyhy. Tai diwatyhynyòhyymyhÿde. Tai heka iòraru-ribi ariteytenyòkre. ²⁸ Bierymy boibeke Deuxu tarasana judeukòdu mahãdu-ò rare. Tiiboho dori roholarenykre. ²⁹ Paulo tarybe rahudi tahe, judeu mahãdu ròhònyrenymy sòwemy widee rarybemyhÿrenyre.

³⁰ Roma hãwã-ki Paulo rasÿnyre inatxi beòramy tahetohuòtenawo-ki. Ibutumy heka dÿÿraximy iheto-ò rehemynyrenyre, Paulo ridyre tamy rarybekremy.

³¹ Deuxu Iòlònamy Paulo iruru-di relyyhyymyhÿre. In-ynyrÿ Jesuisi Kristu aõna aõnamy rierynanyymyhÿre. Tiu inyõ aõhõkÿmy risÿnyõmyhÿre Paulo rybe xãwikemy.

ROMA-Ò

¹ Paulo jiarĩ rare, tyritiwidĩyũdure wahe. Jiarĩ heka Jesuisi Kristu deòdu rare. Tii riwatare rybe tĩny-dĩyũdumy ararekremy. Deuxu Rybewihikĩ wahidĩyũdumy ararekremy. ² Juhuu dori Deuxu rarybere Rybewihikĩ riwahinykemy. Deuxu rybedu mahãdu kia rybe riritinyre, Ritidĩyũnatyhy-ki. ³ Kiamy heka Deuxu Riòre rybe tyhydĩyũnamy rarybere, Davi riòre riòkòreò wahe. ⁴ Deuxu Jesuisi Kristu rubu-ribi riixixadĩyũnyreu, tariòremy tahe riteòsinyre rurunatyhy-di. Jesuisi tahe inatyhymy Inynyrĩ ihĩre. ⁵ Tii ruxetòena inydeereny riwahinyre. Irybe òraru-ki, jiarĩboho aròirenykemy watzireri. Ityhyna aritĩnynykemy judeukòdu mahãdu-ò, tai tiiboho rityhynyrenykre. ⁶ Kaiboho tule judeukòdu mahãdu atxitenyteri. Tahe Deuxu ityhydĩyũna mahãdu atxitenyteri, Jesuisi Kristu ijoimy rĩrakemy adeereny rarybereki. ⁷ Ibutumy adeereny warybe rewahinyre, Kia Deuxu taijoimy remyremy mahãdu wahe. Ruxetòena, ywina-wana adeereny-ò kanakemy watzireri, Deuxu inytyby-ribi tule Jesuisi Kristu iny wedu-ribi. Tii dori adeereny irybe riwahinyreki.

⁸ Umyreny Deuxu-ò reàlãmahãre, atyhynaren-ò iny ibutumy roholamyhĩreki. ⁹ Deuxu-ò rex-itòenymahãreu, anirenymy rarybehymy watxiwãhãre. Kia heka Deuxu rieryre, waworibityhy tahe jiarĩ Deuxu deòdumy rare. Iriòre Rybewihikĩ-di wahe. ¹⁰ Jiarĩ rex-itòenyhy watxiwãhãre arorarenymy arakemy Deuxu-deewikeki. ¹¹ Umyreny arobikemy watzireri, tai adeereny arelyykemy aõmydĩyũ wihikĩyò Deuxu Tytybytyhy. Tule kaiboho wadee tuu belyybenykre. Tai tahe atyhynaren-ki ityhymy relekre. ¹² Jiarĩ arawiòhenanykemy watzireri, tule kai biwawiòhenanykemy watzireri. Tai rikexideysanytyhykemy inatyhyna-ò. ¹³ Sõwemy heka arahyykemy watxiwãhãre arorarenymy. Iribi nohòti losaõmy tahe wadi rarurunymyhyre aõbo, riwateònyòhyymyhyre heka. Jiarĩ Deuxu dee waaõmysydyũna awikemy watzireri ayreny-ki. Tai kaiboho ako-ò boikemy wadee awire, iwese ijò judeukòdu mahãduko-ò ararybekremy watzireri wese. ¹⁴ Tuheka ibutu iny-ò ararybekremy watzireri, hãwã witzira witzira mahãdu-ò, tule. Iny mahãdu-ò aõkòre mahãdu-ò tule. Tuu ariwinykre ibutumy iny-ò, iny bedeeryrenyò mahãdu-ò tule. Adeereny tule Rybewihikĩmy arelyyke-my watzireri Roma hãwã ludu mahãdu-ò.

¹⁶ Jiarĩ dori Kristu Rybewihikĩ-ki araxĩruòtyhy. Irybe dori Deuxu ruru rare. Ibutumy iny rityhynykeki ritake-my ratxikre. Judeu mahãdu-ò juhUU nade tai tahe iuhe-ò judeukòdu mahãdu-ò. ¹⁷ Deuxu òbitina ratĩnynymy namyhyde Rybewihikĩwo-ribi. Tyhyna-di

ritelenyre tule tyhyna-di ihĩmyhĩre. Inyò tyhyna-di òbitimy rĩikeki, tii ruruòtyhy, idi awimy rareki.

¹⁸ Deuxu yarana biu-ribi namyhyde ibutu òraru na hudunamy. Iwidĩyũdu hudunamy. Bina widĩyũdu dori inatyhyna ribinanymyhĩre, raruinymyhĩre Deuxu rybe ribynymyhyre? ¹⁹ Deuxu eryna ibutumy iny-ò riwahinyre. Deuxule tamy riwahinyre. Tai timybo Deuxu raremy tahe tiiboho rieryhyymyhyre. Tai Deuxu aõhòkĩmy risĩnymyhĩrenyre. ²⁰ Juhuhukĩle heka Deuxu aõmydĩyũnamy iny robimyhĩre idi tii tyhynamy tule rierymyhĩre itĩnyhĩkĩlemy, irurunahyy wahe. Aõu aõu kia ibutumy iny rierymyhĩre, Deuxu widĩyũnamy iny robireki wahe. Tai tiu iny ixitxiòdĩyũna. ²¹ Rieryrenyre tii Deuxumy raremy. Tahe rexiwowydnyòhyre timybo iny Deuxu dee rexiwowydnyomyhĩkemy wahe. Tamy àlànatyhy riwahinyòhyymyhyre. Idi ròhòtinymyhyrenyre Deuxu irayky ròhòtinymyhyre wesemy idi ròhòtinymyhyre. Irayky tahe reòsamy ratximahãre. ²² Tiibohole bedeerytyhymy ixidi ròhòtinynyre. Tahe itxĩtele roire. ²³ Deuxu rubutere rityhynykenawi tahe tiiboho heka ritxoo deuxuò ireije riwinymyhyrenyre tatyhydĩyũnamy. Ibinamy heka mywese riwinymyhyre, nawii wesemy, iròdu wesemy, iròdu bedemy riradu-wesemy. Rexiòkamy riramy riradu wesemy tahe rityhynymyhyrenyre.

²⁴ Deuxu heka òraru-na-ò riwahinyrenyre, itxĩtenaren-ny òraru-ki. Iny òta òtadu mahãdu heka wiwanale aõòta ixĩruna riwinymyhyrenyre. ²⁵ Deuxu inatyhyna dori tiiboho riwiurònyra ruina-ò. Ritxoo dee rex-itòenyrenyre, aõbo Deuxu riwinyre, kia. Deuxule iny reàlãkòmyta ratximyhĩrenyre.

²⁶ Deuxutyhy tahe rityhynyòhyre, Deuxu ibutu widĩyũdu tiu riteàlànymy rakonananyòtyhy. Kia òraru-ki òtaòtana nade. Hãwyy, hãbu-wana aõkò roimyhĩre wideele heka aõhebo rotĩyũnymyhĩre. Kia heka òbiti aõkò rare. ²⁷ Tule hãbu, hãwyy-wana aõkò røimyhĩre, wiwanale aõhebo rotĩyũnymyhĩre. Òbiti aõkò heka kia rare. Riwyrenykre kia òraru òwydyũna, aõhòkĩmy dũyũnana wahe. Iny sohoji sohoji taaòbina ixĩruna òraru-ki ixidee rimykre.

²⁸ Tòhòti heka Deuxu-txi reaòhyymyhyre. Tai tahe timybo ixideewimy riwinyrenyke-my roirennyre Deuxu-ribi. Tahe riwinyrenyre ibutumy aõbina binahakĩle. ²⁹ Aõimy aõko ratximyhĩre aõbina bina-di roiremyhĩ: òtaòtana-di, aõbina binahakĩ-di, aõikòkò-di, rarekemy ixidee ririmyhĩre, teramy heka rĩira. Ihãru-di rĩira iny rubudyũmy dori ròhòtinymyhyre, rarybehymy ratxirerimy ihĩre, ruidu nihikĩ ihĩre, ujòmo-di rĩira. ³⁰ Aõbinamy inymy rarybemyhĩre, Deuxu

derare, ixiluulerenyre, rexityhynymyhÿre, òraru tÿmyra riwinyrenyre, tyby tadi-wana rityhynyòhyre. ³¹ Irybe sohoji aòkò heka rare. Iluunaòre, ibinatyhyre, inydee iruxetòeòre. ³² Deuxu rarybere: inyò kia riwinykeki heka ruruke. Tiiboho kia rieryrenyre. Ihàre tahe aòhebo rotÿÿnyre. Kia sohojile aòkò. Reysarenymyhÿre iny wixira iherenyki aòhe rutÿÿnykreki.

2 Tutyhy-ki aòkòramy rybeòmy. Kai dori tutyhyle òraru tewinymahàòte. Inyò rybemy ywisidÿÿna ijòmy rarybeke-wana ixilemy ywisidÿÿna-ò rexityhenyke. Tii dori kia ibutumy tule riwinymyhÿre ibinamy wahe. ² Inyò kia aòbina binahakÿ riwinymyhÿkeki, Deuxu ywisidÿÿna-ò inatyhynalemy tamy kòdòhònykre. ³ Kai tuleke —kiamy biwinykeki, Deuxu ywisidÿÿna-ribi mahenyòtyhy. Kai dori ywisidÿÿdumy texideòsinyte ihàre tahe iòraru wesele tewinymahàte. ⁴ Deuxu ruxetòena sòwemy adi raxiruxetòenanymyhÿre. Kia-di bexiràhíkemy adi ratxireri, tiemy wimya aòna aòna bina riemyhÿre ratximyhÿre, awi heka adee rare. Kai aòbohe iribi òhòti rosakre kia heka arabedeòtiidÿÿnymyhÿre. Arabedewodÿÿnymyhÿre iòraru-ki. Kai aòbohe kia teeryòte? ⁵ Kai arybedÿÿsaeryòre rybe ijohona teeryòte òhòtiòre. Tai tahe Deuxu yarana ixideele tebutunymahàte. Ijòtxu Deuxu yarana txumykreu. Tai Deuxu ywisidÿÿdu òbiti rexitÿÿnymy rÿikre. ⁶ Iny sohoji sohoji taaòna aòna myna aòmy rotÿÿnykre, aòhebo rotÿÿnymyhÿreki wahe. ⁷ Inyò aòwidÿÿlemy ratximyhÿre. Tiiboho heka Deuxu wowydyna, Deuxu wohyna, Deuxu loosòna widÿÿmy raru-taamyhÿrenyre. Tule iny rarehykykrena-di rarutaamyhÿrenyre. Imyna Deuxu tamyreny riòkre. ⁸ Kia ixidile ròhòtinymyhÿre mahàdu tahe, Deuxu woxibrunale, yaranale ritakre. Tiiboho dori inatyhyna rityhynyòhyymyhÿrenyre, aò òbitile aòkò riwinymyhÿrenyre. ⁹ Aòhòkÿmydÿÿnana, bedewona kanakre ibutumy aòbina bina widÿÿdu mahàdu-ò, judeu mahàdu-ò juhuhu idi judeukòdu mahàdu-ò. ¹⁰ Wowydyna, àlàna, ywina tahe kanakre aòwiwihikÿ widÿÿdu mahàdu-ò judeu mahàdu-ò juhu delemy idi judeukòdu mahàdu-ò. ¹¹ Deuxu-ò heka ibutumy iny wiwese rare. ¹² Tii heka aòhòkÿmy risÿnykre ibutumy iny òrarudu mahàdu. Moisesi bede ywina ihoòrehàrele tii rurukre. Judeukòdu mahàdu heka Moisesi bede ywina rybe ijòkòre. Tahe bede ywina iny rierykeki, idile Deuxu iòraruna riwinykre. Inyò Deuxu bede ywina rybe roholare tahe rityhynyòre, kia tahe Deuxu dee ibinatyhyre. Ibutumy kia iny rurukre, òtÿÿ iraykywokile aòbo ibinare, aòbo òbitire rierymyhÿreki. Deuxu bede ywina wesemy heka iraykywo-ki ratximyhÿre. Iraykywydyna rexinohòtinymyhÿre ada dexiòbitidÿÿnymyhÿde, Rybe wimy rarybemyhÿre Jesuisi Kristu heka hàbu aòmydÿÿna ritÿÿnykre imyna timy rarekremy. Deuxu dori iteradÿÿdure.

¹⁷ Kaiboho, judeu mahàdu, texinohòtintytenyta ibutumy awiremy aDeuxureny-wana. Tii adeereny bede ywina rybe riwahinyreki, tii abiòwatyhy rareki. ¹⁸ Kai heka aòbo Deuxu-ò awire teeryte. Aòbo ibinare, teeryte. Uladuule ibede ywina rybe teeryte, tai òbitity-

hyle adeereny awire. ¹⁹ Kai Deuxu-ò nonana bitÿÿnynye iny ruetà mahàdu-ò dori, kia teerytyhytenyteki. Ixi-di tahòtintytenyteki. Iwese, kaiboho loosòna wesemy toitemahà ixi-di tahòtintytenyte.

²⁰ Tule kia ixi-di tahòtinymahàte. Kai bede erydÿÿdukòdu mahàdu erydÿÿdumy atxiterimy ixidi tahòtinymahàte. Uladu erydÿÿdumy atxiterimy ixi-di tahòtinymahàte. Kai bede ywina rybe tyritiò dire. Kia adee ibutumy inatyhyna rare bedeerydÿÿna. ²¹ Kai iny erydÿÿdumy atximahàte. Timyrekibo kai texierynanyòmahàte. Kai wasimy aòkò tòerydÿÿnanyemyhÿte. Timyrekibo tawasinymahàte. ²² Kai hàwyy òta aòkò tetÿÿnymahàte. Timyrekibo kai tuu tatÿÿnymahàte. Suritxoo dee àlàna deramy iximy tarybemahàte.

Aòherekibo erydÿÿ-ribi aòmydÿÿnana tewinymahàte. ²³ Kai bede ywina rybe luumy iximy tarybemahàte. Kai Deuxu-di texixiwedenymyhÿte. Ihàre tahe bede ywina rybe tetyhynyòte. Kia wese Deuxu texirudÿÿnymyhÿte. ²⁴ Iwese juhuhu riritinyre wese wiji roimyhÿre:

—Aòraru-ki tahe bedemy iny rÿira Deuxumy aòna aònabinamy rarybemyhÿre. ²⁵ Kai bede ywina rybe bityhinykeki, òtyky resynadike, awire judeu mahàdu dori rare. Tahe bede ywina rybe bityhynyòkeki, òtykyresyna adee aò aòkòre. ²⁶ Iwesetyhylemy iny rare tòtyky resynaò mahàdu. Tiiboho bede ywina rybe rityhinykeki, tòtyky resyna-di mahàdu wesemy roirekre. Judeukòdu mahàdu heka bede ywina rybe rityhinykeki, kia adee ixÿruna rare. Kaiboho dori Deuxu bede ywina rybe tetyhynyòte òtyky resyna dire hàrele. Bede ywina rybe dire hàrele. ²⁸ Inyò judeu mahàdu wesemy ihÿre. Ihàre tahe judeu mahàdu inatyhy aòkò rare. Tòtyky resyna-di judeu mahàdu inatyhy aòkò rÿira. Judeu mahàdu inatyhy tawokihyyle kia idi rÿira. Iwesele notyky resynadÿÿna kia rÿira. Inywokihyyle rare. Aò bede ywina rybekile aòkò tuu rÿire inrayky wydynamy ritaòtyhy. Deuxu ribile ritake.

3 Tibohe judeu mahàdu deewinare. Notyky resynale tamywina. Kia aòbo ibaturatyre awire judeu mahàdumy rareki? ² Inatyhy rare, sòwemy, Deuxu dori tamy juhu Ritidÿÿna riwahinyre. ³ Inyò rityhynyòre-wana kia riwiurònyòhyymyhÿre Deuxu heka òbiti rare. ⁴ Inatyhy urenanamy Deuxu raremyhÿ. Iny mahàdu tahe roidumy rÿiramyhÿ. Iwese ritina-ki roire wese Deuxumy rarybereri: —Kai arybe òbitina-di atximahàte urenana wahe. Inyò araurihikeki, kai inatyhyna-di biòlòdÿÿnykre. ⁵ Inyboho òbiti aòkò roire. Kia tahe Deuxu òbitina riteòsinyre. Timykibo Deuxu inydee aòhòkÿmydÿÿnana riwahinykre. Mobo heka kia òbitimy aòkò rarybekre. Jiarÿ hàbu rayky-di wese rarybereri. ⁶ Kia òbiti rare. Kiaweseòkeki timybo Deuxu bede aòhòkÿmy dÿÿnana riwahinykre. ⁷ Kai tarybete: —Jiarÿ raruiru. Urile kia Deuxu inatyhyna reteòsinyre. Aòherekibo Deuxu aòhòkÿmy riwasinyre. Kiarybe iwixira rybewesemy rare: —Ibinamy rakatximyhÿkeki, awihikÿ kia-ribi ròhònykre. Aòkòre, kiamy rybedu mahàdu aòhòkÿmy dÿÿnana ritamyhÿkre. Kia riki wamy rarybere, ruimy wahe.

⁹ Aõhe aõbohe, inyboho aõbo inywitxira-ribi awityhyrenyre. Aõkõre. Jiarý reteòsinyamahãre ibutumy judeu mahãdu, judeukõdu mahãdu ibutumy òrarudu roire. ¹⁰ Kiamy Tyyriti-ki roire: —Tiu heka inyõ òbitiõre. ¹¹ Inyõ heka Deuxu rieryõhyyhỹre. Timy heka riòryõhyyhỹre. ¹² Ibutumy iny rexiõnonomyhỹre Deuxu-ribi wahe. Aõmy aõkõ tiiboho rexiwinyrenyre. Iny riuheõhyyhỹre aõbo awiré. Sohoji aõkõ aõhebo rotỹnyre aõbo awiré. ¹³ Ibòtòijò heka rubuwabede iraymy roimyhỹre ròwese rare. Tiiboho iny itxenadỹdu rare. Irybe heka hemylalatyhyju wese rare. ¹⁴ Aõbina binahakỹlemy heka inymy rarybemyhỹre. ¹⁵ Iti heka teyrewé rare hãlubu txiwimy iny rubudỹmy tule. ¹⁶ Titxibo ramyhỹre-wana heka aõbina binanale riwahinyhỹre, aõhõkỹle ririmyhỹre. ¹⁷ Tiiboho dori ywimõny rieryõmyhỹrenyre. ¹⁸ Deuxu lau heka ruberudỹhyyhỹrenyre, Deuxu rityhynyõtyhy. ¹⁹ Bede ywina rybe heka tatyhydỹna mahãdu-ò diõde. Kia tahe inyboho rieryrenyre. Tai heka iny rexiõnyõtyhy Deuxu-ò. Tai heka ibutu dee aõhõkỹmy dỹnana-ò riywinymy rỹkre. ²⁰ Bede ywina rybe-ribi iny ibutumy rierye ibinamy ratxireri. Inyõ heka bede ywina rybe heka rityhynyõhyre. Tai tahe inyõ kia-di rextaõtyhy iywina òraru-ki.

²¹ Wiji tahe Deuxu òbitina ratỹnynymy ihỹre bede ywina rybe-ribi lahiximy. Ithexiu rybedu-di kia ritỹnynymy ihỹre bede ywina rybe ritina-di. ²² Deuxu riòbitidỹnyra. Ibutumy Jesuisi Kristu tyhydỹdu kanakre. Deuxu dee dori ibutumy bede bede ludu wiweselere. ²³ Ibutumy raòrarunymyhỹre. Deuxu òbitina tamy rauhenymyhỹre. ²⁴ Deuxu taruxetòdena-di ibutumy riòbitidỹnyre Jesuisi Kristu tarasadureki. Tii iny-ribi iòwdyimy aõ rexitòenyõhyre. ²⁵ Deuxu Jesuisi-di rubuna iny òraru riixãwididỹnyre iòwy tii riòwynara, iny kamy rityhynykemy. Kawese-ki Deuxu òbitina ritỹnyra. Juhuu Deuxu iny òraruna-ò reteheõmyhỹre aõnityhymy iywisidỹna direki. ²⁶ Tahe wiji inyòraru-ò retehemyhỹre riixãwididỹnykemy. Tai tahe tii òbitire tule Jesuisi Kristu tyhydỹdu òbitidỹdure. ²⁷ Mobo Deuxu-ò rarybekre jiarý awiremy? Aõkõre, inyõ rarybeõtyhy. Bede ywina rybe tetyhynyõte. Deuxu iny òbiti widỹdure, ibede ywina ywidỹ aõkõre. Inatyhynadile awityhymy iny rare. ²⁸ Kiamy tahe raraykynyre iny ityhynadile riòbitidỹnyke bede ywina rybe ywidỹ aõbo? Aõkõre! ²⁹ Deuxu aõbo, judeu mahãdu Deuxu sohojile rare? Aõkõre, judeukõdu mahãdu-ò tule Deuxu ihỹre. ³⁰ Deuxu sohojile rare. Iny wiwanale riòbitidỹnykre judeu mahãdu judeukõdu mahãdu-wana. Ibutumy ityhyna òraru-ki riòbitidỹnyke. ³¹ Ityhyna aõbo bede ywina rybe riixãwididỹnyra? Aõkõre, bede ywina ihãre rỹre.

4 Timybo ararybekre inytybyreny Abraõmy. ² Aõbo riwinyre aõkõ idi rexiòbitidỹnyre. Tai tahe rexiyhynyke inyko-ò. Tahe Deuxuko-ò aõkõ. ³ Kamy heka Ritidỹna-ki roire: —Abraõ heka Deuxu rityhynyre taile tahe rexiòbitidỹnyre. Deuxu dee tii òbitityhy rare tii rityhynyrekile. ⁴ Iny aõmysydỹdu raòwymyhỹre iaõmysydỹna myna. Urimy aõkõ dori raòwymyhỹre

taaõmysydỹnaòwyle dori ritamyhỹre. ⁵ Inyõ rityhynymyhỹkeki, tii òbitina ritamyhỹre Deuxu-ribi. Deuxu dori òrarudu mahãdu òbitina widỹdu rare. Kia uriõno rare. ⁶ Davi heka juhuu riritinyre iwese teysatyhymy iny rarekremy wahe. Deuxu dori òbiti mahãdu dee riraykydỹnyre òbitimy roirekemy. Tii ixidee aõ riwinyõre. Davi kiawese riritinyre: ⁷ —Teysatyhymy iny rỹrakemy Deuxu iòraru riixãwididỹnyreu tõhõti-ribi iòraru rosakeu. ⁸ Teysatyhymy iny rỹrakemy iòraru-txi Inynyrỹ nohõti ijeraõmy ihỹkre. ⁹ Deysana aõbo judeu mahãdu sohojile riteysanymyhỹre ida judeukõdu mahãdu tule. Tulere! Inyboho dori rarybere: —Abraõ tyhynale tamy òbitina diwahinyhỹde. ¹⁰ Tiubo tahe Abraõ òbitina ritare notyky resynako-ki ada ihewo-ki aõbo, ikoure. ¹¹ Juhuu dori rityhynyre idi ta notyky resyna tamy nade kia tyhyna Deuxu-ò riteòsinyreki. Tai tule òbitina Deuxu tamy riwahinyre. Kia butu tyhydỹdu tyby wese rare, Judeukõ mahãdu wahe. ¹² Notyky resynako-ki òbitina ritare. Tõtyky resyna-di mahãdu tyby wesemy riki Abraõ ratximyhỹre. Tiile tõtyky resynakõ-ki Deuxu rityhynytyhymyhỹre. ¹³ Deuxu Abraõ-ò rarybere tii ibutu bede bede wedu wesemy ratximyhỹre iriòre iribi rimykemy. Tahe bede ywina rybe òraru-ki aõkõ tuu ihỹre, ityhyna òbitina òrarukile wahe. ¹⁴ Bede ywina rybe-ribi tybie tahe itarasadumy ratxikre, tai tahe inatyhyna aõ aõkõ rare. Aõbo Deuxu rarybere aõmy aõkõ rare. Tahe roirekre. ¹⁵ Bede ywina rybe dori Deuxu aõhõkỹmy dỹnana diõde iny ribedeerynkemy. Teysana aõkõ wahe. Bede ywina rybekõki, timyki iny aõ ityhynyõna. Bede ywina rybe ijõõre-wana òraruna ijõõre. ¹⁶ Tahe inatyhyna-di sohojile iny aõna aõna wiwihikỹ ritamyhỹke. Tai iruxetòdena-ribi nade. Tahe aõmybo Deuxu rarybere ibutu riòreriòremy tuu rỹkre. Bede ywina rybe mahãdu tule bede ywina rybekõdu mahãdu-wana wiwana Deuxu rityhynyre. Abraõ riòre wesemy ibutumy tai inyboho roire. ¹⁷ Iwese Ritina-ki roire wese: —Jiarý aratare ibutu inytyby wesemy mabekemy. Ibutumy iny rityhynyre-wana, iwese Abraõ rityhynyre wese, iwese-ki Deuxu ritake. Deuxu tahe rubu mahãdu riixixanymyhỹre rubu-ribi. Tii rarybekeu aõ aõkõ aõwesele tii aõ heka rare. Tii rarybere tule riwinyre. Abraõ heka Deuxu rybe rityhynyre. ¹⁸ Timy heka rariòrenykemy ixidee rõhõtinyõhyyhỹre. Deuxu dori tamy rarybere: —Kai heka ariòkòrereny sòwemy atximyhỹkre. Kai hãwã hãwã tybymy mabekre. ¹⁹ Abraõ tatyhyna ritxiõnyõhyre. Timy heka 100 beòramy idi ratximyhỹre, ixãwire uladu-ribi ramatuarinyreki. Tule ihãwy Sara iuladu herina-di kòremy rõhõtinyre. ²⁰ Timy heka ritxiõnyõhyre Deuxu Rybe. Rityhynymyhỹre Deuxu dealàna riwowydnyre. ²¹ Tii heka rierymyhỹre Deuxu irurudire irybe wesemy aõ rỹkemy. ²² Tai tahe Deuxu tamy òbitina tamy diwahinyde. ²³ Aõ iòraruki aõkõ kia ryberitina awimy raeryre, tamy sohojile aõkõ dori rarybere. ²⁴ Iny òraru-ki tule kia tuu roire. Iny tule inatyhyna-di òbitina ritakre. Inyboho dori rityhynymyhỹre, Inynyrỹ Jesuisi rubu-ribi ixixana widỹdu Deuxu raremy. ²⁵ Jesuisi iòludu-ò iwahidỹmy rara inyòrarureny-ki tai

rurure. Tahe iny òbitina wahidỹna-ò diixixanyde rubu-ribi.

5 Jesuisi tyhydỹ òraru-ki Deuxu inyboho rimyrenyere. Idi awimy rokoirekremy tii-wana, Jesuisi Kristu-wana wahe. ² Deuxu ruxetòenawo-ki inyboho rotamanymyhỹrenyere. Jesuisi Kristu tyhydỹna òraru-ki tamy rotamanymyhỹre. Deuxu loosòna worojuxana-ò-di rokoirekre. Tai inyboho reysamy ihỹre. ³ Inyboho bedewona-di hyy ihỹrenyere. Ihãrele tahe inyboho teysarenyere. Kia dori iny riwiòhenynymyhỹre raròsòna ijòdikemy ruru inydeereny riwahinykemy. ⁴ Inyboho rikiiijerenyhyykeki, Deuxudeewimy rikiwinyrenyke. Deuxudeewina rikiwinyrenykeki, raròsòna rik-itarenkyre. ⁵ Iny raròsòna tarasana aòkòkeki, uritere rakabedewòòtyhy, Deuxuluuna dori inywo-ki ratxireri. Deuxu Tytybytyhymy inydeereny wahidỹna rare. Tii dori inyworeny-ki Deuxuluuna ritidire. ⁶ Iruruòmy inyboho roirenymyhỹre awimy riwinykemy. Tai tahe Kristu inydeereny, inyboho ibinare hãre rurure, Deuxudeewireu. ⁷ Isirare inyò hãbu òbiti dee ruruke. Tahe hãbu wiwihikỹ dee òsana iny rurukre, kia heka irutaòre. ⁸ Deuxu tahe luunatyhy inydeereny diteònyde. Iny òrarudurennyere hãre, Kristu inykireny rurure. Juhuu heka inyboho òrarudu roire. Ihãrele Deuxu taluuna nihikỹ inydeereny diteòsinyde. Tai heka Kristu inyòrarurenny-ki rurure. ⁹ Irubuna òraru-ki heka Deuxuru-ò inyboho òbitimy ihỹrenyere. Irubuna tahe kia riwinyreki irumy inonana tahe iratyre rarekre inydeereny wahe. Deuxu ykarana-ribi Kristu dori iny ritamyhỹre. ¹⁰ Juhuu Deuxu òludu inyboho roire. Tahe wiji ibiòwamy inyboho roire, iriòre iny òrarurenny-ki rurure-ki, wahe. Wiji tahe rybe òludu mahãdu-ribi wiutàdànamy rỹire. Ibutu kia heka Kristu òraru-ki sohojile ture. Tai iny teysamy roire Deuxu rityhynyreki. ¹¹ Inyboho heka iwitxira Deuxu-wana ratximyhỹrenyere. Tai tahe reysamy ratximyhỹre. Inyboho Deuxu biòwamy ratximyhỹrenyere. Jesuisi Kristu Inynyrỹ òraru-ki heka ture.

¹² Hãbu sohoji òraru-ki òraruna bede-ki ralore juhuu, Adaò òraru-ki wahe. Taile tahe rubu nade bede-ki. Idi ibutumy iny raòrarunyyere. Adaò òraruna-txi resereu, rubu ibutumy iny-ò resere. ¹³ Juhuu Adaò rurure. Iribi tahe ibutumy iny rurure. Moisesi tule rurure. Tahe bedewina òraru-ki aòkò tiiboho rurure. Bede ywina dori Adaò rubu hewo-ò Deuxu riwahinyre Moisesi-ò. Deuxu heka iny òrarunamy aòkò ròhòtynyre, tabede ywina dori kiau riwahinyòre. Adaò heka Deuxu rybe rityhynyòre, tai tahe rurure iwese Deuxu rarybere wese. Tule iòraruna òraru-ki ibutumy iny raòrarunymyhỹrenyere. Adaò heka Jesuisi-ò rakewesenanykre. ¹⁵ Tii-boho wiwanale aò kabede-ò aò diwymyhỹdenyde. Adaò heka rubu diwyde. Jesuisi heka runa diwyde. Adaò heka sòwemy iny-ò rubu riwahinyre. Jesuisi tahe sòwetyhy-ò Deuxu ruxetòena riwahinyre, tarasana tamyreny riwahinyre. Òraruna sohoji-di heka Adaò rubu riwahinyre ibutu iny-ò. Jesuisi tahe ibutumy iny-ò biu-ò hena riwahinykemy ratxireri iòraruna sòwere hãrele. Umytuèdeòna wahidỹnydu tii ratxireri. Kia awityhyre. ¹⁶ Inatyhymy Adaò widỹna ibinare. Jesuisi widỹ-

na heka awityhymy rare inydeereny. Inyboho dori Jesuisi-wana irumy ratxirennyere aòu aòu kowa bedewihikỹ-ki, Deuxu òraru-ki. ¹⁸ Aòhòkỹmy dỹnana heka Adaò widỹna diwyde ibutumy iny-ò. Jesuisi tahe òbitina diwyde ibutumy inydeereny. ¹⁹ Adaò heka Deuxu rybe rityhynyòre. Tai iny sòwemy òraruna-txi resere. Jesuisi tahe Deuxu rybe rityhynyre. Tai iny sòwemy heka òraruna-ribi ritare. ²⁰ Deuxu tabede ywina rybe riwahinyre. Tai tahe iny aòbina rierymyhỹre. Òraruna-di sòwemy ihỹreki, tai Deuxu ruxetòena sòwetyhymy ihỹre. ²¹ Juhuu òraruna ratximyhỹre iny umyrenny-ki. Inydeereny rubule riwahinyrennyere. Wijile tahe Deuxu ruxetòena riwahinyre inyumyrenny-ò, inyraykyrenny-ò. Òbitina inydeereny riwahinyre Deuxuko-txi. Jesuisi Kristu Inynyrỹ òraru-ki heka, umytuèdeòna inyboho ijòdire.

6 Timykibo Deuxu inydireny rexiruxetòenykeu watxireri Deuxu ire inydireny raruxetòenykemy ire rexiòrarunanyemyhỹre hãrele. Timyki tuuòna.

² Aòkòhyre. Inyboho heka òraruna dee rubumy ihỹrennyere. Timykibo iny ihymy òraruna-txi rekeseke? Aòkòhyre. ³ Jesuisi Kristuni-ki inyboho raratisebenyereu, Tule Jesuisi rubu-my ratisebe-ò rururennyere. Kia teerytenyete. ⁴ Tiu inyboho risebenyere Jesuisi òraru-ki, tii-wana inyboho rurure. Tai iru tỹmyra-di inyboho ihyre. Iwese Deuxu taruru-di Jesuisi riixixadỹnyre wese tule inyboho iru tỹmyra-di rokoireke. ⁵ Iwese tii rurure wese, inyboho tule rukurennykre òraruna dee. Iwese Kristu rexixadỹnyhe wese inyboho tule òraru-ribi ixãwira tii-wana rarehykremy. ⁶ Iny umy tyby tule rurure Kristu itxe-ò-ki. Tai inyboho heka òraruna deòdumy aòkò ihỹrennyere. ⁷ Inyò rurukre, tii òraruna-ribi ixãwimy ihỹre. ⁸ Inyboho Kristu-wana rurukeki, tii Kristu-wana irumy ratxikre. ⁹ Kristu rexixare tii ixyby ruruoòtyhy. Rubu ixyby tamy reaòtyhy. Kia tahe inyboho rieryrennyere. ¹⁰ Jesuisi rurureu, iny òraruna ixãwina rubulemy rurure. Wiji tahe irumy ihỹre Deuxudeehy. ¹¹ Tule kai arumy atximahãte Deuxu dee iny aòbina bina-ò taruteki rubuwesemy arumy tahe Deuxu-ò. Inynyrỹrenny Jesuisi Kristu tyhydỹnyki. Kiawesele mohòtynyke Deuxu dee, Jesuisi Kristu dee wahe.

¹² Kaiboho dori Jesuisi Kristu-wana atximahãtenyete. Òraruna-txi ixyby besekeòtyhy. Ixideewimy aòkò rikiwinyrennyke, aò ibina wahe. ¹³ Aumyrenny biwahinybenyke Deuxu-ò iwese iny iru tỹmyra-di ihỹrennyere. Tai tahe òbitile biwinybenyke, òraruna-txi beseòtyhy aò iyya aòkò. ¹⁴ Òraruna rybe-ò ijohorenyòmy. Tii dori awedu aòkò rare. Deuxu ruxetòena-ò bexiwelorumahãbenyke.

¹⁵ Aòbo tahe awityhyre. Ruxetòena òraru-ki aòbo rekexiòrarunanyemyhỹke. Aòkòhyre. ¹⁶ Òraruna rybe-ò heka bityhynybenykeki, òraruna deòdumy atxibenyke, rubu iòwy rare wahe. Deuxu rybe-ò tahe bityhynybenykeki, òbitimy boibenyke. Bexideòdunybenyòtyhyke òraruna bityhynybenykeny. ¹⁷ Wowydyna Deuxu-ò kanakemy watxireri. Juhuu kaiboho òraruna deòdumy ahãtenyete. Tahe wiji inatyhyna erydỹna

tetyhynytyhytenyete. ¹⁸ Wiji tahe kaiboho òbitina deò-dumy atxitenyete. Tahe Deuxu deòdumy wiji toite, tii ix-ideewimy timybo adirenykre. ¹⁹ Iwese juhuu òrarunaw-idŷŷna-ò texiwahinymahâte wese, wiji bexiwahiny-benyke Deuxu-ò, òbitiwidŷŷna-ò wahe. Òbitimy rarybemahâre, itŷnytyhy kaiboho dori òhõtitymy toite aiximynatyhyrenyò òraru-ki. ²⁰ Òraruna deòdumy atx-itenyete, Deuxu tetyhynyòtenyete. ²¹ Kia aòmydŷŷnana wiji ixâruna adeereny rare. Aòbo tahe awimy juhuu tewinytenyete. Kia heka rubule riwahinymyhŷre. ²² Òraruna-ribi ixinamy atxitenyete. Kaiboho Deuxu-ò ibutumy texiwahinyete. Tai umytedeòna tetatenyete. ²³ Òraruna òwy heka rubu rare. Inyò òraruna riwinyke-ki, tii ruruke, kia òraruna òwy rare. Deuxu wahidŷŷna tahe umytedeòna rare, Jesuisi Inynyrŷ rurureki wahe. Idi tiile-wana tukre.

7 Waityhydŷŷdu seriòre, kaiboho bede ywinamy teerytenyete. Tai bieryke aòmybo ararybekre. Inyò irulemy rariakekile, bede ywina tamy aò rare. ² Arawesenanykre. Hâwyy heka ihâbu-wana ihyymy ihŷre bede ywina myna. Hâbu rurukeki, tahe ixinamy ihŷre ijò-wana roikremy. Hâbu ruruòkeki tahe, ixinamy aòkò ihŷre, ijò-wana roikremy. ³ Inyò-wana roikeki, hâwyy wedenamy raninikre. Ihâbu rurukeki, tii ixinamy rarekre. Ijò-wana roike. ⁴ Kia wese rare, waseriòreboho, ayreny-ki. Kaiboho bede ywina dee tarutenyete. Kaiboho dori ityhydŷŷdu mahâdu atximahâtenyete. Kaiboho Deuxu hõrò mahâdu atximahâtenyete. Rubu-ribi ixixadu mahâdu atximahâtenyete, Deuxudeewina biwinybenykemy. ⁵ Juhuu ixideewile aò tewinymyhŷtenyete, rubu aòmydŷŷnana wahe. ⁶ Wijile tahe bede ywina-ribi ixinamy inyboho roimyhŷrenyete. Iwese ihetxiu tyriti bede ywina rityhynymy aòkò ihŷreny, wiji Deuxu Tyytybytyhy aòmydŷŷnana inyboho rityhynyrenyete.

⁷ Timybo? Bede ywina aòbo ibinamy rare. Aòkõre. Ihoòkeki tahe òraruna jiarŷ arieryòtyhy. Bede ywina rarybere wasiòmy. Kiale reeryre aòbo wasimy rare, inyò aò arimykemy watzireriu, kia òraruna wasiwesemy rare. ⁸ Timyki, jiarŷ òraruna waerysòna bede ywina tuu rarybekòkeki. Bede ywina dori aòbina binamy riwabedeerynyre. ⁹ Jiarŷ juhuu bede ywina reeryòre. Reeryre tahe aòmydŷŷnana binale wadee rarerenyete. ¹⁰ Deuxu heka bede ywina riwahinyre juhuu. Tamy ruru riwahinyre bede ywina wahe. ¹¹ Tahe bede ywina òraru-ki heka òraruna riwahinymy. Tai tahe ònosòna riwarubunyre. ¹² Kia bede ywina tahe awi rare, òbiti rare. Ònosòna awi rare. ¹³ Timybo rare. Òbitina aòbohe riwarubunyre. Aòkõre. Òraruna tiire. Tii tahe ibinatyhy rare. Bede ywina òraru-ki iny kia òraruna ibinatyhy reeryrenyete. ¹⁴ Bede ywina heka Deuxu Tyytybytyhy aòmydŷŷnana rare. Jiarŷ heka inyle rare, òraruna heka wawedu rare. ¹⁵ Aòbo warayky dee ibinarele, kiale rewinywâhâre. Aòbo awimy warayky dee rare, kia rewinyòhyre. Aòherekibo? Reeryòre. ¹⁶ Rexierymyhŷre aòbo rewinymyhŷre. Reeryre kaa bede ywina awi rare. Tai heka rabadewomy watxiwâhâre. Jiarŷ dori bede ywina bede ywina riti reerymy watxiwâhâre. ¹⁷ Retxiònymy watxiwâhâre. Waruruòhy heka

watxiwâhâre. Aòwi ariwinykeò. Òraru heka iòhòmy waribi ratximyhŷre waruru ratyre ratximyhŷre waribi. Tai heka òraru rewinywahâre. ¹⁸ Waumy ehextina tahe ibinatyhy rare. Aòbo awi rare heka ariwinykemy rewisŷnywâhâre ta heka rewinyòhywâhâre. Aòwi rewinyòhyymahâre! ¹⁹ Jiarŷ rarurunymahâre heka aòbina ariwinykòkemy. Tahe ihârele heka rewinywahâre. ²⁰ Reeryrehe aòhebo ratŷŷnymyhŷre. Jiarŷ ixìòrarudŷŷ waòraruna wadi raitxŷteitxŷtenymyhŷre. ²¹ Deuxu-deewimy heka ariwinykemy watxiwâhâre. Tahe araòrarunyhymahâre. ²² Waumytŷmyra rarurunythyymahâre Deuxudeewi widŷŷna ariwinyke. Awityhy rare wadee. ²³ Ijò tahe waumywo-ki, waraykywo-ki, ratximyhŷre, waumyehetxina waki ratximyhŷre. Wadi rarurunymyhŷre riwamymy ratximyhŷre. Aòbina widŷŷmy heka wadi rimymy ratximyhŷre. Reòlundun-òhyymyhŷre waraykymy heka rahaŷnanymyhŷre. Aòwesele heka tuu rahaŷnanymyhŷre, riòlundun-òmyhŷreki wahe. Raraykynymahâre warayky-ki, Deuxu-deewimy watzikemy. Tule tahe reerymahâre òraruna deòduò jiarŷ rare wahe. Waumytŷmyra tahe wadee rarybemyhŷre òbitimy aòmydŷŷnana ariwinykemy. Waumyehetxina tahe kialemy wadee rarybemyhŷre —òraru ariwinykelemy. ²⁴ Tai heka urile warayky raleileinymyhŷ. Mobo riwatake waumyehetxina bina bina aòmydŷŷnana-ribi? Deuxudeewina-ki, Jesuisi Kristu Inynyrŷ heka iximynamy riwatakre. Tii riwateònymy wadi rarekre. Wowydina tamy ariwahinykre.

8 Tai heka Jesuisi Kristu tyhydŷŷdu mahâdu rubutyhy-ò heka raòtyhy. Deuxu heka tii ritarenyke tii-wana rarehyke. ² Deuxu-ò Tyytybytyhy dori warurutymyra-di riwarurudŷŷnytyhyre. Rubu-ribi dori Jesuisi Kristu riwatere ixinamy ararekemy. ³ Inyboho heka Deuxu Bede Ywina rieryrenyete, Moisesi tyritina wahe. Tii heka iny òraruna-ribi iny ixinamy ririradŷŷnymyhŷre. Jesuisi Kristule, aòbo, òraruna ruru rahumyhŷre. Aòma rakahurenyòtyhy heka iny rururenydi aòma òraruna ixitawo-di. Rikityhynyrenyòtyhy heka aòma ixitawo-di aòbo bede ywina Tahe Deuxu tariòre diteònyde iny umyrenywesemy wahe. Tiu heka iòrarunaòhyre. Tai heka rexiwahinyre iny òrarureny-ki. ⁴ Tai rikityhynyrenyete aòma Deuxu bede ywina. Iny nohõtireny rosake aòbo umy ehextinareny inydeereny rarybemyhŷré. Ijohonarenymy ta, irybe-ò, Deuxu Tyytybytyhy rybeòle rokoholamyhŷreny. ⁵ Aòbo Deuxudeewimy biwinybenykeki, tai Deuxu Tyytybytyhy rybeòle heka iny roholamyhŷke. Ixideewimy widŷŷmy burubenykeki tahe, aòwaxina boholabenyke umyehetxina rybe-ò. ⁶ Deuxu Tyytybytyhy rybe-ò ijohona heka iny umytŷmyra-ò ridymyhŷre, umytedeòna-ò, ywina-ò. Umy ehextina rybe-ò iny rohola wana, tahe rubu-ò iny ridymyhŷre. ⁷ Umy ehextina dori aòma rare, Deuxu òludu. Deuxudeewimy aòkò heka riwinymy ihŷre tiu riwinyòtyhy. ⁸ Inyò ibutumy òraruna ixideewimy riwinykeki, tiu heka Deuxudeewina riwinyòtyhy. ⁹ Kaiboho tahe kiawesemy aòkò heka toite. Deuxu Tyytybytyhy heka aworeny-ki rasŷnymyhŷre. Tai heka umytŷmyraò heka kaiboho ijòdirennyre. Deuxu

Tyutybytyhy heka kaiboho ijödirenkye. Inyö Deuxu Tyutybytyhy ihoökeki, tiu tii ityhydýýdu aökö rare. Aumytyhy heka rurukre aörarunaö direki wahe. Atyutyby tahe iruhyyemy ratxikre, Kristu dori aöraruna riixäwidiidýýnyreki wahe, Deuxu araöbitidýýnyre wahe.

¹² Tai waityhydýýdu seriöreboho. Umy ehextina rybe-ö uritere ijohonarenkyömy. ¹³ Irybe deradýýna-ö beöbybenykeki, kaiboho heka burubenyke. Aökökeki arurenymy mariabenkyre, Deuxu Tyutybytyhy-di wahe.

¹⁴ Ibutumy Deuxu Tyutybytyhy rybe-ö roholamýhyre mahädu, tiiboho tahe Deuxu riöre roire. ¹⁵ Deuxu rybemy bityhynybenyke. Deuxu Riöre wesemy tahe bityhynybenyke, öbitimý atxibenyke, deödu wesemy aökö wahe, buberubenyötyhy. Waha-my tahe marybemyhýbenyke heka. Deuxu Tyutybytyhydile wahe.

¹⁶ Ijoiarenymy rakatxirenykre. Aömybo Deuxu Tyutybytyhy-di inydeereny roimýhyreki heka, tuu inatyhymy rakatximýhyrenykre inyboho iriöre roiremy wahe.

¹⁷ Ibutumy aöbo Jesuisi Kristu inydeereny riwahinymýhyke heka, tule inyhörö reny heka rare. Iwese tii wowydyna iribi rikitarénykeki, tii-wana heka aöhökýmy rokotýýnyrenykre.

¹⁸ Aöhökýmy rokotýýnyrenykre tahe aönikýmy aökö rare, urihimýöle wahe. Inydeereny dori wowydynaö kidiwahinykre, söwetyhymy. ¹⁹ Ibutu bedede aöna aöna riraömy roimýhyre, aöma-ö, Deuxu Riöre mahädu ibutumy rubu-ribi ixixana kiditýnynykreu, rexixamy ibutumy rýirakre idi biu-ö rirahukre wahe. ²⁰ Kitaxu tahe ibutumy bedede raaöbinanyke. Iwese Deuxu juhoo riwinyre-ribi resere iny öraruna öraru-ki. Deuxu dori tuu bedede riywinyre txioinyhe tahe, rarösöna rýire, riwitxiranyke. ²¹ Rekeysarenkyre heka Deuxu riöremy heka rakatxirenykre. Tii ibutumy bedede-ribi iny ritarenkyre ibutumy öraruna-ribi, rubu-ribi. Ibutumy öraruna aöbina bina deödu heka rexihukre. Deuxu ibutumy aöna aöna ritýmyranykre iwese tariöre itýmyrare wese. ²² Kaa wiji tahe ibutu aöna aöna aöhökýmy rotýýnymy rýira irödu alöböröna, ibutumy heka uladu ijira dese wese heka riijemy aöna aöna rýira. Aöma, ixixanatxu dehemyntkölemy roimýhyreki wahe. ²³ Tiibohole sohojile aökö, tule inyboho Deuxu Tyutybytyhyre häre, kia delemy inydeereny rawahinyre häre, aöhökýmy rotýýnymýhyrenykre idi tiu Deuxu tariöremy risýnyrenkyre riraömyhyre. Kia tahe inyboho riraömyhyrenykre. ²⁴ Inyboho dori tararösöna-ki kawese awirenyre. Inyö irarösöna itýnykeki, aöbo tahe riraömyhyre. ²⁵ Tai tahe Deuxu rikityhynyrenyke rikiraörenymy aöma, inydeereny tuu raryberé, rikitarénykre. Rikiyrymy rikiraömy rokorokomyhyrenykre.

²⁶ Iwesele tahe Deuxu Tyutybytyhy heka iny riwöhénanyrenkyre. Inyummy aömydýýnanarenkyre heka aöhebo rotýýnymýhyre txuö txuölemy iny riwöhénanyrenkyre. Inyboho riwöhénanyrenkyre aöma inyboho rieryköreki ixitöedýý. Deuxu Tyutybytyhy inydeereny dori rexitöenymýhyre tii inyboho heka aömy rybe inyboho rierykömyhyrenykre inydeerisýnynymy rarybemyhyre tuu. ²⁷ Inyutybyreny heka ibutumy inraykyreny, inyworeny, rierymyhyre. Tii heka

rexitöenymýhyre inydeereny iny öbitinarenkyre-di, iny ywinarenkyre-di iny riixitöedýýnymýhyrenykre. ²⁸ Ibutumy aöbo inydeereny rabeledýýnananyrenkyre heka inydeereny awire. Deuxudeewina heka rikiwinyrenkyre inydeereny ratximýhyre Deuxu dori inyluurenkyre. Tii dori iny ridyre tariöre wesemy. Tii dori kiamy juhoo röhötinyre. ²⁹ Juhudihikýle Deuxu röhötinyre mobo tamý rakemy. Tahe tiu rierymyhyre mobo aöma inyboho tamý kanakré. Tii heka rierymyhyre timybo widi rarekré, tariöre wesemy idi rarekré. Iriöre heka söwemy iseriöre relekre. Iriöre tahe juhuule ityhydýýdumy iuhe rýire, iseriöre wesemy wahe. ³⁰ Tii heka inyboho rihitxinyrenkyre. Tii heka ryrymyhyre tamý, kanakemy. Tii inyboho tamý ritehemynyreu, heka inyboho tamý ritehemynyrenkyre. Iny öraruna-ribi inyboho riixäwidiidýýnymy Deuxu, Jesuisi, Deuxu Tyutybytyhy ywina heka inydeereny riwahinyre.

³¹ Ywimý rakatxirenykemy heka inydeereny röhötinymy ihýre. Wowydyna heka inydeereny riwahinykre. Timybo rakaryberenykre. Awire heka ibutumy. Nihikýre. Deuxu heka inyworeny-ki ratximýhyre. Tii heka inydinodurenkyre. Inyö lüdürenkyre rixirenykre, sohojiö. ³² Ibutumy inydeereny riwahinykre —inydeereny dori tariöretyhy dori diwahinyde. Diwahinyde heka inydeereny rurukremy. Deuxu heka iny riixäwididýýnyrenkyre. ³³ Inyboho heka öbitimý ratximýhyrenykre tamý rakatxirenykemy. Tii dori iny riwinyrenkyre öbitimý. Inyö rarybeötyhy iny öbitimý aökö ihýre. ³⁴ Inyö heka inymyreny rarybeötyhy rukururenkyre. Jesuisi Kristu dori inydeereny rurure, iny örarurenkyre-ki. Tii ixityre rubu-ribi rexixare inydeereny. Katahe ronymýhyre Jesuisi heka rexitöenymy ronymýhyre inkyreny. Deuxu-ö heka iny riixitöedýýnyrenkyre inydeereny ronymýhyre. ³⁵ Tii heka rihitxinyötyhy, aöma Jesuisi Kristu luureki wahe. Aöhökýmydýýnnana dori rakatxireny. Tii heka iny rirubunynyrenkyre. Iny rama rirubunynyrenkyre inieruömy. Bede brebuwo-ki rakatxirenykre. Inymyreny rarybemyhykre. iny rirubunynyrenkyre. Ta Deuxu inywanarenkyre ratximy ihýre. Tii heka Deuxu-ribi aö iny rihitxinyrenkyre. ³⁶ Inyboho heka rubu riraöhyky ratximýhyrenykre, rexiwinyhykyle. Kia rikiwinyrenkyre aöma Deuxu luuna-di xiery —iwese budoeni tarubuna riraömy rýimýhyre wese. Deuxu rybe inykoreny tuu rilymyhyre. ³⁷ Taiki heka imahäduy-ribi rokotarenkyre. Kia ölöna inyhöröreny rare. Kristu dori inydeereny rurure. Aö heka iny rihitxinyrenkyre Deuxuluuna-ribi. Rubu dori iny rihitxinyrenkyre. Umy tiu iny-ribi rihitxinyötyhy. Ýju dori tiu iny rihitxinyötyhy. Aöbinahaký heöty, rubu bina heöty dori tiu Deuxu luuna-ribi rihitxinyötyhy. ³⁸ Aö heka iny rihitxinyötyhy Deuxuluuna-ribi. Biu wenonana dori, beheý ratyre, tiu Deuxu luuna-ribi iny rihitxinyötyhy. Wiji aöna aöna itömo rahudi aöna aöna, aötxi aöna aöna tiu iluuna-ribi rihitxinyötyhy. ³⁹ Kia ibutumy wadee inatyhy rare. Jesuisi heka Deuxu inydeereny ritýmynymýhyre ibutumy iluuna iny örarurenkyre-ki rurureu.

9 Kaiboho waijoiireny, waityhydÿÿdu seriòre mahādu. Kristu hōrō jiarÿ rare, inytyhy rare. Deuxu Tyytybytyhy, Jesuisi Kristu-wanale rierymyhyre kia inatyhy rare. ² Rabadewomy heka watxireri waijoi rityhynyōreki. Deuxu Tyytybytyhy kia rieryre. Txuō txuōlemy, ruō ruōlemy rabadewomy watxihāre. Txiole txiole aōmydÿÿnanamy adeereny ararybeke kaiboho tarasanaō boibekemy. ³ Deuxu riwatxuhoke Kristu-ribi waijoi derōwomy, iwihedÿÿkeki. Jiarÿ heka ihyy arurukemy waijoi ityhydÿÿdukōdu mahādu wahe ixi-di tamyreny rahōtinymy watxireri. Kia biu-ò hena ritarenymy wahe. Tahe aōkōre heka. ⁴ Deuxu heka tamyreny sōwemy diwahinyde. Ihārele tiiboho ijohona deramy rekoamahāreny. Aōma, rihitxinyreny heka taijoiireny. Ridyreny heka bederahy-ò loosōna-ki biu-watykywo-ki. Tahe tamyreny rarybere tii iluureny. Tamyreny heka sōwemy aō kidiwahinykemy idireny ratximyhyre. Tule tabede ywina rybe tamy diwahinyde. Tai tahe Deuxudeewina reeryreny. ⁵ Tamy heka Deuxu wowydynaō riwahinyreny Deuxu teōduō kanake tii tamy rarybere. Tybyreny dori ilahiboho dori rityhynyreny, tii Deuxu sōwemy rityhynyreny. Kristu tahe tule judeu mahāduō ratximyhyre, waijoi wahe.

⁶ Deuxu rybe inatyhytyhy rare. Sōwemy iny judeu mahādu wese roire. Ibutumy tahe judeu mahādutyhy aōkō roire. ⁷ Ibutumy judeu Abraō riòre riòre rÿira mahādu aōkō heka Deuxu riòremy rarekre. Deuxu heka Abraō-ò rarybere: —Ijai riòrele ariòkōre rarekremy ijō aōkō. Ibutumy Abraō riòre, Ijai riòre aōma ityhydÿÿdu aōkō roire. ⁸ Ijō iriòrekōna mahādu tahe ityhydÿÿdu heka roire. Kia Deuxu rybe rityhynymyhyrele heka ityhydÿÿdu mahādumy rÿira —judeu mahādu tyhy wahe. ⁹ Juhuu tahe Abraō-ò Deuxu rarybere: —Ahāwyy Sara, iriòredikre ijō beōrau wahe. ¹⁰ Iu tahe Ijai iriòre hāwyy-wana herinanyreu, Rebeka-wana roire tahe inatxi uladumy heka Rebeka tamy kidiwahinykemy riywinyra. Ijau juhutyhy iriòredelamy reakre riywinyra. Ijō tahe Ijaò ini rarekre. Kawese Deuxu rarybere uladu reakōule: —Jiarÿ heka Ijaòmy retamy rarybere Ijau aōkō. Jiarÿ aōna aōna sōwemy tamy adiwahinykre. Deuxu kiamy rarybere Ijau reakōule. Tiu aōwihikÿ aōbina bina riwinyke aōkō. Myle roireri. Deuxu riteòsinyre ijō tarasanamy reake-ribi tahe ijōle tuu reare. Aō uladu tuu riwinyreriki aōkō Deuxudeewimy tuu riwinyre. ¹² Juhuutyhy Rebeka-ò rarybere: —Idela taseriòre deòdumy rarekre. ¹³ Iwese tyriti-ki roire wese: —Ijaò iluure tahe Ijau aōkōre.

¹⁴ Aōmybo tahōtynyteri? Deuxu aōbo adee ibinare kia riwinyreki? Aōkōre heka. ¹⁵ Deuxu rarybere Moisesi-ò: —Jiarÿ heka awimy inyōdee ariwinykre, tahe tuu ariwinykre. Inyōdee ruxetōena ariwahinykeki, tamy ariwahinykre iixideewimy. ¹⁶ Deuxu ruxetōenale heka rare, iny aōmysÿdÿÿ sōwehekÿmyreki aōkō inydee tarasana riwahinykre. ¹⁷ Kaheka iny rieryre Faraò (Egito bede iòlò) ijyy dori inydee kia riteòsinyre iwese Deuxu rare wese wahe reteherenyké. Deuxu kiamy rarybere Faraò dee: —Adee kÿny ariwahinyre ruruō kai bonyke iòlòm. Tai tahe ibutumy iny wani wihikÿ-ò roho-

lakre. ¹⁸ Ibutumy Deuxu iixideewimy tuu riwinyryrêre. Ruxetōena riwahinyke tamywi tahe riwahinyra.

¹⁹ Inyō tahe wadee timy rarybeōtyhy: —Aōherekibo kawesemy Deuxu inyō aōhe risÿnykre ada amobohe Deuxu aōwidÿÿna deramy reakre. ²⁰ Tiu moō rarybeōtyhy Deuxumy ibinamy. Iu inyō butxi riwinykreu, aōma sudeō rimykreu, riwinykre heka butxiwihikÿō tamywikeki. Ibinaō riwinykeki tasÿ iwesele riwinyke ibinamy tuutyhymy. Bedenamy riwinyke noijaka tamy ridemyhÿkemy. Ijō butxi tamy wikeki. ²² Iwesele heka Deuxu rare. Rebureke heka inyōdee raykarananyke. Ijō-ò tahe awike ta ruxetōena-di riwihenanyke iaōna aōna riijemy. ²³ Idi tahe rōkōhōtynyreny timybo Deuxu wina, Deuxu loosōna awiremy iruxetōena inydeereny riwahinyhymyhyre. ²⁴ Judeukōdu mahādu Deuxu ritare. Judeu mahādu yribi sohoji aōkō. Inyboho. ²⁵ Osea tyriti-ki rybeō kiamy tai roire Deuxu rarybere wahe: —Ijō mahādumy sÿ aronykre wariòremy. Tahe waijoi-ribi aōkō waijoiō mahādu aōkō waijoimy arininikre idi aritakre. Tuumy ararekre. Tiu heka luuna juhuy inyō rewahinyōhyre. ²⁶ Deuxu rarybere tiu: —Kaiboho juhuy waijoi aōkō toite, tuōmyta kowa-ki wariòrenymy boibekre. ²⁷ Isaia tule rarybemyhyre aōma judeu mahādumy wahe. Sōwemy, sōwemy imahāduō hāre tahe, ibutumy tarasanamy reakre. ²⁸ Deuxu ele elemy rotÿÿnykre timybo rarybere myna. Ijō-ò ruxetōena riwahinykre ijō-ò adehuna riwahinykre rixāwidinyrenykre. ²⁹ Ijō Ritidÿÿna-ki Isaia rarybere: —Deuxu ibutu dinodu heka ruxetōena riwahinyōkeki, ibutumy judeu mahādu riixāwididÿÿnykre iwese Sodoma hāwā Komora hāwā-wana riixāwidinyre wese my wahe.

³⁰ Timybo rakaryberenykre kia aōmydÿÿnanamy? Kialemy: —Judeukōdu mahādu-ò Deuxu tarasana riwahinyre tiu Deuxu riijeōhymyhyre hārele. Judeu mahādu heka rityhynykemy idi ratximyhyre ibede ywidÿÿna-di tahe tiu heka ritaōhymyhyreny tarasana. ³² Bede ywina rybe riyrubunyekhāre awikehāre tiu tarasana ritaōtyhy. Rityhynytyhykeki heka tuuke. Tai tahe ritaōre tarasana, rityhynytyhyōreny. Tai tahe iwere mana iny riatymyhyre were rydÿÿnareny. ³³ Ijōti nihikÿ heka roimymyhyre. Tiu heka riòhòreōtyhy iweribi-ò. Deuxu rybe-ki kia wesemy roire: —Judeu mahādumy-ki mana nihikÿ wese retidimy doimymyhyde. Sōwemy heka iny rÿira tiu heka ityre-di rariaōtyhy biu-ò hena-ò dehemynydeki wahe. Kia iny rityhynymy Jesuisi Kristu rÿirale tahe ritakre tarasanaō heka inatyhymy.

10 Waityhydÿÿdu seriòre, rexitōenymy wāhāre heka Deuxu-ò ibutumy judeu mahādu biu-ò henamy rÿikemy. Kiamy tuu rarumahāre. ² Reerymahāre tiiboho ibutumy rityhynymahāreny Deuxu. Tiiboho ityhydÿÿnareny tahe òbitihyke aōkōre. ³ Tiiboho kiamy rōhōtinymahāreny aōma judeu mahādu heka bede ywina rybe rityhynyrenykeki ile rexiòbitinykemy heka rōhōtinymahāreny Kristu-ò ta rexiwelòròkōlemy Kristu bede-ò rexihumyhyre, tai Deuxu iny-di awimy rarekemy. ⁴ Bede ywina heka

Deuxu aõmydÿyna tarasana aõkõ heka rare. Kristu rityhynmahãrenyke. Kia weseleke heka tii rimyreny rexiõbitinyre. ⁵ Moisesi dori ròritidÿÿre tuu: —Inyõ tiu òraruna-txi reseõhy rarekeki, taile iny tarasanamy ratxike. ⁶ Kiamy heka ityhydÿÿna namyhÿde. Uritere inyõ Kristu biu-ribi kòdidykemy ixinohõtitydÿÿna Kristu kidiwykredi uritere nohõtirenyõmy, isiratyhyre wahe. Tuu aõkõ iny õbitidÿÿna-ki rahamyhÿre. ⁷ Uritere Kristu ixixana-di mohõtinyenyõmyke isiratyhyre dori kia-ribi õbitidÿÿna kikitakremy. ⁸ Tii heka inyboho ribedeery-nanymyhÿre. Iõhòlemy heka iny-ribi ihÿre warybereny wahe. ⁹ Iny taykyrenyke rityhynymyhÿre inykile. Tai tahe rarybere inywixira-ò aõma Kristu iny wedureny ihÿremy wahe. Inyworeny-ribi rikityhynymyhÿrenykeki. Aõma Kristu heka Deuxu riixixanyre rubu-ribi. ¹⁰ Taiki tahe biu-ò hena rakatarenyke. Aworibityhy rikityhynymahãke. Kiamy heka iny õbitimy rekelerenyke Deuxu dee wahe. Rarybeke iny-ò rityhynymy ratximyhÿremy tai tahe tuu relemy ratxike. ¹¹ Kiamy heka Ritina-ki roimyhÿre: —Inyõ rityhynytyhyhyke heka teysamy ratxike. Tiu heka anabedewoõtyhy tatyhy-na-ki. ¹² Judeu mahãdu dori judeukõdu mahãdu-wana wiwesele rare. Ibutumy heka sohojihyule iwedure, Inynyrÿ wahe. Ibutu heka inydee riwahinymyhÿre aõmybo iny rexitõenymyhÿre wahe. ¹³ Iny rexitõeny-wana Inynyrÿni-di tarasanamy, tai iny-ò riwahinymyhÿre. ¹⁴ Teerykõte heka timybo idi ratximyhÿre rexitõenymy. Timybo bieryke inyõ tuu relyyõhãre heka rityhynyke. Tamy heka roholaõtyhy inyõ tuu relyyõkeki tiu ityhydÿÿna. ¹⁵ Inyõ heka raõtyhy, inyõ biteõnyõkeki wahe. Kiamy tahe Tyyriti rarybereri: —Kia Rybewihikÿmy rybedu heka awi heka rare, dehemyynyna heka awire, deysana rybe dori diwymyhÿde. Deuxu rybena ywina wihikÿ heka diwymyhÿde. Tai tahe iny reysamy heka aõma Deuxu Rybewihikÿ tamy riwymyhÿreki wahe.

¹⁶ Ibutumy aõkõ tahe rityhynymyhÿre. Iwese Isaia Deuxu rybedu rarybere wese: —Inynyrÿ, Rybewihikÿmy tamyreny heka rarybemyhÿreny. Ihãrele tahe rityhynyõhyymyhÿreny. ¹⁷ Ityhyna heka Rybewihikÿ-ò iny roholamyhÿreu, rityhydÿÿmyhÿre. Kristu ityhyna tamy kedehemynykre, rybe wihikÿ òraru-ki wahe. ¹⁸ Dÿÿraxinaõ ariwinykre. Taholatenyõte aõbo Deuxu rybe-ò? Kohe, ibutumy heka roholamyhÿre. Tyyritina-ki roire: —Deuxu rybe tÿmyra wihikÿ ibutumy riteõnymyhÿre hãwã hãwãmy. ¹⁹ Ijõ arÿÿraxikre: —Judeu mahãdu aõbo kia rieryõmyhÿre? Moisesi tyyriti-ki roire: —Deuxu biu-ò hena judeukõ mahãdu-ò ariwahinykre. Waijoi mahãdu ariwoxibronykre. ²⁰ Isaia tahe idi tuu rarybere: —Iny wiwana mahãduõ heka Deuxu riijemyhÿre. Tii rexitÿnynyre taõrysdu mahãdu-ò. Itxi reare. ²¹ Isaia rarybere Judeu mahãdumy kia: —Ihãrele Deuxu iny ritobinyrerimy ihÿre iny, iny nohõtibinaki wahe.

11 Kaiboho heka timybo tahõtynmahãtenyete Deuxumy? Tii aõbo taijoi-ribi nohõti rosaremy —judeu mahãdu-ribi? Aõkõre. Jiarÿle, Paulo, judeu mahãduõ rare. Jiarÿ heka Abraõ riokoreõ rare. Benjami ijoiõ heka jiarÿ rare. ² Deuxu taijoi-ribe nohõti rosaõty-

hy. Tii juhuu ritare. Elia juhuu Deuxu-ò taijoimy rarybere. Ryberiti-ki kia roire: ³ Tiiboho heka rybedu mahãdu rirubunyre. Tule axiwenã wahidÿÿna ribõhõnyre. Jiarÿ sohojile aluure Deuxu. Tule ròrubudÿÿmy wadi ratxirenyrereri. ⁴ Timybo Deuxu heka Elia-ò dirawyõnyde: —Aõkõre, kai ihewoludutyhy waluunadu aõkõ tate. Waluunadu 7000 inymy rÿire aribihitximy wahe. Tule Bali suritxoo tiu rityhynyrenyõhyymyhÿre. ⁵ Katahe wijile iwesele rare. Iny ibutemy Deuxu hõrõ mahãdu rÿire. Tii taruxetõenadile ritarenyre. ⁶ Deuxu ruxetõena heka aõ iõwy-di aõkõ riõwynymyhÿre Deuxu riwahinymyhÿre. Aõwihikÿ diwinymyhÿdenydeki aõkõ heka tuu heka ratximyhÿrenyre iõwydikeki tahe aõ ruxetõe aõkõ rare. ⁷ Deuxu heka judeu mahãduõ ri-hitxinyre tarasanamy rekré. Ijõ tahe iwety mahãdu wesemy ijõ rÿira. Deuxu tamy tarasana-ò ryreri tiiboho roholaõre. ⁸ Tyyritina-ki rarybemyhÿre rõrõmy ratximyhÿrenyremy. Deuxu heka riruberenyre ihãre ta tõhõtireny ratõbõnyreny. Taita rieryõhyreny heka Deuxu Tyytybytyhymy rarybemyhÿrenykeki wahe. Iwesele heka wijina roimyhÿre. ⁹ Ihetxiu Iõlõ Davi iwesele rarybere: —Kia heka taworana bedehesina-ki, ramyrenykre, raborenykre, tabonahemy reserenyke idi aõhõkÿmy rotÿÿnykre. ¹⁰ Iruere idymy releke tiu robiõkemy. Tiumy rarabunykre iaõbinabina-ki.

¹¹ Adeereny arÿÿraxikre kiamy: judeu mahãdu resereu ixãwire aõbo? Aõkõre. Urile tarasana nade judeukõdu mahãdu-ò tai. Judeu mahãdu ibinamy tai rõhõtinkyre. ¹² Judeu mahãdu òraruna òraru-ki heka sõwemy iny-ò aõwihikÿ nade, judeukõdu mahãdu-ò wahe. Tahe awityhymy rarekre ibutumy judeu mahãdu ralokremy. ¹³ Jiarÿ, Paulo wahe, rybe wahidÿÿdu heka jiarÿ rare. Judeukõdu mahãdu-ò tii heka jiarÿ rare. Uritere nohõti losarenyõmy kia waaõmysÿdÿÿna rare. Kia awi heka wadee rare. ¹⁴ Deuxu heka adeereny aõ nihikÿ adeereny riwinyre, kaiboho judeukõdu mahãdu rare. Judeu mahãdu robikre. Tai heka tiiboho biu-ò hena mahãdu-wana ratxikemy riwisÿnykre. Kia wese õsana ijõ tarasanamy rimykre. ¹⁵ Judeu mahãdu wiji rityhynyõreri. Tai Deuxu ijõ mahãdu-ò biu-ò hena riwahinyre, judeukõdu mahãdu-ò wahe. Iny sõwemy tai ritamy rÿimyhÿre òraruna-ribi. Iwese inyõ rubu-ribi riixixanyre wese kia rare iu judeu mahãdu ralõkre wahe. ¹⁶ Juhuu paõ ere awimy Deuxu-ò biwahinykeki, ibutumy paõ ihõrõ rare. Òwõru rutysõmo Deuxu-ò biwahinykeki, ibutumy òwõru ihõrõ rare. ¹⁷ Òwõru ere judeu mahãdu wese rare. Tiiboho òwõru-ribi raõrõmy raremyhÿ. Kaiboho judeukõdu mahãdu terõwemy atximahãtenyete. Kia òwõruru wesemy òwõru-ò ralõmy atximahãtenyete, tai tahe arumy atximahãtenyete. ¹⁸ Ixityhymy nohõtirenyõmy. Kaiboho dori iratyre awimy aõkõ atximahãtenyete. Òwõru rutysõmo aramyre judeu mahãdu tyby wese wahe. Aõkõkeki, kai bedesekre òwõru desede wese. ¹⁹ Kaiboho õsana marybebenykre: Tiiboho òwõru-ribi ritamy raremyhÿ inyboho rikibynyrenykre. ²⁰ Inatyhy rare. Urile õhõti-ribi losarenyõmy tiiboho iribi ritamy raremyhÿ rityhynyõrenykeki. Tule kaiboho talõmy tatemyhÿ tety-

hynymyhÿtenyteki. Tai ixiwededÿÿorenyre urile bexityhynomy. ²¹ Judeu mahādu heka òwòru rutyhy wese raremyhÿ. Ihārele tahe Deuxu òwòru-ribi ritare. Timybo tahòtintenyteri —Deuxu aratarenyòtyhy. Tule aratarenyke timykeki. ²² Deuxu dori ywimy rare ijò-ò. Tule tii isirare ijò-ò: —òraruna-txi besebenykeki, tii aratarenyke. ²³ Judeu mahādu ixby rityhynyrenykeki, ixby Deuxu ritidikre iherina-ò. Deuxu irurudirare ixby ritidikremy —isiraòre Deuxu-ò. ²⁴ Kaiboho heka òwòru bederahy ludu wesemy atxitenyete. Iwese òwòru ludu-ò tii aratidirenyre wese. Judeu mahādu dori òwòru ludu wesele rare.

²⁵ Waityhydÿÿdu seriòre, inatyhynaòmý adeereny arelyykre. Deuxu rieryre tiwesemybo judeukòdu mahādu rityhynykre. Ikonana kaiboho bityhynybenykreu, judeu mahādu ixbyle kanalokre. ²⁶ Tai tahe ibutummy judeu mahādu òraruna-ribi kòdòòsekre. ²⁷ Kia bedeu heka aritakre iòrarureny wahe iwese tuu rarybere wese juhuuhukÿle. ²⁸ Katahe rasòwemy roira aòma judeu mahādu wahe. Tiiboho Rybewihikÿ òludu roire. Tamyreny heka awi aòkò Rybewihikÿ. Kia heka adeereny awimy ròhònyre. Tetatenyta dori Deuxu-ribi aòma iwahidÿÿna aòna aònawidÿÿnamy. Deuxu juhuu taluunamy walabiereny-ò rarybere. ²⁹ Deuxu heka tiu riwixiranyòhyymyhÿre. Releke wana heka riwinymyhÿre tahòrò mahādu dee. ³⁰ Judeu mahādu heka Deuxu rityhynyòmý roimyhÿre wahe. Tai heka Deuxu ruxetòena adeereny diwahinyde. ³¹ Katahe judeu mahādu heka wiji roire ityhydÿÿmy aòkò. Aòutxu tahe Deuxu ruxetòena ixbyle rimykremy rÿira. Deuxu heka iximymy iny riteònyrerimy ihÿre. ³² Deuxu ibutummy òraruro-ò rityhere idi taruxetòena ritÿnynykemy.

³³ Iny Deuxureny aòwi dinodu heka rare. Ibedeerytyhytyhy rare. Inyò ibedeywidÿÿna rieryòhyymyhÿre. ³⁴ Tiu rikiryrenyòtyhy irayky, tiu rikibedeeryrenyòtyhy. ³⁵ Inyò tiu Deuxu tadiwidÿÿdumy isÿnyòna. ³⁶ Ibutummy dori Deuxu-ribi hikÿle nade ixidee. Ibutummy iruru namyhÿde. Tai tahe ibutummy wowydina tamy rikiwahinyrenykemy inyboho ratximyhÿreny.

12 Tahe waityhydÿÿdu seriòreboho, aumyreny heka biwahinybenyke Deuxu-ò. Aramyrenykemy òbitihyylemy. Kia wowydinatyhy Deuxu-ò. Tii dori ibutummy aòma inydeereny riwinyre. Kia ibutele rarekre tamy. Tii dori sòwemy riwinyre inydeereny. ² Uritere riraòmý bede ludu mahādu wesemy. Iwixiramy boibeke. Tai Deuxu dee awimy kia rarekre. Aumy tÿmyramy ibutummy biwinymahāke. Tai tahe Deuxu ribedeerynanykre aòbo awire.

³ Jiarÿ heka Deuxummy rybeduòmý rare adeereny. Tai adeereny ararybekre bexiijebenyke. Òbitimy marybemy aumy-ribi. Deuxu-ribi ityhyna adeereny diwahinydekí heka aòhe botÿÿnykemy mohòtynmahābenyke. ⁴ Umy heka sòwemy txura txura roire, umy hitxi hitxinamy rÿire. Kristu ityhydÿÿdu mahādu kia wese rare, Kristu woludu mahādu wahe. ⁵ Tule Kristu mahādu sòwemy aòmÿsÿdÿÿna witxira rÿire. Sòwemy iny wiribi

hitxi rÿire. Iwese umy sohoji wese Kristu wo mahādu rÿire. Ibutummy wiribi hitximy raaòmÿsÿdÿÿmy iwidÿÿmy rÿimyhÿke. Inyboho heka ibutummy iaòmÿsÿdÿÿna Deuxu-ò rikiwinymyhÿrenyke. ⁶ Deuxu heka aòwidÿÿna widÿÿna witxira iny sohoji sohoji-ò riwahinymyhÿre. Kai heka tÿnydÿÿna abrysikeki, awimy bexityhynyke awimy biwinykemy. ⁷ Awimy wiòhedÿÿmy atximahāte wana, bòwiòhenanyke awimy. Rybedÿÿdumy atxiteri-wana awimy òbitimy bibedeerydÿÿmy. ⁸ Deuxu rybemy rybedu atxiteri-wana marybeke inydee bexityhynomy. Deuxu sòwemy adee nieru riwahinyre-wana, bòwiòhenanyke inywitxira. Inydinodumy atxiteri-wana, òbitimy maaòmÿsÿdÿÿy ibutu dee. Kia dohodÿÿdukeki botohodÿÿkre inyò aò biwahinykeki awowi-di bowahike.

⁹ Wiribi ihitxidÿÿòmý. Tuu luu-di tahe inywitxira hitximy. Uritere rybeòmý urirybele. Uritere rybe òbitikòmý rÿireò noòmý. ¹⁰ Kaiboho ityhydÿÿdu seriòre atximahātenyete. Tai wiluumy atxibenyke. Widee biwowodynybenyke, ixidee aòkò. ¹¹ Aòmÿsÿdÿÿna-di boibenyke. Ibutummy Inynyrÿ-ò biwinybenyke eysarenny-di. ¹² Beysamy atxibenyke ywina-di aòkòkÿmy dÿÿnana-ki. Bexitòenyhyymahābenyke. ¹³ Aityhydÿÿdu seriòre-ki inyò aò ihoòkeki, tamy biwahinyke ahòrò-ribi. Inyò ihetoòkeki, bidybenyke aheto-ò. ¹⁴ Inyò ibinamy adeereny riwinykeki, tahe ibinamy aòkò biòwynyke. Bexitòenyke Deuxu-ò tamy. ¹⁵ Inyò reysakeki, tii-wana beysake. Inyò rahinykeki, robukeki, tii-wana mahinyke, bobuke. ¹⁶ Ywimy ibutummy iny-wana boibebenyke. Ixityhy aòkò nohòtiòmý. Kai dori ibutummy aòkò teeryte, tule aaòmÿsÿdÿÿy bina awimy bimybennyke. ¹⁷ Inyò adeereny ibinamy riwinykeki, ibina-di aòkò biòwynybenyke aòma uritere ywihyylemy boike. ¹⁸ Wiwesehyyle ywimy rÿimyhÿre. ¹⁹ Inyò umy aòma rarybekeki, uritere ixìòwydÿÿmy nohòtiòmý. Deuxu-wana birimy. Tii heka riòwynykre iaòhòkÿmydÿÿnana-di. Kia tahe roire Tyyritina-ki. ²⁰ Aòma aòludu ramamy ruru wana, tamy rÿsÿna biwahiny, bemy tii ruru wana, tamy bee biwahiny. Tai tahe tii raixÿrure aòbo adee riwinyre lau. ²¹ Aòbinahakÿ rÿira-wana, uritere iijiradÿÿòmý. Ibutummy aòwiwihikÿle aò biwinymyhÿke. Tai tahe rexihuke aòbina bina.

13 Bityhynyke bede dinodu. Deuxu dori risÿnyre bede dinodumy. Ibutummy dinodu heka Deuxule inydeereny riwahinyre. ² Inyò bededinodu rityhynyòkeki, tii heka Deuxu rityhynyòmÿyhÿre. Iny òbitimy ratxikeki, tiu bede dinodu rimyòtyhy ròtena-ki aòhòkÿmy dÿÿnana rotÿÿnyòtyhy. ³ Inyò òbitimy ratxikeki heka tiu bede dinodu lau ruberuòtyhy aòhe risÿnyòtyhy. Urile iny aòòtaòtalemy rotÿÿnyre tahe, tiile ruberumyhÿre bede dinodu lau. ⁴ Bityhynybenyke ibutummy bede ywina aòbo dinodu mahādu raryberé. Brebuòlemy botÿÿnybenyke. Deuxu diteònyde heka bede dinodu iny riwiòhenanykemy. Kai aòhòkÿmy botÿÿnymyhÿke aòòtaòtamy tatÿÿnymahāte-wana. Bede dinodu dori tuu nade. ⁵ Ibutummy bede dinodu bityhynyke. Tii heka biwinybenyke Deuxu dee kia awire. Tai heka aòhòkÿmy botÿÿnybenyòtyhy. ⁶ Tule iòwy

biòwynymahābenyke. Ibutumy heka biòwynymahābenyke aōma tuu dinodu rarybemahāre wesemy. Tai dori riòwynymyh̄yre iaōmys̄d̄ȳdu. Tii heka anawiòhenanymyh̄yde. ⁷ Biòwynymahābenyke aōbo òbitire, ibutumy wahe. Aōma dinodu iòwyd̄ȳmy rariòwymahāre-wana biòwynyke ibutumy awedu mahādu wahe. Bityhynyke ibutumy.

⁸ Inydee tanadevenymahāte-wana, biòwynyke òbiti-hyylemy. Inywitzira luumy atximahāke ibutumy iny wahe. Tii dori Deuxu bedeywina-ki bede òtiid̄ȳna xiery ratximyh̄yre. ⁹ Ibutumy Deuxudeewire heka kaa rare. Aeryna luumy iwese ixiluure wese, tahe tamy ibinaōre. Kai rubud̄ȳōmy aōbo, ada wasimy iribi texi-wonyte ada ihāwyy-wana maòtakemy aōbo, texino-hōtid̄ȳnyte. Uritere aōbina-di ixinohōtid̄ȳōmy aeryna-ò. Uritere aōbina wid̄ȳōmy. Aerynaluumy mabeke iwese kai ixiluure wese wahe. ¹⁰ Luuna inyò-di rarekeki ibina inyòdee riwinyōtyhy rare. Ibutumy Deuxudeewina heka riwinyymyh̄yre. Tii sohojile heka bede ywina-ki awityhyre.

¹¹ Tule heka òbitimy matximahāke. Beded̄ȳnana dori iòhòmy resera. Bede ityre reakremy namyh̄yde. Bexixabenyke wa, Inynyr̄y heka iòhòmy ratximyh̄yre inonana-ò. Iòhòtyhymy relera juhu rityhynrenyry-ribi. ¹² Ruu heka ròhònymy rare. Txuu tule iòhòmy wahe. Uritere aōbinahak̄y bedeluruhuk̄y aōmyd̄ȳnana wid̄ȳōmy. Diabo ijesu bitake aōwiihik̄y wid̄ȳy wahe. ¹³ Òbitimy biwinyimahāke iwese txu rojuxana iny ratximyh̄yre wese. Tai ibutumy iny rarybemahāke kai iluumy atximahātemy. Uritere abeded̄ȳnana huduōmy —itx̄yteōmy, òtaōmy, adeburemy ijiraōmy, ihāruōmy. ¹⁴ Bexitòenymyh̄yke Inynyr̄y Jesuisi Kristu-ò wahe anawiòhenanykemy. Tai tahe ibutumy òbitimy biwinyimahāke. Uritere arayky aōmyd̄ȳnabinabina nohōtiōmy.

14 Ijoiò ityhyd̄ȳdu mahāduò amahādud̄ȳmy rurukeki, ròtena ixinamy ralòke iityhyna ibuterehāre tii-wana aōna aōnamy widee rybetyhymy rybeōmyke. Arihi hitximy rarykynyke hāre, bidyke. Ihārele biròtenybenyke. ² Ityhyna irurukōmy ratximyh̄yre hāre biròtenybenyke. Tii òsana kiamy rarykynymyh̄yre: Iny rexiòwynyke iròdude riròmyh̄yrenyremy ijò rōhōtinyke. Kai tahe òsana mohōtinyke kiamy. Tuu ibinaōre. Ityhynareny urihimyoòle rare. Brebunale s̄ny roholamyh̄yre. ³ Inyò tahe ibutumy riròmyh̄yre. Awimy idi tahōtinymahāte-wana, wiribi hitximy aōkō. Uritere iòhòresed̄ȳrenyōmy. Deuxu dori ridymyh̄yre iwesemy iweselemy. ⁴ Deuxu deòdumy tii rare. Eòdumy aōkō. Deuxu-ò tii rirawyònyre aōhebo rot̄ȳnymyh̄yremy. Deuxu rarybeke aōbo òbitire, aōbo teòsare. Deuxu heka tii ritamad̄ȳnymyh̄yre. ⁵ Kiamy rakaraykywesenanymyh̄yke. Txuò aōworana bedehesi heka judeu mahādu riywiny roimyh̄yre. Kia txuule Deuxu-ò reàlananymyh̄yre rexinohōtid̄ȳnymyh̄yre. Tahe aōkōre. Ijò ityhyd̄ȳdu mahādu tahe aōkōre. Tii iwitzira rexinohōtinymyh̄yre. Ibutu txuu tamy awire Deuxu àlana riwahinymyh̄yre. Ixideewimy iny sohoji sohoji rarykywydynanymyh̄yre. Ixitawimy Deuxu ri-

wowyd̄ȳnyre. Ibutumy iny òbitimy ixidee rarykynyke. ⁶ Kaiboho atxu biwinyymyh̄ybenykeki, kia tahe awire. Xiwenade riròkeki, tii tule Deuxudeewire riwinyre. Inyò aōkō riwinyre. Tii tule awimy riwinyymyh̄yre Deuxudeewina wahe. ⁷ Ixideewimy rikiwinyrenyōtyhy inynyr̄y-ò dori inyboho roire. ⁸ Inynyr̄ydeewimy rikiwinyrenyke. Ihōrō rare, aruruhārele, aōkōhārele. ⁹ Jesuisi Kristu rubu-ribi rexixare tai butu wedumy. ¹⁰ Inyboho heka ihōrō mahādu roire. Tai uritere inyseriòre rybeōmy ixirad̄ȳōmy. Inyboho dori sohoji sohoji Deuxuru-ò rexideòsinyrenyke. Iu tii ibutumy iny riywisinykre. ¹¹ Kiamy heka Ritid̄ȳna-ki roimyh̄yre. Inynyr̄y heka rarybere: —Inatyhymy, Ibutumy warue-ò tatiowotimy resekre. Rarybekre heka wamy Jiar̄y Deuxu raremy. ¹² Iny sohoji sohoji iximy relykyre Deuxuko-ò.

¹³ Uritere inywitzira-ò ryberenyōmy tii ibinamy rare uritere aōwid̄ȳōmy, iòraru-ki ixihyd̄ȳdu òraruna-txi resehemy. ¹⁴ Jiar̄y tahe kiamy rahōtinyre. Kia aōmyd̄ȳnana aō aōkō rare Deuxu-ò. Xiwena r̄ys̄na rir̄ys̄keki aō aōkō rare. Uritere kia nohōtidu dee ibinare. Tiiboho riròòke. Xiwena r̄ys̄nar̄ys̄ òraru-ki aijoiò bibedewonyhenylau ir̄ys̄ōmykre. ¹⁵ Aityhyd̄ȳdu seriòreò òbitiōmy ratxikeki tahe iru-ki arawid̄ȳōmy atximahā. Tamy dorihe òbitimy aōkō heka idi rōhōtinyke. Tii heka tule riwinykelemy ixidi rōhōtinyke. Timy aōki teòsamy rahaōhyymyh̄yre aōma, xiwena r̄ys̄na-ki. Kai aōki awimy aōma awityhy ir̄ys̄ōmyke Deuxu Riòreò dibi-nad̄ȳnyke lau wahe, Kristu dori iòraru-ki rurure. ¹⁶ Kaki awimy òbitimy mahakeki. Biwinykeki inywitziraru-ki atxikeki, kia tai uritere rieryōmy aki rahake. ¹⁷ Riroximyh̄yrenyre, riòmyh̄yrenyre —kia Deuxu Iòlòna dee aō aōkō rare. Aōmale tahe rōkōhōtinytyhymyh̄yreny: wiòhed̄ȳna, ywina eysana. Deuxu Tyytybytyhy inydeereny wahid̄ȳna wahe. ¹⁸ Kia wese iny r̄yikeki heka Deuxu dee wina rare, inydee tule. ¹⁹ Wii riki-wiòhenanymyh̄yrenyke ibutumy wiwesehyyle ywina-di. Tai iny tyhynareny rikikyhynanyrenykeny. ²⁰ R̄ys̄na òraru-ki aōhe wis̄d̄ȳ renyōmy, butumy dori Deuxu riwinyre. Kia inyò iòraru-ki aōwitziramy rōhōtinykeki tahe ibinare. ²¹ Aō dee r̄ys̄ v̄i momo heka ibinare, tai tii rexiòrarunykeki aòraru-ki urile bexiiōnybenyke. ²² Kaa biwinykeki timybo Deuxu dee òbiti relemyh̄yre, urile ibutu-ò tuu rybeōmy iny bedeòby, kia ira-ki aō ibinakōre. ²³ Ijò urihimyoò tatyhynymy ratximyh̄yre heka iximy riatyke. Adee tahe òbiti heka rare. Aōbo riwinyre heka òraruna rare. Tai iwid̄ȳōmy.

15 Iny ixira-di heka rōkōhōtinyrenyke ibutumy aōbo iny riwinyymyh̄yredi. Idi rōkōhōtinymyh̄yrenyke inywitzira aōlaubo ruberumyh̄yré. Iny òbiti erykō mahādu-di. ³ Kristu dori kaki raremyh̄yru ixideewimy aōkō tuu riwiny raremyh̄y. Wiwana ritid̄ȳdu wesemy riki riritinymyh̄yre: nade aōhōk̄y-myd̄ȳnana-ò tai heka bede-ò nade. Riòludunyre heka aōbo iòludu aōbinabinahāk̄y rarybere heka riwaòludunymy raremy. ⁴ Tuheka roimyh̄yre ihetxi Tyyritina-ki inywiòhed̄ȳna reny. Iny heka ribedeerydymyh̄yreny ywina-di rakatxirenykeny rikiraòrenyke

heka Deuxu aõmy bede dÿñana wahe. Rahykyu òraru rahykyu wahe rubu. ⁵ Tii heka wadee awire wii bi-wiòhenanyke. Deuxu anawiòhenanykemy adireny watzireri. Iwese Jesuisi Kristu riwinyre wese.

⁶ Iluu ratxirenykemy irumy wiluumpy matxibenykemy. Iny sohoji sohoji raraykynyke Jesuisi Kristu rayky wese-di. Ityby Deuxu rayky wese-di rÿike òbitimy. Tai tahe inyboho ywinala rekealàmhyÿre Deuxu-ò, tii Jesuisi Kristu tybyreki wahe. ⁸ Deuxu ihetxi mahädu òraru-ki Jesuisi Kristu heka judeu mahädu deò-durenymy ioxisÿnyre. ⁹ Iwese rybetyyritityhy rarybere wese: —Idi judeukõdu mahädu Deuxu riwowdydynyke-my. Tai adee ariwiunykre judeukõdu mahäduy-ki. Jesuisi Kristu heka nade inatyhy riteòsinykemy. Judeu mahädu riwiòhenanykemy Jesuisi Kristu nade. ¹⁰ Ki-amy heka roire wiuna Ritidÿÿ-ki kia rarybere. Àlana adee ariwahinykre wiuna-ki judeukõdu mahäduy-ki ani-di arawiuunykre. Ijõ-ki tulekre: —Tuheka wiuna-ki raritidÿÿ roimyhÿre judeukõdu mahädu beysake wa judeu mahädu-wana. ¹¹ Ijõ-ki kiamy roire: —Àlana heka biwahinykemy Inyryÿ-ò idi watzireri, kaiboho tule judeukõdu mahädu. ¹² Deuxu dee rybeduõ, Isaia tuu rarybere: —Rexiriòkòremy heka irybe roimyhÿre. Ijese riòkòre wahe. Tii judeukõdu mahädu iòlòmny ronykre. Tiile heka riraòmny roimyhÿkre. ¹³ Jiarÿ rexitòenyre, Paulo, kaiboho, Deuxu heka arateysanyrenykre sõwemy ywina-di, tyhydÿÿna-di. Kiamy heka adireny heka watzireri, waseriòreboho. Jiarÿ heka rexitòenyhy watzimyhÿré Deuxu arawiòhenanykemy adeereny rexiterenymy watxiwähäre. Deuxu Tyytybytyhy ruruna-di raròsòna-di adeereny kidiwahinykemy watzireri.

¹⁴ Kaiboho òbitimy ahätenynte waityhydÿÿdu seriòreboho. Sõwemy aõna aõna witxira teerytenynte. Inywitxira bibedeerynybenyke dori teerytenynte. ¹⁵ Ihärele taheka atxireny wanohõti reare inatyhymy tai warybe rewahiny Deuxu riwatyhynymy kawese riwasÿnyreki. ¹⁶ Biwateònyke taheka judeukõdu mahädu-ò. Jesuisi Kristu dori riwatare tadeòdumy idi judeukõ mahä-dudikemy. Iu Deuxu rybe wihikÿmy rarybemyhÿreu, xi-wena wahidÿÿdu wese rare. Kia tahe judeukõdu mahädu Deuxu-ò awike. ¹⁷ Tai tahe Jesuisi Kristu-wana rexibedesanymyhÿre Deuxu-ki waaòmÿsÿdÿÿna òraru-ki. ¹⁸ Jesuisi Kristu Rybewihikÿ tÿmyra-di rareri. Rexitòenymy rare adeereny. Tai kaiboho òbitimy teletenynte Deuxu Tyytybytyhy òraru-ki wahe. Wadeysamy heka watxiwähäre. Jesuisi Kristu adeereny riwinyreki wahe. Jiarÿ reerykõre iwitxira mahädu-di. Tahe aõma waaòmÿdÿÿnana reeryre. Tiu dori biwawiòhenanyke judeukõdu mahädu aritakemy. Deuxu mahädu judeukõdu rarekemy. Òbitimy ikoreny-ki raremyhÿ. ¹⁹ Rybe wihikÿmy rybe-di rarewähä tamyreny. Aõna aõna wiiwihikÿ irureny-ò rewinywähäre. Deuxu Tyytybytyhy-di Jerusalë hãwã-ribe heka rybe-di rare. Iliri bede-ò wahe. Ibutumy bede bedemy rarybere. Jesuisi Rybewihikÿmy. Ibutumy waaòmÿsÿdÿÿna rewinyre, Deuxu wadee riwahinyre wahe. ²⁰ Ihäre tahe ararybekemy watzireri tiu iny roholakòmhyÿre mahädu-ò. Ijõð dohodÿÿna iny ritohodÿÿnymyhÿre. Tai

ikomy ararybekemy ixidi watzireri. ²¹ Isaia dori kia Tyyriti roire: —Tiu iny tamy roholakòmhyÿre tamy ijo-honaòmny rarybere. Tai rierymyhÿre. Tai tahe roholakre tahe rityhynykre.

²² Tai heka raraõlemy watxiwähäre —adeereny. ²³ Katahe kaki rexihumy waaòmÿsÿdÿÿ ratxireri. Katahe arorarenymy arake watzireri beòrakõle arakemy ixidi watzireri. ²⁴ Espanha bede-ò arakemy watzireri. Arakreu dori Roma-ò aroramy heka arakre. Iribi inyboho ibutumy rakatximyhÿreu tahe tako-ò biwaixidÿÿnybenykre. ²⁵ Ikoki taheka wahidÿÿð ariwykre Jerusalë-ò. Jerusalë hãwã mahädu dori aõhòkÿmy rotÿÿnymy rÿiramyhÿ. ²⁶ Macedonia bede-ki Akaia bede-ki tamy nieruð riwahinykemy ratxireri dohodÿÿna mahäduð kia rama rahureri mahädu wahe. ²⁷ Tiiboho ri-wiòhenanyre deysana-di. Kia òbiti rare. Iribi tahe Deuxu rybe aõmydÿÿnana, Judeu mahädu-ribe nade. Tai tahe judeukõdu mahädu, tule judeu mahädu ri-wiòhenanymyhÿre taaõwiwi-di. ²⁸ Kaa nieru-di arakreu, tahe aroramy arehemynykre. Iribi Espanha-ò arakre. ²⁹ Tuu awana watzikreu, tahe teysamy Inyryÿ-di rakatxikre.

³⁰ Bexitòenyke wadee waaòmÿsÿdÿÿna sõwemy watzireri ariwinykemy. Deuxu Tyytybytyhy heka sõwemy wadee nade adeereny ariwahinykemy, luuna sõwemy adeereny ariwahinykre. ³¹ Tule ityhydÿÿdukdõ mahädu Judeia wadee aõbinahãkÿ wadi ratximyhÿre. Wadi bexitòenybenyke jiarÿ iribi arahenykre. Tule kaa nieru rewyreri waribi teysamy rimyrenykre. ³² Tai tahe awanareny tahe wadeysamy arehemynykre Deuxudeewikeki. ³³ Deuxudeewikeki wii riki Deuxu ywina adeereny watzireri. Kie.

16 Fibi hãwyy ityhydÿÿdu seriòreð adee rakre. Tii heka Sekrea hãwã ludu dohodÿÿna mahäduð rare. Tii heka dohodÿÿdu mahädu riwiòhenanymyhÿre aõu aõu aityhydÿÿdu seriòre wesemy. Tii kaiboho bi-wiòhenanykre, tii dori sõwemy riwawiòhenanyre.

³ Birybedÿÿnyke Prisila Akila-wana. Tii wawiòhenadÿÿdureny. ⁴ Tii wadee sõwemy riwinyre rubu lau ruberuõtyhy. Tai jiarÿ realàwähäre tamy, tule tuu ibutuma Judeukõdu dohodÿÿna mahädu. Iheto dohodÿÿna mahäduð warybe wehityhyna biwahenyre. ⁵ Epenetu-ò biwehityhyny. Tii ibutumy ityhydÿÿdu-ribe juhuule rityhynyre Asia bede-ki. Tii wabiòwa rare. ⁶ Marie adeereny raaòmÿsÿdÿÿtyhyre. Biwehityhyna wanimy. ⁷ Adroniko, Junia wana biwehityhynanykre. Ti-iboho judeu mahäduð roire. Ròtenawo-ki wawana roiremyhÿ. Dohodÿÿna mahädu rierytyhyre. Deuxu deòdÿÿna mahädu heka wakomy rityhynyre. ⁸ Ijõ waityhydÿÿdu biòwa Ampliato inire. Tamy kanarybekre tule. ⁹ Urbano, Estaki-wana tule Kristu dee wawiòhedÿÿdu tule rybe wehityhyna tamy biwahinyke. ¹⁰ Apele heka ityhydÿÿdu tyhy rare. Biwehityhynanyke. Aristabulo-wana heto woludu mahädu biwehityhynanykre warybe tamy. ¹¹ Tule biwehityhynanykre Herodiað —wajioð tii rare judeu mahäduð wahe. Kristu dee dori kia iny òbiti rare. Narciso heto ludu ityhydÿÿduð heka tule biwehityhynanykre warybe tamy. ¹² Tule

Trifena, Trifosa, Peside-wana raaõmysýdýýmy Inynyrýreny-ò biwehityhynanykre wary tamy. ¹³ Rufu tule Deuxu dee aõmysýdýýdu rare ise tule. Tii dori nadi wese my riwawisinanyre. ¹⁴ Asincrito, Flegonte, Hermes, Paroba, Hermas, tule biwehityhynanykre ityhydýýdu mahãdu. ¹⁵ Filologo, Julia-wana, Nereu taseriõre-wana, Olimpa, ityhydýýdu mahãdu tii-wana ratxireri ibutu-ò warybe wehityhyna. ¹⁶ Ibutumy aseriõre debò bimýke biwehityhynanybenykre ibutumy. Ibutumy Kristu tyydýýdu mahãdu-ò arawawehityhynanykre. Tule kaki dohodýýna irybe wehityhynanyre adeereny riwahinyreri.

¹⁷ Rybeõ roire kaa rybe tyyriti ixiydynako-ki. Ijõ aõhe dýýnana doimyhýde kia hetowo hitxina-ki. Iwitxiramy heka taerydýýna mahãdu —iwese inydeereny erydýýnamyhýre wese my aõkõ kia lau tahe bexiebenyke.

¹⁸ Aõ Jesuisi dee aõkõ raaõmysýdýýnyre. Ixidee tule heka raaõmysýdýýmyhýre aõ ixidee ritarenykemy rõhõtinymyhýreny. Tiiboho heka rarybewihikýmyhýreny, aõma, ruikedýýmy timy bede erykõ tuu ratximyhýreny. ¹⁹ Jiarý wadeysamy watzireri kaiboho õbitimy ibutumy toiteki. Araerywãhã jiarýboho aõbo õbitire uritere aõbina widyyõmy. ²⁰ Deuxu ywisidýýna wahidyyna dori Satanasi riixãwididýýnyke. Jesuisi Kris-

tu Inynyrý wiõhedýýna adeereny riwahinykemy idi watzireri.

²¹ Tximõtxi dori wawiõhedýýdu rare. Lucio, Ijasõ, Sosipatu, wajudeuijoi-wana tule adeereny irybe wehityhyna riwahinyre. ²² Jiarý, heka Tercio, reritinyreri aõbo Paulo rarybere adeereny. Jiarý adeereny warybe wehityhyna rewahinyreri. ²³ Jiarý heka Kaio heto-ki watzireri, dohodýýna rabutunyreki watzireri. Kaio irybe wehityhyna adee riwahinyre. Tule Erasto hãwã nieru rubudýýdu rare. Tule Quarto inyseriõrereny rare. Ibutumy heka kaa irybe weityhyna adeereny riwahinyreny. ²⁴ Inynyrý Jesuisi Kristu ruxetõena ibutumy adeereny kanakemy idi watzireri. Kie.

²⁵ Deuxu irurutyhy-di rare. Tii heka adi riyrubunyke my adi watzireri. Iwese rybeweityhyna rarybere wese my, ruru adee riwahinykre. ²⁶ Kaheka Deuxu tarasana rare. Ibutumy iny mahãdu kaa tarasana rare. Katahe wiji ibutumy Deuxu rybemy rybena reamyhýre. Iwese Deuxu rybedu mahãdu juhuu rarybere wese my. Deuxu heka ibutu-ò tuu rarybere. Tai tahe ibutumy iny Deuxu Tyytybytyhy rierykre tule rityhynanykre.

²⁷ Deuxu-ò àlãna biwahinykeki tii dori bedeeryna ratximyhýre Jesuisi Kristu õraru-ki wowydyna tamy biwahinybenykre aõu aõu. Kie, Paulo.

1 ORITXI-Ò

1 Paulo jiarĩ Deuxudeewimy deòdumy wãhãre, Jesusi Kristu deòdĩyña-ki wahe. Jiarĩ waityhydĩydu seriòre Sòteni-wana adee warybereny adiwahinyde. 2 Oritxi hãwã dohodĩyña mahãdu-ò heka watyriti adiwahinyde, Jesusi Kristu òbitidĩyña mahãdu-ò, Deuxu hõrõ mahãdu-ò, hãwyy, hãbu-wana, ibutumy Jesusi Kristu ityhydĩydu mahãdu-ò. Tii iny Iòlòrenymy heka ratximyhĩre. 3 Ruxetòena, ywina-wana adeeren kanakemyidi watrixeri, Deuxu iny tyby-ribi, Jesusi Kristu iny Iòlò-ribi. 4 Deuxumy reàlàmy watxiwãhãre, Jesusi Kristu adeereny ruxetòena diwahinydeki. 5 Ibutumy dori iribi tòerymy ahãte arybena-di, ersydĩyña-di. 6 Kristu dee rybena akireny roimyhĩre. 7 Iribi awahidĩyña rauhenyòreri, kaiboho dori Kristu deòsidĩyñamy tera-òmahãte. 8 Jesusi arawiòhenanyhyy rarekre bededĩy-nana konana-ò, tatxuu òbitimyy ixiko-ò, rexilamadĩyñykemy. 9 Deuxu òbitihyyra. Tii aratabinyra Tar-iòre Jesusi Kristu-wana rarekremy, iny Iòlòrenymy. 10 Jiarĩ adeereny rexitòenyri Jesusi Kristunimyy iny Iòlòrenynimyy wiwese wimyy wimyy bityhynimyy mary-bebenykemy. Wadee awiòre wiribi hitxi hitxidĩy. Wii bitotynityhymyy boibekemy adireny watxiwãhãre, araykyreny-ki, aerysynarenyy-ki. 11 Kaiboho waseriòre mahãdu, wimyy taujòmotenyyteri. Lòe hetowoludu mahãdu kia wako relyyra. 12 Inyò wadee rarybemyhĩre. Ijõ mahãdu heka Paulo rityhynimyhĩre ihõrõ mahãdu wahe, ijõ heka Apòlo rityhynimyhĩre ijõ tasỹ Pedro rityhynimyhĩre, ijõ tahe Kristu rityhynimyhĩre. 13 Aõherewe, Kristu be iny rihitxihitxinimyhĩre. Paulo be itxeò nihikỹ tyre-ki rurure adeereny. Pauloni-di be rasebere. 14 Inyò he ròratisebenyõre. Krispu, Kaiowanale tahe resebenyyre. Tai tahe wabedesamyy watrixeri. 15 Kiamy ta heka inyõ rarybeke lau reijõnymahãre: —Jiarĩ Pauloni-di rexisebenyyre. 16 Tefana hetowoludu mahãdu adiratisebenyyde. Inyõ rera-tisebenyykeki wanohõti reaõhyyre. 17 Kristu dori aõsebedĩyymy aõkõ diwateònyde Rybewihikỹmy rybemy. Bede erydĩyña nihikỹmy rybemy aõkõ diwateònyde, Jesusi itxeò-ki lamana ariwòkemy aõkõ, kia inydeereny rurureki wahe. 18 Kristu itxeò rubumyy ijyy heka ityhydĩydukdõdu dee itxỹtena rare. Biu-ò hedu mahãdu dee tahe, Deuxu ruru kia rare. 19 Kiamy tahe iritidĩyña roire: ierysydu mahãdu ersynyy-di ariixãwidĩynyke. Bede erydu rayky-di adijõnykre. 20 Titxibo tahe bede erydu rare. Tyritimyy erydu heka titxibo rare. Titxibo tahe wiji dỹyrixidu rare. Kabede ludu bede ersynyy heka Deuxu-ò itxỹtedĩyña rare. 21 Bede bede ludu mahãdu

rõhõtinyre bedeerytyhymyy. Tai tahe Deuxu iximyy riery-nanyõhyyre. Kia tahe Deuxudeewire. Iny rybewihikỹmy rybe heka iny witxira-ò itxỹtere. Kia-di tahe Deuxu iny ritareri iny rityhynyyreki. 22 Judeu mahãdu aõwiwi rỹikemy aõbo raremyy ratrixeri. Judeukõdu mahãdu bede ersydĩyña-di rarekemy riijemyhĩre. 23 Kristu itxeò-ki lamanamyy iny rarybemyhĩrenyyre. Kia tahe judeu mahãdu riojinyre, judeukõdu mahãdu dee itxỹtena kia rare. 24 Tahe Deuxu rariròwysynyy judeu tule judeukõ mahãdu-ò heka Kristu erydĩyña tule ruruna rare ihedỹyñarenymyy. 25 Deuxu itxỹtedĩyñamyy rybe hãbu bedeery ratyre rare. Deuxu iruruòkeki, tii hãbu ruru ratyre iruru rare.

26 Waseriòre mahãdu arariròwysynyy-di mohõtiny-benybeke. Betehemy iny ersynyy mahãdu-ribi sõweõre, Deuxu rariròwysynyy mahãdu. Dinodu mahãdu sõweõre, iny Iòlòtyhy mahãdu-ribi sõweõre. 27 Deuxu heka aõna aõna itxỹtena ritare bedeeryhykỹ mahãdu riixỹrudỹyñykemy. Aõna aõna ruruõ Deuxu ritare aõna aõna ruru-di riixỹrudỹyñykemy aõna aõna derare, aõ aõkõ rare Deuxu ritare aõ-di aõ aõkõ-ò riy-janykre. 29 Tai dorihe inyõ rexityhynykõkemy Deuxu-ko-txi. 30 Kaiboho dori Jesusi Kristu hõrõ toite. Tii heka inydee ibutumyy rare: ersynamyy òbitinamyy, tamanamyy, tarasanamyy rare biu-ò hena wahe. Deuxu kia ibutumyy diwahinyde inydeereny. 31 Kia dori ritina rybe-ki roire: —Inyõ rexiwowydynykeki, Deuxu-ki rexiwowydynyke.

2 Waseriòreboho aõ hãbu bede erynihikỹ wese aõkõ adeereny anade. Deuxu rybetyhydỹyñamyy ararybekemy. Rybenihikỹmy heka rarybeõre. 2 Tii so-hojile reeryre akireny rarewãhãu, Kristu itxeò-ki lamanale wahe. 3 Akireny rarewãhãu waruruõmyy rarewãhã, ixỹru brebu tahe riwamyytatadỹynyre. 4 Wabedeerydỹyña erytyhy rybesirahakỹ-di aõkõ rarybereri iny rityhynykemy. Urile tahe Deuxu Tytyby ruru-di rarybewãhãre. 5 Hãbu erytyhydỹyña aõkõ bityhynykemy adi wãhãre Deuxu ruruna tahe atyhynarenymyy heka idi toite.

6 Ityhydỹydu umyy-ò bede erydỹyña-di rarybemahãre. Kabede aõmydỹyñana bede ery aõkõ rare. 7 Kia tahe Deuxu erydỹyña tyhyre. Kia heka hãbu mahãdu lau riwòmymyhĩre. Juhu inydeereny riywinyre. 8 Kia bede erydỹyña inyõ wiji Iòlòtyhy mahãdu rieryõre. Kia rierymyhỹkeki, Wanyrỹ wowydyna-ribi itxeò-ki ritamadỹynyõhyyre inihe. 9 Iwese Ritidỹyña roireri wese rare: —Rue lobixiõhyymyhĩre, nohõti heka roholaõhyymyhĩre, inywo rieryõhyymyhĩre, aõbo Deuxu riwinyre taluuna mahãdu dee, tamy riwahinykemy.

¹⁰ Deuxu Tyytybytyhymy kia inyboho riteòwar-ixinyreny. Ityytyby ibutumy rierye. Deuxu raykwo-ribi aõ ritÿnynymyhÿre. ¹¹ Inyle heka iny ixirayky rierykre, kawese tule Deuxu tyytybydile aõna aõna rierykre. ¹² Bede aõmydÿÿnana aõkõ inydeereny wahisidÿÿdu rare. Deuxu Tyytyby tahe inydeereny wahisidÿÿdure. ¹³ Kiadile Deuxu wahisidÿÿna iny reeryreny. Kia iny reerydÿÿnanyamahãrenyre hãbu bede erydÿÿna-di aõkõ, Deuxu Tyytyby rybe-di tahe reerydÿÿnanywãhãre. Kia iny retÿnynymahãre iny Deuxu Tyytybytyhy-di mahãdu-ò. ¹⁴ Iny Deuxu Tyytybytyhy-di rÿiõra mahãdu dee Deuxu Tyytybytyhy aõmydÿÿna dera. Tamy itxÿte rare. Rierykõre. Deuxu Tyytybytyhydikeki ibutumy rierymyhÿre. ¹⁵ Iny heka Deuxu Tyytybytyhydikeki ibutumy rierymyhÿre. Inyõ tahe tuu aõmy tuu irybeõna. ¹⁶ Ryberiti-ki roire: —Mobo tahe rierye Wanyrÿ rayky, mobo tamy aõ ritÿnynyke inyõ aõbo? Inyboho Kristu rayky ijõdire, iwesele raraykynymyhÿre.

3 Waseriõreboho adeereny rarybeõhyre hãbu Deuxu Tyytybytyhy-di rÿira wesemy. Hãbu òrarudu wesemy rÿirawesemy adeereny ararybeke. Uladu wesemy Kristutyhydÿÿ-ki rÿira wesemy adeereny rarybere. ² Huÿsy-di òedÿÿ araerynadÿÿnyrenyreu rÿÿÿnaterere wesemy aõkõ erydÿÿnasiramy aõkõ rybe. Kia rÿÿÿna rÿÿÿmy texiwinyõtenyete. Wiji tule texihumy aõkõ toitenyete. ³ Òrarudu wesemy dori ahãtenyete. Ihãrumy, ijãmy atximyhÿtenyete. Tai tahe òrarudu mahãdu wesemy ahãte ityhydÿÿdukõdu mahãdu wesemy ahãtenyete. ⁴ Inyõ rarybekeki: —Jiarÿ Paulo erydÿÿnay-ki rare. Ijõ rarybekeki: —Jiarÿ Apõlo erydÿÿnay-ki rare. Tiiboho ityhydÿÿdukõdu mahãdu wesemy ihÿreny. ⁵ Aõbohe Apõlo, aõbohe Paulo. Deuxu deõdu heka inyboho roire. Inyribireny tetyhynymy teerymahãtenyete. Iwese Deuxu iny sohoji sohoji-ò aõmydÿÿna riwahinyre wese, tai tetyhynytenyete. ⁶ Ta jiarÿle rybemy rarybere iny aõty ribòrònymyhÿre wese, Apõlo rybe ritÿnynyre iny alòbòròna ribenymyhÿre wese rituunyre. Deuxule tahe idimyhÿre iwese alòbòròna riumydÿÿnymyhÿre wese. ⁷ Tai tahe tòbòròdÿÿdu aõ aõkõ rare; ituudÿÿdu tule aõ aõkõ rare. Deuxule aõwedu wedu heka rare. Tiile ityhydÿÿdu widÿÿdu nihikÿ rarekre. ⁸ Tòbròdÿÿdu ituudÿÿdu-wana sohoji wesemy ihÿreny. Sohoji sohoji tauri wahisidÿÿ ritakremy, iwese sohoji sohoji raaõmysÿdÿÿmyhÿre wese. Wiwana dori Deuxu dee iny raaõmysÿdÿÿmyhÿre. ⁹ Inyboho heka Deuxu wiòhedÿÿdu mahãdu roire. Kaiboho tahe Deuxu oworu wese toite. Iwese tahe Deuxu heto wese kaiboho toite.

¹⁰ Heto widÿÿdu deyrewese wese reteleny. Ibutumy Deuxu ruxetòenamy kia rewinyre. Juhumana retidire idi tahe itira ityre reòdònyra. Ywimy biwinybenykre. Awimy bitamadÿÿnykemy. ¹¹ Jesuisi Kristu juhumana wese heka rare, inyõ tiile tarasadu wahe ijõ manaõ teròwmy ritidiõtyhy. ¹² Ibutumy juhumanatyre-ki relereri. Ijõ womati tÿrÿrÿhÿkÿ, ijõ prata-di ijõ man-atÿny-di, ijõ òwòru-di, ijõ òteti-di, ijõ horeru-di. ¹³ Kia txuu Kristu txu wahe riteòsinykre aõdibo sohoji sohoji raaõmysÿdÿÿmyhÿre heòty dori riurihixinykre.

Aõhebo iny rotÿÿnymyhÿreki. ¹⁴ Juhumanatyre-ki iny aõmydÿÿna rÿikeki, tii uri iwahisidÿÿnana ritakre. ¹⁵ Iny aõmydÿÿna rasòkeki tii ròònodÿÿkre. Ihãre tahe tarasana ritakre heòtyroobymy wahe.

¹⁶ Kaiboho Deuxu heto wesemy toitemahã. Teeryõte aõbo. Deuxu Tyytybytyhy heka aworeny-ki rasÿnymyhÿre. ¹⁷ Inyõ Deuxu heto wesemy rahukeki, Deuxu tii rihukre, Deuxuheto dori rare. Kia tahe kaiboho toite Deuxu heto lytytyhy rare, ihòròtyhy wahe.

¹⁸ Ixi itxenadÿÿõmy, inyõ bedeerymy ixi-di ròhòtynykeki, raitxÿteke tai tahe bedeery inatyhy-ki rareke. ¹⁹ Kabede bede eryna tahe Deuxu dee itxÿtena rare. Kia Ritidÿÿna-ki tahe roire: —Bede erynadu tyhy tabedeerydÿÿna-ki Deuxu-ò ròònodÿÿre. ²⁰ Ijõ Ritidÿÿna-ki roire: —Wanyrÿ, bede erydu rayky rierye. Kia raykywi aõ aõkõ rare, rybetyhy aõkõ. ²¹ Iny aõmydÿÿnana-di ixiwowydydÿÿõmy, ibutu dori ahòrõ rare.

²² Paulo, Apõlo, Pedro, bede, umy, rubu, aõmydÿÿna wijina, aõmydÿÿna bede kanakre, ibutumy ahòrõ rare. ²³ Kaiboho Kristu hòrõ toite. Kristu Deuxu hòrõ rare.

4 Inyboho Deuxu deõdu roire, ibutumy idi mòhòtynybenyke tii inkyreny ihÿre. Inyboho dori Deuxu aõmydÿÿnana erykõdu tÿnydÿÿdu roire.

² Deuxu tÿnydÿÿdu òbitihyke rarekemy. ³ Wadi ròhòtynykeki awimy aõbo ibinamy aõbo kia tahe wadee aõ aõkõ rare. Aõbo dohodÿÿ tÿnydÿÿdu mahãdu wadi rohòtynyke kia wadee aõkòhykyre. Jiarÿ tahe ixi-di dehummy rahòtynyõhyamahãre. ⁴ Jiarÿ reeryõre inyõ aõbinamy wadee rexiwonyke warayky wadee òbiti rare. Tahe ihãrele òbitimy iko-ki rare. Wanyrÿ tahe wadi timy ròhòtynyke. ⁵ Kia tahe wiji idi timy nohòtiõmy. Jesuisi nonanako-ki. Tii tahe kanakreu, ibutumy wasimy aõ rÿira ritÿnynykre, ibutumy iny raykymy rÿira ritÿnynykre. Kia txule ibutumy iny tabedeòby ritakre Deuxu-ribi.

⁶ Kia aõna aõna wawese riwawesenanyreri. Apõlo wese tule rewesenanyreri. Kaiboho dori bierybenykeny kia: ierysydÿÿrenyõmy aõbo iritidÿÿnawo-ki ihoõre. Kia wese keki, ijõ tÿnydÿÿdu ijõ ratyre ryiõtyhy. ⁷ Mobo iny wiribi iwitxiramy ihÿre. Aõbohe akire Deuxule aõwiwi adee riõre. Ibutumy iribi tetateki tahe aõherekibo axiwedere. ⁸ Kaiboho ibutumy aõ ijõdire. Tatyhytenyete, iòlò wesemy taditehemynyete iny arawiòhenanyrenyõre. Wadee awire kaiboho iòlòmny ahãtenyete. Tai jiarÿboho awana ariòlònykre. ⁹ Kiamyre òsana. Deuxu dee heka inyboho deòdÿÿna mahãdu ruru-rukere mahãdu roire ibutuko-txi, ÿjuko-txi, hãbukò-txi. ¹⁰ Kristu òraru-ki itxÿtewesemy jiarÿboho roire. Kaiboho Kristu erydure riki. Jiarÿboho warurukõreny. Kaiboho orarudirenyre jiarÿboho inyõ waluurenyõre. Kaiboho tahe ibutu luuna toite. ¹¹ Ihãre tahe wiji ramamy, bemomomy, tykyõmy rekoamyhÿre. Tule sÿywisidÿÿna rÿiõre. Tule jiarÿboho wahãwã òbiti ihokõre. ¹² Ihãre inyboho naaõmysÿdÿÿmyhÿde iny debò-di irukemy. Inyõ inydeereny aõbinamy rarybekeki, awilemy inyboho rirawyònymyhÿre. Inyõ aõsirahakÿle inydee riwinykeki, aõmy rybeõmyke. ¹³ Rybebinamy inyboho dee reakeki, ihãrele Deuxumy tamy rarybemy-

hÿre. Rÿnysityby wese inydireny tiiboho retehemyhÿre, iijese ijese wesemy.

¹⁴ Kia ròritidÿÿreri aixÿrudÿÿrenemy aòkò, tahe wiòhedÿÿdumy retirÿreri binadÿÿna lau, iwese inytybyò tariòre rierynanyre wese. ¹⁵ Tahe sòwemy Kristu-ki bede erydÿÿdu rÿire. Sòwemy aòkò bobohomy rÿirenre. Kristumy heka jiarÿ sohojile borenymy rare. Rybewihikÿ ersyna-di dori borenymy räire. ¹⁶ Kia dori kaiboho wawesemy boibekemy adireny watxireri. ¹⁷ Tai Tximòtxi reteònyre adeereny. Tii wariòre luu wesemy ratxire. Tii òbiti rare Wanyrÿ-ò. Tai watxi òhòtirenre reake iwese Jesuisi Kristury wese rariamhÿreki, tule iwese reernanyre wese ibutu dohodÿÿna hetowo-ki. ¹⁸ Inyò ixiwowydumy ixidi ròhòtinymhÿ iwese arura-ò araòreki. ¹⁹ Wanyrÿdeewikeki arakre wylemy aro-rarenre-ò. Tai arierykre ixiwowydumy nohòtidu irybe sohojile aòkò arierykre, aòhebo rotÿÿnyre tule arierykre. ²⁰ Deuxu òlòna heka rybe sohojile aòkò rare, rurutyhy heka rare. ²¹ Aòbo tahe awityhyre òhòte-di adehemyny aòbo, ada luuna-di ywina-di adehemyny aòbo?

5 Dohodÿÿna mahäduy-ki òrarutyhy-di riki toite kia tahe rare: häbuò heka tybyhāwytyby-wana roire. Kia òraru tahe ityhydÿÿdukòdu mahädu riòludun-yòhyymhÿre. ² Kia hyyle ixi-di aò aòkò tòhòtinymhÿre. Aòherekibo bede teòtiinyòtenyete tahinyòmy idi textidenyòhyitenyete. Häbu kia riwinyre, ityhydÿÿdu mahäduy-ribi biòlòdÿÿnyke. ³ Jiarÿ akryreny-ki watxiòrerihäre, tahe warybetytyby awanarenre ratxireri, iwese jiarÿ awana ratximhÿre wesele. Tahe wadohodÿÿna ariwahinykre kahābumy ibinamy riwinyremy. Tahe ityhydÿÿdu ributunykeu, ⁴ warybetytyby akireny rÿireu, Jesuisi Kristu ruru akireny rÿireu, kahābu Satanasi-ò biwahinybenyke. ⁵ Tai kahābu umy Satanasi-ò biwahinybenyke itytyby tahe rahenykre Wanyrÿ Jesuisi kia nonanatxu-u. ⁶ Arybe iximy wydy awi aòkò rare. Taholaòtenyete aòbo kia rybe-ò; iuri ibutere paò widÿÿna sòwemy rauridÿÿra uridÿÿna heka òraru wese heka rare. ⁷ Idi behubenyke iuri hitxina-di, tahe paò iuriòmy rÿirekre wese boibekemy òbitimy, Kristu tule budòeni xiwedÿÿna wesemy inydeereny rurure, iny Pascoarenre worana bedehesi dorihe rarÿÿnymy rare. ⁸ Tai tahe ixena roxina rikiwinyrenyke. Paò iuri-di ryiòmy rakatximhÿreny. Kia uri paò òraruihetxina wese rare. Paò tÿmyra, òbitire, inatyhyre, tii rikiyrenyke. Kia tahe rare òbiti widÿÿna wahe.

⁹ Adeereny watyriti rewahinyre òrarudu mahädu roo-ki risiòmy, òtadu mahädu-wana boiòkemy. ¹⁰ Ibutumy òrarudu mahädu-ò aòkò adeereny rarybere. Iny ibina mahädu, wasidu mahädu, Deuxutyhy luukòdu mahädu. Kia-wana noòrenymykeki, bede-ribi ihyyle bexihitxinyke. ¹¹ Wiji watyriti kia wese rewahinyre. Ityhydÿÿduy-txi ròtedu òrarudu rarehykeki, kia roo-ki risiòmy tule iny ibina mahädu, Deuxutyhy luukòdu, ujòmomy rybedu, wasidu, axaxa momodu, kia mahädu-wana tahe byreòmy. ¹² Ityhydÿÿdukòdu mahädu ywisidÿÿdu aòkò jiarÿ rare. ¹³ Deuxu dohodÿÿdukòdu mahädu hitxidÿÿdu rarekre. Deuxu Ryberiti-ki roire: —Òrarudu ay-ribi biòlòdÿÿnyke.

6 Iny ityhydÿÿduò widee raurenanykeki, aòbohe awire? Erysydu-ò rikidy aòbo ada ityhydÿÿdu mahädu-ò rybeke aòbo? Uritere ityhydÿÿduòle marybekre. ² Ityhydÿÿdu mahädu bede bede mahädu ierysydÿÿkre. Kia teerytenyòta aòbo. Ityhydÿÿdu mahädu bede bede mahädu ierysydÿÿkeki, aòna aòna iyja tahe teeryòtenyete timy rasÿdÿÿnykemy. ³ Tahe inyboho ÿju aòmydÿÿnana rikieryrenykre. Kiakeki iratyre kabede aòmydÿÿnana rakieryrenyhyke. ⁴ Erysydÿÿnana ijòdikeki, aòherekibo ersydu ityhydÿÿdukòdu-ò radymhÿre. Ityhydÿÿdule aòtxi awire. ⁵ Kia heka adeereny ixÿruna rare. Häbu ersydu ityhydÿÿdu mahäduy-ki ratxiòre aòbo ierysydÿÿki. ⁶ Erysydu ijòdhäre ta ityhydÿÿdu seriòre wii ridyke aòbo ityhydÿÿdukòdu ersydu-ò, kia awiòre. ⁷ Ityhydÿÿdu wii ridykeki, kia tahe iaò bede eryòmy rare. Inyò adeereny aòmy rotÿÿnykeki, urile tahe aòhòkÿmy rotÿÿnykre. Kia heka Inynyrÿ-ò òbitire. ⁸ Kaiboho ityhydÿÿdu häre aòhòkÿmy wii tesÿnymahātenyete. ⁹ Òrarudu mahäduò-ò, Deuxu Iòlòna uri riwahiòtyhy. Kia teeryòtenyete, iny ywimyn-oduò, Deuxutyhy luukòdu, wiriòrese-ò òtadu, häbu häwy wese rexiwahinyhÿre ijò häbu-ò. ¹⁰ wasidu, ixidee imynymy nohòtidu, axaxamomodu, jei jeimy rybedu, inywitxira aòmydÿÿnana wydydu, kia-ò Deuxu Iòlòna uri rawahiòtyhy. ¹¹ Kaiboho heka juhu kia wese toite. Wiji tahe iny Iòlò Jesuisi Kristu, anasuhode, anaixāwidinyde anatade Deuxu Tyytybytyhy-di.

¹² Ibutumy ariwinyke ixidee wikeki ibutumy aòmydÿÿnana tahe iwidÿÿ awiòre. Ibutumy arotÿÿnyke ixidee wikeki, aò aòkò tahe waumy-di rarekemy raremhyÿ. ¹³ Rÿsÿnaheka weryri-ò ralòmyhÿ kia-ò heka ihÿmyhÿre. Kia heka Deuxu wiwanale rahukre ikonana-ò. Umy heka òraru-ò sohojile aòkò rÿire. Deuxu umydike-ny dorihe riwinyre. ¹⁴ Deuxu Inynyrÿ riixixanyre rubu-ribi. Tule iny kidiixixanykre taruru-di. ¹⁵ Iny umy heka Kristu rareasa rare. Kia aòbo teerytenyòte? Kabe Kristu rareasa aderana-wana rabutukre, aòkòrehe. ¹⁶ Inyò häbu aderana-wana roikeki, sohoji umyhyyle wiwana roireke. Kia teerytenyòte aòbo? Kia Tyyriti Iritina-ki roimhÿre, häbu häwy-wana sohoji umyhyyle wiwana roireke. ¹⁷ Moo Wanyrÿ-wana ributunykeki, sohoji Deuxu Tyytybyle rareke. ¹⁸ Òraru-ribi teòrehemy atximhÿbenyke Ijò òraru inyò riwinykeki umywo-ribi nodu aòkò rare. Òta òta òraru tahe inyò riwinykeki, kia ixiumy òludu òraru-di reake. ¹⁹ Aumy Deuxu Tyytybytyhysÿ rare. Kia aòbo teeryòte? Deuxu rexiwahinyre awo-ki rasÿnyhyymy rarekemy. ²⁰ Kaiboho aumy wedu aòkò atxitenyeteri. Jesuisi Kristu adee rurureki. Tii òwynihikÿ-di anadyde, Kia tahe aumyreny-ki Deuxu-ò bealàbenyke, òbitimy bexisÿnyke aumyreny-di.

7 Atyyriti dÿÿraxi rerawyònyreri. Kia rare: häbu häwy-ò aderexiòhykeki, kia heka awire. ² Häbu tahāwydyhyyle rareke, tule häwy tahābudihyyle rareke òta òta òraru dori sòwerekì. ³ Häbu tahāwy-ò umy wahisidÿÿna tamy riwahinyke. Häwy tahābu-ò umy wahisidÿÿna riwahinyke. ⁴ Häwy taumywedu aòkò rare, ihābu iwedure. Tule häbu taumywedu aòkò rare. Ihāwy iwedure. ⁵ Wiòmysadÿÿòmy. Urile rex-

itòenykemy ađutxu-ò wii riòmysanykre. Urile ix-ideewimy wiwana ratxike. Idi wiwana roikre Satanasi riixiranyheny bededýnana riijereki. ⁶ Kia warybe bede ywina ađkò rare. Urile wadodýnana rare. Adeewiweki, tuu bityhynybenykemy. ⁷ Ibutumy hābu wawese rýirakeki, awire. Iny sohoji sohoji tahe, Deuxu bede wysidýnana tamy riwahinyra ijō wiribi lahitxi ihýre.

⁸ Ixihy mahādu-ò wytese mahādu-ò wadododýnana rewahinyre: wawese hyy rýirakeki, awire. ⁹ Ixiweduōkeki, tahe boikre, tii arasahyy mabekelau. ¹⁰ Hābu hāwyymy heridu-ò warybe rewahinyra, tahe warybe ađkò rare, Wanyrý rybe. Kia rare: Hāwyy uritere tahābu ririōhyyke. Hāwyyō tahābu-ribi rexihitxinykeki, ijō-wana roiōke ada tahābuwanale ixyby roike. Tule hābu uritere tahāwyy risiōmy. ¹² Ijō-ò warybe rewahinyra Wanyrý rybemy ađkō: Ityhydýýdu seriōre ihāwyy ityhydýýdukōdukeki, uritere iatysyōmy hāwyy tii-wana rarekemy ratximyhyreki. ¹³ Hāwyy ityhydýýdu ihābu ityhydýýdukōdukeki, tule uritere iatysyōmy tahāwyy-wana rarekemy ratximyhyreki. ¹⁴ Hāwyy dori ta hābu ityhydýýdukōdu riōbitinymyhyre rityhdýýnymyhy tii-wana ratximyhyreki. Hāwyy ityhydýýdukōdu iwesele ta hābu risýnyre. Ađkōkeki ariōre ityhydýýdukōdumy raremyhy. Ka tahe rityhinyreri. ¹⁵ Ityhydýýdukōdu resekeki ixinamy rake. Kia wesekeki, ityhydýýdu ritaamy ađkō ihýre. Kaiboho ywina-di boibekemy Deuxu ratximyhyre. ¹⁶ Hāwyy, teeryte ta hābu rityhynykre ađbo, ada ađkōre ađbo? Ađkō, teeryōte.

¹⁷ Iwese Deuxu iny sohoji sohoji rihitxihitxinyre wese, boibemahāke. Iwese atximahātenyete wese Deuxu anatadenydeu kia wese boibeke. Kiamy heka reerynanyamahāre ibutumy dohodýnana-ki. ¹⁸ Inyō notyky resyna-di bityhynykeki, kaweselemy mabeke. Inyō ōtyky resyna-di ađkō bityhynykeki, juhū tatemahā wese mabeke, notyky resydýýōmy. ¹⁹ Notykyresy ađ ađkō rare, ityky resyōkō tule ađ ađkō rare. Deuxu bede ywina ywidýýnana, kia heka ađ wihiký rare. ²⁰ Iwese Deuxu ibutumy iny ditade wese, juhu widýýnalemy mabeke. Deōdumy ađbo tetyhinyte, tahe tuhyymy mabeke. Awedudeewimy bexihukeki tahe, idi make araokorore-ribi bohonykeki, tahe make. ²² Deōduō-ò Deuxu ritakemy rarybekeki, tahe rityhynykeki, tii raōkōrō-ribi rohonyra Deuxu rue-ò òkresyō mahādu rityhynyrenykeki, tiiboho deōdu roire. Deuxu aradyra ōwyhyký-di tai tahe hābu deōdumy ađkō boibeke. ²⁴ Ityhydýýdu seriōre, iwese atximahāte wese adee tarasanamy Deuxu rarybereu, kia wesele boibeke.

²⁵ Ijadōma-ò bede ywinamy Wanyrý Deuxu tarybe diwahinyōde. Ihārele wadododýnana adee ariwahinykre kialemy. Deuxu dori tatōenamy riwaōbitinyre. ²⁶ Ađhebo kowa rotýnyre, awi ađkō rare. Kia tahe aratohonykre: Iwese iny ratximyhyre wesehyy, boibeke. Tii tahe wadee awire. ²⁷ Kai ađbo hāwyymy heridu tate. Tahe ixihitxidýýmy nohōtiōmy. Kai ađbo hāwyymy heridu ađkō tate. Tahe hāwyymy herimy nohōtiōmy. ²⁸ Tahe hāwyy-wana boikeki. Tii òraruna ađkō rare. Tule ijadōma roikeki tule òraruna ađkō rare. Ibutu iny

heridu iaōmydýý-ki ađhōkýmy rotýnyrenyke. Ilaui jiarý adeereny rarybere inyō ađhōkýmy rotýnyheny. ²⁹ Bededýnana he iōhōre. Tai tahe adee rarybere waseriōreboho, inyō heridu ixihyno wese ratxikemy. ³⁰ Iny bedewomy ratxirerí, ixibedewodýý-ribi tōhōti rosake. Iny deysamy ratxirerí, deysa-ribi nohōti rosake. Inyō ađ riwmyhyré, ihokō wese rotýnyke. ³¹ Kabede ađna ađna kai bierysynanykeki iwese ierysydýýōmy bisýnyke. Kia ađna ađna ibutumy ituekre. Bededýnanahe ađwesele rexihukre. ³² Ixiraōmy ahābenyke, kiamy tahe adee watxiwāhāre. Inyō heridu ađkō Deuxu ađmydýýna riwinymyhyke, iwese Deuxudeewimy ratximyhykemy. ³³ Iny heridu heka bede ađmydýýna riwinymyhyre, iwese tahāwyydeewimy ratximyhykemy. ³⁴ Kiamy rihitxinyre. Hāwyy tule heridu ađkō Deuxu ađmydýýna riwinymyhyre taumy Deuxu Tyytybytyhy òbitidýýmy. Hāwyy heridu tahe bede ađmydýýna-di rōhōtinymyhyre tahābudeewimy riwinykemy. ³⁵ Kia aratohodýýnyra adeerenywikremy. Kaiboho arataaōtyhy. Urile anawiōhenanymahāde Deuxu iōhōmyhyreki. Iōkōramy ibutumy arahenyrenykeki watxiwāhāre.

³⁶ Ijadōma tibiedýýdu tatibiena-ō òbitimy ađkō risýnymy rexinohōtinymyhyre. Ijadōma tahābumy herina bede-ò rehemynyre. Tahe tatibiedýýna-di inyō-wana roikemy idi ihýre, ixinamy roike. Kia òraruna ađkō rare. ³⁷ Weryrybō heriōkemy rarunonykeki, tii tahe awire. Tii dori irurudire iheridýnyke heny. Tii ixiumy wedu rare. ³⁸ Tahe riheridýnykeki, tii awire. Tule riheridýnyōkeki, iratyretyhy awire.

³⁹ Hāwyy hābu-wana rýihyyke hābu irumy. Rurukey tahe hāwyy ađtxile roike. Urile Wanyrý Deuxudeewimy. ⁴⁰ Tahe wytesetyhymy ratxihyykeki, teysamy rýikre. Tuheka jiarý rahōtinyreri. Deuxu Tyytybytyhy wawo-ki ratxirerimy idi rahōtinyreri.

8 Katahe adeereny ararybekre: Suritxoo-ò rýsýna xiwedýýnamy. Inyboho ibutumy bedeery roire. Bede ery iny ađnityhymy rixinohōtinnyre. Luuna tahe inywiōhedýýdure. ² Inyō ađerysydumy rexinohōtinnykeki tii ađwihiký rieryōre. ³ Inyō tahe Deuxu luukeki, Deuxu tii rierymyhyre. ⁴ Kaa rýsýna suritxoo-ò xiwemy rawahimyhyre. Kia tahe aritýnynykre. Inyboho rieryrenyre suritxoo ađ ađkō rare. Sohojihyy heka Deuxu rare. ⁵ Iny deuxu ađ òta òtalemy rininimyhyre biu-ki, bede-ki. Iwese deuxu sōwemy ihýre wese wedu sōwe rare. ⁶ Inydeereny Deuxu sohojile rare. Inytybyreny. Tii ibutu ađna ađna riwinyre. Tamy inyboho roire. Tule inydeereny Wanyrý sohojile rare, Jesuisi Kristu. Tii ibutu widýýdure. Tii ratximyhyre xiery inyboho ratximyhyrenyre. Tamy inyboho roire.

⁷ Tahe ibutumy kia iny rieryōre. Iny sōwemy suritxoo iny reōwarimy rýira. Tii riki ixiwenadumy riroxikeki, tai òraruna tuu relemyhyre. ⁸ Rýsýna ađkō riwatyhenyrenyra Deuxu-ò. Tai roxiheny rýire. Rikirýsýrenyōkeki, rikiōnonyrenyōtyhy. Rikirýsýrenykeki, ađ rikitarenyōtyhy. ⁹ Bexiebenyke. Urile ityhydýýdu aokōdu ixihe-ki iatysyōmy, aurihixinahe-ki. Suritxoo hetowo-ki inyō umy robikeki teroxiterimy, tii tule ijō

rÿsÿmy rexiwonyre, xiwe rÿsÿmy. ¹¹ Tai tahe aòraru-ki aseriòre atyhyna-ki òraru-txi resekre. Tamy Kristu tarasamy rurure. ¹² Kiamy ityhydÿÿdu seriòre-ò taòrarunyteki, tule Kristu-ò texiòrarunyte. ¹³ Tai rÿsÿna òraru-ki ityhydÿÿ-ki waseriòre òraru-txi resekeki, jiarÿ kia rÿsÿna ariroxiòtyhy, waseriòre òraru-ki.

9 Jiarÿ adeereny rexihyemy watxiwãhãre. Jesuisi teòdÿÿnamy jiarÿ watxiwãhãre. Jesusimy, In-nyrÿreny rabiòremy tahòtinymahãtenyte aòkò, Jesusimy rabire. Waòraru-ki kaiboho ityhydÿÿdumy toite. Deuxu dee waòmÿsÿdÿÿ òraru-ki ayreny-ki. ² Iny-witxiraò-ò òsana Deuxu deòdÿÿnakòmÿ watxiwãhãre. Adeereny tahe inatyhymy Deuxu teòdÿÿnamy wãhãre kaiboho dori wateòdÿÿna urihixinamy ahãtenyte Deuxu dee.

³ Kia tahe warawyòdÿÿna rare iny witxiraò-ò: ⁴ Jiarÿ ariroxiikeki, ariòkeki, tai aòkòhe awilere. Ityhydÿÿdu hãwÿyò-wana, wawana aridykekò aòbo awileke. Kawese ibutumy Deuxu teòdÿÿna mahãdu rotÿÿmyhÿre, tule Jesuisi seriòre, tule Pedro. ⁶ Jiarÿ, Banabewanahyyle raaòmÿsÿdÿÿwãhãre iny aòreny tarasanamy. Kia rikirirenykeki, awikeki, aòbo. ⁷ Inyò aòbina-ò rakeki, ta aò aòbo riòwynyke? Aòkòre. Inyò oworumy uva bederaty ribrònyke-wana, bederatyò aòbo ritòleke. Inatyhymy inyò teòte asi-ò riyrubunmyhykeki, ihowÿsÿmy aòbo riòmyhÿke? Kohe, riòmyhÿke. ⁸ Kabexe hãbu wese aòbo jiarÿ rarybereri? Tule tahe bede ywina tyriti aòbo riritinyrÿmy rÿimyhÿre.

⁹ Moisesi bede ywina ritidÿÿna-ki rÿimyhÿre:

—Broreniry itaaòmÿhÿ maixòmo tyre rariamy risymyhÿreu. Deuxu aòbo broreni riwotòdenymyhÿre. Aòkòre.

¹⁰ Tahe waòrarureny-ki aòbo kia rarybere. Kohe. Inyò ròbròmyhÿreu, iyremy ritakemy ròhòtinymyhÿre. Tule inyò riòròmyhÿreu, ijòò ixidee ritakemy ròhòtinymyhÿre. ¹¹ Deuxu Tyytybytyhy aòmÿdÿÿnanamy adeereny anaerynanykeki, idi aòna aòna aribireny aritaleke, aòbo? Kia aònityhyre aòbo? ¹² Iny witxira aò aribi ritake-wana, jiarÿboho iratyre iu aròtarenymy arotÿÿnyrenyke. Tahe tiu ròtaòhyre. Deuxu Rybewihikÿ tÿnydÿÿna ariokòròòtyhy. Tai ibutumy aò witxira witxira riòludunywãhãre. ¹³ Dohodÿÿna heto deòdu irysyna ritamyhÿre dohodÿÿna heto-ribi. Xiwe dinodu aò rÿsÿna ritamyhÿre xiwena-ribi. ¹⁴ Kia wese Deuxu rarybere; inyò Rybewihikÿ ritÿnynykeki, ibutumy aòmÿ reamyhÿre ritamyhÿre, Rybewihikÿ aòmÿsÿdÿÿbro-ribi. ¹⁵ Tahe jiarÿ aò aribi retaòhyre tule kia reritinyreri aò aritakemy aòkò aribireny. Warybe inyò riònonykemy aòkò watxiwãhãre iko-ki tahe arurukre. ¹⁶ Jiarÿ Rybewihikÿ retÿnynymahãre, rexierymahãre dori aritÿnydÿÿke. Kia heka aòhòkÿ aòkò waloosònadikemy rare. Rybe aritÿnynyòkeki, heka aòbinatyhyò wadee kanake inyhe. ¹⁷ Ixideewimy aòkò aritÿnynyke-wana, ihãrele tahe itÿnydÿÿmy iwahisidÿÿna wadee roire. ¹⁸ Ki-ake-wana, timybo wawahidÿÿna ihÿre. Kia heka rare. Rybewihikÿ tÿnydÿÿ-ò arexiòwynyòtyhy. Aòbo inatyhymy wahòròre, retaòhywãhãre.

¹⁹ Jiarÿ inydeòdumy aòkò rarehywãhã. Tahe iximy rexideòdumy sòwemy iny òraru-ribi aritakemy.

²⁰ Judeu mahãdu-ò judeu wesemy jiarÿ rexisÿnyre, judeu mahãduò dori òraru-ribi aritakemy idi watxireri. Moisesi bede ywina yrubudÿÿdu mahãdu dee ixiwesemy rexisÿnyre iòraru-ribi dori aritakemy. Urile jiarÿ kia bede ywiny rubudÿÿna aòkò rare. ²¹ Bede ywina aòkò mahãdu dee ixiwesemy rexisÿnyre. Urile Deuxu bede ywina dire jiarÿ Kristu bede ywina yrubudÿÿdu jiarÿ watxiwãhãre. Kia iòraru-ribi aritakemy jiarÿ rexisÿnyre. ²² Irurukòdu mahãdu-ò waruru aòkò wesemy rexisÿnyre, irurukòdu mahãduò ritakemy. Ibutu iny deewesemy rexisÿnyrÿmy rarewãhã, aòtxile tiibohoò aritakemy iòraru-ribi. ²³ Ibutumy rewinyre, Rybewihikÿ dee iwìohedÿÿdukemy ixi-di wãhãre.

²⁴ Ijarana ròhònykeu ijaramy ijaranadu sohojile ròhònyra. Tiile wahidÿÿna ritake. Kaiboho maijarenybenyke tii bitakemy. ²⁵ Ibutumy ijaradu ixidi rorenymyhÿre aòikòkòmÿ rexierynanyrÿmyhÿre. Kia riwinymyhÿ wahidÿÿna ritakemy. Kia wahidÿÿna retybykre. Inydee wahidÿÿna tahe retybyòtyhy. ²⁶ Jiarÿ kawesemy raijaranyre aò aritakemy. Axiò ijesumy resuwãhãre yhyle rehetenyre wese aòkò. ²⁷ Waumy-di ròrenyhywãhãre. Wadeòdu wesemy waumy resÿnyre. Tai dori resÿnyre. Jiarÿ inyò-ò Rybewihikÿ aritÿnynykeki, ywimy dehudu wesemy aòkò arareke, adehuky-ribi riwata lau.

10 Boholabenyke weseriòre ityhydÿÿdu mahãdu. Inytybyreny kia biuwetyky nonoe rawo-di roimyhÿ. Tule ahobesòhòkÿ rawo-di reuròreny. ² Moisesi, iwedu, ibutumy aho-di nonoe-di rexisebeny. Tai iwedu inatyhymy rityhynyreny. ³ Deuxu Tyytybytyhy rÿsÿna sohojile wiwese wesele ibutumy rirÿsÿre. ⁴ Deuxu Tyytybytyhy mona sohojile ihÿre. Bee manay-ribi nade. Mana tahe Kristuweselemy ihÿmyhÿre. Inyryrÿ kiamy roiremyhÿ. Deuxudeewimy aòkò riwinymyhÿre. Tai rurure bedero-ki. Kia tahe inydeereny bedeery urihixina erysydÿÿnamy ratxireri, inyboho-dori aòbina widÿÿna aòkò rokohotinyrenyke, iwese tiiboho riwinyre wese aòkò. ⁷ Inyboho suritxoo tyhydÿÿdukòmÿ rokoireke iwese ijò mahãdu tuu rerinanyrÿmyhÿre wese kòkremy. Ritina-ki roimyhÿre: —Tiiboho ronymyhÿre riroxikemy, riòkemy. Tahe ritamanyreny risinykremy. ⁸ Tule òta òtamy rokotÿÿnyrenyòke iwese tii riwinyre wese —tai 23.000 iny rurure sohojixu-u. ⁹ Deuxu urihixirenyòmyke, iwese tii riwinyre wese. Tai rururenyre hemylala jurutana-ki. ¹⁰ Iburaòmÿke iwese tii ribuarennyre wese. Tai rubudÿÿdu rirubunyre, Rubu Ýju wahe. ¹¹ Kia tahe bede ery urihixidÿÿna erysyna inydeereny ratxireri. Riritinyrÿmyhÿre iny bede erynarenymy. Bededÿÿnana konana-ò iòhòmÿ inyboho roire. ¹² Tahe inyò òbitimÿ rÿimÿ ròhòtinnykeki, tii rexi-ijemy ratxike reseke lau. ¹³ Ixirana isirare inydee rehemynyòtyhy rikiòludunyòtyhy. Deuxu awi rare. Riattyòtyhy iòlududÿÿna-txi. Tii inydeereny ixirana-ribi ixitarasana riwahinyre. Iny rurureny wesele ixirana rare. Tai rikiòludunyrenyke.

¹⁴Waluuna mahādu, kaiboho suritxoo luuna-ribi bex-
iebeny. ¹⁵Adeereny rarybere, kaboho dori abed-
eryrenyre kai bedeerwesetyhymy toiteki. Mohōtiny-
benyke aōmybo rarybereridi. ¹⁶Deysanamona hyna
aōbo ityhydŷŷdu mahādu wowydyna rare Kristu
hālubu wesemy tuu riōreki? Iny paō riyreyrenyre,
Kristu umy wesemy aōbo rare? Inydee aōbo wowydy-
na rare? ¹⁷Inyboho sōwe roire. Urile tahe paō sohoji-
hyy rare. Sohoji butunahymy rare, paō sohojiribile yre
yre rarŷŷre, inyboho sohojilemy roire. ¹⁸judeu ijoi-ò
betehebennyke. Kia xiwe rirŷŷrenyrekī, xiweribile rita-
myhŷre. Kia aōbo òbitire. ¹⁹Timybo jiarŷ rarybereri?
Rŷŷyna aōbo xiwenamy diwahinydeki, kia aōbo aō rare
ada ritxoo aō aōbo rare. ²⁰Kiamy aōbohe jiarŷ rary-
bereri? Aōkōre, tuu aōkō rarybereri. Urile, kia raxiwe-
myhŷre, diabo tyytyby-ò rare. Deuxu-ò aōkō raxiwemy-
hŷre. Kaiboho diabo tyytyby-ò tamy bexijemy.
Tii-wana uritere noōmy. ²¹Wanyrŷ monamy biōkeki, tai
diabo monamy tule biōōke. Wanyrŷ roxi-ki biroxi-
kreki, tule tai diabo rŷŷyna rŷŷōmykre. ²²Deuxu aōbo iny
kidihārudenykre. Inyboho aōbohe ityhyrenyre iratyre?

²³Aōwaxiny tuu botŷŷnyke. aōmydŷŷnana awire.
Ihāre tahe awiōre. Aōmydŷŷnana ixidee wimy
botŷŷnyke. Urile aōmydŷŷnana riwōhenanayōhyre.
²⁴Uritere aōmydŷŷnana sohojidile nohōtiōmy; tule in-
ywitxira aōmydŷŷnana-txi òhōti beake tai aōwiwihikŷmy
tamy biwinykre. ²⁵Birōmyhŷke ibutumy aō rŷimyhŷre
meriadu-ki, nohōtiōmy aōbo raremyhŷmy. ²⁶Ibutu be-
de aōmydŷŷnana Wanyrŷ wahidŷŷna rare inydeereny.
²⁷Ityhydŷŷdukōdu mahāduō aratobinymy, kai makeki,
biroxi-ki ibutumy aōbo adee kidekre. Dŷŷraxyōmy
araykywydyna òraru-ki. ²⁸Tahe adee rarybekeki; kia
ritxoo xiwe rare. Irŷŷōmy, kia hābu raykywydyna
òraru-ki tamy ibinare wahe. ²⁹Araykywydyna òraru-ki
aōkō jiarŷ rarybere, tahe iwitxira òrariki. Ijō hābu witxi-
ra rayky-di aōkō aritōhōtinymyhŷke. Kia òsana inyō
rarybekre. ³⁰Dealānadile jiarŷ ariroxiwāhākeki, timybo
inyō ibinamy wamy rarybeke. Deuxu-ò dori rexideyly-
dŷŷnyra. ³¹Tai tahe, biroxi-benyke-wana, biōbenykeki,
aōmy botŷŷnykeki, ibutumy Deuxu wowydyna-ò
botŷŷnyke. Inyō atyhyna-di iatasyōmy, judeu mahā-
duō-ò, judeukōdu mahādu-ò, tule Deuxu tyhydŷŷ-
duō-ò. ³³Ibutu dee rarurunywāhāre tamywikemy.
Waaōmydŷŷnana sohojile aōkō rahōtinywāhāre ibutu
iny aōmydŷŷnana dee rahōtinymahāre tarasadŷŷmy.

11 Iwese jiarŷ Kristu wesemy watximyhŷre wese
kaiboho wawesele boibekre.

²Ararybekre: —Kaiboho awirenyremy kaiboho dori
iwese bede eryna araerynanyre wese ibutumy
teyrubunymahātenyete. ³Tahe ijōmy araerynanykre.
Kristu iratiwi ibutu hābu ratyre rare. Hābu tahe
hāwyrati ratyre rare. Tule Deuxu tahe Kristu ratiwi
ratyre rare. ⁴Hābu rexitōenyre, ritŷnynykeu tara-
hety-di, Kristu rityhynyōre. ⁵Hāwyyō tahe rex-
itōenykeu, ritŷnynykeki tarahety-di aōkō, tii tahābu ri-
tyhynyōre. Tii dori tarade rasymyhŷre wese ratximy-
hŷre. ⁶Hāwyyō tarade rihetynyōkeki, tii tarade ri-
orokre. Hāwyy tarasy lau raixŷrukeki, tahe tara ri-

hetynykre. ⁷Hābu tara rihetynyōmyhŷkre dohodŷŷna
heto-ki. Bera-ò tyytyby wesemy Deuxu dee hābu rare.
Deuxu dee hābu rare. Hāwyy tahe hābu dee-ki rare.
Hābu heka hāwyy-ribi aōkō dori iwidyŷŷ rare. Hāwyy
tahe hābu umy-ribi iwidyŷŷ rare. Hābu hāwyy dee aōkō
relere. Hāwyy tahe hābu dee relere. ¹⁰Tai tahe hāwyy
tara riwōmyhŷke. Iu tahe hābu rityhynymyhŷre ŷju
òraru-ki. ¹¹Deuxu ityhydŷŷduy-ki wiwesele wiwesele-
my ratximyhŷre. Hābu hāwyy-di ratxikemy; hāwyy
hābu-di ratxikemy. ¹²Iwese hāwyy hābu-ribi relereu
wese, hābu hāwyy-ribi reamy raumynymyhŷre. Deuxu
ibutumy riwinyre. ¹³Kaiboho mohotinybenyke: Hāwyy
rexitōenyre, tarade rihetynyke, aōbo ada aōkōre
aōbo? ¹⁴Hābu iraderehemy rŷira, tarati rityhynyōmy-
hŷre tuu rŷira. Kiamy bede riwaerynanyrenyre.

¹⁵Hāwyy tahe irade rehemy rŷira ixiruxeradyŷmy rŷira,
hety wese tamy iō rarekremy wahe. ¹⁶Inyō iwitxiramy
rexinohōtinnykeki, tamy ararybekre, kia wese: Inyreny-
ny-ki kia bede ywina rare ibutumy dohodŷŷna heto-ki.

¹⁷Aōwesebo botŷŷnykremy adee ararybekre. Wade
awiōre iwese ahātenyete wese kaiboho tebutunytenty-
teu, kia arawiōhenanyōhyre urile tahe arabinanyty-
hyrenyra. ¹⁸Juhuu ararybekre timybo raholaremy: kai-
boho texihitxinytenyete dohodŷŷnaheto-ki, kia tahe re-
tyhynyriōremy watxireri. ¹⁹Wiribi bexihitxinybenykeki,
tai iny òbiti rŷira bierybenykeny. ²⁰Bibutunymy-
hŷbenykeu, Inynyrŷ roxina aōkō terŷŷmahātenyete.
²¹Ijō detiteremy taroxina riwomyhŷre inywitxirako-ki.
Ijō aō rimyōmyhŷreki rama risamyhŷre. Ijō tahe sōwe-
tyhymy riōmy raitxŷtemyhŷre. ²²Kai aōbo ahetoōre, tai
biroximyhŷkemy, biōmahākemy? Kia wese-ki Deuxu
dohodŷŷna heto aōbo tetyhynyōhyymahāte. Iaōkō rŷi-
ra mahādu tule teixŷrudŷŷnymyhŷtenyete. Aōmybo
ararybekre. Arawowydydŷŷnyrenykeny aōbo?
Aōkōre. Tai arawowydydŷŷnyrenyōtyhy. ²³Kia In-
ynyrŷ-ribi retare, tule aerynany adeereny rewahinyre.
Kia wahisidŷŷnadyna txuu, Jesuisi Inynyrŷ orotxu
rimyre. ²⁴Rexitōenyredi, riōrōre, idi tahe rarybera:

—Kia heka waumy rare. Adeereny wahidŷŷmy
watxireri. Kia biwinymyhŷkreu, watxi òhōtirenny reake-
my.

²⁵Tule riymyhŷre rahudi, tahe bemona hyna rimyra, idi
tahe rarybera:

—Kia heka wadeewimy Deuxu, iny-wana ratximyhŷre.
Wahālubu òraru-ki kia riwinyre. Kia biōmahābenykreu,
aōu watxi òhōtirenny reakemy.

²⁶Tiubo paō biymahābenykreu, bemona hyna-ribi
biōmahābenykreu, warubu rybe tetŷnynytenyteri idi
adòōsekrey. ²⁷Tai inyō òhōtiōmy riykeki-wana, riōke-
ki-wana, tii Jesuisi umy hālubumy òraru-ki ratxireri.

²⁸Sohoji sohoji taaōmydŷŷnana-di rohōtinykre, idi tahe
riymyhŷre, riōmyhŷkre. ²⁹Inyō Jesuisi umy-di
rōhōtinyōkeki, ixidee aōbinahakŷ kidiwinyke. ³⁰Kia
òraru-ki sōwemy binamy òhyyle toite, tule iny sōwemy
rurumy rŷira. ³¹Iny ixi-di rohōtinykeki, aōbinahakŷ rex-
ierykemy, tahe iny rexiòbitinyke. Deuxu tai aōhōkŷmy
rotŷŷnyōtyhy. ³²Inynyrŷrenny inyboho riòbitinymyhŷre.
Kiamy heka bede mahādu-wana aōkōkeki, aōhōkŷmy

rotÿnyrenykre. ³³ Kiamy, waseriðreboho, roximy bibu-
tunykrey, ijð wii biraðbenykre. ³⁴ Inyð rama risamy
rÿikeki, taheto-ki riroxike tai rihuðmy rÿimyhÿkre
Deuxu ywisidÿÿna-ki. Adee arehemynykrey, ijð kia aõ-
na aõnamy arðerynanyrenykre.

12 Deuxu Tyytybytyhy bede eryna witxira witxi-
ramy adeereny ararybekre, araerynanyrenyke-
my. ² Ityhydÿÿdukõdumy toitemahãu, aõð aradyreny
suritxoo rybeðhõkÿ-ð. ³ Tai arabedeerynyteri: Inyð
Deuxu Tyytybimy rarybemyhÿkeki, tii rarybeðtyhy: Je-
suisi ibina rare. Tule inyð uri rarybeðtyhy: Jesusi
Wanyrÿ rare. Tii Deuxu Tyytybytyhydile tuu rarybekre.

⁴ Deuxu Tyytybytyhy bede eryna witxira witxira sõwemy
rÿire. Deuxu sohojile tahe iwahidÿÿdu rare.

⁵ Aõmysÿdÿÿwi-ribi lahitxi rare, tahe Inynyrÿ sohojile
rare tamy rakaaõmysÿdÿÿnyke. ⁶ Aõmydÿÿna wiribi
lahitxi rare, tahe Deuxu sohojile ibutudÿÿdu rare. Tii
iny-ð aõmysÿdÿÿna widÿÿna riwahinyre. ⁷ Sohoji sohoji
tabedeeryna witxira witxira Deuxu Tyytybytyhy-ribi ri-
tamyhÿre ibutu iny wiðhedÿÿmy. ⁸ Inyð-ð bede eryhykÿ
wahidÿÿmy ratxireri, Deuxu Tyytybytyhy iwahidÿÿdure.
Ijð-ð tahe rybe bedeerydÿÿ wahidÿÿmy ratxireri,
iwahidÿÿdu tiile rare. Ijð-ð tahe ityhydÿÿtyhy-ki rareke-
my. Deuxu Tyytybytyhy iwahidÿÿdure. Ijð-ð tahe,
ðhotibedumy rarekemy. Deuxu Tyytybytyhy risÿnyre
rare. ¹⁰ Ijð-ð tahe, bedeðby widÿÿdumy rarekemy, ijð-ð
rybe-di tÿnydÿÿdumy, ijð Tyytybytyhy erydumy, ijð rybe-
witxiramy rarybekemy, ijð rybe wiurðdÿÿdumy.

¹¹ Deuxu Tyytybytyhy sohojile tahe iwahidÿÿdu rare. Tii
sohoji sohoji-ð riwahinymyhÿre ixideewimy.

¹² Iny umy sohojihyy rare. Urile iaõmydÿÿnana
sõwere. Kia wese ityhydÿÿdu rÿira ityhydÿÿdu mahã-
duy-ki, Kristu-ki iny sohojihyyre. ¹³ Sohoji sohoji mahã-
du-ribi rabutura, ijð judeu mahãdu-ribi, ijð judeukõdu
mahãdu-ribi, ijð deòdu mahãdu-ribi, ijð deòdukõdu
mahãdu-ribi. Wiji tahe Deuxu Tyytybytyhy-di sohoji
hõrõmy iny rÿire. Idi tahe inyboho tÿximy rÿire. ¹⁴ Umy
dori sohoji aõmydÿÿnana-di aõkõ rare, sõwere tahe.

¹⁵ Inywa rarybekeki kia rarybekre òsana: jiarÿ umy
aõmydÿÿnana aõkõ watxireri, debð aõkõ dori rare. Kia
rarybekeki, ihãre ta umy aõmydÿÿnanaõlemy ratxireri.

¹⁶ Nohõti rarybekeki: rue aõkõ jiarÿ rare, tai dori umy
aõmydÿÿna aõkõ rare, Kia rarybekeki, ihãre ta umy
aõmydÿÿnanale ratxireri. ¹⁷ Ibutumy umy ruelemy
ratxikeki, timybo rokoholarenykre. Ibutumy nohõtile-
my ratxikeki, timybo rue rareke timybo robirenykre.

¹⁸ Deuxu ibutumy aõ ritidire, titxibo ixideewimy
rõhõtinyre. ¹⁹ Ibutumy aõmydÿÿnana wiweselehekÿke-
ki, timybo raaõmysÿdÿÿnyke? ²⁰ Inatyhymy aõmydÿÿ-
nana sõwere. Umy tahe sohojilere. ²¹ Rue debð dee
rarybeðtyhy: Kai aõ aõkõ tate. Tule ratiheka wað ry-
beðmy: Kaikõkeki wadee awike. ²² Kia kÿnyhe. Aõ
aõmydÿÿnana inydeereny iruruðmy aõmy aõkõ rÿire
wese, tii aõwityhy rÿire. ²³ Tule aõbo inydee aõmy aõkõ
rÿira tamyhe woreke rÿimyhÿre iruxeramy aõkõ rare,
iny woreke rÿimyhÿre. ²⁴ Aõbo inyummy-ki iruxeramy
rare, kia uridÿÿõmy. Deuxu tahe umy aõmydÿÿnana
ibutumy ributunyre. Tii aõ ibuturatyre rityhinyre. ²⁵ Ki-

awese alðreðmy umy-ki ibutumy umy aõmydÿÿnana
wiwana raaõmysÿdÿÿnymyhÿre wii riwiðhenanymy-
hÿre. ²⁶ Sohoji aõmydÿÿnana txubererekeki, iuhe ru-
bererenyke. Ijð teysakeki inyð riwowydnykeki iuhe
reysake. ²⁷ Boholabenyke, kaiboho Kristu umy mahã-
duð toite. Ityhydÿÿdu sohoji sohoji heka umy aõmy-
dÿÿnanað wese rare. ²⁸ Deuxu ityhydÿÿdu mahãduy-
kile iny rihitxinyre. Juhuu Jesusi teðdÿÿdu mahãdu, ihe-
wo-ribi Deuxu rybe tÿnydÿÿdu mahãdu, idi ierydÿÿdu,
aõwiwihikÿ widÿÿdu, ðhotibedu mahãdu, wiðhedÿÿdu,
dinoduweseðÿÿnadu, rybewitxira ersydumy. ²⁹ Ibutu-
mumy deòdu aõbo roire? Ibutumy tÿnydÿÿdu aõbo
roire? Ibutumy erydÿÿdure aõbo? Ibutumy aõwiwihikÿ
widÿÿdure aõbo? Aõkõre wii ihitxihitxire. ³⁰ Ibutumy
ywisidÿÿ rieryre aõbo? Ibutumy rybe witxira rybedu
aõbo? Ibutumy rybewitxira wiurðdÿÿdure aõbo?
Aõkõre. ³¹ Tahe, eryna wiwihikÿmy mynymy, atximy-
hÿbenyke. Tahe ariteðsynyke tibo ryy.

13 Ibutumy iny rybe witxira witxira arierykeki, ÿju
rybe adrierykeki, kia tahe luuna-di aõkõkeki, jiarÿ
aõwodÿÿna widÿÿna wesemy ararekre. ² Jiarÿ ibutumy
Deuxu rybewahidÿÿ eryna ijðdikeki, ibutumy bedeery
ijðdikeki, hãwãlð iherina-ribi aritake watyhydÿÿna
kiadikeki, tahe luuna-di aõkõkeki, aõ aõkõ watxireri.

³ Ibutumy waaõmydÿÿna iny aõkõ mahãdu-ð ari-
wahinykeki. Waumy Kristu Rybewihikÿ dee òraru-ki
wòsikemy ariwahinykeki, tahe luuna ijoðkeki, kia heka
aõkõweseleke. ⁴ Inyð luunadikeki, ywimy rarekre, aw-
imy rarekre, ihãrukõmy rarekre, luunadikeki, ixityhy-
dÿÿdukõmy rarekre. ⁵ Inyð luunadikeki ihÿkÿhÿkÿmy
aõkõ rarekre. Ixisohojidile aõkõ rõhõtinykre. ⁶ Òbitiõ-
na-di deysaõmy, inatyhyle kedeyesakre. ⁷ Moð iluunadi-
reki ibutumy aõhebo rotÿnykre, ibutumy rityhinykre,
ibutumy riraðkre, ibutumy riòludunykrey. ⁸ Luuna tiu
itueðtyhy, tahe rybe tÿnydÿÿna aõutxumy ituekre, ry-
bewitxiramy rybe ituekre, bede eryna ersynamy tule
ituekre. ⁹ Inyboho iyrelemy rieryrenykre. Tule iyrelemy
ritÿnynyre. ¹⁰ Aõutxumy tahe kia iyre rexihukre, ibu-
tumy kanaerykre, kia hãbu òbiti tyhy kedehemynykeu,
Kristu wahe. ¹¹ Uladumy rarewãhãu uladu wesemy
rarybere, uladu wesemy ixidi rarewãhã, uladu wesemy
raykywydynanyra. Hãbumy relereu tahe, wauladumy
nona rerire. ¹² Wiji tahe inyboho robirenyre, iwese itx-
erenatÿnykowese-ki, kiatxuu tahe, wiðsanamy roko-
birenykre. Katahe iny rieryrenykre txurað, kiatxuu tahe,
iwese tii inyboho dierydenyde wese rikieryrenykre.
¹³ Tahe inatað aõmydÿÿna rÿire: ityhydÿÿna, iraròsõna,
luuna. Ijð ratyre tahe luuna rare.

14 Luuna-di boibeke ibutu ijð ratyre. Tyytybytyhy
erysyna biijebenyke. Iratyre biijebenyke Deuxu
rybe tÿnydÿÿna erydÿÿna. ² Inyðheka rybe witxiramy
rarybekeki, hãbu-ð aõkõ rarybereri. Deuxu-ð sohojile
rarybere. Inyð irybe rieryðre. Deuxu Tyytybytyhy rybe
tii erydure. ³ Inyð Deuxu rybemy rarybemyhÿre, iny-ð
rarybereri. Tai riwiðhenanymyhÿre, riòbitinymyhÿre,
riteysanymyhÿre. ⁴ Inyð rybe witxiramy rarybereu, tiile-
hyy rexiiwiðhenanymyhÿre. Inyð tahe rybe ritÿnynyke
wana, dohodÿÿna mahãdu riwiðhenanyre. ⁵ Ibutumy

rybe witxiramy rarybekeki, tii tahe wadee awire. Tahe ibutumy Deuxu Rybewihikĩmy riernanykeki, kia iratyretyhy wadee awire. Deuxu rybe tĩnydĩyĩna tahe, rybe witxiramy rybedu ratyre rare. Wiuròsòdĩyĩdudile rybe witxiramy rarybeke dohodĩyĩdu mahādu wiòhedĩyĩmy rarekemy. ⁶Jiarĩ adeereny ararybekeki, rybewitxira-di. Tiwesebo arāwiòhenanyrenyke. Urile bede erytĩmyra-di, erynatyhyhyky-di, inatyhyeryna-di araernanykeki, kia-di tahe arāwiòhenanykre. ⁷Ka tahe wiudĩyĩna rare. Wyhyhykĩ jurònawesena ada rerotisòmo wiudĩyĩna kidiwiunykeki, tahe awimy ri-wiunyòke, timykibo iny rieryke aòbo riwiunyeri. ⁸Tule juròna òbitimy ritxurònyòkeki, timykibo aòbinadu mahādu rierykre aòbina-ò nomy rexiywinykemy. ⁹Kaiboho tule kiawesere. Inyò arybe rieryòkeki, tiwesebo rieryke aòmybo tarybetenyteri. Kiawese dori yhydeele tarybetenyteri wese. ¹⁰Inatyhymy sòwemy rybe witxira rĩire bede-ki, ibutumy tahe aòna aònamy rybedu rarybere. ¹¹Aòmybo rarybere arierykòkeki, rybedu dee jiarĩ iny witxira, rybewitxiraò tamy rare, tule tii wadee rare. ¹²Kaiboho Deuxu Tytybytyhy eryna teijetenyeri. Tai dohodĩyĩna mahādu wiòhedĩyĩmy marurunybenyke. ¹³Inyò rybe witxiramy rarybekeki, iòbitidĩyĩnamy rexitòenyke. ¹⁴Rybe witxiramy arexitòenykeki, watytybyle rexitòenyteri warakywydyna-ò ralòòtyhy. ¹⁵Tai tahe aòhebo arotĩyĩnykre? Watytyby-di, waraky-di arexitòenykre. Idi watytyby-di waraky-di arawiuunykre. ¹⁶Kai atytybyle-di texitòenymyhyteu, timykibo inyò rierykemy? Idi rarybeke aixitòedĩyĩna rexihukeu. Tii dori arybe rieryòre. ¹⁷Kai tahe inatyhymy awimy texitòenye, tai tahe iny aò rieryòhyre, idi riwiòhenanyòtyhy. ¹⁸Deuxumy realàwāhāre. Jiarĩ dori aratyreny rybe witxiramy rarybemahāre. ¹⁹Tahe dohodĩyĩna mahādu-ò iruyre rybe eremy ierysynamy ararybeke ada sòwemy rybe eremy iwitxira rybemy anarybekeki. Juhule wadee awityhyre ijò ratyre-ki iny kiawese inatyhymy reernanyre.

²⁰Waityhydĩyĩdu seriòre uladu raykywesemy aòkò bexiraykynymyhybenyke. Inyery bedeeryhykĩ wese maraykynybenyke. Aòibina ersynale uladu aòeryò wesemy boibeke. ²¹Bede Ywina tyriti-ki kia rĩire: —Kia inydee, hābu rybe witxira-di anarybekre. Ihāre ta warybe dee tiiboho roholarenyòkre. —Kiamy tahe Wanyrĩ rarybere. ²²Inatyhymy tahe iwitxira rybe rybemy ityhydĩyĩdu mahādu dee deòsina aòkò rare. Kia ityhydĩyĩdukòdu mahādu dee deòsina rare. Tule Deuxu rybe tĩnydĩyĩna ityhydĩyĩdu mahādu-ò rare. ²³Dohodĩyĩna mahādu wii ributunykeu, rybewitxiramy rarybemyhyreki. Ityhydĩyĩdukòdu mahādu ralòkeki, iny ierykòdu ralòkeki, timybo tii ròhòtinyke. taitxĩtetenyterilemy idi ròhòtinyke. ²⁴Tahe ixityre ityhydĩyĩdukòdu mahādu ralòkeki, tahe Deuxu rybemy rarybereriò, ralòkeu, tii rexierykre òrarudumy rare, ibutumy aòwòmymy roholare tarayky riixixanyke. ²⁵Aòbo tawo-ki riwòmymy rĩimiyhyredi rexierymy ixi-di ròhòtinykre. Tai resekre tatiowomy Deuxu deàlànamy realàkremy. Tule rarybekre: —Inatyhymy Deuxu ayreny-ki ratxireri.

²⁶Aòhebo dohodĩyĩna-ki rokotĩyĩnyrenykre waser-iòreboho wii rikibutunyrenykre. Kia heka rare: Inyò wiuòmymy kanawiuunykre, ijò tasĩ Deuxu rybe bede erydĩyĩna kedeernanykre, ijò itĩnydĩyĩnamy kanarybekre, ijò rybewitxiramy rybena kanarybekre, ijò iwiuròsòdĩyĩnamy kanarybekre. Aòhebo botĩyĩnybenyke ityhydĩyĩdu wiòhedĩyĩnamy rarekemy. ²⁷Inyò rybewitxiramy rybemy ratxire riki, inatxi inataòlemy rarybeke, wihe-womy, tule iwiuròsòdĩyĩdulemy rarybekre. ²⁸Wiuròsòna ihoòkeki, rybeòlemy ronyke dohodĩyĩna heto-ki. Ixi-wanale Deuxu-di ròhòtinyre, rexitòenymy. ²⁹Urile inatxi, inataòlemy rybe tĩnydĩyĩdumy rarybekre wana, ijohonadu mahādu tahe irybe-di ròhòtinytyhyke timybo. ³⁰Ijòhonadu-ò itĩnydĩyĩna rybemy ratxikeki, rybedu rexihudi rarybekre. ³¹Ibutu dori Deuxu rybemy rarybekre, sohoji sohojimy. Tai ibutumy rierykre, reysakre. ³²Rybe tĩnydĩyĩdu mahādu rayky, tiile rexierymyhykre. ³³Deuxu tahe wimy uriuridĩyĩdu aòkò rare; tii tahe òbitina wiòdĩyĩdu rare. Ibutu ijò dohodĩyĩna heto-ki kia wesemy rare.

³⁴Hāwyy tahe dohodĩyĩna-ki roholamy rĩimiyhyre rybeòhykymy tai aòwedumy aòkò. Ywilemy rĩirake iwese judeu bedeywidĩyĩna roimiyhyre wese. ³⁵Tyĩraxinadikeki taheto-ki tahābu-ò rĩĩraxike. Hāwyy dohodĩyĩna-ki rarybemyhyre heka ixĩruna rare. ³⁶Timywese tahòtinytenyete. Deuxu rybe aòbo aykyreny-ki ròhònyre ada kaiboho sohojile aòbo ijòdire.

³⁷Inyò rybe tĩnydĩyĩdumy ixi-di ròhòtinykeki ada Deuxu Tytybytyhy-ò wiòhedĩyĩnamy rarekeki. Timybo rarybekre. Kia waryberiti heka Deuxu bede ywidĩyĩna rierykre. ³⁸Inyò kia rityhynyòkeki, tii wile ratyhydĩyĩòkre.

³⁹Iribi tahe waseriòre tĩnydĩyĩdumy boibekemy atxibenyke. Ixinamy rybewitxiramy iny rarybemyhyre. ⁴⁰Ibutumy aòhebo botĩyĩnybenykre. Òbitilemy, ywilemy.

15 Aòtxi òhòtirenymy araijaradĩyĩnykre. Kia tahe rare. Rybewihikĩ iwese adeereny retĩnynyre wese, tetyhynytenyete wese, tule tetyhynyhy ahātenyete. ²Tai tahe tarasanawo-ki ahātenyete rybe teeryhy ahātenyete ki iwese retĩnydĩyĩnyre wese. Aòkòkeki aròtenarenymy aòtyhy aòkò adeerenymy ihĩre. ³Juhuutyhy adeerenymy retĩnynyre iwese raholare wesemy. Kia rare: Kristu iny òrarurenymy dee rurure. Kiamy heka ritidĩyĩna roire. ⁴Tule mana wabede-ò rahāluure. Inataò txu idi rĩidi tahe, rubu-ribe rexixare, ritidĩyĩna rarybere wese. ⁵Rexideòsinyre Pedro dee, idi tahe waòinatxi mahādu dee. ⁶Idi tahe 500 iny ratyre tuu robire. Kia iny ityhydĩyĩdu seriòre mahādu ibutumy rexibutunymyhyre Jesusimymy robire. Ijò rurure kia butudĩyĩnyribe, tahe ijò irulemy ihĩmyhyre. ⁷Iribi tahe Txiau tuu robire, idi tahe ierydu mahādu ibutumy tuu robire. ⁸Ihewo-ribe tahe jiarĩ tuu rabire. Iwese uladu ibededĩyĩnanakòmymy reare wese tuu rabire. ⁹Jiarĩ ierydu hewo ludu rare. Uritere erydumy wanidĩyĩòmymy watxiwāhāre, raixĩrure wahe. Jiarĩ dori juhoo ityhydĩyĩdu mahādu aòhòkĩmymy dĩyĩdu rare. Deuxu ruxetòenale dori aòmymy watxiwāhāre. Iruxetòena aònihikĩmymy waki riwinyre. Jiarĩ

dori ibuturatyre aõmysýdýña rewinyre. Tahe jiarý aõkõ wãhãre. Deuxu ruxetõenamy wahãre jiarý aõbo ada tiiboho aõbo adeereny relyyreny, idi kaiboho tetyhynlyetenye.

¹² Kristu rubumy roira-ribi rexixara, kiamy heka rarybemahãreny. Aõherekibo inyõ rarybereri ruryhyre-ribi inyõ rexixaõkremy. ¹³ Inyõ tiu rubu-ribi rexixaõkeki, Kristu tahe rexixaõre tarubu-ribi. ¹⁴ Kristu rubu-ribi rexixaõre wana, jiarýboho aõmy waryberenyõna idi aõ atyhydýñaõna. ¹⁵ Kristu inatyhymy rexixaõkeki, inyboho Deuxumy ruimy rybedu mahãdumy roire. Kristu ixixana rybemy dori jiarýboho rarybemyhyreny. Kiata bohe Deuxu, Kristu riixixanyõlere. ¹⁶ Rubumy roimyhýre mahãdu rexixaõkeki, taita Kristu rexixaõre. ¹⁷ Kristu rexixaõkeki, ainatyhynareny aõ aõkõ rare. Aõrarudile ahãteny. ¹⁸ Tule, ityhydý-ri rurure mahãdu, biu-õ rõiõtyhy. ¹⁹ Kabede-ki sohojile inyboho Kristu riraõmyhyreki, inyboho bedewotyhyhymy roire.

²⁰ Inatyhymy taheka Kristu rubumy roire-ribi rexixare. Tii juhuuludu rubu bede-ribi dõõsede mahãdumy roirekemy, tai iny tule rerexixarenykre. ²¹ Iwese hãbu sohojiõ rubu diwyde wese, tule hãbu sohojiõ rubu-ribi ixixana diwyde. ²² Iwese Adaõ-ki ibutumy iny rurukemy rýimyhýkemy tule Kristu-ki ibutumy ixixana kiditakre. ²³ Kristu bededýñana kedehemyhýkreu, rubu-ribi ixyby ixixana kòdõhõnykre. Kristu juhuhu rexixare, ihewomy tahe taeryna mahãdu kidiixixanykre. ²⁴ Tai tahe bede konanakre. Jesuisi ibutu wedu mahãdu, bede dinodu mahãdu, Iòlò mahãdu kanahukre. Tahe ibutumy tyby Deuxu-ò òlõna kidiõkre. ²⁵ Jesuisi tahe ibutu ratyry Iòlõmy ratxikemy rarehykre. Iòludu mahãdu ibutumy iwarawo-ki rýikre. ²⁶ Iòludu konana heka, rubu rare. Tii tule riixãwididýnykre. ²⁷ Ryberiti kiawese roire: —Deuxu tahe ibutumy iwarawo-ki ritidireri. Iximy ritidiõtyhy tii dori tidisidu rare. ²⁸ Rexihu-di tahe tule iRiõre ritidikre. Tai tahe Deuxu ibutu iòlõmy rarekre.

²⁹ Rubumy rýira ixyby kedexixaõkeki aõherekibo iny derõwy teratisebenyteri, rubumy roira mahãdu hãrehekýle wahe. ³⁰ Aõherekibo berebunatyhyhyký-txi inyboho iõhãrumy ratximahãrenyre txuõ txuõlemy. ³¹ Ibututxu rubu rejimyhýre. Adeereny wawowydynatyhymy watxireri. Jesuisi Kristu Inynyrý òraru-ki. Tai heka kia lau rarybemahãre. ³² Hãbu mahãdu-ò Efesu hãwã-ki irõdu debure-ò aõbina wese resumahãreki aõtyhybo aritakre? Inatyhymy aõbo? Rubu rexixaõkeki, rikiroxiryrenyke, rikiõrenyke, biurasõmy dori rukururenkykre. Aõ aõkõ inatyhydýña. Kia riki ityhydýdukõdu mahãdu tuu rexirybeny, abiõwa mahãdukeki. ³³ Ixi itxenadýñomy: kia biõwa bina dori iny ixihemy riatymyhýhyre. ³⁴ Ywityhylemy boibeke, õbitilemy òrarurenýomy, sõwemy iny Deuxu rieryõre. Kia heka iny ixýrudýñareny rare, tai rarybewãhãre.

³⁵ Tahe inyõ kanarybemyhýkre: —Timybo rubu kedexixakre. Aõumywesemykre iumy? ³⁶ —Itxýte, juhuhu alõborõna rabrõõkeki tiu txuhuõna. ³⁷ Telõho iny ribõrõnyõtyhy, ityle iny ribõrõnyke. Iwese maixõmoty

ribõrõnyke ada oworuty wese. ³⁸ Ibututy-ò Deuxu iraty umy riwahinymyhýre ixideewireki. Deuxu ixideewimy alõbõrõna ritxuhudýñnymyhýre timybo? ³⁹ Dee ibutumy wiwese wese aõkõ rare. Inyde, irõdude, nawiide, uturade ibutumy tahe wiribi hitxi hitxire. ⁴⁰ Biumy rýira mahãdu tule lahixire, aõwitxira witxira bedemy rýira kia wowodynareny wiribi hitxire. Tii-wana wimy rahitxirananyre. ⁴¹ Txuu ahãdu, taina, iloosõnareny wiribi hitxire. Taina ijõ taina-ribi iruxeratyhyre. ⁴² Tai tahe kia wese rubu-ribi ixixana rýimyhýre. Umy rubu su-ò rahãloodýñymyhýre rarõnyhe txu. Idi tahe irulemy kòdõhõnykre, alõbõrõna ruhunymyhýre wese tahe umy tuedeõnaõ. Bede luruhuký-ki rahãloodýñymyhýre, tahe loosõnatyhy-ki kòdõhõnykre. ⁴³ Iruruõ-di umy heka rahãloodýñnymyhýre ibinare, tahe iruxeramy tarutyhy-di kòdõhõnykre. ⁴⁴ Iny umy wesemy rahãloodýñymyhýre, tahe tytyby wese kia umy-di kòdõhõnykre, biuludu mahãdu wahe. ⁴⁵ Kiamy heka ritidýña-ki roire. Iny umy riuhemyhýreki, tule tytyby umy riuhemyhýremy rýire: Juhuu inyiru Deuxu riwinyre Adaõ heka rare. ⁴⁶ Juhu tahe inyumyreny tayry-di riwinyre idi tahe ritytybynyre. ⁴⁷ Juhuu ludu hãbu suribi ije rare. Ihe-wo-ribi Hãbu biu-ribi ihýre Kristu wahe. ⁴⁸ Juhuu hãbuwesemy ibutumy iny bede ludu ihýre juhuhu inytyhy wese wahe. Hãbu biuludu wesemy ibutumy biu ludu mahãdu ihýre. ⁴⁹ Tai tahe kabede hãbu wesemy inyboho rýimyhýrenyre wesereki, tule biu ludu Hãbu wesemy rýkýirenyke.

⁵⁰ Waityhydýñydu Kia heka rarybemahãhyreri, iwese inyboho ihýmyhyrenyre wesemy tiu Deuxu Òlõna-ò ralõõtyhy. Iny umy heka ruruhyy umy rare, tai tahe Deuxu Òlõna ritaõtyhy, kowa-ò dori iny umy ruruõtyhy. ⁵¹ Tahe aõbo teeryõte adee aritýnynykre: Ibutumy iny ruruõkre. Ibutumy ityhydýñydu iny ruruõðle iumy riwitxiratýmyranykre, aõwesele reakre, iny tarue riberenymyhýre wese reakre, ikonana jurõna ritxurõnykre. Jurõna ritxurõnykre idi ibutumy ityhydýñydu rubumy rýira riumywitxiratýmyranykre umy tuedeõna-di. Inyboho ityhydýñydu mahãdu tulekre. ⁵² Tahe rekexiwiurõnyrenyke, iny bede umy dori rurymyhýre. Rakaumynykre umy witxira-di taita rukururenýõtyhy. ⁵³ Iny umy witxiradikre, tahe kia rybe rexihumy rýikre: Ryberitina rarybere: —Rubu ijesu rikitarenkykre: ⁵⁴ —Aõherekibo rubu, aijesuna wawana tetaõta? Aõherekibo tiwamytxitxidýñnyõte? ⁵⁵ Òraru rubumytxitxidýñydu rare. Bedeywidýñy òraru rurudýña rare. ⁵⁶ Deuxu umy myrekealãmehýkre, tii dori ijesu inybohoreny ritakemy riwiõhenanymyhýre. Jesuisi Kristu Inynyrý-di diwiõhenanymyhýde. ⁵⁷ Tahe weseriõre luu mahãdu, bityhynyhybenyke, ywihyemy ahãbenyke, Wanyrý aõmysýdýña-ò hyy tiiemy ahãbenyke. Aaõmysýdýña Wanyrý dee, idi inydee awimy rarootinymyhýre.

16 Nierumy ararybekre. Kia bibutunykemy kowa tyhydýñydu mahãdu-ò, Judeia mahãdu wahe. Iwese Alatxia mahãdu-ò ròerynanyre wese, kaiboho tule ijõ dee bitabenyke. ² Semana juhu ludu txuu, iny sohoji sohoji tiwesebo tõtatenyete jura bi-

rarenymahābenyke rawahikremy. ³ Tai adehemynykreu kia nieru rexihumy r̄yikre myiōtyhy tahe ijō rarasamy. Tahe mobo kai tyyriti-di biditakre, tii-wana nieru iny ariteōnykre Jerusalē-ò. ⁴ Tahe jiar̄y arakewana iny dee wikeki, tuu wawana kodoikre. ⁵ Macedonia bede-ò arakre rahudi arehemynykremy adeereny watzireri. Macedonia-di delemy arakre. ⁶ Araroorehenykre òsana biubede taile arahukre awanarenyhyyle. Tai ele elemy biwat̄yid̄ȳnykre titxibo arakemy. ⁷ Deuxudeewikeki urihimyo aōkō akireny bede arieke beded̄ȳnana arahukre akireny. ⁸ Efesu hāwā-ki Pentecoste woranabedehesi konana-ò ariijekre. Idi tahe arakre. ⁹ Ijōtòbònahak̄y wese irayhyky r̄yimyh̄yre waaōmys̄d̄ȳy. Tai waaōmys̄d̄ȳy irutaōre, ihāre ta wamy òludu sōwere. Namy sōwehyymy taheka òludu r̄yire.

¹⁰ Tahe, Tximòtxi rakeki, iix̄yru lau bijemy tii dori Deuxu aōmys̄d̄ȳy diwinymyh̄yde wawese. ¹¹ Inyō Tximòtxi-di aōmy aōkō ih̄ykeki heka wadee awiōre. Wadee it̄yina-ò biwiòhenanybenyke ywina-di. Reraōmahāre dori ityhyd̄ȳdu seriòreboho wana kanakemy. ¹² Inyseriòre Apòlo-ò sōwemy rarybewāhāre arorarenymy rakemy ijō iny seriòreboho-wana. Tahe tii heka Deuxudeewimy aōkō idi rōhōtinymyh̄yre. Idi tahe rakre ixideewimy tiu txumybo.

¹³ Aōu aōu bexiywinylemy borukubeke. Inatyhymy òbitimy myibenyke, hābu rurutere wesemy bexiru-

rud̄ȳnyke. ¹⁴ Aōhebo bot̄ȳnybenyky ywina-di luuna-di bot̄ȳnyky boibemahāke.

¹⁵ Tefana, tas̄y mahādu-wana Akaia bede ludu-ki ityhyd̄ȳdumy juhūu rare. Kia teerytenyete. Tiiboho ityhyd̄ȳdu mahādu wiòhed̄ȳduhyymy ih̄yrenyete. ¹⁶ Tamy bohōlabenyke, ibutumy tamy wityhymy biwinybenyke. Tule kia wese wiòhed̄ȳdu biwiòhenanybenyke.

¹⁷ Tefana, Fortunatu, Akaio kaò ditehemynydenyete.

Taita wadeysamy watzireri. Tiiboho riwaw-iòhenanyrenyete kaiboho kaki aōkō atximahātenyete.

¹⁸ Tiiboho wawo-ribo riwateysad̄ȳnyete, araykyreny òs̄ȳny tule wahe. Kia mahādu heka ratyhyd̄ȳmyh̄yke.

¹⁹ Kaki Asia bede-ki ibutumy dohod̄ȳyina mahādu tarybe wehityhyna adeereny riwahinyreri. Akila, Prisi-la-wana taluuna Wanyr̄ynimy rybe adee riwahinyrenyeteri taheto-ki dohod̄ȳyareny mahādu tule wahe. ²⁰ Ibutu seriòre mahādu rybe wehityhyna adeereny riwahinyreri. Birybenybenykreu wii bimybennykre wiwetya-ki seriòrewesemy tamy luòsōna òbitityhyna-di buòbenyke.

²¹ Iroo tahe jiar̄y ariritinykre wadebò-di wahe. Jiar̄y Paulo warybe wehityhyna rewahinyete. ²² Inyō Inynyr̄y luuōkeki, aōbinahak̄ybo tamy kanake, kiamy rexirybenyete: 'Maranata' kia heka Jesuisi wymy kanake rare.

²³ Deuxu luuna adeereny kanakemy idi watxiwāhāre.

²⁴ Ibutu-ò waluuna Jesuisi Kristumy. Kie.

2 ORITXI-Ò

¹ Jiarỹ, Paulo, Deuxu deòduõ watxireri Deuxu-deewireki. Tahe katyriti rewahinyrenyore Oritxi hãwã dohodỹỹna mahãdu-ò. Iny seriòreny Tximòtxi wawana ihỹre. Tule rewahinyrenyore ibutu ityhydỹỹdu mahãdu roholakemy Akaia bede-ki. ² Ruxetòena, ywina-wana adeereny kanakemy idi watxireri Deuxu inytybyreny-ribi Jesuisi Kristu Inynyrỹ-ribi.

³ Deuxu heka Jesuisi Kristu tyby rare. Iny wiòhedỹỹdu ihỹre. Ruxetòena sòwemy inydeereny riwahinyrenyohỹre. Ibutumy aõmydỹỹna-di riwiòhenanyrenyohỹre. Tai tahe iny witxira rikiwiòhenanyrenyohỹre Deuxu wiòhedỹỹna-di. ⁵ Iwese Kristu aõhòkỹmy dỹỹnana kaiboho teerytenyete wese, Kristu wiòhedỹỹna bitamy bierybenyke.

⁶ Jiarỹboho aõhòkỹmy arotỹỹnyrenyohỹre, awiòhenadỹỹrenyohỹre tuukre. Tai tahe tarasana iribi bitake. Deuxu-ribi wiòhedỹỹna arimynyrenyohỹre, kia biu-ò hena iribi bimyyke arawiòhenanyrenyohỹre. Tai tahe kaiboho arururenydikre aõhòkỹmy botỹỹnybenyohỹre. ⁷ Tahe wararòsòna sòwemy ihỹre akireny. Tiubo aõhòkỹmy dỹỹnanamy botỹỹnybenyohỹre tule wiòhedỹỹna bitabenyke iwese aritarenyohỹre wese.

⁸ Waityhydỹỹdu seriòre, Asia bede-ki jiarỹboho sòwemy aõhòkỹmy ratỹỹnomy roiremahã. Wadeereny heka isiratyhyre ibede-ki. Tai heka raberumy roiremahã arururenyke lau. ⁹ Rahòtynyrenyore tai wakananareny sana. Kiamy heka wadeereny ditỹỹnynde bedeernyamy: ixi-di inyõ nohòtiõmy, Deuxudihyyle wahe. Tii dori rubu-ribi iixadu rare. ¹⁰ Inatyhymy tii riwatarenyore kia brebuna-ribi. Ibutu aõna aõna-ribi riwatarenyohỹre ixi-tyre. ¹¹ Kaiboho dori wadeereny Deuxu-ò textòenytenyeteri. Tahe ibutumy ixitòena-ò Deuxu kodoholakre tai riwiòhenanyohỹre. Tahe ibutumyiny Deuxu ritealànanyohỹre.

¹² Ibutumy jiarỹboho heka kia Deuxudeewimy rewinyrenyohỹre. Tai heka wadeysarenyore jiarỹboho. Awanareny heka tule rarybemaõhãrenyore: òbitinamy, Deuxu rurunamy. Iny raykywydyna-di aõkò wahe, Deuxu raykywydyna-di. ¹³ Idi mariakele, biritinykele, bierykele, kia reritynyrenyore adeereny. Wiji urihimyoõle teerymy toite. Jesuisi txu tahe ibutumy bierybenyke. Jiarỹboho areysarenyohỹre bierybenykeki wahe. Tule kaiboho beysabenyke.

¹⁵ Juhuu rahòtynyre kiawesemy: arakemy ixi-di rahòtynyre. Juhuu heka Macedonia hãwã bede-ò arakemy ixi-di rahòtynyre. Iule tahe aroramy arakemy heka ixi-di watxiwãhã. Òkeseu tasỹ tule, aroramy adehemynyohỹre. Tai wiòhena inatximy bitake. Jiarỹ ayrenyomy areakre, Judeia bede-ò arakemy kaiboho biwawiòhenanybenyohỹre. ¹⁷ Reòsamy watxirerimy aõbohe

wadi tahòtynytenyeteri? Ixiòrarukile aõbohe tuuremy adee araỹraxikre? Tuu aõbo iximy rarybere kohe, myỹ, iule. Aõkòre, myỹ rarybere, iule wahe. Inatyhymy aõbohe rarybereri. Aõkòre rarybeõre. Jesuisi Kristu heka warybe rieryore. Kohe, myỹ, iule. ¹⁹ Tai heka raryberenyore: —Inatyhy rare. Myỹ wahe, Deuxu-deewinamy. Sila Tximòtxi-wana kia Deuxu rybe-di adeereny ritỹnynyre, Jesuisi Kristu iriòremy, jiarỹ tule adeereny kia retỹnynyre. ²⁰ Inyboho ratximyohỹre Jesuisi Kristu-ò. Kristu heka Deuxu widỹỹdu watxireri. Inyummyreny ratximyohỹre. Deuxu heka tuu iny rierynanyrenyohỹre, tii inatyhy. ²¹ Tii heka iny ritamyhỹrenyore; rihitximyohỹrenyore; tahòrò mahãdumy riwinyore. Inydeereny riwahinyore Deuxu Tytybytyhy inywoony-ò risỹnyre. Tai heka inyboho ròhòtynyrenyore inydeereny ibutumy riwahinyohỹre.

²³ Deuxu heka warayky rieryore. Tai heka rarybemaõhã, inatyhy raõre Oritxi hãwã-ò. Tai heka adiride ixinamy. ²⁴ Araryberenyòtyhy jiarỹboho aõbo biyhinybenyohỹre, marybebenyohỹre. Kaiboho dorihe inatyhy na tetyhinytenyete. Urile tahe arawiòhenanyrenyohỹre deysana-di Deuxu Tytybytyhy dee deysana-di.

² Tai wawo reraõrera. Arakemy aõkò abedeòti-idỹỹrenyomy ixityre. ² Arabedeòtiidỹỹnyrenyohỹreki tahe mobo riwateysanyohỹre. Kaibohole toite. ³ Tai adeereny reritynyre. Anaòtyhy heka abedeòti-idỹỹrenyomy. Kaiboho dori deysana-di biwasỹnybenyohỹre. Iu wadeysamy watxireriu, kaiboho tule beysabenyohỹre. Kia heka reerywiwire jiarỹ. ⁴ Adeereny reritynyre bedewona-di ranywãhã; warube rytynmahã. Bedeòtiidỹỹna-di arasỹnyrenyohỹre aõkò kỹny. Tahe timybo aluurenyomy kaiboho bierybenyohỹre adeereny reritynyre.

⁵ Bedewonamy relyykeki, tiu inyõ wii ribedewonyore, riwabadewonyòtyhy. Aõtxi arabedewonyrenyore. Waryberiti isirare aõkò ihỹre. ⁶ Aõhòkỹmy dỹỹnanamy yla aõkò rotỹỹnyre. Tai ixinamy rarekre wiji. ⁷ Wiji tahe iwitxira aõmydỹỹnana biwinyohỹre: biwiòhenanyohỹre iixãwidỹỹnadikemy. Tai tahe bedewona-di sòwetyhymy riatyòtyhy bedewona-ribi wahe. ⁸ Tii luunatyhy-di bierynanybenyohỹre.

⁹ Tai heka adeereny õnosõna rewahinyore. Tai juhuu waritidỹỹna adeereny rewahinyore. Jiarỹ heka kaiboho rexywinyomy aõbo atxitenyeteri ityhydỹỹna-ò. Kiamy adireny watxireri. ¹⁰ Kai biixãwididỹỹnyohỹreki heka, jiarỹ tule ariixãwididỹỹnyohỹre. Kia adeereny rikiwinyrenyohỹre Kristu òraru-ki. ¹¹ Tahe Satanasi tiu iny riatyrenyòtyhy. Inyboho rieryrenyore tii kia riwinyohỹre riwisỹnyrenyohỹre.

¹²Jiarý heka ròirenyre Troaji-ò Rybewihiký t̄nyd̄ȳmy Kristuni-di. Tamy retehemynyreu, isiraðlemy tai Rybewihiký dohod̄ȳmy, Inynyr̄y riwawiðhenanyre wahe.

¹³Tahe wabedewomy watxiwãhã inyseriðrereny Txi-tu-ki rahaðrekí. Tai tahe kia iny mahãdu reteðwarinyre arakremy Macedonia hãwã-ò rare.

¹⁴Tahe Deuxu deysana! Deuxu-wana watxi-wãhãreny. Tahe kia ijesu tai ritake. Kristu heka ridykre ijesu tarasadu mahãdu. Rokoirenykre heka ihe-ki. ¹⁵Iwese aderòna l̄nyrehek̄y ibutumy idi riãlãnymyh̄yre wese heka, kia wese inyboho roire. Ibutumy iny rierykemy heka ityhyd̄ȳdu mahãdu r̄yirerimy ih̄yre. L̄nyrena wihik̄y Kristu ritoonyre wese Deuxu-ò inyboho roire. Iny l̄nyrena wese heka rare. Ityhyd̄ȳdu, ityhyd̄ȳdukõdu mahãdu-ò ramyh̄yre. ¹⁶Kia rityhynyðmyh̄yre mahãdu tahe, t̄nyre rirubunyre. Rityhynymyh̄yre mahãdu tahe t̄nyre iruweselemy rare. Kia aðmys̄d̄ȳna biwinybenyke. Isirare heka iaðmys̄d̄ȳ. ¹⁷Inyboho heka sòwemy inywese aðkõ iny roire. Iwese iny riwymyh̄yre aðw̄yriðre idi ijo-homy, kia wese karybe rare. Kia Deuxu deòdu mahãdu heka iòwydimy aðkõ rybe riwymyh̄yre. Tahe inyboho heka inatyhymy rarybemyh̄yreny. Deuxu dori inydeereny rarybere òbitinamy. Riwateðnyreny òbitina-di araryberenykemy.

3 Timyre heka tyriti ritidid̄ȳnamy raruðhyymahãrenyre jiarýboho awirenyremy. Tahe waribireny tule aribireny kia Ritid̄ȳna ari-huren̄yðtyhy. ²Kaiboho heka Kristu tyriti wese aðma toite. Riritinymy heka roimyh̄yre inywo-ki, inyrayky-ki. Idi riramy kaiboho burubenykeki, aðbo kaiboho tewinmahãte heka tamy betehebennyke. Tai tahe rierymy idi rariake ixideele. Idi rariake hãre tahe idi rexibedeerynyke. ³Kaiboho heka Kristu tyriti wese heka toite. Inydeereny iwahid̄ȳmy heka tii rare. Kia tyriti witxiramy rare. Að ritid̄ȳna manamy aðkõ riwinyreri. Deuxu Tytybytyhy-di tahe riwinyreri. Að manatyre-ki aðkõ ròritid̄ȳreri inyraykyreny-ki, inyworeny-ki ròritid̄ȳmyh̄yre. ⁴Deuxu heka retyhynymahãre, Kristu òraru-ki wahe. Tai tahe tuu raryberenyahãre kiawesemy. ⁵Jiarýboho heka warururenyðhyre kaa aðmys̄d̄ȳna wid̄ȳna-ò. Iny ruruna heka Deuxu-ribi sohojile nade. Tii iny wiðhed̄ȳdu, að iny rikiwinymyh̄yrenyke-ò wahe. ⁶Irybe t̄myra dohod̄ȳdumy heka inyboho roire. Ihetxiu bede ywina wesemy aðko heka ròritid̄ȳre Deuxu Tytybytyhy ih̄yre. Ihetxiu bede ywina heka rubu diwyde. Deuxu Tytybytyhy iruna riwahinyre. Ihetxiu heka manatyre-ki ròritid̄ȳre. Deuxu loosòna tule ròhònyre, riwahinyreu wahe. Moisesi òs̄ny-ribi sòwemy loosòna ròhònyre. Idi tahe riixãwid̄ȳnyre. Tahe judeu mahãdu reteheðhyymyh̄yre iòs̄ny-ò, iòs̄ny loosònadireki. Deuxu Tytybytyhy heka iratyre awimy rare, iny-ò dori Deuxu irutyhy riwahinyre. Tahe bede ywina nade loosòna wiwihik̄y-di bede ywina t̄myra tahe iratyre awi rare. ⁹Tii heka iny-di ixãwikemy ratxireri. ¹⁰Tahe iratyre rybe t̄myra rare. Iny òraru-ki ixãwikemy ratxireri. ¹¹Kia urihim̄y òraru-ki awi rare. Iratyre tahe umytedeðna rare.

¹²Iny raròsòna sòwemy ratximyh̄yreny. Tai tahe inyboho ruberuðhyymyh̄yreny. ¹³Moisesi wesemy aðkõ rakatximyh̄yrenyke. Imahãdu raykytxymy dori r̄yirenyre. ¹⁴Imahãdutyxymy dori r̄yirenyre. Moisesi bedeywina-di rariakeki, irayky ritòbònyke. Kia riryòreny iraykyreny ratxynymyh̄yrenyremy. ¹⁶Kristu rityhynyre xiery, irayky raraymyh̄yre. Iwese Moisesi òs̄nytòbòna iòs̄ny-ribi resere wese kia rare. ¹⁷Kia Tyriti-ki Inynyr̄yreny heka Deuxu Tytybytyhy rare. Tikibo Deuxu Tytybytyhy r̄yikeki kowa ibutumy iny ixinamy r̄yike. ¹⁸Tahe ibutumy inyboho heka Deuxu wowydyna iny òs̄nyreny-ki ijòdire. Iwese iny òs̄nyreny itxena-ki iny retehemyh̄y wese, Deuxu wowydyna ibutumy robimyh̄yke iny òs̄nyreny-ki. Inynyr̄y he Deuxu Tytybytyhy rare. Iribi tahe wowydyna nade. Kia wese inyboho heka Inynyr̄y wesemy relemyh̄yreny. Inihik̄y delemyh̄ydenyde. Tii dori iny woreny-ki raaðòtaðtamyh̄yre.

4 Deuxu taruxetòena-di heka kia aðmys̄d̄ȳna inydeereny diwahinyde. Tai heka ikonanakòdumy idi rakatximyh̄yrenyke. ²Ibutumy heka rikiwinymyh̄yrenyke aðbo òbiti rare. Aðbina binahak̄y wid̄ȳ-ò heka rekexiijerenyke aðbo òbitirele heka rikiwinynyrenyke; rikiwiurònyrenyðtyhy heka Deuxu rarybereriki, tuu. Deuxuruðhyyle rikiwinynyrenyke. Inatyhyna loosòna-ki heka rakatxirenyke. Ibutumy heka rikiwinynyrenyke ibutu itxerena òbitim̄y wahe. Inyboho rit̄ynymyh̄yre Rybe t̄myra wihik̄y. Inyð-ribi riwòm̄y roimyh̄ykeki tahe kia rityhynyðmyh̄yrele tuu ritidim̄y roike. ⁴Kiakeki tahe Satanasi iitxered̄ȳ-ò riijònyreri loosònamy robike lau. Deuxu binad̄ȳna rare. Ibinad̄ȳdu wesemy ratxireri. Kaa loosòna-ò iny riitxered̄ȳnyhyymyh̄yre aðma Rybewihik̄y t̄myra-ò. Rarybemyh̄yre dori Kristu heka Deuxu yrubule rare. ⁵Iximy aðkõ rarybemahãreny. Inynyr̄y Jesuisi Kristulemy heka rarybemahãreny. Inyboho heka deòdumy inyboho ratximyh̄yreny adeereny. Jesuisi òraru-ki kia rewinyahãreny. ⁶Juhuu Deuxu rarybere: —Bedeluru-ribi heka loosòna doosòm̄yh̄yde. Tii heka loosòna-di inyraykyreny ritoosònanymyh̄yre. Tai heka iny Deuxu ersyd̄ȳna inyboho rieryreny. Kristu òs̄ny-ki sohojile tuu roko-birenyke.

⁷Kia heka aðna aðna wiwi inydeereny heka rare. Ihy-na òwy riðre wesemy inyumyreny ratxireri, butxi weselemy wahe. Tai heka Deuxu sohojile irurudire, inyboho aðko irurudire. ⁸Ihãrele heka aðbo iny riwinyke riryòhyymyh̄yre timybo að iny riwinyke heka.

⁹Aðhòk̄y d̄ȳnana heka inydeereny rehemynymyh̄yre tai inyboho ikyhynamy riemyh̄yreny. Inyboho heka bedewodihyy ratximyh̄yreny, tahe tiemy iny raròsònarenidyhy inyboho ratximyh̄yreny. ¹⁰Inyboho heka itxi t̄hòti reahyy inyboho ratximyh̄yreny, Jesuisi rubuna-txi wahe. Kaki tahe iwese Jesuisi raremyh̄y wese heka rakatxirenyke. Tai iny witxira heka tuu robikre kiamy, Jesuisi rirud̄ȳnamy. ¹¹Jesuisi òraru-ki heka brebunahak̄y-ki inyboho roire. Kia wese-ki heka iny Jesuisi runamy robikre inkyreny. ¹²Kia-ki heka iny rubukonanareny inkyreny rare. Tahe iruna akireny

tule ratximyhÿre. ¹³ Kiamy heka Ritidÿÿna roire: —Jiarÿ retyhynre. Taita rarybere: —Kia weselemy roire. Retyhynrynereri tai heka jiarÿboho tule raryberenynereri. ¹⁴ Jesuisi ixixadÿÿdu heka rare. Kaa tule inyboho tule riixixanyrenykre. Rikirònykre heka Deuxuko-txi. Kaiboho tule boibenyke wawanareny. ¹⁵ Jiarÿ wawanareny kia adeereny relere. Tamy Deuxu ruxetòena sòwetyhymy ramyhÿre-wana heka riwahinymyhÿre iratyre sòwetyhymy tamy deàlàna riwahinymyhÿre. Kia heka Deuxu wowodyna-ò tuu ratximyhÿre. Bedewoòmý.

¹⁶ Iny bedewonaòhyre heka. Iny umyreny retybynyre. Txuò txuòlemy heka ratÿmyranke inywo-ki. Tiie heka aòbo rierynyre inatyhy wahe. ¹⁷ Iny bededÿÿnanareny heka urihimýòle roimyhÿre. Iny wowodynarenyki heka aòhòkÿmy dÿÿnana inyboho ritarenyke inydireny retehemyhÿre. Retyhenyreny wowodyna-ò awityhyre inyboho idi retehemyhÿre iny idi retehòmyhÿredi. ¹⁸ Aòbo iny tuu robimyhÿre bede bedemy tuu iny robimyhÿre ibutummy idi reamy. Aòbo iny tuu robiòmýhÿre heka tiu itueòtyhy. Kia-di tahe inyboho ròhòtinymyhÿre.

5 Inyummy tÿmyrahakÿ heka inydeereny kidiwahinykre Deuxu, iwitxira biu bede-ki wahe. Aò hàbu wahisidÿÿna-ki aòkò Deuxu-di wahisidÿÿna-ki heka tuukre kia umy tÿmyra wahe. Tiu heka itueòtyhy. Rakabedeworenkyre heka bede-ki iny telesòreny-ki rasÿnyreki inywo-ki wahe. ³ Inyboho heka biubede-ki insÿreny inyumytÿmyra-ki ròkòhòtinymyhÿrenyke. Kaa iny umyreny wahe. Rabedewomýhÿreny. Umy tÿmyraò heka rikitarenykemy inyboho ratximyhÿreny. ⁴ Aòherekibo inyboho wiji rabedeworenre? Inyboho heka Deuxu bedewihikÿ-ò aròirenykekò aòbo? Inyreny rikitarenykemy aòkò wiji. Kaki aòhòkÿmy dÿÿnana riwawobededÿÿnyra. Kia aòbo umy tÿmyra tyre tahe rikirutyrenyke ijò wahe. Ijò rikitarenykre umytuedeònaò. Tiu itueòtyhy. Kia riwinyre inydeereny kia wahe. ⁵ Deuxu dori tuu rarybereri inydee riwahinykremy. Tatytybytyhy dori diwahinyde diteòsinyde. ⁶ Kia iwese juhúu rarybere wese heka tuu rotÿÿnykre. Tai heka inyboho teysamy ratximyhÿreny. Kabede-ki inyboho ratximyhÿre heka inyumyreny ratximyhÿre heka aò Inynyrÿ-wana aòkò ratximyhÿre. ⁷ Tiu heka rokobirenyòtyhy rikityhynyrenykekile ka idi rakatxirenykre. Inyboho rieryreny timybo rarekre wahe. ⁸ Jiarÿ wadee awire kabede-ribi arexítake Deuxu-wana arasÿnyke wahe. ⁹ Aòma tamydeewimy heka tuu iny riwinyke wahe iny-wana rasÿnyke. Kaki iny ratximyhÿre tahe aòbo awire heka tamy awire. ¹⁰ Inydireny retehemyhÿre. Aòbo inyboho riwinymyhÿreny. Aòbina bina rikiwinyrenyke heka aòhòkÿmy dÿÿnana inydeereny riwahinykre. Aòwihikÿ riki rikiwinyrenykre wana tasÿ. Aòbo awityhy inydeereny kidiwahinykre.

¹¹ Inynyrÿ heka inyboho rityhynymyhÿre. Tai inyboho iny witxira-ò tuu sòwemy relyymyhÿreny. Ibutummy heka Deuxu iny rierymyhÿreny. Kaiboho heka tule tiwaerymahàtenyete. ¹² Kia heka reraòmý watximyhÿrenyre biwaerybenyke. Ararybeòtyhy heka adeereny jiarÿ awiremy. Tahe wadee ka awire kaiboho walu-

urenyke. Hàbu iumyle awimy rÿirerimy ihÿremy idi ròhòtinymyhÿre. Tii heka òbiti aòkò rare. Kia biwýònybenykemy adireny watxireri. ¹³ Juhúu iny rieryremy itelesò. Inymyreny rarybekeki itxÿtemy inyboho roiremy. Rakaryberenyke heka aòbo inyboho dori Deuxu dee. Aòmysÿdÿÿrenymyhÿreki inydireny ròhòtinymyhÿre. Inymyreny rarybekeki inyboho awilerenyremy. Iòrarureny-ki tuu rakatxirenyke. ¹⁴ Kristu luuna heka kiamy iny riraykydÿÿnymyhÿre. Tii heka rurure iny ibutudee. Tii rurureu, ibutummy inyderòwrenymy rurure. ¹⁵ Rurure heka aòma iny ixidee sohojile irumy rareke lau. Kia tako-ò rakreu tamy heka irumy rakre. Tamy dori rurure tai rexixare rubu-ribi. ¹⁶ Rakaraykynyrenyke timybo hàbu awiré, ibinaré. Kaimy heka rakaraykynyrenyke. Aò iwese iny witxira raraykynymyhÿre wese aòkò raraykynyrenyke. Aòma inyboho aòbo Jesuisi Kristu-di raraykynymyhÿre heka. Ixityre aòbo tuukre. ¹⁷ Tii heka umy tÿmyra tuedeòna-di ratximyhÿre iwitxira ratximyhÿre. Juhu iaòmydÿÿnana iribi ixàwira. Tahe wiji raraykywodynanyre iwitxiramy. Ibutummy iaòna aòna ihetxiu heka rawitxiranre, awi-ò.

¹⁸ Deuxu heka ibutummy kia riwinyre tamy. Inyboho heka òludu roire, juhúu wahe. Wiji tahe iliinamy ijoi ratximyhÿre. Iny witxira heka iliinamy rarekemy idi watxiwàhàre. ¹⁹ Wiji tahe timybo Kristu rarybekremy heka adeereny rarybereri. Aòma Deuxu kia liinamy rarekemy wahe. Ixinamy Deuxu. Ka Deuxu aò anaumywitxiranydenyke. Kia Kristu òraru-ki tuu ratximyhÿre.

²⁰ Jiarÿboho Deuxu deòdu roire. Tai Kristu deròwmy adeereny rarybereri: Iluuna ixidee ixyby bimýbenyke. Wii biwowixinybenyke. ²¹ Deuxu heka iny òraruna ritidire Kristu tyre-ò. Kristu inyòrarunareny riwre. Wiji tahe Deuxu òbitina inydeereny riwahinymyhÿre.

6 Jiarÿboho tahe raaòmysÿdÿÿnyrenyke Deuxu dee. Deuxu ruxetòena dori tetatenyete, tai idi mòhòtinybenyke, òhòtirenry-ribi losaòmykemy. ² Boholabenyke aòmýbo Deuxu rarybereriò. Jiarÿ heka aluurenyre iurenana tahe ka arybe-ò raholareri. Arawiòhenarenyre iu wadee textitòenyteu, wadee taryteu. Boholake wiji heka bitabenyke Deuxu ruxetòena. Wiji heka biu-ò hena txummy bede rÿire. ³ Inyò iny aòmysÿdÿÿnarenymy ibinamy rarybekeki, uritere ijò iny bedeworenýòmý, jiarÿboho òraru-ki. ⁴ Jiarÿboho dori Deuxu deòdutyhy roire. Tai rikiteòsinyrenyke ibutummy aòbo inyboho dori Deuxu deòdu roire. Tai riteòsinyke ibutummy aòbo iny riwinymyhÿre. Aòna aòna rikiteòsinyrenyke. Òhòte wakireny rÿimyhÿre. Ròtenawo-ò ralòmýhÿreny. Bedeweweky-ki aòhòkÿmy ratÿÿnymyhÿre. Sòwemy heka reòludunyre aònana bina binahakÿ reòludunyre. Aò òta òta reòludunyre. Sòwemy heka raaòmysÿdÿÿnynihikÿreny. Sòwemy heka aòmysÿdÿÿnadikre; tÿikò bede reijereny; byreòmý bede reijereny; ⁶ òbitimý heka rewinyreny. Aòma, ywiny-di ròwidÿÿrenyre bedeeny-na-di. Ka roirewàhà iny iwitxira rewiohenanyre. Ibutummy kia rewiohenany roirewàhà. Deuxu Tyytybytyhy heka wawanahy roiremyhÿ. Luuna heka inydee reteòsinyrenyre Inatyhyna rybe heka

retÿnynmahäreny. Söwe heka ritÿnynomy, jiarÿboho Deuxu deòdu roire wahe. ⁷ Òbitina dori wadebònareny wese rare Satanasi itxemy. Jiarÿboho heka remymahäreny aritarenykemy. Tule iny rexiijemyhÿre òbitina-di. ⁸ Ijõ heka waluurenyre inyõ tasÿ aõbina binahakÿle wadee riwinymyhÿre. Ijõ heka Rybewihikÿmy wadee raryberemyhÿre. Ijõ tasÿ rybe binamy wamyre, raujõmo. Inatyhyna rarybemyhÿre. Tai wamy ruidu riwaninimyhÿreny. ⁹ Ibutumy heka iny riwayreny. Tahe rieryõhymy heka inatyhy rare. Watxiwähäreny rubu wese ihäre tahe warumy watxiwähäreny. Tiiboho heka rubu wesemy inydireny ratximyhÿreny. Aõhõkÿmy ratÿÿnyreny häre raruõhyulemy watximyhÿreny. ¹⁰ Aõna aõna heka bedewonihikÿmy rõhõnyre. Tiiemy wadeesahyy watxiwähäreny. Jiarÿboho heka urimynodule watxiwähäreny. Ibutumy inyboho rityhydÿÿnyreny. Aõhomy aõkõ inyboho ratximyhyreny tahe ibutumy inydire roimyhÿreny.

¹¹ Tahe kaiboho ityhydÿÿdu seriõre mahädu Oritxi häwä-ki. Jiarÿboho heka kaa òbiti-my aõna aõnamy rarybemyhÿre. Kaiboho heka ijohona derareny aõmybo rarybemyhÿreny. Jiarÿboho heka aluurenyre. ¹³ Kai wariõre wesemy adee rarybereri. Umy iwese jiarÿ aluure wese, kai waluurenyre.

¹⁴ Boholabenyke warybereny-ò ityhydÿÿdukõdu mahädu-wana aõmysÿdÿÿrenyõke. Timybo òbitinaõ heka aõbinaõ-wana raaõmysÿdÿÿke. Timybo heka loosõna bedeluru-wana ratxike? Aõkõre! Tiu wiwana rauriõtyhy. ¹⁵ Satanasi heka Kristu-wana raaõmysÿdÿÿnanyõtyhy. Itydyÿdu mahädu wiwesehyule raraykynkemy rÿira. Ityhydÿÿdukõdu mahädu-wana tahe wiraykyweseke aõkõre. ¹⁶ Deuxu aõmysÿdÿÿna heka iwitxi rare, suritxoo aõmydÿÿnana-ribi, wahe. Kaiboho heka Deuxu dohodÿÿna ijoimy toite Deuxu oworeny-ki ratximyhÿre. Deuxule heka kawesemy rarybere: —Jiarÿ heka wasÿ ariwinykre ayreny-ki. Jiarÿ iDeuxumy aronykre tiiboho waijoimy. Rorokurenykre. Tai tahe Inynyrÿ rarybere wiribi bihitxinyke. Inybinaribi bexihitxinybenyke.

¹⁷ Bexiebenyke òbitikõre-ribi wahe. Uritere tamy adireny raxihumy, ixierya aramyrenykre ixidee wariõre wese.

¹⁸ Warurutyhymy adee rarybere. Boomy heka adireny ararekre, jiarÿle wahe. Deuxu rurutere rare Jiarÿ.

7 Deuxu ibutumy tuu rarybere: —Kai ityhydÿÿdu waseriõre mahädu. Tai tahe rikexiòbitinyke ibutu aõmydÿÿnana-ribi. Iny umyreny-ki rokobirenyke inyumyreny-ki. Òbitimy heka rakatxirenyke iko-ò, Deuxuko-ò. Aõma waluumy heka atximahäbenykeny rahõtynwähäreny. Iny-ò aõ bina bina rewinyõhywähäreny. ³ Tuhe kaa rarybere tahe ixityre anarybekre. Aluurenyre jiarÿboho ibutuhyye ratximyhÿre iny rummy ratximyhÿre häre tasÿ rukururenykre tulekre. ⁴ Wadee heka awire ibutumy kaiboho ratximyhÿreny. Kai aõwitxira witxira wadeereny rÿira umy retyhynyre-ki. Isirare heka wadee kia ratximyhÿhärele Wadeesatyhymy heka watxiwähäre, wiõhedÿÿtyhy òraru-ki, ijy òraru-ki.

⁵ Jiarÿboho retehemynyre Macedonia bede. Taita tule elehynaõhyre wadereny. Ibutumy heka aõna aõna, òta òta witxira witxira; bede bede ihymy aõkõre rÿire tai. Aõma bedewonihikÿ heka watelesõreny-ò ralore.

⁶ Deuxu riwawiõhenanyreny; Txitu diteõnyde wadeereny. Tii rybereny heka awiremy kaiboho. Tai tahe reysareny jiarÿboho. Kaiboho tabedewomy atxitenyteri waõraru-ki. Katahe wadeysa nihikÿmy watxireri. ⁸ Adeereny warybetyyriti rewahinyreki tabedewomy atxiteny. Tai tahe reysamy watxireri. Ihärele heka tyriti adeereny arawahinykre. Kaiboho heka tabedewotenyte iribi tahe aõmydÿÿna kaiboho tewitxiranyteny teòbitinytenyte ibutumy. ⁹ Tai tahe jiarÿ reysamy watxireri. Aõbinare dori rewinykõre arawiõhenanyreny heka. ¹⁰ Deuxu heka iny ribedeòtidÿÿnymyhÿre iny ywimy riraykydÿÿnykemy. Kia kidiwymyhÿke inydee tarasana wahe. Tii heka awire. Ijõ bedeòtiidÿÿ tahe bede ludu bede òtiidÿÿ. Kia tahe rubu diwymyhÿde. Kaiboho heka tabedeòtiidÿÿnymyhÿteny. Deuxu heka kia riwinyre awiõhedÿÿnyamy aõma kaiboho awirenyre. Aõ witxira witxira söwemy akireny rÿireri, aõ òta òtareny. Kiadile tahe aõma òbitihymy òhò ayreny-ribi kaiboho heka taykarananyteny. Kaiboho heka waluudumy teletenyte. Kaiboho biwinybenykeny aõbo òbitimy ratximyhÿre iwidyÿmy tarotenyte. Ibutumy heka òbitihymy rarekemy idi teteheteny. ¹² Tai kia tyriti adeereny rewahinyre. Aõ kia rewinyre heka aõ iny iòrarudikekile aõkõre rewinyre. Idi aretehekemy heka. Kaiboho waluurenytyhyre aõbo òraru-ki wahe. ¹³ Tai heka wadeesamy watxiwähäre. Aõ inyboho sohojile aõkõre teysa ratximyhÿreny. Txitu tule teysamy ihÿmyhÿre, kaiboho tawiõhenanyteki ¹⁴ Tu heka rarybere adeereny kaiboho dori awimy tai tahatenyta awityhy. Adeereny heka inatyhyhy rarybemahäreny, inatyhynamy. Tule mobo rarybere Txitu-ò. Ka tahe inatyhy rarybemy ratximyhÿre. ¹⁵ Tai heka Txitu kia luuna heka aõnityhymy akireny rare. Itxi heka tõhõti akireny aõma Deuxu tetyhynmahäte-txi. Kaiboho tedytenyteki. Ihärele urihimyo ruberumy ratximyhÿ. ¹⁶ Reerymahäre jiarÿ kaiboho òbitimy boibekre. Tai wadeesamy watxireri.

8 Deuxu ruxetõena-ki heka söwemy riwinyre Macedonia dohodÿÿna mahäduy-ki wahe. Jiarÿ tuu arelykemy idi watxireri waseriõreboho. ² Söwemy heka iaõna aõnareny iaõòtaòtareny tiiboho. Aõhõkÿmy rotÿÿnyreri tiiboho. Ihärele ka deysamy heka relereny. Reysareny heka. Tiiboho heka iaõkõreny. Aõhohomy aõkõ heka roiremyhÿ. Kiahärele heka söwemy riwahinyre tamahädu wiõhedÿÿmy. ³ Riwahinyre heka söwemy ixideewimy. Söwemy riwahinykelemy wadee rarybere. Tiiboho heka söwemy wiõhedÿÿmy rurumy roiremyhÿ. Tai inyboho ribedeòtineny söwereki. Kia judea bede, dohodÿÿna mahädu, kia wiõhedÿÿmy. Juhu heka tiiboho rexiwahinyreny Inynyrÿreny-ò. Tule Deuxu deewina inydee riwahinyre. Iny wiõhedÿÿnarenymy rexiwahinyre. ⁶ Tai tahe jiarÿ rarybereri Txitu-ò: —Kai biwiõhenanykeny iaõmy-

dÿñnareny-ò. ⁷ Kaiboho heka sówemy tetyhynyteri. Kai-boho heka Deuxumy awimy tarybemyhÿtenyete. Kaiboho heka teerytenyete Deuxu aómydÿñnana. Kiaboho heka waluureny waluuurenymy boibeke wawiòhedÿÿdureny. Biwawiòhenanybenyke. Tai heka sówemy bexiòlòdÿÿnybenyke adireny watxireri. ⁸ Aó bede ywinaó heka adeereny rewahinyòhyreri. Arierykemy heka idi watxireri timybo aluuna ratximyhÿremy. Tii riteòsiny heka timybo ijò dowiòhedÿÿmyhÿdemy. Tai tahe iwese tii rotÿÿnyre wese kaiboho tule botÿÿnykre. ⁹ Deuxu ruxetòena teerytenyete, Jesuisi Kristu ruxetòena wahe. Tii heka ityhy rare. Tii rikòdÿÿnyre heka aórarureny-ki. ¹⁰ Taihyky tetyhynytenyete Deuxu aómydÿñnana-di. Kiamy heka raraykynyteri. Arawiòhenanykemy heka adireny rahòtynyre kanau bedeu. Tewiòhenanytenyete inatyhymy. Tai tahe bikonananybenyke kia kanau bedeu tewinytenyete heka bikonananybenyke. ¹¹ Aóma ireiòno, uriòno biwahinybenykeki, Deuxu heka rimyke. Kia-di ròhòtynyke. ¹² Kia uriònomy idi teywinymy atxiteri-di ròhòtynyke. Tamy wahidÿÿmy aókhÿykeki tahe Deuxu aóma raraykynyòtyhy. ¹³ Jiarÿ heka isiramy adee ariwinyòtyhy aó. Kaiboho heka sówemy kaa wiji toite, Tai tawowi-di inyò ròðkeki, taaònasòwe myna Deuxu-ò riwahinykre. Iaókhòkeki tai ibinamy Deuxu rahaótyhy. Tai biwawiòhenanybenyke heka ihoómy rÿira mahádu. Jiarÿ heka aó retòenyteri aókhò rare, biwahinybenyke-my. Kai ihoómy atxikeki tahe, tule inywitxira anaw-iòhenanykre. Taita wiwanale wiwesehyyle ròhònykre. ¹⁵ Kiamy heka Tyryiti-ki Ritidÿÿna roire: —Hábuò heka sówemy ributunyre. Tahe aóhe rauhenyòhyre tamy kaa ibutuna-ribi wahe. Ijò tahe ibutelemy ributunyre hábuò wahe. Tiile heka aó tamy rasiranyòhyre.

¹⁶ Txitu awiòhedÿÿrenymy rurumyhÿre iwese awiòhedÿÿrenymy rurumyhÿre wesele wahe. Deuxumy reàlære tai, Deuxu dori tuu rotÿÿnyre. ¹⁷ Taita ixinamy arorarenymy rehemynykre. ¹⁸ Riwiòhenanyrenyteri iwitxira seriòreò. Ibutumy dohodÿÿna mahádu-ribi tii rityhynymyhÿre aóma Rybewihikÿ-di ritÿÿnymyhÿre awimy. ¹⁹ Dohodÿÿna mahádu rihitxinyre wawana kanakemy. Ibutumy Inynyrÿ loosòna heka tuu ratximyhÿre. Tule riteòsinyrehÿre ibutumy iny riki-wiòhenanyrehÿrenyke. Tai heka inyseriòrereny reteònyrenyteri ityhydÿÿdu mahádu. ²⁰ Tai inyò kaa nierumy inyò rarybeòtyhy. ²¹ Òbityhylemy riki-winyrenyke ibuturu-ò. ²² Ijò tii-wana rake. Reurihirenyre heka tii wiòhedÿÿmy rakeò, tai heka tii wiòhedÿÿmy ratxireri. ²³ Txitu heka waliina rare; wawana raaómysÿdÿÿnymyhÿre heka rare. Jiarÿboho heka awiòhedÿÿrenymy rarumahÿrenyete. Ijò seriòrerenyò nade dohodÿÿna-ò wiòhedÿÿmy. Tai kaiboho wowydyna tamy biwahinybenyke. ²⁴ Tai tahe dohodÿÿna mahádu kaki rierykre. Tai rityhynyrenykre aómybo umyreny rarybere. Tule wiluumy atxiteri.

9 Reerywáhãre jiarÿ wiòhedÿÿmy tarumahãtenyete Judeia bede-ki. Tahe kiamy aó aókhò ariritynykre. ² Reerywáhãre timybo akireny rare. Jiarÿboho heka awimy raryberenyre umyreny Macedonia háwã mahádu-ò. Myheka rarybere: —Akaia bede seriòre mahádu

wiòhedÿÿmy rexiywinymy ratximahãrenyete kau beòrau. Tai tiiboho rexideysananyrenyete. ³ Tai heka kaa seriòre mahádu reteònyteri. Tai heka awikre bi-wiòhenanybenykre dori. Kiamy iwese rarybereri heka inatyhy rare. ⁴ Araixÿrukre heka jiarÿ aóma bexiywinybenyòlemy wiòhedÿÿna-ò atxibenykre-wana. Tule kaiboho maixÿrubenyke. ⁵ Tai heka inyseriòrereny reteònyre akorenymy. Tahe iu arehemynykre, bexiywinybenyke. Biwahinybenyke wiòhedÿÿmy atxitenyteri ixideewimy. Aó jiarÿ adeereny rexitòenyteri aókhò wiòhedÿÿmy.

⁶ Kia hábu ibutemy ròbòromyhÿre heka ibutelemy tamy aóna aóna ruhunykre. Kia hábu sówemy ri-brònymyhÿre tahe tamy sÿ sówemy aóna aóna ruhunymyhÿre tamy riwahinykre bederaty aómydÿñnana. ⁷ Tai heka iny sohoji sohoji ixideewimy tiwesebo riwahinyrehÿre. Riwahinyòke tahe aó tuu rurukòreri urenana tuu ratxike. Deuxu dee riwahinyrehÿre mahádu deysana-di riwahinyrehÿre kaa iny mahádu Deuxu tuure. ⁸ Deuxu heka riwahinyrehÿre sówemy aómybo tarumahãte kaa inydeereny iratyre. Ibutumy aómybo tarumahãte heka tule iny witxira bi-wiòhenanybenyke. ⁹ Kiamy Ritidÿÿna-ki roire: —Tii tawowi-di iaókhò mahádu-ò. Ròwahimyhÿre. Kia tahe iinydee wobrona tiemy rosaómy rarekre. Deuxu heka riwahinyrehÿre tibo alòbòròdu-ò. ¹⁰ Inydee riwahinyrehÿre paó iny rirÿsÿke. Tahe tule sohoji sohoji òwòrutymy rurumyhÿre heka tamy riwahinyrehÿre. Kia ribòrònymyhÿre tahe Deuxule ritxuhudÿÿmyrehÿre. Tahe sówemy bitakre Deuxu-ribi. ¹¹ Kia rimymyhÿre mahádu tahe Deuxumy reàlãmehÿre. Kia tewinymahãte heka Deuxudeewimy tewiòhenanyrehÿre. Deuxu heka sówemy rimymyhÿre eàlànareny iòraru-ki. ¹² Kaiboho heka Deuxu mahádu teriwiòhenanytenyete. Kia sohojile aókhò. Tule aóraru-ki tiiboho Deuxu-ò wowydyna sówemy riwahinyrenyke. ¹³ Kaiboho Rybewihikÿ tÿmyra tetyhynytenyteri, Kaa ibutumy rierymyrehÿre kaiboho dori uriòno tewiòhenanytenyete, tai iny wowydyna Deuxu-ò riwahinykre. ¹⁴ Adee rexitòenykre aluumy heka relekre Deuxu adee ruxetòena riwahinyreki. ¹⁵ Deuxu-ò wowydyna iny-ribi kanakemy heka idi watxireri. Wahidÿÿna wihikÿ dori Deuxu inydeereny riwawahinyre.

10 Jiarÿ Paulo heka aómybo adeereny arexitòenykre. Aóherekibo tamy tarabemahãtenyete awanareny watxiwáhãu urihimyhÿre watyhina watxirerimy wamy tarybemahãtenyete. Jiarÿ heka awana rybetere-di rarybeòmahãre awanareny watxireri wana. Tiu rareu, taheka ròritidÿÿre rybetere-di wahe. ² Ròhòtynywáhãre. Rexitòenyteri. Awi heka rare. Ywina-di iny risÿnymyhÿre. Inyò wamyreny ibinamy rarybekeki tahe tule ararybeke heka. ³ Inatyhymy kabede-ki inyboho rasÿnymyhÿrenyete. Rakaaòbi-nanykeki, inyumyreny aóbinana wesemy rare. Tebònadirenyre. ⁴ Tebònadirenyre. Aó kabedemy iny rÿira kaa debòna wese aókhò kÿny. Deuxu debòna heka rÿira irurule heka rare. ⁵ Inyò aóbinamy Deuxumy rarybe-

myhÿkeki, tai tahe kia wadebònareny remymy re-sewähärenyre kia ixāwididÿñamy wahe. Ibutumy Deuxu òludumy ratximyhÿre heka remywähärenyre Deuxu rierykemy Kristu rityhynkemy wahe. Kaiboho heka ibutumy tetyhynmahätenyete. ⁶ Kaiboho biaty-benykeki, tahe, rexihuhyymy rÿimyhÿre aòhòkÿmy dÿñana-ò. ⁷ Kaiboho heka tetehemahätenyete aóna aóna-ò ahana-ribi wesele wahe. Inyòrarakynykeki ratximyhÿreny ixinamy tuu raraykynyke. Jiarÿboho heka tule Kristu mahādu hōrō iny ratxirenryeri. ⁸ Deuxu heka ruruō wadee diwahinyde arawiòhenanykemy tai raixruòmyhÿre. Tai heka abrebudÿÿrenymy aòbo kariti rewinyre. Urile tahe aumydÿÿreny adireny rewisÿnywähäre aò bede arāatyremy aòkō. ¹⁰ Ityriti rybetere heka ribrebudÿÿ tahe rehemynyreu heka tii aòkō rybetere-di rarybemyhÿre. Awityhymy aòkō rarybemyhÿre riritinyreu. Iwese ròritidÿÿre wesemy aòkō rarybere. Iu adehemynykreu tahe, iwese ròritidÿÿre wesele heka anarybekre. ¹² Iny tai ratximyhÿre heka sòwemy ixidi rōhòtinymyhÿre tii awiremy. Kia tahe watximyhÿreny kia raryberenyòtyhy. Tii dori raitxÿtemy ratximyhÿ. ¹³ Aòmy iximy rarybemyhÿre dori tii awimy iximy rarybemyhÿre heka urile tuu raraykynymyhÿ. Timybo Deuxu inydee raryberele rikiraòmyhÿke. Kiawesele inydeereny awire. ¹⁴ Iaòmysÿdÿÿna heka timybo rikiwinyrenykele iny riijemyhÿreny. Juhu heka Rybe tÿmyra wihikÿ heka adeereny adiwkemy idi watxiwähäre. Rewyreny heka juhū Rybe tÿmyra wihikÿ adeereny rewyre. Tai heka tuu raryberenyòhyymahärenyre timybo iny witxira aòmysÿdÿÿna riwinymyhÿreny. ¹⁵ Kaiboho heka aityhydÿÿnareny raumynykre. Tii heka wadeereny awire. Jiarÿboho heka aòmysÿdÿÿna wihikÿ sòwemy ariwinynyrenykele watxirenryeri ayreny-ki, Deuxudeewireki. ¹⁶ Idi tahe aròirenykre rybe-di aritÿnynyrenykre iòbede-ò, Rybe tÿmyra wihikÿ-di wahe. Aòmy ararybeòtyhy aaòmysÿdÿÿnareny iwitxira rewinyremy. Kiamy heka Ritidÿÿna-ki roire: ¹⁷ —Urile tuu rybe rÿike Inynrÿy timybo riwinyrelemy. ¹⁸ Iny ixidi rōhòtinymyhÿre tii awireny. Tahe awi aòkō rare Deuxu-ò. Deuxu tahe awimy tai rahamyhÿre tii idile rōhòtinymyhÿreki.

11 Jiarÿ òsana urihimyo raitxÿtemahäreny kaiboho wawana tòiterimy ixi-di atxitenyteri. Ihärele taheka urihimyo reòludunymahäre. Jiarÿ heka okorennyre iwese Deuxu ratximyhÿre wesele. ² Ywimy atximahäbeny adireny watxireri. Kaiboho iwese ijadòma häbumy roikre wese toite. Häbu heka Kristu rare. ³ Jiarÿboho raberuwähärenyre kaiboho Kristu-wana atximahäbenyke lau wahe. Iwese Eva hemylala riitxenanyre wese wahe. ⁴ Inyò kanakeki rōhāletedÿÿmy Jesuisi witxiramy. Tahe kaiboho bityhynybenykekile jiarÿ heka raberumahäre. ⁵ Ijō dori ritÿnynymyhÿre iwese inyboho ritÿnynymyhÿrenyre wese aòkō iwitxiramy. ⁶ Kaiboho heka tahòtinymahätenyete tÿnydÿÿdu wihikÿmy inykireny ratximyhÿre. Tahe awiremy idi tahòtinymahätenyete. Tai iwesele inyboho roire awi heka roire. ⁷ Tahe iwese tii awityhymy rarybemyhÿre wesemy aòkō inyboho rarybemyhÿreny. Tahe iny ri-

erymyhÿrenyre inyraykyreny-ki. Sòwemy heka tuu adeereny rarybemahärenyre. Iu jiarÿ rybe ritÿnynymy akireny rarewähäu, kiau heka adeereny rexitòenyòhyre iòwydÿÿmy. Iyjamy heka ixidee reijenyrenyre kaiboho bexiòlònybenykele. Teòsare òsana iwese rewinyre wese. ⁸ Ijō dohodÿÿna mahāduò heka riwaòwinyre adeereny aritÿnynyrenykele. Iwese iribi rawasinyre wesemy heka rahòtynyre. ⁹ Iu akireny rybe-di tÿnydÿÿmy rarewähäu tiu rexitòenyòhyre adeereny biwawiòhenanykemy. Macedonia häwā-ribi dori ityhydÿÿdu, mahādu seriòreò aòmybo raruwähäre wadee diwyde. Tiu heka aò aribireny aritaòtyhy. Tuu rarehyy wese heka wiji rarekre. ¹⁰ Kristu inatyhynamy wadee rarybereri kia wese tule ararybekre ibutumy Akaia häwā häwā-ki. ¹¹ Jiarÿ heka aluunihikÿreny. Taile heka tuu rarybewähäre Deuxule rieryre. ¹² Kia rybe tÿnydÿÿdu heka iwese rewinywähärenyre wesele rōwidÿÿmyhÿre. Kia heka rewinywähäreny heka kia rarybereri heka aò wiribi lahitxi aòkōmy rarybereri. ¹³ Kahābu heka inatyhy Deuxu deòdÿÿna aòkō ratximyhÿre. Ruile heka iaòmysÿdÿÿna-ki rōhòtinymyhÿre. Rexitÿnynyreny Kristu deòdÿÿna mahādu-ò. ¹⁴ Tahe aòkōre heka Satanasi tule rexiwitxiranymyhÿre. Ýju wesemy tii rexideòsinymyhÿre. Kia häbu teòdu rare. Tai heka irehemy iribi rexiijaranyre òbiti deòdu mahādu ratxireriki wahe. ¹⁵ Urile tuu iny idi rōhòtinynykelemy heka tuu ratxirerimy ihÿre. Tahe aòkōre. Ikonanau tahe aòhòkÿmy dÿñana ritarenykre aòbo riwinymyhÿre òraru-ki.

¹⁶ Ixityre tuu ararybekre. Inyò raykÿkōmy jiarÿ itxÿte raremy. Ararybekre heka waaòmysÿdÿÿnanarenymy. ¹⁷ Teramy ijirarennyòmyke aòmybo ararybekre. Deuxu dori tuu arybedÿÿ-ò riwaijònymy, tai heka rarybere itxÿte wesele watximahäreny. ¹⁸ Kaiboho heka taholamahätenyete itxÿte mahādu-ò. Katahe bodoholabedenykre aòmybo ararybekre. ¹⁹ Inyò kedehemynykeki kaa biwinybenykre. Tahe tewinymahätenyete aóna aónamy aòkō wahe. ²⁰ Inyò araitxenanyrenykeki uritere aòmysÿdÿÿrennyòmy tamy. Jiarÿ heka ariwinyòtyhy tuu, wadee awiòre. ²¹ Ijō rarybemyhÿre inyò. Tule jiarÿ ararybekre. Itxÿte wesemy ratximyhÿremy. ²² Tii heka Hebreu mahādumy tii rexininire. Jiarÿ tule kia tuu rare. Ijaò mahādumy heka tiiboho rexininirenyre. Jiarÿ tule. Abraò riokoremy rarybemyhÿre. Jiarÿ tuleri. ²³ Kristu deòdumy heka tii rexininimyhÿre. Rarybemahäre itxÿte wesemy. Jiarÿ heka iratyre deòduwimy watxiwähäre. Jiarÿ raaòmysÿdÿÿ nihikÿre. Ròtenawo-ò riwarutyrenyre iratyre. Riwayatenyrenyre iratyre. Arurure inihe iratyre. ²⁴ Judeu mahādu heka 39 hetenamy wamy raòhòtere iruyre sòwemy wahe. ²⁵ Roma mahādu tasÿ inataòmy riwayatenyre. Sohoji ta mana-di watyre rihure. Ijòtxu heka häwoninihikÿ heka riorore. Aòutxu heka bera-ki räire ruu ibutumy txuu tule ibutumy rehure. ²⁶ Ibutumy reamy rarewähä aòma wasidu bede aòmysÿdÿÿnanamy bera-ki tule arurure inihe. Judeu mahādu warubudÿÿmy wadi riwisÿnyre. Tule judeukòdu mahādu tulere. Häwähäkÿ-ki rebunatyhymy watxiwähä, bede rahy-ki tule, ahohokÿ-ki tule.

Waliinaõ inatyhy aõkõ tai ihÿmyhÿ. Tai heka riwaitxennanyrenyre. ²⁷ Aõmysÿdÿÿ nihikÿ tai. Tÿikõhyky heka bedede rejemy rarewãhã. Rama riwasare; bemy rarowãhãre. Timy heka tÿinatykyõ ihoõhykyre sõwemy wahe. ²⁸ Tai tahe rahõtinyre ibutu dohodÿÿna mahãdu-di. ²⁹ Urihimyõle taruru-di ratxireri wana jiarÿ tule iheki waruruhohomy aõkõ relemahãre. ³⁰ Inyõ raõrarunymyhyre wana jiarÿ rabadewowãhãre iõraru-ki. Jiarÿ rexideõsinywãhãre waaõkõre urityhywãhãre. ³¹ Deuxu Jesuisi Kristu tyby dori riwaerymyhÿre aõu aõu heka iny rakanihikÿnykre. ³² Iu Damasu hãwã-ki rarewãhãu, Iòlò Areta bedede dinodu heka riwamymy riwateõnyre. riwamykemy hãwãhakÿry ijò-ò. ³³ Weriri nihikÿwomy riwawòmmy riwatidire, Walina mahãdu. Tahe heto raro-ribi riwaatyre hãwã ahana-ò. Tai tahe rahenyre iribi.

12 Jiarÿ heka ararybekemy watzireri. Aõ aõkõ rarehãrele heka ararybekemy watzireri. Wiõhedÿÿna aõkõ heka rare. Wanyrÿ wadee riwahinyre aõna aõnamy heka rabire rasina wese jiarÿ sohojile wahe. Kiamy heka arelykyre wiji. ² Tahe 14 beõramy heka Deuxu ityhydÿÿduõ ridyre biu-ò tasÿ-ò wahe. Deuxule riermyhÿre inatyhy aõbo rare ada aõkõre aõbo. ⁴ Kahãbu Deuxu-ribi heka rybeõkemy roholare. Tahe rarybeõtyhy. ⁵ Iximy tahe ararybeõkre kia wadeysarehãre. Waaõhõkÿmy dÿÿnanadile areysakre. ⁶ Urile ararybekre timybo releremy. Taile tahe iny tuu rarybekre. Tuheka rabire sõwemy aõwiwihikÿmy. Jiarÿ awiremy iny wamy raraykynyheny. ⁷ Tahe Satanasi aõbinana witzirahakÿbo wadee riwahinyre. Ixidi arõhõtinyõkre. Jiarÿ aõwiwihikÿ jiarÿ raremy wahe. Araraykynyõkemy. ⁸ Inataõmy heka Inynyrÿ-ò rexitõnyre kiamy waribi ritakemy. ⁹ Tii wadee rarybere: —Waruxetõnale heka adee awire. Aõbo kai taaõkõteu heka waruru adee rewahinyre. —Tai tahe jiarÿ reysare, waaõkõre wahe. ¹⁰ Tahe awire, waõkõna, warurukõna, ibutumy wadee awire. Kristu òraru-ki heka tuure. Tiubo ibinamy wamy riwinykre warurukõkre, warurudikre.

¹¹ Rarybere heka hãbu itxÿte wesele heka rarybereri. Kaiboho iõrarureny-ki heka kia wesemy rarybereri. Inatyhymy heka jiarÿ kia rybe tÿnydÿÿdu mahãdu bina ratyre watxiwãhãre. Ayreny-ki rarewãhãu heka teerytenyete. ¹² Aõna aõna wiwihikÿ, deytenu wihikÿ, bedeõtìdÿÿna ayreny-ki rewinyre kia Kristu deòdumy watximyhyreki wahe. ¹³ Rybe tÿnydÿÿ òwyõ heka aribireny retaõhyre.

¹⁴ Ihewoludu txu tahe aroramy arakemy ixidi watzireri. Inataõmy reywinyra aroramy arakemy wahe. Aribi nieruõ aritaõtyhy. Urile arawiõhenanyrenykremy adireny watzireri. Uladu riki heka tyby riyrubunyõtyhy. Tyby tahe uladu riyrubunymyhyre. ¹⁵ Ibutumy idi watzireri heka arahukre arawiõhenanyrenykremy. Adeereny wylemy arihukre. Jiarÿ heka aluurenyre. Kaiboho aõbo tule walurenykre? ¹⁶ Waõraru-ki heka adee isiraõkre heka. Ihãrele tahe inybina wamy rarybemyhyre: —Tii itxenadÿÿdu rare. ¹⁷ Wamahãdu tule aribireny ritaõtyhy ijò.

¹⁸ Txitu reteõnyraiõ ityhydÿÿdu seriõreõ-wana. Tii aõbo aõ aribireny ritare? Aõkõre. Txitu wawesele heka tii rare.

¹⁹ Taõmysÿdÿÿna heka awiõhedÿÿnarenymy rare. Aõ wadi jiarÿ awiremy nohõtirenyõmy tuheka rarybereri adeereny. Deuxu, Kristudeewinamy heka tuu adeereny rarybereri heka. Deuxu kotxi heka adeereny rarybereri awiõhedÿÿnarenymy. ²⁰ Raberumahãre heka arehemynykre, iwitxiramy atxibenybeke lau. Tule wadi iwitxiramy betehebennyke ixiwesenymy aõkõ. Ihãru, adebure. Aõkemy watzireri. Iny aõbina binamy wimy rarybemyhyre. Iny ixidile rõhõtinererimy ihÿre mahãdu. Kia aroholakeki tahe wadee awiõre. Riyrubunymyhyre. Riyrubunyõhyymyhyre. ²¹ Raberuwãhãre heka arahinykre heka akotxireny iõhãru òraru-ki. Aõna aõna witzira witzira òta òtamy rõhõtinyhyre, raraykynymyhyre. Sõwemy heka riwinyre ta ixi-txi tõhõtì reaõhyymyhyre kia riwinyretxi.

13 Tahe ikonana txu roraludu heka jiarÿ rare. Inyõ aõbina binamy wimy rarybemyhyreki waribi ihtixihitximy heka tuu rarybemyhyre. Iny rimymyhyre heka tuu robimymyhyre; tuu rarybemyhyre. Wiweselemy heka tuu rarybekre. ² Iny iõrarudimy rÿikre-wana, ibutumy heka aõhõkÿmy rotÿÿnykre arehemynykre. ³ Aõmy Kristu rybemy heka rarybekre. Tai bierybenykre. Aõmy warurudÿÿdure heka bierybenykre Kristu wahe. ⁴ Kristu heka itxeõ-ki rurure irururenyõ wahe. Jiarÿ warurunarenkõ òraru-ki. Tahe Deuxu ratximyhyre, iruruna-di. Tii-wana heka inyboho heka ratximyhyrenyre iruruõmy. Tai awanarenyle watzireri, tahe tii-wana Deuxu ruruna-wana watzireri. ⁵ Ixi-di heka betehebennyke. Bexiurhibennyke tyhyna-di atxitenyterimy. Jesuisi Kristu awo-ki ratxireri. ⁶ Kia terytenytemy, inatyhy. Tahe jiarÿboho inatyhymy aõna aõna rijierynyre. Kia aõbo teerytenyete. ⁷ Jiarÿboho rexitõnyrenyewãhãrenyre. Òraru-widÿÿrenyõmykemy. Kaiboho aõwiwi biwinybenyke. Kia òbitimy watximyhyrenykeki aõkõ, kiemy òbitimy boibenykemy. ⁸ Aõbo heka inatyhyna wiõhedÿÿnale rikiwinyrenyke. ⁹ Kaiboho arurudimy atxitenyteri-wana heka, jiarÿboho warurudimy watxiwãhãrenyre, kia wadeereny awi rare. Rexitõnymahãrenyre kaiboho òbitimy matxibenybekemy, ywimy ahãbenyke. ¹⁰ Tai heka adeereny ratyritinyreri kiamy. Aribireny irehemy watxiwãhãre taheka arawiõhenanyrenyke. Arehemynykre tahe timy heka aõhõkÿmydÿÿnanamy arõhõtinyõtyhy, kia waaõmysÿdÿÿna rare. Inynyrÿ dori iny wiõhedÿÿnarenymy nade. Iny aõhõkÿmy dÿÿnanamy aõkõ.

¹¹ Arakre tahe waseriõreboho. Idi biwisÿnybenyke ibutumy òbitimy biwinybenyke. Warybe-ò heka boholabennyke. Wiwese weselemy maraykywydynanybenyke wiribihitximy aõkõ. Ywina-di matximahãbenyke. Deuxuluuna heka tule akireny ratxikre. ¹² Wii birybenymyhybenyke ityhydÿÿdu seriõre mahãduõ tai wiluumy atximahãbenyke. ¹³ Ibutumy Deuxu ijoì mahãdu heka adee rybe riwehityhynanyreri. ¹⁴ Jesuisi Kristu Inynyrÿ ruxetõna heka akirenykemy

watxireri. Deuxu luuna aki r̃yikre. Deuxu Tyytybytyhy awana r̃yikre.

ALATXIA-Ò

1 Jiarý Paulo, rybeõmy nodu rare. Inyõ riwateònyõhyre. Jesuisi Kristule, Deuxu inytyby, Kristu ixixadýýdu-wana riwateònyre. ²Jiarý ityhydýýdu seriõre-wana. Kaa watyritireny rewahinyreri Alaxia bedeludu mahãdu-ò, ibutumy dohodýýna mahãdu-ò, ityhydýýdu mahãdu-ò wahe. ³Ruxetòena ywina-wana adeereny kanakemy idi watrixeri Jesuisi Kristu-ribi, Deuxu inytybyreny-ribi. ⁴Jesuisi rexiwahinyre iny òrarureny-ribi iny ritarenykemy. Wiji bede aõmydýýn-abina-ribi iny ritarenykemy. Kia dori Deuxu-ò inytybydeewimy rare. ⁵Tamy àlàna aõu aõu kanawahimyhýke.

⁶Jiarý bede reòtiinyra, rybe wixiraõ elelemy tetyhynmahãteki. Rybewihiký wixira ihoõre. Juhuu Kristu taruxetòena-di bedebina-ribi aratareny. Inyõ adee rare. Idi Deuxu Rybewihiký riwixiranykemy. Tai tahe atyhydýýna ribinadýýnyra. Tai tahe kiamy adee rarybera. ⁸Inyõ aõbo, jiarý aõbo, ada biuludu ýju aõbo, adee Rybewihiký wixiraõ rarybekeki, Deuxu kyarana tamy kedesekeki idi watrixeri. Rybewihiký-ò juhu waribi taholateny. Kia sohojile inatyhyre. ⁹Iwese rarybere wese ixityre ararybekre. Inyõ Rybewihiký riwixiranykeki, aõmybo juhuu taholateny-ribi, Deuxu kyanamamy resekre. ¹⁰Deuxudeewimy taheka watrixeri hãbudeewimy aõkõ. Jiarý hãbudeewimy araximyhýkeki Kristu deõdu aõkõ jiarý rare.

¹¹Aõmybo rarybemyhýre hãbu-ribi rare. Kia Rybewihiký tyhy rare. Kia bierybenyke. ¹²Kia tihãbuõ-ribi adoholaõhymahãde. Hãburybe-ki aõkõ reeryre Jesuisi Kristule dori kia riwaerynanyre. ¹³Kaiboho taholateny, iwese jiarý judeu mahãduy-ki raremahãu Iu Deuxu ityhydýýdu mahãdu aõbinamy rewinydýýnanyhýre. Idi ariixãwididýýnykemy rarewãhã.

¹⁴Wamahãduy-ki sõwemy iratyre raremahã judeu mahãdu bede ywina ywidýý-ki. Idi retyhynyhyymahãre wahona mahãdu ratyre, byrena erýdýýna-ki. ¹⁵Iribi tahe Deuxu riwamyre taruxetòena-ki. Ratohouãnyõlemy rareð juhu riwahitxinyre. ¹⁶Wadee Deuxu tariõre riteõsinykemy ratximyhý judeukõdu mahãdu-ò tuu ararybekemy wadi ratximyhý. Iu inyõ dee aõmy rarybeõhyre Jerusalẽ hãwã-ò raõhyre. ¹⁷Rõtyhydýýõmy raremahãu. Deuxu deõdýýna mahãdule rýiramyhý. Ihãrele tahe tamy rybemy raõra. Iribi tahe rahõnyra Arabia-ò. Idi tahe ixityrele adõõsede Damasu-ò.

¹⁸Inataõ beõramy heka kowa-ki reijere. Idi tahe rare Jerusalẽ-ò Pedro romamy. Tahe bede reijere waiyre txumy tai. ¹⁹Ijõmy heka rabiõhyre deõdýýna mahãduõmy. Txiaulemy heka rabire, Kristu seriõremy. ²⁰Ka heka watyriti inatyhy rare. Deuxuko-txi inatyhy rare. ²¹Idi Siria bedeõ-ò rare, tule Silisia bede-ò. ²²Judeia be-

de-ki Kristu dohodýýdu mahãdu wamy lobixidu aõkõ rýira. ²³Uritýýna roholamyhýre: —Kia juhu inyhudurenymy inydireny raremyhý, wiji tahe tyhyna-di dobedeerydýýnanyhýde. Juhu tahe tii tyhyna rahukemy riwisýnyre. ²⁴Kia ibutu òraru-ki tahe Deuxu-ò deàlàmyhýde wamy, Paulo wahe.

2 Waõinaubiõwa reurõ beõra-di rexihureu, icyby Jerusalẽ-ò ròõsere. Banabe, Txitu-wana redyre. ²Rawãhãre heka rasi wese-ki aõmybo rabireki. Retýnyre iny-ò iwese inywixira-ò rarybemyhýremy. Dohodýýdu mahãdu ratyre retare tamy rihitxinyre rarybekemy. Tuu arierykemy watrixeri ywimy watxiwãhãremy. ³Txitu wawana ihýre, tii judeukõdu mahãduõ hãrele tahe itõtyky resymy rarybeõhyreny. Tii-boho waki ibinamy rahaõhyreny. ⁴Idile rõhõtinyhýre ityhydýýdukõdu mahãdu. Tii-boho nalõdenyde waixãwididýýnareny-ò retehekemy, iny Kristu-ki ijõdiwãhãre-ò. Tii-boho ixiwesemy iny-di risýnykemy ratxirenyreri. Tii-boho ityhydýýdu wesemy rexisýnyhýre. ⁵Tamy jiarýboho raholarenyõhymahãre inatyhymy Rybewihiký aribireny ritaõhykemy. ⁶Dohodýýdu mahãdu ratyre mahãdu heka Joaõ, Txiau, Pedro-wana rare. Tii-boho ibutu erysyna ratyre rýiraki, kia aõ aõkõ wadee rare. Tii-boho aõ týmyra riwabeerynyõre. Deuxu-ò tahe ibutumy iny wiwesehy rare. Deuxu riwateònyreny judeukõdu mahãdu-ò Rybewihiký wahisidýýmy. Kia Joaõboho wiwesehyylemy widi rõhõtinyre riwawehitynanyra jiarý Banabe-wana. Tai tahe iwese Pedro judeukõdu mahãdu-ò rare. Tii-boho tahe ritýnyhýnyhýke judeu mahãduõle wahe. ¹⁰Urile riwatyhenyra iny aõkõdu mahãdu ariwõhenanyhãkemy. Kia juhuu ariwinykemy watxiwãhãre.

¹¹Atxiõkia-ò Pedro rehemyhýre jiarý tuu rarybere timybo ibinamy riwinyhý ihýremy rexiitxenanyhýreki. Hãbuõ Txiau-ribi rehemynyõrau, tii judeukõdu mahãdu-wana riroxire. Irahudi tahe dehemyndenydeu, riroxiõhyylemy rexitare. Judeu mahãdu rybe lau ruberure. ¹³Ijõ judeu iwesele rotýnyre. Ihewoludu Banabe tulere. ¹⁴Tuu rabireu, õbitimy aõkõ Rybewihiký inatyhy wesemy aõkõ rotýnyre raremyhý tahe rarybere ibuturu-ò, Pedro-ò. Kai judeu mabekeki, tahe judeukõdu mahãdu wesemy tanabededýýnanamya hãte. Uritere judeukõ mahãdu judeu mahãdu wesemy isýdýýõmy. ¹⁵Jiarýboho tahe judeu mahãdumy reamahãreny. Judeukõ mahãdumy aõkõ watxiwãhãreny. ¹⁶Iny bede ywidýýna aõkõ iny ritamy roire. Kia Kristu iny rityhynyhýrele iny ritamy roire. Bede ywina ywityhydýýna iny ritaõtyhy. ¹⁷Iny Kristu-ki

tarasana ritamy ratxikeki, tahe òrarudu tyhymy ronykeki, Kristu aõbo òraruna widyõna rare? Aõkõre. ¹⁸ Jiarõ bede ywiny ywidyõna-ò aròðsekeki, òrarudumy ararekre. Kia jiarõ idi ariatymy rymyhyre ixityre ariwinykeki òrarudumy arareke. ¹⁹ Jiarõ bede ywina rarumy raire wese, Kristu-ò warumy ararekremy. Kristu-wana jiarõ raitxeòkirubudyõnanymahãre. ²⁰ Jiarõ ixidee warumy aõkõ wahãre. Kristu tahe wawo-ki riwarudyõnanymy ihõre. Warumy watxireriwana Deuxu iriòretyhydõna òrarukile warumy wãhãre. Tii walumy ratximyhyre. Tahe wadee rexiwahinyra. ²¹ Deuxu ruxetòedõna aribynkemy aõkõ watxireri. Bede ywina tyhydõna òraru-ki ywityhydõna tahe inyõ ritakemy ratxireri. Kia-di inatyhymy inyõ rexitakeki tahe, Kristu uriòle rurure.

3 Alatxia mahãdu timybo tahõtinyteri kaiboho òhõtibede-di rierykõreny. Kia-di òsana tahõtinyre. Moòwõru ijeranamy ahãtenyete. Jesuisi Kristu itxeò-ki rururedi taholatenythyta. Òhõtiri-ribo aõbo kia rosare. ² Kiale arierykemy watxireri timybo tahõtinytenyteri: Deuxu Tyytybytyhy temytenyete bede ywina widyõnami aõbo ada inatyhyna tyhydõnami aõbo. ³ Juhu urile tetyhynytenyete idi ixiumykile tadxityhynymy ahãtenyete, bede ywina ywisidõna wahe. ⁴ Kaiboho òbitimy tahõtinyõtenyete. Kia aõbo aõhõkõmy tatõnytenyete uriòhyõle? ⁵ Aõkõre, uriòkele aõkõre òsana tahõtinyteri. Deuxu Tatytybytyhy adeereny diwahinyde. Kia aõbo riwinyre bede ywina ywisidõny kaiboho tamahãtenyete? Aõkõre, tetyhynmahãteki kia riwinyre. Deuxu aõna aõna wiwihikõ akoreny-ki riwinyre. Kia sohojile iny ritake. Abraõ Deuxu rityhynyre. Tai tahe tamy òbitimy rare Deuxu-ò, iòraru iribi riixãwididõnyraki. ⁷ Tai ibutumy rityhynymyhyre mahãdu Abraõ riòremy rõira. ⁸ Tyyriti-ki roimyhõre kia: —Deuxu heka judeu mahãdu sohojile aõkõ riòbitinykre. Ibutumy iny riòbitinykre ityhydõny ersydõna òraru-ki. Rybewihikõ ersyna Abraõ-ò juhuhu dehemynyde. Kia wese Tyyriti doide: —Aòraru-ki ibutumy iny-ò deysana kanakre. ⁹ Tahe ityhydõnydu mahãdu Abraõ wesemy teysare. Abraõ dori ityhydõnydu rare. ¹⁰ Inyõ bede ywina rityhynyõkeki, Deuxu txuhòbina kedeake. Jesuisi-ò tyhynale iny kikitakre. Kia Tyyritidõna dori roire: —Inyõ ibutumy bede ywina riwinyõkeki, tamy Deuxu txuhòbina kedealeke. ¹¹ Òbiti mahãdu rityhynymy ronykre. Kia riki Ritidõna roire. Tahe bede ywina heka inyboho aõkõ riòbitidõnyre. ¹² Bede ywina heka iwitxi rare ityhyna-ribo. Tahe inyõ bede ywina rityhynymy ratxikeki, tii ibutumy rityhynymy rarehyke. ¹³ Inyboho Deuxu bede ywina rikiywinyrenyõkeki, Deuxu txuhòbina inydeereny kedeakre. Kristu tahe kia-ribo iny ritare. Tule inyòwòruna òraru-ki rexilamadõnyre inydee iòwydõny-ki. Beteheke Tyyritidõna roire: —Inyõ òwòru itxeò-ki ritamadõnykeki, tamy txuhòbina kedealekre. ¹⁴ Deuxu narybede heka Tatytybytyhy iny-ò riwahinykemy. Wiji tahe inyõ rityhynykeki, Deuxu Tyytybytyhy ritakre. Tai Abraõ deysana inydeereny rehemynyre Jesuisi Kristu òraru-ki.

¹⁵ Waseriòreboho, jiarõ hãbu wesemy ararybekre. Iny inatxi jurasadõna ritina riwinykeki, inireny ritidikeki, inyõ riwitxiranyõthy. Tai ijõ witxira riritinyõthy. ¹⁶ Boholabenyke, Deuxu juhuhu Abraõ dee narybede: —Abraõ riòre hewoluduò Kristumy. Abraõ riòre sõwe dee rarybeòre. Sohojideele rarybere. Tahe tariòre-ò Kristumy rarybere. ¹⁷ Tuheka rarybereri: —Deuxu juradõna wese juhuhu rarybere, 430 beòra bede rõire idi tahe bede ywina nade. Kia Deuxu juradõna riixãwidinyõthy. ¹⁸ Tarasany bede ywinawidõna òraru-ki kidiwahinykeki, wahisidõna aõkõ heka rare. Tai Deuxu heka Abraõ-ò jurasadõna riwahinyre. Iòwydimy aõkõ juhuhu dori rarybere tii kidiwahinykemy. ¹⁹ Aõherekibo heka nade? Kia nade òraruna òraru-ki Kristu nadeule kõny juhu ludu wese aõkõ roire. Kristu heka Deuxu deòdõna rare. Iwese Deuxu rarybere wese riwahinyre. Tii Abraõ riòre riòre-ribyhy reare. Ýjumy bede ywina nade. Iny itya ludu debò-ki rehemynyra. Moisesi iwahidõnydu. ²⁰ Boholake, Moisesi sohojile aõkõ itya ludu ratxireri bede ywina riwahinyre. Deuxu tahe sohojile rare irybe riwahinyre. ²¹ Bede ywina aõbo Deuxu jurasadõna riixãwidinyke? Aõkõre. Bede ywina umy ituedeõna riwahinykeki, òbitidõna inatyhymy bede ywina nade. Tahe aõkõre. ²² Deuxu Tyyriti rarybere: ibutumy iny òraruna-di ratxireri. Kristu iny rityhynykeki, Deuxu jurasadõna tamy riwahinyke.

²³ Ityhydõny rehemynymyrokoki bede ywina iny rityhynymyhyre ròtenawo-ki inyboho roire wese. Kia-ò iny riraòhyomy rymyhyre inatyhydõna kedehe-nykemy. ²⁴ Uladu bedeerydõnydu wese bede ywina rare inydeereny. Kristu rehemynykõdu, inyboho bede ywina rityhynyreny. Tai Kristu-ò inyboho òbitimy ronykemy ityhydõna òraru-ki. ²⁵ Ityhydõna-ò iny rehemynyre, uladu bede erydõnydu-ribo ixãwimyhõre. ²⁶ Kristu-ki ibutumy Deuxu riòre atximahãtenyete ityhydõny-ki. ²⁷ Ibutu dori Kristu-ò taratisebenyete, Kristu wesemy tatõnyte. ²⁸ Kristu tnydõny-ki wiribi hitximy aõkõ boibe, judeukõdu mahãdu, iny-wana, deòdu deòdu aõkõ-wana, ijoì hãwyy-wana ibutumy wiwese wesele Kristu-ki rõike. ²⁹ Kristu-ki mabekeki, Abraõ riòre riòrelemy mabekre. Jurasadõna rareasadõnydumy atximahãtenyete.

4 Ijyõ arelyykre —rareasadõnyduò deòdu wesemy raremyhõ tii uladumy rareu, ibutu wedu rare hãre wahe. ² Urile tyby rarybere raumynykõule, tii tati-biedõnydu rybe rityhynymyhyre. ³ Kia wese iny rare. Uladu wesemy bede aõmydõnyana rityhynymyhyre juhuhu. ⁴ Iribo tahe bededõnyana he rehemynyra. Deuxu tahe Tariòre diteònyde ijadõma ririòredõnykremy. Bede ywina tyhynakremy reare. Tii nade bede ywina tyhydõnydu mahãdu tarasamy kia tyhyna-ribo ritakemy tariòre wesemy ritibienkemy. ⁶ Deuxu Riòre wesemy iny ihõreki iny-ki ratximyhyreki, Tatytybytyhy inywo-ò risõnyre. Tai inywo-ribo rarybemyhyre: —Waha, Waha. ⁷ Wiji tahe deòdu wese aõkõ atxiteri, Deuxu riòretyhy wese atxiteri. Tule Deuxu rareasadõnyduòle tate.

⁸Juhuu Deuxu teeryötenyete. Kaiboho deuxu witxira wese tetyhynytenyete —deuxu inatyhy aõkõ tetyhynytenyete. ⁹Ka tahe Deuxu teerymy ahätenyete tetyhynymahâte. Deuxu anaerynymyhýdenyete. Ixyby bede aõmydýýnana-ò òòsedýýõmy, arawiòhenyõreki. Deòdumy aõkõ ixyby rýimy boibeke. ¹⁰Txu yrubudýýõmy, ahãdu yrubudýýõmy, beòra yrubudýýõmy. ¹¹Inatyhymy ada aõkõre aõbo waaõmysýdýýna adeereny reõnonyra?

¹²Wawesehyymy boibeke. Jiarý dori tatemahã wese raremahã, waseriòreboho. Kaiboho wadee aõbina tewinyõmahätenyete. ¹³Kia teeryte. Jiarý juhuu adeereny Deuxu rybemy rarybereu, jiarý iu wabinawãhãu. ¹⁴Wabinana heka isirare adeereny, ihãre tahe wader-aõre tahe wadi arukirenyra, iwese ýju Deuxu-ribi jiarý anade wese kaiboho tiwamytenyete, iwese taheka Jesuisi Kristule jiarý rare wese wadi tewisýnytenyete. ¹⁵Titxi-bo rare eysanareny juhuu adi toite wahe. Kaiboho aruereny wii tesýnymy toitemyhý kaiboho wakyrenyereki. ¹⁶Jiarý aõbohe aõludumy relera, inatyhy rybe adeereny rarybereki? Aõkõhyre. ¹⁷Hãbuõ arãitxenanyhýrenyete. Aluu wese heka ratxirerimyi hýre. Aõlõnamy dori rarunyeri. Tiiboho wabiòwana-ribi atarasamy adi ihýrenyete. ¹⁸Aõwihiký erysomy marurunyke. Tii tahe awire, awanale watxireriki aõkõ. ¹⁹Wariòre wese, adeereny aõhõkým ratýnyete, hãwyy reamyhýre mytxitxi wese jiarý rare adeereny Kristu awo-ki rexilamadýýnyhykemy. ²⁰Awanareny ararekemy watxireri. Tai tahe warybe witxira-di kia anarybekemy watxireri. Aõhebo adeereny heka arasýnyete arawiòhenanykemy watxiwãhãre. Timybo reerykõre dori.

²¹Inyõ bede ywina tyhydýýdumy ratxikeki, wadee manarybeke kiamy: aõmybo bede ywina raryberamy teeryteri? ²²Kia Tyyritidýýna-ki roire Abraõ riòre inatxire. Juhuu ludu teòdu-ribi, Haari-ribi, reare tabire-ludu-ribi. Ijõ, Sara-ribi, ihãwyytyhy-ribi reara, deòdu-ribi aõkõ. ²³Deòdu riòre ibutu dee wese nade. Abraõ hãwyy riòre aõkõre Deuxu rybewahisidýýna xiery reare. ²⁴Kia ijyy-di rawesenanyrereri. Inatxi hãwyy inatxi jurasadýýna wese heka rare. ²⁵Ijõ Haari inire, deòduni. Iriòre deòdumy rarekemy reare. Sinai Hãwãlò wese tii rare. Kowa tyre-ki bede ywina inydee riwahinyete. Jerusalẽ wesemy roimyhýre kia mahãdu deòdumy dori rýira, tariòre-wana. ²⁶Jerusalẽ tyhydýýna mahãdu, biu ludu tahe deòdu wese aõkõ rare, ixinamy inyboho roire. Abraõ hãwyytyhy riòre wese inyboho roire. ²⁷Tyyritidýýnaõ dori roire: —Hãwyy ariòreõ beysakre. Birajuakre ariòrekõhãrele beysamy ariòredikire heka. Hãwyy risina riòre sówetyhyre, hãwyy ihãbu-di ratyre. ²⁸Waseriòreboho, kaiboho rybe ywisidýýna riòre wesemy ahätenyete, Ijai wesemy. ²⁹Iwese ibutu ludu wesemy reareõ aõbina riwidýýnananyhýre. Deuxu Tyytybytyhymy reareò. Wiji, tahe kia weselemyhýre. ³⁰Tyyritidýý rarybera: —Biteònyke deòdu tariòre-wana. Rareasadýýdu ibutumy rimykre. Hãwyy deòdu aõ aõkõ rimykre tariòre-wana. ³¹Waser-

iòreboho, deòdu riòre wese aõkõ inyboho roire. Hãwyytyhy riòre tahe iny roire.

5 Kristu inyboho ritare ixinamy inyweduduõlemy roirekemy. Kawese rokoirekemy. Deòdu wese ixyby rukunynyrenyõkre.

²Jiarý, Paulo, adeereny rarybereri: inyõ notykyresyna-ò ròòsekeki, Kristu riwiòhenanyõhyymyhýre. ³Ixytyre ararybeke. Inyõ rinotykyresynanykeki, bede ywina ibutumy tii riyrubunyhyyke. ⁴Inyõ bede ywina rex-iòbitinyemy ratxikeki, Kristu-ribi rexihitxidýýnymyhýre, ruxetòena tyhyna-ribi rexitare. ⁵Deuxu ri-waòbitinyrenyete Tatytybytyhy òraru-ki kia retyhynyrenyete. Kia reraòrenyete. ⁶Jesuisi Kristu-ò notyky resyna aõ aõkõ rare. Notyky resynakõ tule aõ aõkõ rare. Inatyhynamy luunamy aõ rare. ⁷Juhuu awimy tuu tatytnymahâte, inatyhyna-ki ijera wihikým teamyhýte, moõ inatyhyna-ribi anaixãwididýýnyde. ⁸Deuxu aõkõ atarasadu juhuu ixãwididýýnyde. ⁹Inyõ paõ riwinykeu, ibutenode ritxiwikeki ibutumy ratarinyke. Inyõ ibinamy urihimýõ arabedeerynykeki sówemy ribinadýýnyke. ¹⁰Jiarý Wanyrý retyhynyete, kaiboho wawesemy mohõtinybenykeki adireny watxireri. ¹¹Waseriòreboho jiarý waòludu dire. Kia tahe riteòsinyete notyky resynamy rarybeõre ijõ wamy raryberehãre. Kia ararybekeki sówemy wahemy kanakre. Itxèò týnydýýna rybe rityhynykre. ¹²Kowa mahãdu òte rexihukemy idi watxireri. Adeereny aõbina diwinyemyhýdenyete.

¹³Kaiboho Deuxu arateònyrenyete, urile òraruõmy boibeke kaiboho bede ywina-ribi ixinamy boibeke. Wii biwiòhenanyhýbenyke, wiluurenykemy. ¹⁴Bede ywina ibutumy rexibutunye rybe-ki kia tahe rare: —Inyluuke ixiluure wese. ¹⁵Wiwana bòrenybenykeki, kaiboho widi buruakeki, bexihãrubeny ibutumy wii mahubenyheny.

¹⁶Tai jiarý rarybere, Deuxu Tyytybytyhy deewimy boibekemy deòbiredýýna iwidýýõmy boibeke. ¹⁷Deòbiredýýna dori Deuxu Tyytybytyhy òluduna-ki ramyhýre. Wimý òludurenye. Tai aõbo adeereny awire iwidýý adeereny isirare. ¹⁸Tahe, Deuxu Tyytybytyhy arateòsinyrenykeki, bede ywina ywidýýna aõkõ bityhynyke. ¹⁹Deòbiredýýna aõna aõnamy dýýnana-ki kia roire: aderanadino, aõbinade, raykyõmy, òta òta, ²⁰suritxoomy àlàdýýna, òwòruna wii, òlududýýna, aõbinaluu, ihãru, kyara, wobiredýýna, wiribihitxina, ²¹ibutu aõmydýýna ixixiburedýý, axaxaluu, rýsýnaluu byreheký, tule ijõ aõna aõnã sówemy kawesere. Inyõ kia aõna aõnawidýý rierykeki, Deuxu òlõna rareasadýýdu aõkõ roikre. Tuu rarybere juhuule. ²²Ka heka Deuxu Tyytybytyhy aõmydýýnanamy rybena roire: iwahidýýna kia rýire, tii dori inywomy rýira. Wiluuna, deysana, ywina, ruxetòena, wina, òbitidýýnana, ²³ibutu-ò awina, ixidee inatyhyna, ixirydýýna, tai bede ywina ihoõhyre kia-ò. ²⁴Kristu hõrõ mahãdu kia itxèò-ki ritidirenye: deòbiredýýna, aõmydýýnana binaribi, deòsana aõmydýýnana-ribi

²⁵Inyboho Deuxu Tyytybytyhy-di rokoirekeki Deuxu Tyytybytyhyry-ki rakariarenkyre ²⁶Ixi deàlãnararòsò luukemy aõkõ rakatximyhýrenyete. Tai tahe ixixibu-

redÿÿna-di aõkõ, rakatxirenyke. Wiòbiredÿÿna-di rakatxirenyõke.

6 Waseriòreboho. Inyõ òraruna-txi resekeki, kaiboho ywina-di biòbitinybenyke. Bexihãrumahãbenyke kia òraruna-txi ixèõmy boibekõkemy. Kaiboho dori, Deuxu mahãdu toite wahe. ² Wiitxykywydywesemy wii biwiòhenanybenyke ibutu aõmydÿÿnana-ki. Iwesekeki, Kristu bede ywina tetyhynmahãtenyete. ³ Inyõ ixidee aõlemy rõhõtinykeki, tahe tii aõhyy aõkõ rare, tii rexiitxenanyhÿre. ⁴ Ixinamy iny sohoji sohoji taaõmydÿÿna-ò retehemyhÿke, aõhebo rotÿÿnymyhÿremy wahe. Idi tahe ixi aõmydÿÿnana-di aõkõ. ⁵ Iny sohoji sohoji dori taitxyky riwymyhÿke.

⁶ Inyõ Deuxurybe erydÿÿna ijõdikewana tabedeerydÿÿna mahãdu-ò ibutummy erysna wiihikÿle-di rirareamahãke. Tule bedeery mahãdu heka tohodÿÿna mahãdu-ò aõna aõna wihikÿ riwahinymyhÿre. ⁷ Ixiitxenadÿÿõmy. Inyõ heka Deuxu itxenadÿÿõmy alòbòrona-ò iny ribòrònykeki, tiile tahe raumynyhyymyhÿre. ⁸ Inyõ òraruna ribòrònykeki, rubule taumy-ki ritake. Inyõ Deuxu Tytybytyhy deewimy tuu rotÿÿnykeki umytuedeõna ritake. ⁹ Aõwihikÿ widÿÿhyymy boibeke. Kia-ki elemy ruburenyõmy. Aõwihikÿ widÿÿhyy boibekeki, adeereny aõwihikÿ wahidÿÿna wese kanake.

¹⁰ Ibutummy inydeereny aõwihikÿ widÿÿ-ki inyboho abededÿÿnanawikeki ibutummy iny rikiwiòhenanyrenymy, rÿÿkÿirenyke, ityhydÿÿdu mahãduõ bexiywinyhyahãbenykemy iwiòhedÿÿ-ò.

¹¹ Tuhe, jiarÿle ariritinykre, Paulo wahe. Betehebeny inihe ritidÿÿna nihikÿ reritinyra wadebò-di. ¹² Inyõ ayreny-ki wohyna ixidee rimyky ratxireri, kia adeereny õtyky resynamy adi ratxirerihyymyhÿre. Kristu itxèõmy tiibocho ritÿÿnyrenykeu aõhõkÿmy rotÿÿnyõmyky rõhõtinyhÿre. ¹³ Notyky resyna mahãdu bede ywina rityhynyõre. Tiile rexityhynymyhÿre. Kaiboho irybe-ò boholakemy atxiteri. ¹⁴ Jiarÿ arexiwowdy-nanyõhyymahãkre, Wanyrÿ Jesuisi Kristu itxè-ò-di areysakre, biu-ò hena òraru-ki wahe. Bede aõmydÿÿnana waki rÿimyhÿre, itxè-ò-ki retamadÿÿnyra waribi ixãwira. ¹⁵ Notyky resynadÿÿ aõ aõkõ rare. Notyky resynadÿÿkõ tule aõ aõkõ rare. Urile biu-ò hena-di boibekele tahe aõ rare. ¹⁶ Kia bede ywina bityhynbenymy boibekeki, Deuxu-ribi ywina, ruxetõena, adeereny kanakemy idi watxireri. Tule Deuxu mahãdu ibutu-ò, judeu mahãdu wese dori ratxireri.

¹⁷ Karibi tako-ò tahe inyõ waixiradÿÿõmy ararekre. Beydÿÿna dori waumy-ki roimyhÿre, Jesuisi rybe rybem rybedu òraru-ki.

¹⁸ Waseriòreboho, Jesuisi Kristu ruxetõena akireny rÿÿkemy watxireri. Kie.

EFESU-Ò

1 Paulo, Jesusi Kristu deòdǿyǿna jiarǿ rare. Deuxu-deewimy tahe kia rare. Efesu hǿwǿ ityhydǿyǿdu mahǿdu —ò kalemy warybe rewahinyreri. Kaiboho ywymynodu mahǿdumy toimahǿte. ²Ruxetòena adeereny kidiatykemý Deuxu-ribi idi watzireri tule Jesusi Kristu Inynyrǿ-ribi.

³Deuxu, Inynyrǿ tybyreny, inyboho tuu reàlǿmy-hǿreny. Tii dori inydeereny wihikǿ inywo ywinamy diwahinyde Jesusi òraru-ki biukihikǿle wahe. ⁴Deuxu inyyreny-ribi rihitxiny my ritare. Inyboho heka tuu roire. Ihetxiu heka inyho aòkòu tii rihitxiny my ritakremý rǿimyhǿre, inyboho wahe. Kristu-ki iny rihitxiny my rǿire. Iny òbitimy rǿirakemy rihitxinyre, ywimy nodumy wahe. Kiamy heka rokoirekre Kristuko-txi luuna-di.

⁵Ihetxiu tamywimy Deuxu rihitxiny my ritare, inyboho wahe. Iriòereny wesemy rokoirekemý. ⁶Kiamy heka Deuxu riwinyre àlàna, wohyna-wana tamy riki-wahinyreny kemý tii dori inyluurekǿ wahe. Kristu hǿlubu òrarukile biu-ò henareny iny nade. Iny òrarureny riòwyny re taruxetòena wihikǿ òraru-ki. ⁷Ruxetòena sòwemy inydeereny diwahinyde tii dori ibutumy aòna aòna erydu rare. Deuxu dee wina rybe wòte wese rare. Tahe inydeereny kidiǿnyny kemý idi ratxireri. Tamywimy tahe inydeereny riteòsinyre. Iwese tii ròhòtynyre wese. Bededǿyǿnana rexihukreu. Kristu-ki ibutumy aòna aòna biu-ki bede-ki rǿikremý ihǿre. Kiamy tahe Deuxu ròhòtynyre. ¹¹Kristu òraru-ki Deuxu juhoo iny mahǿduy-ribi inyboho rihitxinyreny. Tii diwahinyde inydeereny uriònojura jurana. Tii dori ixideewilemy ibutumy aòhebo rotǿynymyhǿre Deuxu kia hitxidǿyǿna mahǿdu ixidile wowydyna mahǿduò rǿirakemy rǿimyhǿre. Inyboho juhoo rityhynyrenyre Kristu-ò. ¹³Kaiboho kiaò toimahǿte. Juhoo rybe inatyhy-ò taholateny-teu, tetyhynymyhǿteny te tarasa Rybewihikǿ-ò wahe. Tai tahe Deuxu Tytybytyhy-di ratidǿyǿna wesemy iny dee ritidimyhǿre. Deuxu Tytybytyhy dori tii kidi-wahinykemý rarybere, ihetxiu wahe. ¹⁴Uriòno jura jurana Deuxu Tytybytyhy rare inydeereny. Deuxu tahòrò mahǿdu ritakreu, tuu reàlǿrenykre tuu, inyboho dori kia mahǿduò roire.

¹⁵Tahe jiarǿ, Paulo, tule umy raholamahǿre Jesusi Kristu atyhydǿyǿna-ò, tule aluuna ityhydǿyǿdu-ò. Tai tahe Deuxu-ò àlàna-di araxitòedǿyǿnyrenymahǿre. Wanohòti aribireny rosaòhyymyhǿre. ¹⁶Deuxu tahe Jesusi Kristu biu loosòna tyby rare. Tii araykyreny-ò bedeeryna kidiwahinykemý watzireri, awolyrana kidi-wahinykemý watzireri. ¹⁸Tai tahe araykyrawoni ritǿnyny kemý watzireri. Tai kaiboho bierybenykre Deuxu iryna. Tule ityhyna biu loosòna-di bierybenyke-

my watzireri. ¹⁹Deuxu taruruna sòwemy diwahiny my-hǿde ityhydǿyǿdu mahǿdu-ò. Iruruna tahe aòni rare inydeereny uriòno jura jurana. Kia tule bierybeny kemý watzireri. ²⁰Kia irurumy inyboho tuu robirenyre, Kristu rubu-ribi rexiixixanyreu, taruruna weribi ronykemý disǿnydeu, biukihikǿle wahe. Kristu tahe ibutu ruruna witzira witzira ratyre rare, ibutu wedu ratyre, ibutu dinodu ratyre, ibutu deòdǿyǿdu ratyre. Ibutuni ratyre tii rare. Wijinani ratyre, tule kanakremý ihǿreni ratyre rare. ²²Deuxu tahe ibutu aòna aòna witzira witzira Kristuwarawo-ò ritidire tai tii ibutuwedukremý. Tii ibuturati wesemy rare. Kia tii ihǿre dohodǿyǿdu mahǿdu-ò, iwedu wahe. ²³Dohodǿyǿdu mahǿdu tahe Kristumy wese rare. Kristu dori ibutu aòna aòna ritǿxiny myhǿre.

2 Juhoo kaiboho rubumy tǿimahǿte òraruna òraru-ki. ²Juhoo kaiboho bedeaòmydǿyǿnana bede-ki toitemahǿ juhoo Satanasi deòdǿyǿna tetyhynymy toitemahǿ. Tii bedeyhy ruruna dinodu rare. Ityhydǿyǿdukòdu mahǿdu wiji dori rityhynymy rǿira, itxiòdǿyǿdu mahǿdu wahe. ³Ityhydǿyǿdukòdu mahǿduy-ki juhoo tule inyboho roiremahǿ —ibutumy ixideereny wimy inyboho riwinyreny; inyraykyreny wydyna-deewimy tule inyboho riwinyreny. Ehehewidǿyǿdu inyboho roiremyhǿ, tuu ratybienymy rarehy dori tuu rare. Iwese ijò roiremyhǿ wese. ⁴Deuxu tahe sòwetyhymy ruxetòena diwahiny myhǿde, inyluurenyreki. ⁵Deuxu inyboho rurdǿyǿnyre Kristu-wana rubu-ribi riixixanyreny. Kristusǿ-ki biu-ki tii inyboho risǿnyre tai rokonyreny kemý. Iruxetòena òrarukile abiu-ò henareny dire. ⁷Iruxetòena kiditeòsinykre bededǿyǿnana robe-hemy roireki wahe. Iwese sòwehyymy iruxetòena diwahinyde wesemy. ⁸Tarasana Deuxu ruxetòenaribile nade aityhydǿyǿnareny òraru-ki tuu rare. Iny-ribi aòkò nade. Deuxu wahidǿyǿna rare. ⁹Iny-ribi rarybekre inyò ixityhydǿyǿmy tahe aòkòre Deuxu ruxetòenakile tuu rare. ¹⁰Tii tahe ibutumy iny riwinyreny. Òbiti aòmydǿyǿnana widǿyǿdukemy iny riwinyre Jesusi Kristu òraru-ki. Deuxule juhoo ròhòtynyre òbiti widǿyǿdumy aòbo rokoirekemý.

¹¹Tahe kaiboho uritere nohòti losaòmy kaiboho judeukòdu mahǿdu toite juhoo mahǿ. Kiamy judeu mahǿdu arǿnimimyhǿreny, notykyresy kòdu mahǿdu wahe. Tii dori notyky resydu mahǿdu roire, iyresynadireki wahe. ¹²Juhoo tahe aruta wesele toite Kristu-ki aòkò. Judeu mahǿdu-ribi rihitxiny my nyimyhǿde. Deuxu rybe ywisidǿyǿna ludu aòkò toite. Araròsòna renyòhyre. Adeuxurenyòhyre bede bedemy. ¹³Juhu irehemy Deuxu-ribi toite mahǿ. Tahe wiji Jesusi Kristu hǿlubu òraru-ki araòhòdǿyǿny my toite. ¹⁴Jesuisi Kristu

tahe iny ywidÿÿna rare. Kyarana tahe òtity wese itya-ki rÿimyhÿre judeu mahādu aribi kia rihitxinyre. Tahe kia òtity ritxiwire tahe sohoji mahādulemy riwinyre.

¹⁵ Tahe Kristu rurureu tahe ixāwire kia bede ywina. Tahe inatxi wimy òludu mahādu sohoji iny tÿmyrahÿylemy riwinyre. Tahe ywina rōhōnyre wiwana ributunyra tahe Deuxu taluuna tamy riwahinyra. ¹⁶ Jesuisi taitxeò-ki rurureki, ywina rieryrenyre. Tahe kyarana-ribi riixāwididÿÿnyre. ¹⁷ Jesuisi tahe ywinamy rarybere iòhò ludu kaiboho wahe tule irehe ludu, judeukōdu mahādu wahe. ¹⁸ Tahe kaiboho jiarÿboho-wana sohoji Deuxu Tyytybytyhy òrarukile Deuxu-ò rexitōenyrenyke. ¹⁹ Kawese tahe kaiboho ityhydÿÿdu mahādu-ò talote. Iny-ribi lahitxi aòkō toite, Deususÿ mahāduòle heka toite. ²⁰ Deuxu rybedu, tadeòdu-wana hetoò wesemy kaiboho boibekre. Jesuisi Kristuule iko ludu mana wese rare. ²¹ Jesuisi Kristu òraru-ki wiwesehyyle heto awimy rÿire. Tai Inynyrÿ hetotyhy relemy rexihumyhÿre. ²² Kaiboho tule matybienybenyke Deuxu Tyytybytyhy hetoò wese wahe.

3 Tai jiarÿ, Paulo, rotena-ki nodu wesemy rare Jesuisi Kristu òraru-ki. Judeukōdu mahādu dee kiamy heka watxiwāhāre, adeereny wahe. ² Deuxu ruxetōena wadee riwahinyre. Kaiboho aòbo tuu taholatenyōmahāte. ³ Deuxu dori tawòtena diteòsinyde wadee. ⁴ Jiarÿ kiamy juhūu reritinyriòrere katyritikile wahe. Idi mariabenykeu bierybenykeny idi watxireri, timybo Kristu wòtena rybe reeryremy wahe. Kristu wòtena tahe ihetxiu ibutu inyò riteòsinyòhyre. Wiji tahe riteòsinyimyhÿre Deuxu Tyytybytyhy tahe deòdu-ò, rybedu-ò ritÿnynymy ihÿre. ⁶ Kiamy heka rare: kaiboho, judeukōdu mahādu, wii ributunyre inyboho-wana judeu mahādu wahe. Uriònowi jurawi juramy idi rokoirekre, sohoji mahādulemy wahe. Kristu Rybewihikÿ òraru-ki ityhydÿÿdu mahādu-ò rirònyrenyre. Kia rybe-di rybedumy diwateònyde, ruxetōena wahidÿÿnaò wadee nade Deuxu ruruna sōwe-ribi. Ityhydÿÿdu mahāduy-ribi jiarÿ aò aòkōmy watxiwāhāre retyhynityhymy aòkō watxiwāhāre. ⁸ Ihārele Rybewihikÿ rybedumy ararekre Kristu aòmydÿÿnana heka iny raykywydyna ratyre awimy ihÿre. Kiamy judeukōdu mahādu-ò arelyykemy riwahitxinyre. ⁹ Ibutu inyò rybe wòtena aritÿnynykeny watxiwāhāre juhūu Deuxu Jesuisi-wana ibutumy aòna aòna riwinyre kiau rybewòtena riwòmy roimyhÿre Deuxu-ki. ¹⁰ Wijina tahe riteòsinykeny ihÿre dohodÿÿna-ki. Tai tahe ibutumy biu-ribi rurunadu, bedeerydÿÿdu rierykeny timykibo Deuxu bede ersyna-di raremyhÿ ibutumy aòna aòna ersyna-di. ¹¹ Iwese Deuxu ibutumy aòhebo rotÿÿnykeny ratximyhÿre wese iny rierykre, Inynyrÿ Jesuisi Kristu òrarukile wahe. ¹² Tai tahe iny rexideòsinyimyhÿre brebuòlemy Deuxu ixitōenadÿÿna-di Kristu dori inyboho rityhynymyhÿre. ¹³ Tai kaiboho ixijodÿÿrenyōmy ahāke, jiarÿ aòhōkÿmy ratÿÿnyreki kia dori awowydyna rare, waaòhōkÿmy dÿÿnana wahe.

¹⁴ Tai tahe umyreny Deuxu-ò rexitōenyre Inynyrÿ Jesuisi Kristu tyhy-ò wahe. Ibutu sÿ mahādu tyby Deuxu rare. ¹⁵ Ruruna adeereny kidiwahinykeny idi watxireri,

tawowydyna sōwe-ribi wahe. ¹⁶ Deuxu Tyytybytyhy rurutyhy araykywo-ò kidiwahinykeny watxireri. ¹⁷ Tai Kristu aworeny-ki kanasÿnymyhÿkeny rahòtynmahāre atyhyna direki kaiboho heka wiluutyhymy boibekemy watxireri. ¹⁸ Tai ibutu ityhydÿÿdu mahādu-wana Kristu luuna bierybenyke. Inyò Kristu luuna awire rieryòtyhy. Ihārele tahe bierybenyke iwese rare wesemy. ¹⁹ Tai Deuxu-di bexilÿxinykeny idi watxireri.

²⁰ Deuxu iruruna dire. Tai iny ixitōena ratyre indeereny kidiwahinykeny idi ihÿre. Iny irurudireki wahe. ²¹ Dohodÿÿdu mahādu wowydyna riwahinykeny tamy watxireri, aòu aòu wahe. Bededÿÿnana konana-ò wahe. Kie.

4 Inynyrÿ deòdu arixidu jiarÿ rare. Areditōenykre inihedeereny. Yrubuna-di aòhebo botÿÿnybenykeny adireny watxireri. Tai tahe Deuxudeewimy boibekre. ² Tii dori juhūu adeereny irydu rare òbitimy boibekemy xiwedeòmy boibeke, ele eleòmy; wii biwìhenanymy; luuna-di marurunymy boibeke. Ixi wesehyylemy boibekemy. Tai tahe Deuxu Tyytybytyhy aratorabutenyrenykre ywimy nodu dori kia diwìhenanymyhÿde. ⁴ Sohoji mahādule rare, sohoji Deuxu Tyytybytyhydile. Umy sohoji wese, itytybysohojilemy wese rare. Kaiboho tule araròsònareny sohojile rare, kaiboho ityhydÿÿdumy terònyteki wahe. ⁵ Inynyrÿ sohojile rare inythyhynareny sohojile rare. Tule iny ratisebena sohojile rare. ⁶ Deuxu tule sohojilere, ibutu tybymy rare ibutu ratyre rare. Ibutuy-ki tii rare. Tule ibutu rawo-ki ratxireri. Ibutumy aòhebo rotÿÿnykeny iny-di riwisÿnyreri tawowina-di. ⁷ Kristu tahe iny sōwemy rareki sohoji ruxetōena sōwemy sohoji-ò riwahinyre. ⁸ Kiamy heka ritina-ki roire: —Iu Jesuisi raòwònyreu biu-ò ròtena ludu mahādu ridyre idi wahidÿÿna inydeereny diwahinyde. ⁹ Betehebennyke rybeweereò-ò raòwònyremy. Aòmybohe kia rarybereri. Tahe juhūu dori surawo-txi robehere kiakelile tahe idi raòwònyke. ¹⁰ Kia robeherele taheka raòwònyre biuratyremy ibutu aòna aòna-di rexilÿxinykeny. ¹¹ Inyò-ò deòdÿÿna mahādumy rarekeny diwahinyde aòwihikÿ widÿÿ wahidÿÿna wahe. Ijò-ò Deuxu rybedumy mahādu rarekeny diwahinyde. Ijò-ò Rybewihikÿmy rybedu mahādumy rarekeny diwahinyde. Ijò ityhydÿÿdu mahādu yrubudÿÿdu mahādumy rarekeny. Ijò bedeerydÿÿdumy mahādu rarekeny. ¹² Ibutumy kia mahādu ityhydÿÿdu riwìhenanykeny idi ratxireri. Tai ityhydÿÿdu iaòmysÿdÿÿna riwinykre. Kristu umy wesemy ritibiedÿÿnykeny. Ibutu dee diwahinyde. ¹³ Ikonanau tahe ibutumy wiwese wesemy rōkōhòtynyrenyke, iny tyhynareny wahe. Deuxu Riòre rikierityhyrenykeny, iny òbitimy rokoireke, Kristu òbiti wesemy rokoireke. ¹⁴ Tohouā wesemy aòkō rokoireke inythyhynareny-ki. Uritere witxiradÿÿrenyōmy ibutu bedeeryna witxira witxira-di. Iwese yhy tiò tiò aò riwymyhÿre wese kia bedeerydÿÿdu rare. Iwitxira tyhydÿÿna-ò kia ityhydÿÿdu mahādu ridykeny ratximyhÿre. Ijò inatyhy rybe weselemy rarybere. Tahe aòkōre. Kia-ò ijohonarenyōmy. ¹⁵ Tahe luuna-di inatyhymy mary-

bebenyke. Kristu aõmydÿÿnana-di bexilÿxinybenykemy idi maumynybenyke. Tii dori iny wedureny rare. ¹⁶ Ityhydÿÿdu mahãdu heka Kristu umy wese rare. Ityhydÿÿdu sohoji sohoji wijura jura weselemy rÿira. Kristu ibutumu riwiòhenanymhÿre iwese umy hona umy wese. Umyjura kia ibutumu iaõmysÿdÿÿ dire. Wiweselemy tahe raaõmysÿdÿÿnykeki tai tahe umy awimy rariamyhÿre. Ijõ widerakeki tahe, Kristu umy raumynyõtyhy.

¹⁷ Katahe Inynyrÿnimity adeereny kiamy rarybemyhÿre. Ityhydÿÿdukõdu mahãdu wesemy aõkõ boibenyebeke. ¹⁸ Iraykyreny bedeluru-ki ihÿreny. Ieherenyre, rieryõreny. Tai tahe Deuxu biu-ò hena umyuedeõna rieryõreny. ¹⁹ Ixãruna ihoðhyre. Urile ibutumu òraruna-txi rexiwahinyreny. ²⁰ Kia Jesusimy aõkõ teerytenyete inyribireny wahe. ²¹ Jesuisi inatyhyna teerytenyete, ibutumu aõbina bina ixi-ribi bihitxinyke. ²² Ibutumy awo arayky-wana bexitÿmyranke. ²⁴ Deuxu umy tÿmyra wesena-di bexityhynybenyke. Kia heka òbiti rare; inatyhy rare.

²⁵ Tai tahe ruienyõmy wahe. Inatyhymy iny witxira-ò marybemahãbeny. Wiwese hyulemy widi rakatximyhÿrenyke. ²⁶ Makyarananymahã-wana tahe urile òraru-txi ixewõmy. Ixi-di txu iròtedÿÿõmy awobinana-di ²⁷ Tule Satanasi deradÿÿna-ò nokõmy. ²⁸ Inyõ juhuv wasidureki, ixityre tii wasiõmy. Tii wiji raaõmysÿdÿÿkre aõna aõna wiwihikÿ tebò-di riwinykemy wahe. Tai tahe iaõdikre iny aõkõmy rÿira riwiòhenanyke. ²⁹ Kai uritere rybebinaõ ary-ribi iòlòdÿÿõmy Rybewiwihikÿlemy marybemahã. Kia rybe-di ijohodu riwiòhenanymhÿrele kynyhetuukre. ³⁰ Bibedeòtiidÿÿõmy Deuxu Tyytybytyhy. Tii dori arayrubunymhÿre tarasanatxu-ò. ³¹ Òbina rybemy widi nokõmy, wimy ujõmoõmy, adebure ijã ijãõmy, aõbinamy inymy ijyõõmy, rybebina-di iny ihetedÿÿõmy. ³² Tahe ibutu dee ywimy boibekre, awimy wahe ainytyhymy iny-di boibekre. Aõbinamy iny adee rarybe-wana tahe iribi bexinohõtilosanymy biixãwididÿÿnymy Deuxu dori inyòraru riixãwididÿÿnyre-ki wahe.

5 Deuxu inytybytyhyreny rare. Tai tahe iwese uladu tyby wesemy rotÿÿnymyhÿre wese, kaiboho Deuxu wesemy matximahãbenyke Deuxu riòre luunadu wesemy matximahãbenyke. Wiluurenyke, Kristu dori aluurenyre. ² Tule rexiwahinyre xiwe wesemy iny ritarenykemy. Tai tahe Deuxu dee kia lÿnyrena wiwihikÿ wese rare.

³ Tahe òta òtarenymy. Ibutumy aõna aõna bina bina widÿÿrenyõmy. Kaiboho dori ityhydÿÿdu mahãdu toite. ⁴ Rybebinamy uriteretere rybeõmy. Ixideòsidÿÿõmy. Kia widÿÿna tahe ibinare. Tahe aõwihikÿõ biwinyke, Deuxu deàlànamy. ⁵ Òta òtadu tahe Deuxu òlona wahidÿÿna ritaõtyhy, iny binaõ aõkõ, inywobire aõkõ. Kia Deuxu tyhy biukõdu mahãdu rare. Bierybenyke kia. ⁶ Itxenadÿÿ rybe-ò ijohonarenymy. Ityhydÿÿdukõdu mahãdu Deuxu rybe riywinyõmyhÿre. Tai tahe Deuxu reburemyhÿre tamyreny. ⁷ Tiiboho-wana ratxiõhymyhÿrenyre iaõmydÿÿnana binareki. ⁸ Hÿÿnau kaiboho bedeluru-ki toitemahã. Tahe wiji Inynyrÿ loosõna-ki toite. Loosõnadÿÿdu riòre weselemy boibeke. ⁹ Aõbo

loosõna-ribi nade tahe awire, òbitire, inatyhyre. ¹⁰ Tai aõbo Inynyrÿdeewi kia riteòsinyre. ¹¹ Iwese bedelurubina widÿÿdu aõhebo rotÿÿnyre wese uritere iwidÿÿrenyõmy tahe teòsaremy tamy marybebenyke. Aõbo tiiboho wasimy aõhebo rotÿÿnymyhÿre ixÿruna adee rare tuu maryhemahãkeki. ¹³ Ibutumy aõna aõna loosõna ritÿÿnyre. Tai tahe iny aõmydÿÿnana loosõna ritÿÿnykeki, iny rierykre itÿnydÿÿna dori loosõna rare. ¹⁴ Tyyritiõ kia wesemy rÿire: —Inyõ ròrõmy rÿikeki, rexixake rubuy-ribi rÿike. Kristu tahe araloosõnanykre.

¹⁵ Aõhebo botÿÿnybenykeò bexiijebenyke. Itxÿte widÿÿdu mahãdu wesemy aõkõ ahabenyke, bedeerydu mahãdu wesemy ahãbenyke. ¹⁶ Iõnodÿÿõmy abededÿÿnana. Wiji txu bededÿÿnana tahe ibinatyhymy rare. ¹⁷ Tai tahe itxÿteõmy ahãke. Bierybenyke aõbo Deuxu dee wire. ¹⁸ Vÿi mona-di axaxa rubudÿÿna wesemy aõkõ matxibenyke. Kia tahe aõnityhyre, tumodu wahe. Tahe Deuxu Tyytybytyhy heka atykymy ralòm y boibeke. ¹⁹ Mawinymy bexirybenyke awo-ki. Bexirybenybenyke Inynyrÿ-ò awi-ribi bitxienymy mawiunye. Rybewiumy marybeke. ²⁰ Deuxu inytybyreny-ò ibutumy bealãmahãbenyke Jesuisi Kristu Inynyrÿni òraru-ki tahe bexitõenyke. ²¹ Kaiboho ibutumy widee bexiwinyhymy ahãbenyke.

²² Iwese dohodÿÿna mahãdu Kristu rybe rityhynymyhÿre wese, hãwyy tahãbu rybe riywinyke, ibutu aõmydÿÿnana-ki wahe. Hãbu dori tahãwyy dinodu wese rare. ²⁵ Ibutumy hãbu tahãwyy luukemy. Kristu dori dohodÿÿna mahãdu luureki ture. Tamy tii rexiwahinyre rurukemy. ²⁶ Tai tahe kia òbitidÿÿnamy rurure. Iwese bee aõ rasuhòmymhÿre wese, tarybe risuhòmymhÿre. ²⁷ Iòraru-ki tahe Jesuisi dohodÿÿna mahãdu wiwihikÿõ ixidee rimykre. Òbiti mahãdulemy rarekre, aõbina binaõ heka tai rÿiõhymyhÿre. Awi mahãdu widÿÿdumy rarekre. ²⁸ Kiamy heka hãbu tahãwyy-di rÿirake. Iwese hãbu taumy luure wese tahãwyy luumy rÿirake. Iny tahãwyy luukeki, kia-di ixiluuke. ²⁹ Iny taumyderamy rÿiõhymyhÿre. Tahe aõkõre tule rexiòwenymyhÿre rexiwesenanymyhÿre. Iwese Kristu dohodÿÿna mahãdu riwisinanymyhÿre wese. ³⁰ Inyboho dori Kristu mahãduõ roire. ³¹ Kiamy heka Ritina roire: —Tai heka hãbuõ tybyboho heto ririmyhÿre tahãwyy-wana wii ributunymy roirekemy. Inatxi umy ribi sohoji umyhymy ròhònymyhÿre. ³² Kia aõmydÿÿnana heka ierysysirare. Tahe Kristu tohodÿÿna mahãdu-wana rarybereri. ³³ Ihãrele tahe hãbu tahãwyy luumy rÿira iwese ixiluumy rÿira wese. Tule hãwyy tahãbu rityhynyke.

6 Uladu mahãdu tybyboho rybe rityhynymyhÿre Inynyrÿ òraru-ki. Kia tahe òbiti rare. ² Boo adi-wana bityhynybenyke. Kia tahe bede ywina rybe juhuv rare. Tule Deuxu raròsõna kia bede ywina rybe-wana rare. ³ Kia biywinybenykeki, awimy mabeke, abededÿÿnana irehemy mabeke kabede-ki. ⁴ Uladu tyby, uladuse, arìòreny adeburehymy idi iwisÿdÿÿrenyõmy. Tahe aõki reòsakeki tii riòbitinykemy tamy marybebenyke. Inynyrÿ deòsidÿÿna-di tamy marybebenyke.

⁵ Deòdu mahādu kabede-ki awedureny bityhyny-benyke. Awo-ribi tyhy tamywimy biwinybenyke. Bexi-ijemy ywimy biwiny. Iwese Kristu dee tewinymahāte wesemy. ⁶ Aō tabiteriki aōkō biywinyke. Iwese Kristu deòdu wesemy mabeke. Deuxu dee wina awo-ribi biwinyke. ⁷ Deysana-di ibutumy òbitimy bisĩdĩnyke. ⁸ Ibutumy deòdu ada deòdukōdu Inynyrĩ-ribi aōna aōna rimyke. Tamy aōwihikĩ riwinykeki. ⁹ Tahe wedu mahādu, kaiboho eòdu mahādu-ò kia weselemy mabeke. Brebudĩy rybe-di eòdureny-ò rybeōmy. Awedu dori eòdureny wedu tule biu-ki ratximyhĩre. Tamy dori ibutumy wiwese wesele rare.

¹⁰ Ibutu-ò tahe ikonanam ararybekre. Inynyrĩ rurunadi bexirurudĩnyke. Iruru tahe aōni rare. Tahe ix-idee bimyeke. ¹¹ Bexitynyke aōbinatyy-di, debōna aōmydĩnyana bimyeke. Tai tahe Diabo rybemy nodu biòludunyeke. ¹² Iny ijesanareny dori moo iny-wana aōkō rare. Iwitxira Satanasi rurunadi rare. Dinodu ruru-di rare, kabede luruhukĩ wedu-di wahe. Tyytybybina ruru-di rare, biukihikĩle. ¹³ Tai tahe ibutumy Deuxu debōna aōna aōna bimyeke. Idi txubina-ki biòlòdĩnyke. Aijesu bitakeu tahe, òraru rĩike. ¹⁴ Inatyhyna-di awereysana birarutxynyke. Òbitina-di abreti

bitòbònyke. ¹⁵ Bexiywinyke ywina Rybewihikĩ rybena-ò. Tii heka adikre. ¹⁶ Ityhyna tahe awyhyitxenamy ihĩre, idi eorutà bitĩtenyke. Idi tahe Satanasi heòty wyhy biturinyke. ¹⁷ Tarasana tahe arataana wese rare. Deuxu Tyytybytyhy mayrehe heka Deuxu rybe rare.

¹⁸ Deuxu Tyytybytyhy-ki ibutumy ixitòedĩnyhy atximahābenyke. Kia-di tahe biriranymy, boibeke. Ityhdĩydu mahādu ibutumy bexitòenyhyhy boibeke.

¹⁹ Tule wadee, bexitòenybenyke. Deuxu wadee rybe kidiwahinykemy wahe. Tai brebukōlemy Rybewihikĩ aritĩnynykre, ierysy siramy wahe. ²⁰ Jiarĩ Rybewihikĩ deòsidĩydu rare wawomati rerotidire hārele wahe. Kristumy arelyykemy watzireri. Tii heka wawidĩnyare.

²¹ Txitxiò tahe ityhdĩydu seriòreò rare, waluunaduò rare. Inynyrĩ rybe-di òbiti aōmysĩdĩydu rare. Tai tahe tii adeereny reteònyre waaōmydĩnyana adee ritĩnynykemy. Awo riteysadĩnykremy.

²³ Ywina ibutumy ityhdĩydu mahādu seriòreò kanakemy watzireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyrĩ-ribi wahe.

²⁴ Ruxetōena kanakemy watzireri Jesuisi inatyhymy lu-unadu mahādu-ò wahe. Tii Kristu rare, Inynyrĩreny wahe.

FILIPI-Ò

1 Paulo, Tximòtxi-wana Jesuisi Kristu deòdureny roire. Ka tyyriti tahe rewahinyrenyleri Filiposi hãwã-ki ityhydýýdu mahãdu-ò. Ityhydýýdu yrubudýýdu mahãdu-ò tule rewahinyrenyra dohodýýna wiòhedýýna mahãdu-wana. ² Ruxetòena, ywina-wana Deuxu-ribi adeereny kanakemy watzireri tule Jesuisi Kristu Inynyrýreny-ribi.

³ Rexitòenyreu, tiu aribireny wanohòti rosaòhyymy-hýre. Deuxumy realàwãhãre umyreny. ⁴ Wadeysamy watziwãhãre Rybe tymyra wihiký tewiòhenanymahãtenyteki, juhúu, wiji tule ahãtenyete. ⁶ Deuxu iaòmýsýdýýna wihiký inyworeny-ki rexidenyreny. Tahe Jesuisi Kristu bededýýnana txuu heka rexihumy kia rýikre. Kia tahe reerytyhyre. ⁷ Kaiboho wawana Deuxu ruxetòena luuna-wana widee inyboho riubýtýnyre. Ròtena-ki rarewãhãu, tule ròtenaribiòlòmy rarewãhã. Tule Rybewihiký retýnynymy rarewãhã kiamy heka rahòtynmahãre, wawo-ki adireny rahòtynhyymahãre. ⁸ Sòwemy arawehityynanyreri. Deuxule kia rierymyhýre. Jesuisi Kristu ruxetòena uludumy iny widi roire. ⁹ Kia ixitòedýýna tule Deuxu-ò rewahinyre umyreny. Aluunareny sòwemy rýikemy rexitòenyreny. Tule araykywydynareny riixidorudýýnymy-hýke. ¹⁰ Tibo awityhymy rýira kaiboho biijebenykemy rexitòenymahãre. Tule inatyhywidýýdumy rarekremy tamy rexitòenymahãre òbitihyylemy rarekemy Jesuisi Kristu bededýýnanatxu-ò. ¹¹ Òbitidýýna bederaty wesele rare. Kaiboho oworu taraty-di rýimyhýre wese týxihikýlemy òbitidýýna-di matxibenykemy rexitòenymahãre.

¹² Jiarý ròtena-ki ráireu, kia tahe Rybewihikýmy ryberiwíòhenanyra. ¹³ Kowa dori ibutumy yrubudýýdu mahãdu roholare, dinodu heto itxeredu mahãdu wahe. Tai tahe bierybenykemy tuu rarybere. ¹⁴ Jesuisi Kristu òraru-ki tahe ròtena-ki ráimy rarewãhã. Ibutumy iny tahe kia rieryre, iòraru-ki. Waròtena òraru-ki tahe ityhydýýdu mahãdu Inynyrý aòmýdýýnadile rõhòtynyreny, tule Deuxu rybe rarybemyhýre ruberuòhyylemy ixitòedýýna-di. ¹⁵ Ijò heka ixityhydýýmy Rybewihikýmy rarybemyhýre. Ijò tahe inatyhymy Rybewihikýmy rarybemyhýre. ¹⁶ Rierymyhýre waròtena Rybewihiký òraru-ki rare. Ixityhydýýna mahãdu tahe inatyhy òbiti aòkò rare. Aòhòkýmy adotýýnykemy wadi ihýre Rybewihiký-di. ¹⁸ Aòhebohe arotýýnykre? Arabedewomy aòbo ada areysakre aòbo. Areysahymy ararekre. Kristu rybe dori rarybemy rarehymy iny inatyhynadiremy ada aòkòremy. ¹⁹ Jiarý areysatyhykre ròtenawo-ribi dori aròhònykre. Aixitòedýýna, Jesuisi Kristu Tyytybytyhy riwawíòhenanykreki. Kia tahe

reeryre. ²⁰ Deuxu aòmýdýýnana ariwiòhenanykemy watzireri waumy-di. Jiarý arurukeki ada aòkòkeki aòbo. Jiarý araxýruòtyhykemy watzireri aòhebo arotýýnykreki. ²¹ Kristu dee warumy ararekre. Tahe arurukeki kia tule wadee awire. ²² Tahe ararekeki Kristu dee araaòmýsýdýýmy arareke iny-ò Rybewihikýmy ararybekre. Tibo awityhyre reerykòre. ²³ Tahe ixityre aròhòtiwydynanykeki kiamy heka rahòtynyreny. Arakre Kristu òhýle heka Kristu-ò arakele awire. Tii heka awityhyre. ²⁴ Atòenarenykile tahe warumy ararekre. Tai tahe kabede-ki ararikre aityhydýýna-di beysakemy maumynykemy. Tai tahe kaki ararekre. ²⁶ Iu ayreny-ki aralokreu, Deuxumy bealàbenykemy watzireri, ayreny-ki ixityre watzireriki wahe.

²⁷ Biyrybenykemy adireny watzireri iwese Kristu tyhydýýdu mahãdu rýira wesekeky adireny watzireri. Ayreny-ò arakeki aòbo ada araòkeki aòbo ijyy wihiký-ò adoholamyhýkemy watzireri. Kaiboho wiwana wanale inatyhyna rybe-di tarybemahãtenyete. ²⁸ Uritere brebuòmý aòludu lau Rybewihiký òludu lau wahe. Tamyreny tahe kia rubu bina bede urihixina rare. Tahe adeereny biu-ò hena rare. Kia Deuxu-ribi nade. ²⁹ Aò Kristu tetyhynytemy sohojile aòkò tahe tamy aòhòkýmy tatýýnytenyete tule. ³⁰ Inyboho dori ibutumy wiwana aòhòkýmy rotýýnykre. Jiarý sòwemy aòhòkýmy adotýýnymahãde. Kia-ò tahe taholatenyete wamy.

2 Kaa aòbohe rýire wiòhedýýna luuna-wana Kristu-ki, biòwana aòbo Deuxu Tyytybytyhy-ki. Kohe, kia ibutumy Jesuisi Kristu kileheký rýire. Ibutumy tahe wiluumy boibeke, wiwesehyyle mohòtynybenyke, wii bitòrabutenybenyke. Tai tahe areysakre aòrarureny-ki. ⁴ Iximy xiwederenyòmý. Tahe wiribi lahiximy boibeke, aòkòmý ixi-di maráykynybenyke. Iny sohoji sohoji aòna aònadirenyremy ixi-di nohòtirenymy. Tahe hitxihitximy bòwidýýke iny sohoji sohoji iny witzira aòmýdýýnana yrubudýýmy marákywydynanyke. ⁵ Iwese Jesuisi Kristu inywitzira aòmýdýýnana-di rõhòtynymy-hýre wesele, kaiboho mohòtynybenyke. ⁶ Jesuisi Kristu juhuhyy raremyhý, Deuxule rarehãre. Deuxururu tahe rimyòhyre. ⁷ Tahe iribi ritare kaò idi kodobehekemy deòdu weselemy. Tahe inyumyò rimyre kaki inylemy rarekemy. ⁸ Tamy tahe ibinatyhymy nade itxèò-ki rukurukemy wahe. Ibutu aòbo kaki riwinyke heka, riwinyre. Tai tahe ibutu ratyre Deuxu Jesuisi risýnyre. Ibutuni ratyre ini rare. ⁹ Kiani-ò tahe ibutumy tatiowomy resekemy rýire, biu mahãdu, bedeludu mahãdu, suwomy rýira mahãdu. Tahe ibutu rybe witzira witziramy iny rarybemyhýre: —Jesuisi Kristu ibutu wedu rare.

Deuxu inybybomy ibutumy reàlámhỹre. Kiamy waser-
iòre waluuduboho. Awana watzixeriki tule iwitxira be-
de-ki aratzikre hàrele. Deuxukihyyle atximahãbenyke.
Warybe bityhynye.

¹² Aityhydỹna-di òraru-ribi bexitabenyke, bex-
iebenyke òraru-txi ixelau. ¹³ Deuxu heka adeewina ri-
wahinyhỹre òbiti widỹna. Tiile riwiòhenanyhỹre
òbitina widỹna. ¹⁴ Uritere rybe binamy rybeòmy. Ade-
buremy iny iijeòmy. ¹⁵ Tai tahe inyò rybe binamy umy
rarybeòtyhy. Òbitityhymy boibeke kaiboho dori Deuxu
riòremy toite. Kristu kodobehekrey, aòrarenen-ki
areysakre. Retare dori aòmydỹnana wihikỹò ayre-
ny-ki. ¹⁷ Arurukewana ayreny-ki rybe wihikỹmy rybe
òraru-ki, taile areysakre. Deuxu-ò dori rexiwahinyre xi-
wena wesemy arurukremy wahe. ¹⁸ Kaiboho tahe wadi
beysahymy boibeke ixideewimy tahe adeereny aru-
rukremy wãhãre.

¹⁹ Aòwesele Tximòtxi ayreny-ò ariteònykemy idi
watxiwãhãre. Jesuisi Inynyrỹ dee wikeki. Tai tahe ari-
erykre timybo kaiboho toite wahe. Tai heka areysakre.
²⁰ Tximòtxi tahe arawiòhenanyrenykre iny witxira witxi-
ra ratyre wahe. ²¹ Ijò dori ixidile ròhòtynymhỹre Jesuisi
Kristu aòmydỹnana-di aòkò. ²² Tximòtxi tahe teery-
tenyte iwese riwawiòhenanyre wese Rybewihikỹmy
rybe-ki. Iwese tyby iriòre riwiòhenanyhỹre wese Tx-
imòtxi riwawiòhenanyre. ²³ Aòbo wadee ròhònyke ari-
erykre, tai wylemy ayreny-ò aditeònykemy idi
watxireri. ²⁴ Jiarỹ òsana tule wylemy Deuxu riwa-
teònykemy wadi ratxireri ayreny-ò. ²⁵ Ijò hàbuò
iteòdỹmy raruwãhãre ayreny-ò, Epafrodu wahe. Tii
wawana noduò rare. Kaiboho juhoo wadee
teteònytenyte wawiòhedỹdumy rarekemy. Tii heka
awehityyrenymy rurumhỹre. Tai tahe
reòkesedỹnyreri kaiboho iwebinaduna-ò taho-
latenyte. Tai heka òkesemy riwisỹnyre. ²⁷ Inatyhy rare
rurure inihe. Tahe Deuxu riruxetòenyreki riteytenyre.
Jiarỹ tule Deuxu wadi raruxetòere. Tai rabadewoòhyre
aòwitxira witxiramy ratỹnymahãreki. ²⁸ Tahe aòwesele
ariteònykemy watxireri. Kaiboho beysabenykre kia
araerymahãrenyre. Jiarỹ tahe urihimy-ò arexiele-
hynykre wanohòti yrena-ribi. ²⁹ Tii kedehemykrey,
tahe bididybedenykre biwowydynybenykre. Rex-
iòhãrunymy rare Kristu òraru-ki riwawiòhenanykremy.
³⁰ Tahe tii inihe heka rurure iòraru-ki. Arokoreny-ki tii
riwawiòhenanyre.

3 Ikonanamy tahe ararybekre: —Beysabenyke, In-
ynyrỹ deysanamy. Jiarỹ heka riwaixiranyòhyymy-
hỹre heka tuu rybe. Awire tahe bohobenykeki. ² Bexi-
ijebenyke iny ijòròsa wesena-lau tii iixyruterere aòbi-
nawidỹdu mahãdu tahe tii rare. Bexiijebenyke no-
tykyresydu mahãdu lau. ³ Inyboho dori notyky resydu
mahãdu òbiti rare. Deuxu Tyytybytyhy deewimy nodu
roire. Jesuisi Kristu dee winale inydeereny awire. Iny-
boho dori aòwihikỹwidỹ-ò rikityhynyrenyòke. ⁴ Jiarỹ,
Paulo ariòludunyleke aòbo ixi-wana ariwinyke. Jiarỹ ijò
hãbu ratyre waaòmydỹnana diremy arexityhynye.
Jiarỹ dori judeu mahãdu ijoi tyhy-ki tybie rare notyky
resyna ijoi tyhy rare. Debò inataò reurotxu-di reareu.

⁵ Bejami mahãduò jiarỹ rare. Judeu mahãdu tyhy
wãhãboho roire. Iriòremy jiarỹ rare. Fariseuò jiarỹ rare.

⁶ Tai tahe bede ywina rybe retyhynye. Jiarỹ heka ii-
jaramy raeleemy reamahãre ityhydỹdu mahãdu
aòhòkỹmy arisỹnykre-ò. ⁷ Wabede ywinareny òbitimy
rare sana raholamahãre, ibutumy retyhynymy
rarewãhã. Ibutumy wahe aòmydỹnana reatyra Kristu
luuna òraru-ki. ⁸ Inatyhymy Kristu wabiu-ò hedu
reeryre, ibutu aòmydỹnana-ribi wanohòti rosare.
Ibutumy retxiwire iòraru-ki, kia ibutumy aò aòkò rare,
Kristu wabiu-ò hodule arimykrey wabiu-ò hedukremy
rare. ⁹ Waòbitina tahe aò wawidỹna aòkò rare. Jesuisi
retyhynye urenana tahe tii riwaòbitinyre. ¹⁰ Kristu ari-
erykemy idi watxiwãhãre. Rubu-ribi ixixana arierykre-
my, aòhòkỹmy arotỹnykre iòrarakile, iwese tii rurure
wesemy wahe jiarỹ heka arexiwinykremy watxireri.

¹¹ Tai rubu-ribi ixixana mahãdu-wana arexixakre.
¹² Jiarỹ òbitityhy aòkò rare ada ibutumy òbitina wadee
riwahinyòre. Jesuisi riwamyre aòmysỹdỹnaò ari-
winykemy. Tai tahe wako-ò rawãhãre araòbitinykemy
watxireri. Tamy tahe araaòmysỹdỹnykemy watxi-
wãhãre. ¹³ Òbitityhy aòkò jiarỹ rare. Kia sohojile tahe
ariwinykre. ¹⁴ Tahe arehemynykremy watxireri titxibo
Kristu diwateònyde. Kowa bede wihikỹkile uriòno ari-
takre. ¹⁵ Tahe ityhydỹdu iumy kia-di mohòtynybenyke.
Inyò aò rieryòkeki Deuxu tamy kia ritỹnynykre.

¹⁶ Uritere biijebenyke inatyhyna bityhynybenykeki wi-
wese weselemy ròkòhòtynyrenyke.

¹⁷ Ityhydỹdu seriòre, iwese rewinyemy rarewãhã
wese biwinyemy boibeke. Tule ijò-ò betehebennyke
wawese dori riwinyhỹre. ¹⁸ Sòwemy dori iny òbiti
aòkò rỹira, Kristu òludumy wahe, itxeò aòmydỹnana
òludu wahe. ¹⁹ Kia iny tahe Deuxu rahukre. Rỹsñnale ta
ideuxure. Tiiboho tahe aòbina binaòle awirenyre. Bede
aòmydỹnanadile ròhòtynyre. ²⁰ Iny bedereny tahe
biu-ki roimyhỹre. Kowa-ribi reraòrenyreny iny tarasadu
dehemynyna-ki. Inynyrỹ Jesuisi Kristu wahe. ²¹ Tii in-
yummyreny riwitxiranykre. Tii taumywelese iny ritx-
ienykre, taumy wihikỹtyhy wesemy. Tii ruru dire. Tahe
ibutu aòna aòna wedumy ronykre irurudireki.

4 Waluunadu, waseriòreboho, kaiboho wadeysana
warataana wesemy toite. Ywihyylemy boibeke,
waluunaduboho.

² Warybe rewahinyre inatxi hãwyy-ò Eòdia, Sintxi-
ki-wana. Kialemy wahe Inynyrỹ tyhydỹna-di wiwese-
hyylemy maraykynyke. ³ Adele tule wawiòhedỹdu tyhy
waryhe rewahinyre. Kai biwiòhenanykre hãwyy Rybe-
wihikỹ wiòhedỹdu mahãdu wahe. Tule Lemetxi ri-
wawiòhenanyre ijò-wana wahe. Ibutumy inireny heka
Tyyritina rubuonanakòdu-ki rỹire.

⁴ Inynyrỹ-wana beysahybenyke. Tahe ixityremy
ararybekre. Beysabenyke. ⁵ Ywina-di bisỹnyke ibutu
iny-ò. Inynyrỹ dehemynyna dori iòhòmy ihỹre. ⁶ Ibutu-
mumy aòmydỹnana heka biyrydỹnybenyke. Ibutumy
bexitòenyke Deuxu-ò, àlàna-wana bexitòenyke.
⁷ Deuxu ywina awo-ò bitidikre arayky ibutumy
riyrubunyke. Deuxu ywina dori inyraykyreny rieryòtyhy
timyrekibo awityhyre.

⁸ Ikonanau tahe ibutumy aõmybo ararybekre maraykynybenyke ibutu inatyhyna, ibutu aõeryhykÿ, ibutu òbiti, ibutu tiihyyle, ibutu iluuna, ibutu tyhyna awimy tahe roirekeki àlàna-wana rÿikeki, tahe kia-di ibutumy maraykynybenyke. ⁹ Araerynanyreny, kaiboho teeryteny, rarybereò tahe taholateny. Timybo waxyireri wese kaiboho wamy tabiteny. Tai iwesemy boibeke, ibutumy wahe. Deuxu heka ywina rare. Tii umywanarenyle rarekre.

¹⁰ Jiarÿ heka reysare Wanyrÿ dee. Kaiboho heka ixityre watxi õhõtireny reare. Tiu waribi õhõtireny rosaõhyre urile kaiboho wawidhedÿÿmy taruteny tahe isirare. ¹¹ Kaa tuu rarybereri heka aõmy raruõhyreri. ¹² Jiarÿ dori reeryre aõbo wamy rÿira idi reysamy watxiwãhãre. Ibutumy waki rÿimyhÿre-wana tule ramamy rubu reeryre. Xiwersyna wese reeryre tule aõhõkÿmydÿÿ reeryre rama jubreré. Kia tahe reeryre. Ibutu ariwinyke Kristu dori ruru wadee riwahinyre. ¹⁴ Tule umy arealækemy waxyireri tiwawidhenanyteki. ¹⁵ Filiposi hãwã dohodÿÿna mahãdu, kaiboho sohojile nieruõ wadee tewahinyteny, juhoo Macedonia hãwã-ribi rareu wahe. ¹⁶ Tesalonia hãwã-ò

wadee nieru tewahinyamahãteny, inatxi nonanamy taditeònyteny. Tahe riwamyre wadee rasiranymy idi rewyré. ¹⁷ Aõ rexitòeny reri aõkõ nierumy. Sohojile aõmydÿÿnanamy aribi aritakemy waxyireri. Deuxu aõmydÿÿnanale aritakemy rarumãhãre. Umyreny Deuxu wehityhynamy arobikemy. ¹⁸ Remyre awahidÿÿna. Epafroditu aribi riwawahinyre. Tai tahe sówemy waki rÿireri. Iwese lÿnyrena sówemy watxi reamyhyre wese awahidÿÿna wadee rare. Iwese Deuxu-ò xiwenaõ awire wese wadee ihÿre. ¹⁹ Aõhere inyDeuxureny ihewoludu atyhyna loosõna adeeremy kadiwahinykre, Jesusi Kristu òraru-ki. Aõbo adeeremy rasiranyreri. ²⁰ Deuxu kidiwahinykemy adeeremy waxyireri. Kia tahe inyDeuxureny-ò loosõna kidiwahinykemy waxyireri tiemy heka rarehykre. Kie.

²¹ Iny sohoji sohojimy warybe-di biwehitynanykre Jesusi Kristu òraru-ki. Kaki ityhydÿÿdu mahãdu tarybe wehityyna adeeremy diwahinyde. ²² Ibutumy ityhydÿÿdu arãrybeweityhynanyre. Iòlò heto ityhydÿÿdu mahãdu yribihyyle adeeremy diwahinyde.

²³ Inynyrÿ Jesusi Kristu ruxetòena adeeremy kanakemy waxyireri.

ÒLÒSÒ-Ò

1 Paulo, Jesuisi Kristu deòdu Deuxudeewimy rare kia tyyriti rewahinyre. Tule Tximòtxi inyseriòre rybe weityhyna riwahinyre, ibutumy ityhydýýdu seriòre-ò Òlòsò hāwā-ki. ² Wiòhedýýna, ywina, Deuxu iny-tyby-ribi adeereny kanakemy watzireri.

³ Jesuisi Kristu-ò àlàna rewahinyhyymahāre, tule Deuxu Inynyrý tyby-ò. Adeereny dori rexitòenyhyymahāre. ⁴ Kaiboho Jesuisi Kristu tetyhynmahātenyete. Tule kowa ityhydýýdu mahādu wilu-urenyre. ⁵ Rybewihiký inatyhyò juhū taholatenyete. Idi tahe araròsòna tetatenyete. Tai tahe biu-ribi kia ibutumy kanakre. ⁶ Iwese Rybewihiký bede bedelemy rariamyhýre wese adeereny tule dehemynyde. Rybewihiký aòwihiký adireny riwahinyre. Iwese òwòru taraty riwahinymyhýre wese, kaiboho inywitxira-ò aòwihikýbo tewahinytenyete. ⁷ Epafa jiarý wiwana Deuxu deòdurennyre. Kia iribi tadoholamahāte. Tii Kristu rybemy rybedu òbiti rare. ⁸ Tule wadee relyyre Deuxu Tyytybytyhyòraru-ki wiluuna-di ahātenyete.

⁹ Kia inyboho roholarennyre, adeereny rexitòenyhy watziwāhārennyre. Rexitòenymyhy Deuxu dee wityhymy kaiboho bedierybedenyke. Deuxu Tyytybyerynatyhy-di boibekemy, bedeerydýýna-di. ¹⁰ Deuxudeewihyymy kaiboho atximahātenyete maratynyke wese aòwihikýmybo. Biubýtýnymy boibeke Deuxumy bierybenytyhykre. ¹¹ Ibutumy ruruna-di boibeke Deuxu ruruna wityhy-di texihymy tadonymahāte ibutumy aòhòkýmy bodotýýnykre deysana-di. ¹² Deuxu iny-tybyreny-ò àlàna biwahinybenyke. Tii iny riywidýýnyrenyri inyjura juramy ritakemy. Kia jura jura ityhydýýdu mahādu hòrò rare Deuxu loosònawo-ki ratximyhyrennyreki. ¹³ Tii bedeluru òlòna-ribi diwatade tahe diwadyde taRiòre luuna òlòna-ò. ¹⁴ Kristu heka iny ritare. Tii iny òrarunarenny riòwynnyre. Ibutumy òraruna riixāwidinare. ¹⁵ Jesuisi heka Deuxu lobixidýýna rare. Deuxu tahe alobixina aòkò rare. Ibutumy widýýna-ribi tii juhū rāire. ¹⁶ Tii tahe ibutumy bededýýnana widýýdure. Ibutumy biu-ki bede-ki lobixina lobixiòna-wana riwinyre. Iòlòna wedu tyhydýýna ruruna. Dinodu widýýna. Ibutumy tii riwinyre ixidee. ¹⁷ Tii ibutu aòna aòna-ribi juhū rýire. Ibutumy aòna aòna taruru rimyreri tai. ¹⁸ Iwese umyriti umy wedu rare kia wese Jesuisi ityhydýýdu mahādu riti rare. Tii juhuna rare. Iwedu rare. Tii rubu-ribi ixixana juhū ludu rare ibuturatyre dori Deuxu risýnyre juhuuludumy ratxikemy. ¹⁹ Jesuisi-ki ibutu wiwihiký rarekemy. Kia tahe Deuxu dee wire. ²⁰ Deuxu ywina diwahinyde Jesuisi hālubu-di itxeò-ki. Jesuisi hālubu xiery ibutumy Deuxu riwaaxidýýnyre biu-ki bede-ki. ²¹ Kaiboho Deuxu ery

aòkò juhū toite. Iòludu toite, arayky-ki aòbinahaký widýý tadexinohòtynnyete. ²² Jesuisi umy-di Deuxu arainytyhydýýnyre Jesuisi rurureki. Tai Deuxu tako-ò akanatamadýýnykre taòbitidýýnyteki aòraru lyrana-di, aòraru tuedena-di inyò umy ibinamy rarybeòtyhy. ²³ Urile tyhydýýna-ki boibebenyhyke araròsòna-ribi ixihitxidýýòmy. Araròsòna dori Rybewihiký-ribi nodu rare. Tii-ò tahe taholatenyete. Ibutumy iny biurawoludu-ò Rybewihikýlemy narybede. Iribi jiarý, Paulo, Rybe wihikýmy rybedu ròhònyre.

²⁴ Wijile reysamy watzireri adee aòhòkýmy ratýýnyreriki, aò aòhòkýmy dýýnanabo Kristu-ò rauhenyete. Tai jiarý aòhòkýmy arotýýnykre waumy-ki hyymy. Kristu-ò rýira mahādu dee kiamy ratýýnyre, dòhòdýýna mahādu dee. ²⁵ Iribi jiarý Rybe wihikýmy rybedu ròhònyre. Kiamy Deuxu dee wimy diwateònyde tarybemy rybedumy. ²⁶ Tii ihetxiu rybe inatyhy ibutu lau rexiwore. Wiji tahe rexitýnyre ityhydýýdu mahādu dee. ²⁷ Kia-ò Deuxu rexitýnykemy ratxireri iwese aòwiwihiký, taloosòna ratxireri, ibutu iny witxira dee. Kristu inywo-ki, kia tahe iny iraròsòna rare. ²⁸ Kia Rybewihikýmy relyymahārennyre ibutumy iny-ki reerydýýnanyamahāre bederysyna-di. Kia wesele ibutumy ityhydýýdu mahādu òbiti Kristu-ò ariteòsinykre. ²⁹ Ki-aòle tahe rexirurudýýnyhyymahāre, Kristu rurudile waki rýimyhýre.

2 Warayky-ribi ijesu nihikýmy resumahāre awo umyrenny rahòtieremahāre reysakemy Òlòsò hāwā-ki. Laodisia mahādu tule wamy robiòmyhýre mahādu tule wiluutyhyrennykemy kaiboho ibutumy Deuxu bedeerysynatyhy bierybenyke adireny watzireri. Kristu-ki tahe bede erysynatyhy-di atxiteri idi watzireri. ³ Kristuwo-ki ibutumy bedeerydýýna bede erysynatyhy ityhyna wesele riyrubunymy rýire. ⁴ Kawese rarybera inyò arāitxenanyòmyhýkemy rybe rayky-ribi ije-di. ⁵ Waumy awanarenny ratxiòreri, waty-tyby tahe awanarenny ratxireri, riwadeysanyreri, aòwityhy òbiti-di riwaerynanyreri Kristu-ki aityhydýýna-di riwaerynanyre.

⁶ Iwese Jesuisi Kristu heka Inynyrýhyny tetyetynte wese. Tai tii-wana mabehybenyke. ⁷ Iwese oworu irarutiò rimymyhýre wese myike. Anaerynadýýnymahāde wese maumynyke àlàdýýnamy.

⁸ Bexihārubenyke, inyò anaitxenadýýnyke lau. Tarayky-ribi ije rybe-di lahirybe-di anaitxenanykemy ihýre rybe uritere ije ije-di. Kia rybe iny aòmydýýnana-ki rýire bede tyytyby aòmydýýnana-ki. Kia Kristu aòmydýýnana aòkòhyymy rýirake. ⁹ Kristu umy-ki tahe ibutumy Deuxu ixitýnydýýna rýire. ¹⁰ Tule Kristu-ki kai-

boho tyhynamy toite, texihutenyte. Tii heka ibutumy hābu rurudỹna ratyre rare, iòlòdỹna ratyre rare.

¹¹ Iwese uladunotyky riòròre wese Kristu aòraru urarina aribi diorode. Notyy resyna inatyhy aòkò rare. Kristu iwesenalemy riwinyre. ¹² Taratisebenytenyteu, Kristu rubu wesemy tewesenatenyte deledede. Tule beribi tadòhònytenyteu irubu-ribi ixixanamy tewesenanytenyte. Deuxu tyhydỹna-di rubu-ribi texitatenyte. ¹³ Kaiboho aòraruna-ki tòimyhỹteu rubu wesemy notyynaresy aòkò-di toimyhỹteu, adeereny runa Deuxu diwahinyde, aòrarureny diixāwidinyde. ¹⁴ Kristu iny òraruna widỹnareny-ribi tòhòti rosara. Kia tyyritina-di riixāwididỹnyre taitxeò-ò rareu. ¹⁵ Rurudỹna mahādu ruru dinodu mahādu ruru ritara, ibutumy iitxerenareny ibutu-ò riteòsinyre. Kristu taitxeò-ki irurureny ritara.

¹⁶ Kaiboho tahe uritere iny rybemy deòbyrenykoõmy roxina bemomo, ada ahādu herinau ixenamy, ada sabado bededỹnanamy. ¹⁷ Kaiboho dori aò kanakre wesemy rare. Kristu tahe ibre tuu rare. Kia aòmydỹnana aò aòkò. ¹⁸ Inyò adeereny rarybekeki: bexit-iònyke ýju biteàlānykemy, rasina-ki ierysomy mohòtinkyemy. Tamy ijohonarenyòmy urile erydỹdumy rohòtincyra. Tii tahe Kristu rityhynyòhyymyhỹre. ¹⁹ Inyummy wese inyboho ihỹrenyre. Kristu tahe umy ratiwese. Umybutule-ribi ibutumy iukỹna wiwana reare. Ibutumy òhòna tusina-wana umy rabutumyhỹre. Deuxu umyna-di umy raumymyhỹre.

²⁰ Kai Kristu-wana taruta-wana bedede aòmydỹnana-ribi, aòherekibo wiji bedede aòmydỹnana-wana arumy ahāte. Aòherekibo bedede ywina witxira witxira tetyhynymy ahāte: imyny wedeydỹòmy. Tamy ade rexiòmy, roxina urihixiòmy. Kia wese hābu bedede ywina tetyhynymahātenyte. Kia aòmydỹdỹkeki, rexihuke. ²³ Bede erydỹna wese ratxireri. Kia dori ixideele rexytyhydỹnyre iyubu wesemy rawesenanyreri, taumy ixidee aòhòkỹmy rexisynyre. Ibutumy kia tahe riwìohenanyòhyymyhỹre umy òraluna lau.

3 Kaiboho Kristu-wana texitatenyteri wana, biu ludu aòmydỹnana-di mohòtynybenyke, tai Kristu Deuxu ruruna weribi rasynymy ronymyhỹreki. ² Biu ludu aòmydỹnana-di mohòtynybenyke, kabede ludu aòmydỹnana-di aòkò. ³ Rubu wesemy dori ahātenyte, aumy tuedeòna runa Kristu-wana rare —Deuxu-ki riyubunymy ratximyhỹre. ⁴ Kristu rehemynyreu, tule tii-wana rakatxirenyke.

⁵ Tai òhòti bitosanyke bedede ludu aòmydỹnana aki rỹire: uri uri rỹira mahāduhemy ijara, òbitiòna, deòsana hemy nodu, iòbi retỹnyre òbiti-di aòkò rare. Inyò rỹire-di òtena kia ritxoo àlàdỹna wese rare. ⁶ Kia aòna aòna Deuxuwo binana rare, kia-ò Deuxu ykarana kanakre kia òrarudu mahādu-ò. ⁷ Kaiboho kia tewinytenyte aòrarunareny òrarudumy toiteu. ⁸ Wiji tahe ibutumy kia aòmydỹnana aribi rexihukemy idi watxireri —wobinana, ujòmo, rybe ije ije. ⁹ Iny witxira-ò ruiòmy, araybidinatyby dori aribi dexihude, iwidỹnabina-di. ¹⁰ Araybidina tỹmyra-di tahe texiumy-dỹnyte tii araijònyre bedeerysynahakỹ-di, Kristu ray-

bidina wesemy araybidina rarekre òbitimy araijònykre. ¹¹ Kowa-ki wii rikininirenyòkre: judeu mahādumy, judeukòdu mahādumy, notyky resydumy, bedeeryò mahādumy, txiebese wese mahādumy, deòdu mahādumy, deòdu aòkò mahādumy ibutumy Kristu dee wiwese weselemy rỹire. Kristule tahe ibutumy ihỹre inydeereny. Tii ibutu inywo-di ratximyhỹre.

¹² Kaiboho Deuxu ijeseemy anadymyhỹde tahòrò luwana mahādukremy. Tai ruxetòena-di boibekre ixāwidina-di, inytyhyna-di, ywina-di. ¹³ Wii riwìohenanymy rỹike. Wii riixāwididỹnymy rỹike. Inyò adee aòmy rotynnykeki ixirawomy bijeranyke. Iwese Inynyrỹ araxāwidinyre wese iny biixāwidinyke. ¹⁴ Ibuturatyre wiluurenkemy kiadile kaiboho wiwana ibutumy boibeke iweselemy mohotinybenkemy. ¹⁵ Kristu ywina heka umyy-ki itxeredumy rarekre. Kristu hòrò mahādu sohojilemy mabeke. Tai tahe àlana tamy biwahinybenyke. ¹⁶ Kristu rybe-di awo-ki mabehyymy mabekre idi watxireri. Wii biernadỹnymy bitohonymahābenkemy bedede erysyna-di. Deuxu-ò àlana biwahinyamahāke wiurybe-di, wiu-di Deuxu Tyytybytyhy wina-di. Mawinyke àlana-di aworeny-ribi. ¹⁷ Ibutumy tuu marybekremy, ibutumy tuu botỹnykremy Wanyrỹni-ò, tuu botỹnykre Jesuisi Kristuni-ò. Inytyby dee àlana biwahinykre, Deuxu-ò wahe.

¹⁸ Hāwyy! Kai ahābu bityhynyke, Deuxu ersydỹna-di. ¹⁹ Hābu! Kai ahāwyy luuke, idi tudòrenyòmy. ²⁰ Uladu! Borybe, adirybe-wana bityhynyke. Kia tahe Inynyrỹdeewire. ²¹ Uladuse, uladutyby! Kai ariòre ikyaradỹòmy, bedede wona-di aòkò ratxikemy. ²² Deòdu mahādu! Kai kabede-ki awedurybe-di ibutumy bityhynyke aò idi retehererikile aòkò, awedudeewi sohojilemy aòkò, awo-ribi tyhy Inynyrỹdeewimy tuu botỹnyke. ²³ Aòbo botỹnymahāke ibutu Deuxu-deewimy botỹnyke. Hābudeewimy aòkò. ²⁴ Deuxu-ribi aòwydỹna kanakre. Kristu-ò dori taaòmysdỹnymahāte. Adeereny rahetoò riyubunymy roimyhỹre. ²⁵ Inyò tahe aòbina riwinymyhỹkeki, ihewomy aòbinale ritake. Deuxu dori ibutu dee wiwese weselemy idi rotỹnymahāre.

4 Wedu mahādu, kai eòdureny dee òbitimy idi ahābenyke. Kai tahe tule awedu dire biu-ki. Kia nohòti losaòmy.

² Bexitòenyhyymahābenyke. Betehehybenyke. Beàlāhyymahābenyke. ³ Inydeereny kia bedexitòenykre. Deuxu rybe wihikỹ-ò iny dee hāwā witxira-ò kidiraynykre, Kristu inatyhynamy arelyrenykre. Iòraru-ki womati reroti nihikỹ-di watxiwāhāre. ⁴ Kia ritynynykre idi watxiwāhāre. Waaòmysdỹna kiemy dori ihỹre. ⁵ Biu ludu bedeerydỹna-di boibeke ityhydỹdukòdu mahāduy-ki. Aòwihikỹrybe bexitỹnykeki, turybelemy idi beake. ⁶ Arybe aòwi weselemy biyubunyke, iwese rỹsỹna juwya-wana raurinymyhỹrewi wesemy. Tai arawyòna ijòdikre tỹyraxina-ò.

⁷ Txitxiò ibutumy waaòmydỹnana adeereny relyykre. Tii waityhydỹdu seriòre waluumy rare. Tii rybedu òbiti iny-wana ratxireri. ⁸ Adeereny reteònyreri waaòmydỹnanareny erydỹnamy awo deysadỹmy.

⁹ Onesimo heka tii-wana ariteònykre. Tii tule òbiti ityhydýýdu seriòre ratxireri. Ahãwãreny yluduõ rare. Tii-boho kedelyydenykre ibutumy timybo wãhãremy.

¹⁰ Aristarku wawana ròtenawo-ki wãhãre. Tarybe adeereny diwahinyde. Marku adeereny tarybe tule diwahinyde. Tii Banabe exi rare. Markumy, warybe teeryte, adeereny rybe rewahinyre wahe. Tii adeereny kedehemyneki, bidiwiòhenanyke. ¹¹ Josue-Justu ibutumy eryna rare. Jesuisi inityhy rare. Kaiboho sohojile tahe judeu mahãdu-ribi iny-wana raaõmysýdýýreri Deuxu òlona òraru-ki. Tiiboho riwawiòhenanyhyymyhýreny. ¹² Epafa tule aeryrenyõ rare tarybe adeereny diõde. Tii adeereny rexitòenytyhyhyymyhýre kaiboho Deuxudeewimy boibehykyemy. ¹³ Jiarý reeryre tii adeereny tòemy ratximyhýre, tule Laodisia mahãdu

dee tule Ieryopoli mahãdu dee. ¹⁴ Luka, tarybe diwahinyde. Tii ityhydýý òhotibedu rare. Dema tule tarybe diõde. ¹⁵ Warybe wehityhyna biõke Laodisia ityhydýýdu seriòre. Ninfa-ò tule wehityhyna biwahinyke dohodýýna mahãdu taheto-ki rýireriwana. ¹⁶ Watyriti-di dohodýýnaheto-ki rariakreu, idi tule Laodisia mahãdu-ò biõkre tako-ò rariakemy. Tule watyriti kowa-ò rewahinyre, wimyke amahãduko-ò rariarenkyemy. ¹⁷ Arikipu-ò warybemy marybeke. Tii aõmysýdýýnaõ ritare Deuxu-ribi. Kia-di tii ratxihyyemyidi watxireri.

¹⁸ Kia tyyriti wadebò ritidýýna tyhy rare. Womati reroti-di rataataamy nadoimyhýderibi òhõtireny lusarenymy. Deuxu wohyna adee kanakemy idi watxiwãhãre. Paulo.

1 TESALONIA-Ò

1 Jiarýboho, Paulo, Sila, Tximòtxi-wana heka Tesalonia hãwã ityhydýýdu mahãdu-ò tyriti ariwinyreny Deuxu ijoimy kaiboho toiteki. Deuxu wohyna, Deuxu ruxetòena heka Waha-ribi, Jesuisi Kristu Iòlò-ribi akirenykemy he wadee awire.

2 Aõu aõu Deuxu deàlànamy adeereny rex-itòenymahãre. **3** Atyhyna tiu inynohõti-ribi rosaõtyhy. Aluunareki dori Deuxu dee taaõmysýdýýmahãte, Jesuisi Kristu iny Iòlò dehemynyna teraòteri. **4** Kaiboho, Deuxu luuna mahãdu, Deuxu iyrenymy araijere. **5** Rybewihiký adee retýnynymahãre. Kia heka rybe sohojile aõkõ rare. Tii ruruna rare Deuxu Tytybytyhymy. Erynatyhy teeryte. Iwese iny ako-txi ratýnyreny wese, kaiboho teerytenyta. Aluureki dori kawesemy ratýnyreny. Tai tahe iwese inyboho ratýnyre wese tule kaiboho tatýnyteny. Tule Inynry-wesemy tatýnyteny. **6** Aõhõkýmydýýnana hãrele heka kaiboho rybe-ò taholateny. Tii aradeysarenre, aõhõkýmy dýýnana-ki hãrele. Eysanarenre dori Deuxu Tytybytyhyribile namyhýde. **7** Kaiboho tahe ityhydýýdu mahãdu wihiký toite. Ibutumy ityhydýýdu mahãdu heka aweserenymy roirekemy ratxirenryeri Macedonia bedeki, Akaia hãwãdýýna-ki tule. **8** Aeryna ibutumy hãwã hãwã rieriya Deuxu tetyhynyteki, Macedonia bedeki tahe tule Grecia bedeki. Tahe kia-ò icyby bohobabenykekõ dori rare. **9** Iny arora-ribi dehemynydeu inyko relyymyhýre. Kaiboho asuritxoo deuxu-di tehuteny tahe inatyhy Deuxu tetyhynyteny, Deuxu iru wahe. **10** Ir-iòre biu-ribi kanakremy teraõmahãteny. Kia heka Deuxu rubu-ribi riixixanyré rare. Jesuisi sohojile heka Deuxu debure-ribi riwatarenykre. Deuxu dori òraruna òraru-ki sówemy rakyaranynihikýmyhýre. Tule kia umy inydee relyymyhýreny.

2 Kaiboho teeryteny arora-ò roirenyreu, jiarýboho Deuxu aõmysýdýýna sówemy rewinyreny. **2** Jiarýboho aõhõkýmy ratýnyreny Filiposi hãwã-ki. Tai tahe adee rehemynyre Tesalonia hãwã-ò wahe. Deuxu taruru diwahinyde. Tai heka jiarýboho adeereny roirenyre Deuxu ijywihihikýmy arelyreny. Sówemy inydeereny òbinadu rýre. **3** Iny rybe-di týnydýýnareny inatyhymy rare. Inyboho òbitimy rõhõtinynyreny. Jiarýboho anaitxenanyrenyõtyhy. **4** Iwese Deuxu inydeereny riwateõnyre wese kialemy heka rarybeke. Aõbo inysõweheký deewimy aõkõ rarybereny, tahe Deuxudeewimy. Tiile rieryre aõbo inywo-ki ratximyhý. **5** Tii rieryre iwese inyboho adeereny rarybemahãreny wese. Nieru tarasakemy aõkõ inyboho watxirenry rui-di raryberenyremy rybewihiký adee rewahinyõhymy. Awowydyna, arybe wiwihiký

heka inydee aõkõhymy idi watxirenry. Ijõ iny-ribi tule aõkõ kia rybe idi watxirenry. **7** Jiarý tiu ararybewmahãreny idi aniereny aritakemy. Kia ariwinyrenyeki tahe, tule awire. Inyboho dori Jesuisi Kristu deòdýýna inyboho ratxirenryeri. Tahe iu jiarý ayreny-ki raremahãu, aluurenry. Iwese hãwyyõ tariòre riyrubunry wese adireny watximahãre. **8** Deuxu Rybewihiký sohojile aõkõ adeereny ariwahinykemy watxireri, aruruke adeereny, jiarýboho sówetyhymy aluurenryeki wahe. **9** Sówetyhymy jiarýboho raaõmysýdýýnymahãre ayreny-ki raremahãu, tai tahe òwyõ aõkõ teòwynymahãteny. Rummy raaõmysýdýýmahãreny, txumy tule. Tai ixi-aõmysýdýýnadile inyboho rýimahãreny. **10** Jiarýboho ayreny-ki òbitimy roiremahã. Aõhe inatyhy, waityhydýýdu seriòreboho. Kia teeryteny. Deuxu tule riwaery. **11** Iwese tybyõ tariòre riywinyre wese, jiarý araywinyra, wariòre wesemy. **12** Arãwiòhenanykemy adi watxireri arateysadýýkemy. Warybe dohodýýna-ò bohobabenyke. Tai tahe kaiboho Deuxudeewina-ki atxibenyke. Tule tii-wana masýnybenyke taòlòna-ki, toosòna-ki.

13 Tai tahe àlàna sówemy Deuxu-ò rewahinyreny. Ayreny-ki raremahãu, Deuxu rybe týnydýýmy, kaiboho tetyhynytyhymahãteny. Deuxurybele taholateny. Tii heka inatyhy kia rare, Deuxu ijytyhy wahe. Waityhydýýdu seriòre, Deuxu ayreny-ki ratximyhýre.

14 Waseriòreboho, iwese Judeia ityhydýýdu mahãdu heka aõhõkýmy rotýnyre wese, kaiboho iwesele aõhõkýmy tatýnyteny. Kaiboho aõwitxira witxira aõbina bina teòludunymahãte aõhõkýmy dýýnana-ki. Abede ludu mahãdu tuu riwinyre. Iwese Judeia mahãdu heka judeu mahãdu debõ-ki aõhõkýmy rotýnyre wese, kaiboho tule aõhõkýmy tatýnyteny. **15** Judeu mahãdu heka juhoo Deuxu rybedu mahãdu rirubunryreny. Jesuisi tule rirubunry. Inyboho tule ribinadýýnykemy ratxireri. Deukumy dòdu tiiboho roire. Ibutumy inymy òludu ratxireri. **16** Tiiboho iny ribinadýýnykemy ratximyhýre, iny dori rybe týnydýýdumy inyboho ratxireri judeukõdu mahãdu-ò. Kia-di heka ijõ òraruna tiiboho ributunry. Deuxu tahe wiji tiiboho ribinadýýnykre. Ityreny-ò Deuxu kyarana bededýýnana kedeseke.

17 Waityhydýýdu seriòre, aribi irehemy watxireri, awehityhyna sówemy wadi ratxireri. Sówemy adi aretehekemy watxireri ixityrele. Tiubo aroram arake, Satanasi riwabinadýýnyra. Tahe aõkõre. Araõke. **19** Kaiboho dori iny raròsonatyhy, inydeysana, iny biu-ò hena

Inynyrÿ Jesuisi òraru-ki atxitenyete. Tii dori kanake. Kai-boho ixityhydÿÿnaò heka toimahâte.

3 Ikonanau tahe reòludunyrenyòtyhy. Tai tahe ixisohojile Atena hãwã-ki rÿikremy watzireri. ² Tai Tximòtxi adee reteònyre, inyseriòre wahe. Tii heka wawanareny Deuxu aòmÿsÿdÿÿna-ki riwiòhenanyre Kristu Rybewihikÿ tÿnydÿÿmy. Adeereny dori reteònyre aityhydÿÿna wiòhedÿÿmy. ³ Tai tahe bede jei jei òraru-ki, kaiboho ahewo-ò booseòtyhy. Kia ibutumy Deuxudeewina inydeereny rare. ⁴ Iu ayreny-ki rarewãhãu, kiamy rarybewãhãre aõma adeereny aòhòkÿmy dÿÿnana kanake. Kiale tahe inatyhymy nade. ⁵ Tai tahe Tximòtxi reteònyre, omy arierykemy timybo aityhydÿÿna-ki tatÿÿnytenyete. Satanasi òsana waaòmÿsÿdÿÿna ayreny-ki ribinadÿÿnyre. Aòkòre, tii Deuxu aòmÿdÿÿnana ribinadÿÿnyòtyhy. ⁶ Tximòtxi heka Tesalonia hãwã-ribi ròðsera. Ijyy Wiwihikÿ tahe raholar. Aityhydÿÿna aluuna wana raumynyre. Tule tii relyyre iwese kaiboho awehityhyna dire inyluure wese. Wadeysamy watzireri, waseriòreboho, aòraru-ki. ⁷ Waaòhòkÿmy dÿÿnana hãrele heka wadeysamy watzireri, aityhydÿÿna awireki wahe. ⁸ Kaiboho awimy matxibenykeki, awimy jiarÿ watzimahãre, warumy watzimahãre. ⁹ Aòraru-ki tahe Deuxu-ò àlàna re-wahinyre. Deuxu-ki tahe wadeysamy watzireri. ¹⁰ Rummy txu-wana adeereny arexitòenykre arora-ò arake, aityhydÿÿna wiòhedÿÿmy wahe.

¹¹ Deuxu Inyetyby, Jesuisi Kristu Inynyrÿ-wana riwaw-iòhenanykemy idi watzireri arora-ò arake. ¹² Wiluumy ibutumy ityhydÿÿdu mahãdu luumy idi watzireri. Iwese aluure wese wiluuke. ¹³ Tii inydeereny ruruna ri-wahinykemy idi watzireri. Òbitimy tahe rakatxirenyke Deuxuko-ò, Inyetybyko-ò. Inynyrÿ Jesuisi kedehe-mynykreu, tamahãdu-wana, tai iny imahãdule rakatxirenykre.

4 Waityhydÿÿdu seriòre, timybo òbitimy ahãbenykemy rebedeerynyre Deuxudeewina wahe. Iratyre tahe arexitòenykre Inynyrÿ Jesuisi òraru-ki, òbitityhymy boibenybekemy. Kia tahe teerytenyete. ² Jesuisi bede erydÿÿna heka adeereny rewahinyrenyete. Kia teerytenyete. ³ Kia tahe rare. Òbitityhymy ahãbenyke, òta òtarenyòmy. Iny sohoji sohoji òbitimy ahãwyy-wana matxibenyke. ⁵ Iwese ityhydÿÿdukòdu mahãdu riwinyre wese aòkò idi ahãke. Tii dori Deuxu rierykòrenyete. ⁶ Tuleke kia aòmÿdÿÿnana-ki iny sohoji sohoji aityhydÿÿdu seriòre ibinadÿÿòmykemy. Iwese rarybere wese ixityre ararybekre. Inyò kia aòmÿdÿÿnana riwinykeki, debure bededÿÿnana tii ralòke. ⁷ Òta òta aòmÿdÿÿnana aòkò Deuxudeewire, òbitina aòmÿdÿÿna tamywire. ⁸ Inyò kia bede erydÿÿna rityhynyòkeki, Deuxule heka tii rityhynyòre, hãbu bede erydÿÿna aòkò. Deuxule Tatytybytyhy inydee riwahinyre.

⁹ Kaiboho aityhydÿÿdu seriòre mahãdu luurenyre. Tai ixityby kia adeereny ariritinyòtyhy. Deuxu dori araerynanyrenyete timybo wiluumy boibekemy. ¹⁰ Kia luuna-di tahe ibutumy Macedonia hãwã hãwã mahãdu luumy. Ihãrele tahe waseriòreboho iratyre wiluumy.

¹¹ Ywina-di wi-ò wi-ò boibeke. Aaòmÿsÿdÿÿna-di iximy-

namy boibeke. Tai ibutumy ityhydÿÿdukòdu mahãdu umyreny robikreu anatyhynyrenyete. Tai tahe ijò iny aaòmÿdÿÿnana ixidi nokòmy. Ixisohojilemyta ixidi maaòmÿsÿdÿÿnyete.

¹³ Waseriòreboho araerynanykre rubu mahãdu aòmÿdÿÿnanamy. Tai ijò inywese mahinybenyòke, bobubenyòke. Tii dori raròsòna-di aòkò ratxirenyete. ¹⁴ Kristu heka rubumy roire ribile rexixare. Kia tahe retyhynyrenyete. Kiawesele tii-wana heka Deuxu taityhydÿÿdu mahãdu kididyke, rityhynymy rurure mahãdu tule. ¹⁵ Inynyrÿ riwabedeerynyrenyete kiamy: inyboho irumy ratxikeki kiatxuu juhuumy timy inorenykòna. Rubu mahãdu tuukre. ¹⁶ Tahe ÿju wedu juhuu rarybekre. Deuxu juròna-di ritxurònyete. Idi Inynyrÿ kodobeheke biu-ribi. Juhuu ibutumy ityhydÿÿdu rubumy rÿira riumynykre, riumywitziratÿmyranykre, ri-ixixanyrenyete. ¹⁷ Tahe ibutumy inyboho irumy rÿira mahãdu heka Inynyrÿ-wana ributumynyrenyete biu-ki. Tai tiiwanahyy roirenyete. ¹⁸ Kia rybe-di wii beysabenyete.

5 Ityhydÿÿdu seriòre, tiubo kia ibutumy aòhebo rotÿÿnyete. Kiamy adeereny ariritinyòtyhy. ² Rummy wasidu wesemy kia txu kanake. Kia teerytenyete. Ibededÿÿnana iny rieryòtyhy. ³ Inyò rarybekeki: —Ibutumy awire. Ibutumy ywina-di ratxireri. Kiatxuu kedexihukre. Inyò rahenyòtyhy. Iwese hãwyy txuberere wese, uladu ijera iòhòreu kia rare. ⁴ Kaiboho, waseriòreboho, tetyhynytenyete tai kiatxuu adeereny bede òtiidÿÿ aòkò rarekre. Kaiboho dori kia teerytenyete, wasidu wesemy kanakemy wahe. ⁵ Inyboho ibutumy txuu mahãdu atxitenyete, loosòna mahãdu wahe. Bedeluruhukÿ mahãdu aòkò inyboho ratxireri. ⁶ Tai tahe ròkòrònyòtyhy. Bexixabenyete. Ijò iny wese aòkò atxibenyete. Betehebenyete. ⁷ Rummy ibutumy iny ròròmyhÿre. Tule kiau ibutumy riòmyhÿre, axaxaluudu mahãdu wahe. ⁸ Inyboho tahe iximy rekexiòbitidÿÿnyete ywina-di. Ityhyna, luuna-wana heka iny òrarunareny itxena wesenamy rikitidikre. Tarasana tahe inyratyiwina wesena rare, tarasana raròsòna wahe. ⁹ Debure bededÿÿnana-ò aòkò inyboho ralòòtyhy. Deuxu aòhòkÿmy dÿÿnana kia Deuxudeewina aòkò rare inydeereny. Biu-ò hena-ò tahe inyboho ralòrenyete Jesuisi Kristu Inynyrÿ òraru-ki. ¹⁰ Tii dori inydeereny rurure. Tai tahe tii-wana rarehymy rÿikre irumy ada rubumy iny ratxirehãre.

¹¹ Kiarybe-di widee beysadÿÿnymahãbenyete. Deuxu rybe tÿnydÿÿdu mahãdu biwiòhenanybenyete, bityhynybenyete. Kia tahe wadee awire. Tii dori awiòhedÿÿdu ratxireri Inynyrÿ òraru-ki. Ibutumy widee òbitimy atxibenyete, tii Deuxu deòdu rareki. ¹⁴ Tule adeereny ijò dohodÿÿnaò aratohodÿÿnyete. Iehehe mahãdu biòbitinybenyete. Ityhyna kyhynakò mahãdu bikyhynanybenyete. Ibutumy widi atximyhÿbenyete. ¹⁵ Inyò aòbinamy adee rakeki, ixidòwdÿÿòmy. Ywina-di tamy bisÿnyete. ¹⁶ Beysahyybenyete. ¹⁷ Ixitòedÿÿhyymy boibehyybenyete. ¹⁸ Ibutumy bealàmahãbenyete. Kaiboho dori Kristu ijoi atxitenyete. Kia adeereny Deuxudeewinare. ¹⁹ Deuxu Tytybytyhy-ò boholake, awo-ki arayky-ki tii ratxire. ²⁰ Deuxu dee rybedu mahãdu awire irybe awire. Ibinamy aòkò tai marybebenyòtyhy.

²¹ Ibutumy biurihibenyke. Aõbo awirele tahe idi bimyke. ²² Ibutumy òraruna-ribi irehemy atx-imahãbenyke.

²³ Deuxu heka ywina rare. Tii araòbitidỹnytyhyke. Adeereny rexitòenyre. Araykywydyna, òhòtiwydyna, aumy-wana ibutumy raywidỹmy ratxike idi watxireri. Jesuisi dori eleelemy kodobehekre. ²⁴ Tii kia ibutumy juhoo rarybere wese, tii adeereny riwinyhyykre.

²⁵ Waityhydỹdu seriòre, inydeereny bexitòenybenyke.

²⁶ Deuxu deysana òlusò-di wii birybebenyke.

²⁷ Wadee boholake Inynyrỹ òraru-ki. Kia watyriti heka ibutumy ityhydỹdu seriòre roholakemy watxireri. Idi mariake.

²⁸ Jesuisi Kristu Inynyrỹ ruxetòena heka adeereny ratximyhỹkemy idi watxireri. Kie.

2 TESALONIA-Ò

1 Paulo, Sila, Tximòtxiboho-wana tyriti re-wahinyrenyre Tesalonia dohodỹna mahādu-ò. Deuxu Inytyby, Jesuisi Kristu Inynyrỹ ijoi toiteò. ² Wiòhedỹna, ywina-wana adeereny kanakemy watrixeri Deuxu Inytybyreny-ribi, Jesuisi Kristu Inynyrỹreny-ribi.

³ Inyseriòreny, Deuxu-ò adee reàlāmāhāreny. Kia tahe awi rare. Kaiboho aõu aõu textyhydỹnytyhymy atximahātenyteki, ityhydỹdu seriòre wiluuna-di iluutyhymy teletenyteri. ⁴ Tai heka ijõ Deuxu dohodỹna heto-ki aõwihikỹmy umy rarybemahāre. Kaiboho dori aõwitxira witxira aõbina bina teòludunymyhỹtenyte, aõhõkỹmy dỹnana-ki ixiwesehyymy toitemahā ire tetyhnytyhymahātenyte. ⁵ Kiawesele Deuxu aõna aõna òbitimy riwinymyhỹre. Kaiboho Deuxu teywinytenyteri Iòlòna-ò malòbenykre, aõhõkỹmy tatỹnytenyteriki wahe. ⁶ Deuxu, tiiboho aõbina bina-di riòwinyrenykre, aõhõkỹmy dỹnana dori adeereny riwahinyreki. Kia tii òbitimy rõhõtinyre. ⁷ Biu-ribi Inynyrỹ Jesuisi tarurunareny jju-di kodobekre, aõhõkỹmy dỹnana-ribi elehyna adeereny, tule inydeereny Deuxu kidiwahinykre. ⁸ Heòtyloona-di tii kanakre riòwinykre Deuxu rieryõmy rỹira mahādu dee, tule Inynyrỹ Jesuisi Rybewihikỹ riwinyõmy rỹira mahādu dee. ⁹ Kia mahādu aõu aõu aõhõkỹmy rotỹnykre Inynyrỹ òsỹnỹ-ribi iteòdỹna-ki taruru-loosòna-ribi. ¹⁰ Tii kanakre tahe ibutummy iijoi mahādu tamy làhāna riwahinykre. Ribedeòtiidỹnyrenykre ibutummy taijoi dee aõmydỹnana riwinyreki. Tetyhynymahātenyte, Deuxu rybe dori jiarỹboho adeereny rewahynymahāreki. ¹¹ Kaiboho iwese Deuxudeewimy rarekemy boibeke. Tai tahe adeereny rexitòehymahāreny. Deuxu ruruna-di atyhydỹna-di sòwemy aõwihikỹ riwinykemy idi watriximāhāre. ¹² Tai tahe ibutummy Inynyrỹ Jesuisi Kristu nimy sòwemy bealāmỹhỹkemy. Tii loosòna adeereny riwahinykemy watrixeri. Kia Deuxu dee, Inynyrỹ Jesuisi dee awi rare. Wiòhedỹna iribi bitabenyeke.

2 Waseriòreboho, Inynyrỹ Kristu òkesenamy iximy iny ritakemy adeereny warybe ariwahinykre. Inyõ rarybekeki Inynyrỹ òkesena txummy rehemynymy rỹire, kia rybe-di iòtiidỹõmy. ² Inyõ rarasinykeki, Deuxu-ribi ijyy ritakeki, urile ityhydỹrenyõmy. Inyõ waribi tyriti itarasamy rarybekeki, ityhydỹrenyõmy. ³ Inyõ aitxenadỹõmy boibeke. Ityhydỹdu atysyna nihikỹ juhū kanakre, idi tahe kia txu kanakre. Juhū hābu ibinatyhy kedexideòsinykre. Heòtybedeluduõ tii rare. ⁴ Tii ibutu Deuxummy òludunadu rarekre Deuxummy iny rininire mahādu wahe. Ibutummy àlàna aõmydỹnana riatykre.

Deuxu dohodỹna hetowo-ò ralore tahe Deuxu weselemy ronykre. Iximy rarybekre tii Deuxu raremy. ⁵ Tuu heka adeereny rarybere, akireny raremahāu, õhõtireny aõbo itxi rearenyõra? ⁶ Ibededỹnana raòbitikre xiery, kanakre. Deuxu ruru dori rimymyhỹre. Kia tule teerytenyte. ⁷ Iaõbinahakỹ aõmydỹnana inyy-ki ratrixeri. Tii tyhy wiji kanaõkre. Imynydu iribi rexitare xiery, tahe tii kanakre. ⁸ Taile tahe hābu ibinatyhy kedexideòsinykre. Inynyrỹ Jesuisi kanakre, tii tuu kidirubunykre taryeledile. ⁹ Juhū tahe kia hābu Satanasi deòdu tahe iruru-di kedehemynykre. Aõna aõna wihikỹ widỹmy ròitxenadỹre. ¹⁰ Inyõ sòwemy riitxenanykre be-deòbydỹ wesemy. Ityhydỹdukõdu mahādu tii riitxenanytyhykre. Tiiboho dori inatyhyna rybe rityhnyõmyhỹre, tuuõmyhỹre, tai rexirutaõreny. ¹¹ Deuxu dori rilawere tuu rityhnyrenykre ibinare hārele. Kia ruina rityhnyrenykre, tai Deuxu rihitxidỹnykre inatyhyna rityhnyõreki, taòrarudỹna luureki.

¹³ Deuxu tahe juhuutyhylemy aratareny, waseriòreboho. Biu-ò hena adeereny riwahinyremy inatyhyna tetyhnytenyteki. Deuxu Tytybytyhy aralyradỹnyreny. Tai, Inynyrỹ luuna mahādu, Deuxu mahādurenymy belebenykemy atximahātenyte.

¹⁴ Deuxu adeereny Rybewihikỹ diteònyde. Inyboho tahe ijyydumy roire. Iny òrarureny-ki tahe Inynyrỹ Jesuisi Kristu loosòna bitabenykre idi toite. ¹⁵ Kia ibutummy, waseriòreboho, itxi õhõtireny reake. Aõmybo araerynanymahāre kowa-ki raremahāu, tule watyriti-di rebedeerydỹnymahāreny, idi mohõtintyhybenyke, òbitimy idi boibeke.

¹⁶ Inynyrỹ Jesuisi Kristu Deuxu Inytyby, luuna luuna, wiòhedỹna, raròsòna sòwemy inydeereny diwahinyde. Inyboho aõhyymy aõkõ roire. Iribireny raybidina adeereny kanakemy watrixeri. Tule umy kanawihenykemy watrixeri ibutummy aõhe botynyke, marybemahābenyke.

3 Watyriti-di konanamy tahe adeereny ararybekre. Waseriòreboho, inydeereny bexitòenyke. Inynyrỹ rybemy araryberenykemy, inywitxira-ko arelyrenyremy, tule Inynyrỹ rybe-di iwese rybe ayreny-ki aõwihikỹmy raremyhỹ wese. ² Tule bexitòenyke kia iny iehe-ribi arexitarenykemy. Ibutu iny dori inatyhyna rityhnyõreki. ³ Tahe Inynyrỹ òbiti rare tii arawihenykre. Tii ararudỹnykre kia reeryre. Satanasi-ribi arayrubunyrenykre. Tahe, aõmybo reerynadỹnyre wese kaiboho aõhebo tatỹnytenyterimy heka adireny watriximāhāre tule kia wesehyyle rakatxirenyke. ⁵ Inynyrỹ-ribi Deuxu luuna, Kristu itxõ-

motxina bede erynahakỹ adeereny kanakemy watz-
imahãre.

⁶ Kia Jesuisi Kristu Inynyrỹ bede ywina wese rare
adeereny ararybekremy. Waseriòreboho bexiw-
eresynyke iny deoruxere-ribi, ibutumy iny waerysydỹỹ-
na roholaõre mahãdu-ribi, tii ityhydỹỹdu mahãdu
hãrele. ⁷ Ayreny-ki roiremahãu, raaõmysỹdỹỹhyymy
roiremyhỹ. Tai kaiboho teerytenyete iwese mabekemy.
⁸ Tiu iny witxira rỹsỹna rerỹsỹrenyõhyre, iõwyõmy. Tx-
uu ruwana raaõmysỹdỹỹre waaõna aõna õwydỹỹmy.
Tai tahe adeereny isiramy aõkõ ayreny-ki jiarỹ raremy-
hỹ. ⁹ Inyõ-ribi rỹsỹnaõ arirỹsỹmahãkeki, kia tahe ibi-
namy aõkõ rare, jiarỹ Deuxu rybemy rybedu-ki wahe.
Tahe aõkõre urile rexideõsinykemy
rerỹsỹõmahãreny. Iwese aõmysỹdỹỹna awirewesele
umy reerynanyreny. ¹⁰ Tai rarewãhãu kia bede ywina
rewahinyre: —Iny raaõmysỹdỹỹõmyhỹre riroxiõtyhy.

¹¹ Jiarỹ raholawãhãre iny deoruxeretyhy-ò ayreny-ki
ratximyhỹreny, tiiboho aõmysỹdỹỹ derareny, urile
raujõmomyhỹreny. ¹² Jesuisi Kristu Inynyrỹni-di
tamyreny ararybekre rayruburenykemy,
raaõmysỹdỹỹreny kemy ixideereny. ¹³ Tahe adeereny,
waseriòreboho, ararybekre. Aõwiihikỹ widỹỹ-ò ixi-
rarenyõmy. ¹⁴ Inyõ ka waryberiti riywinyõkeki, mobo tii
rare bierybenyke tahe kie-ribi irehemy biijeke, tai tii
raixỹrukemy. ¹⁵ Urile tii aõludumy aõkõ ratxireri. Aser-
iõre wesemy tamy marybeke. Biijemy idi ahãke.

¹⁶ Inynyrỹ ywina wedu rare. Tii adeereny ywina ibu-
tumy aõmydỹỹnana-ki kidiwahinykemy idi watzireri.
Inynyrỹ awanareny ratxikemy idi watzireri.

¹⁷ Kia konana warybewehityyna jiarỹle ariritinykre
wadebõ-di. Ibutumy waryberiti-ki rỹire wese kawesele
wani retidire. Paulo. ¹⁸ Jesuisi Kristu Inynyrỹ wiõhena
ibutumy adeereny ratximyhỹkemy idi watzireri.

1 TXIMÒTXI-Ò

¹ Jiarỹ Paulo watxiwãhãre. Jesuisi Kristu deòdỹña watxiwãhãre. Deuxu iny tarasadumy riwateònyre, tule Jesuisi Kristu Inynyrỹ riwateònyre. Tii tahe in-yraròsònareny rare. ² Katyryiti adee rewahinyreri Tximòtxi. Kai inatyhymy wariòre wesemy atximyhỹte ityhydỹdu mahãduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watxireri.

³ Jiarỹ Macedonia-ribi rareu, adee warybe rewahinyre kai Efesu hãwã-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyryiti witxiramy ròerydỹnanyre riki. ⁴ Ihetxiu ijyymy heka rusake kiawesemy heka kai tamyreny marybekre. Talahi talabie òraruòraru-di he ròhòtinyòhyymyhỹkre. Kia aõna aõna tahe rybenatyhytyhyre. Kia aõna aõna iny lahi òraru rybena-di ixinohòtidỹõmy. Kia ityhydỹnadile kanakre. ⁵ Kia wiluuna tahe inywolyrahakỹ-wo-ribi ròhònymyhỹre, iny raykylyrahakỹ wo-ribi, iny ityhydỹnatyhy-ribi. ⁶ Kia aõna aõna wihikỹ-ribi iny rexixãwididỹnyre. Tai tahe aõmybo rarybemyhỹre heka rieryòhyymyhỹre. Aõtyhymy aõkõ widee rarybemyhỹreny. ⁷ Bede ywina tyryiti ersydỹdu wesekemy rexinohòtinymyhỹre, tahe rieryòhyymyhỹre aõmybo raremy. Aõmy rieryòhyymyhỹreny tahe timybo ihỹremy rieryòhyymyhỹreny. ⁸ Katahe inyboho rieryreny. Inyò bede ywina tyryiti òbitimy rityhynykeki, Bede ywina tyryiti heka awi rare. ⁹ Inyiwihikỹ-ò heka tiu bede ywina tyryiti riwahinyòhyymyhỹre. Inybina binaòle iwahidỹña rare, iny òrarudu-ò, iny ityhydỹdukòdu mahãdu-ò, iny aleerydu-ò, iny tadi tyby-wana rirubunymyhỹre mahãdu-ò. ¹⁰ Kia iny-ò bede ywina tyryiti rỹimyhỹre. Ibutumy bina bina widỹdu-ò. Bede ywina tyryiti rỹimyhỹre ka mahãdu-ò: inydỹwe mahãdu dee, taòtaòta witxiramy òtadu mahãdu-ò, iny-wasidỹdu-ò, ruidu mahãdu-ò. Deuxu ijy tỹmyra wihikỹ dee wiòkeki, tii aõna aõna riwinykeki, tamy. Deuxu bede ywina tyryiti roimyhỹre. Deuxu bedeerydỹña òbiti aõkòreki, Deuxu wihikỹ loosònadewimy aõkòreki kia ersydỹnadu jiarỹ rare.

¹² Jesuisi Kristu, iny wedu waruruixiòlòdỹdu rare. Jiarỹ tamy wawimy raremyhỹ. Tai tarybe-di wiòhedỹdumy riwatare. Kia-ò Jesuisi Kristu heka jiarỹ rewowydynyre. ¹³ Juhuu jiarỹ tuu rarybere. Ityhydỹdu mahãdu-ò wadeburemy rarewỹhỹ. Tule Jesuisi-ò wedeburemy rarewỹhỹ. Tahe wadee raruxetòenyreny. Tahe ibutumy kia reerykòlemy rewinyraremyhỹ, retyhynyòlemy rewinyraremyhỹki. ¹⁴ Inywedu sòwemy wadee raruxetòere. Tii riwasỹny ixiluuwewihikỹkemy, rikityhynymyhỹreny. ¹⁵ Jesuisi Kristu kabede-ò dobe-

hede òrarudu ritakemy. Ka rybe heka inatyhy rybe heka rare. Jiarỹ heka òrarudutyhy nihikỹ rare. ¹⁶ Iurenanamy tahe tii riwaruxetòenyre. Tiu heka waki rexi-raòre. Tii riwateòsinyre juhUU ityhydỹdu wesemy. Ityhydỹdu mahãdu-ò itxerenamy, iwese tii mahãdu kidityhynkemy. Tai umy tuedekòdu mahãdu-ò ralòkemy. ¹⁷ Beàlamahãbenyke Deuxu-ò. Tii heka bededỹnana tuedeòdu hukỹ Iòlò rare. Tii lobixina aõkõ rare. Tii sohojile rare. Beàlamahãbenyke aõu aõu, wowydy-tamy biwahinyke. Kie.

¹⁸ Ka inatyhymy rybemy adee ararybekre Tximòtxi —kai dori wariòre wesemy tate. Kia rybe heka ihetxinyrybe wesele rare. Deuxu aratareu, kia biyrubunywihikỹke. Besuke arurutyhymy aõbo òbitimy ratximyhỹre wihikỹ-ò. ¹⁹ Aòhewe òhòtiwydynawimy mabekre. Bityhynymy mabekre. Inyò heka idi ròhòtinyrenyòra, tai reserenyra ityhydỹ-ribi. ²⁰ Ijõ Imineu inire, Alexỹdre ijõre. Jiarỹ rewahinyre Satanasi-ò, Satanasi bedeburana tamyreny riwahinykre. Tiiboho rybebinamy tii Deuxu-ò rarybeòtyhy.

² Delemy kamy ararybeke: Àlana sòwemy idi rawahinyke, ibutumy iny-ki bexitòtenykre. ² Iòlò dee, ibutumy dinodu dee tule bexitòtenykre. Tamyreny biixitòedỹnanany Deuxu-ò, tule Deuxumy beòbykemy, tai ibutumy iny iworana bedehesimy rỹikre. Deuxumy iny ròkòhòtinyrenykeki idi òbitimy tamy rokoirekemy. ³ Kia wese awire Deuxu dee. ⁴ Deuxu-deewimy ibutumy iny ritakemy raerykemy tibo inatyhy raremy. ⁵ Deuxu sohojile rare iny-ki rybedu tule sohojile rare, Deuxu-ò iny mahãdu tii sohojile kia riwinyre. Tii hãbutyhyhykỹ rare. Tai tahe tii tiò tiò rare, Deuxu, iny mahãdu-wana widee ributunykemy, Jesuisi Kristu wahe. ⁶ Jesuisi rexiwahinyre ibutumy iny òraruna òwydỹmy. Tii heka riòwynyre sohojihyylemy. Kia heka tiiehyymy deòsidỹmy rarekemy. Tiu iny mahãdu rahenykemy Deuxu rexinohòtinyre. ⁷ Jiarỹ heka imynynamy riwamyre kia rybe-di arelyykemy. Tule jiarỹ rybe-di dohodỹdukemy riwamyre iny witxira bedeerydỹmy judeukòdu mahãdu wahe. Kia raerykemy tibo inatyhy raremy. Kia dori inatyhy rare.

⁸ Ibutumy dohodỹña hetowo-ki ibutumy rexitòenyre rexitihynymy. Ujòmomomy ròhòtinymy aõkõ. ⁹ Hãwyy uritere ixidi nohòtityhyòmy ixiaòmydỹnadỹmy urile ywilemy ixidi ròhòtinymy. Hãwyy ityhydỹdu ixiywidỹña tahe tyywihikỹ aõkõ, iradesihodỹtyhy aõkõ, deorutylududike aõkõ. ¹⁰ Urile tahe iyrubukemy Deuxu-di ròhòtinyke tamy aõwihikỹ riwinykre.

¹¹ Hãwyy ityhydỹdu mahãdu ròeryrenykre yrubu-ki.

¹² Jiarỹle heka hãwyy ariwahinyòtyhy hãbumy hỹñake-

my, hãbu erydÿÿdukemy tule tuu areònyke aòkòre, hãwyy heka urile iyrubumy rÿike. ¹³ Adaò heka Deuxu juhule riwinyre idi Eva riwinyre. ¹⁴ Tule tahe Satanasi Eva juhoo riitxenanyre, Adaò aòkò tai raòrarunyre. ¹⁵ Hãwyy uladu reakeule rexitake. Idi ròtyhydÿÿmy. Iny-luumy idi rexyhynykreki.

3 Kia rybe inatyhy rybe rare: —Inyò dohodÿÿdu dinodumy rarekeki. Kia heka rexiburemyhÿre aòwihikÿmy ratximyhÿre. ² Tahe rybe-di dohodÿÿ aòmÿsÿdÿÿdumy ralòkeki, tii heka òbitimy rareke, tahãwyy sohojidile, rexyhynymy rarekemy, iny inatyhy, iny aòraru rarekemy, erynadÿÿdutyhymy rarekemy. ³ Tii heka iaxaxa luuòre aòbina luumy aòkò rare tule iyrubure. Tahe tule iaòmÿ nohòtidu aòkòre. ⁴ Tii heka taijoiimy reònymyhÿre, tariòre riernanywihikÿmyhÿre ixirybe rityhynykemy. ⁵ Inyò tahe taijoi reònyòkeki, Deuxu aòmÿdÿÿna-di òbitimy raaòmÿsÿdÿÿòtyhy. ⁶ Tii ityhydÿÿdu tÿmyra aòkòmÿ rarekemy. Raxiwedenymy rarekeki tahe urile Satanasi alòsena-txi tii reseke. ⁷ Ihãrele tahe ityhydÿÿdu mahãdu aòkò rare ihÿre, awimyy tuu rarybemyhÿre. Tuu heka raujòmorenòtyhy tule tii Satanasi ireitidisi-txi reseòtyhy. ⁸ Tule dohodÿÿdu wiòhedÿÿdu mahãdu, kiawesele rarekemy. Tii tule òbitimy rarekemy irybe òkese òkese aòkò, iaxaxalu aòkò rare, tule aòna aòna sòwemy nohòtidu aòkò rare. ⁹ Iny inatyhydÿÿnareny òbitimy tuu rotohodÿÿnanymyhÿrenyke, tarayky òbiti-di. ¹⁰ Tule kia wesele raurihikre. Iribi òbitimy ròhònykeki, tai dohodÿÿdu wiòhedÿÿdu mahãdu-ò ralokre. ¹¹ Ihãwyy tule òbitimy rarekre. Ujòmodymy aòkò rarekre, iyrubukemy, urileta rexyhynymy rarekemy. ¹² Tule dohodÿÿdu wiòhedÿÿdu mahãduò ihãwyy sohojidilemy rarekre. Tariòre, taijoi-wana reònymyhÿkre. ¹³ Kia mahãduò Deuxu aòmÿsÿdÿÿna òbitimy riwinymyhÿreki, inatyhymy tii iny rityhynykre. Tai Deuxu aòmÿdÿÿna tii riòbitinykre ibutumy inydee.

¹⁴ Aroramyy jiarÿ wylemy arakemy watxireri. Aòkòkeki urile warybe ritina adee rewahinyreri. Kia warybe-di biernanybenyke aòhebo ityhydÿÿdu mahãdu warybe-di rotÿÿnykemy. Ityhydÿÿdu mahãdu Deuxu ijoioò rare. Inatyhy rybe yrubudÿÿdu rare. ¹⁶ Iny tyhydÿÿnareny awi tyhytyhy rare. Kia wese rare: —Jesuisi heka hãbu wese nade. Tii Deuxu Tyytyby-di òbitimy rityhynyre, ÿjurenny tuu robirenyre. Taaòmÿdÿÿnanarenymy ibutu bede bedemy relynyre. Sòwemy iny rityhynyre. Roosere biu botorahakÿ-ò.

4 Deuxu Tyytyby rarybera: —Ihewoladu bededÿÿnana txuu hãbu tyytybybina rybe-ò roholakre. Tai iny tyhydÿÿnanareny ririkre. ² Tahe ruina rybe rityhynyre, hãbu aòmÿ nohòti erykò rybe-ò. Kia heka hãbu raerynadÿÿmyhÿre uritere hãwyy heriòmykremy, ijò rÿsÿna aòtxi irÿsÿòkremy. Kia rÿsÿna iny rirÿsÿke Deuxu riwahinyre. Juhoo àlana Deuxu-ò rawahikre. ⁴ Kia heka ibutumy Deuxu riwinyre awire. Aò aòkò heka awiòre. Deuxumy beòbyke, kia tahe ibutumy awike. ⁵ Ixitòedÿÿna Deuxu rybe kia ibutumy awimyy risÿnykre.

⁶ Kai heka ityhydÿÿdu mahãdu biernanykeki, kai heka Jesuisi Kristu aòmÿsÿdÿÿdu mahãduwihikÿò tate. Kia inytyhydÿÿnareny erydumy mabekre. ⁷ Kai ihetxiu nohòtiwidÿÿna ijyy bityhynyòtyhy. Marurunymy mabeke Deuxu aòmÿsÿdÿÿnana-ò. ⁸ Aumyruru urihimÿòmÿ idi mohòtynykre, atyytybywi-di tahe kia idi sòwemy mohòtynykre kai kabede-ki adeewikre tule tiu bede-ki awikre. ⁹ Kia rybe heka òbiti rare. Ibutumy iny rityhynyke. ¹⁰ Inyboho raaòmÿsÿdÿÿnymyhÿre inatyhymy. Deuxu dori iny rityhynyre. Tii ibutumy iny tarasadu ratximyhÿre, ityhydÿÿdule tarasadure. ¹¹ Kia warybemy biernanybenyke. ¹² Iny aratyhynyòkeki kai matuari aòkò tateki, tai ityhydÿÿdu wihikÿ mabekremy bexityhynyke. Tai tahe arybe-ò aratyhynykre aityhydÿÿna, aluuna, òbitina òraru-ki wahe. ¹³ Adehemynykre kotyre, Deuxu rybe-di mariakre dohodÿÿna heto-ki, idi belyykemy mabekemy tule biernanykemy. ¹⁴ Uritere nohòti lusaòmÿ kai erydÿÿdu wihikÿ tatemyhÿ. Dohodÿÿna matuari mahãdu debòtidina-di arateònyrenyreu, wahisidÿÿna weseò tetate rybe-di tÿnydÿÿna òraru-ki. ¹⁵ Kia aòmÿdÿÿnanamyy mohòtynywityhymyhÿ. Ixidile bexiywinytyhymyhÿke bede erydÿÿnana-di tule bexiywinytyhymyhÿke. ¹⁶ Tai kai òraru-ribi bexitake tule aijohonana-di òraru-ribi bitakre.

5 Matuari ityhydÿÿdu mahãdu-ò ywimyy aòki tamyy marybemyhÿke, bowese idi atximahãke Weryrybò mahãdu, aseriòre wesemy bitohodÿÿnyke. ² Senadu mahãdu adi wesele biernanykre. Ijadòma mahãdu aseriòre wesere ibutumy òbitilemy biwinykre. ³ Inatyhytyhy wytese mahãdu kai bityhynykre iòsÿnÿ biwinykre. ⁴ Iriòredikeki, iriòkòredikeki, juhoo iriòre biernanyke imahãdule òbitimy biwiòhenanyke idi watxireri. Kia dori Deuxu dee awire. ⁵ Wytese mahãdu ixisohojilemy rasÿnymyhÿre iriòrekòkeki, Deuxu-ribi aòna aòna riraòmÿmyhÿre. Deuxu dee sòwemy rexitòenymyhÿkemy. ⁶ Kia tahe wyteseò òraruna luukeki kia tahe irulemy ratximyhÿre hãre rubu rare. ⁷ Tximòtxi, kia bede ywina tahe rewahinyreri urile wytese mahãdu òwe òweòmykremy bibedeernanykre. ⁸ Inyò juhoo tasÿrenny dee idi aòna aòna taijoi dee kanawyòkeki, tii ityhydÿÿdukòdu mahãdu ratyre rabinare. Tii ityhydÿÿdu mahãdu wese aòkò dotÿÿnymyhÿde. ⁹ Wytese tÿmyrani tyriti-ki iritidÿÿòmykre 60 ibeòraòkeki. Tule tii sohojihyule roire hãbumy. ¹⁰ Tule tii aòna aòna wihikÿ riwinymyhÿre, tariòre ritybienyke, taroraludu-ò awimyy raremyhÿ, ityhydÿÿdu mahãduwa risuhòmÿ raremyhÿ, aòhòkÿtyhytyhymy rotÿÿnymyy rare mahãdu riwiòhenanymyy raremyhÿ. Aò aòna heka iny witxira riwiòhenanymyy raremyhÿ taworana bedehesi-di. ¹¹ Wytese tÿmyrani heka tyriti-ki iritidÿÿòmykre. Hãbumy herimyy ròhòtinymyhÿre wana, tai Kristu-ribi tòhòti rosamyhÿre. ¹² Tarybe ywidÿÿna riwinyòlemyhÿre, tai iurenana tahe tuudÿÿdumy Deuxu-ò ratximyhÿre. ¹³ Hetomy rawerywerynymyhÿre kia urenana urile raujòmomyhÿre aòna aònalemy. Aò heka riwinyòlemyhÿre. Kia ratyre bina tahe tuu rybenanamyy aòkò rybebinamyy rarybemyhÿre. ¹⁴ Kia heka

wadee awire wytese t̄myra h̄bumy roikre, rariò-eremykemy, tule taheto riywinykemy. Kia wese iòludu inydeereny aõna aõnabinamy rarybeõh̄yk̄kre. ¹⁵ Wyteseõ dori Satanasi hemy roire. ¹⁶ Wyteseõ ityhyd̄ȳdus̄ȳ-ki rarekeki, tii heka riwiòhenad̄ȳ r̄yikre. Kiawese dohod̄ȳdu mah̄adu nieru tamy ritakre. Kia nieru rayrubunykre. Tahe rawahikre ixisohojile ratximyh̄re-ò.

¹⁷ Matuari ityhyd̄ȳdu mah̄adu iny rityhytyhynykre. Dohod̄ȳna mah̄adu aõmyd̄ȳnana òbitimy retehemy ratximyh̄keki, ratyhytyhynykre. Inatyhytyhywityhymy kowa òbitimy relymyh̄re tule rybe wihik̄y rierynanymah̄are kia heka raõwywikre. ¹⁸ Tai tahe rari-tyd̄ȳmy roimyh̄re: —Broreni maixõmotyire iwysyd̄ȳmy rariamyh̄y, iry ratòbõnyõtyhy ibyre lau. Tule ròritid̄ȳmy roimyh̄re:

—Mobo raaõmys̄d̄ȳmyh̄re, tii heka iny riòwynymyh̄re.

¹⁹ Matuari mah̄aduõ iny tuu raujõmokeki, tuu arityhynyõtyhyke. Tuu lobixidu inatxi ada inataðkeki, aratyhyd̄ȳkre. ²⁰ Tii inatyhymy òraruna-txi resereu, kai tamy marybeke iòrarumy ibutumy inyko-txi. Iurenana tahe ijõ iny ruberumy r̄yimyh̄ykremy. ²¹ Adeerarybekre. Deuxu, ȳjuren, Jesuisi Kristu-wana ibutumy warybe-ò roholareri. Kai warybe biywinykre. Myheka wiratyre widi rõhõtynyõtyhy. Tiemy wiwese weselekey r̄yikemy. ²² Uritere rybe-di t̄nyd̄ȳdu t̄myra juhu biurihike idi tahe debòtidina-di biteõnyke rybe t̄nyd̄ȳmy. Kawese aõkõkeki heka h̄bu òrarunamy tud̄ȳdukremy òsana mabekre. Aõmyd̄ȳnana tiemy òbitimy biywinyh̄y. ²³ Bee sohojilemy aõkõ biõkre urihimyoõmy v̄imy biõkre. Kai dori awo ibinareriki tiemy tuu abinareri. ²⁴ Ijõ òraru aõwesele iny kanat̄nykre, bedeluura aõwesele kòdòhõnykre. Ijõ òraru taheka idile kanat̄nykre. ²⁵ Ruxetõenawihik̄y iwesele rare. Ele tii raeryõtyhy idi tahe iny rierymyh̄re.

6 Ibutumy wetxuõ tawedu rityhynykre. Tawedu rityhynyõkeki heka Deuxu nibinarybemy iny rarybekre. Tule ityhyd̄ȳdu eryna binamy rarybekre. ² Weduõ ityhyd̄ȳdukeki, kia heka ire ratyhyd̄ȳmyh̄ke tule aõnityhymy tamy aõmys̄d̄ȳkre. Tii dori ityhyd̄ȳdu seriòre wese rare. Kia dori taaõmys̄d̄ȳnyteri ityhyd̄ȳdu widee. Kaiboho ixideerenyle wiluukemy. Kia tule bieryd̄ȳnykre.

³ Inyõ eryd̄ȳna witxira ròerynanykeki kia òbitimy aõkõ Jesuisi Kristu Rybewihik̄y wese aõkõ ratxikeki, ⁴ kia h̄bu ixiwede rare, aõ rieryõlere. Kia h̄bu urile d̄ȳraxid̄ȳ luure. Kia d̄ȳraxid̄ȳ-ribi ibutumy rybe jei rihõnomyh̄re. Iribi tahe tule rexinaanymyh̄re, raujõmomyh̄re, rexiwodohonanyh̄re. ⁵ Raruimy-

h̄re. Kia ibutumy rot̄ȳnyrerí, h̄bu rõhõtina òweòwere. Inatyhyna-ribi kia h̄bu rõhõtina rosare. Ityhyd̄ȳdukeki tii rõtakemy ixidi ratximyh̄re. Kiamy heka rõhõtinyh̄re. ⁶ Inatyhymy ibutumy heka tai iny aõtyhyd̄ȳdu-ki taaõ-di teysakreki. ⁷ Aõ kabede-ò iny ixihemy diwyõhydenyde inatyhymy heka rukururenykre tule aõ ixihemy kabede-ribi rikiwyõtyhyrenykre. ⁸ Iny tydirenykeki, iny r̄s̄ynadirenykeki, urile reysarenkykre. ⁹ Tahe inyõ ityhymy ixidikeki, tii òraruna-txi resekre. Kia heka iny rexiburemy, rexibinanymyh̄re, tule rexiraykyit̄x̄tenymyh̄re. ¹⁰ Inyõ nieru luukeki, tii aõ òta òta òraruna-txi resekre. Kia-di heka iny s̄owemy ityhyd̄ȳdu mah̄adu-ribi rõhõnyra aõhõk̄y rot̄ȳnyreny.

¹¹ Kai Deuxu ijoi tate. Ibutumy kia-ribi bexiemy mabekre. Uritere ityhymy ixidi nohõtioõmy tahe awimy mabekremy mohõtinykre. Deuxu wiwese, ityhyd̄ȳdu-tyhy wese, Deuxuluu wesemy. Tiemy heka òbitimy atximah̄ake, ywimy ainytyhymy atximah̄ake. ¹² Aõu aõu òbitimy atximyh̄ykemy maruronyke, umy tuedekõnahak̄y bitakemy, kai tule inatyhy rybemy tarybete inysõweko-ò, Deuxu dori adee rarybere juhuu. ¹³ Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi. ¹⁴ Kahaka warybe rare: Kai heka bede ywina bityhynyke aõ bede ywina tyryti òraru-ki aõhe bot̄ȳnyõtyhy. Biraðke Inywedu Jesuisi Kristu dehemynyna txuu. ¹⁵ Tiutxukremybo Deuxule kedexit̄nykre, tii deysana wedu rare. Tii sohojile heka Iòlõmy rare. Ibutumy Iòlõwedu rare. Ibutu wedu wedumy rare. ¹⁶ Tii sohojile heka tiu ru-ruõhyy rarekre. Tii irehetyhymy loosõnawo-ki ras̄nymyh̄re. Tiemy heka inyõ tuu robiõtyhyre. Inyõ tiu iòhõmy tamy rehemynyõtyhy. Tamy rikiwodeysanyrenkykre. Tiõhe aõu aõu taruru-di ratximyh̄y.

¹⁷ Kai marybekre iaõdi mah̄adu-ò uritere ta aõna aõna-di rexiwowodynyõtyhy, iaõna aõna dori r̄yioõhykre. Tahe Deuxule rityhynykre. Tii dori ibutumy aõna aõna wihik̄y inydeereny riwahinyre. ¹⁸ Tii aõna aõna wihik̄y inydeereny riwahinyh̄re. Iaõdi mah̄adu uritere aõwihik̄y-di ijõ-ò rawiòhed̄ȳnykre. Aõu aõu rõwirareamyh̄ke iny-ò. ¹⁹ Kia wese tiiboho ributun-nykre. Aõna aõna wihik̄y biu-ki awimy idi rarekre. Tule umytuedekõnahak̄y tiiboho ritarenkykre.

²⁰ Kai Tximòtxi, aõbo adee rawahid̄ȳre, kia biyrubunykre. Rybe òwe òwe-ribi irehemy mabekre. Aõbo heka raninireri bedeeryd̄ȳ kia heka inatyhy aõkõ rare. ²¹ Inyõ kia aõ erydumy ixidi nohõtiki, rexitara ityhyd̄ȳdu mah̄adu-ribi. Deuxu deysanamy adee ratximyh̄ykemy idi watxireri.

2 TXIMÒTXI-Ò

¹ Paulo jiarĩ rare. Jesuisi Kristu deòdu jiarĩ rare. Kia jiarĩ rare Deuxudeewireki wahe. Jesuisi Kristu juhuu rarybere, umy tĩmyra tuedeõna inydeereny kidiwahinykremy. Tii kia wedu rare. ² Kai Tximòtxi, wariòre waluunadu wesemy atximahãte. Kia tyyriti adee ariwahinykre. Wiòhedỹỹna, ruxetòena, ywina, Deuxu Iny-tyby-ribi, Jesuisi Kristu Inynyrĩ-ribi adee kedehe-mynykemy watxireri.

³ Deuxumy reàlãreri iwese wahabohomy reàlãre wese. Wanohõti Deuxu-ò ywile jiarĩ rare. Aõu aõu adee, Tximòtxi, rexitòenmahãre. Txuõ txuõlemy, ruwana Deuxu-ò rexitòenmahãre. ⁴ Iu rareu, arube-ribi wanohõti rosaõhyymyhỹre. Arora-ò arake-my watximahãre, wadeysatyhymy ararekemy. ⁵ Atyhydỹỹna-ribi wanohõti rosaõtyhy. Alahi, Lòide, juhuu rityhynymyhỹre. Idi adi, Eunisi, tule rityhynymyhỹre. Kai tule wiji tetyhynymyhỹte inihe. ⁶ Kia dorihe itxi õhõti reijaranyreri. Wadebò tahe aratityre retidireu, arayky-ò Deuxu aõ riwahinyre awahisidỹỹna wesekekemy. Wiji kia arayky woludu rõrõra wana biixixanyke. Kia dori Deuxu wahisidỹỹna rare. ⁷ Deuxu-wana iny ruberuõtyhy. Tii dori inydee ruru riwahinyra, luuna riwahinyra, tule bedeerydỹỹna riwahinyra. ⁸ Tule Deuxu rybemy rybe-ki ixỹruõlemy. Deuxu rybemy rybe-ki wamy maixỹruõtyhy. Deuxu rybemy rybe-ki tahe, ròtenawo-ò riwatidire. Kia tahe awire. Deuxu rybe wityhydỹỹna-ò aõhõkỹmy rokotỹỹnykre. Deuxu dori inydee ruru riwahinyryhỹre. ⁹ Tii heka iny ritarenyre biu-ò hena riwahinyre wahe. Tai taaõmysỹdỹỹna inydee diwahinyde. Iny awirerimy rareki aõkõ inydee diwahinyde. Taruxetòenale-ki inydee diwahinyde ixideewireki. Juhu bedeu Jesuisi Kristu òraru-ki ruxetòena inydee diwahinyde. ¹⁰ Kia ruxetòena wijile rehemynyra inydee. Jesuisi Kristu inytarasadu kia diwyde. Tii rubunale riixãwididỹỹnyre. Biu-ò hena Rybewihikỹmy kia ritỹnynymy diwyde. ¹¹ Riware tarybemy rybedumy. Rybedumy riwateõnyre, tule bedeerydỹỹdukemy riwateõnyre. ¹² Tai judeukõdu mahãdu òraru-ki aõhõkỹmy ratỹnynmahãre. Ihãrele tahe raixỹruõlemahãre. Rexierye dori tii retyhynymahãre. Reerye dori tii ruru dire waaõmydỹỹnana tamy retidire iyrubudỹỹmy kiatxu-ò. ¹³ Waõbiti rybe biywinyke juhuu kia wamy taholate, ityhydỹỹna-di. Biywinyke luuna-wana. Jesuisi-ki tahe luuna tyhy rare. ¹⁴ Timybo Deuxu adee diwahinyde, biyrubunyke. Deuxu Tyytybytyhy dori inywo-ki ratxireri.

¹⁵ Ibutumy kabede ludu Asia ludu riwarira. Fikelu ijõnre. Erimojini tahe ijõre. Kia tahe kai teeryte. ¹⁶ Inynyrĩ ruxetòena kidiwahinykemy watxireri Onisiru

sỹmahãdu-ò. Tii dori aõu aõu riwawiòhenanyre areysakemy. Tiu riixỹrudỹỹnyõtyhyre wawomati reroti-di jiarĩ ranyreriki. ¹⁷ Tai tahe Roma hãwãhãkỹ-ò ritehemynyreu, riwaijehyyre; idi tawa-ki rahare. ¹⁸ Iny Iòlò ruxetòena tamy kidiwahinykemy watxireri kia txuu. Efesu hãwã-ki dori Onisiru riwawiòhenanytyhyre. Kia teeryte waratyremy.

² Kai tahe wariòre wese tate. Jesuisi Kristu làhãna-ribi ruruna bitake. ² Aõbo wary-ribi taholatemy iny sõweko-ò relyyreu, kia ijõ iny òbiti-ò tuu belyykre. Iny rexihumy rarekoõle tuu belyykre. Idi tahe tiiboho inywitxira ribedeerynyrenykre. ³ Waaõhõkỹmydỹỹnana wawana tuu botỹỹnykre. Jesuisi Kristu soldadowihikỹ-wesemy kai mabeke. ⁴ Soldadoõ tadinodu aõmydỹỹnanale rityhynymyhỹre. Tii ixideewimy rarutaaõtyhy. ⁵ Ijesudu ijesu ritake òbitimy resukekile.

⁶ Oworuwidỹỹdule juhuu suribi bederaty ritamyhỹ. ⁷ Aõmybo wiji raryberadi mohotinyke, raweseranyreki. Inyiòlò ibutumy araerynanykre. ⁸ Jesuisi Kristu rubu-ribi ixixadu-txi õhõti reake. Ihetxiu Davi Jesuisi labiemy raremyhỹ, iwese inyrybewihikỹ rarybere wese. ⁹ Rybe wihikỹmy relyyreki dori womati reroti-di rataamy aõhõkỹmy ratỹỹnyreri, aõbina widỹỹdu wesemy. Deuxu rybe tahe, inyõ ritaaõtyhy. ¹⁰ Ibutumy reòludunymahãre ityhydỹỹdu mahãdu dee, Deuxu-hõrõ dee. Kiaboho Jesuisi Kristu tarasanamy ritakemy idi watxireri. Tarasana, làhãna aõu aõu ritakemy idi watxireri. ¹¹ Rybe inatyhy rare. Jesuisi Kristu-wana iny rurukeki, irumy tii-wana aroireke. ¹² Inyboho rikityhynyhyrenykeki, tii-wana riòlõnyrenyke. Inyboho Jesuisi rikitiõnyrenykeki. Tii tule iny ritxiõnykre. ¹³ Iny rikityhynyõnyrenykeki, ihãrele tii ityhyhyymy rarekre. Tii rexitxiõnyõtyhy.

¹⁴ Iny nohõti kia-txi reakemy biwisỹnyke. Tamy marybeke ujõmohyyõmy rarekemy. Ujõmo tahe wiòhedỹỹna aõkõ rare. Ujõmo-ò ijõhonadu urile ujõmodumy relekre. ¹⁵ Kai tahe marurunye Deuxudeewimy belekemy. Kai Deuxu deòdu tate. Kia rybe inatyhy-di òbitimy maraykynyke, idi tahe, bierynanyke. Tahe bexixỹrudỹỹnyõtyhy. ¹⁶ Rybe õweõwemy rybedu-ribi irehemy bexieke, rybebina-ribi tule. Kia rybedu urile raòrarunynihikỹmyhỹke. ¹⁷ Kia erydỹỹna reurõmyhỹre yjy wese. Imineu, Filetu-wana kia wese rierydỹỹnanyre. Kia rybe inatyhy-ribi rexihitxinyre. ¹⁸ Tii rarybemyhỹre: —Iny ixixana dorihe reara. Kia rybe-di ityhydỹỹduõ wimy uriurile rityhynyreri. ¹⁹ Deuxu hõrõ tahe inatyhymy rĩrakra. Kia tahe urihixina rare: —Deuxu tahõrõ mahãdu rierymyhỹre. Ijõ tahe:

Inynyrÿ ijoimy iximy rybedu, òraruna heka riatykre. ²⁰ Ityhy mahädu hetonihikÿwo-ki womati tÿrÿrÿhÿkÿhÿna, pratahyna sohojile aòkò rÿire. Òwòruhyna, suhyna tule rÿire. Hynaò tahe rÿsÿnawihikÿ hyna rare. Ijò tahe rÿnysi-di dehuna rare. ²¹ Kia hyna wese iny rÿira. Ijò rÿnysihyna wese rÿikeki, idi rexisuhokeki, rÿsÿnalyra-lyra wesemy reuròke. Tawedu-ò awimy rÿike, tawedudeewimy. Tai tahe aò wihikÿhynamy rexiwinyrÿ rÿire. Kai tahe iwesele mabeke. ²² Kai ijoï tÿmyra tate, amahädu òraruna-ribi bexiekemy; ixi-ribi aò-di ròhòtynreri, kia-ribi mahenyke. Òbitina, ityhyna, luuna, ywina-wana biheludunyke. Deuxu-ò rexitòenyke òbiti mahädu-wana. ²³ Erysÿdÿÿna itxÿtemy wiribi rybeòmyke. Kiaribile ujòmo ròhònymhÿre. ²⁴ Deuxu deòdu raujòmonyòtyhy. Tii tahe iny ibutu dee wimyrÿsÿnymhÿre, erydÿÿnamy rexihumy ihÿmyhÿre. ²⁵ Ywina-di riòbitynreri iny ixitxiòdÿÿna mahädu. Tii heka riraòreri Deuxu worahòresena tamy riwahinykemy. Idi tahe inatyhymy rierykemy. ²⁶ Tule itxÿte-ribi ròsekemy, Satanasi reroti-ribi rexitakemy. Tai tahe Satanasi rimyrau tahe ritaataara teewimy riwinykemy.

3 Bededÿÿnana konanamy bededÿÿnana sirahakÿ kÿnyikre. Kia tahe bieryke. Iny ixideewimy riwinykemy ixi-di ratxikre. Nieru tarasalemy ixi-di rexinhòtidÿÿnymhÿke. Rybetyhyhykÿlemy iximy rarybekemy ratxikre. Ixidee awihikÿlemy ròhòtynkemy ratxikre. Rybebinalemy rarybemyhÿkre. Tyby ise-wana riwinyòhymyhykre. Inyò-ò aòmy reàlòhymyhykre. Òbitiry rityhynyòhymyhykre. ³ Iny-ò tuuna ihoòhyre. Inyò ibiòwamy rareòtyhy. Aòbina binalemy inymy rilymyhÿkre. Rexiwinnyòhymyhykre. Reburehekÿ rariamyhÿkre. Òbitimyno ibinahymy rarekre. ⁴ Iny deòsadÿÿdumy rarekre. Ixiluunadumy rarekre. Ywimy aòkò rarekre. Iwisÿdÿÿna luuhymy rarekre. Deuxu tahe tuuòkre. ⁵ Òbitimyrÿ risÿnymhÿre wese tahe òbitiruru ritxiònymhÿke. Kai, Tximòtxi, kia iny-ribi irehemy mabeke. ⁶ Kia hãbu tahe hetoò-ò ralòmyhÿre. Hãwyy uri uri rÿira xiwedeò-ò òrarulÿxina-di ralòmyhÿre. Kia tawisÿdÿÿna-di riernanymhÿre tarybewi-widile, tahe hãwyy rityhynymhÿre. ⁷ Kia hãwyy aòu aòu ròerykemy ixidi ròhòtynymhÿre, urile tahe inatyhyna tiu rieryòtyhy. ⁸ Iwese ihetxiu Ijãni, Ijãbri-wana Moisesi òludumy rÿire wese. Wiji tule kia hãbu inatyhyna òludumy rare. Irayky rawerynyre. Ityhydÿÿna-di deòsanamy rÿimyhÿre. ⁹ Tiu tako-ò raòtyhy, iitxÿtereriki, kia iruina òraruna ibutumy iny rierykre, iwese Ijãni, Ijãbri òraruna ibutumy iny raeryre wese. ¹⁰ Kai, tahe waerydÿÿna-ò taholahymmahãte. Iwese raremahã wese tiwaheludunymahãte. Watyhyna teerymahãte, wadeybina, waywina, waluuna, waixiòlòdÿÿna. ¹¹ Aòu aòu inybinahakÿ wadi riwisÿnyreri, tule aòhòkÿmy ratÿÿnyreri. Kia ibutumy teerymahãte. Kia wade rotÿÿnymy rÿire Atxiòkia hãwã-ki, Ionio hãwã-ki, tule Listra hãwã-ki. Aòwitxira witxiramy aòhòkÿmy ratÿÿnymahãre. Wanyrÿ tahe ibutu-ribi riwatere. ¹² Inyò òbitimyrÿ ratxikeki Jesuisi Kristu-ò, tii aòhòkÿmy rotÿÿnykre iòraru-ki. ¹³ Hãbu bina bina rabinahykemy rarekre, tule hãbu inatyhy aòkò rabinahykemy rarekre.

Inyò tiiboho riitxenanykre, tule tiiboho inyò kidiitxenanykre. ¹⁴ Kai tahe aòbo teeryte, kia-di mohòtynyke aòbo tetyhynymahãte-di. Tahe tiribibo teeryte, òhòtikile idi mabeke. ¹⁵ Uladuribile teeryte Deuxu Tyyriti. Kiadile bierykre Jesuisi Kristu tarasadÿÿna idi bimykremy. Kia adee kanake bityhynykekile kÿnyhe. ¹⁶ Ibutumy Tyyritityhy Deuxu elewesenamy nade. Bedeersynya urenana heka rare. Òrarudu òbitidÿÿna heka rare, ibutumy riòbitynkemy. Tule aòbo awihikÿmy raremy rierynanykre. ¹⁷ Deuxu deòdu dori òbitile rÿirakemy. Aòwiwihikÿ widÿÿna aòbo dori rexihulemy rÿirakemy.

4 Deuxu, Jesuisi Kristu kiaru-ki arãteònykre. Jesuisi Kristu dori rubu mahädu iru mahädu-wana wiribi rihitxinykre, tii taòlòna kaò kidiwykreu. ² Belyyke Deuxu rybemy, inydee awikeki, tule inydee awiòkeki. Ywina-di iny biòbitynyke. Iny biwiòhenanyke. ³ Bededÿÿnanabina kanakre. Kia txuu erydÿÿdu òbiti-ò roho-laòhyre. Erydÿÿdu ributunykre tamydeewimy. Iwese iny tòhòti nohòtijuty-ò rotÿÿnymhÿre wese tamy wimyrÿ aòna aònaòle roholamyhÿkre. ⁴ Inatyhyerydÿÿna-ò roholaòhyymhÿre. Urile ihetxiu ijyòle roholakemy ixidi ihÿre. ⁵ Kai tahe ywimyrÿ maraykynyke. Ibutumy aòhòkÿmy botÿÿnyke. Deuxu Rybewihikÿmy belyyke kia tahe aòmysÿdÿÿnare Deuxu adee riwahinyre. Idi hyylemy mabeke. ⁶ Iny riwawahinyke xiwena wesemy rubu-ò. Waixituededÿÿnana heka rehemynreri. ⁷ Jesu wihikÿwesemy tahe rexijesudÿÿnyre wese. Rekonananyra heka waumy ijera. Retyhynyhyra tahe ityhyna. ⁸ Òbitiwidÿÿna raheto wese wadee rexihumy roire. Wanyrÿ, ywisidÿÿdu òbiti, riwawahinykre kiatxuu. Jiarÿ sohojiole aòkò. Tahe tule iraròsòdu mahädu-ò. Jesuisi dehemynyna luumy kia mahädu roimyhÿre. Tamy tule rataanaò raheto wese riwahinykremy.

⁹ Wylemy inihe waroramy manake. ¹⁰ Dema riwarira Tesalonia hãwã-ò rara. Tii bede aòmydÿÿnana luure. Kalatxia bede-ò Kresetxi rara. Dalimasia bede-ò Txitu rara. ¹¹ Luka-wanale watxireri. Tahe kai Marku bididykre, wawiòhedÿÿdu wihikÿmy rarekemy. ¹² Txitxiò heka Efesu-ò reteònyre. ¹³ Kai tahe manakre warahana bidiwykre. Troaji hãwã-ki Karpu heto-ki tahe warahana rerire. Watyyriti tule bidiwyke tyriti welÿte tule nohòti losaòtyhymy. ¹⁴ Alexÿdre womati loresedÿÿdure warybe dibinanyhÿde. Wanyrÿ iòwydÿÿna tamy kidilidikre riwabinanyreki. ¹⁵ Kai bexiekre kowa-ribi, inyrybe dori rityhynyòhymyhyre. ¹⁶ Juhuu dinodu-ò rewyònyreu inyò riwawiòhenanyòhÿre. Ibutumy rirahure waribi. Aòbo wabinamy riwinyre-ribi Deuxu tòhòti rosamy watxireri. ¹⁷ Wanyrÿ tahe, riwawiòhenanyra Deuxu rybemy rybe-ki. Iny witxira dori, judeukòdu mahädu roholamyhÿre. Leaòry-ò, wadi rehukòra. ¹⁸ Wanyrÿ tule riwatakre ibutumy aòmydÿÿnana bina bina-ribi. Kowa bede wihikÿ-ò riwadykre. Tuu rekealàkre aòu aòu bededÿÿnana roobymy. Kie.

¹⁹ Warybe wehityyna Prisila-ò, Akila-ò biòkre tule Onisiru sÿ mahädu-ò. ²⁰ Erasto, Oritxi hãwã-ki rarire. Trofimo, Miletu hãwã-ki binamy resere. Taile heka rarira ibinanyhÿreki. ²¹ Wylemy manake inihe beòrako-ki. Ubulu tarybewehityyna adee riwahinyre. Tu Prudente,

Lino, Laujia ijõre. Tule ibutumy ityhydÿÿduseriõre rybe wehityyna adee riwahinyreri.

²² Wanyrÿ awana ratxikemy watxiwãhãre. Tule làhàna umy-wana ratxikemy watximahãre. Kie. Paulo

TXITU-Ò

1 Jiarÿ Paulo rare. Deuxu deòdu rare. Jesuisi Kristu riwamyre inatyhyna aritÿnynykemy. Kia tyhydÿÿna, Deuxu tarasana mahädu hörõ rare. Kia ityhydÿÿna dee inyõ rierykeki, rityhynykeki, Deuxu deewimy tii rarekre. ² Umytuedeõnahakÿ iny riraòmyhÿre. Deuxu dori tuu rarybere ihetxi bedeu. Deuxu heka tiu raruiõtyhy. ³ Ibededÿÿnana òbiti dehemyndeudeu, Deuxu aõmydÿÿnana rarybekemy rotÿÿnyre. Kia aõmysÿdÿÿna wadee Deuxu riwahinyre, iny tarasadurenymy rybe-ò. ⁴ Txitu-ò kia warybe rewahinyra. Kai iny-wana Deuxu tetyhynyteri, kia dori inatyhymy wariòre wese-my Tate. Deuxu, iny tyby-ribi, Jesuisi Kristu, iny tarasadu-ribi, Deuxudeysana-di, ywina-wana adee kanakemy watxireri.

⁵ Inyaõmydÿÿnana biòbitinykemy dori adee adiride. Kreta bede-ribi rõhònyreu, dori waaõmysÿdÿÿna rehuõre. Kia-ki dori kowa-di anaride. Ibutumy häwã häwã-ki ityhydÿÿdu mahäduy-ribi kai matuari mahäduõ bimykemy. Iwese jiarÿ rarybere wese kai bimykemy. ⁶ Matuari òbiti bimykemy. Matuari ihäwyy sohojiõ rÿira bimykemy. Inyõ ityhydÿÿdumy riòrenadule bimykemy. Iriòre iòraruluukeki, iehehekeki, kia häbu bimyõke. ⁷ Ityhydÿÿdu mahädu yrubudÿÿdu òbitilemy dori ihÿkemy. Inyõ-ki heka ibinamy mahakeki, imynyõmy. Tii dori, Deuxu dee raaõmysÿdÿÿkre. Ixidile nohòtidu mynyõmy. Häbukyara rybebyby, mynyõmy, vÿi luudu aõkõ, häbu aõbinaluudu aõkõ, häbu ityhymy nohòtidu aõkõre. Kia mynyõmy. ⁸ Iny inatyhyle, òbiti luunadule, taroraludu-ò awire mahädu, iny aõwityhy luunadule, ixiwedule, Deuxu rybe tyhydÿÿdu, kiale bimykemy. ⁹ Deuxu rybe-di kia häbu òbitimy rõhòtinkyre, òbitityhylemy riernanykemy. Inyõ ierysydÿÿna rityhynyõkeki, erydÿÿdu irayky riwinykre tai ihewo-ribi rieryke, rityhynykemy. Tule iny iwitxira erydÿÿna-di rarybemyhÿreki, tii riòbitidÿÿnyke.

¹⁰ Iny sõwemy inatyhymy rityhynyõreri. Tii dori aõna aõnalemy rarybemyhÿre, ityhydÿÿdu mahädu riitxenanyhÿkemy. Kia mahädu-ribi, judeu mahädu ibutu ratyre kia aõna aõnany rotÿÿnynyhÿre. ¹¹ Inyõ kowa mahäduy riyrykemy tamy rarybeke. Iny sõwemy heka riitxenanyhÿre. Òbitimy aõkõ heka iny riernanyhÿre. Nieruõle heka iny riernadÿÿnynyhÿre. ¹² Kowa mahäduõ, ierydÿÿduõ rarybera:

—Inyboho, Kreta bedeludu mahädu, ibutumy ruidu roire. Iròdu brebuna wese iny roire. Inyboho heka teoruxere roire. Byrelemy inyboho rõhòtinymyhÿreny.

¹³ Aõmybo kahäbu rarybera heka inatyhy rare. Urenana tahe arurumy rityhynykemy. Judeu mahädu

ihetxiu ijyy-ribi tõhòtirenny rosakemy kai marybeke. Häbu mahädu bede ywina rityhynyõkemy. Kia häbu dori inatyhyna aõkõ rityhynyre. ¹⁵ Òbiti mahädu dee ibutu òbitire. Ityhydÿÿdukõdu mahädu-ò aõ aõkõ òbitire. Tõhòtinarenny dori aõbina binalemy rõhòtinymyhÿre. Aõu tii rexieryre aõbinahakÿ riwinykemy. Deuxu-ribi tõhòti rosare. ¹⁶ Tiibohe rarybemyhÿreny: —Deuxu inyboho reeryreny. Tiibohe tahe Deuxu erydu wesemy aõkõ aõna aõnany rotÿÿnynyhÿreny. Tiibohe iny riojinyreny rybemy reòbyõlemyhÿreny. Aõwihikÿ widÿÿ rieryõreny.

2 Kai, Txitu, aõernawihikÿdibo biernanyhÿke. ² Matuari mahädu kai biernanyke häbu ixiwedu mahädulemy roirelemy, ywimy nohòti wydnyadu mahädu roirekemy, òbitilemy rityhynykemy, ibutu òbiti luukemy, iixiraterkemy. ³ Senadu mahädu tule biernanyke iyrubumy rÿikemy iujõmoõmy rÿikemy, tule vÿi luuõmykemy. Aõernawihikÿdibo biernanybenykemy. ⁴ Häwyy tÿmyra häbumy heridu tÿmyra tahäbu luukemy, tariòre luukemy, kia senadu mahädu riernanykre. ⁵ Tuu iyrubumy rÿikemy, òbitimy raraykynymy rÿikemy, taheto riwinyrÿikemy, awimyy rÿikemy, tahäbu rybe riwinyrÿikemy. Kia wesekeki, Deuxu rybemy inyõ ibinamy rarybeõtyhy. ⁶ Weryrybõ mahädu tule biernanyke iyrubumy rÿikemy. ⁷ Kai, Txitu, aõna aõna wihikÿmy botÿÿnykre, tai tahe ityhydÿÿdu mahädu awesele aõna aõnany rotÿÿnykre. Kai biernanykeu, òbitilemy inatyhymy biernanykre. ⁸ Arybe òbitityhdile biernanykre. Tai tahe aõludu raixÿrukemy aõmy dori umy rarybeõtyhy. ⁹ Kai biernanyke urideòdu mahädu tawedu rityhynykemy. Tamy awimyy raaõmysÿdÿÿnykemy. Tamy heka rõrawyòdÿÿnykemy. ¹⁰ Rawasinyke aõkõre, ibutumy òbitilemy riwinykemy. Kiawesekeki, ibutumy Deuxu iny tarasadu deewimy riwinykemy. ¹¹ Deuxu taerydÿÿna-di taluuna ibutumy iny-ò rexideõsinyre. Taluuna tahe iny tarasana-ò rehemynymy raremyhÿ. ¹² Kia heka iny tuu robikeu, awimyy erydÿÿna rahake. Riwaernanyhÿ aõbina bina widÿÿny tule òbitina-di yrubudÿÿna-di iny rariakemy kabede-ki. ¹³ Tule iny riraòmyhÿrenny iny Deuxu wihikÿ iny tarasadu Jesuisi Kristu loosònatyhywo-ki kedehemykre. ¹⁴ Iny õwymy dexiwahinyde iny õraru õwydÿÿrenny. Kiawese heka iny riwyyre idi riratisebenyyre iny ijoji lyrahakÿ ixidee rimyre. Kia ijoji iluure.

¹⁵ Kai, Txitu kia aõna aõna inyko belykke. Tai Deuxu deewimy riwinykemy urenana rakatxirenykemy. Iny biernanykre. Iny biòbitinykre. Iny ibutumy rityhynykemy matxibenyyke.

3 Kai ityhydžydu mahādu ixi bitōhōtīijeranyke ibutumy hāwā dinodu, bede dinodu rityhynkemy, tabede ywina rityhynkemy. Tule aōmysždžynana wihikŷ riywinykemy. ² Modee heka ibinamy rarybeōtyhy, raaōbinanyōtyhy ywimy rarekemy, moheka iehehemy riywinyōmyhŷre. ³ Inyboho heka tule iehehe roiremyhŷ, iitxŷtemy roiremyhŷ, òraruluunamy iny riitxenanamy roiremyhŷ, òtaluumy roiremyhŷ. Aōbina bina luumy iny witxira aōna aōna-di wii risŷnomy roiremyhŷ, wideramy roiremyhŷ. ⁴ Tahe Deuxu iny tarasadu luuna, ruxetōena-wana inydeereny dehemynde, tii kia-ribi iny ritarenyre. ⁵ Kia aōna aōna wihikŷ iny riwinyrenyrekŷ aōki, iny Deuxu ritarenyre, taluuna-di tahe iny ritarenyre, Jesuisi òraru-ki xiery heka Deuxu riwatŷmyranyre Tatytybytyhy-di. Umytŷmyra riwahinyrenyre, riwasuhōrenyra. ⁶ Tatytyby inydee riwahinyre Jesuisi Kristu iny biu-ò hedureki. ⁷ Kiawese iny riwaōbitinyrenyre taluuna-di. Katahe inyboho umytuedeōna ijōdire. ⁸ Kia heka inatyhy rare. Ka aōna aōna bierynanytyhykeu, tahe wadee awikre. Kia wese Deuxu ityhydžydu mahādu aōwihikŷlemy

rōhōtinymyhŷke tule rewinymyhŷkemy. Kia heka awire. Kia iny riwiōhenanymyhŷre. ⁹ Ÿraxina itxŷte kai rŷŷraxidžyōmy, iwyōdžyōmy, rybe jei jei-ribi irehemy mabekre, tule lahi òraru rybe-ribi. Kia rybe aō aōkō rare. Awi aōkō rare, iny riwiōhenanyōtyhy. ¹⁰ Hābuō rybe òwe òwe-di ityhydžydu rierynanykeki, aruru rybemy tamy marybeke. Kai inatxi rybemy marybekeki, tii rexiōbitinyōkeki, tahe uritere aōna aōnamy tamydžyōmy. Tii òrarudu dori ratximyhŷre. Hābu òbiti aōkō. ¹¹ Tiile rieryre tuudžydumy ratximyhŷre.

¹² Jiarŷ, Txitxiō, Atema-wana aōrysomy ariteōnykreu. Niòpòli hāwā-ò wadee manakre. Kowa arasŷnykre ibutumy biu bedeu. ¹³ Zena, bede ywina erydžydu, Apòlo-wana kai itŷinareny-ò biteōnylebenyke aōmybo tamy biwahinymyhŷke. ¹⁴ Bierynanyke iny aōmysždžy wihikŷkemy rotŷŷnymyhŷkemy. Kia wese aōbo rauhenyleri tamyreny ijōdikre. Tai riwiōhenanykre.

¹⁵ Ibutumy kaki jiarŷ-wana iny rybe weityhyna adee rewahinyrenyleri. Warybe biwahinyke ibutumy inyludu ityhydžydu mahādu-ò ibutumy adeereny Deuxu deysanamykre. Kie.

FILEMO-Ò

¹ Jiarỹ Paulo rare. Jesuisi Kristu òraru-ki ròtena-ki wãhãre. Tximòtxi iny seriòre wese jiarỹ-wana adee Filemo-ò rybe rewahinyrenyrene. Kai inyluunareny, iny wiòhenadỹỹdu Tate. Tule Afia-ò, rewahinyreri, tii iny wyòrenyõ rare. Tule Arikipu-ò, rewahinyreri iny rybe tỹnydỹỹdu-ki ijoiõ rare. Tule ityhydỹỹdu mahãdu-ò re-wahinyreri, aheto dohodỹỹna ijoi-ò wahe. ³ Ruxetòena ywina-wana Deuxu iny tyby-ribi, Jesuisi Kristu iny iòlò ribi adeeremy kanakemy watzireri.

⁴ Deuxu-ò rexitòenyreu, atxi, Filemo, wanohõti reamyhỹre. Tai umy rarybera. ⁵ Kai dori Jesuisi tetyhynyte, inyiòlò luummy, ityhydỹỹdu mahãdu luummy atximahãte. Kia-ò raholamyhỹre. ⁶ Tule rexitòenymahãreu kiamy jiarỹ rarybemahãre. Kai iny witzira-ò Deuxu aõmydỹỹnanamy belyykeu, Kristudeewimy bierynanyke. Kia inydeeremy rexitòenyre Deuxu-ò. ⁷ Jiarỹ wadeysatyhyreri, kai dori aluuna iny witzira dee ratximyhỹre. Kia heka deysana nihikỹ ityhydỹỹdu mahãdu-ò rare, tii riwawowesenymyhỹre.

⁸ Jiarỹ timy atxikemy adee ararybekeki, tule ke heka arateranyke. Jiarỹ dori aityhydỹỹdu seriòre rare. ⁹ Tahe aluudỹỹna òraru-ki tahe adee arexitòenykre. Jiarỹ Paulo rare. Ròtenawo-ki jiarỹ roire Jesuisi Kristuluu òraru-ki. ¹⁰ Wariòre wese dee rexitòenyreri. Onesimo wariòre wesemy redyreri Kristu tyhydỹỹna-ò waribi umy wese kaki ròtenawo-ki rare. ¹¹ Tiu heka adee riwahinyõmyhỹre tii dori juhuhu awiòhedỹỹdutyhy aõkõ rare. Wijile tahe iny diwiòhenanymyhỹde adee wadee tule. ¹² Tii adee reteònyreri. Ixyby araòkesedỹỹnyreri.

Kai ixi-ki bimyyke wawesemy, wadee dori tii awityhy rare. ¹³ Jiarỹ dori ixideele remyõre wawiòhedỹỹdu kaki ròtenawo-ki Rybewihikỹ dohodỹỹ òraru-ki. Kia òsỹny adee awire. ¹⁴ Urile aõkõmy marybekeki tii arimyõthy. Kai aõ wadee bidiwahinykeki, kai ixi sohojile inihe biwahinykre. Waixitòena-ki aõkõ. ¹⁵ Onesimo heka aribi irehemy rexijere ijõ bededỹỹnana witzirau, tahe wijile tiemy abrysimykre. ¹⁶ Juhuu wesemy aõkõ ihỹre deòdumy wahe, wiji aseriòre wesemy heka rare. Tii heka waluutyhy rare, adee tulekemy ityhydỹỹdu wese wiluukemy wadee awire. ¹⁷ Kai wabiòwakeki, tii birybenyke iwese tiwarybenymyhỹte wese. ¹⁸ Aõ adee rasiranyreki, jiarỹ ariwyònykre teròwomy. Jiarỹ iximyna kaa retyyritinyre: Jiarỹ Paulo ariòwynykre. ¹⁹ Kai waòraru-ki ityhydỹỹdumy atximahãte. Kia tahe adee tuu ararybeõthy.

²⁰ Warybe mynamy ta kai bòwidỹỹkre Kristu òraru-ki, tai ta biwadeysanykre. Jiarỹ warybe rewahinyreri, araeryre, waixitòedỹỹna ratyre biwinykre. ²² Ijõmy adee arexitòenykre: wasỹ waherina ahetowo-ki biwinykre. Deuxu-ò bexitòenykreki, tai jiarỹ aõhe-wana adeeremy aròòsekre.

²³ Epafa wabiòwa ròtenawo-ribi adee riwehityhynanyreri (jiarỹboho kaki watzimyhỹrenyrene Jesuisi Kristu Rybe òraru-ki), ²⁴ tule Marku, Aristarku, Dema, Luka-wana rexiwehityhynanyreri. Kia ibutumy heka Deuxu-ò aõmysỹdỹỹdumy roire.

²⁵ Jesuisi Kristu làhàna awo-ki ratximyhỹre.

HEBREU-Ò

1 Juhuu Deuxu inytybyreny-ò rarybemy raremyhỹ. Deuxu rybe-ò ijohonadu-di tamy rarybere. Tule sówemy aõna aõna witxira witxira rarybere tamy. ² Tahe ikonana wiji txuu inydeereny tariòre diteònykemy rarybera. Tii rarybere tybyderòwmy. Iriòre tahe ibutumy aõna aõna wedu rare. Deuxu iriòre kia rarekemy rarybere. Tii tule juhoo bede widỹydu rare. ³ Tii Deuxu loosõna tỹnydỹydu ratxireri. Deuxu wesehyymy ihỹmyhỹre. Iriòre, taryberuru-di, ibutumy aõna aõna rimymy roimyhỹre. Iny òrarunareny riixãwidỹny my rahudi, biu-ki Iòlò Deuxu ruruna weribi ronyre. ⁴ Iriòre ranire niwihikỹmy. Tii dori ýjuratyre awityhyre. ⁵ Tiu heka ýjuò-ò rarybeòhyymyhỹre: —Kai wariòre tate. Bohyymy wiji wãhãre. Ijò ritidỹmy rỹire, kawesemy: —Jiarỹ tybymy ararekre. Tii wariòremy rarekre. (Kia tahe ýju-ò tii rarybeòhyymyhỹre.) ⁶ Iriòre dela kabede-ki reareu ixityre ijõmy rarybere: —Ibutumy Deuxu ýju tuu reàlàkemy. ⁷ Ýjummy tahe kawesemy Deuxu rarybere: —Jiarỹ ýjuboho tahe yhy ele elewesemy retxieny, wadeòduboho heòtyloosòwemy retxieny. ⁸ Tahe tariòremy kawese rarybere: —Wariòre, Deuxulemy atxiteri. Kai ibutumy iny-iòlòhyymy rare. Aruru tuedeõna debõna dire. Wiwese-my nonana-di ibutu-ò atximahãte, òbitimy. ⁹ Òbitinalumy kai atximahãte òraruna deramy tahe atximahãte. Tai tahe Deuxu, aDeuxu amahãdu ratyre awimy teleta adee riwahinyre deysana. ¹⁰ Ijõmy Deuxu rarybere tariòremy: —Kai Wanyrỹ juhoo bede widỹydu tate. Bede ibutumy tewinyte. Tule biuludu aõmydỹynana tewinyte. ¹¹ Kia bede aõmydỹynana ludu ibutumy rexihukemy. Kai tahe tiu atuedeõna. Iwese uwòhi retybyre wese, kia aõna aõna retybyke. ¹² Tule wesirahana rawerasemy roimyhỹre wese ibutu tyy retybymyhỹre, raw-itxiradỹmyhỹre. Kai tahe ixiwesehyy ahãte. Abede dỹynana tahe tiu itueòtyhy. ¹³ Ýjuò-ò Deuxu tiu rarybeòmyhỹre: —Bodonyke waruruna weribi. Aòludu mahãdu ako-txi resemehỹkemy. Eòdumy rarekemy. Kiamy tahe tariòre-ò rarybere. ¹⁴ Ibutumy ýju mahãdu Deuxu deòdu rare tyytyby wesemy rare. Deuxu diteònyde ityhydỹydu mahãdu wiòhedỹmy tule ibutumy biu-ò hedu mahãdu wiòhedỹmy.

2 Tai tahe, waseriòreboho, ityhyna rybe-ò rokohlarenyreki, tamy tahe rikimyrenykre rikityhynyrenykre. Tai tahe iribi tiu ròkòirenyòtyhy. ² Ibutumy ýju rybe inatyhymy raremyhỹ. Ibutu òrarudu rimyre aõhòkỹmydỹynana-ò irybe riywinyòreki. ³ Kia inatyhy rare. Tarasana rybe wityhy-ò rokohlarenyòreki, timybo inyboho rikiòlònyrenyke. Kia rybe wityhy Wanyrỹ Jesusile juhoo inydeereny relyyre. Idi tahe, ijo-

honadu mahãdu tuu rarybere tule. ⁴ Deuxu irybe myna rotỹnyre, ròbedeòbydỹnyre tai ròbedeòti-idỹnyrenymy tai Deuxu ruru ritỹnyre. Tule Deuxu Tatytybytyhy iaòwidỹny my ixideewimy inymy ri-ubỹtyre.

⁵ Ýju-dee aòkõ bede riwahinyre-kia iòlòmy rarekemy. Jesusi-ò kia riwahinyre. ⁶ Juhoo inyò rybe txiòdỹny my rarybere: —Ritina-ki kia rybe roimyhỹre: —Aõbo heka hãbu tyhy riòre rare? Tii aõ aòkõ rare. ⁷ Ijò bededỹynanaò Deuxu riòre ýju-ribi tyhymy aòkõ ihỹre.

⁸ Tahe wiji wowydyna tamy rawahire iwese iòlò dee iny riwahinyre wese, tamy rawahire. Tule ibutu wedumy rarekemy. Iny ruereny dee ibutu ihòrò aòkõ òsana rare. Ibutu rurudu wese aòkõ iny ruereny-ki rỹire.

⁹ Tahe inyboho Jesusimy robirenyre. Tiile tuu ihỹre. Urihimyò bede aõmydỹynana bedeu ýju-ribi tyhymy aòkõ Deuxu tii relere aõhòkỹmy dỹynana rimykemy. Tahe rurure. Rubu riurhire inyderòwyrenymy. Tai tahe rataana raheto wesena Deuxu tamy riwahinyre deàlàna-wana. ¹⁰ Deuxu riwinyre ibutu aõna aõna ixidee. Tii kòkeki, bede ihoòhyymy roike. Tii ityhydỹydu mahãdu ridymyhỹre taloosònasy-ò, taijoimy. Tai tahe Jesusi aõhòkỹmy rotỹnyre Deuxudeewireki. Tarasana wydudumy heka wityhymy Deuxu delede aõhòkỹmy rotỹnyreki, tai awityhymy ròhònykemy tarasadudikemy. ¹¹ Òbiti widỹydu tahe òbitina mahãdu-wana wimahãdu wese roire. Wiwanale sohoji tybyribile doidenyde. Tai tahe raixýruòlemy Jesusi seriòremy rininire. ¹² Ritina-ki rarybere: —Ani aritỹnyre waseriòreboho-ò. Dohodỹyna heto-ki àlànawiu-di adee ari-wiunykre. ¹³ Ijò Ritidỹyna-ki rarybere: Tii arityhynyhykre. Ijò: Kakile wahe watxireri, tule roire wariòre Deuxu diwahinyde. ¹⁴ Iwese ibutumy inyumy wiwesele roire wese, tule Jesusi umyò rimyre, inyumy wesele, tai inywesemy rurukemy. Tai tahe rubu dinodumy rahaananyre, Diabo wahe. ¹⁵ Kia rubu mahãdu lau ruberumyhỹre mahãdu, ibrebu iribi ritare. Kia mahãdu dori rububrebu deòduhyymy ihỹreny. ¹⁶ Ýju aòkõ ritakemy namyhỹde, Abraò riòre riòre ritakemy namyhỹde. Tahe wiji tule ihỹre. ¹⁷ Iseriòre wese hyymy roirekemy ihỹreny. Tii dori Deuxu Xiwena widỹy-dumy rarekemy inydeereny tai ruxetòena wahidỹydu òbiti tii ihỹre. Ibutumy iny òraru òwydỹynamy rỹimyhỹkemy. ¹⁸ Ibutumy ixiradỹyna mahãdu tii ri-wiòhenanymymyhỹre, ibutumy ixirana-di aõhòkỹmy rotỹnymyhỹreki.

3 Tai tahe, waityhydỹydu seriòreboho, boholatyhyke Jesusi rybe-ò: —Kaiboho dori tule bimybennykemy biu bede aõmysỹdỹyna. Jesusi iny ityhydỹy-

na Xiwena wahidỹydu wedu tyhy rare tule inatyhyna deòdỹyña tyhy tii rare. ²Deuxu tii riwinyre Xiwena wahidỹydu wedumy. Tai tahe tii òbitimy riwinyre Moisesi riwinyre wese Deuxu sýmahāduy-ki raaòmỹsỹdỹynymỹhỹre. ³Jesuisi-ò tahe sówemy wowydyna rawahikremy. Moisesi wowydyna ratyre rawowydynanykemy. Hetowidỹydu iny riwowydynymỹhỹre, hetoratyremy. ⁴Ibutuheto iwidỹydu dire. Ibutu widyydu tahe Deuxu rare. ⁵Moisesi Deuxu heto-ki òbitimy rybe riwinywymỹhỹre teòdu aòmỹsỹdỹyñanamy. Tai tahe teòsidỹyña ririre ijesenareki. Deuxu rybe tỹnydỹydu tahe Moisesi rare. ⁶Kristu tahe Deuxu sýmahādu wedu rare Deuxu riòre rareki. Inyboho Inynyrỹreny-ò ròkòtyhydỹyrenykeki tuu rokoirekre. Tai iny brebutererenymy iny raròsònareny inatyhymy rakatximỹhỹrenykeki tahe Deuxu ijoi inyboho roire. ⁷Kiawesemy tahe Deuxu Tyytybytyhymy narybede: —Wiji tahe tany boholabenyke aworeny iòlududỹyrenyòmỹ. ⁸Judeu mahādu wesemy aòkò boibeke, tybyboho wesemy aòkò wahe boibeke. Tiiboho dori tany raujòmomyhỹre bedero-ki Deuxu riurihirenyre. ⁹Deuxu rarybere: —Aòbede wiwihikỹ rewinyre hāre, alabiereny riwaitxenanyreny tanyreny watxireri iny inatxiwaitue beòramy aòbedewiwihikỹ riraòmỹhỹre. ¹⁰Tahe Deuxu rarybere: —Waky reamy tany wāhāre. Tiu heka wawana ratxiòhyymỹhỹre ryòbiti tany retỹnyny hārele. Tawo-ki teòsahymy ratximỹhỹre. ¹¹Deuxu rarybere: Waky reatyhymy tai tahe ixidee resere, inatyhymy rarybere: —Tiu tiiboho elehyna bede-ò ralòòtyhy. ¹²Bexiijebenymy waseriòreboho uritere awo-ò ròtedỹyòmỹ raykyitxỹtena. Kia òraru-ki aDeuxutyhy-ribi irehemy bexilòhòrarienyheny aDeuxu tyhy dori irumy ratximỹhỹre. Tii inatyhy rare. ¹³Txuò txuòlemy wii biòbitinybenyke. Òraruna dori itxenadỹydu nihikỹ rare. Tai tahe wiji kiamy botỹybenyke. ¹⁴Deuxu rikityhynyrenyhyymy rakatxirenyke. Irybe rikiywinyrenyke my rakatxirenyke iwese juhu rityhynyrenyra wese. Kia wesekeki, Kristu leinamy rakatximỹhỹrenyke. ¹⁵Kiawesemy tahe Deuxu Tyytybytyhymy narybede: —Wiji tahe tany boholabenyke aworeny iòlududỹyrenyòmỹ. Iwese ihetxiu mahādu riwinyre wese aòkò boibebenyke. ¹⁶Timahādubohe roholare Deuxu rybe-ò iribi tahe wimy raòludure. Kowa Egito bede-ribi doimyhỹde mahādu roire. Moisesi tamahādu-wana doimyhỹde. ¹⁷Mobohe Deuxu kyaradỹydu 40 wyra sówē. Kia mahādule bederahykile rexihure raòrarunyreki. ¹⁸Moòbo Deuxu rarybere taelehyna bede-ò ralòòtyhymy? Rybe ywisidỹydukòdu mahādu-ò rarybere. ¹⁹Inyboho tuu rieryreny. Rirònyrenyòremy rityhynyòrenyreki.

4 Deuxu juhuu rarybere: —Inyò taelehynabede-ò ralokremy. Inatyhymy heka aòmỹbo rarybere rỹire. Inyò òsana kaibohoò tany rehemynyòtyhy rityhynyòmỹhỹrenykeki. Tai tahe bexityhynymỹhỹbenyke kia-ò. ²Inydeereny tahe Rybewihikỹ tỹmyra ròhònymy roimyhỹre, iwese Moisesi mahādu-ò ròhònyre wese. Tanyreny tahe awityhymy aòkò tany ròhòtinymỹhỹre rityhynyòhyymỹhỹreki. ³Deuxu tyhydỹydu mahādu

ralòke taelehyna bede-ò. Deuxu dori rarybere: —Jiarỹ inatyhymy anarybede. Iny rityhynymỹhỹrele tany ralokre. Deuxu kiamy rarybere: —Taelehynabede tany rewinyre xiery juhuu bededỹyñana rewinyroire. ⁴Inyboho rierymỹhỹreny tii riraòmỹhỹremy Ritidỹyña roireki: —Deuxu taelehyna-ki ele rihynyre debòinatxixu bededỹyñanamy. Taaòmỹsỹdỹyña ibutumy rahure aòbo riwinykemy idi raremỹhỹ riwinyre. ⁵Ijò rybe tule kia-wana roire: —Tiu ralòòtyhy waelehyna bede-ò. ⁶Tuu heka Deuxu rarybere inatyhy raremỹ. Ijò mahāduò ralòmỹhỹre Ijò mahāduò ralòrenyke. Moisesi mahādu tahe ralòòre Deuxu rybe riwinyòreki. ⁷Wiji bededỹyñanamy heka Deuxu rarybereri. Kia rybe rare iwese Davi rarybere wese: —Wiji tany boholabenyke, aworeny iòlududỹyrenyòmỹ. ⁸Josue ridyre Moisesi mahādu Suwitxiraò-ò. Kasu tahe kabede aòkò rare Deuxu elehyna bede. Deuxu idihyy tuu rarybemy ihỹre. Wijina ròtena bededỹyñanamy Deuxu rarybemyhỹre. ⁹Tai tahe Deuxu mahādu dee elehynasu bede roimyhỹre. Deuxu elehynatxu wese heka rare, iwese Deuxu debò inatxixu-di rexielehynyre wese. ¹⁰Iwese Deuxu raelehynanyre wese raelehynanyre inyboho taaòmỹsỹdỹyña-ribi, inyboho rukururenkyre. ¹¹Awityhymy rokoireke tany rikirònyrenykeki tule. Rekeixijerenyke. Deuxu rybe rikiywinyòrenykeki iwese judeu mahādu wese rikirònyrenyòtyhy. ¹²Ibutumy Deuxu inydeereny rarybere iruru dire. Iwese mayrehe wiòtxureemy rỹrira wese Deuxu rybe rare. Inyrayky wydyna riòromỹhỹre, òhòti wydyna-wana. Mayrehe rayky riraynymỹhỹre aòmỹbo inyrayky Deuxu ibutumy rirykemy. ¹³Ibutumy Deuxu rierymỹhỹre inyraykyreny. Iny Deuxurenny irumy ihỹre. Ibutumy aòna aòna tany itỹnyhỹkyle rare. Aò heka iwasi aòkò tany rare. Ikonanau ilau ibutumy aòhebo iny rotỹynymỹhỹreny reki tỹnynyrenyke.

¹⁴Jesuisi Deuxu riòre iny xiwenadỹydu tyhy rare. Tii rare biu-ò iny wiòhedỹymy. Tai tii rikityhynyrenyhyymyhỹke. ¹⁵Tii iny aòkònareny rierymỹhỹre; ixiradỹyña rierymỹhỹre tai iny riruxetònyre. Tii kabede-ki tiu heka raòrarunyòhyre, ixiradỹyña hārele. ¹⁶Tai tahe rekexiterenymy rekexitònyrenyke iny iòlòreny ryanana-ò. Tai tahe ruxetòena sówemy inydeereny kidiwahinykre. Bedeòbina kidiòkre tuu rokorurenkyre.

5 Hābuò Deuxu rimyre xiwena widỹydu mahādu wedumy rarekemy. Tii ibutu iny deròwymy Deuxu-ò rybedumy raremỹhỹ. Tii iny uriònosòna Deuxu-ò riwahinyre. Tule òraruna brò-ki xiwena tany riwahinyre. ²Tii dori hābu rare tamahādurenny-ò dori ywina-di ixi-ki ratxireri iòrarurenny rierymỹhỹreki. Imahāduò ibedeeryòre ijò tahe reòsamỹhỹre tiieemy aòna aòna bina riwinyhyymỹhỹre. ³Tai tahe xiwena riwahinyhyymỹhỹre tamahādu òraru-ki tule ixiòraru-ki. ⁴Inyò ixideewimy aòkò xiwenawidỹydu raremỹhỹ Deuxudeewi xiery tahe tuu rareke. Deuxu tany rarybemyhỹrekile tahe tuu rỹike. Iwese Araò-ò Deuxu rarybere tuu rarekemy. ⁵Tahe Kristu tule reximỹòhyre xiwena widỹydu wedumy rarekremy Deuxu tuu rimymy rarybere: —Kai wariòre tate wijile kai inihe

anatara. ⁶ Ijõ ritina-ki ijõ rÿire: —Kai xiwena wahidÿÿdu atximahâte urenana. Xideki xiwena wahidÿÿdu wesemy atximahâte. ⁷ Jesuisi kaki raremyhÿu hãbu wesemy iruberytynomy rexitòenomy reàlàmyhÿre. Rahinomy ri-ajuamy Deuxu-ò rarybere. Tii heka Deuxu rityhynre tai tamy roholare. ⁸ Deuxu riòre heka tii rarehãrele tahe aõhòkÿmy rotÿÿnymy hÿre. Tai tahe ròeryre rybe ywidÿÿmy. ⁹ Tii heka raòbitinytyhyre. Tai tarasana widÿÿdu rÿimyhÿre iywidÿÿdu ityhydÿÿdu mahãdu dee. ¹⁰ Deuxu dori tii rimyre xiwena wahidÿÿdu wedu rÿi-rakremy Xideki wesemy.

¹¹ Sòwemy tuu adee ararybekemy watxireri. Urile adee isirare ierysyna, teeryòhyemy taholamahâte. ¹² Kaiboho ihetxiu tetyhynnytenyete. Tahe inyõ bibedeerynybenyke. Ihãre tahe teery-nanyòhyemahâte. Ihyemy texiòkesedÿÿnyta tai tahe inyõ anaerynanykemy adi ratxireri timybo ityhydÿÿdu-ki tatemahãmy. Juhuu erydÿÿna wahe. ¹³ Tohouã howÿtòdu weselemy atximahãtenyete, ityhydÿÿdu aõmydÿÿnana teerytyhyòmahãtenyete, rybeerysydu òbiti aõkõ atximahãtenyete. Kaiboho taumynyòmahãtenyete iwese ityhydÿÿdu mahãdu rÿi-rawesekemy. ¹⁴ Deuxu erysynatyhy inyomy rÿsÿna wesemy roire. Aõbinahakÿ aõwihikÿ erysyduòle kia rÿsÿna roire, tiiboho dori rierymyhÿre aõbo awire aõbo ibinare, tuu rotÿÿnyrenyre aõbo awireki.

6 Tikiemy juhUU Kristu rybetyhynamy araery-nanyamahãre. Rekexitòmonyrenyke. Iwitxira erysyna rikierenykemy. Tai tahe rakaumynyrenyke ityhydÿÿdu tyhymy ityhydÿÿdu rurudÿÿna-di. Inyõ rarybemyhÿre. Iny raòbitinyomy ratxike xiery iny ratakemy ihÿre. Kia aõmydÿÿnana reerydÿÿnanyòkre tahe. Iny rityhynmyhÿkekilé iny ratake. ² Ratisebenamy heka anaerynanyòkre, tule debòlidisinamy, tule rubu-ribi ixixanamy, tule bedé konana ritxuakre txumy ibutumy heka tuu ararybeòkre. Tii heka juhUU erydÿÿna rare. Kaiboho dori teerytenyete. ³ Wanyrÿ dee wikeki tahe iwitxira erysyna heka ariwiuronykre. ⁴ Inyõ biu-ribi loosòna wãhidÿÿna riurihimy ritakeki. Deuxu Tyytybytyhy aõmydÿÿnamy ijõ ritake wana, Deuxu rybe riurihike wana, kowa bedé wihikÿ ruru rieryke wana. Tii ibutukeki tahe Deuxu-ribi tahewo-ò dòòsede inatyhy-na ririre. Isiratyhyhyre ixityre ròte taòraruna Deuxu-ò relyyòtyhy. Tii dori Deuxu riòre ixityre itxèònihikÿ-ki ritidire, inyru-ò ritidire ibinamy rarybemyhÿre. ⁷ Biu heka suõ risebenymy hÿre. Òwòrutu iribi ritxuhudÿÿnymy hÿre tòbòròdÿÿdu-ò. Aõratybo raratynykeki tahe Deuxu bedèòbydÿÿna kia rare. ⁸ Tahe edewewēju kidiwahinykeki, awiòre heka inydee kia sumy ibinamy rarybere. Urile roomy hÿre. Kia suu tahe iny ityhyna ririre mahãdu wese rare.

⁹ Kiawese jiarÿ urile rarybereri. Ihãrele tuu aõkõ umyreny rahòtynreri. Inatyhymy rahotynreri kaiboho aõ òbiti tewinymahãtenytemy. Iwese tarasana mahãdu weselemy kaiboho ahãtenyete. ¹⁰ Deuxu dori òbitityhy rare. Kaiboho tamy taaõmysÿdÿÿnihikÿmahãtenyete tai aribireny tòhòti rosaòtyhy. Iwese Deuxu-ò alu-unareny teteòsinyta wese ityhydÿÿdu seriòre

tewiòhenanytenyete ki ihãre tadiwiòhenanymahâte.

¹¹ Wiluu hyemy boibeke bedé dÿÿnana konana-ò. Tuu raruhyemahãre. Tule iny raròsònareny-di mohòtynybenyke. ¹² Tai tahe ityhydÿÿdu aõmydÿÿna irisirenyòmy boibeke. Òbiti widÿÿdu iele ele aõkõ rare. Rityhynreri Deuxu wahisidÿÿna ritakremy iwese Deuxu rarybereki. Kaiboho òbiti widÿÿdu mahãdu wesemy ahãbenyke.

¹³ Deuxu Abraò-ò rarybereu, inatyhymy ixideele rarybere. Inyõ dori Deuxu ratyremy ratxiòmy hÿre. ¹⁴ Kawesemy rarybere. Deuxu tiemy ixirybe riwinyhyemy hÿre Inatyhymy anabedeòbnykre, idi anaixijuradÿÿnykre my tai ariokoreò rasòwekremy. ¹⁵ Tahe Abraò riraòmyhÿre, raeleleòmy. Idi Deuxu tarybe myna rotÿÿnyre.

¹⁶ Inatyhymy aõmy inyõ rexirybenykre aõmy rarybekre. Kai tahe aõ ijyy riixãwididÿÿnymy hÿre. ¹⁷ Deuxu tule ixidee rexirybedÿÿnyre inatyhy rybe-di. Tai rybe tarasadu mahãdu rierymy hÿre Deuxu rawitxiranyòtyhy. ¹⁸ Inatxi aõmydÿÿnana iny rieryrenyre. Deuxu rarybere-wana tiu raruiòtyhy. Tai tahe inyboho in-yraròsònareny rimymy hÿre. Iny ixiwòtena-ò ralòmyhÿre tarasana-ò ralòmyhÿre wese. ¹⁹ Inywo-ki inyrayky wiòhedÿÿdu ijòdire hãwòjurasá rimymy hÿre wese iny roire Jesuisi koludu wesemy inydeereny ralòmyhÿre wesirahana webòrò-ribi, Deuxusÿ wahe. ²⁰ Jesuisi juhUU ralore tai. Tai tahe Jesuisi Xiwena wahidÿÿdu wedu rÿihyykemy Jesuisi tahe Xideki axi weseò xiwena wahidÿÿdure.

7 Xideki tahe Salé hãwã iòlò rare. Deuxu Tyhydÿÿdu Xiwe wedu rare. Abraò heka aõbina ritara. Xideki ròhònyre itxi reakemy, tahe ribedeòbyrybedÿÿnyre. ² Tai Abraò tamy riwahinyre ibutu aõbina aõmydÿÿna-ribi, debòwiò-ribi sohoji riwahinyre, Xidekini tahe òbiti Iòlò rare iwitxira rybe-ki. Salé hãwã Iòlò tahe ywina nodu rare iwitxira rybe-ki. ³ Tybyòre, iseòre, isÿòre. Tii heka itxu ròhònyòhyre tule bedekonanaòhyre. Tii heka Deuxu riòre weselemy ihÿre. Tii Xiwena wahidÿÿdu urenana ratxihyemy hÿre.

⁴ Kaiboho mohòtynybenyke timybo tii aõnityhymy raremyhÿdi. Abraò inytybyreny tamy diwahinyde: debòwiò aõmydÿÿna-ribi sohoji tamy riòre. Iòlò taòludu aõbina aõbina aõmydÿÿna-ribi tamy riòre. ⁵ Xiwena wahidÿÿdu mahãdu Levi sÿriòre mahãdu-ribi doidenyde. Tamy bedé ywina riwinyomy riteònyre debòwiò-ribi sohojina ritakemy iny-ribi. Taijoityhy-ribi. Tii-boho dori Abraò sÿjioiluduò tule roire. ⁶ Xideki tahe Levi sÿjioiludu aõkõ rare. Ihãrele tahe Abraò tamy debòwiò-ribi sohojina riwahinyre. Xideki tahe bedèòbyrybe-di heka Abraò rirybedÿÿnyre. Abraò juhUU ityhydÿÿdu rare Deuxu dori tamy ityhyna rybe riwahinyre. Xideki tahe ityhytyhy rare. Aõhe inatyhy? ⁷ Bedèòbmy rybedÿÿdu aõnityhy rare. Moòbo rarybemy hÿre ratyre aõnityhy rare. Ibutumy kia rierymy hÿre. ⁸ Levi xiwedÿÿdu mahãdu hãbumy ituerenyre. Xideki tahe ruruòhy ihÿre. Kia ritina-ki roimyhÿre. ⁹ Levi debòwiò-ribi sohojina tarasadu rare. Ihãrele tahe Abraò teròwomy debòwiò-ribi sohojina riwahinyre. ¹⁰ Levi dori natibienyòde, ihãre Abraò-ki ratximyhÿ iu witxi Xideki-wana witxi reareu.

¹¹ Bede ywina rybe xiwedýýdu mahādu-wana iny rataōtyhy. Tai tahe iwitxira xiwe wahidýýdu inyboho ri-ijemāhārenyire. Araō ijoi ribi aōkō nade, Xideki nade wese tahe Kristu nade. ¹² Xiwena aōmydýýnana raw-itxirakeki, tule rybe bede ywina rawitxirake. ¹³ Inynyrý tahe Levi xiwewahidýýdu mahādu-ribi aōkō nade. Tii Juda mahādu-ribi nade. Tiiboho heka tiu xiwewahidýýdu mahādu-ki riwiòhedýýðhyymyhýre. Moisesi dori tamy kia aōmysýdýýna riwahinyōre. ¹⁵ Kristu iwitxira xiwewahidýýduò rōhònyre Xideki wesemy raremyhý. Tuu heka teerytenyte. ¹⁶ Tii heka bede ywina rarybere wesemy aōkō nade. Tahe iwitxi rare. Tii umy witxira tuedeōna-di nade. Kia ruru òraru-ki nade. ¹⁷ Rybe riti-ki rýire, Kristumy rarybereu: Kai xiwewahidýýdu mahāduò tate Xideki wesenamy ahāte. ¹⁸ Aōmydýýna tyby rawitxiradýýre awimy aōkō dori rare. Irurudimy aōkōre dori rýire tarasana wiòhedýýmy aōkō. ¹⁹ Kia iny riòbitidýýnyre aōkō. Wiji tahe raròsòna wihiký rōhònyre inydeereny Kristu dori Deuxu-ò inatyhymy iny ridymyhýre. ²⁰ Deuxu rexirybedýýnyre inatyhymy Kristu xiwena wahidýýdumy rarekemy. Tahe iwitxira xiwenadýýdumy aōkō kiawese narybede. Kristu-ò tahe Deuxu rarybere: —Deuxu rexirybedýýnyre. Tiu rawitxiranyōtyhy arybe. Kai xiwena wahidýýdu atximahāte urenana. ²² Tai tahe Jesuisi riòludunyre wijina aōmydýýnana týmyra. ²³ Xiwedu sōwekemy idi rōhòtynymyhýre, ijō rurumyhýreki. Ijō tahe teròwymy ralòmýhýre. ²⁴ Jesuisi tahe xiwena wahidýýdu mahāduy-ribi rōhònyōtyhy. Kristu tahe aōu aōu ratxihyymy rarekre. Tai ixiwe òlòdýýnamy aōu aōu iweselemy rarekre. Ijō-ò tiu raōtyhy. ²⁵ Tai tahe moō Deuxu-ò Kristu-di kanakeki, tii tahe Jesuisi ritalekemy ratximyhýre. Tii dori Deuxu-ò inydeereny rexitòenyhyymyhýre.

²⁶ Tii dori iny deròwymy rarehyymy rareke Deuxu sýdee. Jesuisi biu-ki rononymyhýre Deuxu-wana. Sýwihiký worana bedehesina-ki rononymyhýre urenana. Tai tahe tii xiwenadýýdu wedumy inyboho rurumyhýrenyire. Tii òbiti rare, tyrare, iòraruna-ki aōkō, òrarudu mahādu-ribi hitximy. ²⁷ Xiwena wedu txuō txuōlemy xiwena diwinyumyhýde juhuhu taòraru hetydýýnamy riwinyumyhýre idi tahe ibutumy inyòraru hetydýýnamy riwinyre. Jesuisi kia Xiwena wedu wesemy aōkō ihýre. Tii xiwena wahidýýdu mahādu-ribi lahitxi rare. Sohojihy dori xiwenamy rexiwahinyre rubu-ò ikonana xiwena wahe. Tii txuō txuōlemy aō rubu xiwe wesemy riwahinyōre, iwese iwitxira xiwedýýdu riwahinyre wese. Juhuu taòraruna òraru-ki raxiwenyire idi iny òraruna òraru-ki raxiwenyire. ²⁸ Bede ywina hābule ritidire xiwena wedukremy. Hābu tahe iruruōre idi tahe sohoji rybeōtyhy bede ywina hewomy nade. Kia tahe Deuxu riòrele tuu risýnyre, tii òbitityhyreki.

8 Kiamy heka jiarý rarybere. Kia awese iny xiwena wedu ijōdire. Iòlò tarynana-ki rononymyhýre. Jesuisi tahe Deuxu ruruna-ribi ronyre. Iheto-di itxeredu tahe Jesuisi rare. Deuxusýle iyrubudýýdu rare. Kia hābu aōkō riwinyre Deuxule riwinyre. ³ Kristu iheto raroowo-ki Deuxu deewina riwinyumyhýre. ⁴ Kristu kabede-ki ratxikeki tii xiwena wahidýýduōmy aōkō ratximy-

hýke. Kabede ludu dori bede ywina rybe riritinymyhýre wesemy riwinyumyhýre. ⁵ Tiiboho biu aōmydýýnana wesemy urihimyołemy aōna aōnamy rotynymyhýrenyire. (Deuxu Moisesi-ò riteòsinyre aōwesemybo tealàna heto-ki raremyhý. Tai tahe Moisesi riwinykemy timybo riteòsinyre wesemy hāwālò ratyy-ki riteòsinyre.) ⁶ Kristu tahe iwitxira aōmysýdýýna iaōmysýdýýnare. Bede òtiidýýna urenana heka Kristu aōmydýýnana ròimyhýre bede ywina widýýdu aōmydýýnana ratyremy ihýre. Kristu tahe bede ywidýýna týmyra riwinyre Deuxu iny-wana heka widee rilorore. Deuxule rarybere tahe juhuhu-ribi awityhyre irybe. ⁷ Juhuu bede ywidýýna awi aōkō rare. Awikeki tahe ijō týmyraò rōhònyōtyhy. ⁸ Deuxu dori ihetxina-ki tamy awimy aōkō ihýre. Kawesemy dori rarybere: —Txuō kanakreu tahe, bede ywidýýna týmyra aritobinykremy Juda sýmahādu-wana judeu sýmahādu-wana. ⁹ Bede ywidýýna týmyra ihetxina-ribi iwitxira rarekere. Ihetxina retobinyre tybyreny-ò. Iu Egito-ribi retareu, retobinyre. Tiiboho bede ywidýýna týmyra-ò rieryōre. Tai riywinyōre bede ywidýýna. ¹⁰ Kiawese bede ywidýýna týmyra rarekre, Wanyrý Deuxu rarybere: —Wabede ywina iraykywydyna-di ariritinykre iwo-ò aritidikre wabede ywina. Jiarý iDeuxumy ararekre, tule tiiboho wasý ijoimy roirekre. ¹¹ Kia txuō rahukredi tahe ibutumy riwaerykre tasòmo-wana, tanihiký-wana. Tiu wii rierynanyōtyhy Wanyrý Deuxumy. ¹² Ruxetòena tamy ariwahinykre taòrarutedenamy. Iòrarureny ibutumy wanohòti iribi rosakre. ¹³ Bede ywidýýna týmyramy Deuxu rarybereu, ihetxina retybyra raseruserunyra. Taita awiōra heka.

9 Juhuu bede ywidýýna-ki bede rybe ritina rýimyhýre Deuxu-ò dealàna timybo rawahinykemy. Tule rýimy raremyhý tykyheto bederahy-ki. ² Iwo-ki inatxi rareamy rýimyhýre. Juhuu irareasana-ki Deuxu iòhònasý heka inire iwo-ki tahe adýý loosòna rýmyhýre. Tule tii paō brebuna deòtena òwòrubesetyre-ki rýimyhýre. ³ Tyky ijòtòbòna hewo ludu rareasa tahe Deuxu sýle inire. Òkòsy nihiký rihitxinyre ijō-ribi. Tule tahe òwòruwodýýð rýire womati týrýrýhýkýle ihetyre. Iwo-ki tahe xiwena deòtena. Tai riwosinyumyhýre týnyre reakemy. ⁴ Òwòrudýýrawo-ki tahe womati týrýrýhýký butxi riòre ibòbese-di rýire, iro-ki ihina rýire mana ta irybereny-ki inire. Tule Araō hoju rýimyhýre tai ruhunymy raremyhý. Tule bede ywidýýna riti mana tyre-ki tai roimyhýre. ⁵ Tule iratyy tyre-ki rýimyhý ýju ritxoo inatximy. Teubrorodile tahe riwòmýhýre. Òwòru wodýý ratòbòna tikibo Deuxu iny òraruna riixāwidýýnymyhýre wahe. Tahe tuu rýbeònyrenykre kia aōmydýýnana tai rýiremy. ⁶ Kia ibutumy rexihureu xiwena wahidýýdu mahādu ralòmýhýre juhuhu rareasanawo-ki taaōmysýdýýna tyhy widyymy. ⁷ Ihewoludu rareasana-ò iwedule ralòmýhýre. Beòra bededýýnana sohojimy sohojile tamy ralòmýhýre. Iròdu riwumyhýre ihālubu ritxiwikemy xiwenamy. Taòraru-ò iny witxira òraru-ò tule. Inyòraru-ki tii mahādu aōna aōnamy rotýnyrenyre rexieryenyòhylyemy, kiabro-ki. ⁸ Deuxu Tytybytyhy kia ijyy-di iny ribedeerynymyhýre. Juhuu tyky heto rýireu, inybohoò heka Deuxu iòlònasý-ò

ralòomhÿre. ⁹ Kia heka wijina bedeerynare. Juhuu dori xiwena wixira wixira wahidÿÿna wixira wixira uriòno rare. Kia urile iwahidÿÿdu iwo irayky-wana riòbitinyòhÿre. ¹⁰ Juhuu ludu aòmydÿÿnana bede ywinale rare. Rawitxirakekile tahe ròhònyke. Tii tahe rÿsÿna bede ywinamy rare, monatyhy bede ywinamy, aòna aòna surona bede ywinamy. Iny kia bede ywina ibutumy rityhynkemy rÿimyhÿre.

¹¹ Kristu dehemynde, iu tahe rawitxiradÿÿre. Kristu Xiwena wahidÿÿdumy ratximyhÿre. Tai tahe ibutumy rawitxiradÿÿmy roimyhÿre. Tii ralòomhÿre tyheto tÿmyra-ò. Itÿmyra tahe biu-ki rare. Kabede-ki aòkò ihÿre; hãbu iwidÿÿdu aòkò rare. ¹² Kristu ralore Deuxu Tyytyby sÿnawo-ò tahãlubu òrarukile ralore. Sohoji-hÿyle ralore iny tarasanarenymy inydeereny ri-wahinykemy. Iròdu hãlubu-di aòkò ralore, broreni riòre-di aòkò, budoeni hãlubu aòkò wahe tahãlubudile. Tai iny tarasanareny rimyhÿre. ¹³ Juhuu budòe broreni Oriòre hãlubu-di raxiwenanarenÿre. Broreni bryby riubÿtÿnyre iny tyre-ki iaòsusu-ribi rahòkemy. Juhuu xiwena iny taòraru-ribi risuhòkeki, iratyre tyhy Kristu hãlubu iny risuhòke. Tai iny raykybina bina ritamyhÿre tule inywo aò aòkò rare, ritamyhÿre. Idi tahe iny Deuxu irumy ratximyhÿre dee wimyrkiwinyrenÿre. Tii òbitimyhÿre iny dee rurureki.

¹⁵ Kristu tahe bede ywidÿÿna tÿmyra wedu rare. Tai tahe ibutumy bede ywidÿÿna tÿmyra mahãdu namyhÿde ibutumy aòmybo rarybere ritakemy. Tii dori rurure iny òrarureny dire-ki ihetxiu bede ywina aòmydÿÿnana rÿimyhÿre, tii rubu-ò rexiwahinyre. Tai inyboho òraruna-ribi rexitarenÿre. ¹⁶ Inyò rurumyhÿre-wana tii iny dee ritinaò ririmyhÿre kia ritina rarybere: —Moòbo taaòna aòna riwahinyriryre. Iny rururemyhÿre xiery tahe, ritina awi rare. ¹⁷ Kia ritina aò aòkò rare iwidÿÿdu tyhy irumy ratxikeki, rubumy roimyhÿrele ritina aò rare. ¹⁸ Tai tahe juhoo bede ywidÿÿna ijò hãlubu txiwixina dire. ¹⁹ Moisesi Deuxu bede ywina wahidÿÿ rahudi, tii bede ywina tyre ritxiwire, iny ratytyre riubÿtÿnyre budoeni hãlubu-di broreni riòre hãlubu-di bewana riurinyriryre riubÿtÿnyre. Tule budòe siratykyò-di riubÿtÿnyre. ²⁰ Iu tahe tuu rarybere: —Kia bede ywidÿÿna tÿmyra hãlubu rare. Deuxu wadee rarybere kaiboho bityhynkemy. ²¹ Tule tykyheto-ki hãlubu riubÿtÿnyre deàlàna aòmydÿÿnana-ki ²² Bede ywina rybe ditÿnynyde ibutumy hãlubu-di risebenÿre, hãlubu txiwixina ihoòkeki òraruna rexihuòtyhy.

²³ Kabede aòmydÿÿnana biu aòmydÿÿnana wesele rare. Tai tahe Kristu tahãlubu-di kia ibutumy risuhore. Tai iratyre tyhymy ihÿre. ²⁴ Kristu heka templo hãbu widÿÿna-ò ralòòre. Kia tahe inatyhy heto aòkò rare. Biu-ò Kristu ralore Deuxuko-ki kia tahe isÿtyhy rare. ²⁵ Tii sohoji-hÿyle heka rare iny òrarureny riixãwidÿÿnkemy rubu-ò rexiwahinyre. Xiwena wedu wesele aòkò ralòòre. Kia xiwena wedu aòu aòu beòralemy hãlubu-di rara xiwemyhÿre. Kristu tahe sohoji hyyle rubu-ò rexiwahinyre. ²⁷ Iny rurumyhÿre sohoji-hÿylemy idi tahe Deuxu ywisidÿÿna hitxinatxu kanakre ibutu iny. Kristu rurure sohojile sòwemy iny òraru ixityre ri-

atykemy. Inyò tamy retehemy riraòmyhÿre wana, tamy ixityre kanakre òraru ixãwididÿÿnamy iny tarasanarenymy.

10 Juhu bede ywina rybe urihimyoòle iny ribedeerynyre Kristu aòmydÿÿnamy. Bede ywina itÿnytyhymy aòkò iny dee roire aòmybo Kristu inydeereny riwinykre. Ubòròròna wesemy inydeereny dobehede bede ywina. Tai tahe tiu iny riòbitinyòtyhy xiwena-di reamyhÿre beòra ihymy aòkò. ² Aòkòkeki beòra beòrau idi reaòtyhy. Aòkòkeki sohoji-hÿylemy xiwena riwinykre. Sohoji bede dÿÿnanadile iòrarureny rexihuke. Tahe aòkòre beòra ihymy aòkò xiwena-di reamyhÿre. ³ Tai tiemy òraru-di hÿy heka ròhòtinymyhÿre. ⁴ Broreni hãlubu, budoeni hãlubu òraruna rahuòtyhy. ⁵ Tai Kristu kabede-ò dehemynde, rarybere: —Deuxu, broreni hãlubu budòe hãlubu adee awimyhÿre aòkò ihÿre. Tai tahe waumy teywinyriryre ahãte axiwenamyriryre. ⁶ Kai heka awimyhÿre tai tahaòhÿyete iròdu hãlubu xiwena-ki òraru tuedenamyriryre. ⁷ Tahe jiarÿ rarybere: —Betehe inihe waumy rubu-ò rewahinyraò iwese ritidÿÿna rybe roimyhÿre wesemy, adeewina ibutumy arityhynkemy wahe. ⁸ Tai Kristu juhoo rarybere: —Deuxu, broreni hãlubu budòe hãlubu adee awimyhÿre aòkò ihÿre. Tai tahe waumy teywinyriryre ahãte axiwenamyriryre. Kai heka awimyhÿre tai tahaòhÿyete iròdu hãlubu xiwena-ki òraru tuedenamyriryre. Kia rarybere bedeywina rybe hãrele. ⁹ Tahe ixityre rarybere: —Deuxu kakile watxireri adeewimyriryre. Juhoo bitake xiwena ihewoludu ritidikemy, Kristu xiwena wahe. ¹⁰ Kristu rurure iny òraru-ki. Ixiwena sohojilemy rÿire tuhÿy ramyhÿre Deuxu deewina wahe. Kabede ywidÿÿna tahe itÿmyra ihÿre. Tai tahe iny riòbitidÿÿny hÿy rarekre. ¹¹ Xiwedÿÿdu txuò txuòlemy rixiwenanymyhÿre. Tii tahe tiu inyòraruna ritaòtyhy. ¹² Jesuisi tahe sohoji-hÿylemy òraru xiwena riwinyre. Iny òrarunareny riixãwididÿÿnkemy rahudi Deuxu rurunawe-ribi ronyre, riwowodynymyhÿreki. ¹³ Tahe Kristu riraòmy ronymyhÿre. Taòludu rururiryre ritakemy tawarawo-ò Deuxu ritidikemy. ¹⁴ Jesuisi dori sohoji xiwehÿy-di, iny riòbitidÿÿnyhÿymyhÿre. ¹⁵ Deuxu Tyytybytyhy tule kiamy rarybere. Kiawese ritidÿÿna roire: ¹⁶ —Kiawese bede ywidÿÿna tÿmyra rarekre. Wanyrÿ Deuxu ijòmy rarybere: —Wabede ywina irayky wydyna-ki ariritinykre, aritidikre wabedeywina iwo-ò wahe. ¹⁷ —Idi ixityre rarybere: Ruxetòena tamy riwahinykre iòrarutuedenamyriryre. Iòrarureny ibutumy wanohòti-ribi rosakre. ¹⁸ Òraru wanohòti-ribi rosareu, idi rehureu, tiu xiwena rÿiòtyhy tuu rahukemy. ¹⁹ Katahe, waseriòre, rekexiuwaresemyriryre rikirònyrenÿre Deuxusÿ-ò. Tamy rekexitòenyrenÿremy Jesuisi hãlubu dejuxuna òraru-ki sohojile rikirònyrenÿre. ²⁰ Jesuisi dori rytÿmyra riraynyre Deuxu-ò wesirahana yra-di ralòkemy. (Iwese xiwedÿÿdu wedu ralòomhÿre wese, inyboho wiji ralorenyke.) ²¹ Tule iny xiwe wahidÿÿdu nihikÿ ijòdirenÿre Deuxu heto-ki. ²² Tai rikitehemynrenÿre inyraykytyhy ywinakemy inatyhynatyhymy òbitinatyhymy nohòtimyriryre, rati betyhy ixãwina-di sebena-di inyumyriryre. ²³ Inaty-

hyna rikiyrubunyrenyke inyararòsònareny wahe. Aõbo Deuxu inydeereny riwahinykemy rikiraòrenyke. Tii dori inatyhy rare. ²⁴ Tule widi ròkòhòtynyrenyke wilu-urenymy rakatxirenykemy wiwiòhedýýmy rakatxirenyke. ²⁵ Uritere ixihitxidýýõmy tamy beahyy rakatximahãrenyke. Ijõ dori dohodýýna-ò noderamy reamyhýre kia awi aõkõ rare. Inyõ ryribi rex-idòrarienyomyhýkeki, tamy rakarybemyhýrenyke kòdòðsekemy icyby. Inynyrýtxu dori iòhòmy resera. Tai tahe sòwemy ròkòteòsidýýnymyhýke.

²⁶ Iribi inyboho inatyhyna ibutumy rieryrenymy rahu-di, tahe kia hàrele heka òraruna-di rariamyhýkeki, òraruna xiwena roiòmyhýre inydeereny iny òraruna tarasana wahe. ²⁷ Kia-ribi tule brebu rýimyhýre Deuxu ywisidýýnatxu lau. Deuxu heòty ratyradýýdu lau ru-beryomyhýre. Kia Deuxu òludu rahukemy rýimyhýre. ²⁸ Ruxetòena-di aõkõ inyõ rurure Moisesi bede ywina riywinyòreki. Itxeredu inatxi ada inataò-di aõbo raryberenykemy. Tai rirubunyre. ²⁹ Kia-di dori mohòtinyin-benyke. Inyõ Jesuisi rybe-di risinykeki, iratyremy ibinatyhymy rarekre tamy. Tii sòwetyhymy aõhòkýmy rotýýnykre ibutu ratyre. Inyõ Deuxu Tyytybytyhy ruxetòena aõ aõkõmy idi ròhòtynyre ibinamy tuu rarybemyhýre. Jesuisi hàlubu aõ aõkõmy idi ròhòtynyre ibinamy tuu rarybemyhýre. ³⁰ Deuxu kia rarybere: —Tx-iòhe iny òwydýýdu jiarý rare. Inymy jiarýle arex-iòwinykre.

Inyboho rieryomyhýrenyre kiamy rarybemyhýre. Tii kiawese rare. Tule ijõmy rarybere: —Inynyrýle taijoi-di ywisidýýna-di riywisidýýnykre. ³¹ Deuxu irumy rare. Tii brebuna-di tyhy rareke. Iu iny tamy ibinakeki, tii dori idi rehuke.

³² Juhuu Kristumy teerytenyete, awimy heka ahãtenyete. Kia-ribi òhòti losarenyõmy. Kristu òraru-ki aõhòkýmy tatýýnytenyete. Ihãrele tahe Kristu-wana hyy toitemahã. ³³ Inyõ umyreny robireu, tai akireny rutxueny, tule akireny òhòte itamadýýnyre. Ityhydýýdu seriòre mahãdu inyõ aõhòkýmy risýnyre, kaiboho tewotòenytenyete. ³⁴ Inyõ ròtenawo-ò ridykeki tai tewotòenymahãtenyete. Inyõ ahòrò-di rawasinyre, urile teysate. Ahòrò dori iratyre sòwemy rýimyhýre biubede-ki. Tai aõna aõna tiu rabinaòtyhy. Kia teerymahãtenyete. ³⁵ Uritere araròsòna-ribi awo xierysyõmy. Kai dori uriòno nihiký bitakre. ³⁶ Ywinihiký-di heka rokoireke Deuxudeewimy rikiwinyrenyke. Tai aõwihikýmybo Deuxu rarybere, rikitarenykre. ³⁷ Ritinamy tahe rýire: —Txioke inihe. Urihimyò biraðke. Kia kanakre inatyhymy. Tii raroorehenyòtyhy.

³⁸ Waityhydýýdu mahãdu òbiti iruhymy rýirake, riwatyhynyreki. Inyõ tahe ròðsekeki tamy wadeysaòtyhy.

³⁹ Inyboho heka tahewo-ò òkòsedu aõkõ roire. Ityhydýýdu dori roire, iruhymy nodu, biu-ò hena mahãdu wahe.

11 Aõbohe ityhyna rare. Aõna aõnaò iny inatyhymy riraòmyhýre, kia tahe ityhyna rare. Inatyhymy dori kanakre iny rieryomyhýre, iny tuu robiòlemy. ² Ihetxina mahãdu Deuxudeewimy tuu ihýre, rity-

hynymyhýreki. ³ Juhuu Deuxu aõna aõna bede bedemy riwinyre. Iny inatyhy hynale kia rierymahãrenyre. Deuxu lobixiòna-di ibutumy aõna aõna riwinyre. Idi tahe lobixinamy ròhònyre iny itxerenarenymy. Deuxu rarybere. Tai tahe aõna aõna ritxienyre. ⁴ Taityhydýýna òraru-ki Abeli Xiweò riwahinyre Deuxu-ò. Kaí xiwedýýna ratyre tamy riwahinyre. Abeli rityhynyrekile riwahinyre, tai tahe Deuxu reysare, òbitimy rareki. Tai ixiwedýýna Deuxu riwiyre. Abeli tahe rurure. Ihãrele, iwese tii ityhyna-di raremyhý wese rokoireke. ⁵ Enoi tatyhydýýna òraru-ki tiu ruruòhyre. Enoi Deuxudeewimy riwinyre tuu Deuxu juhuu rarybere. Aõwesele iõmy reare. Deuxu ridymy reare. ⁶ Inyõ ityhynaòkeki, tiu Deuxudeewimy aõ iwidýýõna. Inyõ Deuxudee iòhòmy ratxikeki, tii rityhynymyhýke inatyhymy Deuxu-wana ihýre. Deuxu dori tamy rexideòsinykemy ratxireri. ⁷ Noe tule ityhyna dire. Tii hàwò nihikýtyhy riwinyre. Aõhebo rotýýnykre robiòhyre. Ihãrele tahe Deuxu rybe rityhynyre. Tai tahe tasý mahãdu ritare rubu-ribi. Bedeludu mahãdu tahe rurure. Noe tahe Deuxu riòbitidýýnyre, ityhyna òraru-ki. ⁸ Abraò tule Deuxu rityhynyre. Deuxu ijõ bede-ò diteònydeu, Abraò irybe riywinyre, rare taijoi-wana. Deuxu tamy rarybere suò tamy rihitxinykemy isýmy. Tai Abraò rexitare, rare ihãwã bede ierykòna-ò. ⁹ Ityhyna-di rasýnyre kia bede-ki. Tyky heto-ki rahetonymyhýre iwese ijõ bedeludu witxira mahãdu rahetonymyhýre wese. Ibede rarehãrele tahe ihòròmy aõkõ ròhòtimyre idi tuu aõkõ rexinohòtynyre. Tariòre Ijai, Ijaò-wana rasýnyre. Tamy tule Deuxu rarybere iwese tyby-ò narybede wesemy. ¹⁰ Abraò tahe hàwãò riraòmyhýre. Deuxu widýýna hàwã biu ludu-ki. Kia hàwã Deuxu nohòti-ribi nyide. Kia hàwã dori tiu rabinamy rejuxunyòtyhy ihetotira kyhyna direki. ¹¹ Sara ityhyna dire. Tai ruru dire uladusemy ronykemy ibeòra sòwere hàrele. Tii tahe rityhynyre tuu raryberemy. ¹² Sara iòhòmy irubu roire rasenadunyreki. Ihãrele tahe sòwemy rariòreridòrenyre. Iwese taina rudera wese, ýnyra sòwewese.

¹³ Kia heka ibutumy rityhynymyhýre. Idi tahe ituerenyre aõ heka rimyòre Deuxu rybe lidisinaò. Ireheribile tuu robirenyre; reysarenyre. Tiiboho rarybemyhýrenyre kabede ludu mahãdu aõkõ raremy, isýreny mahãdu aõkõ raremy. ¹⁴ Tii heka rarunymyhýre sýwihikýmy tai raerymyhýre tuu rarybereki. ¹⁵ Tamy wikeki riòkeserenyra inihe tahe aõkòre, noderare. ¹⁶ Wiji tahe tii sýwihikýmy biu-ki rarunymyhýre. Tii dori ijõ ratyre rare. Deuxu isý wihiký riwinyre tai tahe inyõ iDeuxurenymy rarybekeki, tai Deuxu tiu raixýruòtyhy.

¹⁷ Deuxu Abraò urihixina-di reareu riwahinyre Ijai xiwenamy. Tariòre sohoji riywinymy rýire xiwenamy ruru-kemy. Tii Deuxu rybena-ki iriòre rarehãre. ¹⁸ Deuxu dori juhuu rarybere: —Ariòre Ijai ariokoretybimy rarekre. ¹⁹ Abraò rieryre Deuxu iruru dire rubu-ribi riixixadýýnyke, tii Deuxu rityhynyreki. Abraò dori ròhòtynyre rawasenanyre. Ijai juhuu rubu-ribi ixixa wesemy reare, raumynyre. ²⁰ Iribi tahe Ijai tyhyna-di rarybere Ijaò dee, Ijau dee aõbo kabede-ò kanakremy aõwihiký wahe. ²¹ Iribi tahe tule Ijaò rarybere Jjye

riòre dee, tariokoreboho-ò. Ityhyna-di rarybere. Ijaò iòhòmy rubu-ò ihÿre, òwòru-ò reximymy rariamyhÿre. Tahe òwòru-di rexilamadÿÿnymy rÿire rexitòenykemy Deuxu-ò, riwowydynyremy wahe. ²² Iribi tahe tule Jyje iòhòmy rubu-ò ihÿre. Tule ityhyna-di rarybere judeu ijoi Egito bede-ribi kòdòhònykemy. Tule tahe tarybe ririre titxibo itityby rÿikremy. ²³ Iribi tahe Moisesi reareu, tybyboho iseboho riwòrenyrene inataò ahàdumy tatyhynareny-di ihÿrenyrekì. Moisesi itohouã ruxerare. Iòlò rubudÿÿ bede ywina rybemy rarybere. Moisesi tyby-wana kia bede ywina rybe lau ruberuòhyre. ²⁴ Moisesi raumynyreu, Faraò riorerioresy noderare tii tatyhydÿÿna òraru-ki. ²⁵ Tii heka tamywire Deuxu erydu mahàdu-wana aòhòkÿmy rotÿÿnykre. Urihimyò òrarumy reòwarike derare heka rare. ²⁶ Moisesi, Egito bede-ki aòna aòna wiwihikÿ rÿiramymhÿ derare. Iny tamy aòmy rarybehinamyhÿre. Kristu dori riraòmyhÿre, biu-ki uriòno idi ròhòtinymy hÿre. ²⁷ Moisesi Egito bede-ribi ròhònyre, ityhyna direki wahe. Ruberuòhyymy hÿre heka tii iòlò deburehekÿ lau. Iwese Deuxumy lobixiònadu iko-txi robire wesemy, ròhònyre. Tii tahewo-ò ròseòhyre. ²⁸ Moisesi heka Deuxu rityhynyre. Tai tahe pascoa worana bedehesi riywinykemy beòra beòramy rarybere. Hãlubu ijò-ò ritxiwire. Tai ÿju heka iny riòre delareny rirubunyòre. Egito riòre delareny rurure tai. ²⁹ Iwese surubu tyre-di reurore wesele judeu mahàdu Ahobesò rawo-di reurore beòlemy. Iu Egito mahàdu reuròkemy rareu, urile bee idi raratòbòre. Kia riwinyreny ityhydÿÿnadireki. ³⁰ Ijeriò hãwã mana òti-ty nihikÿ resere judeu mahàdu rityhynyrekì. Debò inatxi reurò txuumy hãwã rora-ki rariare tahe resere. ³¹ Raabe heka hãwyy uriuri ixidinodu rare, wedena wahe. Tahe Deuxu tyhydÿÿdukòdu mahàdu rexihureu, Raabe ruruòre tatyhydÿÿna-ki. Bede-di itxeredu riwòreki.

³² Timybohe ijòmy ararybekre? Wasirare heka ibutumy tuu ararybekre, sòwerekì. Kideò ijo, Barake, Sansaò, Ijete, Davi, Samueli, tule Deuxu rybemy rybedu mahàdu sòwerekì. ³³ Kaheka ibutumy riwinyre tyhyna-di. Ijò iòlòhãwã-di rahÿÿnanyre. Òbitina riwinyreny. Ritarenyre aòmybo Deuxu rarybere. Leaòry dori rirarytxinyre. ³⁴ Rirònyre heòtywo-txi ihãrele ruruòreny. Mayrehe rubudÿÿna-ribi rexitarenyre. Bina-ribi ixyby rarurunyreny. Ijò aòbina-ki irurudityhymy ratximy hÿre. Tai sòwemy aòbinadu iribi rahenyre. ³⁵ Tasÿò rubu-ribi riixixanyre hãwyyò rityhynyrekì. Ijò mahàduò aòhòkÿmy dÿÿnana-ki tamy reare. Ixitarasamy ròhòtinymy hÿre aòhòkÿmy dÿÿnana-ribi. Tii dori umytuedeòna wihikÿ-di rubu-ribi rexitakredi ròhòtinymy hÿre. ³⁶ Ijò ityhydÿÿduò idi rybe jei jeina-ki ratximy hÿre. Tule tai òhòte rÿire reruti òhòte-di. Tule ijò womati reroti-di rataataare, ihymy idi rehure ròtenawo-ò. ³⁷ Ijò mana-di riwerekì. Ijò sehòtxi-di riwetyaòròre, wiere riatyre. Ijò mayrehe-di rirubunyre. Ijò ityhydÿÿduò-ò budoeniy-di watxinity-di idi rexitynyre, rama risarenyre, aòhòkÿmy risÿnymy inyò tòtxi ririòhyre. Ijò heka aòbinalemy tamy reare.

³⁸ Kia ityhydÿÿdu mahàduò ibutu iny ratyre Deuxu dee wire. Kabeludu ityhydÿÿdukòdu mahàdu wese aòkò tiiboho roire. Hãwãlòmy, bederahymy, hãloomy, kia ibutumy bede-di rariamy hÿre iwese iny isÿkòmy rÿire wese. ³⁹ Ibutumy iribi rakaraykynyrenyke tiiboho dori inatyhynarenydireki. Tahe urile Deuxu rybe wahisidÿÿna ritaòmy hÿreny. ⁴⁰ Deuxu dori iny-ò riraòmy hÿre Kristu dehemy nyna wahe. Ihewo-ribi tahe kia inydeereny riwahinykre, wiwanahyyle. Tai tahe idi awityhymy iny ibutumy ròhònykremy.

12 Sòwerekì iny direny itxeredu. Iny robireny lemy rÿirerimy ihÿre. Tai tahe tako-ò rekekoamy hÿrenykre. Deuxu dori inydeereny riwahinyre. Òraru iutxiere inkyreny rÿire. Tai tahe rikiatyrenyke òraru ibutumy inyboho dori rimymy hÿreny. ² Jesuisi-ò sohojile rekete hemynyke. Tii dori inatyhydÿÿna deledÿÿdu rare tule inatyhydÿÿna konanadÿÿdu rare. Jesuisi deysana kanakredile ròhòtinymy hÿreny. Tai tahe rahòtinymy hÿre. Tai tahe aòhòkÿmy rotÿÿnyre, itxèò nihikÿ-ki rurure. Tai tahe ixÿru tamy reàohy rurureu. Wiji tii ronymy hÿre Deuxu ryna ruruweribi-ki. ³ Jesuisi dee hãbu binahakÿ aòbinamy reare. Tahe rawobinarybenyòhyre. Tai tahe idi ròkòhòtinynyrenyke iwese rakatxi reny kemy. Uritere bede worenymy bede òtidÿÿreny òmy. ⁴ Boholabenyke, òraru ijesu òraru-ki inyò aribireny ruruòhyymy ihÿre. ⁵ Deuxu tariòre dee rybe wesele adeereny rarybemy hÿre. Kia-ribi aòbohe òhòtirenny rosara. Kia wese Deuxu rarybera: —Wariòre, araòbitidÿÿnyreu, uritere adebureòmy, alisina aòkò dori rare. Deòsana rybemy adee ararybekeki, uritere bedewoòmy. ⁶ Deuxu dori aluurekile araòbitidÿÿnykre. Deuxu tariòre wesemy inyò rimykeki, aòhòkÿmy risÿnymy hÿre iòbitidÿÿmy. ⁷ Tybydiò aòbohe uri tariòre-di uri aòbohe tyby idi rÿira tariòre riòbitinyòmy? Aòkòre. ⁸ Ibutumy iny òbitidÿÿmy Deuxu rurumy hÿre. Inyò òbitidÿÿnadiòkeki tii iriòre inatyhy wesemy aòkò rare. ⁹ Tule iny tybyreny inydeereny rethemymy hÿre inyboho riòbitidÿÿnymy hÿreny. Tai tahe iny riywinymy hÿreny. Deuxu tahe iny tybyreny rare. Iny tybyreny ratyre tahe tuu rikiwinyrenyke, tahe irumy rokoireke iurenana. ¹⁰ Iny tybyreny urihimyò bededÿÿnana-di riòbitidÿÿnyre iwese tamywimy ròhòtinynyre wese. Deuxu tahe iny riòbitidÿÿnyre rekexiywinyreny kemy. Iwese òbitimy tii raremy hÿre wese rokoirekemy. ¹¹ Inyò òbitidÿÿnany deramy reakeki, tii deysamy aòkò rareke. Òbitidÿÿna bedewona-di rare. Rexihuredi, tahe wiòhedÿÿnany reamymy hÿre modeebo reamymy hÿreò, irumy ywina-di rarehyke. ¹² Kai bedewokeki, aumy-di, arayky-di iruruòra, ihãrele tahe birurudÿÿnymy bimyke. Ati tule iruruòre ihãrele tahe, myike òbitimy. Betehemy, biywinyryòbiti-di mariake. Tai tahe ijò iny reyterenykre, raòwenyòtyhy.

¹⁴ Ainytyhymy inydee ibutumy ahãbenyke tule bexiòbitidÿÿnymy ahãbenyke. Iny òbitimy rÿiòkeki, tiu Deuxumy robiòtyhy. ¹⁵ Inyò tahewo-ò Deuxu ruxetòena-ribi ròseke lau kaiboho bexiebenyke. Tule amahãdurenny-ki alòbòrònahyre wesemy inyò ihÿke lau kaiboho bexiebenyke. Kiakeki, sòwemy iny rahyrenyke

òraruna uri wesemy. ¹⁶ Tule bexiebenyke inyõ òta òta òraru-txi reseke lau ada Deuxu tõhõti ribi rosake lau. Ijau tahe Deuxu-di rõhõtinyõre. Tyby rurukreu aõ tarasana-di tii rohonyre byrena sohoji õwylemy tahelýýna-ò rohonyre. ¹⁷ Iribi tahe õhõtireny losarenyõmy. Tii dori rõhõtinyre taaõwi-di ixyby imynomy reare. Tahe aõkõhyre rahinyrehãrele. Rabe-dewomy ronyre Ijau dori rýsýna derõwomy taaõwi ri-wahinyre taexi-ò. Inyboho tahe rekexiy-winymahãrenyke itxýte lau.

¹⁸ Deuxu tabede ywina rybe heka judeu mahãdu-ò ri-wahinyreu, tiiboho Sinai hãwãlõ heõtyko-txi rýire. Sõwemy heõty bedeluru yhynihiký tai reare. Tiiboho rubuerenyre. Kaiboho tiu breburenyõmy ahãbenyke iweseremy. ¹⁹ Txurõnaõ rurõnyre nihikýmy. Tule rybeõ rarybere. Iny ibinamy tai rõhõtinyre. Tai tahe ri-ixãwidinykemy Deuxu dee rarybere. ²⁰ Irõduõ hãwãlõ-di tawa ritidikeki, iny mana-di tamy rehuke irubudýýmy Deuxu rybemynamy. ²¹ Tai tahe iny tahe-wo-ò rexihejire brebumy. Moisesi tule, rexiõhãrunyre tuu robireu. Ramytatamy brebumy. ²² Kaiboho dori iwitxira hãwãlõ-ò tetehemynyta, Siaõ hãwãlõ-ò, Deuxu hãwã-ò. Kia biu-ki Jerusalẽ rare. Sõwetyhymy tai ýju mahãdu rýire bede hesina-ò. Ibutu butuna rare. Deuxu riõre sohojile butuna-ò tehemynyte, dohodýýna mahãdu wahe. Ibutumy ityriti-ki ini roimyhýre tamy rehemynyre. Deuxu-ò tehemynyte ibutumy erydumy ratximyhýreò. Inyhýkýna mahãdu õbitimy rýira mahãdu-ò tehemynyta. ²⁴ Tule Jesuisi-ò tehemynyte. Tii iny lobitýmyradýýdu rare. Ihãlubu-ò tehemynyte. Abeli hãlubu ratyre awimy ihýre. Jesuisi hãlubu dori inydee aõwiwihiký rare iny òrarureny òraru-ki dori ritxiwire iny riõbitidýýnykemy. ²⁵ Boholabenyke Deuxu rarybemyhýreu, boholabenyke. Kia Deuxu roholaõmyhýre mahãdu, rexihumyhýre kabede-ki. Tii biu-ribi narybedeò, rokoholaõrenykeki, tule inyboho rekexihurenyke. Inydeereny aõnityhykre. ²⁶ Iu rarybereu, bede ramytatatyhyre. Tahe tii rarybere: —Sohojimy ixityre bede biummy arimytatadýýnykre. ²⁷ Kiamy heka rarybereri. Aõbo relemy, urile ixãwikre aõbo ixãwidikõnalemy rýirakre. ²⁸ Tai tahe Deuxumy rikiãlãrenyke. Inyboho dori Iõlõnasýõ rokoirenykre kia rýihymy rarekre. Iwese Deuxudeewire wese rikiãlãrenyke ityhyna-di õhãruna-di. ²⁹ Deuxu ykarana dori heõty riworonymyhýre wese rare.

13 Ityhydýýdu seriõre wiluumy ahãbenyke. ² Aõtxile aroraluduõ bimyhymy ahãbenyke. Inyõ kawese risýnykeu, ýju dori riwiõhenanyre, rieryõhyre mobo rare. ³ Rõtenawo-ki rýire mahãdu-ribi nohõti losarenyõmy. Iwese kai tii-wana atximahã wesele, aõhõkýmy botýýnykre. Aõbinahakýlemy tamy reamyhyre mahãdu-ribi nohõtilosaõmy. Iwese inyõ adeereny aõbinahaký riwinymyhýre weselemy idi mohõtinybenyke. ⁴ Ibutumy bityhynybenyke ahãwymy herina, hãbu tahãwyy-wana sohojile roike. Deuxu dori aõhõkýmy risýnykre òta òtana nodu tule õbitimy raõdõnyõre mahãdu ixi-di ròtemy aõkõ boibeki. ⁵ Aõni-

hiký nieru tarasamy ixinohõtityýrenyõmy. Aõbo akireny rýiredile, beysabenyke. Deuxu dori rarybere: —Tiu kaiboho wanohõti aribi rosaõtyhy. Tiu heka araatyrenyõtyhy. ⁶ Tai tahe rikityhynomy rakaryberenyke: Inynyrý iny wiõhedýýdurenyre. Tai tahe tiu rukuberurenyõtyhy. Inyõ wadee aõbina riwinyõtyhy.

⁷ Aerydýýdureny-ribi nohõti losarenyõmy, tii adeereny Deuxu rybe rotohodýýmyhýreki. Aõbo iruna konana-ò riwinymyhýredi, mohõtinybenyke. Iwese inatyhyna-di rýimyhýre wese kaiboho inatyhyna-di atximahãbenyke. ⁸ Kanau, wiji, Jesuisi Kristu wiwesele ratxireri. Tiiemy iwesele rarehykre. ⁹ Deuxu ruxetõena ixinamy arayky rirurudýýnyke. Roxina bede ywina wiõhena aõkõ ratxireri. Kia heka moo tiu ri-wiõhenanyõhyre. ¹⁰ Inyboho xiwena witxiradirenyre. Iribi tyby hetowo xiwena widýýdu mahãdu riroxiõtyhy. ¹¹ Irõduõ didyde tykyhetoworanora-ki hãlubu ritxiwike-my. Xiwena widýýdu mahãdu wedu tuu ritxiwire òraruna tuedenamy. Uritere irõdu umy hãwã õtity webõ-ribi riwõsinyre. ¹² Tai tahe Jesuisi tule hãwãhãký ijõ webõ-ribi aõhõkýmy rotýýnyre, iu tahãlubu ritxiwire inydeereny tõemy, iny riõbitidýýnykemy.

¹³ Rokoirenyke tahe tamy hãwã webõ-ribi rikimyrenykemy iixýrunayreõ. ¹⁴ Inatyhymy inydeereny tiiemy hãwã kabede-ki ihoõre. Tahe inyboho riraõmyhýrenyre biu-ki ijõdikre. ¹⁵ Jesuisi òraru-ki tahe Deuxu rikiwowydnyrenyke. Kia iny xiwena wahidýýreny rare tamy. Tii iny rityhynyrenymyhýre, tai tuu rekealãrenyke. ¹⁶ Tiu rikiwinyrenyke aõwiwidýý. Tii Deuxudeewire. Tule wii rikiwiõhenanyrenyke. ¹⁷ Aerydýýna mahãdu biwinybenyke. Bityhynybenyke. Tiiboho dori aijesedureny ratximyhýrenyre. Tii idi Deuxu-ò rirawýõnymyhýre. Kaiboho bityhynybenykeki, tii teysamy raaõmysýdýýkre. Aõkõkeki bedewomy ratxikre. Tai arawiõhenanyõtyhy.

¹⁸ Wakireny bexitõenyhyymahãbenyke. Jiarýboho wodeysanale-di rahõtinyamahãre, õbitina widýýdu-di rahõtinyamahãreki. ¹⁹ Tule Deuxu-ò bexitõenyhyke jiarý ele elemy adeereny arõðserenykemy.

²⁰ Inynyrý Jesuisi Kristu heka Deuxu rubu-ribi riixiadýýnyre. Tii iny-di itxeredureny nihiký rare. Bu-doeni-di itxeredu weselemy inydireny retehemyhýre. Tii tahãlubu ritxiwire iny-wana bede ywina iixihudunakõna riwinykemy. ²¹ Deuxu adeereny ibutumy riwahinyke tamy wimy kaiboho biwinybenyke. Kia heka wadeewire. Jesuisi Kristu-ò wowydina ibutumy rarehykemy watximahãre. Kie.

²² Waseriõreboho, kia watyriti nihiýmy aõkõ rewinyre. Tai tahe ywinamy idi boholabenyke rybe wiõhedýýna rybe tahe rare. ²³ Iny seriõrereny Tximõtxi heka ròtena-ribi riteõnyrenyre. Ele elemy kanakeki, rakre wawana arorarenymy. ²⁴ Wawehityna rybe ibutu dohodýýna mahãdu-ò biwahinykre, aerydýýdu mahãdu-ò tule. Italia bede ludu mahãdu irybe wehityhyna adeereny diwahinyde.

²⁵ Deuxu ruxetõena akireny ratxikemy watximahãre.

Txiau

1 Jiarỹ Txiau rare. Deuxu Jesuisi Kristu Inynyrỹ-wana deòdu rare. Ròritidỹreri Deuxu mahãdu inatyhy-ò. Ubỹtỹmy iny rỹira mahãdu-ò. Warybe weityhyna adeereny rewahinyreri.

² Waityhydỹdu aõna aõnasira seriòre, araurihixi-nanykeki adeereny kanamyhỹkeki, beysamahãbenyke. ³ Kia-di tahe ityhydỹdu tyhymy beleke. ⁴ Aurihixina ixinamy rexiòlònyke atyhykemy. Ixinamy kanake araurihikemy. Tai tahe raòbitidỹnykre adee aõ rasiranyòtyhy.

⁵ Inyò bedeery ihoòkeki, rexitòenykre Deuxu dee, tii dori ibutu dee riwahinyhỹre. Inyò lau dori ritòenyòhymyhyre. ⁶ Urile tii iseòdỹdỹomy bexityhynymy tamy bexitòenykre. Riseònykeki yhy òbò-di tiò rehumyhyre wese rare. ⁷ Kia hãbu iòreki, awimy aòkò aõhebo rotỹnyhỹre ywiòreki, tii Deuxu-ribi aõ ritaòtyhy, irybe inatxire.

⁹ Iny aõ ijòkòmy rỹimyhỹre, teysamy rỹirake, aõ ijòdikreki Kristu dori rityhynre. Kia iaòdimy ityhymy rỹira, tule teysamy rỹike ityhydỹdumy. Rỹiraki aõ ijòokre hãre. ¹⁰ Ityhyna heka iny-ribi wylemy ituemyhỹre kie iwese noijese ramoròmyhỹre wese. Tahe ityhydỹdu mahãdu dee kia aõ aòkò rare. ¹¹ Txutòteetyhy ròhònymyhỹre dori alòbòròna rimoròdỹnyhỹre. Tahe noijese rejuxunymyhỹre. Tahe iruxerana riixãwidinymyhỹre. Kia wesele hãbu ityhymy rỹire rexihumyhyre. Aõhebo rotỹnyhỹre wetyatxile.

¹² Urihixina inyòdee kanakeu, tahe ijesu binaò wese-my ritakeki. Tai tahe tii reysakre. Tii tahe umytuedeõna heka Deuxu-ribi ritakre. Deuxu dori kia wahidỹnyamy rarybere taluunadu mahãdu dee. ¹³ Inyò aõbina bina ixirana-di rexirakeki. Tii rarybeòtyhyke Deuxu riixiranymyhỹremy. Inyò dori Deuxu tiu riurihiòtyhy. Tule Deuxu riixiranyòtyhy aõbina bina widỹ-di. Ixiradỹdu aòkò tii rare. ¹⁴ Kiawese iny ixiribile rexirake, aõ-di sòwemy ròhòtinykeki, tii arabònyre, araitxenanyre. ¹⁵ Kia urari-ribi tahe òraruna ròhònymyhỹre. Iribi tahe òraruwidỹna-ribi rubu rỹimyhỹre. ¹⁶ Ixitxenadỹdỹomy waluuna mahãdu, waseriòre mahãdu. ¹⁷ Wahidỹna ibutumy bedeerydỹnyatyhy Deuxu biu-ribi diwahinyde kia ibutumy loosònatyby-ribi naderi. Tiu heka rawitxiraòtyhy, tii aõu aõu iweselere. ¹⁸ Tii iny ixityre riwinymyhỹre ritỹmyranymyhỹre tatyhyna rybe-di. Tai ibutumy iwidỹna-ribi inyboho juhuurenre, awirenyre.

¹⁹ Idi mohòtinybenyke waluu waseriòre mahãdu. Ibutumy bexiwinymahãbenyke iny-ò boholamyhỹbenyke, tahe aõwimy aòkò marybeke lau, wymy adebureòmy. Hãbu debure-ribi Deuxu òbitina ra-

henyòtyhy. ²¹ Abinamy aõhebo tutỹnyhỹre ixi-ribi bitake idi biatyke. Tahe Deuxu rybe-ò boholake, kia dori iruruna dire atytyby kanatakemy. ²² Kaiboho bede ywina widỹdumy, bede ywina tyhydỹdumy boibeke. Aõ ijohonadu mahãdulemy aòkò boibeke. Kiawesekeki bexiitxenanyke. ²³ Inyò ijohonadule ronykeki, rybemynamy nodu aòkò rare. Tii hãbu itxerena-di itxerenadu wese rare. Itxerena-di ixidee retehereu, rexieryre iwese raremy. Tahe rexitareu, aõwesele ixi-ribi tòhòti rosare timybo tii rare wahe. ²⁵ Inyò tahe bede ywina òbiti-ò retehemyhỹreki, rityhynymyhỹreki tii tahe teysamy ratxikremy ibutumy aõhebo rotỹnykreki. Tii dori ijohonamy nohòti losadu aòkò rare. Bede ywina rybe widỹdu rare, ityhydỹna wahe. ²⁶ Inyò bede ywina rybe widỹduomy ròhòtinykeki, tahe tòròtò riyrubunyòhymyhỹkeki, tabedeywidỹna aõ aòkò rare. Tii tawokile rexiitxenanyhỹre. ²⁷ Iny Deuxu, Inytyby-ò kia bede ywina widỹna òbiti rare. Uladuwyte, wytese-wana riwiòhenanykemy. Tule aõbina bina aõmydỹnana widỹdumy.

2 Waseriòre mahãdu, kaiboho Inynyrỹ Jesuisi Kristu, tetyhynytenyete loosòna wedu tii rare. Tai iny wiribi lahitxiòmy, wiweseweselemy iny-di atximahãbenyke. ² Kie inyò tahe dohodỹnawo-ò kanalòkeki, womati debo tỹrỹrỹ-di tywihikỹ-di kanalòkeki, tahe tule iny aòkòdu mahãduò kanalòkeki. ³ Kai tywihikỹ dinodu-ò marybekeki: Kaò bodonyke ry-nawihikỹ-ò. Tahe marybekeki iaòkò-ò: Kiakile myike lamalemy ada bede-txi aõbo bonyke. ⁴ Kia wese wiribi hitxidỹ-ki tatỹnyhỹtenyete, araykyreny rabinamy kia wese tumahãre. ⁵ Boholake, waseriòreboho, kaiboho juhuu iny aòkò mahãdu wese toite. Iribi ityhy ityhydỹdukòdu mahãdu iaòrarumy roirekemy, kaiboho Deuxu weselemy tadeletenyete atyhyna òraru-ki. Aratamyhỹreny inatyhyna-di ityhydumy boibekeki, tule kaiboho kowa biu-ò hena bitabenykre. Deuxu dori rarybere: —Waluudu mahãdu tuu arisỹnykre. ⁶ Kiawese, kaiboho urimynodu derarenre aõhebo tatỹnyteri. Ityhy mahãdu tahe ararutỹkỹnymyhỹre tule aradyrenymyhỹre soldadu dohodỹna heto-ò. ⁷ Tiiboho tule Kristunimy aõbinamy rarybemhỹreny. Kaiboho ini-di texininimyhỹtenyete. ⁸ Kia bede ywina rybe-ki roire: iwese ixiluure wese, aerykòdu mahãdu luuke, wiery mahãdu wahe, abireludu wahe. Kia bede ywina biywinykeki, awimy botỹnyhỹm mabeke. ⁹ Tahe iny wiribi lahitxinykeki, taòrarunyteri, teywinyòteri. Bede ywina aòkò atximahãte. ¹⁰ Inyò tahe bede ywina rybe ibutumy riywinykeki, tahe sohoji aõmydỹna riywinyòreki, tai tahe bede ywina rybe ywidỹdu aòkò

ratxireri. ¹¹ Deuxu tarybe ririre. Kia rarybera: —Òta òta widyõmy. Tule rarybera: —Rubudyõmy. Tai òta òta biwinyõkeki tahe inyõ terubunyteki, kai bede ywina rybe yrubudyõdu aõkõ atxiteri. Òrarudumy tate.

¹² Iwese iny bede ywina rybe-di tỳmyra ahãbenyke. Deuxu dori bede ywina-di arararutxỳnyrenyke. Taita òbitimy botyõnybenyke, marybebenyke. ¹³ Inyõ riwotõenyõmyhỳkeki, tule tamy riwotõenyõleke tawiribihitxinatxu-u. Wotõedỳna wiribihitxina ratyre rare.

¹⁴ Waseriõre mahãdu, inyõ rarybekeki: —Jiarỳ watyhyna ijõdire. Tahe iaõmydỳna wihikỳ-di aõkõ rare. Kia tahe aõ aõkõhyke heka rare tamy. Ityhynale kahãbu ritakekõ aõbo. Tahe reruinyreri. ¹⁵ Inyseriõreõ tyy, rỳsỳna ihoõke-wana. Tahe inyõ tamy rarybekeki, ywina-di bõhõnyke, aheto-ki biroxikemy. Tahe aõ riwahinyõra tyy, rỳsỳna-wana. Aõbohe irybe rare. Aõkõhykyre irybe.

¹⁷ Kiawese taheka kia hãbu inatyhyna rare, iaõywidỳna ihoõkeki kia ityhyna ihoõke wese rare. ¹⁸ Inyõ rarybeke-wana: —Kai atyhyna dire. Jiarỳ waõwidỳna ijõdire. Biteõsinyke wadee atyhyna sohojile tamyreny wina-di aõkõ. Tahe jiarỳ tamyreny waywina-di adee ariteõsinyke kia òraru-ki bobike jiarỳ Kristumy retyhynrerimy. Watyhyna iny idiõre waõwidỳna ijõõre-wana. ¹⁹ Kai bityhynyke Deuxu sohojile raremy. Kia tahe awire urile diabo tytybybina tule Deuxu rityhynyre. Tai ilau ruberumyhyre. ²⁰ Inatyhyna iaõmy widyõnana ihoõkeki, aõ aõkõ wese rare. Kia tetyhynyõlemahãte aõbo, hãbu itxỳtere. ²¹ Inylabiereny Abraõ tariõre-di Ijai rixiwenykemy idi ratximyhỳ, kia-ki Deuxu riõbitinyre. ²² Tabimahãte aõbo. Abraõ tatyhyna iwidỳna-wana aõna aõna riwinyre. Ityhyna riwõhenanyre. ²³ Tahe iwese ritidỳnamy roire wesy tuu rotỳnyre aõmybo heka rarybera Abraõmy: —Boholake, Abraõ heka Deuxu rityhynyre. Tai Deuxu tii riõbitidỳnanyre. Tule, Deuxu tabiõwamy rininire.

²⁴ Betehebeny ini. Inyõ iõbitidỳmy ronyke-wana inatyhyna sohojidile aõkõ tii ihỳke, tahe iwidỳna-di tule wahe. ²⁵ Ijõre tahe: Raabe, aderanamy raremyhỳ. Iribi tii Deuxu rybedeõdu mahãdu riyrubunya rubu lau, tahe riteõnyre rywasi witxira-di. Kia widỳna Deuxu Raabe riõbitidỳnyre. ²⁶ Iwese umy tytyby-di aõkõ rubumy rỳimyhỳre wese, tule inatyhyna sohojile aõ aõkõ rare tamywina-di aõkõreki heka rubu wese rare.

3 Uritere, waseriõreboho, bedeerydỳdu mahãdumy aõkõ ixi-di norenykõmyke. Ibede õnana hitxina txuu dorihe aõnihikỳkre bede erydỳdu mahãdu dee. ² Inyboho ibutumy sõwemy òraruna-txi aõu aõu resemyhỳreny. Inyõ tarybe-ki raõrarunõkeki, tii iny òbiti rare. ³ Iwese awaru iny riraõmyhỳre wese taumy ibutumy riraõmyhỳre. Awaruru-ki jurarõsõna rirutymyhỳre, tii irarõsõna-di rare. Tai tahe awaru iny riywinymyhỳre iumy ibutumy iny riraõmyhỳre. ⁴ Betehebenyke iny heõty lawò nihikỳ-ò irarõsõna iyjatyhyre tahe irarõsõdỳdu idile riraõmyhỳre titxibo inonana-ò yhy nihikỳ iwetxi kedeakreki, ihãrele irarõsõna riraõmyhỳre. ⁵ Iwesele iny dõrõtò rare. Iyatyhyre ihãrele aõnihikỳmy rarybemyhỳre. Betehebenyke iny heõty helỳyresi iyjare, ihãrele òtiranihikỳ ritoonymyhỳre.

Dõrõtò tahe heõty wese rare. Sõwemy heka òraru riwinymyhỳre. Dõrõtò bede aõmydỳnanabina dinodu wese rare, inyumy susudỳdu dõrõtò rare. Sõna bede tõttee-ribi diabo mahãdu-ribi heka nade. ⁷ Ibutumy irõdu brebuna, nawii witxira witxira, irõdu beraludu, utura, riinytyhydỳnymyhỳre. Iny mahãdu iratyre irurudỳna dire. ⁸ Inydõrõtò inyõ tahe riinytyhydỳnyõtyhy. Ibinatyhy rare. Rubudỳna uri-di ratxireri. ⁹ Inydõrõtò-di Deuxu inytybimy iny realãmehỳre tule idi inymy raujõmomyhỳre. Deuxu ixiwesemy iny riwinyre, ihãrele iny wimy raujõmomyhỳre. ¹⁰ Inyõ tary-di Deuxu rirowõwydynmahãre tule idi ujõmomy reamyhỳre. Waseriõreboho, kiamy aõkõ idi boibeke. ¹¹ Bejjirana-ribi ibree ihỳre-wana wiule heka rõhõnyõtyhy. ¹² Òwõru inatxi wiribi lahixire. Ijõ aõbo wiraty-di raratyne aõkõre? (Figueira azetonamy raratynyõtyhy) Videira figomy raratynyõtyhy. Juwyrabe hãloo-ribi bebreke rõhõnyõtyhy.

¹³ Inyõ bederykeki ibedeerynadikeki, tii ywimy ratximyhỳke. Ibutumy òbitimy ratxirerimy aõ riwinymyhỳre rexityhynymy ixidi rõhõtinyõtyhy tyhymy rabekemy. ¹⁴ Kaiboho awo-ki ixiburena ijõdikeki, inwitxira hãrosu ijõdikeki tai tii deysamy atxiõke tai tuu marybeõke. Kai ruiwidỳõmy. ¹⁵ Kia bedeeryna biu-ribi aõkõ nade, bederibile, iny hãrosu diaboribile nade.

¹⁶ Inwitxira hãrosu ijõdike-wana, tai jei jeina rare. Ibutumy aõbina bina. ¹⁷ Bedeerydỳna biu ludu juhule òbiti rare, idi ywina rare, rutaõna rare, wityhyna rare, ruxetõena rare. Awihyymy nodu widỳna rare. ¹⁸ Òbitina aõu aõu kanakre ywinawidỳdu-ò. Iwese aloborodu rehymyhỳre wese, tiiboho ywinamy rekoamyhỳreny.

4 Aõherekibo ayreny-ki jei jei rỳimyhỳre. Awo-ribi namyhỳde araykywydyna ribi. ² Kai sõwemy aõdikemy tahõtinmahãte aõhebo aõkõ tetate. Tahe terubunymahãte. Inywxira aõmydỳna-di òbire, tahe aõkõre. Tai aõbina tetelenymyhỳte ijei jei-di. Aõ ijõõre textõenyõma hãteki. ³ Textõenyteki, tetaõmahãtenyete. Teõsamy dori textõenymahãtenyete. Ixidee sohoji dehunalemy tahõtinamahãtenyete aumydeewimy behukelemy. ⁴ Bede aõmydỳnana luudu mahãdu heka Deuxu òludumy ihỳre. Kia aõbo teeryõtenyete, òbitiõna, mahãdu. Inyõ bede aõmydỳnana bina biõwamy ratxikeki, Deuxu òludumy rare.

⁵ Aõ aõkõ aõbohe rybe riti kawese roire: Aõhe rare. Deuxu taTytybytyhy inywo-ki heka Deuxu risỳdỳnymyhỳre. Tai tahe iny-di riijetyhymy ratximyhỳre. Aõbo heka kia rare? ⁶ Tii tahe iny rirurutedyõnymyhỳre. Kawesemy ritina rarybere: —Ixiwedu mahãdu heka Deuxu ixi-ribi riredyõnymyhỳre. Tahe ruxetõena sõwemy ixiwedekõ mahãdu-ò riwahinymyhỳre. ⁷ Deuxudeewi biwinymahãke. Diabo ixi-ribi birehedyõnykeki, tahe tii aribi rahenyke.

⁸ Deuxu-ò bexiõhòdỳnykeki. Deuxu adee rex-iõhòdỳnykre. Òrarudu mahãdu, ebõmy bexilyraranyke aõraru-ribi bexitake, rybe inatxi mahãdu, araykyworeny biõbitinybenyke. ⁹ Mabedewoke, bobuke, mahinyke aõraruna òraru-ki. Ajuedena-ribi arube rytynykre, eysa-ribi mabedewomy atxikemy. ¹⁰ Ayrubumy In-

ynyrŷko-txi boibekeki, tii aratamadŷŷnykre; tii ixideewimy riwinykemy.

¹¹ Waseriòreboho, uritere aõmy wimy ryberenyõmy. Inyõ taityhydŷŷduseriòremy tuu ibinamy rarybekeki, iaõna aõna riaõkõkeki tii bede ywina ibinamy rarybereri. Bede ywina rybe riaõkõdŷŷnyreri. Inyõ bede ywina rybe riaõkõnykeki, tii bede ywina ywidŷŷdu aõkõ rare. Tii bede ywina rybe hitxidŷŷdu rare. ¹² Deuxu sohojile dori bede ywina hitxidŷŷdure. Bede ywina dohodŷŷna dinodu tii rare. Tii itarasadŷŷdu rare ihãre irubudŷŷdule rare. Mobohe kai atxiteri; abireludu hitxidŷŷmy aõbo texinohõtidŷŷnyteri? Aõkõre.

¹³ Boholabenyke, tuu tarybetenyteri: wijile aõbo ada biurasõmy aõbo rokoirenykre hãwãõ-ò. Tai bededŷŷnana sohojimy rikierenykre. Tai nieru tarasamy rakaõmysdŷŷnyrenykre. ¹⁴ Txiohe rare. Kaiboho dori teeryõlemahãtenynte aõhebo bede rotŷŷnykre. Timybo mabekre? Iwese biuwetyy yja aõwesele rexihymyhyre wese heka timybo mabekre? Kiawesemy aõkõ marybeke. ¹⁵ Kamy heka marybeke: —Inynyrŷdeewikeki iny rummy rokoireke, tai tahe kia ada kowa aõbo rikiwinyrenyke. ¹⁶ Iwese wiji ratximyhyre wese. Biurasou aõnihikŷ widŷŷmy marybekeki, kia tahe awi aõkõ rare. ¹⁷ Inyõ aõwiwidŷŷ rieryekeki, tahe riwinyõmyhy-wana kia rexiòrarunanymyhyre.

5 Boholabenyke warybe-ò ityhy mahãdu. Mahinybenyke, bobubenyke aõhõkŷmy botŷŷnybenykreki. ² Aõmydŷŷnana wiwihikŷ rabinamy rŷire. Atyywytyhy isibrey tysini riròre. ³ Aorotŷŷrŷreny awomatiurarenyraruxinyra tabededŷŷnana riõnonyrerimy. Anieru susudŷŷna awobiredŷŷnany kiditynynykre. Iwese dee heòty risõmyhyre wese, kia sudŷŷ anasõmyhykre. Aõna aõna sõwemy ixidee tebutunymahãte kia atxukonana-ò. ⁴ Abaderòwysydŷŷdu òwydŷŷdu aõkõ dori kai tate. Kai ixidee tebutunymahãte iribireny tawasinymahãte. Tiiboho rahinyryrirajuamyhyreny tahe kia wysydŷŷdu mahãdu hina-ò Deuxu roholare. Tii ruru mahãdu wedu rare. ⁵ Kaiboho abeòrareny teõnonytenyteri isikile. Ixideehyyle texideysadŷŷnymyhŷte. Ibutumy aõbo adeereny wiwi ixidee temytenynte, iwese rubutxudŷŷnatxu broreni riòwenymyhyre wese. Kai ahãte. Deuxu akanarubunykre. ⁶ Òbiti mahãdu teteònymahãte terubunymahãte. Tii tiu adee rex-iòwinyõtyhy.

⁷ Ixieleedŷŷõmy tahe waseriòreboho. Inynyrŷkanakreu. Betehe inihe. Òworudu heka taaõwi riraõmyhyre biu bedeu. ⁸ Kia wese kaiboho tule eleelemy aõkõ biraõmyhyke aworeny-ki beximymyhybenyke, Inynyrŷ nonana dori iòhòrehe. ⁹ Waseriòreboho uritere wimy ibinamy ryberenyõmy Deuxu dori arahitxinyreny. Ihitxidŷŷdu nonana tahe iòhòre iòkiwesele riijemy rŷimyhyre. ¹⁰ Waseriòreboho ihetxiu Deuxu rybemy rybedu mahãdu iyrubumy rŷiramyhy. Iwese tiiboho rŷiramyhywese boibeke aõhõkŷmy dŷŷnana-ki rare. Kia aõhõ kŷmydŷŷnana-ki òbitimy rotŷŷnymyhyre. Iwese Jòò iyrubumy raremyhyre taholamahãtenynte. Tule iwese ionanau Deuxu ri-wiòhenanyre wesemy teerytenynte. Inynyrŷ dori ruxetòenatyhy-di rare làhãnatyhy-di.

¹² Ibutu ratyre waseriòreboho inatyhymy sohojilemy marybeke ijõ rybemy rybeõmyke Deuxu arybe ritxiõnyõtyhy. Aõna aõnamydŷŷnanaribike aõkõ iximyyhylye marybeke. Kohemy marybeke kohelemy marybeke. Aõkõmy marybeke, aõkõlemy marybeke. Kawese-ki inyõ aratxiõnyõkre.

¹³ Inyõ aõbo ayreny-ki aõhõkŷmy rotŷŷnyreri. Tahe tai bexitòenykre. Inyõ aõbo ayreny-ki teysamy ratxireri. Àlanawi-di tii wana mawiuynykre. ¹⁴ Inyõ aõbo ayreny-ki webinadumy roireri wana. Tahe dohodŷŷna rybedu mahãdu-ò tamy bididybedenyke tamy rex-itòenyrenykre. Adŷŷ ityre ritxiwikemy Inynyrŷni òraru-ki. ¹⁵ Ixitòedŷŷna tyhynale webinadu riteytenykre. Inynyrŷle ritamahŷŷnykre. Tii òraru-ò raòrarunymyhyke-wana Deuxu iòraru riixãwidinyke. ¹⁶ Iny wiò wiòmy aõna aõnarenymy belyybenyke. Wiò wiòmy wii biixitòedŷŷnybenyke, ibutu-ribi beytebenykre. Inyòbiti ixitòedŷŷna irurudire, aõna aõna sõwemy riwinymyhyke. ¹⁷ Eliasi heka inywesereny rare. Tii rexitòenyhyymyhyre biu ròãtyhykremy bede-ò. Tahe inataõ beòra-di biu ròãhyhyre. ¹⁸ Tahe ixityre rexitòenyre. Tai biu ròare. Tahe oworu-ki ixityre aõwi ruhunyre.

¹⁹ Waseriòreboho, inyõ ay-ki inatyhyna-ribi ròhònykeki. Inywitxira tuu rarybekeki, teòsary-ribi ridykeki, tahe itytyby ritara, rubu konana ixãwina lau sõwemy araru-di riixãwidinyre. Kie.

1 PEDRO

1 Jiarĩ, Pedro warybe ritina rewahinyreri ubýtĩ deòdỹĩna jiarĩ rare. Ibutumy judeu mahãdu-ò re-wahinyreri Ponto-ò, Alaxia-ò, Apadosia-ò, Asia-ò, Bitinia-ò. ² Kaiboho heka iitxe itxemy toite Deuxu Inytybyreny-ò, Deuxu Tyytybytyhy araòbitinyrenyra, Jesuisi Kristu bityhynybenykemy tule tahãlubu-di arasebenyrenykemy. Wiòhedỹĩna sòwemy ywina-wana adeereny kanakemy watxireri.

³ Ibutumy àlana Deuxu Inynyrĩ tyby-ò riki-wahinyrenyke. Tii dori sòwemy ruxetòena inydeereny diwahinyde. Tai inyboho ixityre reamyhỹreny re ratybi-enyrenykemy Deuxu sỹ mahãdu wo-ki. Inyboho wijile iraròsònareny dire, Kristu rubu-ribo rexixareki. ⁴ Tii wiòhedỹĩna wiihikỹ inydeereny ririre. Biu bedekile riyrubunymy roire. Tiu rasunyòtyhy, retybyòtyhy, iruxerakỹlemy lyrahakỹlemy roire. ⁵ Deuxu tarurusòwe-di arayrubunyrenykre kia wiòhedỹĩna bitabenykemy tetyhynyteki. Tarasana heka kia rare. Ikonanatxu Deuxu bedexiteòsinykre. ⁶ Tai tahe beysabenyke. Bededỹĩnana tòbò reakreu, mabedewobenykre òsana aòmydỹĩnana sira òraru-ki. ⁷ Tii tahe kawese-ki atyhydỹĩnareny ityhymy ròhònykre. Atyhdỹĩnareny womati tỹrỹrỹhỹkỹ òwy ratyre iòwy dire. Tiu rabinaòtyhy. Heòtyru-ribo womati tỹrỹrỹhỹkỹ ròhònyre wese atyhynareny kòdòhònykre àlana, wowydyna, luuna Jesuisi Kristu-ò, tii kedehemynykre. ⁸ Kaiboho tuu tabitenyòte ihãrele tuure. Tetyhynytenyteri, tai tahe tỹxihikỹlemy deysatyhy-di ahãtenyete. ⁹ Tai atarasadỹĩna-di teteheteri, tetyhynytenyteki. ¹⁰ Juhuu Deuxu rybedu mahãdu ritỹraxyra kia tarasanamy. Tule wiòhenadỹĩmy rarybere adeereny kanakemy. ¹¹ Idi tahe dierydenyde ibededỹĩnanau kanaòkre urile ihe-wo-ribo kanakemy. Katahe adeereny reare Deuxu Tyytybytyhy nade òraru-ki. Ýju mahãdu dori tamywimy tuu rieryrenykemy ihỹrenyre. Jesuisi Kristu aòhòkỹmy dỹĩnanamy tule toosònadỹĩnamy rarybemyhỹrenyreu, tiubedemybo kia kanakemy riijemyhỹrenyre.

¹³ Araky-ki birarutxynybenyke wereysana rara rotỹnynyhỹre wese. Òbitimy marakyynybenyke wiòhedỹĩna-di bidimybedenykre-ki Kristu kedehemynykre. ¹⁴ Wijile kaiboho ywimy nodu riòre wesemy boibeke. Iwese juhu aykaraòtamy tatỹnyny tatemahã wese noòmy, abedeerykòmy tatemahãu. ¹⁵ Iweseòmy. Uritere adee rybedu òbitimy raremyhỹwesemy kaiboho ibutumy tuu botỹnybenyke kia-ki òbitimy boibeke. ¹⁶ Raritinymy dori rỹire: —Òbitityhymy boibeke, jiarĩ dori òbitityhymy raremahã. ¹⁷ Deuxu iny wiribi rihitxi-hitxinyre aòbina bina widỹĩ òraru-ki. Deuxu wiwese wesele iny luure tuu rarawetyynyòhymyhyre. Iwese

bodee textòdenymahãte wese tamy bedeerykò rira wese boibeke. ¹⁸ Kia teerymahãtenyete tuu ararybekre. Ixinamy rexihumyhyredi aòkò iwese womati tỹrỹrỹhỹkỹ iurahakỹ-di aòkò atarasanareny riòwinyre. Tahe Kristu hãlubu-di aòhebo ibina botỹnybenyke-ribo textitatenyete aòwidỹĩnabo booreny-ribo teerytenyete. Kristu tahe budoeni òbiti lyrahakỹ wesemy rare. ²⁰ Tii juhu bededỹĩnanau taumy rubu-ò riwahinykremy rexieryhymy raremyhỹ, wijile kaò nade rurukremy alu-unareny òraru-ki. ²¹ Tule Deuxu tetyhynymahãtenyete Kristu òraru-ki, Deuxu rubu-ribo riixixadỹĩnyre tahe tamy loosòna riwahinyre, tai araròsònareny aityhydỹĩna Deuxu-ki roimyhỹre.

²² Kaiboho atytyby tesurònananytenyete inatyhyna dori teywinytenyete. Tai tahe wiluuluutyhymy rakatxirenyke. Wiluumy wesenedỹĩrenyòmy atximahãtenyete. ²³ Wiji umydỹĩna juhu wese aòkò iny bòtòdỹĩna raumydỹĩre wiji tahe Deuxu Rybe aumydỹĩnamy ihỹre. Kia tahe ituerenyòtyhy. Umytuedeòna diwahinyde. ²⁴ Iwese ryberiti rarybere wese:

—Ibutu iny asi wese rare. Inyloosòna asi noijsa wese rare. Asi ramoenymyhyreu tòijsa rejuxunymyhyre.

²⁵ Deuxu Rybe tahe aòu aòuhyy rỹira. Rexihuòtyhy rỹira. Kia rybemy tahe adeereny rarybemyhỹre, Rybewihikỹ wahe.

2 Ibutumy idi behuke ixi-ribo, aòbinatyhyna-di, rui-di, inywitxira aòmydỹĩna xibure-di aò ikòkòmy ujòmo-di ibutumy. ² Tahe iwese tohouã howỹsy luure wese rybe-ò bexiborenanyke. Atytyby howỹsyna wese rare. Idi maumynykemy tarasana inatyhy-ò. ³ Wanyrỹ dori wihikỹ rare. Kia teerytenyete. ⁴ Tamy bodoibedenyke. Tii dori manairuhykỹ wese rare. Heto tira widỹĩdu kia mana-di rehura. Tahe Deuxu dee kia ixitarasanamy rare. Awimy heka tai rahare. ⁵ Kaiboho tule mana iruhukỹ wesemy tòimahãte heto òbiti wesemy aijòreny-di kanajedỹĩnydenykemy. Xiwena wedu mahãdu òbitimy boibeke, Deuxu dee wina xiwedỹĩna òbiti biwinybenykemy Jesuisi Kristu wowydynamy.

⁶ Kawese dori Ryberitina-ki rỹire: —Betehebeny inihe Siaò bede-ki iny mana heto tiramy iwidyỹ wesemy ritidire. Tii aòwihikỹtyhy wadee rare. Kia iny rityhynymyhykeki, tiu raixỹruòtyhy bede òtiidỹĩ ribedewonyòtyhy. ⁷ Kaiboho ityhydỹĩdu mahãdu, adeereny tii aòwihikỹ rare. Ityhydỹĩdukòdu mahãdu dee tahe kawese tii rare: —Hetotirawidỹĩdu kia mana-di rehura. Kia mana tahe wiji juhuludu mana ritidimy roire. ⁸ Tule ijò kiamy rare: —Mana idireny kedesedenykre. Kia mana awi aòkò tamyreny rare. Reserenykre rybe ritxiònymyhyrenyeki Deuxu heka rierymyhỹre reserenykre. ⁹ Kai-

boho tahe iny iitxese itxesemy aratarenyre, xiwena wedu mahādu òbiti boibebebenykremy, inyijoi òbiti boibeke, Deuxu hōrō mahādule, iruxeranamy mary-bebenykemy adee dori bededorohokỹ-ribi anadydenyde taloosōna wiwihikỹ-ò. ¹⁰ Kaiboho juhūu inyijoi aōkō toitemahā tahe wiji Deuxu taijoimy aratara. Juhūu ruxetōena tuu inyō riwahinyōhyre adeereny, wiji tahe tii riwahinyra adeereny.

¹¹ Waluuna mahādu adeereny ararybekre. Kaiboho iwixira bedeludu mahādu wese atximahātenyeki. Uritere òtaòtarenymy atyutyby òludu dori kia rare. Atyutyby aōbina dỹynana adeereny diwahinyde.

¹² Ahotiludu mahāduy-ki òbitimy boibeke. Tai omy ibinamy rarybekeki, tiiboho aumyuedeōnamy robimyhỹkemy tahe Deuxumy kiditoosòdỹynadenykre Deuxu hitxidỹyna txuu.

¹³ Bede dinodu bede ywina rybe biywinyamahābenyke Wanyrỹ òraru-ki Iòlòrybe, aōbo kai deòdu rybewydydu aōbo ibutumy birarenybenyke. Iòlò deòdu mynyduhykỹ doidenyde aōbinahakỹ widỹydu aōhōkỹmy risỹnyny rimymy risỹdỹnykremy ritamadỹnykremy tule aōwihikỹ widỹydu ritealādỹnykremy. ¹⁵ Aōwi wihikỹ widỹyna-di kaiboho hābu bina biwrydỹnybenyke. Kia Deuxudeewi rare. ¹⁶ Kaiboho hābu ixihyyludumy ahātenyete urile aōbina bina widỹyōmy boibeke. Deuxu deòduweselemy boibeke. ¹⁷ Iny ibutumy iòsana biwinyke. Ityhydỹydu seriòre luumy boibeke. Deuxu biwowydnybenyke. Iòlò bede dinodu biwowydnybenyke.

¹⁸ Deòdu mahādu, awedu bityhynybenyke awedu wihikỹle-ò sohojile aōkō ibina bina-wana dori bityhynybenyke uritere bedeòtiidỹymy rỹiōmy. ¹⁹ Aōbina riwinyōhyymyhỹre deòdu tawedu-ò. Tahe wedu teòdu-ò aōhōkỹmy risỹnyre. Deòdu riòludunymyhỹre aōmy rarybeōhyymyhỹre, Deuxu rityhynymyhỹreki. Kia wese tahe Deuxudeewina rare. ²⁰ Iny raòrarunymyhỹkeki, tai tahe òhòtenamy inyboho ratximyhỹrenykeki, aōloosòna widỹyna bohe kia rare. Inyboho riòludunymyhỹreki. Aōwihikỹ widỹyna-di inyboho ywina-di òhòtenamy riòludunymyhỹrenykeki, kia Deuxudeewina rare. ²¹ Kaiboho biòludunymyhỹbenykemy tai iitxemy aratarenyra. Kristu tule dori òrarureny-ki aōhōkỹmy rotỹnyre. Iwese timybo tii riwinyre wese kaiboho biwinybenyke. ²² Kristu dori tiu raòrarunyōtyhy, tule aōbinahakỹmy rarybeōtyhy, raruiōtyhy. ²³ Tamy adebure iràmry ryryreu wobinamy aōkō dirawyònyde. Rihetenyre, aōma aōkō dirawyònyde. Urile tii rexihahinyre Deuxu dee. Deuxu dori òbitina-di rihitxidỹnyre. ²⁴ Inyòrarureny dori riwryre itxèò nihikỹ tyre-ki. Tai tahe òraruna dee rakarurunyrenykre, tahe òbiti widỹyna-ò rakatximyhỹrenykre. Kristu wotòmomy iny riteytenymyhỹre. ²⁵ Iwese budoeni reòsamyhỹre wese kaiboho toite. Wijile tahe kaiboho tòòsemy atxitenyete aitxeredu-ò atyutyby wiòhedỹydu-ò.

3 Hāwyyreny, ahābureny rybe bityhynybenyke. Tai inyō ihābu ityhydỹydu aōkōkeki, tii kidityhynykre tahāwyyhe-ki, aōrybebo aōkō roholareki ihe-ki robireki. ³ Hāwyy ruxerana heka ixidee itidisirenyōmy atx-

imahābenyke aō taumy-ki ritidimyhỹre aōkō hāwyy ruxerana rare. Aō iwo-ribi teysare, Deuxu Tyytybytyhy widỹyna inytyhyna tii tahe hāwyy ruxerana rare. Rade sihodỹtyhy ibutu ratyre aōkō rare. Womati tỹrỹrỹ noho tule aōkōre, tyy wiwihikỹ-di rariamyhỹre tule aōkōre. Kia tahe Deuxu dee aōwihikỹtyhy aōkō rare. ⁵ Tule ihetxiu hāwyy òbiti tuu rotỹnyre, tahābu riwinyre, Deuxu rityhynyre. ⁶ Sara, Abraō riòrese, tahābu riwinyre. Itxi òhòtirenny beake tawedumy tamy rarybere. Kiaboho hāwyyreny iriòre riòre atximahātenyete. Tai aōwihikỹ widỹynamy botỹnybenyke. Bededỹynana jei jei lau brebuōmy.

⁷ Hābu mahādu, kaiboho tule asỹreny-ki abedeeryna biwrybenyke. Ahāwyyreny biwinybenyke hōraōmy idi ahābenyke, tiiboho dori itxōmotxirenny iruruòreny. Iòsỹny bityhynybenyke. Wiwana Deuxu ruxetōena tarasadỹydu atximahātenyete. Tai aixitòedỹynamy òbitimy bexitòenybenyke.

⁸ Tahe kaiboho ibutumy widi mohòtinybenyke wiwesele. Ityhydỹydu seriòre dee tòena luuna-wana biwahinyke. Ruxetōena-di boibeke iny-ò ixityhydỹy aōkō. ⁹ Inyō aōbinamy adee rakeki, ixidòwydỹyōmy. Inyō rybe-ki aōbinamy adee rakeki, irawyòdỹyōmy. Wityhymy tamy marybeke. Kia-ò tahe Deuxu aōwihikỹ adee riwahinykre, tai ijòtxu Deuxu wityhynamy adee riwahinykre. ¹⁰ Tai inyō tabededỹynanaluumy ratxike-wana, tatxuu teysamy ratxikeki, tahe dòròtò rexitaake rybe bina lau iry riwryke wobina rybe lau.

¹¹ Aōbina bina-ribi bihenybenyke aōwihikỹlemy botỹnymahābenyke. Ywina biijemahābenyke ywina-di ahābenyke. ¹² Deuxurue tahe òbiti mahādu-di retehemyhỹre. Tanohòti tahe ixitòena-ò riijohonanymy ronymyhỹre. Aōbina widỹynadu-ò tamyreny raryanymy idi retehemyhỹre.

¹³ Kai aōwihikỹ widỹylyemy tiu matxibekeki aōhe iny adee rotỹnyōtyhy. ¹⁴ Kai òbitiwidỹy òraru-ki aōhebo bòtỹnykeki, deysamy atximahāke. Breburenyōmy iwese ilaurenny ixidòhārudỹyrenyōmy. ¹⁵ Urile Kristu awedurenywesemy bisỹnybenyke aworeny-ribi. Inyō adeereny aratỹyaxinyke-wana aōherekibo Kristu tetyhynymyhỹtemy, kai bexiywinyhy tamy ixidee rybena bydỹyna biwinyhyymy idi ahāke. Arawyòdỹyna ywina-di tamy marybeke iòsỹny bityhynymy arayky òbiti-di marybemahāke. ¹⁶ Tai tahe biixỹrudỹnyke umy ibinamy rarybekeki, tai dori òbitilemy Kristuko-txi tariamahāte. ¹⁷ Tahe Deuxu dee wikeki, aōwihikỹwidỹy òraru-ki inyō aōhōkỹmy rotỹnykeki, kia tahe Deuxu dee awi rare. Aōbinahakỹwidỹy òraru-ki aōhōkỹmy rotỹnykeki, kia tahe Deuxu dee awi rare.

¹⁸ Kristu tahe sohojihyyle rurure iny òraruna òraru-ki. Òbitiwidỹydu tahe rurure òbitiwidỹydu aōkō òraru-ki, kaiboho ruweselemy atximahātenyete. Deuxu Tyytybytyhy direki kaiboho iruweselemy atximahātenyete.

¹⁹ Kristu Tyytyby rara rotenawo-ò, tyytyby-ò ritỹnynymy rarybeke. ²⁰ Noe hāwò nihikỹ riwinyreu, Deuxu riraōmy raremyhỹu urile hābu mahādu rityhynyōmyhỹre. Debò inataō reurò inymy rohonyre rubu-ribi bera-ò rabòròròre. ²¹ Wiji, kia sebedỹyna ijyy wese heka rare.

Take aõsebedyõna aõkõ iny tarasanare. Sebedyõna-ki Kristu rubu-ribi ixixana inyboho riteõsinyreri iny Deuxu-ò retehemyhõre tarasana ritakemy. Bee tahe hãlubu suròdu aõkõ rare. Rexitõenymyhõreki inywo rityranymyhõre risuhõnymyhõre. ²² Kristu tahe wijile biu bede ronyre Deuxu rurunawe-ribi tii ýjuboho, dinoduboho, rurunaduboho wedu Kristu rare.

4 Take Kristu taumy-wana aõhõkõmy rotýnyre. Tai tahe iwesemy mohõtinybenyke. Inyõ dori aõhõkõmy rotýnyre. Tai tahe òraruna-ribi ixiixãwidiyõmy rõhõtinyreri. ² Tai kabede-ki iny bededyõnanareny uhe hãbu òta òtawidyõ nohõtina wesemy aõkõ rakatximyhõrenyke. Deuxu deewina widyõna-ò rakatximyhõrenyke. ³ Juhuu kaiboho sõwemy taòrarunytente, iwese ityhydýydukdõdu mahãdu wiji rýira wese. ⁴ Aòraru-ò biõwa mahãdu wiji bederiòtinyinre kai tii-wana taòrarunykõmahãteki iwese tiiboho naòrarunymyhõdenyde wese. Tai adee ibinamy rarybemyhõrenyke. ⁵ Tule tiiboho ywisidyõdu Deuxu-ò rirawyonkyre. Idi dori òbiti ywisidyõna-di rihitxidýnykre iru mahãdu, rubumahãdu wana. ⁶ Tai tahe inyõ ituekre mahãdu-ò Rybewihikýmy rarybemyhõre iumy dori rihitxidýnykre ibutu hãbu wesemy. Tahe itytyby Deuxumy irumy rarekre.

⁷ Boholabeny inyhe, bededyõnana konana iòhõra. Tai tahe inatyhymy mohõtinyke Deuxu-ò òbitimy bexitõenykemy. ⁸ Ibutu ratyre wiluutyhymy atximahãbenyke. Kaiboho dori aluunadirenykeki wiòraruna-di itxerekõmy ahãbenyke. Inyõ dori iluunadikeki, wiòraruna-di itxerekõmy ihýke. ⁹ Iny witxira dee awimy rýira, roraludu isýõmy rýira aheto-ò bisýdyõnyke. Bitýhidýnyke roraludu luumy atximahã. ¹⁰ Wii biwiòhenany my ahãbeny iwese bede teerytente wese biwiòhenanybenyke. Deuxu wiòhedýydu wiitxura wahidyõdu wiwihikýmy boibeke. ¹¹ Inyõ rarybekeu, Deuxu rybedile kana rybeke. Inyõ reòbykeu. Deuxu rudile kedeòbyke. Tai tahe Deuxule loosõna kia-ribi kanatake Jesuisi Kristu òraru-ki ibutumy aõna aõna-di. Aõu aõu ibutumy ruruna, loosõna Jesuisi Kristu hõrõ rare. Kie.

¹² Waluuna mahãdu, ixibedeòtiidyõmy bede aõmydyõnana sira adee kanakre. Kia tahe aõ brebudýõna aõkõ rare aõhebo adee kodotyõnykeki. ¹³ Týxihikýlemy deysa-di atximahãke kia aõhõkõmy dýõnana dori Kristu aõhõkõmy dýõnana-ò biõwa atximahãte. Idi tahe tule kedeyakre Kristu loosõna òraru-ki. ¹⁴ Inyõ adee ibinamy Kristuni òraru-ki rarybekeki beysake. Kiau Deuxu Tyytyby heka loosõna sõwe-di atyre-ki kanakre. ¹⁵ Kaibohoõ rubudyõrenyõmy, wasirenyõmy, aõna aõna bina widýõmy, inywitxira aõwysyna-txi ròte. Ki-ake-wana iòwydyõnamy aõhõkõmy botýnybenyke. Tii dori wadee awiõre. ¹⁶ Inyõ tahe aõhõkõmy

rotýnykeki, ityhydýydu my rare òraru-ki tai ixiruõmy mabeke. Urile Kristunimy riwowydnykemy idi rare. Bededyõnanahe rehemynomy roire ityhydýydu mahãdu-di rihitxidýnanany riteranykemy. ¹⁷ Tahe inydee ywisidyõna ritelenykeki, timybohe Deuxu Rybewihiký ityhydýydukdõdu mahãdu-ò kòdòhõnykre. ¹⁸ Ryberiti-ki roimyhõre kia: —Òbiti mahãdu dee tarasana isirakeki, timybohe òrarudu mahãdu ròhõnyke. ¹⁹ Tahe inyõ Deuxudeewi òraru-ki aõhõkõmy rotýnykeki, Tatytyby Deuxu-ò rawahike tahe aõwihiký widýy my rareke. Deuxu dori aõu aõu iny widýydureny rare; iny wiòhedýydureny rare.

5 Ityhydýydu-ò itxeredu mahãdu-ò aritohonykre ararybekre. Jiarý tule itxeredu-ò rare. Kristu aõhõkõmy rotýnyre, jiarý tuu rabire. Taloosõna kiditeõsinykre jiarý awana watxire tewebromy rikititeõsinykre. ² Biwisinanyke aityhydýydu butuna iwese itxeredu budoeni-di retehemyhõre wese idi beteheke. Ixideewimy kia biwinyke. Inywitxira deewimy aõkõ. Aõ nieru tarasa sohojilemy aõkõ, ityhydýydu wiòhedýy my. Aõ ityhydýydu wedu wesemy aõkõ bisýnybenyke, urile bexideõsinyke iwese ityhydýydu òbiti rýira wesemy. ⁴ Tahe itxeredu mahãdu wedutyhy kedehemynykeu, tii adee kidiwahinykre loosõna araheto. Tii tiu toosò ixãwiõtyhy. ⁵ Itxeredu mahãdu týmyra bierybenyke itxeredu mahãdu matuari-ribi widee ixiwedeõmy ahãbenyke. Ixiwede mahãdumy dori Deuxu rarawetyynymyhõre. Ixiwede aõkõ mahãdu-ò tahe ruxetõena riwahinyke.

⁶ Ywimy ahãke Deuxuru-ò iximy xiwedeõmy. Tii dori bede òbiti kanakeu akanaloosõnykre. ⁷ Aõmydyõna witxira witxira biwahinybenyke Deuxu-ò tii dori arawisinaymyhõrenyke. Anawiòhenanykre. ⁸ Bexihãrubenyke aòludureny Satanasi-ò. Òbitimy mohõtinybenyke. Tii dori leaõ reburemyhõre wese rare. Tii rariarerimy ihõre tibo riròkemy. ⁹ Atyhynatyhy-di idi bexiumynyke. Aityhydýydu seriòre-dori awana aõhõkõmy rotýnyreri kia ixiradyõduhukýle-wana. ¹⁰ Iny Deuxu ruxetõenatyhy rýire. Kaiboho urihimyo aõhõkõmy botýnybenykeu akanawiòhenanykre, akanarurudyõnykre, akanaòbitidyõnykre, anaijohonadyõnykre. Ibutumy ruruna ihõrõmy aõu aõu rarekehymy idi watximahãre.

¹² Kia waryberatiyla Sila-wana adeeremy riritinyre. Tii iny seriòreny òbitityhy rare. Jiarý rarybereri kia Deuxu wiòhedýy na inatyhy rare. Kaiboho idi tyhy mohõtinybenyke. ¹³ Kowa hãwyy Babilonia hãwã ludu tule tarybe weityhyna adee diwahinyde. Tii tule itarasana mahãdu-ò. Tule wariòre Marku arãrybeweityhynanyrenyke. ¹⁴ Widee buòbenyke narybeweityhynanyde. Ywina adeeremy kanakemy watxireri Kristu tetyhynmahãtenykeki.

2 PEDRO

1 Jiarÿ, Simaõ Pedro, Jesuisi Kristu deòdu rare. Jesuisi Kristu rybemy rybedu rare. Warybe ritina re-wahinyre ityhydÿÿdu mahãdu-ò, Deuxu ywisidÿÿna mahãdu-ò, Jesuisi Kristu inyтарасadu òbitina òraru-ki, inatyhyna inyboho ijòdirennyreki. ² Ruxetòena wiòhedÿÿna-wana adeereny kanakemy watzixereri Deuxu erydÿÿna-ki, Inynyrÿ Jesuisi erydÿÿna-ki. ³ Tahe Deuxu rurutyhy-ribi inydeereny aõna aõna sòwemy ri-wahinyrnyhÿre òbitimy inyboho rokoirekemy iny bed-edÿÿnanarenny-ki. Tii inyboho ridyrennyre taloosòna òbitiwo-ò, tii inyboho rieryrennytyhyreki. ⁴ Tai inydeerenny tuu rarybere, sòwemy aõna aõna kanakemy awityhymy inydeerenny kia rybe rare. ⁵ Kia rybe bityhynnybenykeki, bede aõmydÿÿnana bina-ribi bexitabenyyke, òta òta widÿÿna-ribi bexiebenyyke. Tule Deuxu rayky wesena-di urihimyo boibeke. ⁶ Tai tahe ibutummy aruru-di marurunnyke aityhydÿÿna-ò òbiti widÿÿna bibutunnyke, kia-ò bedeerydÿÿna bibutunnyke, kia-ò ixiwedudÿÿna bibutunnyke, kia-ò widÿÿnahyyna, kia-ò òbitimy nonana. ⁷ Kia-ò ityhydÿÿdu seriòre luuna, kia-ò wuluuna bibutunnyke. ⁸ Kia aõna aõna dori awo-ki ratximyhÿkeki, rexiòlònykeki, arawiòhenanykre Jesuisi Kristu Inynyrÿ bierybenyykemy. Tai ityhydÿÿdu wihikÿmy boibekemy. Iny witxira biwiòhenanybenyyke. ⁹ Kia aõna aõna inywo-ki ratxiòmyhÿkeki, tii heka iruetàlemy ihÿre. Aõbo iòhòmy ratxirerilemy robimyhÿre. Juhu òraruna iribi risuhoremy idi tòhòti rosare. ¹⁰ Tai waseriòreboho marurunnybenyyke atyhymy boibekemy, aityhydÿÿna tyhydÿÿmy boibekemy. Tai tiu òraruna-txi aixeõna. ¹¹ Kia wesekeki tahe deysana-di birònybenyyke Jesuisi Kristu inyтарасadu òlòna bede-ò.

¹² Kia aõna aõna teerytenyete. Inatyhyna tetyhynyhy atximahãtenyete. Ihãrele tahe itxi aròhòtiijiradÿÿnyhyrennykre. ¹³ Tule warummy mahãreu, awimy idi rahòtinymahãre kia inatyhyna-di akanaxixadÿÿnydenyykemy. ¹⁴ Waummy dori kaki ele elelemy aririkre reeryre. Inynyrÿ Jesuisi Kristu dori kia wadee diteòsinyde. ¹⁵ Aõu aõu tahe ararunyytyhymy arekre kaiboho kia ibutummy òhòti-ribi rosaòtyhykemy. Tule warubuhewo-ribi kia-di mohòtinyhy boibekre. ¹⁶ Tahe adeereny Jesuisi Kristu tehemyrny rarybereu, aõ uritere tere ijyymy aõkò heka re-lyreri hãbu ijyyna-ribi aõkò ijyutyhymy. Inyboho dori iny iòlòrenny loosònatyhymy robimyhÿrennyre. ¹⁷ Tii dori Deuxu inyтыby-ribi loosòna wowydyna-wana ritare. Tuu Deuxu loosònawo-ribi narybede: Kai heka Wariòre waluu tate. Jiarÿ reysamy watzixereri adee. ¹⁸ Kia rybe-ò jiarÿboho raholarennyre tii-wana hãwãlò raty tyre-ki roiremyhÿu. ¹⁹ Iwese juhu rybemy rybedu mahãdu

rarybere wese, kiamy heka wiji inydeerenny ritÿnynymy roimyhÿre. Kaiboho tule kia-ò boholamahãbenyyke bityhynmahãbenyyke. Iwese iny loosòna-di bedeluru-ki, retehemyhÿre wese. Idi tahe Kristu kòdòhònykre, iwese tainahakÿ ròhònyre wese. Tahe aworeny-ki kanasÿnykemy ratxikre. ²⁰ Kia heka juhuu bierykre: Tyritirybeò tiu ixiwanale ritÿnydÿÿnyòtyhy. ²¹ Deuxu rybe dori hãbudeewimyy aõkò heka nade juhu Deuxu Tytybytyhy hãbu dee rybe ritÿnynnyre aõmybo rarybekemy.

2 Iwese juhuu inyy-ki rybedu inatyhòna rarybere wese, tule ayrenny-ki rybedu inatyhòna kidierydÿÿnykemy. Tiiboho kedeerynanykre aõbinabinahãkÿmy. Tiiboho kidiitxenanydenyykre. Tule Inynyrÿ kidiseònykre. Tai tahe aõwesele rexihukre. ² Sòwemy iny iòta òta erydÿÿnyra rityhynykre. Tai iny witxira inatyhyna ery dee ibinamy rarybekre. ³ Kia rybedu inatyhòna adyna-di ratxihyymy roireke tai adeereny rarumyhÿke. Anieru tarasanarenny-ò. ⁴ Iatysyna heka iòhòmy namahãde tule idi dehuna inatyhymy kòdòhònykemy ihÿre. Ýju mahãdu raòrarunyyre Deuxu tòtxi ririòlemy reare tahe idi rehulemy reare be-debina heòty-ò. ⁵ Iu bee-di Deuxu suu ritÿmynnyre, òrarudu mahãdu ituere Deuxu tòtxi ririòre. Noe, òbitina rybedule, ritare debò inatxi reurò iny-wana. ⁶ Sodoma hãwã Omora hãwã-wana aõwesele Deuxu ri-toonyre, raòrarunyyreki. Brybymy relere. Tai heka iny ribedeerynnyhÿre òraru lau. ⁷ Kia hãwã-ribi heka Lòijoi sohojile ritare. Lòò òbiti rare. Tii heka terare òrarudu mahãdureki. Tòtxi ririòhyre. ⁸ Imahãdu-ki Lòò rasÿnyre, txuò txuòlemy iwo rabadewotyhyhÿre, aõbinawidÿÿmybo robire idi roholareki. ⁹ Tahe òbiti widÿÿdu urihixina-ribi Inynyrÿ ridykemy rierymyhÿre. Tule ibinamy widÿÿdu mahãdu aõhòkÿmy dÿÿnana riraòmyhÿre. Ywisidÿÿnatxu kedehemynykreò. ¹⁰ Ibutu ratyre urari òta òta widÿÿdu mahãdu aõhòkÿmy rotÿÿnykre. Tiiboho Deuxu ruru riseònyrennyhÿre. Ixi-di xiwededu wesemy rÿirenyre, ixiluudu wesemy rÿirenyre. ¹¹ Aõbinahakÿlemy biuludu mahãdumy rarybemyhÿrennyre. Tahe ýju mahãdu iruruna ratyre-di hãre tamy ibinamy rarybeòmyhÿre, Deuxuko-txi. ¹² Tahe kia iykaraluu mahãdu iròdu deborehekÿ wesemy ratximyhÿre. Iròdu debore tahe be-dehuduna widÿÿmy rare ada ròtenawo-ò rakelemy. Kia hãbu mahãdu aõmybo ròeryòhyymyhÿre dee ibinamy rarybemyhÿ. ¹³ Tiiboho ixi-di dehuna-di ixi dee kedexixãwinykre. Tiiboho òraru luumyhÿre txumy dori raòrarunnyrennyhÿre. Awanarenny dori riroximahãre, aõbinahakÿtyhy wesemy ayrenny-ki ratximyhÿ

iòrarunarenymy rybe luureki. ¹⁴ Tiiemy iru hãwyydihyy retehemy ihÿre tamy òta òtalemy ròhòtinymyhÿre. Kia hãbu hãwyydÿÿweduna rierymyhÿre. Hãwyy urihimyo tÿÿwekeki kia hãbu idyna rybe-di rierymyhÿre hãwyy-di aòbo tai riurarinymy taòbirenareny rihydÿÿnymyhÿre aòbo tai riurarinymy idi ratximyhÿre. Tiiboho tuedena nihikÿ-di ituerenykre. ¹⁵ Òbitiry ririmyhÿreny. Reòsamyhÿreny. Balaaòry dori riheludunymyhÿreny Balaaò, Beoro riòre òraruòwydÿÿnamy ritakemy ratxireri iòraru luureki. ¹⁶ Aòbinahakÿ riwinyreki rexiòwyny. Kiamy heka. Jumenta wesena rybeteremy tamy rarybere inyrybe wesemy iitxÿtena-ribi riixãwidinykemy. ¹⁷ Tiiboho bedidehuna wese roire bee ihoòreki. Yhy biuwetyy tiò ridymyhÿre wese kia hãbu mahãdu roire. Tamy bede luruhukÿ bede riyrubunymy rÿire. ¹⁸ Tiiemy taòrarumy rarybehymy raremyhÿ inyò aòta òta rybe-di ridykemy. Inyò deòsary-ribi ròhònykeki, tii ridylemyhÿre ixbyyle òraruna-ò. ¹⁹ Tamyreny rarybemyhÿre ixideewimy boibekemy. Urile irybedureny òrarunawidÿÿna deòdumy ihÿreny. ²⁰ Iwese inyò ijեսuna-ribi riatymyhÿkeki, iatysydÿÿdu deòdumy rarekre wesemy. Kiawesele tahe òraruna rare. Inyò bede aòmydÿÿnana òraru-ribi ròhònykeki, tahe ixbyyle ròòsekeki, teleu raremyhÿ ratyre ikonanau ratÿÿnykre. Inynyrÿ Jesuisi Kristu dori tii rierymyhÿre juhuru tahe idi rexideyresanyre kia aòmydÿÿnana òraru-ò. ²¹ Tiiboho ryòbiti rierymyhÿreny. Tahe bede ywina òbiti-ribi rexiòlòdÿÿnyre. Rieryòhyykeki tamy wimy tuu raremyhÿ, rytÿmyra erysy-ribi rohonyrenykeki. ²² Tiiboho kia rybedÿÿna hitxina wesemy ihÿreny: —Ijòròsa tahylòina-ò ròòsere. Tule ijò rybedÿÿna wesemy: —Ixÿni bedi risuhòkeki, tii tasu burena-di ixbyyle rexisunyke.

3 Kia, waluuna mahãdu warybe ritidÿÿna juhuludu aòkò rare ihewoludu rare. Warybe riti wiwanadile anohòti ijiradÿÿmy watxireri anohòti riraixanykemy. ² Deuxu rybemy rybedu òbitimy rarybemyhÿre òhòti-ribi rosaòkre, tule Inynyrÿ iny tarasadu bede ywina nohòti losaòmy iwese tarybe deòdu adeereny rierynanyre wese. ³ Ibutu ratyre, kia-ribi nohòti losaòmy. Ikonana txuu hãbu binahakÿ rybe binatyhy-di kòdòidenykre. Kia hãbu òta òta widÿÿlemy ròhòtinymyhÿre.

⁴ Kiamy hãbu rarybekre. Tiubo Jesuisi Kristu nonana kanakre. Juhu inybybyreny ituereu wiji bededÿÿnanau tiu naòhymyhÿde. Ibutumy heka juhu bedeu ixi wese hyulemy bede roimyhÿre. ⁵ Iribi tòhòtirenny rosare ixideewimy Deuxu irybedile biu bede-wana riwinyre. Beribi riwinyre, bedi riwinyre. Iribi tahe bedi bede rahure. ⁶ Bedi juhuru bede ibutumy rexihura. ⁷ Tule wiji irybedile bede rÿimyhÿre. Tahe ixbyyle kanahukre. Heòty-di kanahukre. Kia txuu ibutumy inybinahakÿ ituekre kia-ribi ixideewilemy kia hãbu tòhòti rosare.

⁸ Tahe aòsohojibo, waseriòreboho, nohòti-ribi loosarenymy. Kia heka rare: Inynyrÿ dee. Txusohoji 1000 beòra wese heka rare. Tule 1000 beòra txusohoji wese rare. Tamy bededÿÿnana aò aòkò rare. ⁹ Inynyrÿ tarybewesele aòna aònamy kodotÿÿnykre. Aò raroorehenymyhÿre aòkò rare urile tahe hãbu riraòhymy rÿimyhÿre hãbu taòraru-txi tòhòti reakemy. Ibutumy tarasana-ki rÿikemy dori idi ratxireri. ¹⁰ Wasidu namyhÿde wasimy Inynyrÿ txuu kòdòhònykre. Biuwetyy, bede-wana rexihukre. Ibutu suludu heka ramyijy heòty adÿÿwesemy ritxienykre. ¹¹ Òbitimy rakatxirennyke. Kia ibutumy ròhònyreki. ¹² Inyboho heka riraòmyhÿrennyre biuwetyy tÿmyra sutÿmyra-wana. Inynyrÿ dori rarybere kia kidiwahinykemy.

¹⁴ Tai heka waseriòre waluuboho, òbitimy atximahãbenyke kia-ò dori teraòmahàteny. Tii kanakreu umyreny robikre ywimy, òbitimy, inyò heka umyreny ibinamy rarybeòtyhy. ¹⁵ Rexiroorehenymyhÿre ibutumy iny tarasanarenymy. Tule inyseriòre Paulo adeereny ròritidÿÿre ibede eryna Deuxu tamy riwahinyre. ¹⁶ Kiamy tule aòna aònamy tii ròritidÿÿre. Tahe iritina-ki aòbo isiratyhyre ierykònatyhy roire òbiti mahãdu aòkò kia rybe-di aòwitxiramybo rierynanymyhÿre. Iwese ijò Ryberiti-di riwinyre wese. Tai heka tiiboho ituerenyre. ¹⁷ Kaiboho tahe waityhydÿÿdu seriòre bexihãrubenyke ilau teòsana-di aradyrennyheny. Tai kaiboho beòsabenyke. ¹⁸ Inynyrÿ Jesuisi Kristu wiòhedÿÿna-di ibedeerydÿÿna-di maumynybenyke. Wowydyna ibutumy tamy kanakemy idi wãhãre wiji tyhymy rareke. Kie.

1 JUAÕ

1 Jiarÿboho akoreny retÿÿnynereri, Jesusimy. Tii Rybe rininirenyra. Tii juhubeu raremyhÿ. Jiarÿboho rabirenyra, tarybemy aholarenyra, tamy reteherenyre, aõbo riwinyreò, tule tamy iny rerimyhÿre. Tii inydeereny umytÿmyra riwahinyreri. **2** Umytÿmyra tuedeõna Deuxu inytyby-ribi rehemynyra. Kia umytÿmyra tuedeõna Jesusi-di rare. Jiarÿboho tuu rabirenyre. Tii rexideòsinyre inyrenyko-ò. Kia tahe adeereny relyreri iwese raremyhÿ wese. **3** Aõòbo iny roholare wese, tuu rabire wese, kia tahe tuu relyreri inyboho wiluurenykemy winohõtiwesele rökõhõtinyrenykeny. Inyboho rahõtinyrenynereri iwese Deuxu inytybyreny, Jesusi Kristu Deuxu Riòre-wana wiwese röhõtinyre wese. **4** Kia tahe waryberiti adee rewahinyreri adeysamy rakatximahärenykeny.

5 Kiamey tahe Jesusi inydeereny relyreri: —Deuxu txuloosòna wese ratximyhÿre. Deuxu-ò bedeluru aõmydÿÿnana rehemynyòtyhy kiamey adeereny relyreri. **6** Inyõ rarybekeki: —Jiarÿ Deuxu-wana winohõtiwesele rahõtinyamahäre. Kia iny bedeluru aõmydÿÿna-di ratxireriki, kia iny rarumyhÿre. **7** Tahe inyboho loosòna waõmydÿÿna riwinymyhÿrenykeny iwese, Deuxu loosònawo-ki ratximyhÿre wese, tai inyboho wiwesele röhõtinymyhÿke. Tahe Jesusi, Deuxu Riòre hãlubu ibutumy iny òraru-ribi iny risuhòmmyhÿke. **8** Inyõ rarybekeki: —Jiarÿ raòrarunyòhywãhäre, kia rybe-di tii ixidee riitxenanymyhÿre. Tii raruire rityhynyòre. **9** Iny taòrarurenymy relyrenykeny, Deuxu tiemy òbiti rare, tii iny òrarureny iny-ribi riixãwididÿÿnykre. Aõbo iny iwo-ki isusumy ihÿre tii rityranyke. **10** Inyõ òrarudikemy aõkõ raryberenykeny, inyboho Deuxu ruidumy rarybemahäreny. Kia iny Deuxu rybe rieryòhyymyhÿre.

2 Kaiboho wariòre wese atximahätenynte. Adeereny waryberiti rewahinyreri, kaiboho òrarurenymykeny. Iny òraruna-txi resekeki, iny wiðhedÿÿdureny dire. Tii Jesusi Kristu rare. Òbiti rare òraru iyydumy rarekemy Waha Deuxuko iny wiðhedÿÿmy. **2** Tii dori itxeònihikÿ-ki rurura iny òraruòwydÿÿ-ki. Inysohojile òraru aõkõ rurura tahe ibutumy iny òraruòwydÿÿ-ki. **3** Tiwesebo inyõ rerykre Jesusi rieryrenykeny rityhynymyhÿkeki karybe bede ywina wese rierykre tii rerykre Jesusi rityhinyreri wana. **4** Inyõ rarybekeki: —Jiarÿ Jesusi reeryre. Irybe bede ywina riywinyòkeki, iny ruidu rare. Inatyhyna rityhynyòre. **5** Inyõ Jesusi bede ywina riywinykeki, inatyhymy tawo-ki Deuxuluu rare. Kiawese heka iny rierykre Jesusi mahãduwo-ki ratxireri-wana. **6** Inyõ rarybekeki: —Jiarÿ Jesusi mahãduwo-ki

watxireri. Tamy kia wese rÿikeki. Aõmybo Jesusi rotÿÿnyre wese, tii tule rotÿÿnyke. **7** Ityhydÿÿduseriòre, adee bede ywina tÿmyra aõkõ rewahinyreri. Bede ywina tyby kia rare. Kia juhuu teerytenynte. Inyboho wiluurenykeny, kia bede ywina tyby rare, juhUU taholatenynte. **8** Kia rybe bede ywina itÿmyra rare. Jiarÿ adee rewahinyreri. Kristu dee inatyhy rare tule adee inatyhy rare. Bedeluru röhònyra, loosòna inatyhy bede-ò ralòmmyhÿre. **9** Inyõ rarybekeki: —Jiarÿ loosònawo-ki watxireri. Kia iny taityhydÿÿdu seriòre luuòkeki, bedeluru-ki ratximyhÿre. **10** Inyõ taityhydÿÿdu seriòre luukeki, kia sohojile loosònawo-ki ratxireri. Aõ aõkõ tii riatydÿÿnyra. **11** Inyõ taityhydÿÿdu seriòre rixihitxinykeki, bedeluru-ki rariamyhÿre. Titxibo rakre rieryòhyymyhÿre. Bedeluru dori ruetàna rare.

12 Adeereny warybe rewahinyreri wariòre wese aòraru dori, tii riixãwididÿÿnyre Jesusi òraru-ki. **13** Iumy mahãdu-ò warybe riti rewahinyre adiwahinyde, kaiboho dori tuu teerytenynte. Tii hykyle dori juhUU raremyhÿ. Ijoityhy-ò waryberiti rewahinyre, Satanasimy tahaÿnanytenynte. **14** Wariòre, inytyby Deuxu teerytenynte. Iumy mahãdu, adeereny aratyritinykre, kaiboho dori tuu teerytenynte. Tii hykyle dori juhUU raremyhÿ. Ijoityhy, adeereny aratyritinykre, Deuxu rybe dori òhõtireny-ki ratxireri, arurudireny dori. Satanasimy tahaÿnanytenynte. **15** Bede aõmydÿÿnana luurenykõmy boibeke. Inyõ bede aõmydÿÿnana luukeki, Deuxu inytyby luuna rieryòke. **16** Kia bede aõmydÿÿna rare: òraruluuna, aõmy robira-wana tuure, aõna aõnamy ixityhydÿÿna. Kia Deuxu-ribi aõkõ nade. Kia bede aõmydÿÿna-ribi nade. Kia bede aõmydÿÿna-ribi nade. **17** Kabede ixãwikre taaõmydÿÿna òta òta-wana. Deuxu-deewimy widÿÿdu tiu ixãwiòtyhy. Tii awimy rÿirakre.

18 Wariòre wese. Ikonana bededÿÿnana iòhòmny roire. Adeereny narybede Kristu òludu kanakemy. Betehe inihy, Kristu òludu sòwemy dehemynde. Kiawese inyboho rieryrenyre ikonana bededÿÿnana iòhòmny roire. **19** Kia Kristu-ò òludu iny mahãdu wotyara-ribi röhònyrenyra. Tii ityhydÿÿdutyhymy aõkõ ratximyhÿre. Ityhydÿÿdu mahãdu tiu röhònyòtyhy. Röhònyrenyreu, ibutumy rieryre, kia iny mahãdu aõkõ ratximyhÿre. **20** Kaiboho aõmydÿÿnana ibutumy teerytenynte Deuxu Tytybytyhy direki. **21** Kia rybe adee aratyritinyke, kaiboho dori Deuxu rybe inatyhyna teerytenynte. Tiu rui Deuxu inatyhyna-ribi röhònyòhyymyhÿre. Kia tahe teerytenynte. **22** Moheka ruidu rare. Inyõ rityhynyòkeki Jesusi Deuxu deòdÿÿna raremy, tii tahe ruidu rare. Inyõ Kristu Deuxu-wana ritxiònykeki, tii Kristu òludu rare. **23** Inyõ Deuxu Riòre ritxiònykeki, tii Deuxu-wana

aōkō ratxieri. Inyō rarybekeki: —Deuxu Riōre retyhynyre, tii Deuxu-wana ratxireri. ²⁴ Juhuu aōbo roholare taholamy toitemyh̄y idi mohōtinybenyke. Idi mohōtinymahābenykeki, Deuxu, Iriōre-wana aōu sōu matxibenyke. ²⁵ Jesuisi Kristule juhū inydeereny narybede, umy ituedeōna inydeereny kidiwahinykemy. ²⁶ Kia waritina jiar̄y wiji rehura. Aitxenad̄ȳydu lau adee reritinyra. ²⁷ Abedeeryd̄ȳna Kristu tatytyby adeereny riwahinyre. Tii tahe awanale ratxireri. Aeryd̄ȳydu aōkō adeereny rauhenyrenyeri. Tii tahe inatyhy bedeeryd̄ȳna ibutumy araerynanyeri. Rui aōkō rare. Iwese tii araerynanyereri wese, ibutumy biyrubunymahābenyke. Kia tahe Kristu-ki hykyle bexiemyh̄ybenyke. ²⁸ Wiji, wariōre wese aōu aōu boibekemy Deuxu mahādūy-ki. Tai Jesuisi kaō kedehemynykeu, buberuōtyhy ada maix̄yruōtyhy ilau. ²⁹ Deuxu òbitityhyhy ratximyh̄y. Kia teerytenyete. Inyō òbitimy rarekeki, Deuxu riōremy rareke. Kia tule teerytenyete.

3 Boholake, inytyby Deuxu taluuna nihik̄y inydeereny riwahinyre. Inyboho dori tii rininirenyre Deuxu Riōremy. Inatyhymy inyboho Deuxu Riōremy roire. Kia tahe ityhyd̄ȳdukōdu mahādu rieryōre. Tiiboho dori Deuxu inytyby rieryōhyymyh̄y. ² Waluuna mahādu, inyboho Deuxu Riōremy roire. Rierykōrenykre timybo iny rokoirekemy. Kia inyboho rieryreny: Jesuisi kodobehekrey, inyumy taumy wese ris̄nykre. Inyboho dori kodobidenykre iwese rarybemyh̄y wese. ³ Inyō Jesuisi wesemy rarekemy ratxikeki, iwese Jesuisi òbitimy raremyh̄y wese tii rareke. ⁴ Inyō Deuxu bede ywina rybe rityhynykeki, tii rexiōrarunyke. Kia heka òraruna rare. ⁵ Jesuisi dobehede òraru tarasadumy rarekemy. Kia teerytenyete. Jesuisi inatyhymy raōrarunyōhy raremyh̄y. ⁶ Inyō Jesuisirykihyy rarialeke, tii òraruōmy rareōtyhy. Inyō òrarumy rarehykeki, tii Deuxu rieryōhyymy rareke tuu robiōhyymy rareke. ⁷ Wariōre wese, itxenad̄ȳydu lau bexiyrubunyke iny aōmyd̄ȳnana òbitimy riwinykeki, iny òbitilemy rareke, iwese Jesuisi òbitimy raremyh̄y wese. ⁸ Inyō òrarunadityhy raretyhykeki, tii Diabo mahādu-di rareke, Diabo heka òrarauna-ki hyy nodure. Tai kaō Deuxu riōre nade Diabo aōmyd̄ȳnana ixāwikemy. ⁹ Inyō Deuxus̄y riōrekeki tii òraruna-txi reseōlemy ratximyh̄yre Deuxu dori iwo ritymyranyre. Tii reseōhyky rareke. Deuxus̄y dori rare. ¹⁰ Kia wese iny rieryrenykre inyboho iriōre Deuxu riōremy roire ada Diabo riōremy aōbo, inyō Deuxu deewimy riwinyōkeki, tii Deuxu Riōre aōkō rare. Inyō taityhyd̄ȳdu seriōre luuōkeki, tule Deuxu Riōre aōkō rare. ¹¹ Kia bede ywina rybe juhū taholamy tatemyh̄y ihāre tadoholahāte. Kia heka rare: iny wiluukemy. ¹² Iwese Kai taserōre rirubunyre wese aōkō rikiwinykre. Tii dori Satanasi mahādu rare. Aōherekibo tasewriōre rirubunyre. Iaōmyd̄ȳna Deuxu dee awiōre Iserōre aōmyd̄ȳna Deuxu dee òbitire tai tahe rirubunyre.

¹³ Waseriōreboho, ityhyd̄ȳdukōdu mahādu eramy ratximyh̄y. Kia-di bedeōtiid̄ȳomyke. ¹⁴ Inyō ityhyd̄ȳdu seriōre luukeki, tii rubumy r̄yire wese mahādu-ribi rōhōnyre. Kia reerymyh̄yreny. Tahe umytuedeōna-ki

rahara. Inyō luuōkeki, tii rubumy r̄yirawese mahādu-ki ih̄ymyh̄yke. ¹⁵ Inyō taseriōre derakeki, tii rubud̄ȳdu wese rare. Boholake, kia teerytenyete. Rubud̄ȳdu umytuedeōna-ki rahaōtyhy. ¹⁶ Kiawese luuna rikierenyre dori Kristu rubu-ò rexiwahinyre inydeereny tōemy. Tai tahe inyō taseriōre dee rurukeki iluuna sōwerekiki. Tii tahe awire. ¹⁷ Inyō ityhyd̄ȳdu seriōre aōhok̄ȳmy rot̄ȳnykeki, rama rahukeki, tuu robike aō ijōdikeki, tahe iny riwiōhenanyōkeki, tii Deuxu luuna-di aōkō ratximyh̄y. ¹⁸ Wariōre wese, luuna urile tuu rybena aōkō rare. Aōhebo rot̄ȳnykemy ih̄y. Kia tahe aluuna inatyhymy biteōsinyke. ¹⁹ Kiawese iny reeryreny inatyhyna mahāduwo-ki ratximyh̄y. Jiar̄y arahōtinykeki. Jiar̄y aōkobo ityhyd̄ȳdumy watximahāre. Deuxu warayky riwiōhenanymy ratxireri. Deuxu warayky ratyre raraykywydynamymyh̄y. Tii ibutumy aō reryre. ²¹ Waluuna mahādu, ruberūhyymyh̄y tahe iny ityhyd̄ȳdu mahādu-ki ratximyh̄yre wana rieryreki Deuxu iny rityhynyre. ²² Tahe aōmy iny rexitōenykeki tii inydee kidiwahinyke. Iny dori ibede ywina rybe rityhynymyh̄y. Deuxu deewimy iny riwinymyh̄y. ²³ Kia heka Deuxu bede ywina rare. Jesuisi Kristu, iriōrenimy rikityhynykemy. Tule iny wiluuna wiluukemy. Iwese tabede ywina rybe diwahinyde wese rarekemy. ²⁴ Inyō Deuxu bede ywina rybe rityhynykeki, Deuxu-wana rareke. Tii-wana ratxikemy. Kia wese heka iny rieryrenyre Deuxu-wana iny ratxireri. Deuxu Tatytybytyhy dori inydee riwahinyre.

4 Waluuna mahādu, ibutumy rybe bityhynybenyōke inihe ityhyd̄ȳrenyōmy. Tai biurihike iny rybe Deuxu-ribi inatyhy aōbo ada aōkōre aōbo. Sōwemy rybedu mahādu rōhōnymyh̄y. Tahe inatyhymy Deuxu rybemy rybedu aōkō rare. ² Kiamy Deuxumy rybedu mahādu inatyhymy bierykre, inyō rarybekeki: Jesuisi Kristu hābu wesemy nade, tii inatyhy Deuxu mahaduō ih̄y. ³ Inyō kiamy rarybeōkeki, tii Deuxu mahādu aōkō ratximyh̄y. Kia Kristu òluduō rare. Tamy taholahāte kanakreō, tahe, kia ratximyh̄y. ⁴ Wariōre wese, kaiboho Deuxu mahādumy toite. Rybedu inatyhy aōkō rare, kia ruru tetatenyete. Deuxu dori aworeny-ki ratximyh̄yre Deuxururu, Diabo ruru ratyre rare. ⁵ Inatyhymy rybedu aōkō aōmyd̄ȳnana binamy relyymyh̄y. Tii dori ka bede aōmyd̄ȳnana bina mahādu rare. Tahe ityhyd̄ȳdukōdu mahādu tamy roholamymyh̄y. ⁶ Inyboho Deuxu mahādu roire. Inyō Deuxu rierykeki, inydeereny roholamymyh̄y. Inyō Deuxu rieryōkeki, inydeereny roholaōtyhy. Kiamy rikierymyh̄yrenyke inatyhyna mahādu inatyhyna aōkō mahādu.

⁷ Waluuna mahādu, wiluumy rakatximyh̄yreny. Luuna dori Deuxu-ribi nade. Inyō luukeki, Deuxu-ribi tibie rare. Iny Deuxu rieryre. ⁸ Inyō luuōkeki Deuxu rieryōre. Deuxu dori luuna rare. ⁹ Kiawese inyboho rieryrenyre Deuxu inyluuremy ratxire. Deuxu Tariōre sohojile diteōnyde bede-ò inyboho Iriōre-ki umy t̄ymyra-ki rahakemy. ¹⁰ Kia heka luuna rare. Juhū Deuxu iny tuu aōkō rare. Tii tahe inyluure. Tule tariōre diteōnyde in-

yòraru òwy òwydǵnanykremy. ¹¹Waluuna mahādu, Deuxu inyluurenytyhyreki, tai tahe inyboho wiluummy rokoireke. ¹²Tiu Deuxummy inyǵ robiǵhykyre. Inyboho wiluummy rǵikeki, Deuxu inywo-ki ratxike. Tai tahe inatyhymy Deuxu luuna inywo-ki ratximyhǵre. ¹³Deuxu iny-ǵ Tatytyby riwahinyre. Kiamy tahe inyboho reryreny tamahādu-ki ratximyhǵre. Tule rierymyhǵreny tii iny-wana ratximyhǵreny. ¹⁴Deuxu Riǵremy inyboho robirenyra Tulobixidumy inyboho roire. Tuu adeereny relyreri. Deuxu Tariǵre diteǵnyde iny tarasadumy rarekemy. ¹⁵Inyǵ rityhynykeki idi rarybekeki: Jesuisi Deuxu Riǵre rare, tii Deuxu-di tawo-ki ratxireri. Tii Deuxu-wana ratxireri. ¹⁶Inyboho reryreny Deuxu inyluurenyre. Kia iny rityhynyreny. Deuxu heka luuna rare. Inyǵ luuna-ki ratxihykeki Deuxu tii-wana ratxihyke. Tii Deuxu-wana ratxihyymyhǵre. ¹⁷Iny luunareny Deuxu-ǵ rauhenyǵreri. Tai tahe Deuxu wiribi ritxuakre kia txuu inyboho kiatlulau ruberuǵtyhy. Iwese tii ratximyhǵre wese inyboho kabede-ki ratximyhǵreny. ¹⁸Inyǵ luuna-di ratxityhykeki, tii ruberuǵtyhy. Luunatyhy brebuna-di rehymyhǵre. Aǵhǵkǵmydǵnana brebuna kidiwahinyleke. Inyǵ brebuna-di ratxikeki, tami aǵhǵkǵmy dǵnana kanakre. ¹⁹Juhuu Deuxu inyluurenyre, tai tahe inyboho iluurenyre. ²⁰Inyǵ rarybekeki: —Jiarǵ Deuxuluure. Tai tahe tii ityhydǵydu seriǵre luuǵkeki, tii ruidu rare. Inyǵ taityhydǵydu seriǵre luuǵkeki, timykibo Deuxu luummy rarekemy iximy rǵhǵtinyke Deuxu dori tiu tuu robiǵhyymyhǵre, taseriǵremy tahe robihyky ihǵre. ²¹Kia bedede ywina rybe heka Kristu inydeereny riwahinyre: Iny Deuxuluummy ratxikeki, tule tii taityhydǵydu seriǵre luummy ratxikre.

5 Jesuisi inatyhymy Kristu rare, Deuxu deǵdǵyǵna rare, inyǵ rityhynykeki, tii inatyhymy Deuxusǵ mahāduwo-ki ratximyhǵre. Inyǵ Deuxu luukeki, tule iriǵre luukre. ²Inyboho Deuxuluukeki tarybe ywina rikiywinykeki, tai Deuxu tibiedǵyǵna mahādu luummy rikierenyre. ³Deuxu rybe ywina rikityhynyke, irybe ywina dori isiraǵre. Tai inyboho Deuxu luuna riteǵsinykre. ⁴Deuxusǵ mahādu bedede aǵmydǵnana bina bina ruru ritamyhǵre iny Deuxu rityhynykeriki, kia bedede bina bina ruru ritareri. ⁵Mo tahe kia ijesu tarasadure. Inyǵ Jesuisi Deuxu Riǵre raremy rityhynykeki, tii bedebina bina ijesu tarasadu rare. ⁶Jesuisi

Kristu nade. Inyǵ tii riratisebenyrene idi rare rurukremy tahālubu ritxiwikremy. Rexiratisebenykemy sohojile aǵkǵ nade, tule tahālubu ritxiwikemy nade. Kiamy heka Deuxu Tyytyby tuu rarybere. Deuxu Tyytybytyhy tahe inatyhymy rare. ⁷Inataǵ aǵmydǵnanyre inydeereny rarybere: Deuxu Tyytybytyhy iǵǵre, Jesuisi ixi-rati sebedǵyǵna iǵǵre, Jesuisi rubudǵyǵna iǵǵre. ⁸Kia inataǵ aǵmydǵnanyre wiwese wiweselemy rarybereri. ⁹Hābu rybe iny rityhynyymyhǵre. Deuxu rybe hābu rybe ratyre rikityhynyre rakatximyhǵrenyke. Kiamy Deuxu Tariǵremy rarybereri. ¹⁰Inyǵ Deuxu Riǵre rityhynykeki, aǵbo inatyhy ixidee riereny. Inyǵ rityhynyǵkeki, tii Deuxu-di ruidumy rǵhǵtinyreri. Tii dori rityhynyǵreri timybo Deuxu tariǵremy rarybere. ¹¹Kia rybe rare: Deuxu inydeereny umyuedeǵna riwahinyre. Tii tiu umy ituedeǵna iriǵre-ki inyboho rakaharenkye. ¹²Inyǵ Deuxu Riǵredikeki, tii umytǵmyra tuedeǵna-ki rahake. Inyǵ Deuxu Riǵre-di aǵkǵkeki, tii umytǵmyra tuedeǵna-ki tahasaǵna.

¹³Kia aǵna aǵna adeereny retyritinyre kaiboho umyuedeǵna-di atxitenyteri bierybenykemy. Deuxu Riǵre tetyhynyteny. ¹⁴Inyboho Deuxudeewimy rexitǵnanyhǵreny, Deuxu iny-ǵ roholamyhǵre. Kia tahe inatyhymy rybena rare. ¹⁵Inyboho rierenykeki tii inydeereny roholamyhǵre, tai rierymyhǵreny tii inydeereny riwahinyke aǵmybo iny tami rexitǵnyreri. ¹⁶Iny ityhydǵydu seriǵre rubu-ǵ aǵkǵ ǵraruna-txi resekeki, tami Deuxu-ǵ rekexitǵnyrenyke, Deuxu kia riwǵhenanykemy ixiby Deuxu-ǵ rǵǵsekemy. Tii rubu-ǵ ǵraruna-txi resekeki, jiarǵ adee ararybeǵkre tami bexitǵnykemy. ¹⁷Ibutumy ǵbiti aǵkǵkeki, ǵraruna rare. ǵraruǵ rubudǵyǵnahyky kidiwahinyǵkre.

¹⁸Inyǵ Deuxu-ribi tybiekeki, ǵrarunahy-ki rareǵtyhy. Kia inyboho reeryreny. Deuxu Riǵre ryrubunymyhǵre. Diabo iribi rǵtaǵtyhy. ¹⁹Deuxuhǵrǵ inyboho roire. Kia inyboho rierenyre. Kabede bina mahādu taaǵmydǵyǵna-wana Diabo hǵrǵ rare. ²⁰Tule inyboho reryreny: Deuxu Riǵre inatyhymy kaǵ nade. Tii rierenyre mobo Deuxu inatyhy raremy. Deuxu-wana inyboho ratximyhǵreny, inyboho-dori Jesuisi Kristu Deuxu Riǵre-wana ratximyhǵreny. Kia heka inatyhymy Deuxu rare. Kia inatyhymy umyuedeǵnany rare. ²¹Wariǵre wese, bexihāruke ibutu bededeǵraruna lau.

2 JOAÕ

1 Jiarỹ dohodỹyna matuari mahãduõ warybe rare. Watyriti rewahinyreri Deuxu ywisidỹyna hãwyyõ-ò, iriòre-ò. Jiarỹ ibutumy inatyhyerydu mahãdu-wana tiiboho inyluutyhyrenyre. ² Inatyhyna dori inyworeny-ki ratxireri. Ratxityhyhyymy ratxike. ³ Kia dori inatyhy inydeereny tate luuna-di. Deuxu deysana, ruxetòena, ywina adeereny kanakemy waximahãre Deuxu Waha-ribi, Jesuisi Kristu, Iriòre-ribi.

⁴ Ariòre mahãduy-ribi inatyhymy ijõ ityhydỹydumy ralore. Kia reeryreu, jiarỹ wadeysatyhyre ariòre Deuxu bede ywina rityhynykeriki. ⁵ Adee arexitòenykre hãwyy. Bede ywina rybe tỹmyra rewahinyreri wese aõkõ rare. Juhuu-ribi teeryte. Urile bede ywina hetxina õhõti reijeradỹnyreri. Kia heka rare: iny wiluukemy rakatximyhỹrenykemy. ⁶ Bede ywina rybe rikityhynyhykeki, kia heka inatyhy luuna rare. Kia bede ywina juhUU Deuxu-ribi taholate. Tuu txuõ txuõlemy biwinyke. ⁷ Sõwemy hãbu itxenadỹydu tyhy kabede-ò dòhõnyde.

Tiiboho Jesuisi hãbuwesemy nade rityhynyõlemyhỹre. Kia itxenadỹydu tyhy tule Kristu òludutyhymy roire.

⁸ Tamyreny bexiebeny, inyaõmydỹynana aõmysỹdỹynatyhy-di ritaremy iõkõkemy, Deuxu wahidỹynaòwy ibutumy ritakemy. ⁹ Inyõ Kristu erydỹynana-ribi ròhõnykeki tule iwitxira erysyna rierynanykeki, tii heka Deuxu hõrõ aõkõ rare. Inyõ Kristu erydỹynana-ribi ròhõnyõkeki, tii Deuxu dire iriòre dire. ¹⁰ Tai tahe itxenadỹydu Kristu erydỹynana erydỹydu aõkõ aheto-ò rehemynykeki, uritere iròtedỹyõmy, irybedỹyõmy. ¹¹ Inyõ rirybenykeki, iaõmydỹynanabina-ò riwiòhenanyreri.

¹² Jiarỹ warybe sõwemy adibutunywãhãde. Urile tyyriti-di ariritinyõkre. Arorarenymy dori arakemy waxyreri. Kiamy rybe sõwemy ròhõnykre inysõwemy reysakemy. ¹³ Aseriòre Deuxu ywisidỹyna mahãdu senadu, kia riòre tarybe wehityhyna adee riwahinyreri. Kie.

3 JUAŌ

¹ Jiarỹ, dohodỹyna matuari mahãduũ rare. Wabiòwa-ò, Kaio-ò watyriti rewahinyreri. Inatyhymy aluумы watximahãre.

² Waliina, juhuutyhy Deuxu-ò arãixitòedỹnyra aaõmydỹyna tule aумы wihikỹhykymy mabekemy, iwese atytyby awire wesele ratxireri. ³ Inyseriòre wese aribi rehemynyrenyreu, wako relyyrenyreu umy iwese kai òbitimy tate wese tule inatyhyna-ki tateri wese. Tai wawo reysamy watximahãre. ⁴ Jiarỹ raholamahãreu wariòre wese Deuxu inatyhyna rityhynyrreriki, kia ibutu ratyre wawo riteysadỹnytyhyre.

⁵ Kai tahe, Kaio, kowa inyseriòre tule iwitxira ludu seriòre teeryòteki, tewiòhenanyteu aõmydỹynana wihikỹ tewinymahãte. ⁶ Inyboho wirotyra-wana, kia hãbu iny seriòre aluunamy rarybera. Ibedetỹinana-ò bi-wiòhenanykeki, aõwihikỹ biwinymahãke. Tuhyykeki Deuxu deewimy atximahãke. Tii dori iny-wana Deuxu inatyhyna-ò raaõmysỹdỹnykre. ⁷ Kia dori kianimy ròhònyre. Ityhydỹydukõdu mahãdu-ribi aõ ritaõhykyre. ⁸ Kia wese tahe tuu rikiwiòhenanymyhỹke. Tai tahe Deuxu aõmydỹynana tỹnydỹyna ri-wiòhenanymyhỹre.

⁹ Ratyritinymahãre kowa ityhydỹydu mahãdu-ò. Inyõ tahe warybe-ò roholaõmyhỹre. Tiiboho dori juhuludukemy ratxireri. Diòtesi inire. ¹⁰ Aõu arehemynykreu, ararybekre aõmybo tii rotỹnyre tule aõbi-namybo rarybere inymy. Aõ tiihykyle aõkõ, iny ityhydỹydu seriòre hãwãwitxira ludu ixidee tarora-ò rimyòtyhy. Inyõ kia seriòreõ rimykeki, tii riixãwidinyre idy-ribi tii seriòredyna-õ dohodỹydu mahãdu-ribi hitximy riteònyre. ¹¹ Waleina, kai Kaio, òrarudu mahãdu aõhebo rotỹnyre wese aõ kai tate. Iny wihikỹ wese kai tate. Inyõ aõwihikỹ riwinykeki, Deuxu hõrõ tii rare. Aõkõkeki Deuxu rieryõre. ¹² Ibutumy Dimitiu dee inatyhyna-di aõwihikỹmy rarybere. Inyboho tule. Kaile teeryte inyboho inatyhy rarybere.

¹³ Sõwemy rybe adee ariwahinykemy watxireri. Tahe aõkõre tyyriti ritina-ki. ¹⁴ Elelemy arakemy dori watxireri aroramy tai tahe widee rakarybekre. ¹⁵ Deuxu awo-ki riyrykemy idi watxireri. Abiòwaboho kaki awehityhy risareri. Wabiòwaboho sohoji sohoji kowa-ò warybe wehityhyna biwahinykre.

JUDAS

¹ Jiarỹ Juda rare. Jesuisi Kristu deòdu jiarỹ rare, Txi-au exi wahe. Deuxu heka aluudu rare. Tii arayrubunumyhyre òraruna-txi reseke lau. Tai òbitimy ahãbenyke Kristu nonana-ò. Watyyriti adee re-wahinyre. ² Ruxetòena adee kanakemy watzireri Deuxu-ribi. Ywina sòwemy aworeny-ki atxibenykemy adireny watzireri. Wiluuna sòwemy akireny ihỹke, Deuxu-ribi.

³ Jiarỹ kaiboho ibutumy aluurenyre. Deuxu ibutumy inyboho ritarenyre. Kia ibutumy ariritinykemy idi rahòtynra. Inyboho heka ibutumy Deuxu sỹ mahãdu roire. Iwese iny rityhynumyhyre wese tii iny ritỹnynumyhyre. Iribi tahe iny mahãduò adee nade iny inytyhyna riwixiradỹnykemy adireny ratxireri. Iny heka inatyhyna biyrubunybennyke òbitimy rarehyke. ⁴ Kia òbitikò mahãdu ayreny-ò ralòra. Tiiboho Deuxu rityhynyòre. Deuxu inydeereny awi heka rare òraru-ribi iny ritarenyreki. Kia òbitikò mahãdu tahe kia wese rarybere: —Òraru-di atxikeki, kia aò aòkò rare. Deuxu dori iny òraru-ribi ritare. Jesuisi iny wedu rare, iny Iòlò wahe. Tiiboho tule rarybere: —Deuxu bityhynybennyke. Deuxu ihetxiu rieryre kia wese tiiboho rarybekemy. Tai tahe tii ritỹnynumy ihỹre tiiboho bedehè-tybina-ò riteònyke.

⁵ Deuxu inatyhymy riteònykre ritỹnynyraki. Iwese tii ihetxiu iny-di rehure wese, tii wiji iny rehukre. Judeu mahãdu heka Deuxu ritare Egito bede-ribi. Idi tahe imahãduò rityhynyòre. Tai tahe imahãdu rahurenyre. Kia teerytenyete. Itxi òhòtirenny reakre. ⁶ Ýju mahãduò tule juhuu Deuxu deòdumy ihỹre. Idi tahe taaòmysdỹnyra nirire. Tai Deuxu ròtena bedeò-ò riteònyre. Bedelrohokỹ ihỹre. Kabederawo-ki roire. Tiu heka iribi riòlòdỹnyòtyhy. Deuxu bededỹnana riwinyumy roimyhỹre aòhòkỹmy isỹdỹnana-ò. Tai tahe ýju wesemy kia òbitikò mahãdu rỹike, Deuxu itỹnydỹndumy rỹikre. ⁷ Ijò ijyy teeryte. Inatxi hãwã ihetxiu ibinatyhy rare: Sodoma, Omora-wana. Ijò hãwã tule ibinatyhy rare. Kia hãwã yludu mahãdu ibutumy heka òta òtanale riwinumyhyre. Hãbuò dori wiwana rexiòrarunumyhyre, hãwyy tule wiwana wahe. Tai tahe Deuxu ihãwã rahure. Bii-ribi heòty diteònyde. Idi Deuxu dibedeerynyde òraruna derare tii. Tiiemy aòhòkỹmy dỹnana riwahinyre. ⁸ Kia tule òbitikò mahãdu-ò riwahinyre. Tiiboho dori ibinamy riwinumyhyre. Aòbinalemy raraykynumyhyreny, taumyreny risurisunumyhyreny òraruna-di. Deuxu rityhynyòre tule ýju ruruna-di risinumyhyreny. ⁹ Tiiboho Mieli wesemy aòkò riwinyre Mieli heka Deuxu ýju dinoduò rare. Tii Satanasi-wana wiribi òtumy rarybemyhyreny, Moi-

sesi umy òraru-ki. Mieli heka ritirỹmyhyre iumy ridyke lau. Iu Mieli Satanasi-ò rarybereu urihimyo rityhynumy rarybere, ixinohòtidile ritehiòtyhy. Urile rarybere: —Deuxule aratehikre. ¹⁰ Kia òbitikò erydu mahãdu aòbina riwinumyhyreny. Aòbinalemy tytyby bede aòmydỹnana rarybere kia rieryòmahã hãrele. Kabede aòmydỹnana rieryumyhyre iwese ibutu iròdu mahãdu rieryumyhyre wese. Tiiboho heka iròdu aòna aòna nohòtijuranadile aòna aònany rotỹnynumyhyre. Tai rexihurenyre. ¹¹ Deuxu heka kia mahãdu kid-itỹnykye, Kaĩ reòsamy raremyhyre wese dori reòsareki. Aòbo Kaĩ ixidi riwinykemy ròhòtynumyhyre heka riwinumyhyre. Kia mahãdu tule Balaaò wesemy riwinumyhyre. Balaaò nieru sòwemy ritakemy ixidi ihỹmyhyre. Tai tahe Deuxudeewimy riwinyòre. Tule kia mahãdu Kore wesemy riwinumyhyre. Deuxu òludumy rexisỹnyre. Tai rexihurenykre iwese Kore mahãdu rexihure wesemy.

¹² Kaiboho wiluuna roxina-ò tebutunyteu, kia mahãdu tule ayreny-ò ralòra. Aworana bedehesi tiiboho ribi nadỹnynumyhyre òbitimyno rieryòreki. Urile rexihydynumyhyre, inywixira-txi tòhòti reaòhyumyhyre. Iwese yhy debure wese tiiboho roire. Urile yhy biu ridyòtyhy. Ròaòtyhy. Sòwemy taheka relemyhyre, ihãrele aòhomy aòkò namyhyde. Òwòru bederaty wahidỹydu wese tiiboho roire. Iratydikemy ratxireriu, ihãrele aòkòlere. Òwòru rubu wese roire tiiboho. Raòromyhyre, rurumyhyre. Kia wese heka kia mahãdu rare. ¹³ Kia òbitikò erydu mahãdu tiu ele risaòhyumyhyre. Ahohokỹ aòwetari òbòhòkỹ idi rehumyhyre wesemy tiiboho inyreny. Iwese òbòbexi-di ròhònynumyhyre wese. Iòraruna òraru-ki aòbina bina iribi ròhònynumyhyre. Tiiboho dori Deuxu inatyhyna ririrenyre. Iwese taina resemymyhyre wese tiiboho iribi resemymyhyreny. Deuxu kia mahãdu-di ritỹnynumy riteònyke bede luruhukỹ-ò. Iribi ròhònyòtyhy. ¹⁴ Enoi heka Adaò dee yreò rare. Adaò juhuu hãbu rare. Debòinatxi riòreky-ribi Enoi rare. Enoi Adaò riòre roko rare. Ihetxiu Enoi rarybere wijinabòdu mahãdumy. Iwese òbitikò erydu mahãdumy roirekre. Enoi rarybere Kristu nonanany: —Tii kanakre tamahãdu sòwe-wana. ¹⁵ Idi ibutumy iny ritỹnynumyhyre. Inyò tii taaòhòkỹmyna aòhòkỹmy rotỹnykre òraruna òraru-ki. Ibutumy òrarudu mahãdu rehukremy Deuxu-my ralahatxinanumyhyreki. ¹⁶ Tiiboho rexirahemyhyre, tiu reysaòhyumyhyre, aòdibo tamywimy rabinadỹmyhyreki ratxikelemy. Rarybenihikỹmyhyre. Ri-wiòhenanumyhyre aò ritamymyhyre xiery.

¹⁷ Waluuna mahādu, òhòtirenny reake aõmybo Wanyrỹ Jesuisi Kristu teòdỹna mahādu juhuu raryberé. ¹⁸ Tiiboho adeereny rarybere: —Bededỹnana roomy tahe ijesu kòdòhònykre, ixidee wilemy tuu rotỹnyemyhỹre. ¹⁹ Kia hābu iny wiribihiximy risỹnykemy, bede aõmydỹnana luudu mahādu. Deuxu Tyytybytyhy-di aõkò ratximyhỹre. ²⁰ Kaiboho waluuna mahādu aityhydỹna-di arurumy bitỹnynyke, Deuxu Tyytybytyhy-na-di bexitòenyberihyy. Deuxu luunay-ki iximy boibeke. ²¹ Wanyrỹ Jesuisi Kristu ruxetòena biraðbenyke. Tii heka umytuedeõna kidiwahinykre. ²² Bi-

wiòhenanyemyhỹke ka ritxiõnyemy rỹira mahādu. ²³ Kia mahādu iworonawe-ribi wese bitake. Ijõ-ò ywina-di brebuna-di bisỹnykemy taòraruna deramy bekowabenyke. Iòraruna aõna aõna-ò akyreny reake.

²⁴ Òraruna lau taruru-di Deuxu arayrubunymy ratximyhỹre. Tii arateòsinykre yramy, tako-ò wowydy-na-wana. ²⁵ Wowydy-na, àlàdỹna, ruruna, Iòlòtyhydỹna, iny Deuxu sohoji-ò kanakemy watxireri tule Inyynyỹ Jesuisi Kristu iny tarasadu-ò. Kata juhuuna-ribi, wiji aõu aõu-ò rahyykre. Kie.

APOCALIPSE

1 Katyyriti-ki tahe bede aõmydõõnana roire. Kia heka Deuxu Jesuisi-ò ritõõnyre. Idi Kristu Joaõ-ò ritõõnyre. Aõhebo ele elemu rotõõnykre heka inydeereny riteõsinyreri, teòdu mahãdu wahe. Ýjuõ heka Kristu riteõnyre Joaõ-ò ibutumy relykemy, ritõõnykemy. ²Iribi tahe Joaõ ibutumy relyyre. Kaki heka riritinyre. Kia heka ijyy rare. Jesuisi Kristu inatyhyna rare. ³Inyõ katyyriti-di rariakeki, eysamy ratxireri. Inyõ ki-amy roholakeki, eysamy ratxireri. Inyõ kia rityhynykeki, eysamy ratxireri. Bededõõnana dori iõhõmy ratxireri. Kia ibutumy rotõõnyke.

⁴Jiarõ heka, Joaõ wahe, dohodõõna mahãdu-ò watyyriti rewahinyreri. Debò inatxi reurò mahãdu Asia bedeki watyyriti rewahinyreri. Ruxetõena, ywina-wana adeereny kanakemy idi watxireri. Deuxu-ribi dori ratxireri, ihetxiu rare, tule tiemy rarekre. Tii dori ruxetõena adee riwahinykre, tule irynana tyytyby riwahinyke, debò inatxi reurò mahãdu wahe. ⁵Jesuisi Kristu tule adee kia riwahinykre. Tii tahe inatyhyna ijyydu rare. Tii juhuru rubu-ribi ixixadu rare. Tii ibutu iõlò dinodu heka tii rare. Tii inyluure. Inyõraru iny-ribi tii riwatarenyre tahãlubu õraru-ki. ⁶Tii Xiwe wahidõõdu mahãduõ ixidee riwinyre, inyboho wahe. Ibutumy ityhydõõdu heka xiwe wahidõõdu mahãdu wese rare, iõlò mahãdu wese wahe. Deuxu rekealãmhyhõke. Ibutumy wowydyna, ruru-wana heka Jesuisi Kristu-ò rawahidõõmy rarekre ihyy hyemy. Kie ⁷Beteheke, tii biuwetykywo-ki naderi. Ibutumy iny tuu robikre. Irubudõõdu tule tuu robikre. Ibutumy iny rahinykre, robukre iõraru-ki. Inatyhy rare. Kie.

⁸Jiarõ AA rare YY rare. Juhuru ludu rare, tule ikonana ludu rare. Deuxu jiarõ rare ibutu ruru wahõrõ rare. Aõu aõu jiarõ watxiwãhãre.

⁹Jiarõ Joaõ rare, aityhydõõdu seriõre wahe. Jiarõ tule awese aõhebo ratõõnyre. Jesuisi Iõlõna õraru-ki. Patmos bedebute-ki jiarõ ratxire, rõtõna wese heka tai ratxire. Jesuisi inatyhyna dori retõõnyre. ¹⁰Nobiutxuõ heka jiarõ aõma Deuxu Tyytybytyhy wadee dobehede. Iu tahe rybeõ-ò raholare, jurõna wodõõny wese heka rare. ¹¹Tahe wadee rarybere: —Biritinyke aõma ibutumy aõbo kai bobikre. Ibutumy dohodõõna mahãdu-ò kia tyyriti biwahinyke. Ka tyyriti tahe biteõnyke heka debò inatxi reurò hãwã-ò: Efesu hãwã-ò, Esmirna hãwã-ò, Pergamo hãwã-ò, Txiatira hãwã-ò, Sardesi hãwã-ò, Filadelfia hãwã-ò, Laodisia hãwã-ò. ¹²Rehera wahewo-ò mobu wadee rarybere. Tahe debò inatxi reurò loosõna mynynalemy rabira, womati tõiõõnyre wahe. ¹³Itya-ki tahe hãbuõ wese rare. Ityky urarehe heka ratxire. Iwerysana heka womati tõiõõnyre

heka rare wyò wõtõna-ki roire. ¹⁴Irade iurahakõ ratximyõnyre. Irue heka heõty wese rare. ¹⁵Iwa tahe bronze womati wese rare. Irybe wodõõny heka bee iiranahakõ wese heka rare. ¹⁶Iruruwe-ribi debò-ki heka taina debò inatxi reurò sõwe rimyõnyre. Irybe mayrehe wiõtxu wese iry-ribi rõtõõnymyõnyre. Iõsõny tahe txu tõtõe wese heka rare, itõõnytyhyre. ¹⁷Kia ibutumy rabireu, jiarõ resera bede-ò rubu wesemy. Tii ruruwe-ribi debò watyre-ki ritidire, rarybere: —Buberuõtyhy! Jiarõ juhuludu rare, ihewoludu rare. ¹⁸Jiarõ rurure, iribi tahe rexixare rubu-ribi, aõu aõu tahe jiarõ watxireri. Tii aruruõtyhy. Rububede dinodu heka jiarõ watxireri, ityre waruru rare. ¹⁹Biritinyke ibutumy tuu tabita wiji. Tule aõbo idi kanakemy biritinyke. ²⁰Adee aritõõnyke aõbo kia ibutumy rare. Debò inatxi reurò taina heka wadebò-ki rare. Kia taina heka dohodõõna mahãdu ýju wese rare. Loosõna mynyna heka dohodõõna mahãdu wese rare.

2 Kia heka biritinyke Efesu dohodõõna ýju-ò: —Kaa heka inyõ rybe rare. Tii taina debò inatxi reurò rimyõnyre idi rõiõmyõnyre iruruwe-ribi debò wahe. Tii loosõna mynyna yky-ki rariareri. Kia womati tõiõõnyre di relere wahe. ²Aaõmysõõnyre wiwihikõ reeryre, awoxieresytere tule. Hãbu bina tiu aitxerenaõna toite. Inyõ Deuxu deõdumy iximy uritere rybedu, teurihitenyete. Kia iruirybe teerytenyete. ³Kaiboho tawoxiereterytenyete. Tule aõhõkõmy tatõõnytenyete waõraru-ki, wijile tule wahe. ⁴Kiaremy tahe sohojile wadee ibinare. Iwese juhuru waluu wesemy aõkõ wiji ahãtenyete. ⁵Kaiboho heka atyhyna-ribi ahewo-ò tadõõsetenyete. Kiaremy ta idi bexinohõtõnyre bexirãhõbenyke. Iwese juhuru atximahãte wese, ixityre boibekemy. Kiamy aõkõkeki, aloosõna mynyna ay-ribi aritakre. ⁶Kiaremy ta akireny sohojile awire wadee. Kaiboho heka Nikolaita mahãdu iaõaõna widõõny derareny wawesemy. ⁷Iny rybeõ ijohona mahãdu bohobabenyke Deuxu Tyytybytyhy rybe-ò timybo Ityhydõõdu mahãdu-ò rarybemyõnyre: —Inyõ õraruna ijesu ritakeki, tamy jiarõ umytedeõna ariwahinykre. Kia tahe Deuxu bederaty ritokre, Deuxu oworu-ki rõiõmyõnyre wahe. Kia bederaty inyru wahidõõdu rare.

⁸Kia heka biritinyke Esmirna dohodõõna ýju-ò: —Kia heka juhuludu rybe rare, Ihewoludu rybe rare. Tii ruribile rexixare. ⁹Aõhõkõmy õõõnana reerymyõnyre. Uriterenodu wesemy toite. Ihãre tahe aõna aõnawiwihõõõnyre rare. Aõludu mahãdu umy rarybereri ibinamy. Tiiboho Satanasi mahãdu roire. Judeu mahãdu aõkõ roire tiiboho tuu raryberẽhãre. ¹⁰Buberuõtyhy kaiboho! Aõhõkõmy õõõnanaõ kanakre debò wiõ tx-

umy wahe. Tahe buberuõtyhyke. Rõtenawo-ki boibenykre. Burubenyke hãrele heka õbitimy biwatyhynybenyke. Iribi tahe irudỹyna rataana adee ariwahinykre. ¹¹ Kaiboho nohõti-di mahãdu, boholake timybo Deuxu Tyytybytyhy heka ityhydỹydu mahãdu-õ rarybemyhỹre.

¹² Kia heka biritinyke Pergamo dohodỹyna ýju-õ: —Kia inyõ rybe rare. Tii mayrehe wiõtxuree dire:

¹³ —Jiarỹ reeryre asỹ, ahãwã wahe. Kaiboho Satanasisỹ-ki tasỹnyteri, irynana rareri wahe. Tahe Kaiboho aityhydỹyna teriõtenynte. Tai tiiboho warybedu Antipasi õbiti rirubunyhãrele.

¹⁴ Ihãre tahe akireny sohojile wadee ibinare. Ayreny-ki inyõ Balaaõ erydỹyna rityhynyre. Tii ihetxiu Balake õraruna-txi aatysydỹymy ribedeerydỹynyre resedỹyke-my. Tii Israeli mahãdu-õ rarybere:

—Xiwena aõma ide tahe birõbenyke tule õta tahe urihimyõ tahe ibinare.

¹⁵ Tule ayreny-ki tahe Niolaita tohodỹyna ijõreny rityhynyre, timybo rexiõrarunanykemy. Kia ibinare wadee.

¹⁶ Tai marybeke tiiboho rexirahĩkemy idi iribi rexixãwidỹnykemy. Tukõkeki, anakre warymayrehe wiõtxuree-di iõludumy areakre wou-ki. ¹⁷ Iny nohõti-di mahãdu, boholake Deuxu Tyytybytyhy rybe-õ timybo Ityhydỹydu mahãdu-õ rarybemyhỹre: —Inyõ õraruna ijesu ritakeki, tamy biu-ribi rỹsỹna rỹikre. Manauratyre-ki heka nii tỹmyra raritimy roire. Õmo nii reryõre. Tunidukrele rieryre.

¹⁸ Kia heka biritinyke Txiatira dohodỹyna ýju-õ: —Kaa heka Deuxu Riõre Rybe rare. Iruwe heka heõty wese rare. Iwa bronze womati wese rare. ¹⁹ Aaõmysdỹyyna reeryreri, luuna, ywina, tyhydỹyna, juhuy ratyre wiji aaõmysdỹyyna. ²⁰ Kiaremy tahe sohojile wadee ibinare: Kaiboho heka Jezabel teijemahãtenynte. Kia hãwyy dori Deuxumy rybedu ixi-di rare. Ihãre tahe õtaõtamy, xiwe rỹsỹmy rotohodỹymyhỹre, ritxoo hõrõ wahe. ²¹ Jiarỹ tule txiõ reijere õtaõta-ribi ixãwikemy. Tahe tuuõhyyre. ²² Idi herina-õ arilidikre ihãbu mahãdu-wana. Tai aõhõkỹmy rotỹnyrenykre. Tiiboho kia rexirãhĩnyõrenykeki, tuu ele elemy ariwinykre. ²³ Iriõre bina arirubunykere. Tai ibutumy aõwidỹynamyna ityhydỹydu mahãdu riwaerykemy. Jiarỹ heka inywo erydu dori rare. Kiaremyta iny sohoji sohoji ariõwinykre.

²⁴ Ayreny-ki tahe inyõ rỹire. Tiiboho bedeeryna bina rityhynyrenyõre. Tiiboho bedeeryna bina rieryõhyyre. Txioinihe, bede ywina sira aõkõ adeereny ariwahinykre. ²⁵ Iwese kaiboho tetyhynyte wese wiji bityhynybenyhyke. Ele ele dori areheminykre. ²⁶ Kaiboho heka õraruna ijesu bitakeki, adeereny ruru ariwahinykre. Kaiboho ihyymy wadeewimy biwinybenykeki, bede bede dinodu mahãdumy boibebenyke, iwese ruru Waha-ribi remyra wese wahe. Tamywikewi womati õhõte-di bede bede mahãdu rihukre, iwese butxi ribõhõnyre wese wahe. Tule adeereny ariwahinykre aõma biurasõ taina wahe. ²⁹ Iny nohõti-di mahãdu, boholake Deuxu Tyytybytyhy rybe-õ, timybo tii ityhydỹydu mahãdu-õ rarybemyhỹre.

³ Kia heka biritinyke Sardesi dohodỹyna ýju-õ: —Deuxu Tyytybytyhy debõ inatxi reurõ dinodu, taina debõ inatxi reurõ dinodu kia rybe rare: —Aõhebo tatỹnymahãtenynte reerymyhỹre. Arumy anireny ratỹnymyhỹre ihãre tahe tarumy ahãtenynte. ² Bexirawahatebenyke ainatyhydỹyna-ki, urikõ-ribi kiemy ixãwiheny. Deuxuko-ki awityhymy aõkõ ixi-di textiemyhỹtenynte. Kia reerymyhỹre aõmysdỹyynareny tewinymahãte. ³ Inatyhyna juhu taholatenytedi, bexinohõtynybenyke. Idi bityhynybenyke aõnanabina-ribi bexirãhĩke. Tukõkreki wasidu wese ierykõmy adeereny anakre. ⁴ Ihãre tahe Sardesi hãwã-ki inyõ reximymy õbitimy rarekremy ihỹre. Tiiboho wahe-ki tyky lyra urahakỹ-di kanariarenkyre kiemy dori õbitimy reximymyreny. ⁵ Mobo rõtarenkyre, tyurahakỹ-di rexitynyrenykre. Inireny Rutyryiti-ribi aritaõtyhy. Idi Wahakõ-õ wahõrõrenymy aritỹnykre tule iýjuko-ki. ⁶ Kaiboho nohõti-di mahãdu, boholake timybo Deuxu Tyytybytyhy heka, ityhydỹydu mahãdu-õ rarybemyhỹre.

⁷ Kia heka Filadelfia dohodỹyna ýju-õ biritinyke: —Kaa heka inatyhymy Deuxu deõdỹyna rybe rare, õbitimy nodu wahe. Tii Davi ijõ rayna dinodu rare. Tii ijõ riraynykeki tiu inyõ riratõbõnyõtyhy. Tii riratõbõnykeki tiu iny riraynyõtyhy. ⁸ Aõhebo tatỹnymahãtenynte reeryre. Akyhynakõmy atximahãtenytemy rieryre warybe dori tetyhynymyhỹtenynte. Tai ijõ adeereny reraynyra. Tii inyõ riratõbõnyõtyhy. ⁹ Bodoholabenykre. Satanasi mahãdu heka Judeumy rexininimyhỹre tukõdu hãrele. Idi adidydenykre akoreny-õ tatiowotimy kedeseke. Iu aluurenymy riwaeryrenkyre. ¹⁰ Aõhõkỹmy dỹynana kanake ibutumy iny urihidỹyymy. Kaiboho warybe tetyhynyta, ywina-di tetyhynyta. Tai ilau arayrubunykere. ¹¹ Ele elemy dori adeheminykre. Ahõrõreny biyrubunykere inyõ aribi rawasinyheny arudỹyna rataana wahe. ¹² Oraruna ijesu inyõ ritakeki. Tii ixyby rubumy ruruõkre. Tii Deuxu heto-ki rasỹnyihykre. Deuxuni ityre raritinykre tule Kristuni tỹmyra wahe. Jerusaleñi tỹmyra tule ityre raritidỹyymy rỹikre, biu-ribi dobehede wahe. ¹³ —Iny nohõti-di mahãdu, boholake Deuxu Tyytybytyhy rybe-õ timybo ityhydỹydu mahãdu-õ rarybemyhỹre.

¹⁴ Laodisia hãwã dohodỹyna mahãdu ýju-õ heka biritinyke: —Kie rybe kaa rare. Tii inatyhyna inatyhy rybe rare. Tii Deuxu-wana bede relereu, ratximyhỹ. ¹⁵ Aõhebo tatỹnymyhỹtenynte ibutumy reeryre. Ainatyhyna-ki inatyhymy aõkõ, txiõlemy aõkõ toite tule. ¹⁶ Tai tahe iõraru-ki ixi-ribi aratarenkykre rexinohõtynyre. ¹⁷ Kaiboho tarybetenynte: —Waaõwiwi-di roire. Awityhymy waxyrenyteri. Wadeereny aõ rasiranyõhyreri. Idi urile texibõnytenyteri. Kaiboho dori abina, iaõkõ mahãdu, adehekỹ, aruety toite. ¹⁸ Kia aratohonykre: —Waribi womati tỹrỹrỹhỹkỹ aworibityhy biõbranykre, aityhynamy wiwihikỹ. Tasỹse tyurahakỹ tule, ade wõtenamy. Tasỹse rueluahina tule, arue ywinamy. ¹⁹ Waluuna mahãdu õhõte-di aribedeerynymyhỹre warybemy tule. Tahe eryrewemy aõsusu-ribi bexitabenykre wadee. ²⁰ Bodoholabenykre. Ijõ-ki rarymy waxyreri. Inyõ roholakeki ihetowo-õ aralokre. Tai tii-wana ariroixikre.

²¹ Òraruna ijesu inyõ ritakeki, tii wawana waryna-txi ronykre iwese jiarý waha-wana nadonymhýde wese. Rõtare dori wawouna-ki. ²² Iny nohõti-di mahãdu, boholake Deuxu Tyytybytyhy rybe-ò, timybo tii ityhydýýdu mahãdu-ò rarybemyhýre.

4 Iribi tahe biu-ki ijòmý rabira rasina wese. Rybeõ raholare, jurònajurò wesemy. Iwese wadee rarybere wese. Kiamy narybede: —Mana òwònyke, aõhebo itxõmo rahudi rotýnykre ini ariteòsinykre. ² Iule tahe Deuxu Tyytybytyhy riwamyre. Iu, inyõ ryanamy rabira biu-ki. ³ Iòsýny heka roosònymhýre womatiwihiký rýsý wese, Jaspe wesena, Sadonio wese. Uwajiõ wixira týre heka rare iryra rirurawonyre. ⁴ Tahe 24 ryna iryra rirurawonyre. Ityre tahe 24my wedu mahãdu ronyre tyyurahaký-di. Irati-ki womati týrýrýhýký-di rarataanamy. ⁵ Biudelaa, biумыта, iryana-ribi dohonyde. Heòtyloo heka debo inatxi reuròmý sòwe iko-ki rýire. Kia heka Deuxu Tyytybytyhy tuu sòwedu rare. ⁶ Tule iko-ki mana aho roire iuramy raurananyre. Irurawona-ki wiòwiò-ki aõni inaubiòwa räire, irue sòwe ihe-wo-ki, iko-ki. ⁷ Aõni delena heka hãldeheký wese rare. Ijõ heka karòtihiký wese rare. Ijõ tahe hãbu òsýny wese rare. Ikonanareny tahe nawiihiký dowòmý nade wese rare. ⁸ Ibutumy tiiboho debò sohoji reuròmý tesòwereny. Ta tiiboho tetya wirawyò rawyò irue dire. Tahe tiiboho rexielehynyòhyylemy txumy rummy rawiunymhý: —Òbitityhy tate, Òbitityhy tate, Òbitityhy tate Inynyrý Deuxu rurutere. Kai tate, tule kai mabekre. ⁹ Kia heka inaubiòwa boho rawiunyre: —Wowydyna, àlàna-wana ryanana-ki rýdu-ò, iki kiemy nodu-ò wahe. ¹⁰ Iu tahe 24 wedu mahãdu heka tatiowotimy taòsýny sutxi ritidimy riwowydynymhýreny resemy iko-ò. Tamy tarataana-di rehummy raryberenyre. ¹¹ —Wadinodureny, waDeuxureny adee sohojile heka wowydyna, loosòna, àlàna rawahike. Ibutumy dori aõna aõna tewinyte. Adeewimy rýimyhýre idi rariamyhýreny.

5 Ryna-ki rýdu ruruna debò-ki heka tyyriti werywery wesemy rabira. Tyyriti tahe wirawyò rawyò-ki iriti dire, tii debò inatxi reurò iratòbòna sòwe. ² Ýju ruru ruruhuký-my ryrimy dýýraxi-di: —Mobo ityhykre tyyriti ratòbòna aresydýýdukre iraydýý-ki tule. ³ Tai tahe inyõ ijõhyre: —Biu-ki, bede-ki, surawo-ki ijoõhyre. ⁴ Inyõ ityhyõre iraydýý-ki tamy itxere-ki. Iòraru-ki ta urile jiarý rahinymhýre. ⁵ Iule tahe matuariõ wadee narybede: —Hiõmyke, betehe ta inihe Juda mahãdu hãldeheký-ò, Iòlò Davi iriòre riòre wahe. Tii dori tyyriti ratòbòna riorokre idi riraynykre, tii sohojile dori wou-ribi rõtare. ⁶ Kiamy tahe rabira, Budoeni Riòre wahe. Tii ryanana ubey-ki rýimyhý. Aõni inaubiòwa ijõre. Tiiboho-wana tahe matuari mahãdu rýire. Budoeni rurure wesemy rýire. Iò tahe debò inatxi reurò rare. Irue tahe tule. Kia rare Deuxu Tyytybyõ rare, tii bede bedemy nodu mahãdu. ⁷ Budoeni riòre tahe ryanana-ki rýdu ruru debò-ribi ditade, aõma tyyriti wahe. ⁸ Iule ta aõni inaubiòwa, 24 matuari boho-wana tatiowotimy rejujure buddeni riòreko-ò. Tii sohoji sohoji wiuna-di, womati týrýrýhýký hyna-di ratx-

imyhýreny. Sohoji sohojiro-ki tahe òwòrusò wydysilýnywi-di wese rare. Kia Deuxu tyhydýýdu mahãdu ixitòedýýna violão wese tule ratximyhýreny. ⁹ Tiiboho wiutýmyramy rawiunymhýrenyre kamy wahahe:

—Kai atyhy tate Tyyriti raydýý-ò, iratòbòna eresydu tule. Arubumy heka Deuxu-ò Ixýju ixýju teõbranyte. Irybe wixira wixira, ibede wixira wixira iixýjuna tule. ¹⁰ Iòlòmý tewasynytenyete Deuxu dee tule xiwena wahidýýny mahãdu wahe. Idi hãwã hãwã ariwedun-nyrenykre. ¹¹ Ýju sòwetyhymy rabira ryanana wero-ri-ki, aõniboho matuari-boho tule. Miliaõ hõkýmý rasòwerenyre. ¹² Tiiboho rirajuahakýmý rawiunymhýreny: —Wowydyna, ruruna, deysana, àlàna, loosòna tamy sohojile rawahinyrenyke buddeni riòre-ò. Tii dori rurure ityhymy ¹³ Tai tahe ibutumy biu iròdu iròdu, suityre iròdu, bera iròdu iròdu ibutumy aõna tule rawiunymhýreny ryanana-ki rýdu-ò. Budoeni riòre-ò tule kia rawiunymhýre. Rarehykyle, rarehykyle heka rarekre. Kie. ¹⁴ Aõni inaubiòwa rirawyònyre: —Kie, Matuari 24 tahe reserenyre iko, kiemy noduko-ò.

6 Tahe Budoeni riòre heka tyyriti ratòbònaò riòre. Kiamy rabire. Tule aõni inaubiòwa mahãdu-ò narybede rybenihikýmý biумыта wodýý wese. Mana ini itxeremy. ² Tai retehere awaru urahakýmý rabire. Tairýdu iwaxiwahate dire. Tamy irudýýna rataana riwahinyreny. Tahe rare wou rõtakremy.

³ Tahe ijõ ratòbòna riorore. Ijõ aõni tahe narybede inatxina wahe: —Mana ini itxeremy. ⁴ Idi awaru sòhòký ròhònyre. Inyõ ityre rýdu-ò ruruna riwahinyre, wou ritelenykeny bede bedemy. Tai hãbu mahãdu wii rahukremy. Tule inyõ mayrehe ityre rýdu-ò riwahinyre.

⁵ Tahe inataõna ratòbòna riraynyre. Ixyby inataõna aõni rybe-ò raholare: —Mana ini itxeremy. Tai retehere. Awaru lybimy rabire, ityre rýdu urihina-di tebò-ki. ⁶ Tahe aõni-ribi rybeõ-ò raholare: —Womati nieru sohoji-di heka urihina sohojile heka trigo rawykre, txusohoji aõmysýdýýna òwy wahe. Tule inataõ urihina sevada rawykre, txusohoji aõmysýdýýna òwy. Uritere ta uva-ò, adýý-ò aõhe isýdýýõmykre.

⁷ Tahe inaubiòwana ratòbòna riraynyre, Budoeni riòre wahe. Ixyby inataõna aõni rybe-ò raholare: —Mana ini itxeremy. ⁸ Tai retehere. Awaru bisamadòbòlýre wesemy rabire. Ityre-ki rýdu heka Rubu inire, heòty bede rubunana iheludumy. Inyõ ityre rýdu-ò ruru riwahinyre. Tai ròhònyre iny rirubunykre. Inaubiòwa iny-ribi heka, sohoji rirubunykre. Wou-ki, rama desemy, rubutyhy-di, iròdu debure-di heka iny rurure.

⁹ Tahe iruyrena ratòbòna riraynyre. Tahe Xiwena wahedýýna rawo-ki iny mahãdu rabire Deuxu rybe òraru-ki, tatyhydýýna òraru-ki rururenyre mahãdu wahahe. ¹⁰ Tiiboho rirajuamhýre: —Deuxu Inynyrýhýký, kai tyhy tate, òbiti tule. Tiu wexi waòwyreny bilidikre, warubudýýdureny-ò? ¹¹ Tahe iximynamynamy tyyurahaký-di rexitynyreny. Tahe tamyreny rarybere urihimýò rexielehinyrenykre. Ijoiireny iwesereny ruru-rukru riraòrenykre. Isòwereny rexihureu wahe.

¹² Tahe debò sohoji reuròna ratòbòna riraynyre. Kiata idi suu ramytywatare inihikýmy. Txuu urile rurunyre, ahãdu isòmy relere, halubusò wese. ¹³ Taina tahe sutxi dejujude iwese bederaty yhydebore ritxiwimyhýre wese. ¹⁴ Biu titxibo ikòre, iwese tyryiti rarasemyhýre wese. Ibutumy hãwãlò bedebute tule taherina-ribi ratare. ¹⁵ Iu tahe ibutumy iny rexiwore hãloohokýwo-ò, manahaký hewo-ò tule. Tii roire Iòlò mahãdu, bededinodu mahãdu, soldado dinodu mahãdu, ityhy mahãdu irurutere mahãdu, ibutumy ijò mahãdu rexiwore. ¹⁶ Tahe taixiwotena-ribi rirajuamyhýreny: —Watxireny mana heka bedesede ryanana-ki rýdu lau rekexiwòrenykemy. Budoeni riòre debure lau tule. ¹⁷ Deburena txu, kyarana txu heka reare tamy, mobo riijekre.

7 Idi tahe inaubiòwa ýjumu heka tuu rabire. Tiiboho heka inaubiòwa bedehitxihitxi bedemy rýire. Tahe rimyreny yhyhyký tebò-ki heka rimyreny. Tii heka òwòru radeò raykýhyky roire. Bede-ki aòkò, aho-ki aòkò rebònyra? ² Tule ijòmy rabire ýjuòmy ibryra-ribi raririmy. Deuxu irumy nonadu hãletena nihiký widýýna heka diwymy idi nade. Iribi tahe inaubiòwa ýju-ò tii rryre: —Txiokre inihe. Iwotòmodýýòmyke wa suu, bee, òwòru. (Kia ýju mahãdu dori, bede, bero, wotòmodýýdu mahãdu ihýre.) Biraòriòreke heka Deuxu hãletena deòdu òru-ò aritidikre. ⁴ Tiwesebo kia ritidýýna rimymy idi rare. Tahe raholare heka jiarý tiweserebo. Ta 144.000 iny ibutumy. Israeli ijoi waòinatxi reurò kia ijoimy heka ixidee rimyre. Sohoji sohoji ijoi-ribi 12.000 inymy heka rimyre: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeaò ijoi-ribi, Levi ijoi-ribi, Issacar ijoi-ribi, Zebulò ijoi-ribi, Jy-je ijoi-ribi, Benjami ijoi-ribi, Kia ibutu ijoi-ribi heka 12000 inymy rimyre.

⁹ Iribi tahe sòwemy inymy rabire. Timy heka idi wari-ramahãduòkre. Ibutu 12.000 hãwã hãwã-ribi wirotyre. Bede ibutu rybe wixira wixira rybedu ibutu ijoi wixira wahe. Tai tahe Budoeniube-ò tiiboho rotamanyreny. Budoeniko-txi ryanako-txi wirotyre. Ibutumy tiiboho ityurahakýlemy roiremy. Horeni iru-di heka roiremyhý. ¹⁰ Tahe rryreny —irariemy rryreny: —Biu-ò hena waDeuxu-ribi nade ryanana nihiký-ki ronyreri. Tule Budoeni-ribi nade. ¹¹ Tahe ýju ibutumy heka widotyde ryanawerora-ò, tule matuari mahãdu tule iwo-ki. Inaubiòwa aòni ibutumy resereny ryanana nihikýko-txi resere taòsana sutxi ritidimy Deuxu kia wowodynamy relere. Kie, myheka rarybere: —Wowydy-na, Bedeerydýýna, deàlàna, loosòna, aruru, aixiòlòdýýna. Ibutumy heka kia kanakre inyDeuxu-ò. Rarehykyle, rarehykyle heka rarekre. Kie. ¹³ Tahe wawiò inaubiòwa matuari mahãduò wadee rýýraxire: —Kai aòbo teerymahãte kia tykyurahaký-di ratxirenyreriò, tule tiribibo ròirerí? ¹⁴ Tahe rarybere: —Aòkòre wanyrý, reerykòre. Bedelyyke wako. Tahe wako tuu delyyde. Kia heka dòhònyde heka aòhòkymy dýýnana-ribi dòhònyde rare. Ityky rityranyre heka Budoeni riòre hãlubu-di. ¹⁵ Taiki heka ryanana nihikýko-ki ratxirenyreri Deuxuko-ki. Kaheka ruu, txuu-wana heka rãähimy ratximyhýreny taheto bededýýnana-ki. Kia ryanana-ki

rýdu tahe riyrubunyrenykre. ¹⁶ Tii rama rirubudýýrenyòmy heka bemomo boho. Tii txutòteeheký-wana wirisýnyòtyhy ybòtò boho-wana, txutye boho-wana. ¹⁷ Budoeni riòre dori ryanana nihikýko-ki ratximyhýre. Tii heka aryýna adee riwahinymyhýkre. Tii heka adi itxeredukre heka aradykre heka Umyituedeòna ube-ò. Deuxu irube rirubudýýnykre.

8 Budoeni riòre debò inatxi reurò hãletenamy ribòhònyre, aòdee biu-ki roholaòhyre heka byy, myle roire: aòwodýý wodýýhomy aòkò. Wadee meia hora txumy bedemy bede rewyre. ² Debò inatxi reurò ýjumu tuu rabire Deuxuko-ki nyidemy. Tahe inyò tamy riòremy idi retehere debò inatxi reurò ajurònamy.

³ Tahe iwixira ýju nade. Tii womati týrýrýhýký atara nihiký. Tahe xiwenatyre orarade rýny wihiký ritoonyre. Inyò riwahinyre ýju-dee sòwemy. Riurinykemy Deuxu ijoi ixitòedýýna-wana xiwenatyre-ò risòkemy aderòna rýnyreheký heka womati týrýrý xiwenatyre-ki ritxiwire Deuxu ryanako-txi. Ýju iribi tahe kia ibutumy raòwònyre Deuxu-ò. ⁵ Tahe heòty-di heka ýju atara ritýxinyra idi heòty-di rehure biu-ribi bede-ò. Tai tahe biumytxi ramytxynihikýnyre heka suu biu tawe ri-hetenyrybe wese wodýý ramytatate.

⁶ Tahe debò inatxi reurò ýjumu heka rexiwinymy rýire ajuròna-di jurònykemy.

⁷ Juhu ýju heka rurònyre. Iribi tahe bedejutytyhyký heòty hãlubu-wana raurinymy bede-ò rejuxunyre. Bedejura tahe roomyhý asirade, bedero-wana inataò-ribi, sohoji roomyhý.

⁸ Iribi ihewoludu txuròna-di rurònyre. Tahe berahaký-ò resere hãwãlò nihiký wesemy. Tai ibutumy heòtylawò txuramy ituere. Iyre bee tahe hãlubuhukýlemy relere. Iyre utura tahe ituere.

¹⁰ Tahe ihewoluduhe txuròna-di rurònyre. Iribi tahe tainahakýò berohokýre-txi resere berayre-txi tule.

¹¹ Tainahaký heka ihyre inire. Tahe sòwemy iny ituere ihyre bee riurinyreki.

¹² Tahe ihewotyhy tyaludu txuròna-di rurònyre. Tahe aòwesele txutyemy txuu roosòòhyre. Tahe ahãdu tawekremy turutyhy inihe relere taina tule. Tahe bederurunytyhyre heka.

¹³ Tahe idi retehemy jiarý rãiwãhã. Tahe tuu rabire nawii nihikýò ruòmy ratxireriò. Tii iryru-di heka rarybemyhý: —Bede heka rabinakre. Bede heka rabinakre. Suludu bede iny-ò rrymyhý: —Txiioinihe sòwemy aòbina binahaký rexiòtýmyranykre. Tahe hewotyhyludu ýju txuròna-di kudurònykre heka bede rabinatyhykre.

9 Ijò ýju tajuròna rurònyre. Tii heka iruyre hewoludu rare. Tahe ijò inymy rabire. Biu-ribi suò taina resere wese tii resere. Tamy ijò raynaò diwahinyde, hãloo nihiký ratòbòna rayna wahe. Hãloo nihiký heka ireheheký rare. ² Tahe riraynyre. Wàdasi iribi tahe dòhònyde. Iwese tahe bede rurunyre wawerorareny-di. Txuu, ibutumy rurunyre wàdasi lybyhyký òraru-ki. ³ Tahe seihihýlyby wese heka wàdà-ribi dòhònyde tahe desede suò. Seihe heka itytibòròhòký wese heka ihe rare. ⁴ Asi rubudýýòmykre bederaradeò tule, òwòru tule. Inyò Deuxu kia ritidýýna iòru-ki

rÿiðkeki, tahe tule tamy ijira rÿikre. ⁵ Iny rubudÿÿmy aðkðre. Tahe iny aðhðkÿmy rotÿÿnykemyre heka iruyre ahådumy. Aðhðkÿmy rotÿÿnymyhÿre kia ihe juberereri riijererimy ihÿre. ⁶ Kia txuu tahe ixirubudÿÿmy reamyhÿre. Tahe aðkðre heka timyhe ixirubudÿÿkðmy tamyhe rubu dehemynyðhymyhÿde. Tukemy heka riwisÿnymyhÿre. Tahe aðkðre rubu iribi rahenymyhÿre. ⁷ Seihikÿ heka awaru wese rare. Iwese awaru rexiwinymy wou-ki ralðkremy rÿimyhÿre wese heka rare. Irati-ki rÿire womati tÿrÿÿhÿkÿle irataana wahe. Iðsana heka iny ðsana wese rare. ⁸ Irade irehehekÿre hãwyy radehekÿ wesele. Txuu tahe leað juhukÿ wesele rare. ⁹ Wyhy itxena ibreti-ki roimyhÿre. Womatile ibreti rare. Bede heka urile rawodÿÿnyhÿkÿmyhÿre. Iwese tewe awaru-di nodu sðwe iwodÿÿ rare. Iwese aðbina-ð raijaramyhÿre wodÿÿ wese wahe. ¹⁰ Seihikÿ heka bðrðhywe nihikÿ wese heka rare. Tahe iruru-di rare. Iny riwotðmonymyhÿkemy iruyre ahådumyhÿmy. Iherona ramytxtyxre iruyre ahådumyhÿmy. ¹¹ Iiðlð heka hãloo rahejihikÿ wedu heka rare. Ini heka hebreu rybe, Abadu rare. Grego rybe heka, Apolið heka rare. Iny rybe heka iny hàdu hàduhukÿ rare.

¹² Juhuu bedebinahakÿ ituera rðhðnyra. Katahe ijð iwitxira kðdðhðnykre inatximyhÿmy wahe.

¹³ Ijð ÿju tajurðna-di rurðnyre. Tii heka debð sohoji hewoludu rare. Raholare heka rybeð-ð. Womati xiwena-ð ribi rðhðnyre. Xiwena-ð heka inaubiðwa sðwe. Kia womati tÿrÿÿrÿ xiwena heka Deuxu ryanako rÿire.

¹⁴ Kia ÿju-ð heka rarybere ijurðna dinodu wahe: —Inaubiðwa ÿju besedÿÿnyke ixinamy rðhðnyke. Tii heka Bero nihikÿ ròtena-ki, bero Eufratesi-ki. ¹⁵ Tii heka ròtena-ki ratximyhÿre kia bededÿÿnanau, kia txuu, kia ahãduu kia beðrau. Iribi tahe riðlðdÿÿnyrenyrene. Iribi tahe ihewoludu iny ibutumy rahure. Iyreyre inatað hãwã jurajuramy heka rahure. Inatað jura-ribi sohoji sohoji rirubunyrene. ¹⁶ Tahe jiarÿ raholare tiweserebo aðbinadumy rÿire. Iny 200.000.000 inymy rÿire. ¹⁷ Tahe aðbinadumy rabira awaru tyre ronyreri. Awaru tyre ludu tahe iwyhy itxena dire. Ibutumy wako-ki rÿire. Ibutumy rabire. Womatihikÿle, heðtyhykÿwesele heka rare. Ijð heka tÿreura rare safira wese. Ijð tahe tÿre raramaðbð wesele. Awaru rati heka leað ratihiðkÿ wesele rare. Heðtyle iry-ribi rðhðnyreri wàðasi enxofre-wana wahe. ¹⁸ Kia heðty heka inatað jura-ribi sohoji jura iny rahure. ¹⁹ Tule awaru nohewòru heka iruru dire. Iryribile tahe iheðty rðhðnyre. Taile iruru rare. Hemylala rati wese dire rurðmy heka inatxi hemylala juwesele. ²⁰ Iny ituere sÿtybymy tahe rarðnyre. Deuxu deaðlana dee heka reðbyðhyre. Diabo mahãdu luulemy ratximyhÿrenyrene. Aðma rityhynyrenyrene womati tÿrÿÿhÿkÿle ritxoo, ðwòru ritxoo suritxoo, mana ritxoo. Kia ritxoo heka aðki robiðhymyhÿre, að roholaðhymyhÿre. Rariaðhymyhÿre. ²¹ Iðraru-ribi roxirãhiðtyhy iribi tahe rahðtinyrenyrene að ðtaðtamy, rubudÿÿnamy, wasinamy, ðwòrumy. Kiale rðhðtinyrenyrene.

10 Tahe iwitxira ÿjuhukÿ rabira biu-ribi suð robehererimy. Biuwetykywesehekÿle iweroramy rÿireri. Tahe owaji wese iratikile roireri. Iðsÿny tahe tx-

uwewehekÿle, iwaube tasÿ heðtyhykÿwesele roosðmy. ² Tii heka tyritinadile debð ritÿtenymy ratximyhÿ. Tahe itÿte heka deboube-ki roimyhÿre. Tahe tawaube ruruludu heka betye ritidimy idi rÿire. Tawahyweludu tasÿ ityti-ð ridemy idi rÿire. ³ Tii rryre heka tarurumy. Leað irahãkÿwesele rryre. Iu tii rarybereu, debð inatxi reurðmy heka ramytxynymy dirawyðnyde. ⁴ Tahe rir-itinyre heka aðmybo timykira raryberenyre wahe. Tahe rybeð-ð raholare: —Kia widÿÿðmy. Kia rybe hewa ierysyna aðkð rare ixinamy tahe tuu roiike. Biritinyðke aðmybo ramytxyna rarybere? ⁵ Tahe ÿju suki ratxireri, beki ratxireri ruru ludu debð biu-ð riteðsinyre:

⁶ —Deuxu-ribi heka tuu raryberé, warybemy inatyhymy. Deuxu heka tiemy rarehyyle rare. Ibutumy heka riwinyre biu-ki rÿira bede-ki rÿira-wana. Tai heka warybe inatyhymy rare. Ararybekre heka raroorehenyðtyhy kaki. ⁷ Debð inatxi reurðna ÿju tajurðna ritxuronykre heka, Deuxu ibutumy relemy rÿikre iwese rarybere wese. ⁸ Iribi tahe rybe biu-ribi wadee nade. Wadee rarybere: —Biðryke hewa tyritina ÿjudèbð-ki naderi suki bera-ki kia rÿireri. ⁹ Tai tahe tamy rehe-mynyneri iðhðmy tyriti tamy rexitðenyrene. Tahe wadee rarybere: —Biwyke. Birÿsÿke. Juhuu tahe bidi wesemy ary-ð bidekre. Birÿsÿkreu tahe ibutumy rahyrenykre awo-ki. ¹⁰ Iribi rewyrã rerÿsÿra. Iwese tii juhoo raryberã wese rare. Ibreere juhoo. Iribi rerÿsÿreu tahe, wawe rubererenyrene. ¹¹ Tahe wadee rarybere: —Kai heka dohodÿÿmy makre ixityre ibutumy inywitxiramy heka botohodÿÿkre. Ibutumy inywitxira witxira-my botoho. Ibutumy rybewitxira witxira botohomy. Ibutumy iðlðmy botohodÿÿkre.

11 Iribi tahe inyð wadee diwahinyde urihixinað. Wadee rarybere: —Biurihikesÿ titxibo Deuxusÿ rÿimyhÿré. Iwo tule xiwena wahidÿÿna biurihike. Idi mariake tiwesebo iny iwo-ki rÿirémy. ² Tahe ahana-ki iube idi riraðmyke. Tii dori ityhydÿÿdukðdu mahãdu dee wahisidÿÿna rare. Tiiboho dori 42 ahådumy idi rariakre. ³ Jiarÿ dori inatxi rybedu idi watxiwãhãre. Tamy ruru ariwahinykre. Tii heka saumytykyle rariakre. Tii heka rybe ritÿnynykre beðra inatað weeremy. ⁴ Rybedu inatxi heka bederaty ðwòru inatxi wese rare. Tahe tule inatxi loosðna mynydu wese heka rare. Kia Deuxuko-txi rÿire wese heka rare. ⁵ Inyð idi ibinamy riwisÿnykeki, tahe ixirubudÿÿmy rorukumyhÿre. Heðty iryribihikÿle rðhðnyke heka iny rirubunyke. ⁶ Tii heka irurudire biu dejuxu lau riekemy. Tahe tiu biu reseðtyhy heka inatað beðra weeremy wahe tii Deuxu rybemy rarybereri wahe. Ihãre tahe tii rexirahðreke bero nihikÿmy aho nihikÿmy hãlubumy rexirahðreke. Ihãre tahe ibutudee bina riwahinyke, rubuna riwahinyke tiiboho awimy tai raharenkeki. ⁷ Kia heka inatað beðra weere rikonananykeu, rybe tÿnydÿÿdu inatxi rikonananykeu, hãloo rehe nihikÿwo-ribi aðni kðdðhðnykreu, tahe aðbina nihikÿ-ki heka iu rÿikre. Tahe inatxi rybedu rirubunykre. ⁸ Iumy rubu tahe hãwãry-ki roikre, tibo inyry rirubunyrele. Rawesenanyre, kia hãwã arininikre Sòðma ada Egito wese. ⁹ Inatað txuu weere riwydi hãwã ube-ki iumy rubu

roikre. Inyõ heka tiu rituunyõtyhy. Ibutu iny hãwã hãwã-ribi ibutu rybe wixira-ribi heka tamy itxeremy rehemynkre. ¹⁰ Ibutumy heka iny teysamy rýikre urile iny widee aõna aõnamy riwahinyhýkre. Tiiemy inyõ raaõmysýdýõtyhy kiatxuu. Tai heka tahõti heka itxi reakre kia inatxi rybedu rurure tahõti itxi reakre. Lisini heka rýikre, worana bedehesi. ¹¹ Kia txu inataõ txuweere-di, iumyreny iruna kòdòðekre tamy Deuxu-ribi. Tiiboho lamamy rotamanykre. Iny rarokonykre heka ruberu nihikýmy rýikre heka. ¹² Inatxi rybedu-ò heka rybetereõ biu-ribi nade: —Kai-boho bòdòibedenyke kaõ. Tahe biuwetyky raòwònyrenyke kia iòludu mahãdu idi retehemy rýireri yrubule. ¹³ Kiaule tahe bede ramytatakre. Debò wiò heto jura jura-ribi heka sohoji resere. Tahe 7000 inymy rurure. Tahe iny rarokonykre tahe iuhe ruberu nihikýmy rýikre. Tahe wowydyna riwahinykre Deuxu biu-ki ratximyhýreò.

¹⁴ Inatxina bede dýñnana bina tahe ròhònyre. Tahe ijõ kanakre.

¹⁵ Debò inatxi reurò ýjummy heka juròna rurònyre. Tahe sòwemyhe iny rarybemy rýimyhý, rryrmy rýimyhý: —Kia bede dýñnana, iòlòna, inynryý hòrò rare. Kristu hòrò rare. Aõu aõu tii ibutu ibutu iòlòmy ronykre.

¹⁶ Wawiò inaubiòwa matuari tahe, rynana-ki ronyrenyleri Deuxuko-txi. Tahe Deuxuko-txi resereny. Wowydyna tamy riwahinyreny:

¹⁷ —Kai Deuxu, tuu tate ihyummy, ibutururu ratyre aruru rare. Aruruteremy bonykre bede dinodumy. Umy reàlàmy kia-ò.

¹⁸ Iny heka ibutumy alau ruberumyhýre ibutumy òludumy rýire, adee deburemy rýimyhýre. Rubu hitxidýña heka bede reamy heka roire. Eòdurenyle heka riòwynyke, aijoi riòwynyke, rybedu mahãdu wahe. Ibutumy ani rityhynymy rýira, nihiký iya-wana, kia bede huduhuký rare. Ibededýñnana reamy heka roire.

¹⁹ Biuwetyy riraynyre Deuxu heto. Ibutumy heka lobidýña tyriti hyna iwo-ò iny robimy rýire. Iu tahe bi-umytxi, biudelaa ibutu yhynihiký, ibutumy bede ramytatamy rýire, berahaký tule resere.

12 Iribi tahe ròhònyre warasina-ki aõbo. Aõhebo bede ritýnykremy, biuwetyy-ribi hãwyyõmy rabire. Txuu wese tahe itykyra. Tii lamamy rýire ahãdu tyre. Tarati tyre-ki tahe tainahaký rataana idi rýire, waòinatxi taina wahe. ² Tii heka bòtòmy ihýmyhý. Rryrmy heka txubrere riijemy tabededýñnana-ò resera uladu reakremy. ³ Iribi tahe aõna aõna biu-ki rexisýnymy, aõni hemylalasò nihiký wese wahe. Irati tahe debò inatxi reurò sòwe iratimy. Debòwiò sòwe heka iòmy. Irataana heka iratimyna myna rýimyhýre. ⁴ Tii tahe tòhewòru-di taina ributunymy ridyre. Bede tyre-ki idi rehure, taina juràð. Tii hãwyyko-txi rýire. Uladu reakreule tahe uladu riròkremy. ⁵ Tahe tohouã reare, hãbumy heka reare. Tii iòlòmy heka ronykre, ibutu bede bede iòlòteremy wahe. Ihãre tahe Deuxu ridyre. Raòwònyre heka Deuxu rynana-ò. ⁶ Hãwyy tahe rahenyre bederahy-ò. Tii 1260 txumy heka tii beder-ahy-ki bede riekremy. Deuxule heka tii riywinyre.

⁷ Biu-ki heka aõbina nihiký rýire. Mieli, ýju dinodu heka, tajjoi-wana raaõbinanyre aõni-wana tajjoi-wana.

⁸ Aõni tahe resera tajjoi-wana. Ròtara. Biu-ribi ròhònykemy tahe idi ratxireri. ⁹ Riteònyre biu-ribi, aõni nihiký heka ròhònyra. Tii heka hemylala nihiký wese rare. Satanasi inire, Diabo wahe. Itxenadýýdu heka rare ibutumy iny. Suki resera, tajjoi-wana. ¹⁰ Raholare tahe biu-ribi rybeò-ò: —Deuxu tarasana heka rehemyny. Tii taruru riteòsinyre iòlòtyhy raremy. Kristu taruru riteòsinyre. Aõbina bina rybedu tahe Deuxu-ò rarybehymy ratxireri, txu-wana, ruwana. Tii tahe ròhònyra biu-ribi. ¹¹ Waityhydýýdu seriòre mahãdu heka ròtara Budoeni hãlubu-di, inatyhyna hãlete-na-wana. Rurukemy ratxireri tiiboho tamydeewikeki.

¹² Beysabenyke biu mahãdu. Koityhyxe tahe ahohoký, bede-wana. Diabo dori adee rehemyny. Tii reburere, ibededýñnana dori iòhòmy reare.

¹³ Iu hemylala aõni heka bedekile ratxirerimy riryreu, tahe hãwyy tohouã-wana kia-ò aõhòkýmy rotýnykemy risýnykemy idi ratxireri. ¹⁴ Tahe hãwyy heka nawiihiký-ribi idei rihuòtera, tahe idi ruòra beder-ahy-ò, tasý-ò. ¹⁵ Hemylala aõni tahe bee sòwemy tary-ribi rarybexinyre hãwyy ribòròbòròdýýkemy.

¹⁶ Tahe aõkòre. Suu tary riraynyre tahe ibutumy bee riòre. ¹⁷ Hemylala aõni tahe reburemy reare hãwyy dee. Ibutumy hãwyy ijoi mahãdu rirubunyke idi ratxireri. Kia mahãdu tahe Deuxu bede ywina rityhynyre, iwese Jesuisi tuu ritýnyre wese. ¹⁸ Tai hemylala aõni ýnyrakile rýire.

13 Iribi tahe aõnimy rabire berawo-ribi ròhònyre warasina-ki. Tii heka debò inatxi reurò iratimy tahe debò wiò iòmy ijòdire. Rataanaõ tahe sohoji sohoji iò-ki rýire. Irati-ki tahe nibinamy heka rýire. ² Tii heka hãlòe wesetyhymy rare. Iwa heka ursowa wesele heka rare. Iry heka hãlòery wese rare. Aõni heka tamy ruru sòwemy riwahinyre, irynana wahe. ³ Iribi heka rabire iratiõ, sohoji heka wotõmonahaký dire. Tahe reytereri. Ibutumy iny riòtiinyre. Aõni riheludunyre. ⁴ Aõni hemylala heka taruru riwahinyre aõni-ò. Tai tahe ibutmy iny heka aõni riwowydynyre. Iny rarybere: —Mobo heka aõni wese rare? Mobo ijesedukre? ⁵ Aõni heka aõbina bina rarybere. Inyõ ribyrenyõtyhy. Ahãdu 42 tii heka kiawesemy rýikre. ⁶ Tii Deuxu dee heka aõbinamy rarybere, Deuxusý dee, ibutumy biuludu mahãdu tule rybebina-di ribinabinadýýnyre. ⁷ Inyõ tamy ruru sòwemy riwahinyre Deuxu ijoi mahãdu-wana raaõbinadýýkemy. Tuu rahañnanykemy heka ibutumy iny wixira wixira, ibutumy rybe wixira mahãdu, ibutumy bede bede mahãdu. ⁸ Ibutumy iny ityhydýýdukòdu mahãdu tamy wowydyna riwahinyke. Budoeni Riòre ijoi mahãdu tahe aõkòre, kia dori ini rýirenyre tyriti-ki. Juhu bededýñnana inireny iwo-ki roire. ⁹ Tahe inyõ roholakeki heka, boholake. ¹⁰ Inyõ ridyke. Riròtenyke ròtenawo-ki. Ijõ tahe rirubunyke. Deuxu ijoi mahãdu tahe rexityhynyke idi òbitimy roirenyrekremy. Kie.

¹¹ Tahe ijõ aõnimy rabira. Tii ròtuòreri bede-ribi. Iò heka inatxire. Budoeni wese heka rare. Ihãre tahe aõni

wesele rarybere. ¹² Tii juhu aõni wese rare, iruru. Rarybere: —Juhuludu aõni biwowodynyke. Kia ratiwotomona-di. ¹³ Budoeni aõni heka aõna aõna wiwihikõmy riwinyre. Tii heõty biu-ribi resekemy tii rotõnyre. Ibutumy iny tuu robire. ¹⁴ Tii ibutumy iny ritixenanyre kia aõna aõna wiwihikõ õraruki. Iny ibutu-õ rarybere: —Suritxooõ nihikõ biwinyke aõni dee. Tii mayrehe-di rawotõmore hãrele ruruõre. ¹⁵ Tahe ihewoludu aõni heka rabunyra suritxoo-õ tahe irumy rõyre. Idi suritxoo rarybere. Inyõ tamy wowodyna riwahinykeki, tii tahe rirubunyre. ¹⁶ Tii rarybera ibutumy iny-õ: —Kaiboho waritina bitidike aõru-txi, eboreny-txi, ruruweludu wahe. ¹⁷ Aõkõkeki tahe aõhoho aõkõ riwyke. Iny kia ritina ijõdiõkeki aõhoho aõkõ rohonykre. ¹⁸ Kai erydõõna sõwekekile, aõhebo tatõnyntemy kaiboho bierybenykre. Kai erydõõnadikeki, aõni heka rierekye. Ini heka iritina rarõõna wese rare 666 ihõre.

14 Idi tahe budoenimy rabire lamamy nyidemy Jerusalõ hãwã-ki. Aõma Siaõ hãwãlõkile rõiremy. Tii-wana heka rõire 144.000 kia inymy heka tii-wana rõire. Ibutumy tiiboho heka tybynimy, inymy heka ibutumy iõru-ki raritinyrõ rõire ibutu õru-ki. Tahe tuu rabire rasinaõmy. ² Biuwodõõ nihikõmy raholare, tule biuwodõõhõkõ ada benihikõ lesetere wese iwodõõ rare. Tahe sõwemy iny rawiunymy rare violaõ-wana, kia wodõõ wesehekõle wahe. ³ Kia heka wiu tõmyra riryrymy rõirenyre kia iny tõmyra rirahura mahãdu. Kia Deuxu rynana nihikõko-txi heka rotõmynyrenyra. Kia inaubiõwa aõnityhy heka waitue inaubiõwa matuarimy tahe ijõmy rõire. Tahe 144.000 kia inyle heka rawiunykeki, awimy rõike. Tii dori aõma tarasadumy ratximyhõrenyre. ⁴ Tiiboho heka tyra roire, tiiboho heka õbiti roire iwese ijadõma ratxirerimy ihõre wese õtadu mahãdu aõkõhyre. Tahe budoeni riõrehekye heka rare titxibo tii rare hemy. Tii dori wydynamy rare. Kia hãbuy-ribi. Bede ywisidõõna juradõõna kia dinodumy heka rare. Deuxu heka Budoeni Riõre-wana wahidõõnamy heka roiremy. ⁵ Tiiboho heka raryberenyõtyhy tiiboho ruidu roiremy. Õbiti heka tiiboho roire. Tiiboho heka rahitxirenyre Deuxu dee.

⁶ Tasõ ijõmy rabire õjuõmy aõma biuwetyky kiako-txi raramy ruõmy rabirerimy. Tii heka Rybewihikõ tõmyra rimymy idi rara aõ inywitxira-õ ritõnynykremy. Ibutu bede bede inywitxira-õ ritõnynykremy. Ibutu rybe-di ritõnynykremy, Rybewihikõ tõmyra wahe. ⁷ Kiamy heka rryryre: —Deuxu bityhynyke. Marybebenyke tii awi raremy nihikõ raremy. Bededõõnana rehemynymy roire ihitxidõõdu bede-õ. Bityhynybenyke tii dori bede ibutumy riwinyre bee, biu ibutumy riwinyre.

⁸ Tahe õjuõ heka ihewomy ruõmy ratximyhõre. Babilonia hãwã nihikõ rexihura. Ibutu iny dori õraruna-txi resera. Kia hãwã mahãdu dori ibutumy iõrudõõnyra.

⁹ Iribi tasõ iwitxira õjusõ tamy nade iheto-õ. Tii tahe rryryry nade: —Inyõ aõnimy ada iritxoomy rityhynykeki, iribi riwykeki iwotõmona iõru-ribi tebõ-ribi riwykeki iritidõõna, tii tahe Deuxu ykarana heka iribi riwykre.

¹⁰ Tiiboho heka aõhõkõmy rotõnynyrenykre õjukõ-txi. Budoeni Riõreko-txi aõhõkõmy rotõnynyrenykre. Heõty

kia bede dõõnana tyhy tiemy raõwõnyhy rarakre. Tii-boho dori tiemy aõnityhy nihikõle, iritxoo-wana rityhynymyhõrenykeki, tiiboho heka iritidõõnale ixi-ki riwymyhõrenyre. ¹² Tai tahe ibutumy iDeuxuhe ywina-di heka iwitxira iny ronykemy heka ratximyhõre. Ibutu aõ õta ibina bina biõludunybenykekye, tiiboho dori aijõ õbitihy boibekemy ikonana-õ. Jesuisi bityhynykekye.

¹³ Iribi tasõ ixityre ijõ rybe-õ raholare watyre-ki. Rarybere: —Kiahe biritinyke: Aõ roorehemy aõkõ heka dehemynymy deade. Kia Jesuisi-õ rurure heka uriõno heka tamy dehemynymy deade. Iribi tahe tule rarybere: atytyby reysamy ratxireri. Myle. Tahe rexielhynymy heka rorukumyhõrenyre aõhõkõmy dõõnana-ribi. Tii dori aõwihikõle riwinyrerimy ihõre. Reeryre heka.

¹⁴ Idi tahe iwitxiramy aõmybo rabire wiribi hitxiramy. Nonoe wetyky urahakõle wese heka rare. Inyõ ityre-ki rononymhõ. Hãbuõ wesehekõlemy heka rare.

Irataanadihikõlemy ronymy heka tarati-ki heka idi rononymhõ. Womati tõrõrõhõkõle wesehekõle irataana rare. Tahe ijõ heka itieresynaõ-di heka tebõkihikõle heka rõire. ¹⁵ Ijõ heka Deuxusõ-ribi nade, õjuõ. Tamyhe rryryre: —Bexitõmyranyke, itieresyna-di tasõ bexitõmyranykre. Bededõõnana rehemynymy roire adee aõ biõrõrõkemy. ¹⁶ Tahe kia nonoe wetyky tyre-ki ronyrerimy tahe rexidelenyre riõrõrõrehe. Riwyrehe ibutumyhe aõna aõna riwyre tahe ributunyre.

¹⁷ Kia ijõ Deuxusõ-ki ratxirerimy tasõ tule debõnadimy ratximyhõ kia tieresyndile ratxirerimy. ¹⁸ Kia õjuõ aõma heõty kia loo-di ratxirerimy tahe dyryde heka tieresyndile tamy rehemynykekye. Tieresyndile biorobeke idi atxibeke. Ibutumyhe bede bede kia biorobeke. Ceifale dori biorobeke. Rubumy dori rõire hitxidõõna-õ. Iribi tahe reare. Tiõ tiõ idi reamy tahyna-õ rabutumy reare kia Deuxu ykarana-õ. ²⁰ Tai tahe bederatyhe risorunynyrenyre hãwã-ribi hitximy. Sõwemy hãlubu rõhõnyre. Kia urihixina heka sohoji metro weere heka rare. Irehere heka bero wese 300 quilometros irehemy. Awaruloymy heka rabeheõmy roire iberõ.

15 Ijõ aõna aõnamy rabire biu-ki ihewo-ribi riteõsinyrerimy. Debõ inatxi reurõmy õjumy heka rimyra kaa aõmysõdõõna. Kidiwydenykre heka debõ inatxi reurõ aõhõkõmy dõõnanamy. Idi tahe Deuxu ykaranamy rexikonanamyhe roikre.

² Iribi tahe bero nihikõmy rabire wako-txi aõma heõty wese, womati tõrõrõ wese. Sõwemy heka inymy rabire kia sutyre-ki nyidemy bero iõhõmy. Ibutumy heka aõni debure deburehekõ kia rubu-ribi ritamy nyide. Iu heka aõni tai roiõhykyre heka, aritidõõna roiõhykyre heka. Tahe aõma aõnimy rahaõnanyrenymy ratximyhõre iritxoomy tule violaõ oworuwodõõkõhe tai rõire, Deuxu rawiunynyrenyry riryryrerimy. ³ Moisesi Inynrõ deõdu wiu riryryrerimy. Tule Budoeni Riõre wiu riryryrenyryrerimy. Kiamy heka rare: —Oi Deuxu, Kai heka aruru-di tate. Aõni tewinymahãte. Ibutu tarasana tewinymahãte. Ibutu heka ary õbiti rare. Awi heka rare. Kai heka ibutu iõlõ tate. ⁴ Iõlõhyky tanamahãte. Tiemy heka rityhynymy hyky hyky tanamahãte Inynrõbohomy. Wowodyna heka adee riwahinymahãke. Kai sohojile

heka òbitityhymy atximahâte. Ibutu bede bede ludu heka anatyhynkremy kedeakre. Ibutumy aõbo tewinyte. Ibutumy bede òbitidÿÿnymahâte heka rieryre.

⁵ Kia bedeõ heka Deuxu hetomy roimyhÿre ierykõnamy roimyhÿre. Iwõte ierykõna. Tii heka riraynyrenyre heka kia bede. ⁶ Kia debò inatxi reurò kia ÿjuhe ròhònyre Deuxu heto-ribi. Diwydehe debò inatxi reurò aõhòkÿmy dÿÿnana. Aõma itykyrenyre, linho urahakÿ itykyrenyre. Irawo-di ibreti wereysanamy tahe womati tÿrÿrÿhÿkÿ reare. ⁷ Sohoji aõniõ aõma Deuxu ykarana hyna sohoji sohoji-ò tamy diwahinyde. ⁸ Deuxu hetowo heka aõma wàdàhàkÿlemy reare. Loosõna dori iruru dori sòwemy rÿimyhÿ. Tai heka urile roosòhòkÿmy ratÿrÿrÿhÿkÿmy. Inyõ heka iròteõna. Debò inatxi reurò ÿjumy. Kia ritxiwimy rexihudile tahe iny ralòke.

16 Deuxu hetowo-ribi ijõmy raholare rybetereõ-ò. Rarybereri ÿju mahàdu-ò: Boibenyeke hewa abede-ò. Debò inatxi reurò hyna bitxiwibenyeke kia Deuxu ykarana hynamy. Tahe ÿjumy dòhònymy deade tahyna-di ditxiwide bede-ò.

² Iribi tahe rexidelenymy reare aõma juhoo ÿju ihyna ritxiwire bede-ò. ÿju binahakÿmy ròhònyre ibutu inymyhe robÿtÿmy reare. Kia aõma aõni kia ritina iòru-ki rÿirele kÿnyhe tuu rÿximy. Tule suritxoo rityhynmyhÿrele kia mahàdule heka yyy ròhònyre.

³ Tahe ihewoludu heka tahyna-di dòhònymy deade. Betyre ritxiwire. Bee hãlubu hukÿlemy reare. Ibutumy bera-ki raremyhÿre ituere.

⁴ Juhu ludu hewoludu tahe ritxiwire berohokÿ tyre heka ritxiwire. Bee ibutumy bewydysyna rihòrònyre. Ibutumy hãlubu hukÿlemy relere. ⁵ Tahe ÿju rybe raholare aõhebo bera-ki rotÿÿnyrerio: —Kai Deuxu, Kai awi tate. Kai òbiti tate. Tuhyy ahâte ihãre tahe tuhyy ahâte. ⁶ Rybe tÿnydÿÿdu mahàdu heka ituere, rurure. Deuxu ijoi hãlubu ritxiwire suò. Katahe rubudÿÿdu kaihe iòwydÿÿdukre. Hãlubu tetxiwiteriki tule iòwydÿÿdukre. ⁷ Tahe raholare ijõ ÿju rarybereri-ò, Xiwenaribi heka ròhònymy: —Kia InyDeuxu heka ibutumy ruru dire. Ibutumy tewinyte òbitimiy awimy.

⁸ Tahe ihewotyhy konana ludu tahe ritxiwire hyna txytyre-ki. Tahe txuu ratòteenyre itòtee nihikÿmy relere. Sòwemy heka iny risòre bedetòtee. ⁹ Tai tahe rirajuamyhÿre Deuxu nibinahakÿmy rirajuarerimiy ihÿre Deuxu dori diteònyde heka bededÿÿnana binahakÿ. Tahe inyõ heka tòhòti rawitxiranyòhyre iraykywydyna. Kiamy ixiwesehyy ròhòtinyrenyre. Kia iny heka aõhe rotÿÿnyòhyre wowydyna loosònabo.

¹⁰ Iwixira ÿju tahe aõma ritxiwire tahyna aõni ryna tyre. Kia heka aõni beludu rare. Tarynana tyre ronymyhÿ. Tahe ibutu irynanareny torohokÿlemy reare. Ibutu iòlòna torohokÿlemy reare. Tahe tòròtò-ki ruruare taaòhÿkÿhÿkÿnareny-di. ¹¹ Tiiboho heka Deuxu nibinahakÿmy ryryre webinadumy roireki taaòhÿkÿhÿkÿnareny-di. Timy heka rexinohòtilosanyòhyymyhÿre aõbina binahakÿ riwinymy roiremyhÿ-ribi.

¹² Tahe iwixira ÿju tahyna ditxiwide. Eufratesi berohokÿ tyre ritxiwire. Tahe ibutumy heka ruÿre. Oriente iòlò mahàdu dee tahe ryy kia riraynyre. ¹³ Tuu rabire heka inataõ tyytyby binahakÿ. Rexitykynyre òrò tykyhykÿ wese rexitykynyre. Aõni heka hemylala aõni inire tahe iry-ribi rexiòlòdÿÿnyrenyre. Tule aõnibina witxirary-ribi, tule aõni rybedubina-ribi. ¹⁴ Iribi heka aõni bina tyytyby kia tyytyby ibutumy heka bede dinodu iòlò ributunyre. Raaõbinanykemy heka dirahude Deuxu kia mahàdu-ò. Deuxu ihitxidÿÿnatxumy rÿikemy heka anade tii dori ibutu ratyre aõna aõna-ki. ¹⁵ Kristu rarybere: —Tahe bohobanyke. Aõwesele heka anakre. Wasidu wesemy heka adehemynymy adeakre. Ibutumy iny wararòsòdu mahàdu teysamy rÿikre. Atyky heka biywinymahãbenyeke tai timyki maixÿrubenyòtyhy adehemynykreu. ¹⁶ Kristu rarybere: —Ibutumy heka widotyde aõbinakedu Mikidu hãwã-ki wahe. Hebreu rybe-ki tahe Armagedom inire.

¹⁷ Tai tahe ikonatyhy ÿju tahyna ritxiwire yhykile. Tahe raholare biumytxihikÿ raholare Deuxusÿ-ki. Deuxu rynana-ribi dòhònyde: —Ibutumyhe rakananamy roire. ¹⁸ Tahe biumytxihikÿle ibutumy rawodÿÿnyre. Tule biu relaanyra. Biu ramytataõmyhÿre idi tahe ramytatare. Tii heka lahityhy rare. ¹⁹ Tai tahe Babilonia hãwã rabòhòre inataõ jura juramyhÿmy. Ibutumy hãwã nihikÿ-ribi hetohokÿ rejuxunyre. Tai tahe kia Babilonia kia òraru-txi tahe Deuxu tòhòti reare. Tai tahe aõhòkÿmy risÿnymyhÿ ibutumy aõbede binahakÿ tamy riwahinyre. ²⁰ Bedebute ibutumy rexiwore. Iribi tahe hãwãlò tytyhykÿlemy reare bedero wesehekÿle. ²¹ Idi inytyre resemyhÿre bera ere erewesele resererimiy ihÿre. Ijõ iutxie tahe 40 quilo bede heka iutxie rare. Kia tahe iny sumy rÿire nibinahakÿmy Deuxumy rarybemy.

17 Tahe ÿju monahyna-ki wadee rybemy nade: —Adee aritÿnynykre aõbo Hãwã Bero sòwe aõhebo rotÿÿnykré heka. Kia hãwã adee ariteòsinykre timybo rare. Wedena wese aõhòkÿmy rotÿÿnykremy. Deuxu heka aõhòkÿmy dÿÿnana riwahinyke kia hãwã-ò. ² Bede iòlò dinodu tamyhe iòraruna tamy rexiòrarunyre. Tule iny bedemy rÿira mahàdu ralòre tamy òtaòtamy. ³ Tai ta kia ÿju tamy riwadyre bederahy-ò. Deuxu Tyytyby wadee dobehede? (Riwatyytamy watyytyby heka ridyre). Tai tahe tuu rabire heka hãwyymy aõma iròdutyre-ki ronyrerimiy. Iròdu heka isòhòkÿlemy roire. Debò inatxi reurò irati rÿire, tahe iò debò ituemy sòwe. Iritina heka aõkòre rarÿÿnymyhÿre. Deuxudee heka aõbina binahakÿlemy tai iritidÿÿna rÿimyhÿre. ⁴ Hãwy heka isòhòkÿ ityky rare, iwihikÿ rare. Ityky tyre heka womati tÿrÿhÿkÿ roire. Mana rÿsÿ wiwihikÿ, woumana-wana. Bemonana debò-ki idi rare. Iwo-ki tahe bemonawo-ki tahe aõna bina nibina tai roire. ⁵ Tai tasÿ iòru-ki tule rÿire iniõ. Aõbo rare tahe iny rieryòtyhy. Babilonia Nihikÿ rare. Ibutu wedenase tii rare. Ibutu inybinase tii rare. Kia luunadu ibutumy bede bede-ki. ⁶ Iribi tahe rabire hãwy ixityre. Tii iny hãlubu riòre. Ityhydÿÿdu mahàdu hãlubu-di rexiòdewàrinymy heka rare. Tiiboho rurure, òbitimiy Jesu-

isimy rityhynyreki wahe. Kia hāwyy my tahe rabireu, rexiòtiidỹnyre. ⁷ Tai tahe ýju wadee rarybera: —Aòherekibo bede teòtiiny my tỹite. Adee arelyykre aòbo rare —kia hāwyy iròdu-wana, aritỹny nykre tiibo-ho aòbo raré. ⁸ Iròdu tuu tabita, irumy rare tahe ruru-rukre ele elemy. Tii hāloorehehekỹ-ribi kòdòhònykre. Iribi tahe rexihukre. Tii rurure idi ixbyby dòòsede. Bede iny mahādu bede riòtiinykre idi heka iròdu debure binamy robirenykre, bede riòtiinykre idi. Tiibo ho dori ini ihoòre iru tyritiwo-ki. Tai tahe iròdu deburebina lau ruberure. Iròdu dori ihetxiu irumy rare tahe wiji aòkòre. Idi tii irumy kanankre ixbyby. ⁹ Kia ibutumy adee aritỹny nykre: Debò inataò rati tahe iròdule rare. Kia hāwyy ityre ronyre kia hāwālò wesere. Iròdu rati tule iòlò mahāduò rare, debò inatxi reurò sòwe. ¹⁰ Iruyre iòlòò tahe resereny. Sohoji iòlò tahe ratximyhỹre. Ihewotyhy ikonanaludu tahe, kanakre wijina. Tai ibededỹnana iòhòlere. ¹¹ Iòlò debòinataò ludu tahe iròdu rare —kia irumy juhoo rare tahe wiji ruru-ru rare wahe —tii juhoo iòlò mahāduò rare. Tii tule ituekre. ¹² Debò itue òmy tuu tabitam y wahe tule iòlò mahādu rare. Tiibo ho kanakre iòlòwesemy. Iròdu-wana tiibo ho hāwā wedumy ronyrenykre iròdu aòni-wana sohoji horamy. Tii tytyby bina rare. ¹³ Tyritiò riwinykre idi tahe ibutumy ruru-na iròdu bina-ò riwahinykre. ¹⁴ Raaòbinanyrenykre my heka Budoeni Riòre-wana. Tahe Budoeni Riòre aòbina-ki haỹnadukre. Tahe ýju wadee rarybere: —Tii dori butu iòlò, ibutu iòlòna ratximyhỹre. Ibutu inynyrỹ ratximyhỹre. Ijoi heka kia ywimy tii-wana roire itarasaò-ki. Kia rityhynykre my rỹirerimy ihỹre. ¹⁵ Tahe kia ahohokỹ, berohokỹ tai kia hāwyy ronymyhỹré. Tiibo ho iny rare ibutu rybe-ribi, bede-ribi wahe. ¹⁶ Debòwiò òmy tuu tabita iròdu-wana heka hāwyy derareny. Tii irurawonykre. Tii heka heòty-ò risòmy, riròrenykre wiò wiò. Ityky iribi ritara idi. ¹⁷ Ibutumy inywese rare. Bede bede iny ibutumy rybe òta òta rarybemyhỹre. Tahe Deuxu heka riwahinyre aòbo ixideewimy riwinykre my. Tai tahe aòwaxiny aò tam ywi heka riwinykre. Tai tahe ibutumy iròdu sòhòkỹ taru riwahinykre, Deuxu Rybemyna bede rỹidi. ¹⁸ Hāwāhākỹ nihikỹ tabite heka wedena wesemy roire. Kia Hāwāhākỹ heka ibutu wedu iòlò rare.

18 Tai tahe ijòmy rabire ýjummy rabire biu-ribi ròhònyreri. Tii sòwemy iruru rare. Tii sòwemy iloosòna rare. Ibutumy bede ritoosònyre. ² Ta rryre tarurumy tii rryre: —Babilonia nihikỹ resera! Resera! Katahe aòma wedumy, bede bede iòlò heka tii-wana òta riwinyre. Ibutu iny-ò tamona riwahinyre iòtaòta boho boho. Nawii wixira wixira ibinahakỹ tai rasỹny myhỹre, tytybybina-wana. Ijohodu mahādu idi nieru sòwemy ributun yre. Idi rexityhynyre.

⁴ Iribi tahe raholare ixityre rybeò biu-ribi rarerí. Manake hewa, Bòdòhònyke wa kia hāwyy-ribi. Kai heka wajoi toite. Tii-wana bexiòrarunybenykemy aòkò! Bexiòrarunybenykeki tii-wana, tai tii-wana aòhòkỹmy botỹnykre. ⁵ Tii heka iòraru sòwe nihikỹmy ratximyhỹre. Deuxu heka aòhòkỹmy dỹnana tam yriwiny my ratximyhỹre iòraru-ki. ⁶ Biwiny myhỹre heka iwese tii ri-

winy myhỹre wese. Aò ibinamy ibinatyhymy tam yrelekre. ⁷ Aò ibinamy ròhònyke inatxi bededỹnany tam y ròhònykre. Ibutumy aòbo tam ywimy idi raremyhỹ heka riwiny myhỹ ixideewimy. Katahe iwese aòhòkỹmy rotỹnykre tahe rabadewokre. Hāwyy tahe ixidee rarybere: —Jikarỹ ikòlò rare. Wytese anokò jikarỹ rare. Tiku heka rabadewokòtyhy anohòkỹmy ratykỹnykòtyhy. ⁸ Tai taheka aòwesele heka tam y be-òtiidỹnydu kedehemynymy bedeakre: rubu, aòdese, rama uritereribile tam y kedehemyn ykre. Heòty ibutumy ritoonykre. Deuxu urihixina-di dehudu ratximyhỹre. Tii ruru-di ratximyhỹre. ⁹ Kia bede dinodu mahādu rahinykre itòenamy. Tii-wana dori òta òta riwinyreny. Tiibo ho robikre wādà iribi ròhònyreriò wahe. ¹⁰ Irehemy iribi rỹire. Ruberuri iaòhòkỹmy dỹnana lau. Tahe raryberenyre: —Babilonia hāwā, kai hāwā nihikỹ rare. Tahe wiji ituera atximahāte. Kobelàhàxe. ¹¹ Ibutumy aòna-ribi ijohodu rahinykre itòenamy. Inyò dorihe iaò tam y riwydyòmy tam y ijohonamy aòkò. ¹² Juhoo heka raaòbradỹny aòma iny mahādu ratyre. Womati tỹrỹrỹ riòbranyòre. Tule woumana riwyerimy ihỹre juhoo. Tykyisòwihikỹ wixira wixira heka riwyerimy ihỹre. Tule òwòrulnyre, iròdu nohòmy riwinyrery ihỹre. Bede ritxoo ibutumy aòna iòwyhykỹre. Womati òta òta wiwihikỹ riwyerimy ihỹre. ¹³ Aòma rỹsỹna uri wiwihikỹ tule aderòna wiwihikỹ, tule wĩ riwyyre, paò widỹna, adỹy-wana riwyerimy ihỹre. Tule maixòmo, broreni, budoeni, awaru, tewe, ityti heòty, tule iny deòdu iòwydimy. ¹⁴ Tahe ijohodu mahādu rarybere hāwā-ò: —Ibutumy aòna aòna wiwihikỹ ituera, kia kaibo ho riwyerimy ihỹre. Tiu ixityre aòna aòna riwyòtyhy, ixāwira. ¹⁵ Tahe aòna-di ijohodu mahādu rabadewokre, rahinykre tiibo ho dori iòraru-ki raityhynyreny. Irehe-ribi retehere. Ruberuren yre. Rryreri: ¹⁶ —Kobelàhàxe hāwā wihikỹ. Ibutumy atykysò ituera, awomati wiwihikỹ ituera, woumana, manawiwihikỹ ibutumy ixāwire. ¹⁷ Sohoji òraule ibutumy iaòna aòna ixāwira. Ibutumy hāwòhòkỹ dinodu urile, iwiòhenadỹnydu mahādu tule suludu mahādu retehereri irehe-ribi. Tii dori nieru ritam yhỹre iaòna-di. ¹⁸ Iu hāwā wādàsimy robirenyre tahe, rryre: —Kia hāwā wihikỹ rare. Ijò hāwā iwese ihoòhyre. ¹⁹ Tahe brybysi ityreny rehurerimy ihỹre. Rahinyreri, rryreri: —Bobrekỹ, bobrekỹ hāwā wihikỹ. Aòwesele heka ixāwira. Ibutumy ityhy mahādu, iaòna rexihura. ²⁰ Tahe kaibo ho beysabenyke biu ludu mahādu. Hāwā nihikỹ dori ituera. Deuxu hòrò mahādu, Deuxu deòdỹna mahādu, Deuxu dee rybedu mahādu ibutumy beysabenyke. Deuxu dori iaòhòkỹmy dỹnana tam y riwahinyre aòrauru-ki.

²¹ Tahe ýju nihikỹ heka manaò rimyre, mana nihikỹò, iwese maixòmosyna mana wese wahe. Idi rehure ahobero-ki rehure. Tahe rryre: Kiawese heka Babilonia hāwā-di arehukemy watrixeri waruru-di. Ixāwikre. ²² Tahe wiu wodỹy kia hāwā-ki roholaòtyhyke, harpa wodỹy aòkò, flauta wodỹy aòkò, juròna wodỹy aòkò. Aaòmysỹdỹnydu aòkò kia hāwā-ki raaòmysỹdỹnyòtyhy. Mai rỹnna, manasy na iny heka iwodỹy roholaòtyhy.

²³ Loosòna ay-ki ritoosònyòtyhy. Herina mahādu rybe ay-ki iny roholaòtyhy. Iaõna ijohodu mahādu ibutu hāwā-ribi ityhy rare. Tule ibutumy iny riitxenanyre aò-taòta-di, bede bede iny wahe. ²⁴ Babilonia hāwā heka aõhòkỹmy dỹnana rotỹnyre. Deuxu rybedu mahādu hālubu dori kai tetata tule Deuxu hõrõ mahādu. Rirubunyre mahādu wahe.

19 Iribi tahe ijoi nihikỹmy roholare. Ryrymy heka rỹimyhỹ sòwemy iny rỹimyhỹ biu-ki. Deuxu deysanamy heka ryryreri: —Wowydynamy Inynyrỹ-ò. Tarasana dori inyDeuxu-ribi rare. Wowydyna, ruruna ibutumy ihõrõle rare. Aõbo tii riwinyré, òbiti rare. ² Aõhòkỹmy dỹnana òbiti rare. Aõhòkỹmy rotỹnyre heka kia aderana-ki heka rare. Tii aõhòkỹmy dỹnana ritare. Bede iny heka riòrarudỹnyre. Tahe Deuxu riòwinyre teòdu rubudỹna heka riòwinyre. ³ Ixityre ijoi ryrynyre, rawiinyre: —Wowydyna Inynyrỹ-ò. Wàdà raòwònyreri tai rawòsi-ribi. Ihyymy raòwònykre, hāwā nihikỹ-ribi wahe. ⁴ Tahe ibutumy rejuxunyre Deuxu luukemy. Wawiò inaubiòwa matuari rare. Tule in-aubiòwa aõni rare. Deuxu tahe rynana nihikỹ-ki ronyre. Tamy rirajuare: —Kia, Kia, wowydyna deysana Deuxu-ò. ⁵ Iribi heka ròhònyre Deuxu rynana nihikỹ-ribi heka rybeunimy ròhònyre: —Biwowydyny-benyke Deuxu-ò ibutumy deòdu mahādu, ibutumy iny rityhynymyhỹre mahādu, iyja ta nihikỹ-wana. ⁶ Tahe ixityre ijoi-ò raholare. Ryrymy rỹimyhỹre. Tahe benihikỹlesetere wese heka iwodỹ rỹireri, biumytxi wesehekỹle heka iwodỹ rỹireri: —Wowydyna Inynyrỹ-ò biwahinyke. Tii iruru dire. Tii heka iòlò rare. ⁷ Ibutumy iny rekeysarenyke. Tamy wowydyna rikiwahinyrenyke. Tii dori inihikỹre. Iòhòra dori kia Budoeni Riòre kia hāwyymy herina kia bededỹnana-ò. Worana bedehesi kỹnyikre. Ihāwy heka rexiywinymy ratxireri. ⁸ Tyyurahakỹle-di rexiyynyke. Awityhymy ity doimyhỹde wahe. Deuxu dee awihikỹ widỹna wese heka kia ratxireri. ⁹ Kiamy heka ýju wadee rarybere: —Kia biritynyke. Ibutumy lobidỹna mahādu reysamy ratxireri. Ýju wadee rarybere ijõ: —Kia heka Deuxule tuu rarybere. Inatyhy rare! ¹⁰ Tahe jiarỹ resere ýjuko-txi ariwowydynykemy. Tahe tii wadee rarybere: —Kia widỹõmyke hewa. Jiarỹ tule Deuxu deòdule heka jiarỹ rare, awesele wahe. Aityhydỹdu seriòre tule awesele rare. Rarybemyhỹre dori Jesuisi tyhydỹnamy. Deuxule biwowydynyke! Ibutumy Jesuisi relyre heka tuu rybedu mahādu ritỹnyre.

¹¹ Iribi tahe tuu rabire awaruurahakỹõ biuwetyky-ki. Inyõ ityre-ki ronymyhỹ. Ini heka Òbiti rare, Inatyhy rare. Tii heka aõbinanymyhỹle rare. ¹² Irue heka heòty wesele rare. Irati heka sòwemy raheto rỹire. Iò-ribi heka nii roire, ini wahe. Urile inyõ rieryòtyhy mobo ini rare, tyriti wixira dori tiile heka rierye. ¹³ Ihety heka hālubuhukỹle-di ityre rare. Deuxu Rybe heka inire, hābu wahe. ¹⁴ Sòwemy iny heka awarutyre-ki rỹire, biu-ribi dòidenyde Deuxu Rybe hewomy, soldado wese wahe. Iny ibutumy ityura-di rexiyynyre, ityatyhy wahe. ¹⁵ Tii heka mayrehe rabuhukỹle iry-ribi ròhònyrerimy ihỹre. Idi tii heka iny rirubunykemy ibutu

bede bede-ò. Iribi tahe tii ròhònyre iòlòtyhy tii rare. Aõhòkỹmy dỹnana tamy riwahinyre, ibinatyhymy heka riwahinyre, Deuxu iwona, Deuxu ruruwedu wahe. ¹⁶ Ihety-ki heka iti-ki rỹire iniõ: Iòlò iòlò wedu tii rare, ibutu wedu wahe.

¹⁷ Iribi tahe ýjumy rabire, txu-ki rỹire. Nawii ibutu-ò ryrymyhỹ: —Bòdòibedenyke heka, Deuxu worana bedehesina-ò bòdòike rỹsỹna birỹsỹbenykemy. ¹⁸ Aõmade biròbenyke, iòlòde, soldadu wedude, iawarude, ibutumy inyde biròbenyke, ixihy mahādu, deòdu mahādu, nihikỹ iyja-wana.

¹⁹ Iribi heka tuu rabire aõni binahakỹ, iòlò mahādu, tasoldado mahādu wana. Wii ributunyre aõbinamy. Awaru tyre-ki ronyrerimy kia mahādu-wana tiiboho raaõbinanykemy. ²⁰ Tahe aõni bina rimyrenyre, rybedu bina-wana. Teròwomy tii aõna aõna wixirawi riwinyre. Iribi ridyrenyre heka heòtyaho-txi idi re-hurenkykemy, enxofre-di riworonyre wahe. ²¹ Ibutumy isoldado heka ituemy rỹimyhỹre rumy. Mayrehe-di rurumyhỹre, kia awaru ura tyre-ki ratxireri kia ryribi ròhònyreri kia-di rurure. Tahe rarausa deadeade ide riròkemy.

20 Iribi tahe ýju nademy biu-ribi. Irayna heka deòdu-ki idi rỹire. Hāloonihikỹ rayna wahe. Tule womati rerotihikỹle iruty-ki roire. ² Kia aõni rimyre, Diabo wahe, Satanasi wahe. Inyõ tule hemylala raninire. Tahe 1000 beòra riekre ritaataare womati reroti-di. ³ Idi heka rehure hāloo nihikỹ-ò tahe riratòbònyre, rirarytxynyre. Tai tahe tii riitxenanyòtyhy bede bede iny. Kia 1000 beòramy bede reakreule, tahe rexihumy iròtena. Urihimyò bededỹnana bede riiekre, ixihyyle tai ixbyle ròbòdỹkre.

⁴ Iribi tahe rynana sòwemy rabire. Iny ityre ronyreri mahādu ywisidỹdu mahādu heka rare. Iribi heka tuu rabire Jesuisi dee rurure mahādu. Inatyhyna rybe tỹnydỹ òraru-ki heka rurure. Aõni rityhynyõre, iritxoo rityhynyõre, iritina òraru iòru-ki ritidiòtyhy, deboreny-ki ritidiòtyhy. Rubu-ribi tiiboho rexixarenyre. Kristu-wana ratxireri 1000 beòramy. ⁵ Kia heka juhuludu ixixana heka rare. Ijõ rubu mahādu heka wiji rexixaòkre. Tahe 1000 beòramy reareu, tahe rexixarenyke. ⁶ Juhuludu ixixana mahādu heka reysatyhymy rarekre. Ixyby rubunamy heka ruruòkre, inatxina rubunamy wahe. Deuxu dee, Kristu dee heka tiiboho Xiwena wahidỹdumy roirekre. Tii-wana 1000 beòramy riwyrenyke, iòlò mahādu wesemy heka ratxirenkyre.

⁷ Kia 1000 beòra reareu heka Satanasi ixihyymy ròhònykre bedeki. ⁸ Tii itxenadỹdumy ròhònykre ibutu iny riitxenanykemy. Kia Kòke bede, tule Makòke bede rare. Satanasi heka sòwemy iny ributunykre raaõbinanykemy. Tiiboho sòwemy ihỹre ýnyra sòwe wese. ⁹ Tiiboho tahe ibutu bede-ò rariarenkyre ityhydỹdu hāwā rirurawonyrenyre kia Deuxu hāwā Deuxudeewi wahe. Idi heòty biu-ribi isòrenymy desede. Idi wewòsimy rururenyre, Deuxu iny mahādu òludu wahe. ¹⁰ Tahe diabo iitxenadỹdureny heka Deuxu rehure heòty aho-ò. Tai aõnibina, ruimy rybedu-wana juhu

delemy tamy reserenyre. Tai txummy rummy aõ rotÿÿnyrenyhyykre.

¹¹ Iribi tahe ryanaurahõkÿmy rabire ityre rÿ-du-wana. Suu biu-wana iribi rexitare, titxibo iõrenyre. ¹² Tahe iny rubummy rabire, iny ibutummy iko-ki rÿirenyre. Tyyriti rarayre. Ijõ tahe rarayre, irutyriti wahe. Tyyriti-ribi Deuxu iaõna aõna rierymy aõhebo risÿnykre. ¹³ Ahohokÿ-ribi tahe rubu mahãdu dõhõnyde. Rubunahakÿ bede-ribi iludu mahãdu dõhõnyde. Idi iaõna aõnamyna Deuxu timybo rexinohõtinkyremy idi rare. ¹⁴ Idi rubunahakÿ, rubuna-wana heõtياهو-txi idi adehu rÿikre. Kia ixyby rubu rare. ¹⁵ Iru ityyriti-ki inyniõ roiõkeki, tii tule heõtياهو-txi adehu rÿikre.

21 Idi biu tÿmyra sutÿmyramy rabire. Juhusu juhu-biu titxibo ikõrenyre, ahohokÿ tule. ² Deuxu hãwã wihikÿ tÿmyra desemy nade biu-ribi. Iwese ijadõma tÿmyrawesemy ramyhÿre wese kia hãwã nade. Deuxu-ribi nade. ³ Tahe rybehekÿ biurynana rÿdu-ribi nade-õ roholare kiamy: —Kahe Deuxu sÿ heka akireny rare. Deuxu ikyreny-ki rarekre. Tii iwedurenykre. Tiiboho Deuxu dee roirekre. ⁴ Idi Deuxu irubereny risuhokre. Tai rubu, hii, ibru, txuberere ijõõkre. Bede tyby dori rexihura. ⁵ Idi ryanana-ki rÿdu narybede: —Wiji itÿmyramy ibutummy aõna aõna ariwinykre. Wadee tule narybede: —Kia bityyritinyke. Kaa rybe dori rybetyhy rare, ibutummy iny ratyhykremy. ⁶ Kia ixyby narybede: —Ibutummy relera. Jiarÿ dori AA rare YY rare Juhuludu rare ikonanaludu rare. Inyõ bemomo risakeki, tamy iõwykõlemy ariõkre, beòlõnaberu-ribi wahe. ⁷ Inyõ tarasadu heka ibutummy waribi rymykre. Jiarÿ iDeuxukre. Tii wariõkre. ⁸ Idi kamahãdu heõtياهو aõho enxofre-õ rekoarenyre kamahãdu wahe: —Iny brebu, watyhydÿÿkõdu, òrarudu, maleerudu mahãdu, òta òta mahãdu, iny rubudÿÿdu mahãdu, hàri mahãdu, ritxoo tyhydÿÿdu, ruidu mahãdu. Kaboho rubunatyhy-ò rurennykre. Kia tahe inatxina rubuna rare.

⁹ Tahe ÿjuõ wadee nade, debò inatxi reurò mahãdu-ò. Tii hyna-di ryreri. Hynawo-ki tahe aõna aõnabina debò inatxi mahãdu-di. Kiamy narybede: —Mana ini, Budoeni hãwyy ini adee ariteòsinykre, hãwyy wese wahe. ¹⁰ Deuxu Tyytybytyhy wamy reare. ÿju tahe riwadyre hãwãlõnora-ò. Jerusalẽ hãwã tÿmyra awityhy wadee riteòsinyre. Tii biu-ribi desemy nade. ¹¹ Deuxu loosõna-di yla aõkõ. Tii tahe manawiwihikÿ wese rarÿÿnymyhÿre. Jaspe wese, womati wese mana wihikÿ wese rare. ¹² Tii ijõtòbõna irariere, waðinatxi reuròmÿ ijõtòbõna, iitxedu ÿju tule. Ijõ-ki tahe waðinatxi reuròmÿ Judeusÿ mahãduni wahe. ¹³ Inataõ ijõtòbõna sõwe, iraro-ò, ibòò, biura-ò, beà-ò. ¹⁴ Hãwã rurawona tahe waðinatxi reurò mana tyre-ki rÿimyhÿ. Mana sohoji sohoji-ki budoeni deòdu mahãduni rÿire. ¹⁵ ÿju wadee rybedu tebò-ki womati tÿrÿrÿhÿkÿ deòho-di nade idi hãwã, hãwã ijõ, hãwã rurawona iurihinamy. ¹⁶ Hãwã tahe iurihina wiwesele rare. Tahe 2.200 iurihixina rymy teòho-di tuu riwinyre. ¹⁷ Rurawona raru tahe ÿju taurihixinamy riurihixinanyre idi 64my rymy. ¹⁸ Rurawona tahe jaspe mana-di relere. Hãwã tahe womati tÿrÿrÿhÿkÿ-di relere. ¹⁹ Rurawo

òraru heka mana wihikÿ-di juhumana heka jaspe rare. Inatxina safira rare. Inataõna, agata rare. Inaubiò-wana esmeralda rare. ²⁰ Iruyrena sardonio rare. Debò sohoji reuròna sardio rare. Debò inatxi reuròna trisolito rare. Debò inataõ reuròna berilo rare. Debò inaubiò-wana topazio debò ituena crisoprazo rare. Wasohoji reuròna jasinto rare. Wainatxi reuròna ametista rare. ²¹ Woumanahakÿ sohoji-di heka ijõ sohoji sohoji relera, 12my ijõ wahe. Ryy heka womati tÿrÿrÿhÿkÿhyky-di relera. ²² Tohodÿÿna heto tahe ihoõhyre. Deuxule dori tuu rare, Budoeni-wana. Tai ihoõre. ²³ Txuu ahãdu-wana tai ijõõre Deuxu loosõna, budoeni loosõna dori itxuuxaranarenyre. ²⁴ Bede bede mahãdu iloosõna-di rÿikre. Bede bede mahãdu heka taaõna aõna wiwi-di tamy kidirahukre. ²⁵ Tahe ijõ ratòbòõhÿhykre, tai dori ruu ihoõhyre. ²⁶ Bede bede iòlõ mahãdu heka wowydyna-di tamy kidirahukre. ²⁷ Inybina bina, iny òrarudu mahãdu tamy ralòõtyhy, ruidu mahãdu tule. Inyni heka Budoeni tyyriti irummy rÿimyhÿre mahãdu sohojile wahe.

22 Idi ÿju wadee riteòsinyre, iru wahidÿÿna bero-hokÿ. Ibelyramy Deuxu ryanana, Budoeni ryanana-ribi òlõdu wahe. ² Ryrohokÿ tya-di kaa bera namyhÿde iwyoòwò-ki iruwahidÿÿna bederarade rÿimyhÿ. Tii bederarade wað inatxi reuròmÿ raratynyre. Kia ta ahãdu ahãdu-di sohojile raratynyre. Otxirarade tahe bede bede mahãdu deytana rare. ³ Kia hãwã-ki ihetxi txuhòbina tai ijõõkre, Deuxu aõ ritxuhònyõra tai. Deuxu ryanahakÿ itya-ki rÿikre. Kia teòdu mahãdu riwowydynykre. ⁴ Tiiboho iòsÿnymy robikre inireny iòru-ki rÿikre. ⁵ Tai ruu ijõõkre. Tai txuloosõna ijõõkre. Deuxu dori itxurennykre. Tiiboho tai ihyymy rÿikre iwese iòlõ mahãdu.

⁶ Kia tahe ÿju wadee rarybere: —Kaa rybe tahe inatyhy rybe rare. Bityhynybenyke. Jesuisi rarybere: —Analekre heka tule adehemynnykre heka. Deuxu heka taÿju deòdu adee kanarybekre. Kaheka wylemy ibededÿÿnana kedeakre. Deuxu rarybehÿy ratximyhÿre tÿnydÿÿdu mahãdu-ò, aõhebo bede rotÿÿnymyhÿkremy roimyhÿré. Ibutummy kia tyhydÿÿdu mahãdu heka reysamy rÿikremy rÿira.

⁸ Jiarÿ tahe Joaõ rare. Rabirahe, ibutummy kia raholare. Rabimy rexihurau tahe, jiarÿ watiowotimy resere ÿjuko-txi. ⁹ Ixytyre wadee rarybere: —Iwidÿÿõmy hewa, Jiarÿ heka Jesuisi deòdu tÿnydÿÿduõle jiarÿ watxireri. Ibutummy Deuxu tyyriti ityhydÿÿdu biòwa jiarÿ rare. Deuxule bityhynyke.

¹⁰ Tahe ÿju ijõmy wadee rarybere: —Aõbo teritidÿÿnyteri ibutummy iny-ò rybe bitÿnynyke. Kia bededÿÿnana iòhòlemy ratxireri. ¹¹ Kia bededÿÿnana kedehemynnykreu, aõbina bina widÿÿdu heka aõbinale riwinykre. Iny binabina heka, ibinamy rÿikre iu. Inywiwihikÿ tasÿ awimy rÿikre iu. Kia òbitimy rÿira tahe, awityhymy relekre, òbitityhymy rÿira. ¹² Boholake warybe-ò, aõwesele heka anakre. Uriõno heka adiwymy wadi anawãhãde. Aõbo wadee aõ riwinymyhÿre wahe iwese aõbo riwinymy raremyhÿwesemy heka araòwynykre. ¹³ Jiarÿ heka AA jiarÿ rare. YY tule jiarÿ rare. Tyyriti

juhuu rare. Tyyriti konana rare. Jiarỹ heka juhuludu rare. Ihewoludu tule jiarỹ rare, ibutumy wahe. ¹⁴ Ibutumy tatytyramy rỹira —teysamy rỹira. Tiiemy teysahyyhy rare. Iru òwòru wahidỹyna bederaty heka ritokre. Tule rarònyrenykre kia hãwãhãkỹ-ò. ¹⁵ Ibutumy òrarudu mahãdu tule òwòru widỹydu tahe irehemy Deuxu hãwã-ribi nyimyhỹde. Tule iny rirubunymyhỹre mahãdu, tule suritxoo luunadu mahãdu, tule ibutumy ruidu mahãdu. Ibutumy irehemy hãwãhãkỹ-ribi roimyhỹre.

¹⁶ Jesuisi heka jiarỹ rare. Waỹju reteònyre adeereny kia aõnaaõna bededỹynana relyykemy. Kaiboho heka dohodỹyna heto mahãdu-ò relyyrenyke. Jiarỹ iòlò Davi juhu rare, tule Davi riokore rare. Biurasò taina Jiarỹ rare, loosòna rare.

¹⁷ Deuxu Tyytybytyhy rarybere: —Manake! Tule hãwyymy hãbumy heridu tule rarybere: —Manke! Ibu-

tumy ijohodu tule marybeke: Jiarỹ, Juaõ, tule rarybere: —Manake! Ibutumy iny bemy rurumyhỹre mahãdu tule manake irube biõke. Iòwy-di aõkõ heka rare.

¹⁸ Jiarỹ, Juaõ, rarybere ibutumy iny katyyriti rariamyhỹre mahãdu-ò. ¹⁹ Iny ributunyekiki aõmybo kaki ritydỹyna roiré, Deuxu tamy bededỹyna binahakỹõ riwahinykre karitidỹyna roireki. Inyõ karitidỹyna-ribi ritakeki, Deuxu òwòru runa ijuraõ wahe heka iribi ritakre tule Hãwãhãkỹtyhy-ribi nadedi wahe. Tai rỹire tyyriti-ki.

²⁰ Tule aõmybo narybede inatyhymy tule rarybekre (Jesuisi wahe): —Analekre hewa idi. Araroorehenyõtyhy. Juaõ, tule rarybere: —Kie, Manake Wanyrỹ Jesuisi.

²¹ Deuxu deysana, Inynyrỹ Jesuisi Kristu kia deysana ibutumy adee kanakremy watxiwahãre.